







6.27.2 16.13.


DEFENSIO

DECLARATIONIS

CONVENTUS

CLERI GALRICANI AN. 1682.

DE ECCLESIASTICA^A POTESTATE.



DEFENSIO
DECLARATIONIS
CONVENTUS
CLERIGALLICANI AN. 1682.
DE ECCLESIASTICA^A POTESTATE.

AUTORE

Illustrissimo ac Reverendissimo D. JACOBO-BENIGNO
BOSSUET, Episcopo Meldensi, cum nonnullis Notis.

TOMUS SECUNDUS.



AMSTELODAMI,
SUMPTIBUS SOCIETATIS.

M. DCC. XLV.

Digitized by the Internet Archive
in 2012 with funding from
Research Library, The Getty Research Institute



DEFENSIO DECLARATIONIS CLERI GALLICANI, DE ECCLESIASTICA POTESTATE.

PARS III.

De Parisiensium sententiâ ab ipsâ Christianitatis origine repetendâ.

LIBER VII.

Conciliorum generalium Traditio.

CAPUT I. (a)

*Infalibilitas quibus verbis ab antiquis explicetur : ubi sita sit
quæritur.*



N fidei quoque quæstionibus , præcipuas summi Pontificis esse partes , ejusque decreta ad omnes & singulas Ecclesias pertinere , nec tamen irreformabile esse judicium , nisi consensus Ecclesiæ accesserit.

Cap. iv.
Gallic. Decla-
r.

Quosdam antiquitatis ignaros movit illa vox *irreformabilis*. Hanc sciant ab antiquitate depromptam. Notum illud Tertulliani : *Regula fidei immobilis & irreformabilis*.

Tertul. de
Virg. velan.
cap. i. pag.
173. Ed. Ri-
galt. 1675.

Ergo judicium illud *irreformabile* esse dicimus , quod *immobile* , *irretracta-*

(a) In schedulâ quâdam D. LE DIEU , Capitis primi titulus sic repræsentatur : *Reliqui operis institutum ; hujus libri scopus* ; quod ideo observamus , ne quid prætermisisse videamur ; parvum licet , in D. BOSSUET conferendis codicibus. Cæterum ille titulus malè hic intruderetur , & meliùs præfigeretur Capiti v. in quo D. BOSSUET , postquam quædam addidit à nobis diligenter descripta , in partes hunc librum dividit.

bile, irrefragabile ab antiquis; postremo denique ævo, *infallibile* appellatum est. Quærimus igitur ubi sit collocatum illud *irreformabile* iudicium.

C A P U T I I


*Sententia Parisiensium res inter iudicatas reponenda ex dictis.
de Concilio Constantiensi.*

AC nostri quidem censores Parisiensium sententiam & inter schismata esse ortam dicunt, & variis dissidiis ultrò citròque jactatam, Constantiensis quoque Synodi temporibus fluctuasse. Nos verò procul à schismatibus, ab ipsà Christianitatis origine repetendam ostensuri, priùs præstruimus, res inter iudicatas pridem, ex dictis de Constantiensi Concilio esse repositam. Certè Constantiense Concilium, dùm eas memorat causas, quibus Papa Concilio subsit, primam ponit fidem: ergò Papa Concilio subest, vel maxime in fide: at infallibilem, quà quidem in re talis est, cuiquam subesse nefas: imò infallibili, haud magis quàm ipsi veritati totam Ecclesiam subesse oportet: non ergò ullus hominum, stante quidem Constantiensi Concilio, est in fide infallibilis; atqui demonstravimus Constantiense Concilium, nullo unquam Ecclesiæ decreto labefactatum, imò tantà Sedis Apostolicæ, tantà Ecclesiæ universæ veneratione susceptum, invictà autoritate stare oportere: ergò certà & invictà autoritate constat unius Ecclesiæ, sive collectæ, sive dispersæ, sed tamen consentientis sententiam esse infallibilem.

Dices consecutionem istam quidem esse à nobis deductam, non autem rem ipsam à sacro Concilio definitam. Reponimus: imò verò non consecutionem, sed rem ipsam; neque enim aliud est alteram potestatem alteri esse subjectam, quàm eam quæ subjecta sit, à recto veroque deflectere, & ab alterâ emendari ac reformari posse.

Quare quotquot hætenùs pro Pontificiâ potestate scripserunt Constantiensi decreto nihil opponunt aliud, præter quàm illud toties à nobis confutatum, de Papâ dubio, & fluxâ Concilii Constantiensis autoritate, reponsum: cui immorari, ac dicta repetere supervacaneum est.

Non tamen omitemus, quæ nostro ævo multi comminiscuntur, ex
 Vid. decr. ipsis Concilii Constantiensis confutanda verbis.
 sess. IV. & Primum illud toties decantatum; ex eo Concilio Papam quidem in fidei
 v. negotiis subesse Concilio, sed ut privatum hominem, non ut Papam, vanum ludibrium est; cùm Constantiense Concilium, expressâ etiam Pontificiâ potestate, eam in fidei negotiis Conciliari potestati subesse decernat.



C A P U T III.

Alia modernorum quorundam cavillatio confutatur; ostenditurque ex ipsis Concilii Constantiensis verbis ac gestis, Papam non modo teneri Conciliaribus de fide decretis jam factis, sed etiam in quærendo & tractando, in Concilii potestate esse.

His ergò Concilii Constantiensis verbis statim ruit illud, quod quidam intelligunt: nempe ut Papa quidem in formando circa fidem Conciliari decreto superior habeatur: cæterum ubi res semel à Concilio definita est, non mirum esse quòd prolata sententiæ subesse teneatur; cum illa sententia, non tam à Concilio quàm a Papâ Concilii capite prolata sit: ut Papa non tam Concilio subesse, quàm sibi ipsi consentire videatur.

Ruit, inquam, illud. Neque enim Constantiense Concilium Papam consentire ipsum sibi, sed planè Concilio subesse decernit; & quidem subjungit, *debitè puniendum*, si obedientiam denegarit. Non autem intelligit Papam à seipso puniendum, sed à Concilio supremam & indeclinabilem exercente potestatem; ergò etiam intelligit Papam non ipsum sibi ipsi, sed omnino Concilio esse subditum.

Jam verba illa perpendant Constantiensium Patrum; Papam *in fidei, in schismatis, in reformationis negotiis, omnibusque ad ea pertinentibus factis, vel faciendis*, Conciliari potestati subjici: ergò non tantum *in factis*, de fide decretis, sed etiam *in faciendis* atque formandis, inque ipsâ re quærendâ ac tractandâ Concilio subesse intelligebant.

Conc.
Const. Sess.
v. Tom. xiv.
p. 22.

Nempe sancta Synodus in ipsis principiis professâ est se quidem congregatam, non modò ut de schismate ac de reformatione, sed etiam ut de fide quæreret adversus Wiclefî & Hussi grassantes hæreses: cujus rei gratiâ, vel maximè à Joanne XXIII. convocatam esse constabat. Quare omnino tractatura erat adversus illos hæreticos varias ac maximas fidei quæstiones, ac speciatim adversus Wiclefum, expositura erat ipsum Papalem Primatum, quem ille impugnaverat, ut sæpe vidimus: ergò intellexit, atque decrevit Papam in his quæstionibus Synodo paritutum.

Ib. Sess.
iv. & v.

Quid, quòd jam indè ab initio decrevit Synodus ipsam Synodum talia tractaturam, *nec Papæ recessu dissolutum iri, sed remanere in suâ potestate & integritate Concilium*: eâ scilicet potestate, cui Papa ipse subjicitur. Intellexit ergò, atque decrevit Synodus, etiam recedente Papâ, de fide tractatura, ipsam se eâ potestate esse, ut decreta conderet, cui Papa ipse obedire teneretur, nedum in tractando & quærendo superiorem eum agnosceret.

Ib. Sess. III.

Id verò demonstrant, uti prædiximus, non modò ipsius Synodi decreta, verum etiam gesta. Reverà enim tractata sunt sessione VIII. post recessum Papæ, adversus Wiclefum & Hussum, ea quæ memoravimus; expositaque est circa Primatum Romanum Ecclesiæ fides. Quin etiam, Papâ ipso, Sessione XII. citè deposito, tractatæ sunt multæ adversus Joan-

Sup. Lib. v.

nem Hussum, Hieronymum de Pragâ, & Joannem Petitum, fidei questionibus; nempe sessione XIII. XIV. & deinde cæteris: ergo Synodus non modò decrevit à se posse fieri, sed etiam fecit, idque absente Papâ, imò etiam deposito, decreta de fide, quibus ipse Papa parere teneretur.

Nempe intelligebat Papam absentem corpore, virtute tamen fuisse præsentem, Synodoque conjunctum, qui Synodum congregasset, qui post recessum quoque toties declarasset, se recedentem licet, in Synodi potestate futurum; qui sanctam Synodum errare non posse profiteretur.

Quin Synodus suæ conscientie potestatis, intelligebat se ipsam, quippe quæ Ecclesiam universalem repræsentaret, etiam Papatum ipsum virtute complexam, summo & indeclinabili judicio, nullâque adhibitâ morâ definire posse ea, quæ Ecclesiæ necessitas evidens postularet.

C A P U T IV.

Aliæ cavillationes: Papam subjici quidem Concilio in Fidei questionibus, sed tantum postquam se illi sponte submitit: tum esse quidem illam per sese infallibilem, si non adsit Concilium, sed præsentem Concilio, jam illi subesse.

HUNC nodum alii sic exsolvunt: Pontificem quidem per se se infallibilem in edendis fidei decretis; neque eò feciùs etiam in quarendo de fide subjectum esse Concilio, postquam rem Patribus congregatis quærendam decernendamque permisit.

At hæc à Constantiensibus disertè refutata sunt, cum docent potestatem eam, cui Papa in fidei quoque negotiis subditur, Concilio generali immediate à Christo, non à Papâ esse.

Sunt qui sic sentiunt, inesse utrique, scilicet & Synodo & Papæ infallibilitatem à Sancto Spiritu; ita quidem ut Papa in decernendis fidei questionibus Concilio semel congregato sublit; ac nihilò feciùs, si desit Synodus, seorsim ac per sese sit infallibilis, & semel ab eo dicta sententia, Synodi quoque norma sit, nedum Synodi examini ac judicio sublit.

Hæc opinio neque cum Constantiensi decreto, neque cum Papalis autoritatis ratione, neque secum ipsa convenit.

Non quidem illa opinio convenit cum Constantiensi decreto. Supponit enim illa diverso respectu, in fidei questionibus, ut Concilio Papam, ita Papæ Concilium subjici oportere: at non ita Constantiense decretum; imò absolute, Papam Concilio in fidei questionibus, non vicissim Concilium Papæ subjicit; nullâque exceptione, omnem Pontificiæ potestatis usum Conciliari potestati, ut supremæ, solique ineluctabili subdit.

Neque etiam adversarii hac opinione consulunt satis Papali dignitati, quam in Synodo exuunt innatâ ipsi, ut quidam fingunt, dote: nempe ut infallibiliter de fide vel sola decernat. Atqui hoc absurdissimum; cum profectò

Concilium nihil aliud sit, quàm ipsa Catholica Ecclesiæ repræsentatio, integris omnibus, quæ cuique à Christo sunt dotibus, non profectò sublati, ne non repræsentatio, sed extinctio Ecclesiasticæ unitatis esse videatur.

Denique hæc opinio nec secum ipsa convenit; cùm infallibilitatem à Christo datam, vel perpetuam oporteat esse vel nullam.

Ex his intelligitur id, quod Gerson, & alii nostri docuere, eò vel maxime Papalem potestatem Conciliari subesse, quòd *fallibilem*, atque ut vocant *deviabilem*, *indeviabili* & *infallibili* subesse oporteat: id, inquam, non ex ipsorum peculiari sententiâ, sed ex intimo totius Concilii Constantiensis sensu esse depromptum.

Neque minùs liquet vanos esse eos quos commemoravimus, quique non eodem loco habent nostram de superioritate, ac nostram de infallibilitate sententiam; cùm profectò constet utrasque sententias uno fundamento nixas, unâ ratione connexas, unoque decreto Concilii Constantiensis esse decisas.

Neque immeritò Sacro-Sancta Synodus inter eas causas, quibus Papa Concilio sublit, primam ponit fidem; cùm certo dogmate Pelagii II. ex sancti Leonis autoritate deprompto, habendorum Conciliorum *specialis causa sit fides*; valereque oporteat Conciliorum potestatem in eâ maxime causâ, quæ propria ipsis specialisque sit.

Nostra ergo sententia Constantientibus Canonibus stabilitur iis, quos tantâ sequentis ævi consensione firmavimus. Verùm ut veritas clariùs elucescat, lubet recurrere ad fontes, & Constantiensem doctrinam ex antea actis sæculis affirmare.

Gers. pag.

Epist. Pef.
II. Tom. v.
Conc. post
Conc. v. p.
617. & seq.

C A P U T V.

An Concilii Constantiensis iudicium antiquâ traditione nitatur: præmittimus quædam ex VINCENTIO LIRINENSI, de Ecclesiæ Catholicæ toto orbe diffusæ autoritate: hinc valere Concilia œcumenica: duplex ratio agnoscendæ Ecclesiasticæ consensionis, ac finiendarum fidei quæstionum; altera per Concilia œcumenica; altera sine Conciliis œcumenicis: utraque suo ordine tractanda suscipitur: à primâ ordimur; atque octo primorum Conciliorum generalium traditionem, ac praxim explicare incipimus.

PRÆSTRUIMUS illud immortum, quod est ab omnibus Catholicis; Vincentio Lirinensi exponente, susceptum: valere omnino id quod ubique, quod semper, quod ab omnibus creditum est. Cujus rei radix est Apostolicum illud; fidem annunciari in universo mundo: & de Apostolis dictum: *In omnem terram exivit sonus eorum, & in fines Orbis terræ verba eorum*; atque iterùm ad Colossenses: *In verbo veritatis Evangelii, quod pervenit ad vos, sicut in universo mundo est, & fructificat & crescit*. Neque hæc tantùm Apostolicis temporibus inchoata, sed in ævum duratura, dicente Domino: *Ecce ego vobiscum sum usque ad consummationem sæculi*; & : *Porta inferi non*

Vincent.
Lirin. com.
monit. 1.
cap. III. T.
VI. Bibl.
Pat. p. 250.
Rom. I. 8.
Ib. x. 13.
Pf. CVIII.

5

Coloss. i. 5. 6. *prævallebunt adversus eam*, utique Ecclesiam; quo factum est ut Ecclesia; non hæc aut illa, sed tota & universa ab Apostolo appelletur: *Columna & firmamentum veritatis.*

Ib. xvi. 18. Hæc igitur non ab hoc, aut ab illo Doctore, sed ab omnibus Catholicis uno ore sic intelliguntur, ut sit certissima, invictissima, eminentissima Ecclesiæ Catholicæ consentientis autoritas. Eâ consensione, ut firmissimo ac Divinissimo fundamento, niti Christianos oportet; à quibus, non aliud quid, sed illud in symbolo Apostolico postulatur, ut in *Spiritum Sanctum*. credentes, credant simul *sanctam Ecclesiam Catholicam*; eique vindicent certissimum, quo in obedientiam captivantur, Spiritûs Sancti Magisterium & iudicium.

Vinc. Lir. loc jam. cit. Ib. cap. iv. Quæ omninò efficiunt, ut in ipsâ consensione vis illa indeclinabilis & sit & esse credatur, existitque omninò ex Ecclesiarum consensione, clara & manifesta vox, quâ non partes Ecclesiasticæ, sed ipsam universalitatem audiunt, eodem Vincentio Lirinensi teste, perspicimus: *Sequemur autem, inquit, universitatem hoc modo, si hanc unam fidem veram esse fateamur, quam tota per orbem terrarum confitetur Ecclesia.* Et paulò post: *Quid faciet Christianus Catholicus, si se aliqua Ecclesia particula ab universalis fidei communione præciderit? Quid utique, nisi ut pestifero corruptoque membro sanitatem universi corporis anteponat?*

Hinc illa in Concilia generalia manat, quam in eis agnoscimus, certa & ineluctabilis autoritas. Neque enim aliâ ratione in Conciliis, sive in Ecclesiâ congregatâ, valet unitas, atque consensus, quàm quòd in Ecclesiâ toto Orbe diffusâ æquè valeat. Ipsa enim Synodus eo valet, quòd universalem repræsentet Ecclesiam: neque ideò Ecclesia congregatur, ut valeat unitas atque consensio; sed ideò congregatur, ut quæ in Ecclesiâ ubique diffusâ per se valet, in eâdem congregatâ, ab Episcopis Ecclesiarum Doctoribus, tanquam idoneis testibus clariùs demonstretur.

Ex his igitur duplex intelligitur ratio agnoscendæ Catholicæ veritatis: prima ex consensione Ecclesiæ ubique diffusæ; secunda ex consensione Ecclesiæ in Synodis œcumenicis, sive generalibus adunatæ: quam utramque rationem à nobis sigillatim exponi oportebit, ut vim illam infallibilem & ineluctabilem in toto Ecclesiæ corpore repositam esse clariùs demonstramus.

Inchoamus autem à Synodis œcumenicis, in quibus consensionem luculentius expressam agnovimus: quâ in tractatione statim commemorabimus octo illas primas novem primis sæculis celebratas; non modò quòd cæteris ipsâ antiquitate præluxerint, sed quòd eorum gesta diligentius descripta habeamus.

Id ergò primùm probare aggredimur ex eorum Conciliorum gestis illatas à Romanis Pontificibus etiam de fide sententias ad omnem quidem Ecclesiam pertinere; at nihilo seciùs à Conciliis œcumenicis examinatas, retractatas, interdum rejectas, nunquàm nisi facto examine & quæstione habitâ comprobatas; atque omninò nihil habitum esse pro infallibili atque irrefragabili, nisi id quod universalis Ecclesiæ consensione confirmatum esset. Id cùm probaverimus veniemus deindè ad secuta sæcula, nihilque prætermitemus quo antiqua traditio explicari possit.

CAPUT VI

Concilium Apostolicum Hierosolymis habitum de legalibus, ut omnium Conciliorum generalium forma proponitur : perpenditur illud; VISUM EST SPIRITUI SANCTO ET NOBIS: vis Spiritus in ipsa consensione posita : in eam rem egregiæ Concilii V. ac Sancti Cælestini Papæ in Concilio III. auctoritates.

SACRIS Ecclesiæ Catholicæ œcumenicis, sive generalibus Conciliis; Concilii Apostolici Hierosolymis habiti, de legalibus, præluce-
 ritas. Prima ea quæstio turbavit Ecclesiam. Ergo ibi quàm maximè futuris
 quæstionibus decidendis, formam dari oportebat. Quæcumque igitur ad
 futura Concilia pertinerent, jam ibi perspicuè præstruuntur, quæ nos or-
 dine recensemus.

Act. xv.

Primum, ac statim occurrit habendi Concilii causa, magna videlicet dis-
 sensio, ut habemus ex Actis Apostolorum: *Factâ autem seditione non mi-*
nimâ. Levior contentio non tantum remedium postulasset. Atque id in se-
 cuta Concilia manaturum diligentissimè notari volumus. Exortâ ergo hâc
 contentione tam gravi, subdit Lucas in actis: *Statuerunt ut ascenderent*
Paulus & Barnabas. . . . ad Apostolos & Presbyteros in Jerusalem, super hac
quæstione; nempè ut communi sententiâ finiretur.

Ib. 27.

Ibid.

2°. Erat tùm in Jerusalem Ecclesiâ principalis, in quâ sedebat Petrus
 (b) Apostolorum Princeps. Hinc proditum in sequentia sæcula, ne sine
 Petro & successoribus, atque Ecclesiâ principali, in quâ ipse sederet, Con-
 cilia regulariter haberentur.

3°. Facta est quanta fieri potuit, illis quidem temporibus, cùm adhuc
 Ecclesiæ formarentur, Apostolorum & Pastorum Ecclesiæ congregatio, ac
 perfectissima, pro statu Ecclesiæ, nominis Christiani repræsentatio.

4°. Fit conventus omnium in unum locum: *Conveneruntque Apostoli & se-*
niores videre de verbo hoc.

Ibid. 6.

5°. In ipso conventu tria hæc habentur: tractatus primum, sive con-
 quisitio; deinde deliberatio, sive uniuscujusque prolata sententia; postremò
 ex communi sententiâ, Concilii decisio: atque ea omnia in sequentia Con-
 cilia deindè manârunt.

6°. Et quidem tractatus his verbis actuum designatur; *cùm magna con-*
quisitio fieret.

Ib. 7.

7°. Deliberatio à Petro inchoatur: qui mos deindè invaluit, ut sacri cœ-
 ritus Principes primi sententiam dicerent, iisque autoribus decretum sanc-
 retur. Petrus ergo ubique rectæ prædicationis rerum agendarum auctor,

(b) *Sedebat Petrus*] Hierosolymis non ut in propriâ sede; nam Jerusalem sedes erat
 Jacobi. Significat itaque D. FOSSUET Petrum, qui tunc nulli Ecclesiæ peculiari præsidebat,
 potuisse dici aliquomodo Hierosolymis sedisse; quia ibi ordinariè commorabatur, & eam
 Ecclesiam pascebat verbo doctrinæ.

Ibid.

primus sententiam dicit : Dei arcana pandit , quæ sibi primò de vocandis gentibus revelata essent fundamenti loco ponit ; ex his quæstionem solvit : *Deus in nobis elegit per os meum audire gentes verbum* : & cætera quæ ad Cornelii ejusque familiæ vocationem pertinerent.

Ib. 12.

Ib. 13 14.

8°. Quæ deindè ex illâ vocatione secuta sint , quantaque post Cornelium gentium multitudo confluerit , Paulus & Barnabas edisserunt : quæ firmandæ Petri sententiæ essent. Tum Jacobus dicturus sententiam expresse à Petri dictis incipit : *Viri fratres , Simon narravit* , &c. Quo ritu in secutis Conciliis , dicente cætûs Principe , cæteri deindè placere demonstrant.

Ibid 19.

Ib. 20.

9°. Nec tamen sic agunt quasi usquequaque primæ sententiæ autoritate constricti ; sed ipsi judicant ; & Jacobus : *Ego* , inquit , *judico*. Tùm ad ipsam quæstionem principalem , quæ addenda viderentur , proponit , & de iis quoque judicat ; nempe ut fratres , è gentibus conversi , *abstineant à contaminationibus simulacrorum , & fornicatione , & suffocatis & sanguine*.

Ib. 25.

Ib. 28.

10°. Decretum deindè conditum communi nomine , ac Spiritûs Sancti autoritate adscitâ : *Placuit nobis collectis in unum , & visum est Spiritui Sancto & nobis*. Ibi ergò vis : *Spiritui Sancto & nobis* ; non quòd Petro præcisè , sed quòd *nobis* ; & à Spiritu acti , non unus Petrus , sed ipsa sacri cætûs unitas. Undè & Christus de Spiritu , quem erat missurus , id dixit : *Cum autem ve-*

Joan. xvi.

13.

nerit ille Spiritus veritatis , docebit vos omnem veritatem : Vos , inquit , scilicet Ecclesiarum Pastores , ac cæterorum Magistros. Hinc semper additus Ecclesiæ sacraque congregationi Spiritus. *Credo in Spiritum Sanctum , sanctam Ecclesiam Catholicam*. Et meritò proindè diligenterque à nostris Doctoribus

Vid. Diss. præv. & in app. Lib. I.

quondam dictum id quod memoravimus : vim Conciliorum , *non in solo Pontifice Romano , sed maximè in Spiritu Sancto , & in Ecclesiâ Catholica esse positam*.

Act. xvi. 4.

11°. Re judicatâ per commune judicium , nihil postea retractatum , aut nova cuique relicta discussio est : sed perlatum decretum ad Ecclesias , docenturque plebes *custodire dogmata , quæ erant decreta* (græcè *judicata*) *ab Apostolis & senioribus qui erant Hierosolymis*.

Hæc nos Catholici urgemus communi consensu , adversus hæreticos Conciliorum jussâ & autoritatem detrectantes : quæ sanè nihil valeant , nisi cum autoritate , etiam formam probamus ; vimque ipsam decreti , non in *Petro* solo , sed in unitate , & in Apostolorum ac pastorum Ecclesiæ consensione ponimus.

Bell. de R. P. Lib. IV. c. 11.

Bagot. Apol. fidei. Lib. IV. disp. iij.

cap. II. sect. III.

Bell. de conc. aut. Lib. II. cap. 17.

Ait quidem Bellarminus , id nullâ necessitate factum , cùm non modò Petrus , verùm etiam Apostoli , ex sese ac singulares quoque quæstionem determinare potuissent : quod quidem allis è Bellarmini Societate , imprimis Joanni Bagotio , non probatur : nec placet sic *luisse Apostolos , aut simulatè ab iis institutam quæstionem de re , quam exploratissimam habebant*. Utcumque est , in eo vis erit maxima , si nullo Concilio ac deliberatione indigentes , tamen ut formam darent sæculis secuturis , hanc inierint viam , & *communi sententiâ rem definierint* , ut idem Bellarminus confiteretur.

Et quidem omnia , quæ in hac Apostolicâ Synodo acta sunt , in sequentes manasse gesta prodent. Ergò id vel maximè manarit oportet , quod maximè agebatur , & in quo Apostoli robur esse positum voluerunt : nempe ut *Spiritus-*

ritus Sancti efficacia & vis conjungeretur cum illo, *nobis*, inque ipsa unitate se exereret.

Neque hanc interpretationem à nobismetipsis promimus, sed à sanctis Patribus, totoque adeò universalì Concilio V. à Pontificibus Romanis toties comprobato.

Nempè Vigilius (c) Papa Constantinopoli agens, ubi Concilium habebatur, sacro cœtui certis de causis suam præsentiam denegabat; pollicitus per seipsum se daturum sententiam. At Patres, iisque autoribus & probantibus, Justinianus Imperator sic hortatur: *Inter nos placuit, tam ipsum (Vigilius scilicet Papam) quam nos communiter convenire, eò quòd sacerdotes decet communibus quæstionibus finem communem imponere.* Et paulò post: *Pro his ad memoriam ejus (Vigilii) produximus magna illa Apostolorum exempla & Patrum traditiones. Licet enim Sancti Spiritus gratia & circa singulos Apostolos abundaret, ut non indigerent alieno consilio ad ea que agenda erant; non tamen aliter voluerunt, de eo quod movebatur, si oporteret gentes circumcidi, definire, priusquam COMMUNITER CONGREGATI divinarum Scripturarum testimoniis unusquisque sua dicta confirmaverunt. Unde COMMUNITER de eo sententiam protulerunt: VISUM EST SPIRITUI SANCTO ET NOBIS.*

Conc. C. P.
II. gener. v.
Coll. VIII.
Tom. v. p.
562. 563.

Ut autem pateat eam formam futuris sæculis præluxisse, addunt: *Sed & sancti Patres, qui per tempora in sanctis quatuor Conciliis convenerunt, antiquis exemplis utentes, COMMUNITER de exortis hæresibus & quæstionibus disposuerunt.* Rationem hujus rei afferunt duplicem: alteram, quòd ex discussione & collatione veritas emicaret; alteram, eamque vel maximam, quòd COMMUNITER sententia proferenda, scilicet Sancti Spiritus nomine: quibus sanè duobus, Concilia generalia maximè valent: veritatis elucidatione per collationem, ac Spiritus Sancti judicio per communem sententiam.

Ibid.

Ibid.

Idem antea in Concilio generali III. (Ephesino scilicet) sanctus Cælestinus Papa professus erat, cum suam ad Synodum epistolam his verbis incipit: *Spiritus Sancti testatur præsentiam congregatio sacerdotum; & paulò post: Sanctum igitur est pro debitâ sibi veneratione Concilium in quo utique nunc, frequentissima illius, quam legimus (Actorum XV. scilicet) Apostolorum congregationis aspicienda reverentia est.*

Epist. Cælest. x. ad Conc. Eph. int. act. Conc. act. ij. T. iij. p. 614.

Ex his confutantur quæ quidam, ac imprimis novissimus autor Anony-

Anon. de

(c) *Vigilius*] Vivo adhuc sanctissimo Papâ Sylverio, Sedem Apostolicam invasit, eamque simoniâ, scelere, cædibus retinuit, & tanto munere non ingenio quàm moribus dignior fuit. Nam quo tempore publicè pollicebatur summum suum studium in defendendis quatuor Conciliorum decretis & Leonis epistolæ doctrinâ, eo communicabat secretò cum Acephalorum duce Anthimo, quem latâ sententiâ Agapetus de sede Constantinopolitanâ dejecerat, suisque literis significabat à se improbari Synodum Chalcedonensem & Leonis epistolam. Eo modò se gessit in causâ trium Capitulorum, ut ea Capitula à se prius approbata, nox, non tam ex certo suo judicio, quàm ex imbecillitate, partim damnaret, deinde omnibus V. Synodi decretis subscriberet, ut ab exilio, quo fuerat multatus, revocaretur. Ille Papa, homo varius & multiplex, ut vidimus, eâ unâ re constantiam, seu potius pervicaciam præ se tulit, ut, ne fidem datam liberaret. Nam postquàm pollicitus sæpe fuisset se V. Synodo adfuturum, & cum Episcopis consilia communicaturum, ei adesse recusavit, multis quidem de causis, sed iis omnino vanis, quas vide à Patribus confutatas loco in textu citato. Vid. etiam Liber. Brev. c. xxi. Marcel. Chron. an. 536. D. FLEURY de Vigilio multis agit. Lib. xxxi. & seq.

Libert. Eccl. mus, obijciunt: eam, quæ Synodo Hierosolymitanæ adfuit, Spiritus Sancti
 Gall. Lib. assistentiam, *Apostolorum gratia, non Concilii generalitati tribuendam, cum*
 v. c. x. n. 4. *Concilium illud generale non fuerit.* Quos miramur detracta velle Catholicis
 ea præsidia, quibus maximè pro Conciliis œcumenicis adversus hæreticos,
 certant; tùm verò parvi pendere, sancti Cælestini, tertiæque & quintæ
 Synodorum autoritatem. Nos verò eam secuti, rectè à nobis putamus intel-
 ligi Synodorum generalium autoritatem & formam, si primam illam in reli-
 quis veneremur, & ad ejus normam omnia exigimus. Jam hoc fundamen-
 to Apostolico posito, quid secutæ Synodi gesserint audiamus.

C A P U T VII.

*Concilii Nicæni primi decreta adversus Arianos, ipsâ Patrum
 consensione valuerunt, nullo antè gestam, nullo post gestam Syno-
 dum Sedis Apostolicæ speciali decreto: in eo Concilio ipsius con-
 sensus autoritate tres præcipuæ finitæ quæstiones: ad Sedem
 Apostolicam communis decreti executio pertinet.*

DE primis duobus Conciliis universalibus, Nicæno I. & Constantinopoli-
 tano I. pauca dicemus.

Atque in Nicæno quidem Concilio definitionem communiter factam, &
 Conc. Ni- sancta V. Synodus mox exposuit nobis, & ipsa Nicænæ Synodi decreta cla-
 cæn. Sym- mant: *Qui dicunt, erat, quandò non erat, &c. hos tales Anathematizat Catho-*
 bol. T. ij. *lica & Apostolica Ecclesia.* En in Catholicæ & Apostolicæ Ecclesiæ consen-
 Conc. p. 27. sione robur.

Hist. Ge- Aderant sanè sacro conventui Presbyteri Romanæ Ecclesiæ, digniore præ-
 laf. Cyzic. ceteris Patriarchis, uti decebat loco; & Osium Cordubensem Sylvestri no-
 Lib. ij. c. v. mine adfuisse, (d) Gelasio Cyziceno autori Græco ita ex actis referenti,
 ib. p. 125.

(d) *Osium Cordubensem Sylvestri nomine adfuisse*] Concilio Nicæno firmis rationibus
 probant viri eruditissimi Joannes Morinus, & Petrus de Marca. Nam quod quidam, ex Eu-
 sebio, Socrate & Sozomeno, negabant Sylvestrum per suos Legatos Synodo præsedisse,
 docet Morinus mutilos esse, ut nunc habentur, Eusebii codices, & eos etiam quibus uteban-
 tur Socrates & Sozomenus, atque ipse Theodoretus; sed Gelasium Cyzicenum nactum
 codicem integrum ea verba ex Eusebio, ut ipse profitetur, descripsisse: *Osium obtinuit locum*
magna Romæ Episcopi Sylvestri. Et reverà planum erit conferenti Eusebii textum cum verbis
 quæ Gelasius dicit à se ex Eusebio descripta, omissem esse in vulgatis Eusebii editionibus,
 siue hoc sit ex amanuensium incuriâ, siue ex quâlibet aliâ causâ, integram pericopam.
 Certè id quod legimus in Athanasio, de fug. suâ & Ep. ad solit. lectionem à Gelasio
 prolatam veram esse confirmat. Ipse Photius, quantumvis amaro esset in Romanos Ponti-
 fices animo, Cyziceno adstipulatur, cum dicit: *legationem à Sylvestro injunctam fuisse Cor-*
dubensi Osio & duobus Presbyteris Romanis. Vid. Joan. Mor. Lib. I. exerc. xx. D. de Marc. de
 Concord. &c. Lib. v. cap. III. n. 4. Hic observandum à nobis est D. Du Plessis-Prâlin,
 aliquâ ambiguitate deceptum epistolæ Synodi Nicænæ ad Ecclesiam Alexandrinam, dicere
 in suâ ad cæterum Gallicanum, an. 1682. relatione, Alexandrum Alexandrinum huic Sy-
 nodo præsedisse.

facile assentimur; cum & nemo contradicat, & secutis Conciliis congruat, & VI. Synodus in Nicænâ Synodo Sylvestrum Principem Constantino adjungat, ut Cælestinum Theodosio, Marciano Léonem. Cæterum neque antè, neque post Concilium Nicænum, adversus Arianos quidquam decretum esse legimus à Sylvestro Papâ, quod Synodi sententiam vel præcederet, vel firmaret; constatque falsa esse, quæ de Nicæno Concilio confirmato acta referuntur, ut suo dicemus loco: atque omnino in ipsâ consensione vim omnem fuisse repositam, historiæ clamant. Notum illud Rufini: *Defertur ad Constantinum sacerdotalis Concilii sententia: ille tanquam à Deo prolatam veneratur, cui si quis tentasset obniti, veluti contra divina statuta venientem, in exilium se protestatur acturum.* Attestatur Eusebius: congruunt ipsius Constantini verba hæc ad Alexandrinam Ecclesiam scripta, statim absolutâ Synodo: *Quod trecentis Episcopis visum est, non est aliud putandum quam Dei sententia. . . . quapropter nemo vestrum hesitet, nemo moram interponat.* En in quo reponerent divinam illam vim, & indeclinabilem. Noster Sulpicius paucis & perspicue, uti solet: *Synodus apud Nicæam toto Orbe contrahitur: trecentis & duodeviginti Episcopis congregatis, fides plena conscribitur: hæresis Ariana damnatur: Imperator decretum Episcopale complectitur: Ariani nihil contra sanam fidem retractare ausi, se quoque tanquam acquiescentes, nec aliud sentientes, Ecclesiis miscuerunt.* Ita decreti robur in Episcopalis Collegii consensione est positum. Sequens adstipulatur ætas: & sanctus Leo ubique Nicænorum canonum decreta collaudat; quæ sint à totius mundi sacerdotibus constituta. Eo nomine tantam auctoritatem illa obtinuisse certum est.

In primo illo Concilio tres maximæ quæstiones, quæ Ecclesiam conturbarent, communi decreto terminatæ. Prima Arianorum de consubstantiali filio: secunda Paschatis: tertia rebaptizationis: quæ duæ postremæ jam à Romanis Pontificibus, Victore, & Stephano, judicatæ, non tamen obtinebant plenam auctoritatem, donec in Nicænâ Synodo penitus finirentur. Et quidem in exequendis adversus Arianos Nicænæ Synodi decretis, sedis Apostolicæ præcellsa & singularis auctoritas enituit. Id Athanasius aliique fidei defensores à sancto Julio Papâ restituti, & Ariminensis Synodi à sancto Damaso soluta decreta, & Episcoporum orthodoxorum, maximè Orientalium ad Ecclesiam Romanam scripta clamant. Atque hæc in exequendo valuerunt: in discernendo verò consensus Ecclesiarum obtinuit; factoque Patrum decreto, adeò res transacta putabatur, ut nullâ morâ interpositâ, nullo expectato sedis Apostolicæ speciali decreto, omnes ubique terrarum Episcopi, Christiani omnes, atque ipse Imperator, ipsi etiam Ariani, tanquam divino iudicio cederent. Ex quibus duo hæc habemus: & fidei decreta communiter fieri, & ad exequendum commune decretum, sedis Apostolicæ sufficere auctoritatem. Atque hæc de primâ generali Synodo. Jam ad secundam ordine veniamus.

Vid. act.
conc. VI.
act. XVIII.
Tom. VI. p.
1049.

Ruf. Hist.
Eccles. Lib.

I. c. v.

Euseb. de
vit. Const.
Lib. iij. c.

xiv.

Ep. Const.
ad Alex. ap.
Socr. Lib. I.
c. IX. & T.
ij. conc. p.

61.

Sulp. Sev.
Lib. ij. T.
vi. Bib. Pat.
p. 345.

Leo Mag.
epist. LXXX.
edit. Quæ-
nel. al. LIII.

CAPUT VIII.

Constantinopolitana prima Synodus secunda generalis in medium adducitur : ex eâ demonstratur quæstiones fidei solâ Ecclesiarum consensione finitas.

CERTUM quidem est apud omnes ad Constantinopolitanam primam synodum, quæ secunda generalis est, pro Spiritûs Sancti tuendâ Divinitate, centum quinquaginta Patres, ex Orientalibus tantum Provinciis confluisse. Certum item est, Orientalem Synodum, non nisi consensu Occidentis, & maximè Apostolicæ sedis, pro œcumenicâ haberi potuisse. Jam quæ ex eâ Synodo in rem nostram conducant, hæc sunt : primum apertè falsum, quod nonnulli, illi quidem assentatores immodici, jactant : haberi Synodum ad Pontificis animum consilio tantum, & rei elucidatione adjuvandum ; cum Orientalis Synodus nec ipsi præsto fuerit, & Constantinopoli in alterâ Orbis parte federit. Quare omnino constat Patres eò maximè in Synodum œcumenicam congregari, quod in consensione & unitate robur autoritatis invictum sit positum.

Id confirmant Constantinopolitani Patres in ea epistolâ, quam Theodoretus refert, ac Bellarminus laudat : cum relatis iis quæ circa fidem de Spiritu Sancto, quæque circa disciplinam à se decreta essent, id tantum postulant, ut Damasus & qui cum ipso erant Episcopi, *secum collatentur, intercedente spirituali charitate* ; atque ita futurum aiunt, ut, *cum verbum Dei communi sensu stabilitum, & Christiana inter nos charitas confirmata fuerit, dicere desinamus* : EGO QUIDEM SUM APOLLO, EGO AUTEM CEPHÆ. Videt eruditus lector, ut in *communi consensu* verbi interpretationem ac fidei stabilitatem collocent. Neque tamen arbitremur omnia ex æquo sedem inter Apostolicam atque Orientales Episcopos esse comparata : nam cum primum exorta illa est de Spiritûs Sancti Divinitate contentio, vexati Macedoniani * ad Liberium Papam, ut Catholicæ communionis Principem, tres ex suo cœtu Episcopos destinarunt, ac rectam de Spiritu Sancto professi sunt fidem : quo facto, à Liberio cum literis communicatoriis dimissi, à Synodo Tyanensi statim suscepti sunt, Valente Imperatore. Refert Sozomenus, atque Basilii hoc tantum : Sed postea, *motâ de Spiritu Sancto quæstione, an ejusdem cum patre & filio substantia esset, & crescente contentione, Episcopus urbis Romæ (Liberius) scripsit, re compertâ, ad Orientis Episcopos, ut Trinitatem consubstantialem, & coequalis gloria unâ cum Occidentalibus confiterentur* : quo facto, utpotè controversiâ judicio Romanæ Ecclesiæ terminata, *quiescere, & quæstio finem accepisse videbatur*. Videbatur illud quidem, verum ubi quies illa non fuit stabilis, eoque res devênere, ut Synodî generalis autoritate, Orbisque adunati consensione opus esset ; in eâ consensione finis quæstionis ponitur à Constantinopolitanis Patribus, uti mox vidimus, atque ab omnibus Ecclesiis.

Epist. Conc.
C. P. I. a.
pud Theod.
Lib. v. cap.
ix. & T. ij.
Conc. pag.
960. vid.
Bell. Lib. I
de Conc. c.
v.

Vid. ibid.
ap. Theod.
& Tom. ij.
Conc. pag.
965.

* In Oriente ab
Eudoxio &
puris Ariani.

Sozo. Lib.
vi. c. x. xi.
Socr. Lib.
iv. c. xii.
Basil. Epist.
ccliv. al.
lxxxii.
Sozo. ib.
c. xxi.

CAPUT IX.

Ad Ephesinam Synodum devenimus : referuntur ea quæ Synodum præcesserunt , demonstraturque à Sancto Cælestino Papâ totâ Sedis Apostolicæ auctoritate in NESTORII hæresim ac personam pronunciatum fuisse : an tale iudicium pro irreformabili sit habitum : quæstio ex actis postea dissolvenda.

IN Ephesinâ generali III. ac secutis Synodis omnia clariùs elucescent : cum gesta sint præ manibus , extentque plurima circa fidem Romanorum Pontificum , totâ Cathedræ auctoritate prolata iudicia , in Synodis postea generalibus retractata , nec nisi facto examine comprobata : quo nihil est ab infallibilitatis opinione magis alienum.

Ac de Ephesinâ quidem Synodo manifesta res est. Notum quid Nestorius Constantinopolitanus Episcopus innovârît , utque Christi personam unam diviserit in duas. Sanctus Cælestinus Papa pro suo officio Ecclesiæ rebus intentus , beato Cyrillo Alexandrino Episcopo præceperat , ut de Nestorii jam malè audientis doctrinâ , certa nuntiaret. Cyrillus id restatur epistolâ ad Nestorium. Itaque ad Cælestinum omnia scribit , Nestorii dogmata suaque exponit ; binas à se ad Nestorium datas literas mittit : Nestorius quoque datis literis , & missis expositionibus suis Cælestinum in partes suas trahere conabatur. Sic sanctus Pontifex , acceptis utriusque partis literis , plenissimè instructus , à Cyrillo interrogatur in hanc formam : *Non priùs ab illius (Nestorii) communicatione confidenter abstinuimus , quàm hæc tibi indicaremus. Dignare proindè aperire quid sentias , quò liquidò nobis constet , an communicare cum illo oporteat , qui ejusmodi erroneam doctrinam fovet.* Addit ejus sententiam ad alios quoque Episcopos perscribendam ; *ut omnes , inquit , uno animo , in eadem sententiâ persistant.* En clarè à tanto viro , secundæ vel certè tertiæ sedis Patriarchalis Antistite , consulta Apostolica sedes , ejusque iudicium expectatum : nihilque supererat , nisi ut Cælestinus ritè consultus Apostolicum exequeretur officium. Id verò ut præstiterit , acta alibi relata docuerunt.

[*In iis actis*] Cyrilli literas & doctrinam non modò probat ; sed etiam Nestorii dogma perversum improbat ; & quidem distinctè , quòd beatam Virginem *Deiparam* dici nollit ; decernitque eum Episcopatus & communionis exsortem , nisi intrâ decem dies à die denuntiatae sententiæ numerandos , aperrè rejiciat *hanc perfidam novitatem , quæ hoc quod Scriptura conjungit , nititur separare ; personam Christi scilicet.* En Nestorii dogma præcisè improbatum , & clarè omninò Romani Pontificis , sub depositionis & excommunicationis interminatione , de fide pronuntiata sententia. Tum , ne quid desit , sanctus Papa Cyrillo *vices committit* suas , ut eam sententiam exequatur : *Nostre , inquit , sedis auctoritate adscitâ , nostraque vice & loco , cum potestate usus.* Id ad Cyrillum ; id ad ipsum Nestorium ; id ad Clerum

Ep. I. Cy-
rill. Alex. ad
Nest. part.
I. Conc. E-
phes. cap.
313. vi.
T. iij.
Conc. p.

Ep. Cyril.
ad Cælest.
ib. c. xiv.
p. 344.

Ib p. 345.

Dissert.
p. xv. n.
LIX.

Ep. Cæ-
lest. ad Nest.
c. xviii. p.
353.

Epist. Cæ-
lest. ad Cy-
rill. c. xv.
p. 349.

Epist. ad Constantinopolitanum; id ad Joannem Antiochenum, tertiæ seu quartæ tûm Nest. ib. c. Patriarchalis sedis Episcopum; id ad Juvenalem sanctæ Civitatis Episcopum, xviii. pag. quem præcipuè honorari Synodus Nicæna præceperat; id ad alios quoque 364. ad Cle. Episcopos scribit, ut data sententia ritè & ordine omnibus innotescat. C.P. c. xix. p. 373. ad Jam suas partes Cyrillus exequitur, atque omnia, uti jussæ erant, pera- Joan. An- git. Cælestini decreta promulgat, exequitur, Nestorio denunciât, post de- noch. cap. cem illos dies à Cælestino *præscriptos desinitosque*, nullam ei cum sacerdotibus xx. p. 377. *sortem, nullum sermonem, nullum locum futurum*. Nihil planè deest, quo vid. nov. Apostolica autoritas plenissimè exeratur. An verò sententia, tantâ autoritate collect. Ba- prolata, postquàm ingens dissensio exorta est, ac Synodi œcumenicæ injecta- luz. p. 439. mentio, pro irreformabili sit habita, gesta sequentia demonstrabunt. Ep. Cyrill. ad Nest. c. xxvi. p. 397.

CAPUT X.

*Dicta à CÆLESTINO Papà de Fide, totâ Sedis Apostolicæ autori-
tate sententia Concilii universalis mentione & convocatione suspen-
ditur: id canonicè & ordine factum omnes Episcopi & Papa ipse
confitetur.*

SÆPE diximus, sæpè dicemus, ita esse Ecclesiam constitutam, ut ad œcu-
menicam Synodum necessariò, non nisi extraordinariis casibus ac dissensio-
nibus recurratur: ceterùm consueto ordine ita finiri subortas etiam gravissi-
mas de fide quæstiones, si Romano Pontifici decernenti, Ecclesiæ consen-
sus accesserit. Id in Nestorii causâ manifestissimè liquet.

Planè confitemur Cælestini sententiam, ita ut Cyrillus speraverat, vali-
tutam fuisse ad novam hæresim comprimendam, nisi graves suborti mo-
tus, resque ea visa esset, quæ ad universalem Synodum deferretur.

Verùm Nestorius Regiæ civitatis Episcopus eâ autoritate pollebat, eâ
specie pietatis hominum animis illuserat, eos sibi conciliaverat Episcopos,
eâ denique gratiâ apud Theodosium Juniorem Imperatorem & proceres
erat, ut facillè omnia commoveret. Itaque opus erat œcumenicâ Synodo,
quòd de re maximâ ac de personâ in maximam dignitatem evectâ agere-
tur: quòd multi Episcopi, in his Orientales ferè omnes, hoc est Antio-
cheni tractûs, atque ipse Patriarcha Joannes, à Cyrillo abhorrebant, &
Nestorio favere videbantur: quòd scissâ hominum studia, totumque Orien-
tis Imperium, Cyrillum inter atque Nestorium fluctuare videbatur. Hæc
universalem Synodum postulabant.

Accedebant piorum atque orthodoxorum preces. Ecce enim religiosissimi
Monachi, pro fide orthodoxâ ac *Deipare* voce à Nestorio multa perpeffi,
Suppl. Ba- Imperatori supplicabant: *Ut sacra & œcumenica Synodus coeat, qua præsentè
fil. & Mo- CHRISTUS sanctissimam Ecclesiam uniat, populum in unum reducat, ac Sacer-
nac. Imp. dotes sincera fidei prædicatores, priusquàm impia illa doctrina (Nestorii) la-
vid. Conc. tius serpat, loco suo restituat. Et iterum; Nos enim vos de œcumenicâ Synodo
Lphes. part. r. c. xxx. n. cogendâ rogavimus, quæ aptissimè posset constabilire & erigere titubantia,*
15. p. 429.

sive etiam fracta. En post Romani Pontificis judicium, expetita à piis, per Ib. n. 6.
universalem Synodum, rerum titubantium invicta & ultima firmitudo. P. 432.

His aliisque motus Imperator, hæc ad Cyrillum scripsit: *Pietatis doctrinam in sacra Synodo discuti & examinari volumus, & ratum esse, quod rectæ fidei consonum videbitur: sive illi, qui victi discedent, veniam impetraturi essent à Patribus, sive non.* Ep. Theod. ad Cyrill. ib. c. xxxi. P. 436.

Hic tria videmus: primum illud; post sancti Cælestini judicium, aliud adhuc requiri, Synodale scilicet: alterum, hæc duo in Patrum potestate futura, ut de doctrinâ, deque personis judicent: tertium, ratum id futurum, neque amplius retractandum, quod Synodus judicârit.

Addit: *Judices hujus rei esse oportere eos, qui sacerdotiis ubique præsunt, & per quos ipsi in veritatis sententiâ sumus & erimus.* En quorum fide nitimur. Ibid.
En in quorum judicio ultima & indeclinabilis sit autoritas.

Id secundum *Ecclesiasticos Canones* fieri & Imperator affirmabat, & Episcopi fatebantur. Itaque omnes & ipse Cælestinus ad Synodum se accingunt. Ib. Epist. ij. Theod. ad Cyrill. c. xxxii. P. 437.
Nihil ultra Cyrillus egit, Pontificii licet decreti executor à Cælestino dictus. *Communemque ejus sententiam, nihil quidquam à quoquam, in ullâ prorsus re, privatim innovetur.* Rectè & ordine: id enim universalis Synodi Majestas postulabat. Quare & Cyrillus paruit, & Episcopi quievêre: fixumque id, dictâ licet ac promulgatâ Romani Pontificis sententiâ, de fide ac personis violatæ fidei causâ judicatis, omnia in suspenso esse, postquam universalis Synodi expectatur autoritas. Id ab Imperatore actum; id Episcopis, ac Papæ ipsi placitum vidimus; id jam in ipsâ Synodo œcumenicâ comprobatum gesta sequentia declarabunt.

C A P U T X I.

Acta Synodi Ephesinæ recensentur: ejus actio I. Probat Synodus omnia quæ à CÆLESTINO decreta essent in suspenso manere, usque ad Synodi sententiam: quæ de fide gesta sunt referuntur, ostenditurque prolatum à Papâ judicium ad examen legitimum fuisse revocatum.

LECTIS iis, quæ Synodum præcessêre, ipsius Synodi gesta recensemus, Latque incipimus ab actione primâ.

Postea quàm ergo Episcopi, atque ipse Nestorius Ephesum convenêre, inchoata est Synodus universalis, Cyrillo Præsidente, ac Cælestini vices gerente; quippe qui Pontificiæ sententiæ ab ipso Pontifice constitutus executor esset. In prima actione hæc gesta sunt.

Primum lectæ Imperatoris Literæ eæ quas memoravimus, nempe ut Conc. Eph. act. j. P. 452. 453. & se 1.
œcumenica Synodus haberetur, utque omnia interim in suspenso essent: lectæ, inquam, hæc literæ, atque in gesta relatæ, probatumque à Patribus,

omnia circa Nestorium à Cælestino decreta, suspensa fuisset, donec sacra Synodus ferret sententiam.

Quæres an Synodus tantum Imperatori licere voluerit, ut Sedis Apostolica sententiam ad effectum deduci interim prohiberet. Non ita ex gestis: sed potius interpositâ Synodi generalis autoritate, cujus quidem convocatio, pro eorum temporum disciplinâ, Imperatori permitteretur: ipsa Synodus intellexit, omnia ipso jure in suspensio esse, atque à Synodi pendere sententiâ. Quare Pontificio decreto promulgato ac denunciato, decemque illis diebus jam diu evolutis, Nestorius ab ipsâ Synodo pro Episcopo est habitus, & religiosissimi Episcopi nomine appellatus, & eo quoque nomine

Ibid.

ter vocatus & citatus ut in sacrâ Synodo cum aliis Episcopis confederet: id enim disertè scriptum, *συμμεμεναι*; additum, ut ad objecta responderet. Omnino enim volebant, ut quocumque modo agnosceret universalem Synodum, in ejus postea procul dubio potestate futurus. Sed venire renuit, & ne ipse adiri posset, fores suas armato milite obsideri voluit.

II. Hinc de fide quaesitum quod id Imperator jussisset, & Canones postulare: lectaque Nicæna fides, ad quam omnia exigenter, ac postea de epistolis Cyrilli ac Nestorii ordine inquisitum;

Ep. Cæst.
ad Cyril.
part. I.
Conc.
Eph. cap.
xv. p. 348.

III. Epistola Cyrilli prima deducta est ad Synodi judicium: illa, inquam, de fide ad Nestorium epistola, à Papâ Cælestino tam expressè probata, de qua id edixerat ad Cyrillum: *Omnia quaecumque sentimus ac tenemus, te itidem sentire ac tenere perspicimus*; quam decreto in Nestorium per omnes Ecclesias promulgato, comprobaverat, atque adversus Nestorium *Canonica monitionis* instar haberi voluerat. De illâ, inquam, epistolâ quaesitum, Cyrillo autote ac præeunte in hæc verba: *Persuasum habeo, nihil me ab orthodoxâ fide aut Symbolo Nicæno discessisse; quare Vestram Sanctitatem rogo, ut coram exponat, rectè, & inculpate, sanctoque illi Concilio convenienter hæc scripserim, an secus.*

Conc. Eph.
act. 1. pag.
461.

Et erunt, qui dicant quaestiones de Fide semel à Romano Pontifice autoritate Apostolicâ judicatas, in Synodis generalibus examinari ad dictorum intelligentiam, non ad rei, quasi adhuc in quaestione positæ, definitionem. Audiant Cyrillum Synodi Principem: quid Synodo quaerendum proponat attendant. Et quidem nullius errati sibi conscius, ne tamen sibi crederet, Synodi sententiam rogabat, in hæc verba: *Rectè & inculpate, an secus scripserim.* Hæc Cyrillus Synodi Princeps proponit in medium.

Quis vel fando audiat, post ultimum & irreformabile Ecclesiæ de Fide judicium, ita unquam quaesitum interrogatumque esse? Nunquam factum: id enim esset de ipsâ Fide declarata & explorata dubitare. At id post Papæ Cælestini judicium factum est: neque Cyrillus aut quisquam aliud cogitabant: non ergo illud erat ultimum, atque irreformabile judicium.

Ib. & P.
seq.

Ex eâ interrogandi formâ Patres ordine censent, *Nicanum Symbolum, & epistolam Cyrilli per omnia consentanea & consentientia esse.* En quaestio, en examen; en deinde judicium. Gesta satis loquuntur: nos nunc ne verbum quidem.

Ibid.
692.

P.

Producta deinde est Nestorii epistola illa, quam Cælestinus blasphemam atque impiam pronunciaverat. Ea verò legitur. Tum de eâ quaeritur, autore Cyrillo: *Nunquid hæc ipsa quoque Fidei à sanctâ Nicænorum Patrum Synodo expostæ*

exposita consentanea esse videretur, an non? Eâdem planè formâ quâ de episc- Ib. p. 492.
tolâ Cyrilli quæsitum erat. Patres ordine censent: à Symbolo Nicano dissen- 593.
taneam atque eò improbatam. Quo ritu, quâ regulâ, probata Cyrilli est; & p. Ib. & p.
eo ritu, eâ regulâ Nestorii epistola improbatur. En bis in eâdem Ephesinæ seq.
Synodi actione, Romani Pontificis dictum ac promulgatum de Catholicâ
Fide iudicium retractatur. Quæ approbaverat, quæque improbaverat, æquè
in examen revocantur, nec nisi quæstione habitâ confirmantur.

CAPUT XII.

Continuatio actionis primæ Concilii Ephesini: quæ circa NESTORII
personam à CÆLESTINO Papa decreta essent, ad Synodalem exam-
in & ipsa revocantur, nec nisi quæstione habitâ comprobantur.

HÆC quidem de Fide gesta sunt actione I. Synodi Ephesinæ: jam quæ
 ad Nestorii personam eâdem in actione pertineant recensemus.

Primùm Cælestini ad Nestorium epistola legitur, & in acta refertur, ea
 scilicet quâ de Nestorio ferebat sententiam: de quâ sanè sententiâ cum, Ib. p. 501.
 postea perpenſis omnibus, Patres iudicaturi essent, interim tantùm in acta
 referri oportebat. In Cælestini epistolâ nihil erat peculiaris doctrinæ: tantùm
 in eo versabatur, ut Cyrilli probaret doctrinam & epistolam; Nestorii im-
 probaret, de quibus Cyrilli, ac Nestorii epistolis jam prolutum erat sanctæ
 Synodi iudicium, ut aliquid iis addere supervacaneum esset.

II. Eâdem verò causâ, cum Cyrilli epistola lecta esset, ea scilicet, quâ
 Cælestini exequabatur sententiam, de eâ epistolâ nihil speciatim actum, sed
 jussum duntaxat, ut in acta referretur. Ibid.

III. His gestis, de Nestorii personâ pronuntiandum fuit. Quæsitum, ec- Ib. p. 504.
 quid ea quæ Cælestinus ad Nestorium scripserat, quæque exequendo Cyril-
 lus egerat ad Nestorium perlata essent. Perlata esse compertum est, & eum
 usque adhuc in sententiâ perstitisse, ac pridem effluxisse dies à Sancto Cæles-
 tino primùm, tùm postea ab Imperatore Synodum convocante præfixos.
 Hinc ad probationis cumulum, Patrum testimonia cum Nestorii exegesis
 componuntur: immanis discrepantia prodit nestorium Novatorem adeoque
 Hæreticum: fit decretum in hæc verba: *Sancta Synodus dixit: Cum impiis-* Ib. pag.
simus Nestorius, neque nostræ citationi parere, neque Episcopos à nobis desti- 508. & seq.
atos admittere voluerit; necessariò venimus ad examinationem eorum quæ im- Ib. pag.
piè docuisset. Deprehendentes itaque partim ex literis commentariisque ipsius, 533.
partim ex sermonibus, illum impiè sentire & prædicare, coacti per sacros Ca-
nones, & literas sanctissimi Patris nostri & comministri Cælestini Romanæ Ec-
clesiæ Episcopi ad hanc sententiam venimus: Dominus noster JESUS-CHRISTUS,
per hanc sanctissimam Synodum Nestorium Episcopali dignitate PRIVATUM
ESSE DEFINIT. Vides Canones conjunctos cum Cælestini literis; magnificè
sanè, & ad commendandam Sedis Apostolicæ majestatem. Vides Synodum
executam quæ Cælestinus decrevisset, atque his coactam, ad tristem sen-

tentiam devenisse ; sed novâ & suâ definitione editâ in CHRISTI nomine : sed postquàm legitimâ cognitione constitit omnia rectè & ordine gesta esse.

Ibid. P. 549. IV. Denique sententia Synodi pronuntiata ad impiissimum Nestorium scribitur: *Sancta Synodus Nestorio novo Juda : scias te à sanctâ Synodo esse depositum*. Sic qui antè sacra Synodi disquisitionem, *religiosissimus Episcopus* vocabatur, eâ disquisitione factâ, jam *impiissimus*, jam *novus Judas*, & ab Episcopali sede dejectus irrevocabiliter, & sententia promulgatur.

Sic maxima res, maxima consensione perfecta est, quâ nempe omnia in Ecclesiâ stare diximus; & ordo judicii ex se perspicuus: nempe à Cælestino sententia profertur; Concilii generalis convocatione suspenditur; cognitione examinatur, novo & irretractabili judicio roboratur, totius Ecclesiæ autoritate conjunctâ.

Ibid. P. 571. Id Patres profitentur relatione ad Imperatorem: *Nestorium à cathedrâ submovimus, & canonicè exautoravimus; Cælestinum magna Romæ Episcopum præconiis extollentes, qui antè nostram sententiam, Nestorii heretica dogmata condemnaverat, nosque in ferendâ contrâ eum sententiâ anteverterat*. Hæc illa unitas, hæc illa consensio, quæ invictum jam & ineluctabile robur Ecclesiasticis judiciis præstat.

Ita congruunt omnia, ac nostra sententia stabilitur: dum enim sedis Apostolicæ de fide, deque personâ judicium sancta Synodus comprobatur & exequitur, ejusdem sanè sedis legitimam potestatem & Primatum agnoscit. Dum autem illius judicium non probat, nisi per legitimam cognitionem & iteratum examen, Romanum Pontificem omnibus quidem Episcopis superiorem; uno tamen Concilio generali, etiam in causâ fidei, inferiorem esse docet, quod erat demonstrandum.

C A P U T X I I I.

Gesta actionis II. quibus præcedentia comprobantur: quid sit confirmare decreta, stylo Ecclesiastico, ex gestis demonstratur: in Synodi examine, atque judicio quæstionis finem non modò sacra Synodus, sed etiam Legati Apostolici, atque ipse etiam Papa Cælestinus agnoscunt.

Conc. Eph. act. ij. pag. 110. D U M hæc agebantur, Arcadius & Projectus Episcopi & Philippus Presbyter delecti à Cælestino erant, qui speciali mandato Sedis Apostolicæ totiusque Occidentalis Synodi, Ephesinæ Synodo interessent. Hi ergò Ephesum ab urbe adveniunt, ac sacro conventui adsunt, atque hic actio secunda inchoatur.

Christ. Lup. varior. patr. epist. cap. cccxvi. vid. etiam novam collect. Baluz. pag. 382. Lupus Lovanienſis inter alia antiquitatis acta, Cælestini ad Legatos commitorium instructionesque, ut ipse Cælestinus vocat protulit. His præcipiebatur, ut *Sedis Apostolicæ tuerentur dignitatem: ne se Episcoporum diffidiis immiscerent, quorum quippè judices, cum Synodo utique esse deberent: cum Cyrillo, utpotè fido, agenda conferrent*. Jam quid his mandatis nixi præstiterint, ordine recensemus; atque his nostra firmari faciliè ostendimus.

Primum quidem proferunt sancti Cælestini epistolam ad Synodum, quâ Legatis injunctum officium explicatur his verbis : *Direximus sanctos fratres & consacerdotes nostros . . . qui iis quæ aguntur intersint, & quæ à nobis antea statuta sunt exequantur.* His constat Synodi Ephesinæ actionem in Apostolici iudicii executione versari. Cujusmodi autem sit illa executio, an merâ, ut aiunt, obedientiâ, an verò ipsius Synodi cognitione legitimâ, certoque jam & indeclinabili iudicio, sequentia demonstrabunt.

Conc. Ephes. act. ij. p. 611.
Ib. p. 612.

II. Lectis Cælestini literis, Legati consequenter ad Episcopos; ut quæ Cælestinus antea definire, & nunc in memoriam revocare dignatus est, juxta communis fidei regulam, AD FINEM NUMERIS OMNIBUS ABSOLUTUM deduci jubeatis; *ἐς πέρας πληρέστατον*, AD FINEM PLENISSIMUM: qui Concilii fructus est, post cujus sententiam nulla nova discussio, novumque iudicium, sed mera executio. Atque id Legati postulant juberi à Synodo, in quâ summam illam auctoritatem recognoscant.

Ibid.

III. Firmus Episcopus Cæsareæ Cappadociæ, pro Synodo respondet: *Apostolica & sancta sedes Cælestini Episcopi præsentis negotii sententiam regulamque præscripsit.* Græca habent: *sententiam prius protulit ac regulam*, seu *τυπον*, quam vocem paulo post formam vertit interpres. Nos de vocibus non litigamus: quid autem ipsa res sit audiamus eundem Firmum accuratè explicantem: *Nos inquit, de Nestorio hanc formam executioni mandavimus, Canonicum Apostolicumque iudicium in illum proferentes: actione primâ scilicet, quâ, facto examine, & quæstione habitâ, Cælestini decretum firmatum vidimus. Sic exequitur Synodus generalis primæ sedis sententiam, legitimâ cognitione & inquisitione, nec simplicis mandatuarii vice, sed canonico & Apostolico dato iudicio.* Papale sanè decretum pro tantæ Sedis auctoritate sit forma, sit regula; sed quæ Synodo convocatâ, non nisi ex communi iudicio, plenam auctoritatem obtineat.

Ibid.

Ibid.

IV. Legatos quoque ad Synodum mandato speciali missos, quæ adversus Nestorium gesta essent, an satis ex canonum præscripto, & sedis Apostolicæ reverentiâ intelligere oportebat: id sæpè jam diximus. Quare meritò petunt acta communicari, *ut nos quoque, inquit, confirmemus.* Illud confirmare quid sit, ipsa gesta eloquentur.

Ibid. pag. 619.

V. Postquàm Legatis petentibus, data sunt, quæ in Nestorium acta essent, de iis actione tertiâ sic referunt: *intelleximus omnia canonicè & ex Ecclesiasticâ disciplinâ iudicata esse.* Ergò canonicè & ex Ecclesiasticâ disciplinâ sedis Apostolicæ iudicia in Synodo generali, quæstione habitâ, tractantur, ac de iis iudicatur.

Ibid. act. iij. p. 622.
623.

VI. Cùm Legati probassent acta in Nestorium sibi communicata, jam relegi petunt in publico confessu cætera, quæcumque Ephesi ab initio lecta gesta que essent: nempe inquit, *ut obtemperantes formulæ sanctissimi Papæ Cælestini, qui hanc curam nobis commisit, vestræ etiam Sanctitatis iudicia confirmare possimus.*

Ibid.

Posteaquàm ergò relecta sunt omnia, ac Legati assensere, proponit Cyrillus sacræ Synodo, *ut Legati obsecratione, ut moris est, planam ac manifestam faciant canonicam cum Synodo assensionem suam.* Ad eam Cyrilli interrogationem, Synodus sic respondet, decernitque: *ut Legati subscribendo acta confirmant: quo loco perspicuè ipsum confirmare à Synodo dic-*

Ibid. p. 630.

tum, nihil aliud est *quàm planam & manifestam suam assensionem facere*, ut à Cyrillo erat propositum.

Hunc verum, genuinumque confirmationis sensum sæpè protulimus; sæpè proferemus; & nunc à sanctâ Ephesinâ Synodo tam clarè proponi nobis gratulamur.

Ib. pag. 627. VII. Jam verò quanti esset, *autoritate Legationis Apostolicæ sedis*, ut ait Projectus, Legatorum unus, decreta Ephesina confirmari, hinc intelligitur; quòd etsi Cyrillus Papalis sententiæ executor dictus, eam in Synodo executus esset; non tamen ad Synodum expresse delegatus: de quâ Synodo Cælestinus nondum cogitabat cum Cyrillo vices committeret suas. At Arcadius, Projectus & Philippus, expresse à Cælestino ad Synodum missi, mandati specialis autoritate, Synodalia gesta firmabant, Ecclesiarumque omnium cum Ecclesiâ principali, Romanâ scilicet, claram omnibus modis ac testimoniis consensionem manifestabant.

Ibid. p. 626. VIII. Huc accedit quòd Legati ad Synodum Ephesinam speciali mandato missi, non modò Apostolicæ sedis, sed etiam totius Occidentis ferebant sententiam. Undè Philippus Presbyter, unus Legatorum postea quàm relecta omnia & communi consensu probata sunt, sic concludit: *Firmum ergò est juxta omnium Ecclesiarum decretum*; (nam *Orientalis & Occidentalis Ecclesiæ Sacerdotes, vel per se, vel certè per Legatos, Sacerdotali huic confessori intersunt*,) *quod in (Nestorium) est pronuntiatum*.

IX. Hinc elucet ut sese mutuò ipsa Ecclesiarum decreta confirment: ea enim omnia vim habent confirmandi, quæ Ecclesiarum omnium consensionem unitatemque declarant; cum ipsâ unitate & consensione mutuâ, decretorum Ecclesiasticorum firmitudo constet. Quare in edendâ fidei expositione, Oriens & Occidens, Sedesque Apostolica & Synodici Conventus se mutuò firmant. Undè & illud legimus in Ephesinâ Synodo Cælestino acclamatum: *Cælestino custodi fidei; Cælestino cum Synodo concordî: unus Cælestinus, unus Cyrillus, una fides Synodi, una fides orbis terrarum*.

Ib. act. ij. p. 628. His ergò auditis Catholicæ unitatis acclamationibus, Philippus Legatus sic responder: *Gratias agimus sanctæ venerandæque Synodo, quod sancta membra, sanctis vestris vocibus, sancto capiti vos adjunxeritis: non enim ignorat vestra Beatitudo totius fidei, vel etiam Apostolorum caput esse Beatum Petrum*. Hæc ergò summa autoritas, summa vis: quòd membra & inter se, & Romano Pontifici, ut capiti conjungantur: quòd ex consensione invictum Ecclesiastici judicii robur.

Ib. Part. iij. Conc. Ephes. cap. 22. p. 1069. Ibid. Ibid. X. Postremò Cælestinus ipse, re totâ peractâ ad sanctam Ephesinam Synodum mittit epistolam, quam sic auspicatur: *Tandem malorum sine gaudendum est*. Ubi finem agnoscat Lector eruditus intelligit: post damnatum scilicet, œcumenici Concilii, hoc est totius Ecclesiæ Catholicæ indeclinabili autoritate, Nestorium. Pergit: *Hujus rei tam fideliter peracta, vos executores videmus nobiscum fuisse*. Omnes decernunt, omnes exequuntur, dato scilicet communi judicio. Undè addit Cælestinus: *Dejectionem justam & exaltationem didicimus justiore*: Dejectionem Nestorii à Romanâ quidem Sede inchoatam, sed Synodi sententiâ ad finem usque perductam, *ἐς τὴν ἀπὸ τοῦ Θεοῦ ἐκδομένην*, ut suprà vidimus: exaltationem Maximiani, in Nestorii

locum post Ephesina decreta continuò substituti. Hic quæstionis finis : hunc finem non in suo, sed in Synodi universalis examine atque iudicio, ipse etiam Cælestinus agnoscit.

Atque id gestum in illâ Synodo, in quâ post Christum natum Sedis Apostolicæ autoritatem luculentissimè commendatam esse constat; nequè tantum verbis, sed etiam factis. Certè sancta Synodus Philippum Legatum audit hæc vera & magnifica prædicantem de Sedis Apostolicæ dignitate, deque Petro capite & fidei columnâ, & Ecclesiæ Catholica fundamento, & Christi au-
Ib. act. iij. p. 616.
 toritate Clavium administro; qui ad hoc usque tempus semper in suis successo-
 ribus vivat & iudicium exerceat. Hæc dicit, visis ipsius Concilii actis omni-
 bus, quæ memoravimus: ut profectò intelligamus hæc omnia Petri Sedis-
 que Apostolicæ privilegia, cum Synodi decreris & iterato iudicio, & ha-
 bitâ de fide post Sedem Apostolicam quæstione, egregiè consentire.

C A P U T XIV.

*Ephesinæ Synodi praxis quâ doctrinâ nitatur: Episcoporum auto-
 ritas in Apostolis instituta: iis omnibus fidei depositum in commu-
 ne traditum, & communi curâ custodiendum: Apostolici in Hie-
 rosolymis Concilii autoritas in secutis Conciliis: hæc ex Cælestini
 epistolâ Ephesi lectâ quâ confutantur ii, qui docendi autoritatem
 à Papâ in Episcopos manare contendunt.*

POST gesta relata, nostramque sententiam ex illis affirmatam, juvat etiam exponere sancti Cælestini Papæ doctrinam egregiam, unde ista manârunt; nempe ea epistola, quam ad sacram Synodum Legati attulerunt, hæc antè omnia præferebat: Spiritus sancti testatur præsentiam congregatio
Epist. Cæ-
 sacerdotum. Ac paulò post: Sanctum namque est pro debitâ sibi veneratione
lest. ad Sy-
 Concilium, in quo utique nunc Apostolorum frequentissima illius, quam legi-
nod. Ephes-
 mus congregationis, aspicienda reverentia est. Nunquam desinit his Magister,
act. ij. pag.
 quem receperant prædicandum: adsuit his semper Dominus & Magister; sed
614.
 nec docentes à suo Doctore deserti sunt unquam. Docebat ille qui miserat;
 docebat qui dixerat quid docerent; docebat qui in Apostolis suis se confirmabat
 audiri. Hæc de Apostolis, ac primo illo Apostolico Concilio dicta: mox ad
 omnes Episcopos, atque ad secutas Synodos conferuntur. Hæc, inquit, ad
 omnes in commune Domini sacerdotes mandata prædicationis cura pervenit:
 hereditario in hanc sollicitudinem jure constringimur, quicumque per diversa
 terrarum eorum vice nomen Domini prædicamus. Dum illis dicitur: ITE DO-
Ibid.
 CETE OMNES GENTES: advertere debet vestra Fraternitas, quia accepimus ge-
Matt. xvij.
 nerale mandatum: omnes etiam nos id agere voluit, qui illis sic omnibus
19.
 commune mandavit officium: necesse est ut competenter nostros sequamur au-
 tores; subeamus omnes eorum labores, quibus omnes successimus in honore. Hæc
 denique sic concludit: Agendum est labore communi ut credita & per Aposto-
Act. ij.
 lorum traditionem detenta, servemus.
Conc. Ephs
p. 615.

Ex hâc sancti Cælestini doctrinâ multa deducimus, primum illud: Episcopus in Apostolis Doctores constitutos ab ipso Christo, non utique à Petro, aut Petri successoribus. Nec indignum putat tanto loco positus Pontifex admiscere se reliquis Episcopis: *Omnes, inquit, Apostolorum vice nomen Domini prædicamus... omnes illis successimus in honore.* Quo magis constet docendi autoritatem, tam in ipsum Cælestinum, quàm in cæteros Episcopos à Christo esse transfusam. Hinc omnibus traditum sacrae doctrinæ depositum, cujus custodia penes omnes sit, communique adeo curâ & consensione constituendam fidem: neque defuturum Ecclesiarum Magistris Christi veri Magistri præsidium. Hæc Cælestinus in commune statuit de se & omnibus Episcopis Apostolorum successoribus: tum illud consecutaneum, ut quæstione de legalibus collecti Apostoli simul protulerint eandem Spiritûs sancti, suamque sententiam, ita porro futurum in aliis summis controversiis, Apostolorumque Concilium in Episcoporum Conciliis revisiturum. Quæ profectò docent, non in Petri solius aut successorum Petri sententiâ, sed in omnium consensione, Conciliorum vim, & quæstionis finem esse repositam.

Neque propterea Cælestinus Primatum infringit suum, dum se annumerat reliquis Apostolorum successoribus. Ut enim reliqui Episcopi reliquis Apostolis, ita ipse Petro principi successor à Christo datus, ubique omnes præit Petri autoritate, ut in eadem Synodo prædicatum gestumque legimus.

Sic in sancta Synodo generali III. ac primis illis sæculis, & contra hæreticos evincimus ubique præeuntem, atque omnium ducem sedis Apostolicæ potestatem, quodque est maximum, Petri nomine, atque adeo à Christo institutam; nec minùs Catholicis ostendimus in eo collocatam ultimam & irrefragabilem Ecclesiastici judicii vim, cum ad Petri, id est, ad Papæ autoritatem Episcoporum quoque toto orbe terrarum, Apostolorum vice, accedit autoritas atque consensio; quod unum Ecclesia Gallicana postulat.

C A P U T X V.

Chalcedonenſis Concilii IV. generalis acta proponuntur: referuntur ea quæ antecesserint: ex his demonstratur, etiam in fidei causis, præſtè Romani Pontificis judicium, à totâ Eccleſiâ ipſoque Romano Pontifice plenius ac majas, jamque irrefragabile judicium expectari.

JA M acta Concilii Chalcedonenſis generalis pervolvantur. Hæc antecellere. Duas in Christo naturas confundeat Eutyches, Archimandrita Constantinopolitanus, ac Monachorum pater, haud minùs pervicax, quàm delirus senex. Is ergò damnatus à sancto Flaviano suo & Constantinopolitanae sedis antistite, Patriarchas quidem omnes, sed Romanum maxime Episcopum Pontificem appellavit. Leo scribit ad Flavianum, ac jubet *ad se cun-*

Acta deferri. Flavianus respondet, atque à Leone petit, ut nempè *proprium faciens communem causam*, & *sanctarum Ecclesiarum disciplinam*, simul decerneret damnationem adversus eum (Eutychem) *regulariter factam esse*, & *per propria dicta confortaret Imperatoris fidem.* Addebat: *Causa enim eget solummodo vestro solatio, atque defensione, quâ debeat consensu proprio ad pacem cuncta perducere*: hoc est, aperta causa & plana est; pauci adhuc sectatores, iique obscuri, nec magni nominis. Concludebat: *Sic enim hæresis que surrexit... facillimè destruetur, Deo cooperante per vestras literas; removebitur autem & Concilium, quod fieri divulgatur, quatenus nequaquam sanctæ turbentur Ecclesiæ.* Et id ex disciplinâ, ut statim hæreses comprimantur, Episcopali primùm, tum deindè sedis Apostolicæ providentiâ: neque statim necesse sit, Synodo universali convocatâ, sollicitari omnium Ecclesiarum pacem.

Ubi ad Leonem acta perlata sunt, ad Flavianum scribit: Sacramentum Dominicæ Incarnationis exponit *plenissimè, lucidissimè*, ut & ipse dicit, & omnes Ecclesiæ attestantur; Flaviani fidem & acta laudat; Eutychem ita damnat, ut ei indulgeri possit, si satisfecerit.

Hæc illa est nobilis ac planè cælestis epistola, quæ per totam Ecclesiam tanto postea studio celebratur; quam nos ideò intellectam volumus quoties simpliciter Leonis epistolam appellare contigerit.

His quidem quæstio finiri potuit, nisi ea incidissent, quæ ad Synodum Ephesi convocandam Imperatorem Theodosium juniorem impulerunt; eum qui Ephesi jam primam illam sub Cælestino & Cyrillo indixerat.

De hac Synodo sanctus Leo ad Theodosium hæc scripsit, primùm quidem *tam evidentem causam esse*, ut *rationabilibus causis ab indicendâ Synodo fuisset abstinendum*: quod etiam Flavianus cavisse videbatur. *

Cæterum cum Imperator bono animo Synodum convocasset, Leo assentitur, atque eas ad Synodum dat literas, quibus Imperatorem laudat, quòd habere voluerit Episcopale Concilium, ut *pleniore judicio omnis error posset aboleri.* Memorat Legatos à se dirigi, qui vice, inquit, *meâ sancto Conventui vestra Fraternitatis intersint, & communi vobiscum sententiâ, quæ Domino sunt placitura, constituent.*

Ex his tria habemus: primùm quidem in fidei quæstionibus, non semper necesse esse Synodum œcumenicam convocari: tum illud, post rem à se judicatam non refugi à Leone tanto Pontifice Synodale iudicium, si causa idonea sit: denique si Synodus habeatur, *pleniore judicio errorem aboleri*, & quæstionem à sede Apostolicâ, *communi cum Episcopis sententiâ* finiri oportere: quo quidem plenum illud à nobis sæpè memoratum consensionis robur agnoscit.

At postquam Dioscorus Alexandrinus Episcopus, Eutyichis & fautor, omnia per vim & nefas egit, factumque est Ephesi, non Concilium, sed apertum latrocinium; jam scisso Episcopali Collegio, totâque Ecclesiâ perturbatâ, Synodi secundæ œcumenicæ Ephesinæ nomine, ipse Leo agnoscit, novam Synodum generalem haberi oportere, quæ *omnes offensiones, ita aut repellat aut mitiget, ne aliquid ultra sit vel in fide dubium, vel in charitate divisum.* Ergò intelligebat schismata & tantam de ipsâ fide fluctuationem

ij. Leo Mag.
ad Flav. T.
iv. conc. p.
ii. vid. int.
epist. Leon.
edit Quesn.
epist. xx. al.
viii.
Ep. Flav.
ad Leon. ib.
iv. p. 15.
inter Leon.
ep. post e-
pist. xxi
ib. p. 16.

Ep. Leon.
ad Flav. in-
teract. Conc.
Chalc. act.
ij. p. 344 &
seq. inter
Leo. epist.
xxiv. al. x.
Vid. Ep.
Leo. ad Sy-
nod. Chalc.
Part. i. Conc.
ep. xl. pag.
71. int. Leo.
ep. lxxii.
al. xlvii.
Conc. Chal.
Part. i. ep.
xvii. int.
Leon. ep.
xxxiii. al.
xvii.
* In suâ
ad Leonem
epistolâ.

Ibid. epist.
xiii. p. 34.
int. Leon.
xxix. al. xv.

Epist. Leo.
ad Theod.
ib. epist. xx.
p. 46. int.

Leo. xxxix. animorum, non satis tolli posse per suum iudicium; & plenius, firmitus;
al. xxxiv. autoritate majus Synodi generalis iudicium, quo scilicet iudicio, omne
jam dubium tolleretur, haud minus sapiens ac bonus, quàm fortis Ponti-
fex postulabat.

Caterùm Theodosius Imperator quamdiù existimavit Ephesi res ordine
Vid. I. part. fuisse tractatas, de novâ Synodo habendâ nihil audire voluit. *Rem enim tran-*
Conc. Chal. *factam Ephesi depositione eorum qui mererentur; & nihil ulterius post hac*
epist. xxix. *definiri possibile est, cùm ista jam semel decisa sint.* Ex his liquet quo disci-
xxx. xxxi. mine essent Romani Pontificis ac Synodorum generalium iudicia: cùm
iudicium quidem Romani Pontificis in Synodo retractetur: post Synodum
verò, quamdiù ea legitima habeatur, nihil retractari, nihil audiri
liceat.

Verùm Theodosio paulò post mortuo, Marcianus Imperator, ubi intel-
lexit Ephesino Conventui, propter vim & alia contra Canones gesta, Sy-
nodi œcumenicæ nomen atque auctoritatem à plerisque Episcopis, maximè
verò à Romano Pontifice denegari; novæ Synodi convocationem petenti
Leoni negare non potuit. Factum est igitur Chalcedonense Concilium,
atque apud omnes constitit quasdam esse circa fidem dissensiones ita gra-
ves, quæ non nisi Concilii œcumenici auctoritate definiri possint.

C A P U T XVI.

*In Chalcedonensi Concilio duo ad rem faciunt; alterum Dioscori
Patriarchæ Alexandrini; alterum examen epistolæ Leonis: hic de
Dioscoro: demonstratur in causis, quæ universalem Ecclesiam spe-
ctant in ipsâ consensione vim summam & indeclinabilem esse repositam.*

NOTUM est omnibus Chalcedonem sexcentos atque ampliùs Episco-
pos convenisse. Paschasinus & Lucentius Episcopi Leonis vice sanctæ
Synodo præsidebant: dati ab Imperatore Iudices qui actionem regerent,
turbas compescerent, quæstionem de fide, & Ecclesiastica omnia, in Synodi
potestate ac iudicio relinquerent.

In eâ vero Synodo, quæ ad rem nostram faciant, duo sunt; primum
Dioscori depositio; alterum sententia Synodi de Leonis epistolâ com-
probandâ.

De Dioscoro, cùm vocatus iudicio se non sisteret, e'usque scelera omni-
bus innotescerent, sic transactum. Paschasinus sedis Apostolicæ Legatus
Patres rogat: *Quid placet vestre Sanctitati volumus discere. Sancta Synodus*
Conc. Chal. *dixit: quod placet canonibus.* Lucianus Episcopus dixit: à beatissimo Patre
act. iij T. *nostro Cyrillo in sanctâ Ephesinâ Synodo quadam acta sunt: ipsam inspicientes*
iv. Conc. p. *formam quæ placuerit dare.* Paschasinus Episcopus dixit: *jubet Pietas vestra,*
421. *ut ultione Ecclesiasticâ utamur? Consentitis? Sancta Synodus dixit: omnes*
ib. p. 424. *consentimus....* Paschasinus Episcopus dixit: *iterum dico, quid placet Beati-*
tudini vestre? Maximus Episcopus magnæ Antiochenæ civitatis dixit: quod
videtur

videtur Sanctitati vestra, & nos conformes efficiamur. Ita primam sententiam à sede Apostolicâ & formam quam vocabant, dari oportebat. Itaque Legati, Dioscori sceleribus enarratis, ita pronuntiaverunt: Undè sanctus Leo per nos, & præsentem sanctam Synodum, unà cum beatissimo Petro Apostolo, qui est petra & crepido Ecclesiæ, & recta fidei fundamentum, ab omni Sacerdotali potestate alienum declaravit. Anatolius Constantinopolitanus Episcopus: Concors efficior. Maximus Antiochenus Episcopus: Sicut beatissimus Archiepiscopus & Pater noster Leo & Anatolius. Cæteri eodem sensu: Consentio, concors efficior, consentio damnationi à Synodo facta, hæc eadem definitio, decerno. Et subscriptum: Paschasius definiens subscripsi: Anatolius definiens subscripsi: cæteri idem.

Ib. p. 425.

Ib. & p. seq.

ib. p. 448; & seq.

Sic à Petro capite, atque unitatis fonte orta sententia; in summam vim porro deducitur, consensione communi Episcoporum: Sic ut Apostolorum prima illa Synodus ubique repræsentetur.

Ex his intelliguntur ea quæ ad Theodosium Augustum Valentinianus Augustus scripsit: Debemus cum omni devotione defendere & dignitatem propriæ venerationis beato Apostolo Petro intemeratam & nostris temporibus conservare: quatenus beatissimus Romanæ civitatis Episcopus.... locum habeat de fide & Episcopis judicare. Neque tamen solus, sed eâ conditione quam idem Imperator addit: Ut prædictus Episcopus in his certè causis, quæ fidem & universalem Ecclesiæ statum tangunt, congregatis ex omni orbe sacerdotibus sententiam ferat; communi quidem decreto, ut & ipse Leo postulaverat, & in ipsâ Synodo factum fuisse vidimus.

I. Part. Conc. Calc. epist. xxv. p. 51. int. Leo. post. Epist. XLVII. al. XXVIII. ib. p. 54.

Eodem animo Pulcheria Augusta ad Leonem sic scribit de Episcopis convocandis: qui, inquit, facto Concilio, de Catholicâ confessione & de Episcopis, te autore, decernant.

ib. Epist. xxxv. p. 66. inter Leon. post epist. LVIII. al. XXXVIII. *Bithinæ. ib. epist.

Idem quoque scribunt Valentinianus & Marcianus Augusti ad eundem Leonem: Ut per celebrandam Synodum omnia, eo autore, fierent: hoc præstructo fundamento, quod ipse Principatum in Episcopatu.... possideret.

XXXIII. p. 62. int. Leo. post epist. LVII alias. XCVIII. ibid. epist. XXXI. p.

Hinc liquidò constat, consueto ordine, & Papam autorem esse debere & Episcopos assidentes cum ipso esse iudices; & ipsam irrevocabilis decreti robur in consensione esse positum; quod ipsam Pulcheria Augusta testatur, datâ epistolâ ad Strategum Consularem*, qui omnem à Synodo vim prohibere jubebatur: Ut cum omni disciplinâ confidente sanctâ Synodo, sine aliquâ commotione atque contentione, quæ à Domino Christo revelata fuerint COMMUNITER AB OMNIBUS confirmentur.

79.

Interim sic Pontificem autorem esse liquet, ut decreti vis, non solâ Pontificis autoritate, quod tûm nemo cogitabat; sed ipsâ Concilii consensione & approbatione constet; Patresque ac Synodus condecernant, conjudicent, Synodique sententia Papæ sententia sit; quæ, Ecclesiarum accedente consensu, jam irreformabilis, irretractabilisque habeatur, quod unum postulamus.



CAPUT XVII.

Alterum caput in Synodo Chalcedonensi tractatum, de expositâ fide: Sancti Leonis epistola, non nisi factò examine comprobata: Gallorum & Italarum ante Chalcedonense Concilium, de recipiendâ Leonis epistolâ, literæ ejusdem spiritûs referuntur: decretum Apostolicæ sedis, non nisi consensione Ecclesiarum, irretractabile fieri, Christiani omnes & ipse Leo consentunt.

ALTERUM caput in Chalcedonensi Synodo tractatum, nempe firmata fides & probata Leonis epistola, sic habet. Jam eam epistolam, antè gestam Synodum, totus ferè Occidens & Orientales plerique, & ipse Anatolius Constantinopolitanæ Sedis Episcopus etiam subscriptione firmaverant, & in ipsâ Synodo Patres sæpè clamaverant: *Sicut Leo, ita credimus; Petrus per Leonem locutus est, epistola omnes subscripsimus; sufficiunt ad fidem quæ exposita sunt; alteram expositionem non licet fieri.* Eoque res processerat ut definitionem à Synodo fieri ægrè paterentur. Sed in tantis Ecclesiæ turbis, ad animos tranquillandos, neque privatim ante Synodum factæ subscriptiones, neque tanti in Synodo Patrum clamores sufficere visi; ne clamoribus magis tanta res, quàm æquâ & legitimâ disceptatione transacta videretur. Et Clerici Constantinopolitani dicebant: *Pauci clamant, non tota dicit Synodus.* Placuit ergò Leonis epistolam ad legitimum Concilii examen revocari, & ab ipsâ Synodo de fide conscribi definitionem. Itaque lectis antecedentium Synodorum gestis, de Leonis epistolâ iudices ita proposuerunt: *Quoniam Evangelia posita sunt, singuli Reverendissimi Episcopi doceant, si expositio CCCXVIII Patrum * & post hæc CL. Patrum ** consonat epistola sancti Leonis.*

* Nicæ-
norum.
* C. Porum.

Postquam de examinandâ Leonis epistolâ interrogatio in eam formam facta est, operæ pretium erit Patrum sententias, & , ut aiunt, vota pensare; ut intelligamus ab ipsâ origine, cur epistola placuerit; cur postea tanto studio defenderetur; cur denique tam exacto Synodi examine probaretur. Primus Anatolius sic dicit sententiam: *Epistola sanctissimi Leonis consonat symbolo CCCXVIII. Patrum & CL. Patrum; sed & his quæ in Epheso sub sanctissimo Cyrillo: quapropter consensi, & libenter subscripsi.* Id erat apertè deliberantis, non autem cæco, ut aiunt impetu, ex merâ obedientiâ subscribentis. Cæteri in eundem sensum: *Concordat, & subscripsi.* Multi disertè & expressè: *Concordat, & ideo subscripsi.* Additum à quibusdam: *Concordat & subscripsi, cum rectè habeat.* Alii: *Concordare certò scio.* Alii: *Cum esset consona & eundem haberet scopum, amplexi sumus & subscripsimus.* Alii: *Hanc jam olim tenuimus fidem: hanc tenemus; in hac baptizati sumus, in hac baptizamus.* Alii & magna pars: *Cum viderem, cum sentirem, cum deprehenderem, cum invenirem consentire, subscripsi.* Alii: *Persuasus, instructus, certior factus, quòd omnia consentirent subs-*

ibid. &
pag. seq.

cripsi. Multi exponunt difficultates suas, plerasque ex linguâ peregrinâ or-
 ras, alias ex rebus ipsis, & audisse quidem epistolam, & in plurimis rectè
 habentem comperisse: aliqua verba obstitiſſe, quæ partitionem aliquam in
 Christi personâ demonstrare viderentur. Addunt à Paschasino & Legatis doc-
 tos esse, quòd nulla partitio esset, sed unus Christus: ideò, inquit, con-
 sensimus & subscripsimus. Alii enarratis iis quæ Paschasinus & Lucentius
 dixerant, sic concludunt: Per hoc nobis satisfactum est, & per omnia conso-
 nare æstimantes sanctis Patribus, consensimus & subscripsimus. Quo loco Il-
 lyriciani Episcopi & alii, qui ante illud examen epistolæ acclamaverant,
 iterùm clamant: Eadem omnes dicimus & his consentimus, ut profectò, &
 in ipsâ Synodo, & ante Synodum, ita consensisse constet; quod re con-
 sideratâ, convenire omnia cum Patribus æstimarent, judicarent, persuasi
 essent, & communem omnium ac singulorum fidem à Leone expositam
 esse intelligerent.

Hæc quidem Chalcedone gesta sunt; sed & ante Chalcedonensem Syno-
 dum Galli nostri, habitâ in Galliis Synodo, * de recipiendâ Leonis episto-
 lâ, sic ad ipsum Leonem scripserunt: Multi in eâ (Leonis ad Flavianum
 epistolâ scilicet) gaudentes pariter & exultantes, recognoverunt fidei suæ
 sensum, & ita se semper ex paternâ traditione tenuisse, ut vester Apostolatus
 exposuit, jure letantur. Nonnulli sollicitiores facti Beatitudinis vestre admoni-
 tione perceptâ, modis omnibus se gratulantur instructos, datamque sibi occasio-
 nem gaudent, quâ liberè & fiducialiter, suffragante etiam Apostolica Sedis au-
 toritate, eloquantur, & asserat unusquisque quod credit.

Congruunt Itali *, autore Eusebio, Mediolanensi Episcopo: Claruit eam,
 (Leonis ad Flavianum epistolam) plenâ fidei simplicitate fulgere, Prophe-
 tarum etiam assertionibus, Evangelicis autoritatibus, & Apostolica doctrina
 testimoniis radiare, omnibusque sensibus convenire; quos sanctus Ambrosius
 de Incarnationis Dominica mysterio, suis libris, Spiritu sancto excitatus in-
 servit. Et quia omnia, Majorum fidei nobis antiquitus tradita, conveniunt, pla-
 cuit omnibus, qui impiè de Incarnationis Dominica Sacramento sentiant,
 suo etiam consensu, autoritatis vestræ sententiâ, damnatione congruâ perse-
 quendos. En autoritatis sententia in Romano Pontifice; En Episcoporum
 cum Romano Pontifice autore consensus, isque exploratâ veritate præst-
 itus. Sic probabant, sic subscribebant, sic epistolam communis fidei sen-
 sibus congruentem, talemque à se repertam atque judicatam ubique va-
 lere conjunctis cum Apostolicâ Sede sententiis decernebant: quæ mirificè
 consentiunt iis, quæ modò in Patrum Chalcedonensium sententiis legi-
 mus.

Hoc est illud examen epistolæ Leonis Chalcedone Synodicè factum, &
 in gesta relatum; quo demum facto, epistola jam ut certissima ac per-
 fectissima, nec ampliùs retractanda fidei regula proponitur. En quod irre-
 tractabile, seu inavis, irreformabile Leo censuit; quod quidem cum illo
 & cum Chalcedonensibus Patribus censuisse nemini fraudi esse potest. Ab
 Apostolicâ Sede forma perfertur, sed quæ judicio, eoque libero, recipi de-
 beat: & Episcopi singuli, ita summo inferiores, ut de ejus quoque decre-
 to universi judicent.

ib. p. 491.

ibid.

* XLIV.
 Episcopo-
 rum.
 Ep. Episc.
 Gallor. ad
 Leon. T. I.
 Conc. Gall.
 p. 93. Tom.
 iij. Conc.
 Labb. pag.
 1329. & int.
 Leon. epist.
 post epist.
 LXXVI. al.
 XCVIII.
 * Nume-
 ro XII.
 Epist. Sy-
 nod. Euseb.
 Mediol. E-
 piscop. & E-
 piscop. Ital.
 Tom. iij.
 Conc. pag.
 1334. & int.
 Leon. epist.
 post epist.
 LXXVII. al.
 LII.

Vid. Dif-
 fert. præv.
 n. LXI.
 Leon. Ep.
 ad Theod.
 XCIII. al.
 LXIII.

Concil.

Chalc. part.

iiij. c. iiij. p.

840.

Ibid.

Neque aliter intelligebant dubitationem omnem tolli potuisse. Ecce enim Imperator, peractâ demùm Synodo, sic edicit: *Cesset igitur jam profana contentio: nam verè impius atque sacrilegus est, qui post tot sacerdotum sententiam, opinioni suæ aliquid tractandum reliquit.*

Exinde omnem de religione prohibet disputationem. Nam, inquit, injuriam facit judicio religiosissima Synodi, si quis semel judicata ac rectè disposita revolvere, & publicè disputare contendit.

En in Euthychêtis condemnatione ordo Ecclesiasticorum judiciorum circâ fidei quæstiones. Nempè is à proprio Episcopo Flaviano judicatur; à sancto Leone Papâ causa recognoscitur, retractatur, Sedis Apostolicæ definitione deceditur; post eam definitionem, Patrum seu Episcoporum in Concilio generali examen, inquisitio, judicium sequitur; post approbatam Patrum judicio definitionem, jam nullus dubitationi aut disputationi locus.

Epist. Leo.

ad Ep. Gall.

LXXVII. al.

LII.

Neque aliter Leo: *Nullum jam excusationis refugium de ignorantia, vel de intelligentia difficultate conceditur; cum sexcentorum ferè fratrum, Coepiscoporumque nostrorum Synodus congregata, nullam artem ratiocinandi, nullum eloquium differendi contra fundamentum fidei divinitus inspirata permiserit: quoniam adnitentibus per auxilium Dei fratribus & Vicariis nostris... non solum Sacerdotibus Christi, sed etiam Principibus & Potestatibus Christianis, cunctisque Clericis, plebibus, ordinibus, plenè atque evidenter apparuit, hanc esse verè Apostolicam fidem... quam sinceram & ab omni face totius erroris alienam, sicut accepimus, prædicamus, & universo jam mundo consentiente, defendimus.*

Sic summum jam & indeclinabile decreto Apostolico robur accedit; posteaquàm universali inquisitione, examinatione, discussione, atque exinde consensu ac testimonio roboratur.

CAPUT XVIII.

Adversariorum effugia: BELLARMINUS & BARONIUS diversæ sectantur: aliorum cavillationes de Theodoro in sedem restituto agitur, ex eoque facto nostra sententia confirmatur.

Bell. Lib.

ij. de Conc.

autor. cap.

xix. vid.

diff. prav.

n. LX.

JAM quidem pernoscimus Bellarminum hâc decreti Pontificii examinatione permotum, sic respondisse: *Leo epistolam suam miserat ad Concilium, non ut continentem ultimam & definitivam sententiam, sed ut instructionem, quâ adjuti Episcopi melius judicarent.* Nempè hoc unum effugium superest: ad hæc misera & inepta, viri, quamvis egregii, rediguntur. Nempè nisi omnia quæ huc usque lecta sunt, aut contemnimus, aut obliviscimur, hanc epistolam Leo, non ad Synodum instruendam misit, de quâ cum scriberet nemo cogitabat. Non ergo instruit Synodum, sed delatam ad se quæstionem suæ Sedis autoritate judicat. Hanc exponit fidem; hanc ad omnes Ecclesias mittit; his damnat Eutychem; probat Flavianum: quæ

nisi plenâ Sedis Apostolicæ autoritate fiunt, jam nescio, quomodo & ubi ea sese autoritas exeruerit unquam. Quid autem causæ esset cur ultimam sententiam non proferret Leo, appellante Eutyche, rogante Flaviano, ut de se actisque suis tantus Pontifex pro potestate decerneret? Scilicet homo imbecillis atque cunctabundus, nec satis agnoscens sibi à Deo creditam potestatem, Eutychem cum aliquot Monachis metuebat. Hæc enim initia erant: hoc temporum articulo scripsit epistolam. An expectabat ut suborta hæresis glisceret, totumque orbem flamma corripere? Aut fortè quæstionis obscuritate turbatus hærebat, expectabatque Concilii œcumenici sententiam: qui omnia à se *plenissimè & lucidissimè* enucleata esse profiteretur. Quid quòd ad Imperatorem scribit: *Tam evidentem causam esse, ut ab indicendâ Synodo fuisset abstinendum?* Hæc scribens tantus Pontifex, tamen, si Bellarmino credimus, non de judicandâ quæstione, sed de instruendâ Synodo cogitabat. Miserum verò est tam absurda scitari, atque insuper adversarios perniciosi contra ipsam fidem erroris arguere. At hîc videre est, ut prædiximus, Bellarminum ac Baronium, dum nihil solidi succurrit, æstuan-tes, atque in diversa pertractos. Nempè Baronius epistolam videns totâ Sedis Apostolicæ autoritate scriptam, contendit à Leone scriptam, ut *fidei regulam*: Bellarminus videns à Synodo examinatam, non eam, ut *fidei regulam*, sed tantum ut Synodi instructionem agnoscit. Quo conflictu, ac rerum perspicuâ serie eò deducimur, ut eam & pro cathedræ Apostolicæ autoritate perscriptam, & tamen ab Ecclesiâ Catholicâ, ac Synodo universali adhuc examinandam ex Patrum traditione agnoscamus: quæ Parisien- sum & Ecclesiæ Gallicanæ ipsissima sententia est.

Novi qui Bellarmini responsa erubescunt; hæc verò haud meliora profes- runt. Certa res, inquiunt, Leoni erat; *plenissimè, lucidissimè* à se exposita omnia noverat, & ad Synodum Chalcedonensem scripserat, neque in dubium revocari sinebat à Legatis: *Fidem*, inquit, *non patiamini in dubium re- vocari*. Examen igitur illud, non ex dubitatione, sed ad ampliorem jam notâ & creditæ veritatis elucidationem pertinebat. Hæc illi. At si res ita est, quid vetabat examinari Conciliaria quoque decreta? Quid ipsas etiam Scrip- turas? Non autem id factum unquam. Ergo cum Chalcedone examinaretur Leonis epistola, aliud agebatur, quàm id quod isti fingunt. Neque verò Chalcedonenses luculentiorum ipso Leone, qui omnia *lucidissimè explana- verat*, sed autoritate firmiorem protulere sententiam. Neque audiendum illud: sancto Pontifici explorata erant omnia: ergò in tantâ certitudine, nullum quæstioni, nullum examini, quale nos dicimus, permittebat locum. Nempè id qui objiciunt, ne mihi quidem intellexisse videntur, quid sit exa- men in negotio Fidei; cum præsertim de summis, ac præcipuis Christianæ religionis dogmatibus agitur. Neque enim aut Patres Nicæni, cum de Ari- anis quærerent, de Filii Divinitate ambigebant: sed quàm ab eâ fide Ariani abessent, quibusque sententiis ac verbis insanus error confutandus esset. Ne- que Ephesini, cum de Nestorii & Cyrilli, atque adeò de Cælestini fide in- quisitio fieret, ipsi de fide dubitabant: sed rectè an secus illi fidem expo- fuissent. Neque item Chalcedonenses ullo modo dubitabant, quis esset Chris- tus, Deus ne an homo verus, an confusis naturis quid tertium, sive aliud

Epist. Leo.
ad Synod.
Chalcedon.
1. par.
ep. xl. p. 71.
int. Leon.
ep. lxxii.
al. xlviii.
Ibid. Ep.
xiii. pag.
34. int.
Leon. xxix.
al. xv.
Diff. præv.
n. lx.
Bell. loc.
jam cit. Ba-
ron. an. 449.
Tom. vi. p.
80.
Vid. Du-
& alios.
Leo. Ep.
lxxiii. al.
xlii. ad
Marc. cap.
ij.

portentum Eutychiani cogitarent: non id sanè quærebant; sed verè & ex communi Patrum & Ecclesiæ sententiâ tantum sacramentum Leo exponeret. Ac certum Leoni erat, à se *plenissimè* expositam fidem: rectè. An & id omnibus æquè certum exploratumque esset quærebatur. Episcopi ergò ad quos perlata erat Leonis epistola, ejus sensum quisque cum eâ fide componebat, quam ipsi à Patribus acceperant. Neque cæcâ, ut aiunt, obedientiâ, sed ex certâ & expressâ inquisitione parebant.

Certè multos vidimus optimâ fide dubitâsse, neque subscripsisse, nisi postquam ipsis satisfactum fuit. Ergò verè & propriè rem examinabant, ut nondum exploratam; ac Leoni quidem Petri loco sedenti id certum fuisse visum, præjudicii cujusdam instar, magnæque ac validæ præsumptioni loco erat, sed postquam idem quoque omnibus visum est, non tantum præsumptio, sed omnibus modis fixa sententia & irretractabile judicium (e).

At enim, inquit, plerique ex Patribus jam ipsam epistolam subscriptione firmaverant, & omnes clamabant hanc esse suam fidem. Sanè; sed jam ordine & legitimè declarandum restabat, undè is sibi sensus: nempe quòd rectè examinantibus constitisset Leonis sententiam, cum antiquâ fide quam hauserant, consentire. Id ergò simul in Synodo faciunt, quod singulatim antè Synodum quique fecerant, & prolato communi judicio, quæ senserant, firmant.

Ergòne singulis quoque Episcopis examen relinquimus? Certè non examen juridicum, quo singuli decretum superioris Judicis solvere & irritare possint; sed examen hujus generis, quo cuique constet, nihil sibi imperatum, atque propositum quod Divinæ legi ac veritati traditæ repugnaret. Præmissimus enim ex Innocentio quoque IV. non tantum egregio Pontifice, sed etiam optimo Pontificii juris interprete, Episcopos inferiores capiti suo Romano Pontifici dicto audientes esse debere, sub hâc tamen exceptione: *Nisi mandatum hæresim contineret, vel nisi ex præcepto injusto vehementer præsumeretur, statum Ecclesiæ turbari, vel etiam fortè alia mala ventura.* Hæc Innocentius cujus doctrinam amplectuntur omnes. Quo ex fonte illud prodiit, alio loco memoratum, quod ad Paschalem II. à sanctissimis Episcopis, ex Concilio Provinciali Viennensi perscriptum est, ipso etiam Paschali probante: *Si nostræ Paternitatis assertiones predicatas roborare nolueritis, propitius sit nobis Deus, quia nos à vestra subjectione & obedientiâ repellitis.* Ex quibus aliisque constat, hoc Episcopis docturis utique grægem ex autoritate, non autem simpliciter credituris, examen competere;

Sup. diss.
præv. num.
LXXVII.
LXXIX.

Inn. IV.
cap. Quanto
de consuetu-
dine. Lib. I.
Decret. Tit.
IV. fol. 33.
ib. c. Inqui-
sit. de sen-
tentiâ ex-
communi-
cationis. Lib. V.

(e) *Irretractabile judicium*] Ultramontani excerpunt verba quædam Concilii Chalcedonensis, quibus Papam ab hujus Concilii Patribus infallibilem creditum probent. Sanè ipsi si Synodo adfuissent, non fuissent Episcopos de Leonis epistola tantas movere controversias, tam facilè consopandas hoc suo responso: *qui falli non potest Leo Pontifex locutus est.* At vero Pascasinus & alii Legati id ne semel quidem dicunt, quod tamen ut dicerent, ipsa causa docendorum Episcoporum postulabat, & brevi præcidendæ quæstionis necessitas; si verè ipsi hanc opinionem imbiberant. Non ergò credebant Episcopi illi, qui de Leonis epistola tantoperè litigabant, Papam esse infallibilem: non id quoque credebant ipsi Legati, qui nedum liem eo modo componerent, difficultates fieri æquo animo patiebantur, & ea verba epistolæ, quæ Græcis hominibus obscura, aut etiam falsâ videbantur, diluebant, & explanando comprobabant.

hoc ab illis fieri, sive in Synodo, sive extra Synodum, Chalcedonensia & alia à nobis recensita gesta declarant.

Aut verò dicant velim, quâ ratione, non jam de Romanorum Pontificum decretis, sed de aliorum scriptorum literis & tractatibus judicatum putent? Vero certè examine, tanquàm de re dubiâ. Ita enim Cyrilli; ita Nestorii expositiones in Êphesinâ Synodo: ita aliorum in aliis Synodis scripta explorata sunt, & ad certam exacta regulam; fidem Patrum scilicet. Atquæ de Leonis epistolâ non aliud gestum: quod cùm concesserint, atque ex actis viderint, fateantur necesse est; quâ ratione, quove jure atque ordine, de scriptis aliorum in Synodis œcumenicis inquiri sit solitum, eâdem ratione, atque ordine ac jure, in Chalcedonensi quoque œcumenicâ Synodo, de Magni Leonis epistolâ inquisitum esse: quod & per se clarum, & à Synodo V. expressè declaratum, ut ejus Synodi acta sequenti capite recensenda demonstrant.

Sic duo illa expeditivimus, quæ ab initio sunt commemorata: nempe Dioscori condemnationem, & approbationem epistolæ ad Flavianum. Tertium addimus quod ad rem nostram pertineat, de Theodoro in suam sedem restituto. Is (f) igitur cùm jubentibus Episcopis, Nestorium apertè anathematizâset, gloriosissimi judices dixerunt: *omnis jam dubitatio de Theodoro est soluta; quippe & Nestorium coram vobis anathematizavit; & à sanctissimo Archiepiscopo senioris Romæ Leone susceptus est, & definitionem Fidei à Religiositate vestrâ prolatam libenter suscepit: & insuper epistola memorati sanctissimi Archiepiscopi Leonis subscripsit. Deest igitur ut sententia proferatur à Deo amabili sanctitate vestrâ, ut Ecclesiam suam recipiat, sicut & sanctissimus Leo Archiepiscopus judicavit. Omnes reverendissimi Episcopi clamaverunt: Theodoretus dignus est sede. post Deum Leo judicavit. Nihil ergo Theodoro profuturum erat prolatum à Leone de eo in sedem restituendo* Conc. Chal.
act. vii.
pag. 621.

Ibid. P.
624.

(f) Is] Theodoretus, cùm dubitare visus esset dicere anathema Nestorio, Episcopi clamaverunt: *Is hæreticus est, iste Nestorianus est, hæreticum foras mitte.* Quæ verba optime probant id quod dicit D. BOSSUET: nihil Theodoro profuturum fuisse à Leone prolatum iudicium, nisi à Synodo hoc iudicium firmatum esset.



CAPUT XIX.

Concilium V. generale, seu Constantinopolitanum II. in medium adducitur: in eo referuntur III. & IV. Synodi acta jam à nobis recensita & clarè docetur Romanorum Pontificum, ut & aliorum scripta, nonnisi inquisitione factà à Synodis comprobari: undè trium simul Synodorum æcumenicarum autoritas nostram sententiam firmat.

ACTA Constantinopolitanæ secundæ Synodi, quæ quinta est generalis, sub Vigilio Papâ, ac Justiniano Principe demonstrabunt, ita ut III. & IV. Synodi decreta intelleximus, ita à V. Synodo fuisse intellecta: quæ eam traditionem ex proximo sumpserit, ac nobis reliquerit.

De tribus capitulis agebatur; hoc est, de Theodoro Mopsuesteno, de Theodoreti scriptis adversus Cyrillum, deque Ibæ Edessenî epistolâ ad Marim Persam. Quærebatur eane epistola probata esset in Chalcedonenſi Synodo. Atque eam quidem epistolam Chalcedone lectam esse constabat, ac susceptum Ibam à sanctâ Synodo, cum Nestorium anathematizâſſet. Quidam personæ veniam datam tantum; alii epistolam quoque probatam contendebant: quæsitum ergò in Synodo V. quo ritu probari scripta de fide consueſſent in Synodis anterioribus III. & IV. Synodi acta replicantur eaque quæ suprà memoravimus, de epistolâ sanctorum Cyrilli & Leonis. Tum sancta Synodus dixit: *ex his quæ recitata sunt, manifestum est, quomodo sancta Synodi ea, quæ apud eas proferuntur, probare solent. Cum enim illi sancti viri, qui recitatas epistolas scripserunt, sic splenduerint, tamen epistolarum earum comprobationem NON SIMPLICITER, NEC SINE INQUISITIONE fecerunt, nisi per omnia COGNOVISSENT consonare eas expositioni & doctrinæ sanctorum Patrum, ad quam collatio facta est.* De Ibæ autem epistolâ non esse ita gestum constabat ex actis. Eam ergò epistolam non esse probatam optimè concludebant. Sic igitur certum ex III. & IV. Synodis, ita definiēte & intelligente quintâ, epistolas à sede Apostolicâ comprobatas, qualis Cyrilli fuit, aut etiam ab eâ profectas, qualis Leonis fuit, NON SIMPLICITER, NEC SINE INQUISITIONE à sanctis Conciliis receptas fuisse.

Ibid. cād. collat. Rursus in eadem quintâ Synodo contra Nestorii epistolam acta leguntur, quibus Ephesini Patres disertè pronuntiant: *nullo modo consonam esse Nestorii epistolam fidei, quæ Niceæ exposita fuit.* Sic & illa epistola non simpliciter quoque, sed factâ, ut par erat, inquisitione rejecta est; damnatusque Ibas, *qui diceret Nestorium ab Ephesinâ Synodo sine examinatione & questione esse rejectum.*

Ibid. coll. VIII. can. XIV. p. 378. Pergunt sancti Patres, & quod Chalcedonenses Episcopi facturi fuissent, si epistolam Ibæ examinandam suscepissent, id ipsi faciunt. Epistolam conferunt cum gestis Ephesinis & Chalcedonenſibus. Quo factò, *sancta Synodus dixit: ostendit manifestè facta collatio, quòd contraria per omnia est*

Ibid. coll. VII. p. 548.

epistola

epistola, quam Ibas scripsisse dicitur, definitioni, quam pro rectâ fide Chalcedonensis Synodus pronuntiavit.... omnes Episcopi clamaverunt: hac omnes dicimus; epistola hæretica est. Sic ergò ex quintâ Synodo sancti Patres nostri in Synodis œcumenicis, quas legunt epistolas sive Catholicorum, sive hæreticorum, sive etiam Romanorum Pontificum, etiam de fide scriptas, eodem ritu orthodoxas, vel hæreticas pronuntiant, legitimâ cognitione veritate inquisitâ, ac deinde perspectâ, tum ex his dato iudicio.

Nullone, inquires, prorsus discrimine, atque animis aequè in utroque propensis? Sanè diximus, & sæpè dicemus, præsumptum fuisse pro Pontificum orthodoxorum decretis: ceterùm in Synodis œcumenicis, ubi iudicandum in materiâ fidei, non jam præsumptionibus agi oportere, sed omninò ad liquidum veritate perspectâ.

Hæc quinta Synodus fecit, hæc ex tertiâ, & quartâ Synodo didicit & probavit; unoque hoc argumento trium œcumenicorum Conciliorum, Ephesini, Chalcedonensis, Constantinopolitani II. pro nostrâ sententiâ decreta retulimus.

CAPUT XX.

Synodus V. invitato ac repugnante Vigilio Papâ, habetur: ejusdem Vigilii CONSTITUTUM solvit: Ibæ epistolam ipsius sententiâ ab hæresi absolutam, impiam & Hæreticam judicat: à Romanis Pontificibus comprobatur.

IN eâdem quintâ Synodo hæc gesta sunt quæ ad causam nostram facere videantur.

De tribus capitulis suprâ memoratis Justinianus Imperator quæstionem in Ecclesiâ haberi petiit: ejus rei gratiâ Vigilium Papam Constantinopolim accivit: ibique, non ita multò post, Synodum congregavit. Ipse, & Orientales adversus Nestorianos sub eorum capitulorum defensione resurgentes, magni momenti esse putabant, ut ea damnarentur; Vigilius cum Occidentalibus metuebat, ne per eam occasionem Chalcedonensis Synodus solveretur; (g) quòd in eâ Synodo Theodoretum & Ibam fuisse susceptos, Theodorum verò nominatum, sine ullâ censuræ notâ dimissum esse constaret.

“(g) Vigilius metuebat ne Chalcedonensis Synodus solveretur.] Hæc Vigilii notanda sunt verba: *Non audemus Chalcedonensis Synodi retractare iudicium, ne . . . ab hæreticorum insidiis macula inuratur si nos modo causas ejusdem sanctæ Synodi . . . iudicio terminatas, sub quâlibet occasione viderint retractare.* Const. Vigil. Tom. V. Conc. pag. 372. Quibus verbis egregiè confirmatur id quod toties iterat D. BOSSUET: nunquam licitum fuisse inquirere in Conciliaria decreta, quòd contra est de Pontificii decretis, in quæ non rarò Synodi œcumenicæ juridicè inquisiverunt. In eo autem errabat Vigilius, quòd suspicabatur hujus Concilii Patres, qui re quidem verâ decretis Chalcedonensibus promptam obedientiam præstabant, illa retractare voluisse, cum jusserunt in ea Scripta inquirere, in quæ Synodus Chalcedonensis non animadverterat. Ceterùm à Sanctâ Synodo ea assumpta est inquirendi methodus, quâ usa fuerat ipsa Synodus Chalcedonensis.

Quamquàm ergò pars utraque de summâ fidei facillè consentiebant ; tamen omninò ad fidei causam quæstio pertinebat , cùm ab his timeretur , ne Nestoriani ; ab illis , ne Eutychiani Synodi Chalcedonenfis inimici vincerent.

Ex eâ contentione multæ in Vigilium criminationes extiterunt , quæ nihil ad nos attinent. Mihi persuasum est , omnia à Vigilio optimo consilio esse gesta , cùm Occidentales capitula condemnari non ferrent , resque ad schisma vergeret. Utcumque est , hoc liquet , Vigilium etiam invitatum Synodo adesse noluisse : absque eo Synodum nihilo fecius celebratam : editum ab eo CONSTITUTUM , quo improbaret ea , quæ Theodorus , Theodoretus & Ibas adversus fidem scripsisse dicerentur ; eorum nomini parcendum esse decerneret ; quòd vel à Synodo IV. suscepti , vel in Ecclesiæ communione mortui , Deique judicio reservati haberentur : de Ibæ epistolâ hæc edebat : ipsam *rectissimo ac piissimo sensu intellectam* , irreprehensam manere : ac de tribus capitulis universim jubebat , *post præsentem definitionem* , Ecclesiasticos nullam postea *movere quæstionem*.

Hæc quidem Vigilius pro potestate decrevit. At Synodus post ejus constitutum quæstionem habuit de tribus capitulis ; & judicavit meritò quæstionem haberi de mortuis , & Ibæ epistolam manifestè hæreticam & Nestorianam , fideique Chalcedonensi per omnia contrariam ; atque omninò anathema esse , quique Impium Theodorum Mopsuestenum , quique Theodoretum adversus Cyrillum scripta , quique Ibæ *impiam* & Nestoriana Dogmata tuentem epistolam defenderent , neque anathematizarent eam , sed rectam esse dicerent.

His igitur , nec Vigilio parcere videbantur , presso quamvis nomine ; quorum decretum à Pelagio II. Gregorio Magno , aliisque Romanis Pontificibus confirmatum esse constat ; atque etiam à Vigilio , siquidem vera est ea , quam Petrus de Marca , vir illustrissimus , ex M. S. Codice Bibliothecæ Regiæ edidit epistolam.

Hæc docent in re maximâ , quæ totam conturbet Ecclesiam , atque ad causam fidei pertinere videatur ; Pontificiis decretis sacrorum Conciliorum decreta prævalere , Romanique Pontificis judicio defensam Ibæ epistolam , haud minùs pro hæreticâ proscribi potuisse.

Nempè & hoc in eâ legebatur , Cyrillum *lubricasse* , atque ad Apollinarii Dogma deflexisse , quia scripserat *similiter illi , quòd Deus verbum factus est homo*. Hæc igitur Vigilius non satis cautè toleravit ; Synodus verò V. non tulit , ac Nestorii hæresim , sub novâ formâ reviviscentem extinxit : quodque vel maximè Synodorum est , ab omni errore diligentissimè fidem Catholicam eliquavit.



C A P U T X X I.

*In Synodo VI. generali, quæ Constantinopolitana est III. causa
HONORII Papæ per Synodum condemnati: tria effugia propo-
nuntur: Quæstiones aliquot ex actis suo ordine resolvendæ: bre-
vis Monothelitarum historia præmittitur.*

UT tertia quarta & quinta Synodi de Romanorum Pontificum judi-
ciis judicârunt, eaque non nisi quæstione habitâ comprobârunt; ita
à sextâ Synodo factum esse constat, communeque illud est omnibus Syno-
dis. Sed quoniam Honorius Papa cum suis epistolis in eâ Synodo condem-
natus, nostræ causæ peculiare præsidium præbet; Bellarminus ac Baronius
nullum non movent lapidem, ut acta V I. Synodi falsata à Græcis libro-
rum corruptoribus videantur: falsatæ quoque, seu potius confictæ, Leo-
nis II. epistolæ duæ, quibus Synodus confirmetur, Honorius condemnetur;
tùm ut ipse Honorius de Ecclesiâ benè meritissimus habeatur. Addunt, si
vel maximè Honorius erraverit, ut privatum hominem, non ut Papam &
Ecclesiæ Magistrum errâsse. Hæc illi, quorum conjecturæ, non nostris ra-
tioniis, sed actorum lectione concident.

Hæc igitur erunt, quæ ex actis elucescent: primùm, quas epistolas Ho-
norius quibusve de causis, & an eas pro privato Doctore scripserit: alte-
rum, cur necesse habuerit V I. Synodus eas condemnare epistolas, quas
Romani Pontifices Honorii successores excusasse videantur: tertium, an
acta V I. Synodi, aut Leonis II. epistolæ, aliquâ saltem verisimili con-
jecturâ, falsi argui possint. Hæc ita penduntur actis, ut nulla dubitatio su-
peresse possit; sed res ab origine repetenda.

Meminerimus Monothelitas hæreticos, in duabus licèt Christi naturis,
unam voluntatem, unam operationem, non duas admisisse: cùm Ecclesiam
hæc novitas commoveret, Sergium Patriarcham Constantinopolitanum
errori quæsisse latibula, & ab utroque vocabulo, sive unius, sive duarum
operationum abstinere voluisse: eorum planè Eutychianorum more, qui
cùm Christum Deum perfectum, hominemque perfectum faterentur, tamen
unam æquè ac duas naturas vehementissimè refutabant; simili ferè modò
insanisse Sergium: tùm ab eo compositam ECTHESIM seu expositionem:
Heraclii Imperatoris fautoris sui nomine esse editam, quæ utraque voca-
bula æquè supprimeret: Pyrrhum Constantinopolitanum hæc sectatum
fuisse: mortuo Heraclio, in eundem sensum fuisse promulgatum à Con-
stante Heraclii filio editum, qui TYRUS diceretur à Paulo Constantinopo-
litano Patriarchâ Pyrrhi successore compositum: Honorium Papam, jam
inde à Sergii tempore, in eam dissimulationem fraude pertractum. Postre-
mum hoc, cùm in eâ re versetur difficultas, paulò enucleatius enarrare
oportet.

CAPUT XXII.

Honorius, CYRI Alexandrini & SERGII Constantinopolitani scripta dogmatica, in sextâ Synodo condemnata directè probat: SOPHRONII Hierosolymitani ab eâdem sextâ Synodo, atque ab omnibus Orthodoxis comprobata improbat: ejus Legatos à veritate deterret: consiliis à tribus Patriarchis prava rescribit: ejus literæ toto Oriente vulgatæ: his Monothelitæ præcipuè nitebantur: an hæc pro privato Doctore scripserit? eæ epistolæ dogmaticæ habentur, hoc est, decretales: Dogmatis nomen explicatur: confutantur effugia.

Conciliab.
Alex. relat.
in Conc. VI.
act. XIII.
T. VI Conc.
p. 556.

Vid. epist.
Maxim. ad
Petr. T. II.
oper. Max.
ex edit. Pat.
Comb. pag.
75. vid. e-
tiam epist.
Serg. ad
Honor. act.
XII. Conc.
VI. p. 921.
vid. etiam

ANNO igitur 633. primus omnium Cyrus Patriarcha Alexandrinus, edito decreto, *unam in Christo operationem Dei-virilem* prædicavit. Sic sub ipso habita Synodus Alexandrina anathematismo VII. Hæc Cyrus edidit specie pacis, tanquam eo dogmate Eutychianos Ecclesiæ conciliaturus esset. Hanc doctrinam Sergius Constantinopolitanus Patriarcha statim suscipit, nec mirum; quippè qui occultus instigator esset. At (b) Sophronius vir sanctissimus ac doctissimus, tùm Monachus, sed paulò post ad sedem Hierosolymitanam evectus, hæc ut nova & impia detestatur. Neque Sergium Cyro opitulantem audit, aut ullam in fidei negotio compositionem admittit; petitque planè à Sergio unius operationis vocem in Synodi Alexandrinæ decretis aboleri. Tùm Hierosolymitanus Patriarcha factus, editâ Synodicâ epistolâ, hanc vocem eò pertinere docet, ut duæ Christi naturæ confundantur, cùm unicuique naturæ suam operationem adesse necesse sit.

At Sergius, cùm intellexisset arreptos Catholicos, neque pacis licèt nomine obtrusam unam operationem admitturos, ad fraudem hæreticorum, more se conlulit; & ad Cyrum scripsit: ut neque unam, neque duas operationes dici permitteret; cùm una operatio aliquos conturbaret; duæ à Patrum sententiis abhorrerent. Hæc igitur omnia cum Sophronio & Cyro à se gesta perscribit ad Honorium, extatque epistola Actione XII. Synodi VI.

Ea Sergii epistola, ut hæretica à sanctâ Synodo VI. condemnatur; neque

(b) *Sophronius vir sanctissimus* I. aderat Alexandriæ, quando Cyri Concilium celebrabatur. Ille igitur, cùm à Cyro, qui ei dederat *ad retractandum illa nova impietatis capitula*, impetrare non potuisset, quanquam *fervide obsecrans, ne ea contra Catholicam Ecclesiam prædicaret*, profectus ad Sergium C. P. illi persuadere conatus est, ut *unius operationis vox de talibus auferretur capitulis*. At Sergius Sophronium contempsit, Cyrique doctrinam atque adeò Alexandrinæ Synodi capitula comprobavit. Erat enim ipso Cyro in novam hæresim Sergius propensior; quippe qui Cyrum, tunc Phasidis in Lazis Episcopum & Monothelismo repugnantem, suis literis eò impulerat, ut deinceps fieret Monothelismi defensor pertinacissimus. Vid. ep. Serg. ad Cyr. act. XII. p. 916. & Serg. ad Honor. ibid. p. 920.

quisquam excusat. Videamus ergò, an ejus epistola vehementissimus approbator excusari possit Honorius.

Eâdem Actione XII. refertur Honorii prima ad Sergium epistola, quâ Sergio respondet, hoc initio: *Scripta Fraternitatis vestra suscepimus, per quæ contentiones quasdam, & novas vocum quæstiones cognovimus introductas per Sophronium quemdam, adversus fratrem nostrum Cyrum Alexandria Antistitem, unam operationem Domini nostri Jesu Christi conversis ex hæresi prædicantem.* Ibi commemorat à se visas, quas Sergius ad Sophronium, *satis providè (i) circumspèctèque* scripsisset epistolas (*satis*, hoc est valdè, stylo eâ ætate, ac superioribus quoque sæculis noto) collaudatque Sergium refutantem *novas voces, quæ scandalum noscuntur Ecclesiis generare.* Scriptum est in fine: *Hæc nobiscum vestra Fraternitas prædicet, sicut & nos ea vobiscum unanimiter prædicamus (k).* Hæc prædicatio quid sit, adversarii edicant: nos ex totius antiquitatis more, ipsum dogma, fidem ipsam totâ firmitate constantem contineri eâ voce contendimus. Honorium verò eadem cum Sergio hæretico, atque hæresiarchâ *unanimiter* prædicare, ipse jactat Honorius; ut vel absolvi Sergii, vel condemnari Honorii epistolam omninò necesse sit.

Alteram Honorii ad Sergium epistolam insertam habemus actis VI. Synodi, Actione XIII. Primùm se testatur scripsisse, *ad Cyrum Alexandrinæ civitatis Præsulem, quatenus novæ adinventionis, unius vel duarum operationum vocabulum resutaret.* Et iterùm: *Ut unius vel geminæ operationis vocabulum noviter introductum à prædicatione fidei eximatur.* Et infrà: *Unius autem operationis, vel duarum, esse vel fuisse Dominum Mediatorem, sentire vel promere, satis ineptum est: hoc est, valdè ineptum (l), ut supra monuimus.*

Pergit Honorius: *Quantùm ad dogma Ecclesiasticum pertinet, quæ tenere vel prædicare debemus, propter simplicitatem hominum, & amputandas inextricabiles quæstionum ambages, sicut suprâ diximus: non unam vel duas operationes, sed utrasque naturas, cum alterius communione operantes, atque operatrices confiteri debemus: & Divinam quidem, quæ Dei sunt operantem, & humanam, quæ carnis sunt exequentem.* Et infrà: *Duas naturas, inconfusè, indivisè & inconvertibiliter propria operantes.* Quæ ut ut orthodoxa esse maximè videantur, haud tamen facilè est ea secernere à Monothelitarum simillimis dictis; tantæ ambages, tantus in verbis perniciosissimæ hæreseos dolus fuit. Paria enim Honorio proferebat Sergius in epistolâ ad Cyrum, & in ECTHESI Heraclius, & in TYPO Constans, & alii Monothelitæ passim.

(i) *Satis providè.*] In Græco legimus multùm providè.

(k) *Unanimiter prædicamus.*] Unanimiter cum Sergio prædicabat Honorius, tùm cùm, in suâ primâ ad eum epistolâ, hæc verba proferebat, quæ planissimè Monothelismum sapere videantur: *unam voluntatem fatemur Domini nostri JESU CHRISTI.* Quod cur ita crederet, sic explicat: *Quia profectò à Divinitate assumpta est nostra natura, non culpa.* p. 929. quali verò Catholici, qui duas in Christo voluntates profitentur, credant assumptam ab eo malam hanc voluntatem, quâ ceteri homines peccatis se implicant, quæque non ex sese mala est, sed ex depravatâ nostrâ naturâ, mala facta est.

(l) *Valdè ineptum.*] Sic in Græco, *πᾶν μάταιον.*

ep. Sophr.
ad Serg. act.

xii. p. 852.
& seq.

Vid. ep.
Serg. ad Ho-
nor. ib. pag.

924.
Ibid. act.

xii. p. 917.
& seq.

Epist. i.
Honor. ad
Serg. ib. r.
928. & seq.

Epist. ii.
Honor. ad
Serg. ibid.
act. xiii.
p. 968.

Ib. & p.
969.

Vid. Ep.
Serg. ad.
Cyr. in
Conc. Lat.
an. 649. se-
cret. iij T.
vi. p. 195.
& seq. Typ.
secret. iv.
pag. 231. &
seq.

Verùm hæc ad fastidium usque disputantur in scholis : nos quæ certa sint figere laboramus.

Ac primùm ; illud certum est , Honorium , à tribus Patriarchis consultum , hoc rescriptum edidisse. Quo enim sensu ad Sergium Constantinopolitanum , eodem ad Cyrum Alexandrinum se scripsisse testatur. His duobus Patriarchis addamus tertium Sophronium Hierosolymitanum , rectè de duabus operationibus sentientem , & ideo à sextâ œcumenicâ Synodo comprobatum , de quo hæc Honorius epistolâ II. ad Sergium : *Hos quos prædictus frater & Coepiscopus noster Sophronius misit , instruximus , ne duarum operationum vocabulum , deinceps predicare nitatur : quod instantissimè promiserunt prædictum virum esse facturum , si etiam Cyrus frater noster ab unius operationis vocabulo discesserit.*

Vid. Epist.
Honor. loc.
jam cit.

Hæc quidem Legati Sophronii promittebant : at Sophronium in rectâ sententiâ perseverasse , ejusque tantùm Legatos ab Honorio , quem ritè consulturi venerant , pessimè *instructos* prava ac fidei adversa promississe constat.

Objiciunt in Honorii epistolis , nullam Synodi à se habitæ fieri mentionem , nullum anathematismum fuisse interpositum.

At Synodi quidem habitæ nulla mentio ; sicut neque in Cælestini ad Cyrillum ; neque in Leonis ad Flavianum ; neque in Innocentii * ad Synodos Africanas respondentis , epistolis ; neque in aliis multis , quas nihilo feciùs pro veris Apostolicæ sedis decretis habeamus.

Nullus certè anathematismus : quid tùm ? Nullus in Apostolico Hierosolymitano decreto , Act. XV. nullus in Sophronii epistolâ , quam tamen ipse Synodicam vocat : nullus in permultis Sedis Apostolicæ Decretalibus , etiam de fide editis : neque enim in Gregorii II. primis epistolis ad Leonem Isaurum , aut in aliis benè multis , statim stringuntur anathemata. Doctrina præcedit simplici veritate nixa : anathematismi sequuntur adversùs contumaces. Neque tantùm erratur cùm damnantur vera ; sed cùm falsa comprobantur : quòd fecisse Honorium , cùm Sergium ac Cyrum , eorumque perversas suscepit epistolas , procul omni dubio est. Atque omninò certum hæc rescripsisse Honorium de fide consultum à tribus Patriarchis , Sergio , Cyro , & Sophronio ad hoc Legatos mittente , ut *instrueretur* : nec minùs certum , hæc Honorii dogmata perlata ad Ecclesias , totoque Oriente vulgata. Hinc editas Ectheses , hinc Typos , quæ unam vel duas operationes ex æquo prohiberent : hinc Macarium Patriarcham Antiochenum Monothelitarum obstinatissimum in VI. Synodo in hæc verba confessum : *Consentimus tam quinque Synodis , quàm Honorio à Deo erudito , Sergio , Paulo , atque Petro ; atque iterùm : Rejicio & Maximum & impium divisionis ejus dogma : quod & olim nostri Patres respuerunt , id est , Honorius , Sergius , Cyrus , & reliqui Ecclesiarum Antistites ; præmissò semper Honorii nomine.*

Ibid. act.
viii. p. 741.
& in exp.
Macar. ib.
p. 749.

Epist. 1. Quid autem illud est Honorii ad Sergium : *Hæc prædicet nobiscum vestra Fraternitas ; nisi declaratio fidei per Sergium populis prædicandæ ? Quid illud ejusdem Honorii susipientis Cyrum ; unam operationem Domini nostri Jesu Christi conversis ab hæresi prædicantem ? Quid , inquam , illud est , nisi*

Honor. ad
Serg. act.
m. p. 928.

hæreseos quam Cyrus prædicabat, hæreticæque professionis, quam tradebat, comprobatio? Sic Cyrum confirmat, non quidem in fide, quemadmodum jubebatur; sed in ipsâ hæresi, quam Cyrus animis instillabat.

Hæc verò scripta Sergii, Honorii, Sopronii, quæ memoravimus in sextâ Synodo *dogmatica*, seu *Synodica* appellantur; eoque nomine à sanctâ Synodo, prævio examine, collaudantur, vel condemnantur. Quid sint autem hîc *dogmatica scripta* facilè intelligit, qui adverterit, id quod nos *Decretum* dicimus, à Græcis appellari *Dogma*. Hinc passim apud autores Ecclesiasticos, decreta fidei Ecclesiasticâ autoritate edita vocantur *Dogmata*. Quæ locutio ab ipsis Apostolorum actis deprompta videatur; ubi ea, quæ in Apostolici Concilii literis statuuntur, vocantur *Dogmata* quæ ab Apostolis judicata essent *δογματα τὰ κεκριμένα*. Certè ipsa Nicæna fides, seu symbolum Nicænum, plerùmque apud Sozomenum & alios vocatur *Dogma Nicænum*. Ac ne ab hoc negotio recedamus, sancti Agathonis authenticæ literæ, Apostolicæ Sedis, ac totius Synodi Occidentalis conscriptæ nomine, à totâ VI. Synodo, *Dogma*, & à Leone II. hujus Synodi acta ad Hispanos probanda mittente, *Tomus Dogmaticus* appellantur. Eodem nomine appellat Theophanes missam à Gregorio II. ad Leonem Isaurum de fide *Decretalem*, seu *Dogmaticam epistolam*: ut has Honorii à Patriarchis consulti epistolas pro responso Apostolicæ Sedis fuisse habitas, dubitari non possit.

Ib. pag.

933. & act.

xiii. p. 244.

245.

Act. xvi.

4.

Sozom.

passim.

Conc. vi.

act. xviii.

Sermon. ac-

clam. ad Im-

per. p. 1053.

Epist. ij.

Leo. II. T.

vi. Conc. p.

1246.

CAPUT XXIII.

Bellarmini ac Baronii effugium: quòd hæc Honorius dispensatoriè pacis gratiâ scripserit, quoad rem exactiùs definiret: id ipsius Honorii verbis confutatur, doceturque Honorium cum Monothelitis, à Romanis Pontificibus, ac præsertim à sancto Martino, presso licèt nomine, condemnatum.

HÆc cum intelligerent Bellarminus atque Baronius, in excusando Honorio, ejusque epistolis defendendis, præcipuam operam collocârunt: contenduntque ab Honorio consultissimè factum, quod utramque & unius, & duarum operationum vocem pacis gratiâ ex æquo sustulerit: ac deinde multis agunt, ut Honorius à Monothelitarum hæresi alienissimus fuisse videatur. Quod quidem haud est improbabile; neque propterea minùs intolerabile illud, quòd malè Patriarchas consulentes *instruxerit*; redemeritque pacem, pacto silentio de Orthodoxâ fide.

Bell. de

R. P. Lib.

iv. cap. xi.

Bar. Tom.

viii. an.

633. p. 316.

& seq. &

an. 681. p.

pag. 547. &

seq.

At enim, inquiunt, ita egit, quoad rem diligentius definiret; quo ritu multi Pontifices & nostris temporibus Clemens VIII. & Urbanus VIII. in quæstione de auxiliis, quoad rem definierint, utrique parti silentium indixere. Id enim exemplum, ut maximè ad rem multi proferunt. Sed ego nihil simile video apud Honorium: ac si recta sentiens veritatem dispensatoriè, & ad tempus premi juberet, primum non tam absolutè pronuntiâ-

fer. Significasset alicubi rem obscuram, atque aliàs exactiùs explicandam; non rectam ipsam fidem, æquè ac hæreticum dogma, communi, *novæ ad-inventionis ac novi introducti vocabuli*, nomine involvisset. Falsum enim erat duarum operationum, *novam adinventionem, novum esse vocabulum*, quod ex antiquâ Patrum traditione profectum tota Ecclesia recognovit. Ablegari autem voces, rectam spirantes fidem, ad eas *novitates vocum*, quæ, teste Apostolo, non nisi *profana* esse possint, quis æquo animo ferat? Jam verò quale est utrumque *ineptum*, & *valdè ineptum dicere*, & *unam operationem*, quod sit hæreticum, & *duas* quod ad fidem Catholicam pertinere constat? Quid quòd Honorius docet, non tantùm *ineptum* duas operationes dicere, verùm etiam *sentire*: quo non tantùm illa vox, sed etiam res ipsa, sensus ipse proscribitur? Quid quòd utramque sententiam, velut novitatem *æquè à predicatione fidei eximendam* putat? Quis unquam Catholicus Pontifex ita paci, ita veritati, ante expromptam definitionem consuluit, ut utramque sententiam ineptam esse decerneret? Quod est *ἀνύστατον* sibi quæ ipsi repugnans; ut non immeritò post sextam Synodum in Imperatorio decreto dicatur Honorius, non modò hæresis *confirmator*, sed etiam *sui ipsius oppugnator*. Profectò nimis favemus Honorii nomini, si hæc defendimus, quæ non nisi pessimo exemplo defendi possint. Denique ubi illa quæ definitioni supersedere cogat obscuritas quæstionis, duæne, an una in duabus Christi naturis sit operatio? Pari jure Leo Magnus duæne, an una in Christo natura esset, dissimulare, aut utrumque *ineptum* pronuntiare potuisset; ac tam scdâ pactione pacem cum Eutyche & Dioscoro fovere. Hæc verò procul aberant à Patrum sententiâ. Quare Romani Pontifices, Honorii proximi successores, Severinus, Joannes IV. Theodorus, sanctus Martinus, & alii, ac sanctus Agatho, pari sententiâ proscripserunt, quique unam operationem dicerent, quique duas æquè ac unam tacendam esse indicerent.

1. Tim. vi.
20.
Conc. vi.
act. xviii.
edict. I. n.
pag. 1086.
Conc. Later.
ter. sub.
Mart. I. se-
cret. I. T.
vi. Conc. p.
82. & seq.

Et Martinus quidem Martyr fortissimus, habitâ Lateranenſi Synodo, insulsa hæreseos arcana revelavit: quemadmodùm Monothelitæ primùm unam voluntatem, unamque operationem prædicassent: mox ut damnationem effugerent, unius æquè ac duarum vocabulum suppressissent. His expositis ipse & sancta Synodus ECTHESIM Heraclii & Constantis TYPUM damnant: duas voluntates; duasque operationes disertè asserunt, percussique uno anathemate quique falsa dicerent, quique vera supprimerent.

Id. Secr. iv.
p. 238.

Ipsam Synodum audiamus. Sancta Synodus dixit: TYPUS omnino est incongruens Catholice Ecclesie regule, in qua utique adversa fidei tantùm jubetur silentio sepeliri; non verò orthodoxa cum contrariis denegari aut admitti: pessimumque cum rectâ fide impietatem suscipere, neque discernere recta à malis. Quod peccatum omnino peccavit Honorius, qui unius duarumque operationum voces æque novas, æquè ineptas, æquè à rectâ prædicatione alienas esse asserit.

Hæc in secretario IV. Synodi Lateranenſis à sancto Martino Papâ habitæ, in V. secretario Canone XVIII. Sergius, Pyrrhus, Paulus Constantinopolitani Patriarchæ, Cyrus Alexandrinus & Theodorus Pharan eo nomine damnati sunt, quòd vel unam operationem dicerent, vel duas æquè

Id. Secr.
v. can. xvij.
pag. 356.
357.

æquè ac unam dici prohiberent : quo canone quis non videat , Honorium , presso scilicet nomine , condemnatum ? Sed jam ad Synodi VI. acta veniamus.

CAPUT XXIV.

De Synodo VI. generali : ea post Romanorum Pontificum , atque imprimis Sancti MARTINI exquisitissimas definitiones est habita : in eâ de Sancti AGATHONIS , totiusque Occidentalis Synodi literis ritè deliberatur : quo sensu Synodus suscipiat , quæ à Sancto Agathone de Sede Apostolicâ prædicantur.

SA N C T I Martini Lateranense Concilium celeberrimum fuit Legatione Africanarum , multarumque Orientalium Ecclesiarum , in eandem fidem consentientium : accesserunt ducentorum ferè Episcoporum (*m*) , unà cum ipso judicantium subscriptiones : denique missa sanctæ Synodi ad omnes CHRISTI Fideles toto orbe terrarum *encyclica epistola* : tùm illud maximum à sancto Pontifice pro eâ definitione multa perpesso , fidem orthodoxam etiam Martyrio consignatam (*n*).

Vid. Ep.
encycl. Synod. Later.
T. VI. pag.
367. & seq.

Post eam tamen definitionem , toto Oriente commoto per Imperatores , atque Patriarchis Constantinopolitanis hæresim prædicantibus , Macario quoque Antiocheno Patriarchâ in partes transeunte ; necesse visum est , sub Sancto Dono Papâ , eoque mortuo , sub Sancto Agathone Synodum æcumenicam VI. haberi Constantinopoli , à Constantino Pogonato Imperatore convocatam.

Hic primùm occurrunt scriptæ ad Imperatorem duæ Agathonis Papæ literæ , quæ in Synodo generali legerentur : altera ipsius Agathonis , Sedisque Apostolicæ ; altera Occidentalis Synodi , quam Agatho Romam vocaverat , nomine. Lectæ igitur sunt in ipsis Synodi principiis Actione IV. Hic videre est firmam & ubique constantem in deliberandi ordine ac ritu sanctarum Synodorum traditionem. Quo enim ritu atque ordine Sancti Cyrilli & Sancti

Ep. Agat.
ad Imper.
act. IV. Cōc.
VI. p. 630.
& seq. &
677. & seq.

(*m*) *Ducentorum ferè Episcoporum.*] Levis error in D. BOSSUET textum irrepsit. Acta enim habemus hujus Synodi à quinque omnino & centum Episcopis subscripta , quem numerum exhibent omnes historici præter Theophanem , qui memorat CX. Episcopos huic Concilio adfuisse. Vid. Theoph. an. 19. Heraclii.

(*n*) *Martyrio consignatam*] S. Papa Martinus Constantii Imperatoris jussu *abstractus à Palatio Lateranensi & in navim conjectus, adsportatus est* Constantinopolim. Quamquam in eum sic faxerint , qui ejus per viam satellites constituti fuerant , ut vix à Paganis persecutoribus talia passi fuerint unquâ Christiani Martyres. Eum nec illi, nec etiam aulici Imperatoris multis conrumeliis vexatum , dimovere potuerunt ab eâ Constantiâ , quæ virum Apostolicum decebat. *Inde in Chersonam transvectus, in exilio, fame, aliisque calamitatibus consumptus, diem extremum obiit.* Vid. ejus vit. Tom. VI. Conc. p. 4. & etiam p. 63. & seq. ep. XIV. XV. &c. hujus Sancti Pontificis , in quibus suas calamitates eo modo narrat , ut pietatis sensa instillet , simul ostendat primorum Martyrum adeò laudatorum se non esse fortitudine dissimilem.

Ib. act. thonis in Synodo VI. probantur epistolæ. *Paulus magnificus à secretis dixit : VIII. p. 729. Dicat Georgius Archiepiscopus hujus Regiæ Urbis , & qui cum eo &c. si con-*
 & seq. *venit eis sensus suggestionum directarum ab Agathone sanctissimo Papâ , & suâ Synodo. Georgius dixit : inspiciens omnem virtutem , (id est significatio-*
nem ac vim) earum literarum , & scrutans libros sanctorum probabilium
Patrum , cuncta quæ continent , inveni consonantia eis , & sic profiteor , &
credo. Alii : Inveni in nullo eas à sanctis Patribus discrepare , & consentio.
 In eum sensum omnes sigillatim dicunt; nec nisi eo examine, probatæ epistolæ Sancti Agathonis & Synodi totius Occidentalis.

Epist. E-
pisc. ib. act.
xv. p. 688.

Et quidem Agatho , & Occidentales ita sua dogmata proferebant , *ut qui*
vellent de iis , non tanquàm de incertis contendere ; sed ut certa , atque im-
mutabilia compendiosâ definitione proferre. Profecto ergò , quantum in ipsis
 erat , rem definiebant. Quærebatur an reliquæ per Orbem terrarum Ecclesiæ
 consentirent ; nec nisi Episcopali examine res tantâ constitit.

Ibid. Epist.
Agath. pag.
536.

Quæ verò de Sede suâ Sanctus Agatho præclarè ac magnificè & verè
 scripserat , quòd nempè , Domini pollicitatione subnixâ , nunquàm à *viâ*
veritatis deflexerit , quòdque ejus Pontifices Agathonis antecessores in Petro
 jussi confirmare fratres suos , id semper præstiterint , hæc Concilii Patres
 audiunt atque suscipiunt. Neque eo seciùs rem examinant ; de Romanorum
 Pontificum decretis quæstionem habent ; quæstione habitâ , Agathonis dog-
 mata probant , Honorii damnant : certo documento , non ita intellexisse
 ea , quæ Agatho scripserat , tanquàm singula Romanorum Pontificum de-
 creta , etiam de fide , indiscussa suscipi necesse sit , cum ea Concilii generalis
 supremo atque ultimo examini subderentur ; sed ita ut hæc dicta universim
 sumpta , summâ ipsâ , in totâ & integrâ Petri successione valeant , ut sæpè
 diximus , & suo loco dicemus uberiùs.

Inf. tot.
lib. X.

C A P U T XXV.

Sextæ Synodi in HONORIUM dicta sententia : ejus sententiæ fre-
quens repetitio : cur Synodus eum damnatum voluerit , quem Ro-
mani Pontifices excusare videantur.

JAM an VI. Synodus tantâ severitate damnârit Honorium , acta ipsa elo-
 quentur.

Joan. iv.
apol. pro
Honor. T.
xii. Bibl.
Pat. pag.
835. & seq.
Disp. Ma-
xim. cum
Pyr. Tom.

Et quidem Romanos Pontifices Honorii successores , hujus nomini peper-
 cisse constat. Quin etiam Joannes IV. post Honorium tertius , eum excusa-
 vit , ut potuit , editâ ad Constantinum Imperatorem apologiâ , quam laudat
 Maximus , hujus ævi adversus Monothelitas Confessor egregius.

Excusabat autem Joannes Honorium , quòd is *unam voluntatem bono sensu*
dixisse videretur : quòd autem unam & duas æquè rejecerit , ne attingit
 quidem.

Agatho verò hoc quoque emollire nititur; sic enim loquitur in epistolâ quam in sacrâ Synodo legendam Imperatori misit: *Ex quo novitates in CHRISTI Ecclesiam Constantinopolitani Præsules introducere conati sunt, mei Prædecessores nunquam neglexerunt eos hortari, ut à pravis dogmatibus, saltem tacendo desisterent, ne ex hoc exordium dissidii in unitate Ecclesiæ facerent, unam voluntatem, unamque operationem duarum naturarum asserentes in uno Domino nostro JESU-CHRISTO.* Indictum ab Honorio silentium extenuat, ut potest, neque tamen aut Honorium apertè defendit, aut approbare Synodo audet, duarum voluntatum æquè ac unius suppressam ab eo vocem.

Cur autem Honorii Successores antè VI. Synodum, viri memoriæ pepererint, hæ causæ exitère: Primum, quòd in aliis præclarè Pontificatum gessisset, & in Ecclesiæ pace obiisset, ac nihil malo animo egisse, neque contumax futurus fuisse videbatur: tum Honorium excusantes, Catholicæ Fidei favere se putabant, dùm Hæreticis tale patrocinium denegarent: denique nihil cogere videbatur, ut Honorii epistolas in Occidente damnarent, quòd ex ad Orientales scriptæ, inter Occidentales vix, aut certè tenui admodum famâ pervulgatæ essent, ubi Monothelitæ tum vel pauci vel nulli erant.

At Orientales, & VI. Synodus, postquàm iis constitit Honorii epistolas & in Oriente longè latèque fuisse diffusas, & à Monothelitis miro studio jactatas, ac multos seductos Majestate Pontificii nominis, auditusque Macarius Antiochenus, qui in actione VIII. *Honorium à Deo eruditum*, antesignanum, ac ducem ubique nominaret; de Honorio ejusque epistolis minime tacendum esse decreverunt. Itaque actione XII. ac XIII. epistolæ lectæ sunt, itaque est in eam sententiam actione XIII. ut epistolæ Honorii æquè ac Sergii Pyrrhique & aliorum declararentur *alienæ ab Apostolicis dogmatibus, & à definitionibus sanctorum Conciliorum & cunctorum probabilium Patrum; sequi verò falsas doctrinas Hæreticorum.* Itaque Honorius cum cæteris anathemati subjicitur, eò quòd compertus sit, *per omnia mentem Sergii secutus, & impia dogmata confirmavit*: quæ omnia gesta sunt, nihil contradicentibus Sedis Apostolicæ Legatis, imò consentientibus ac subscribentibus.

Neque attenderunt Patres, si quæ Honorius recta dixisset; cum plena & tota in dogmaticis scriptis requiratur fides: neque reconditos, sed obvios sensus sanos esse oporteat; neque subtiliter, sed populariter intelligi debeant, quæ communi fidei exponendæ à Pontificibus conscribantur.

Dictâ sententiâ, Patres, pro more Synodorum, quid gestum sit ad Agathonem referunt, atque *ex ejus literis Sergium, Pyrrhum, ceteros, Honorium quoque damnatum* profitentur. Atqui, inquires, Agatho nihil de Honorio scripserat: imò defensare velle utcumque videbatur. Certè; sed cum alios exemplo Martini antecessoris sui condemnasset, ac diserte proscripisset non tantum qui unam voluntatem dicerent, sed qui nec unam, nec duas, horum affectatorem Honorium, ac fautorem, in parem sententiam incurrisse, Patres intelligebant; datumque honori Agathonis, ut quæ ipsi supplevisent, eo quoque autore facta esse viderentur.

Honorius item in Prosphonerico ad Imperatorem cum aliis Hæreticis memoratur.

v. Conc. p. 1784. & seq. vid. impr. p. 1813. & seq. Epist. Agath. Conc. vi act. iv. p. 637.

Ibid. act. viii. p. 741. 749.

Ibid. act. xii. & xiii. Ibid. act. xiii. p. 944.

Ibid.

Lit. Conc. vi ad Agath. ibid. act. xviii. p. 1073. Vid. Bar. an. 681. T. viii. pag. 549. Act. xviii. ferm. acclam. p. 1053.

Ib. edict. Idem in Imperatoris Edicto Honorius notatur his verbis: *Hæreseos fau-*
 Imper. pag. *tor, concursor, confirmator, qui etiam sui extitit oppugnator (o).* Quippè
 1035. qui, ut vidimus, pugnantia dixerit. En quories in acta relatum sit damnari
 Honorii nomen.

CAPUT XXVI.

Actio falsi intenta Synodalibus gestis, ac duabus LEONIS II. epistolis, temeraria & absurda: repugnantibus omnibus Scriptoribus, actisque publicis.

Vid. Bell. & Bar. loc. cit. cap. xxiii. **T**OT acta adulterari & corrumpi à Græcis potuisse, Bellarminus & Baronius, alique jactant: neque tantùm hæc, sed alia multa, quæ ex his secura sunt.

Hæc enim Synodi œcumenicæ semel prolata sententiâ, Romani Pontifices, non jam licere sibi putârunt, Honorio parcere; sed Synodi aurorirarem fecutus Leo II. successor Agathonis, ad quem, antecessore mortuo, acta VI. Synodi firmanda transmissa sunt, damnat Monorhelitas, & inter eos *Honorium, qui hanc*, inquit, *Apostolicam Sedem, non Apostolica traditionis doctrinâ lustravit; sed prophanâ proditiōe immaculatam fidem, subvertere conatus est.* Quam sanè epistolam benè Latinam habemus, & ita naris scriptam sententiis, ut vel ipso gustu, Græcis intactam sentias.

Hinc Anastasius Bibliothecarius, qui ex scriniis Apostolicæ Sedis, Romanorum Pontificum scripsit historiam in Leone II. hæc habet: *Hic suscepit sanctam VI. Synodum, que per Dei providentiam nuper in Regiâ urbe celebrata est, in quâ condemnati sunt, Cyrus, Sergius, Honorius ac Pyrrhus.* Hæc ille, ab his temporibus haud multùm remotus, ex scriniis scripsit: quæ si omnia falsa & adultera sunt, nihil est in omni antiquitate quod integrum esse constet.

Epist. II. Neque ita multò post, idem Leo II, darâ epistolâ: *Dilectissimis fratribus universis, Ecclesiarum CHRISTI Prasulibus per Hispaniam constitutis; acta VI. Synodi recipienda transmittit ad Hispanos, qui Occidentali sub Agathone Synodo non adfuerant.* De gestis aurem VI. Synodi sic habet: *Quâ*

in Synodo, inquit, *eternâ damnatione mulctati sunt Theodorus *, Cyrus **, Sergius, Pyrrhus, Paulus, Petrus Constantinopolitani cum Honorio, qui flammam hæretici dogmatis, non, ut decuit Apostolicam auctoritatem, incipientem exinxit, sed negligendo conforvit.* Quæ nec nota Græcis, nedùm falsata fuerint.

Quare sequens ætas, & VII. Synodus & VIII, & Synodi deinde omnes;

(o) *Sui extitit oppugnator*] Honorius. Cùm enim defenderet ineptè dici unam operationem, nec minùs ineptè duas operationes, tamen laudabat Cyrum unam operationem Domini nostri Jesu Christi conversis ab hæresi prædicantem Bellarminus & Baronius, Honorium cum Honorio pugnantem ut conciliarent frustra laborarent. Nam, si id quod volunt, Honorius duas operationes confitebatur, inde magis sui oppugnator extiterit.

& omnes Pontifices acta VI. Synodi, & condemnationem Honorii susce-
pêre. Hanc iterat Tarasius Patriarcha Constantinopolitanus, Synodi VII.
tempore, ad Adrianum Papam I. scribens: Hanc VII. & VIII. Synodus,
dum anteriorum Synodorum, pro more, anathemata repetunt; idque Ro-
manis Pontificibus nihil repugnantibus; imò ultrò accinentibus. Nam ipse
Adrianus II. nonnihil ab Honorii exemplo metuens, sedis suæ autoritati,
damnatum quidem eum confitetur à VI. Synodo, sed *post mortem*; sed
propter hæresim; sed consentiente Romano Pontifice. Hæc multis & solli-
cité exequitur; cæterum de falsitate nulla suspicio. Anastasius verò Biblio-
thecarius, non modò in Leonis II. vitâ scripsit, quæ statim memorata sunt;
sed etiam libris pro Honorio editis, cum eum vel maximè tuendum suscipe-
ret, immeritò quidem, sed à VI. Synodo verè damnatum fatebatur:
Adeò nihil de fraude suboluit. Quin etiam extat in diurno libro Romanorum
Pontificum ea, quam electi edere consueverant, fidei professio: Eà in pro-
fessione inter cæteros anathemate condemnatos Honorius recensetur. Quem
diurnum librum doctis viris visum pridem & agnitum, Petrus Garnerius vir
doctissimus atque optimus, è Societate Jesu, Theologiæ Professor, ex op-
tinis Manuscriptis vulgavit. Idem etiam in vetustis Romanis Breviariis, us-
que ad nostrum sæculum, in Sancti Leonis II. vitâ legebatur. At enim
diurnum, ut possunt, premunt; in Breviario Romano hæc eraserunt. An
ideò occulârunt? Undique erumpit veritas; tantòque hæc magis compa-
rent, quanto studiosius eraduntur.

Quid ergò, tot Romani Pontifices, tot Synodi, adulteratis codicibus in
errorem abrepti sunt? Adeòne pronom fuit tantà in re, toti Ecclesiæ, ipsi-
que adeò Romanis Pontificibus illudere?

Atqui in eam rem vel maximè intentos fuisse constat: nam & Joannes IV.
Pontifex, Honorium, quoad poterat, excusabat; & Martinum & Aga-
thonem antecessori suo, occultius licet, patrocinos esse, etiam adversarii
volunt. Nullus interim falsitatem suspicatur: ac post mille annos primus
Bellarminus flagitium detegit; hunc sequitur Baronius. Quâ tam dignâ ra-
tione? Nullâ, nisi quòd ad tuendam eam quam Romanis Pontificibus tri-
buunt infallibilitatem, illis falsatâ VI. Synodo, quoquo modo opus erat.

Quod enim objiciunt hæc acta falsa esse ideò, quia alioquin Patres iniquè,
inconsultò, ac præcipitanter de Honorio statuissent; quis non videat ad
falsi actionem, quàm lata sit janua, si hæc admittantur?

Quid autem iniqui est in Decreto Synodali? Nempè, inquiunt, Honorius
non erat Monothelita. Quid tùm postea? Quasi Hæretici tantum, ac non
etiam Hæreticorum fautores defensoresque damnentur.

At Patres Honorium excusare potuissent: debuissent quærere bonone
animo, an malo scripserit: denique an non hæc qualiacumque recantârît.

Quid autem? An ut illi parcerent, ejus epistolas intactas relinquerent,
quarum autoritate novas subinde fraudes Hæretici molirentur? Nempè Pa-
tres VI. Synodi tenebant epistolas toto Oriente vulgatas, quibus se Hære-
tici maximè tuerentur: videbant rectam fidem, unâ cum errore proscrip-
tam; de palinodiâ autem quid cogitarent, de quâ nihil audierant; nihil ad
Provincias commeaverat: nihil Romani etiam memorabant; & erat quod
adhuc de Honorio quæreretur.

Conc. Nic.
ij. Gen. vii.
act. iij. T.
vii. p. 167.
Ib. act. vii.
in defin. p.
555. &
Conc. C. P.
iv. Gener.
viii. in
defin. Tom.
viii. pag.
1147.
Ib. Conc.
viii. act.
vii. pag.
1091.
Ep. Anast.
Biblior. ad
Joan. Diac.
Tom. xii.
Bibl. Pat.
p. 833.
Vid. Brev.
Rom. ant.
recog. Pii
vi. & Clem.
viii. die
xxviii. Ju-
nii.

Baron. an.
631. Tom.
viii.

Ib. d.

Ib. p. 550.

Nempè VI. Concilii Patres, Bellarmini, ac Baronii more, in Honorii epistolis reconditos sensus quærerent: faventem Sergio, ac veritati per Sophronium prædicatæ obstrepentem, exquisitis distinctiunculis excusarent, si infallibilem cogitassent.

Jam ut strictius de falsitate agamus, Græcos hujus auctores esse volunt; scilicet, ut tot inter à Synodo damnatos Patriarchas suos, vel unum Papam cernerent, id fuisse solatio; atque hujus rei gratiâ, non tantum eos, qui in Oriente erant, sed omnes quotquot per Orbem vulgati, libros corrumpere, atque Honorii insinulare nomen. Hæc quidem proburi, non autem jactari oportebat. Sed esto; admittamus fabulam. Leonis II. duas epistolas Latinè conscriptas, totoque Occidente vulgatas, quis confinxit Græcus? Quis Honorii nomen inseruit? Quis ad hoc flagitium perpetrandum, Italiam atque Hispaniam ex ultimâ Græciâ penetravit? An Latini quoque ad eam falsitatem cum Græcis consensere? Ludibria quidem, non responsa ista sunt: prorsusque conclamata causa est, quam talibus figmentis defensam oporteat.

An fortè Leo II. ipse deceptus est, falsæque ad eum Synodi VI. acta perlata sunt; neque à Legatis didicit quid rerum in tantâ Synodo super Honorii nomine gestum esset? Quis insulsa commenta, ac malè coherentem fabulam ferre possit?

Jam rogo falsane omnia in VI. Synodo, quæ de Honorio memorantur; neque Macarius Antiochenus Monothelitarum Princeps, patrocinantem sibi jactavit Honorium actione VIII; neque Honorii lectæ sunt epistolæ actione XII. & XIII; neque de his quæsitum aut judicatum quidquam, actione XIII & XVIII. Cui autem falsario adversus œcumenicam Synodum in totius Orbis conspectu tanta licuere? Si autem Honorii epistolæ, verè ab Hæreticis laudatæ, in sanctâ Synodo verè lectæ, verè examinatæ sunt, & in gesta relatæ, quid egisse finges Synodum? Tacuisse, neque quidquam decrevisse post tantos apparatus? Absurdum. Probavisse? Absurdus. Quis enim id unquam somniavit? Condemnavit ergò eas Synodus, neque ullum effugium est.

Vide autem, adultera manus quid potuisse visa sit Baronio. Nempè si ei credimus, Theodorus ille Constantinopolitanus in VI. Synodo est condemnatus; cum hujus in actis Synodi nulla sit mentio. Damnatione Honorii op-pleta omnis pagina est: at Baronius eum condemnatum negat. Theodorus ille & contrà se gesta erasit, & contrà Honorium gesta inseruit: quidquid libuit, sustulit; quidquid libuit, insinavit: Leonis quoque II. credo corripit epistolas: omnia successere; fraudis vestigium nullum. Et quidem Baronius tanquam scelere deprehensus, annum falsationis assignat eum, qui post Synodum consequatur: pertractum in sceleris consortium Imperatorem ipsum, Catholicum licet, ut Synodum, se autore ac defensore gestam, ipse corruerit. Idem Baronius (mirum) de falsandâ Synodo ad Imperatorem habitam artificis orationem refert integram, quæ duas impleat paginas: quasi Theodorus res in tantæ Synodi luce gestas, recente memoriâ, post annum vix expletum, obstupefactis Patribus & Legatis, atque emortuo Orbe, æterno silentio sepelire se posse confideret? Hæc Baronius: quo teste, quo indice? Nullo: nisi quòd non aliis suffulta machinis, concepta sententia stare possit,

Ib. p. 551.
552.

Ib. an. 682.
p. 665. 666.

Grave quidem nobis est, hæc de Baronio, viro maximo, memorare; sed potior veritas: atque annales Ecclesiasticos, tantum opus, ab ipso autore, dum partium studiis abripitur, his figmentis dehonestatos esse, nemo non doleat. Neque nos hæc primi memoramus: alii viri doctissimi præverunt, ac nuperrimè Christianus Lupus, totam falsi suspensionem tot argumentis elisit, ut nullus dubitationi supersit locus. Verum alibi memorata hic prætermittimus.

At enim ex Synodo VI. constat corruptam fuisse à Monothelitis Synodum V. & acta Vigilii & Patrum libros. Factum: at constat etiam falsitatem statim fuisse convictam; Patresque orthodoxos adversus impostores omnino vigilasse. At post tantam falsitatem, quantam comminisceris, novem sæcula dormierunt.

Quid autem Bellarmino prodest, Leonis Magni epistolas & alia multa à Græcis quibusdam fuisse corrupta; cum ea acta ad nos haud minùs integra pervenerint? Aliud enim est à Græcis quibusdam, codices aliquot; aliud omnes codices, quotquot per Orbem terrarum erant, communi consensu fuisse corruptos. At enim, inquit ille; teste Gregorio, *Latinorum codices veraciores sunt, quàm Græcorum: quoniam Romani, sicut non acumina, ita nec imposturas habent.* Esto: quid tandem respondebunt, cum ad Latinos codices provocabimus? Nempè in Latinis codicibus, Latinas Leonis II. epistolas legimus, quæ Græcis quoque codicibus fidem præstent. Tantine igitur est, non errasse Honorium, ut eâ gratiâ Latinorum æquè ac Græcorum etiam fidem suspectam habeamus?

Cæterum vir doctissimus ac religiosissimus Franciscus Combefis, è Prædicatorum Ordine, Sacræ Theologiæ Professor, cum omnia Baronii argumenta invictis argumentis confutavit, tùm verò ea gesta protulit, quæ si Baronio videre contigisset, haud equidem puto hanc falsi actionem tantâ confidentiâ suscepturum fuisse.

Is igitur edidit Agathonis Diaconi orationem scriptam triginta ferè annis post VI. Synodum, Philippici Bardanis Tyranni temporibus: cujus actionis hoc initium est: *Peccator ego, & omnium minimus Agatho, indignus Diaconus, ac sanctissima hujus magnæ Ecclesiæ scriniorum custos, venerabilisque Patriarchalis secreti Protonotarius, & secundus Cancellarius, antè duos & triginta plus minùs annos juvenili adhuc ætate Lectorum Ordini accensus ac inutilis Notarius agens; sancta huic & universali VI. Synodo operam commodavi, universa in eâ mota, quesitaque ordine affectatus omnes porrò Tomos actuum præfatæ Synodi mundo codice propriâ ipse manu, Ecclesiasticis literis (p) consignavi, qui & sub signaculis, unâ cum fidei definitione, quam sancta eadem Synodus palàm edidisset, Patrum subscriptione munitâ, in Imperatoris Palatio fuerunt repositi, ac tutò servati: quin & quinque Patriarchalibus Sedibus tradita, definitionis ejusdem, eâdem Patrum subscriptione munita exemplaria, eodem conscripsi modo, jubente piæ recordationis Imperatore Constantino, ac sic fieri præcipiente; quò fidei orthodoxæ sinceritas, atque veritas nullis pateret insidiis.*

(p) Ecclesiasticis literis] Hic Agatho significare videtur scriptionis genus quoddam elegantius & nitidius illo, quo in actis vulgaribus uti solebant descriptores.

Christ.
Lup. differt.
in vi. Syn.
c. vi. T.
II. p. 8, 8.
vid. differt.
præv. n.
LVI.

Vid. Baro.
an. 681. &
Conc. VI.
act. VII. p.
753. & act.
XII. p. 917.

Bell. de
R. P. lib.
IV. c. XI.

Greg.
Mag. Lib.
VI. ep. XIV.
ad Narf.
Comit. T.
II. p. 803.

Vid. Hist.
Monoth. P.
Comb. ed.
Paris. 1648.
sub hoc tit.
Auctuarium
Bibl. Pat.
Tom. II.
Ib. pag.
199.

Cùm postea memorasset, quid Philippicus Bardanes Tyrannus pro Monothelitis molitus esset, addit: nec voluisse eum ingredi Regiam, quoad VI. Synodi imago inde dejecta est; subditque: *Id*, inquit, *suâ auctoritate decernens, ut Sergii, Honorii ac cæterorum pariter ab eâdem sanctâ œcumenicâ Synodo ejectorum, ac anathemati subjeetorum nomina, in sacra sanctissimarum Ecclesiarum dyptica, præconio publico rursus referrentur, eorumque per loca imagines restituerentur.*

En pro Honorio quid hæretici faciant, quid Catholici attestentur: en qui acta conscripserit testis adducitur. Quid plura desideramus? An adhuc Græcos omnes, etiam pios & orthodoxos, & VI. Synodi studiosissimos, VI. Synodi falsatæ argui placet? Nimiùm profecto hæc prava sunt; sed tamen audiamus in quo Bellarminus & Baronius vim faciant.

CAPUT XXVII.

Potissimum argumentum falsitatis ex AGATHONIS epistolâ ductum: quàm vanum illud sit: AGATHO & LEO II. inter se componuntur: etsi HONORIUS de fide prava docuerit, haud minùs Ecclesiæ Romanæ permanere inconcussam fidem.

NEMPE ex Agathonis ad Constantinum Poganatum epistolâ, hæc proferunt quæ palmaria esse putant: *Apostolica Petri Ecclesia nunquam à viâ veritatis in quâlibet erroris parte deflexa est.... Nec hereticis novitatibus depravata succubuit, sed ut ab exordio fidei Christianæ percepit ab autoribus suis Apostolorum Christi Principibus, illibata sine tenus permanet, secundum ipsius Domini salvatoris Divinam pollicitationem: PETRE, inquit, ECCE SATANAS, &c. Consideret itaque vestra tranquilla Clementia, quoniam Dominus & salvator omnium, cujus fides est, qui fidem Petri non defecturam promisit, confirmare eum suos fratres admonuit: quod Apostolicos Pontifices, meæ exiguitatis prædecessores, confidenter fecisse semper, cunctis est cognitum.*

Hæc verò epistola, ut ait Bellarminus, à toto Concilio probata est, actione VIII. & XVIII. ubi dicunt Patres, non tam Agathonem quàm Petrum per Agathonem locutum. Ergo ex eâ epistolâ Honorius quoque confirmavit fratres in verâ fide. Non ergo hæreticus, neque ei anathema dictum à sanctâ Synodo, quæ Agathonis epistolam recepit; atque omninò Synodum falsatam esse oportet.

Tantam vim inesse putat in illis verbis, quibus Apostolici Pontifices semper fratres suos confirmasse memorantur. Omnes ad unum? Atque ut hîc alios omittamus, etiamne Liberius, quo tempore Nicænam infirmabat fidem, Athanasium fidei fugilem communionem repellebat, Arianos omnes habebat prò Orthodoxis, & cùm Constantio persequebatur Ecclesiam? Prorsus nec illa tempora excipienda sunt, si semper illud strictè valeat. Sed ut in Honorio jam figamus gradum, rogo, tantisper VI. Synodum

Ep. Agar.
ad Const.
Imp. in act.
iv. Conc.
vi. p. 636.
Luc. xxii.
1. 32.

Bell. de
R. P. Lib.
lv. l. xi.

modum omittamus, rem ipsam attendamus. Falsata sanè sit Synodus; non credo, non sentio, non fero: falsata tamen sit, quàm maximè eâ parte, quâ literas Honorii damnat. Certè ipsæ literæ verè ab Honorio scriptæ, quas ut ab eo scriptas & Joannes IV. Honorii successor, & sanctus Maximus, & sancto Maximo teste, ipse Honorii secretarius * defensabant: neque Baronius aut Bellarminus negant, imò ex earum fide maximè tuentur Honorium. Damnata ergò non fuerint, neque earum Autor, non eò profectò meliores, si judicium effugissent. At si id ad extremos apices verum est, quod Agatho prædicat, à suis *prædecessoribus*, etiam ab Honorio, ut vis, *fratres Episcopus in verâ fide semper fuisse confirmatos*; ergò Honorius fratres in verâ fide confirmabat, tùm cum duas voluntates & operationes à *predicatione fidei* eximebat: confirmabat in fide Sergium Patriarcham, tùm cum scriberet, *ut unius vel duarum operationum novæ adinventionis vocabulum refutaret*, atque unâ cum hæresi orthodoxæ quoque fidei confessionem novitatibus accensèret: confirmabat in fide tùm cum *unam vel duas voluntates sentire vel promere ineptum* pronuntiabat: quasi vel utrumque adversari, vel saltem de utroque dubitare vera ratio cogeret: confirmabat in fide Sophronium Hierosolymitanum tùm cum duas operationes ex Patrum regulâ vel maximè asserentem, ita deterrebat, ut ab eâ voce discessurum eum, illius quoque Legati *instantissimè pollicerentur*: adeò rem urgebat Honorius. *Pacis causâ*, inquires; falsæ quidem pacis, & meritò à Patribus detestatæ, ut suprà docuimus. An verò pax id quoque cogebat, ut *ineptum & novum* diceret, quod sapientissimum, quod antiquissimum, quod semper in Ecclesiâ prædicatum esse constaret? Sed alio sensu, inquires, & ipsâ quæstione nondum intellectâ; & tamen interrogatus à tribus Patriarchis & utrâque auditâ parte. Nam & Sergium ac Cyrum Hæreticos, & Sophronium maximè orthodoxum audiebat; quos tamen interrogantes adeò non confirmabat in verâ fide, ut & à veræ fidei; quæ utique certa neque ambigua est, professione averteret. At nullo dato anathemate; quasi in damnando solum, non etiam in probando, Ecclesiastica vigeat autoritas. Quid autem juvat nullum anathema pronuntiatum ab eo esse, qui vel hinc maximè in culpâ erat, & officio deerat, quòd eo in discrimine positus, anathema suspendisset, remque certam ac firmam in dubio reliquisset? At ut privatus homo; verum utcumque est, quamcumque Honorius personam induerit, certè interrogatus à tribus Patriarchis, tot ac tantarum Ecclesiarum Patribus atque Doctoribus, in eo articulo versabatur, ut vel eos in fide confirmaret, vel officio deesse cogeretur: non autem confirmavit, quos in ruinam impulit, vel certè fluctuare fecit: ergò officio defuit.

At enim Agatho, cujus epistolam suscepit sacra Synodus, eum defendere voluisse videbatur. Obliquè certè, ut vidimus, non clarè & apertè. Suscepit autem sacra Synodus fidem Agathonis, non quæcumque de Honorio obliquè & occultè ingerebat. Ac ne quid Agathonis Patres derogasse viderentur, id etiam scripsere ex ejus sententiâ damnatum Honorium, quem in Sergio ac similibus proscripsisset.

At qui tantùm Agathonis deferri velit, Honorium obscurè & obliquè excusanti; audiat Leonem II. clarè & apertè ex sacre Synodi præscripto con-

Joan. IV.
Apol. ad
Const. pro
Honor. T.
xii. Bibl.
Patr. p. 835.
& seq. disp.
Max. cum
Pyrr. Tom.
v. Conc. p.
1814 1815.
* Joannes
Abbas
nuncupatus
Vid. sup.
cap. x xii.
xxiii.

Epist. Leo II. ad Inp. T. vi. Con. p. 1117. Eiusd. ep. ad Hisp. ib. pag. 1246. 1247.

demnantem : *Anathematizamus* , inquit , *etiam Honorium qui hanc Apostolicam Sedem , non Apostolica traditionis doctrinâ lustravit , sed prophanâ proditione immaculatam fidem subvertere conatus est*. Et ad Hispanos quidem mitius , sed tamen tremendâ voce : *Æterna damnatione multati sunt , Sergius , Pyrrhus , &c. cum Honorio , qui flammam hæretici dogmatis , non ut decuit Apostolicam auctoritatem , incipientem extinxit , sed negligendo consovit*.

Nempè his epistolis victus Batonius , optat falsas , non probat. Nunc Agatho & Leo stent simul : ille ante Synodum habitam Honorium utcumque purgare conatus : hic post Synodi sententiam , non modò abstinendum ratus ab excusando eo , verùm etiam arbitratus , debito anathemate percellendum. Ac si tantos Pontifices etiam super Honorii nomine conciliare nos oportet , Agathonem , quo Præsides Synodus inchoata est , & Leonem quo probante firmata ; tu sanè quisquis es , qui Bellarminum sequeris , conciliate non potes Agathonem dicentem , ut quidem interpretaris , ab Honorio quoque prædicatam esse & confirmatam fidem , cum Leone dicente , ab eodem Honorio non fuisse *lustratam* , sed fuisse *proditam*. Nos facile componimus omnia. Petro enim imperatum , ut confirmaret Fratres , & Agatho dicit , & Leo fatebitur : Id ergò ad Pontificium munus pertinere , uterque prædicabit ; & nos sanè cum iis maximè prædicamus. An verò certum sit eo semper officio functos , Agatho quidem id asseruisse videtur ; Leo verò Honorium vehementissimè officio defuisse. At illius generale , cum hujus peculiari dicto , facile cohærebit. Dictum enim Agathonis non ad strictos apices exigendum , sed civiliter intelligendum esse dicimus : Et *semper* ideò dictum , quod plerumque id factum sit ; quòd unius culpa Pontificis , aliorum statim operâ farciatur , nihilque detrimenti patiatur fides. Solemus enim homines magna & illustria & consueta sectari , quod rarum fuit & statim mutatum , nullâ rerum conversione memorabili , nec factum cogitamus. Ita quidquid ab Honorio peccatum est ; id sanctus Severinus Honorio proximus ; id sanctus Joannes IV. sanctusque Theodorus , Martinus , Eugenius , Vitalianus , Adeodatus , Donus , Agatho , Honorii successores cumulatissimè rependerunt ; ut officio defuisse Honorium Ecclesia Romana vix senserit. Hinc *Ecclesiam Romanam non fuisse depravatam , neque errori succubuisse , sed in fide mansisse* Agatho prædicavit & nos confitemur ; neque in Petri sede visos esse Sergios ; Pyrrhos , Paulos , Petros , Theodoros sibi mutuò errorem quasi hæreditarium cum sede tradentes , neque Romanos Pontifices sibi invicem succedentes , à fidei unitate abruptos fuisse. Quòd si Honorius vel pejora ausus esset , non Romana propterea succubisset fides , sed eum ut mortuum Ecclesia projecisset , & ex Ecclesiâ Romanâ Pontifex Catholicus surrexisset. Quæ si consideremus , & Agathonem cum Leone componamus , tum demùm intelligemus , quid sit illud immotum , quod in Sede Petri omnes Catholici veneremur. Quare ut hanc disputationem aliquando concludamus , hæc certa comperimus.

Honorium de fide à tribus Patriarchis ritè interrogatum pessima respondisse.

A sextâ Synodo anathemate condemnatum.

A Romanis Pontificibus ante supremam Synodi sententiam excusatum ; post eam sententiam eodem anathemate esse damnatum.

Bellarminum ac Baronium convertos ad fabulas, quod Honorium defensoris nihil aliud auxilii suppetebat.

CAPUT XXVIII.

Questio de HONORIO concluditur, atque utcumque illius res se habent invictum manet ex his petitum argumentum.

ADDIMUS & id frustra esse, quod Bellarminus ac Baronius tanto molimine adstruere pergunt. Esto enim falsata sint omnia; tamen te fatente, àsecutis Pontificibus, à septimâ deinde & octavâ Synodo, vera sunt credita. Credita ergo à Pontificibus; credita à Conciliis; credita ab omnibus; credita, inquam, de Pontifice, quæ tanto molimine ne credantur caves.

Sagacissimus Bellarminus id vidit, nec negavit: creditum, inquit, de Pontifice, ut homine privato. Quin tu igitur eo gradu consistebas? Quid actorum fidem tam inani operâ sollicitaram oportebat? Nempè responsio de Papâ, ut homine privato non satisfacerebat animo, cum cerrum illud maneret, à Synodo VI. generali fuisse judicarum: Papam ab Ecclesiis de fide interrogatum, Apostolico officio defuisse; neque confirmasse, sed impulsisse Fratres, seseque cum eis in præcipitum coniecisse.

Hæc mente complexi Synodos ac Pontifices Bellarmino ac Baronio, summis licet viris, facile antepo-
nemus. Quod verò Anastasius Bibliothecarius VI. Synodi decreta improbar, eaque pro Honorio audet, quæ nec Romani Pontifices ausi erant; contemnemus quidem: sed interim intelligemus, nullam aliam viam tuendo Honorio patuisse. Neque enim cogitabat illud, aut Romanum Pontificem pro privato egisse, qui tot Patriarchis de fide quærentibus responderet; aut ejus epistolas non fuisse dogmaticas, qui sciret plerasque alias, non alio ritu modoque esse scriptas: neque levia illa aut minuta proferebat, in quæ nunc se conjiciunt, sed perfrictâ fronte Honorium tuebatur; quem si quis autorem sequi malit, nec sic effugiet; manetque semper illud: fuisse credidum Romanum Pontificem, ritè de fide interrogatum, docendo Patriarchas, respondendo Ecclesiis, pessima ac meritò damnanda respondisse, eamque sententiam ab œcumenicâ Synodo promulgatam; secutos Pontifices, secuta Concilia æquè œcumenica consensisse.

Jam si Anastasius, ac post eum Bellarminus, ne quid inteutatum relinquerent de literis Honorii subdubitare voluisse visi sunt, quid nostrâ? Cum eas à Joanne IV. defensas, atque in VI. Synodo Græcè & Latine lectas, & cum aurentico diligenter collatas, ac pro veris agnitas, ac damnatas esse constet; idque præsentibus & nihil contradicentibus, imò consentientibus, ac subscribentibus Sedis Apostolicæ Legaris. Et ii quidem, cum Vigilio Papæ falsa decreta imputarentur, falsum arguerunt, calumniam propulsarunt; pro Honorio nihil hiscunt. Quin ipse Anastasius, ipse Bellarminus, non modò admittunt epistolas, verum etiam asserunt, vindicant, ex iis maxime tuentur Honorium, quod irem Baronius fecitavit. Nec mirum varios fuisse, ac trepidos, qui tot undique coarctati argumentis, quo loco pedem

Bell. loc.
jam sæpè
cit.

Anast.
Bibl. epist.
ad Joan.
Diac. Tom.
xii. Bib.
Pat. p. 833.

Anast. &
Bell. loc.
cit.
Vid. Conc.
vi. act. xii.
& xiii.
Anast. &
Bell. loc.
cit. Bar. an.
633. Tom.
viii. p. 317.
& alib. pass.

figerent, non haberent. Sed eorum commenta dudum nos plus æquo distinent.

CAPUT XXIX.

Patres TOLETANI Concilii XIV. Synodum VI. pro œcumenicâ non habent, eò quod Hispani ad eam vocati non essent, neque eam probant nisi facto examine, tametsi à Leone II. probatam constitiisset.

Vid. diff. præv. num. LVII. LVIII. & sup. hoc Lib. c. xxvi. Epist. ij. Leo. II T. vi. Conc. pag. 1246. 1247. Conc. Tolet. XIV. c. j. & ij. T. vi. Conc. pag. 1279. 1280. Ib. c. iv. p. 1281. *Hispanorum. Ibid. Ib. c. v. Ib. c. vi.

UNUM jam superest de VI. Synodo memorandum, imò memoratum & jam perstringendum paucis. Hispani Occidentali Concilio ab Agathone collecto, nulli interfuerant, neque Synodum VI. noverant, neque etiam ad eam vocati erant. Itaque Leo II. ad eos scribit epistolam eam quam sæpè memoravimus; simul definitionem sanctæ Synodi, & acclamationes mittit; acta quoque totius Concilii directurus, si ipsis delectarentur. Quæ cum omnia recepissent, sub Benedicto II. Leonis successore & Ervigio Rege, placuit Toleti congregari totius Hispaniæ generale Concilium (q), ut ea gesta ab omnibus regni Conciliis & Provinciis probarentur. Decretum fit in hæc verba: *Gesta Synodalia, & cum gestis quoque Leonis antiquæ Romæ Pontificis invitoria epistolaris gratia consulta suscepimus, per quæ omnis ordo gestorum, gestaque ordinum dilucidè patuerunt. Quæ epistolâ Præsules Hispaniæ invitati erant, ut prædicta Synodalia instituta, nostri vigoris manerent auctoritate suffulta.* En perspicuis verbis Hispaniensium Præsulum requisita auctoritas. Postea: *Placuit proinde satisfaciens Romano Pontifici, ea ipsa gesta firmare. Et paulò post: Ut utraque operum gesta (r), & Synodico dirigantur examine, & discretâ Conciliorum * fulciantur auctoritate.* Idque fieri volunt, postquam, ut aiunt, *Synodicâ iterum examinatione deolecta, vel communi Conciliorum omnium iudicio fuerint comprobata.* Denique: *Dicta gesta cum antiquis Conciliis conferentes, ea ipsa gesta probavimus.... & ideò supradicti acta Concilii in tantum à nobis veneranda sunt, & recipienda constabunt, in quantum à præmissis Conciliis (Nicæno & aliis) non discedunt.* En deliberatio; en examen exactum ad certam regulam, ad Patrum scilicet & antiquorum Conciliorum fidem; & post illud examen, neque aliter, gesta firmata. Quid ampliùs?

(q) *Hispaniæ generale Concilium.*] Non congregavit Ervigius generale Concilium, sed in unâquâque Provinciâ particulares Synodos. Placet hic exscribere ipsa verba Concilii Toletani XIV. Cap. I. p. 1279. *Princeps Ervigius... hoc dedit speciale editum, ut quia... sicut oportebat... generale Concilium fieri varia adversitatum incurso non sineret, saltem adunatæ per Provincias Concilia fierent, & si quidem hic primùm à nobis in urbe Regiâ Synodus ageretur, deinde in singulis quibusque Provinciis singulare haberetur Concilium, quo, quidquid hic actum per Toletanam Synodum, reliqui primarum sedium Præsules... per discretâ provinciarum suarum Concilia observarent.*

(r) *Ut utraque operum gesta*] Hispanis Pontifex primùm miserat quintæ Synodi definitionem fidei & Prothopneticon, deinde acta integra; & hoc est, ut videtur, quod dicunt Patres Toletani.

Nimis probas, inquit, neque enim Pontificis tantum, sed Synodorum universalium decreta, particularibus Synodis examinanda subijcis. Facilis solutio. Universalium Conciliorum, quæ ut talia sint agnita, doctrinam, ac fidem, nemo unquam examini aut retractationi submitit: Hispani autem Patres minimè agnoscebant ut universalem hanc Synodum, quam nec audierant, ad quam nec vocati erant. Unde nunquam vocant universalem Synodum, sed aiunt: *Ad se perlata gesta Synodalia, quibus Constantinopoli Constantino pio principe mediante, magna & sublimis copia aggregata Pontificum*: & consideranti, tota gestorum series indicabit, graviter tulisse Hispanos, quod vocati non essent. Quin etiam toties iteratâ examinationis mentione, cavisse videntur, ne quis existimaret Concilii talis, quasi universalis autoritate teneri Hispaniam, tantam Ecclesiæ partem, etiam non vocatam. Cum autem Synodum ut œcumenicam nollet agnoscere, tamen de Sedis Apostolicæ sententiâ nulli dubitabant, quam & Agathonis & Leonis epistolis expressam legerent. Disertè enim Leo Concilium VI. uti alia quinque, *universale* vocabat, & lata in Synodo VI. anathemata iterabat, ut suprâ vidimus. Quare agnitum quoque Pontificis Romani de fide decretum examini subdunt, & legitimâ cognitione comprobant; nec verentur dicere, à se quoque *firmari*: tantum autoritatis ipsi unitari, & communi consensioni inesse intelligebant.

Ib. c. ij.
p. 280.

Eâdem ratione Franci nostri, & Carolus Magnus ac Ludovicus verè Christianissimi Imperatores, septimam Synodum de sacris imaginibus, recipere ut œcumenicam diutissimè recusârunt; quod ad eam nullo modo vocati essent. Sed jam operæ pretium est, ut ejus Synodi acta referamus.

C A P U T . X X X .

Synodus Nicæna II. seu generalis VII. more antecedentium Synodorum, de ADRIANI I. literis quæstionem habet: locus egregius, quo eadem Synodus docet vim illam ineluctabilem, in Ecclesiæ Catholicæ consensione esse positam.

CUM Adrianus I. veram de colendis κατὰ οἶον, seu relativo cultu, Christi & sanctorum imaginibus doctrinam, VII. Synodo per literas more priorum Pontificum exposuisset; Patres quoque more Majorum eas literas Synodicè examinârunt. Lectis enim epistolis duabus sancti Pontificis, alterâ ad Imperatorem, alterâ ad Synodum, * quæsitum ita est per Legatos Apostolicæ Sedis: *Dicat nobis sanctissimus Patriarcha Tarasius Constantinopolitane urbis Episcopus, si consentiat literis sanctissimi Papæ senioris Romæ*? Rogatus in eam formam Tarasius, consentire se proficitur: *Nam & ipsi nos*, inquit, *scrutando Scripturas & syllogisticè approbando rimati sumus: sic quod confessi sumus, confitemur & confitebimur; consonamus & vim lectarum literarum confirmamus.* Supplendum ex Græco post illud; *Scripturas rimati*: hoc quoque; & patriis doctrinis docti, quod etiam vulgata & antiqua versio retinebat.

*Sive potius ad Tarasium C.P. Epist. Ad. I. ad Imp. & ad Taras. act. ij. Conc. vii. Tom. vii. Conc. p. 99. & seq. 121. & seq. Ib. 127. Ibid.

Pater ergo à Tarasio ita approbatas Adriani epistolas, quod rem ipse perpendens, eas Scripturis, traditioni, eique quam ipse ab antiquo hauerat, fidei conformes esse senserit, factaque inquisitione intellexerit: post quæ Tarasii verba, *sancta Synodus dixit: tota sacratissima Synodus ita credit, ita sapit, ita dogmatizat*. Quibus verbis tota Synodus se Adriano auctori, ac Tarasio ex intellectâ ac perpensâ ratione approbanti, consentire declarat. Atque ut res constaret clariùs, à Legatis Apostolicis Synodus interrogata est, in hanc formam: *Dicat nobis sancta Synodus, si admittat literas sanctissimi Papæ senioris Romæ an non?* Quod de re exploratâ, deque irreformabili iudicio quæri, neque recta ratio, neque fides finit. Ad eam rogationem sancta Synodus dixit: *Sequimur & suscipimus, & admittimus*. Unde rebus summâ attentione perpensis, fit definitio Synodalis, non unius Romani Pontificis, sed totius Ecclesiæ Catholicæ consensu & auctoritate nixa: cujus definitionis initium (*alibi relatum hic retexere non est necesse; quo docet sancta Synodus in eo vim esse*) Ecclesiastici iudicii; ut nihil innovetur; ut quæ communi traditione perlata sint ad nos, communi consensione ac decreto firmentur: unde addunt: *Nihil adimimus; nihil addimus* (communi & universali traditioni scilicet) *Sed omnia quæ Catholica sunt Ecclesiæ immutata servamus*. Quibus positis sic concludunt: *Quæ cum ita sint, Regia via semitis inhxerentes, sequentesque divinitus inspiratorum sanctorum Patrum nostrorum Magisterium, & Ecclesiæ Catholicæ traditionem, quippe quam esse noverimus Spiritûs sancti, qui ipsam inhabitat; definimus in omni certitudine ac diligentia, &c.* Ut profectò appareat summam illam & ineluctabilem certitudinem in Ecclesiæ Catholicæ consensione, imò in Spiritûs sancti universam Ecclesiam docentis Magisterio esse positam, quod habebamus demonstrandum. Igitur sanctæ VII. Synodi post Romani Pontificis lectam definitionem, inquisitio, confirmatio, iudicium sic se habet.

C A P U T X X X I.

Galli Synodum VII. seu Nicænam II. ADRIANO præside habitam, pro œcumenicâ non habent, eò quòd ad illam nec ipsi, nec alij Occidentales vocati essent: Egregius eà de re Jacobi SIRMUNDI locus: Romanorum Pontificum de Gallis sententia.

CUR autem Patres nostri Ecclesiæ Gallicanæ Præsules ejus Synodi decretis repugnarent, causa erat, non quòd de Synodi œcumenicæ auctoritate dubitarent; sed quòd Nicænam II. ad quam vocati non essent, pro œcumenicâ non agnoscebant; imò in Francofordiensi Synodo, ex Galliæ Francof. T. ac Germaniæ Ecclesiis congregatâ, præsentibus etiam Romanæ Ecclesiæ Legatis, respuebant: quod, quia maximè ad rem nostram spectat diligentissimè considerate nos oportet.

Sanè quod ad rem ipsam spectat, hoc est imaginum cultum, non est ani-

mus Majorum nostrorum sententiam tueri; quippè quos intelligamus, cum ipsis Nicænis Patribus, facile convenire potuisse; si, quod postea factum est, sua ipsorum dogmata satis attendissent. De Synodi autem Nicænæ auctoritate, quod hujus loci est, placet adscribere verba egregii viri Jacobi Sirmundi, in admonitione ad Canonem II. Concilii Francofordiensis. *Quod*, inquit, *ad Synodi nomen attinet, in promptu habent Galli quo invidiam depellant. Constat enim sic in hac questione versatos esse, tum Synodi Francofordiensis, tum Carolini voluminis Autores, ut sibi, non cum œcumenico Concilio, sed cum peculiari Græcorum Synodo, rem esse contenderent. Ita enim passim in libris illis prostentur, querunturque propterea, illam sibi aut universalis, aut VII. Synodi nomen arrogare, cum œcumenicam dici posse negarent, ad quam solum Græci convenissent, reliquarumque Provinciarum Ecclesiæ convocate, aut sententiam per epistolas, more Ecclesiastico rogata non fuissent. Et quidem si rem suis momentis expendamus, satis omnino causa videbatur, cur Synodum, cui tot adhuc Provinciarum, ac totius penè Occidentis suffragia deessent, pro œcumenicâ nondum haberent. Nec Adrianus ipse aliter se sentire ostendebat, qui allatam è Græciâ Synodum (ut Hincmarus eodem loco docet) in Galliam misit; Conciliumque ejus causâ convocari à Carolo jussit, & libris Carolinis, quibus oppugnata est, ita respondit, ut œcumenicâ Synodi nomen illis auctoritatemque nusquam objiciat. Hæc Sirmundus vir maximus pro Gallis nostris, de Synodi Nicænæ II. auctoritate respondet.*

Sirmund.
adnot. ad
Can. ij.
Cœc. Franc.
ib. p. 1055.

Hincm.
epist. ad
Hincm.
Laud. c. xx.

Neque tantum Concilii Francofordiensis tempore, Nicænâ II. Synodum respuebant, cum ejus acta ignorarent ferè; sed etiam toto Caroli Magni Regno, ac diutissimè postea.

Constabat interim Romanos Pontifices in eamdem cum Nicænâ II. Synodo ivisse sententiam, atque ab Adriano editam eâ de re, ac missam ad Synodum epistolam decretalem, cui Synodus consensisset.

Agitata postea res est, missis ultrò citròque scriptis; editique libri adversus Nicænâ Synodum, qui ex Caroli nomine, *Carolini* appellantur. His responsum est ab ipso Adriano pro Nicænis dogmatibus: neque eò secius nostri cum Carolo Magno in sententiâ perstitere.

Neque interà pro Hæreticis, aut Schismaticis habebantur, qui de re maximâ, nempe de interpretandis primæ tabulæ præceptis dissentirent; quia bono animo rem quærere, non pertinaci studio contendere videbantur. Et Carolus Magnus cum Adriano I. non tantum religionis obsequio, sed etiam singulari, atque intimo amicitiae vinculo conjunctissimus vixit; & interim à Leone III. sapè ad auxilium invocatus, & Imperiali Coronâ fuit insignitus: adeò quæ ad fidem spectare viderentur, non in unius Romani Pontificis auctoritate, sed in Ecclesiæ universæ consensione posita esse constabat.

Quin etiam imbibita nostrorum animis sub Carolo Magno Rege sententia, sub Ludovico Pio hæsit.

Nempe sub eo Principe de imaginibus Conventus habitus est Parisiis, cujus Conventus historiam ex gestis, vir diligentissimus Sirmundus sic exponit: Venisse ad Ludovicum Pium, Michaelis ac Theophili Græcorum Imperatorum Legatos, atque inter cætera dissidium exposuisse, quod in Ecclesiâ Orien-

Sirm. Præf.
ad Conv.
Paris. an.
824. Tom.

VII. Conc. tali propter imagines versabatur; quas alii adorandas, alii non adorandas
 P. 1543. esse contenderent: eosdem Imperatorum Legatos significasse, se hanc de causâ
 Romam etiam ad Pontificem ituros: Ludovicum pacis componendæ studio à
 Pontifice poposcisse, ut ejus rei gratiâ Patitiis Episcopi convenirent.

Ib. & P. Ex hujus Conventûs sententiâ, Ludovicus Pius scripsit epistolam ad Eu-
 seq. genium II. & commonitorium ad Hieremiam Senonensem, ac Jonam Au-
 relianensem, suos ad Eugenium II. Legatos, ex quibus hæc habemus.

Ib. Com- Primò: ab Episcopis *Collectiones factas de libris sanctorum Patrum*, eas-
 mon Lud que ad Ludovicum perlatas: sic enim scriptum est in ipso commonitorio
 P. 1549. initio.

Secundò: petitam fuisse licentiam ab Eugenio, hujus nominis II. ut Epif-
 scopi eas collectiones facerent, quæ Papæ ad Græcorum consulta respon-
 sуро adjumento futuræ viderentur. Quà de re sic scribit Ludovicus ad Euge-
 nium II. *A Vestra Sanctitate petivimus, ut Sacerdotibus nostris liceret, de
 Libris Sanctorum Patrum sententias quarere, atque colligere qua ad eandem
 rem, pro qua iidem Legati (Græci scilicet) vos consulturi erant, veraciter
 definiendam convenire potuissent.*

Tertiò: res igitur ita tractabatur, etiam Eugenii II. consensu, ut quæ
 nondum ultimo, atque ir retractabili judicio definita esset.

Quartò: hæc quidem ad Papam scripta sunt. At in commonitorio Epif-
 scopi jubebantur, ut rem quàm minimâ Pontificii animi offensione tracta-
 rent. Verba commonitorii sic habent: *Ut summo perè caveatis, ne nimis re-
 sistendo Demum Apostolicum in aliquam irrevocabilem pertinaciam incidere
 compellatis: sed obsequendo magis quàm aperte resistendo, ad mensuram de-
 ducere valeatis.* Sic & Sedis Apostolicæ dignitatem colebant, & cum Pontifice
 reverenter tractabant, & ab eo interim in quæstione fidei, *irrevocabilem
 pertinaciam* metuebant.

Atque hæc acta sunt anno 824. post triginta annos quàm secunda Nicæna
 Synodus habita esset. Ac postea Franci diutissimè suam sententiam tueban-
 tur. Interim cùm à tot Romanorum Pontificum decretis recederent, haud
 minùs se in Ecclesiæ Romanæ communione ac fide permanere gloriabantur:
 adeò dubia, nec dum recepta communi consensu dogmata, à certis explo-
 ratisque secernebant. Neque Romanam Ecclesiam, suis licet Pontificibus
 coherentem, errasse jactabant; quòd abesse putarent eam, quàm ad extre-
 mum ab Eugenio metuebant, *irrevocabilem pertinaciam*. Nec illis palàm
 dissentientibus, Concilii Nicæni II. aut Romanorum Pontificum, qui idem
 decrevissent, aut etiam Concilium Nicænum comprobassent, tanquam in-
 declinabilis objecta est autoritas: quòd satis constaret, nec vocatos eos, &
 pro lege esset illud, à Nicænâ quoque Synodo positum fundamentum: *Com-
 mune fidem, communi consensu stabiliendam*. Quare Concilii VII. apud
 Orientales, re penitus inquisitâ, inter se consentientes statim autoritas va-
 luit: apud nostros, rebus paulatim patefactis, & consentientibus Ecclesiis
 obtinuit: adeò & nostrorum animis inhærebat, & ipsi Romani Pontifices
 fatebantur, illud à Majoribus acceptum: fidei definitiones Ecclesiæ Catho-
 licæ consensu valere,

CAPUT XXXII.

Synodus VIII. generalis, Constantinopolitana IV. aequè ac cæteræ, de Romanorum Pontificum judiciis judicat: traditam sibi à Christo, ut & Romanæ Ecclesiæ ligandi ac solvendi potestatem agnoscit & exercet: post Synodi judicium, nulla jam appellatio, nulla alia spes est.

NON est hîc prætermittenda generalis Synodus VIII. Constantinopolitana IV. sub Adriano II. summo Pontifice, & Orientis Imperatore Basilio. Et si enim non de fide propriè, tamen agit de re maximâ, quæ fidem proximè attineat; de initio scilicet Photiani schismatis, totam conturbantis Ecclesiam & in ingens incendium erupturi.

Quis Photius fuerit, quâ violentiâ Ignatium Constantinopolitanum Episcopum, virum sanctissimum oppresserit, & ejus locum invaserit, ut deinde à Romanis Pontificibus compressus, condemnatus, anathematizatus fuerit: quâ audaciâ adversus Ecclesiam Romanam caput erexerit, omnes sciunt. De eo ejusque sectatoribus penitus amovendis quæstio habebatur, totaque adeò Synodus in commendandâ Sedis Apostolicæ autoritate versatur.

Post lectam actione III. & approbatam Adriani II. epistolam, actione IV. & V. leguntur Nicolai Papæ, Adriani antecessoris epistolæ duæ, & Legati meritò contendebant, rem *ex multo tempore esse judicatam*; neque à Paternis definitionibus posse discedi. Cæterùm ad tollendam dubitationem omnem, lectis epistolis, Synodum rogant: *Placetne vobis sensus iste, an non? Et si quidem placet, talia sunt nostra & nostræ Sedis: quòd si apud vos non fuerint acceptabilia, nos tamen super montem excelsum Synodi ascendemus, & exaltabimus in fortitudine vocem nostram, evangelizantes vobis, & consequentiam quæ facta est, (id est, rei gestæ seriem, processumque juridicum) & ore promulgata est sanctorum Patrum nostrorum à gratiâ Spiritûs Sancti..... Ad hæc quid dicit Sancta Synodus? Sancta & universalis Synodus exclamavit: recipimus omnia; valde quippè sunt discreta & congrua, & consona Ecclesiasticis regulis. Ita sanctæ Synodi accipiunt, & Sanctæ Sedis decreta, & monita Legatorum, facto examine, ratione perspectâ.*

Aderat sacro cœtui Basilius Imperator, ad quem Romani Vicarii, memoratis Nicolai I. & Adriani II. judiciis Canonicis, hæc loquuntur: *Sanctissimus Adrianus nos famulos suos direxit in hanc urbem, ad manifestationem veri & justî judicii, in conspectu Imperii vestri, & sanctæ universalis Synodi: ita ut non habeant vocem repedationis vel appellationis; sed quemadmodum jam judicati sunt, & dejecti in sæculum maneat.*

En tantùm per Synodum universalem appellationis sublata spes omnis; neque à decreto resilire datur, sed fixa & æterna manet sententia. Quid ampliùs? Sic se habet Ecclesiasticorum judiciorum ratio, non tantùm in

Conc.
VIII. Tom.
VIII. act.
Iij. p. 1011.
act. IV. p.
1021. & 22.
v. p. 1019.
malè. 1019.
ib. act. v.
p. 1042.
Ib. pag.
1043. vid.
Diss. præv.
n. LXIII.

Ib. pag.
1056.

fidei quæstionibus, sed etiam in iis, quæ statum & pacem omnium Ecclesiarum spectant.

CAPUT XXXIII.

Concluditur argumentum ab VIII. primorum Conciliorum auctoritate repetitum: eorum acta adversarii nec considerasse videntur: Sancti GELASII & Sancti GREGORII locus de irretractabili Ecclesiasticorum judiciorum auctoritate.

Greg.
Mag. Lib.
I. ep. xxv.
al. xxiv.
ad Joan.
C. P. T. ij.
p. 515. &
Lib. iij. ep.
x. p. 632. &
alib. pass.

Vid.
Doct. Lov.
& Tract. de
Libert. & c.
Lib. vii. c.
iv. & v.

EAM traditionem deductam ab Apostolis ad octo prima generalia Concilia manasse vidimus. Quæ quidem octo generalia Concilia totius Christianæ doctrinæ ac disciplinæ fundamenta sunt; quorum prima quatuor, haud secus ac quatuor Evangelia, post Sanctum Gregorium Ecclesia Catholica venerata est. Neque minor cæteris cultus, cum eodem spiritu acta, parem auctoritatem obtineant. Quæ octo Concilia, magno unanimique consensu, definiendi vim irrefragabilem, non aliâ in re, quam in Patrum consensione posuerunt. Inter quæ sex ultima, Romani Pontificis prolatam etiam de fide sententiam, ad examen legitimum, Sede Apostolicâ probante; C. P. T. ij. revocarunt, quæstione constitutâ in hanc formulam: *Eane decreta recte habeant, necne?* ut in actis legitimus.

Conticescant igitur Stapletonus, & Autores in libello Doctrinæ Lovaniensium relati, atque eos secutus Autor anonymus de Libertatibus Gallicanis, qui hæc pronunciant contra gestorum fidem: *In istis Conciliis omnibus, præjudicatam Romani Pontificis sententiam, pro normâ & regulâ fidei habitam: quodque idem est; Apostolicæ Sedis dogmaticam ad Synodum epistolam locum habuisse plenâ atque irretractabilis definitionis.* Quo uno testantur Synodalia gesta nunquam à se attento animo, sanove judicio esse perlecta: quippe quæ dogmaticarum epistolarum legitimam retractationem examenque contineant.

Non ita unquam Synodi generalis judicium retractatum vidimus, sed omnes statim in obedientiam pronos: neque unquam cuiquam, post illud examen, inquisitionem novam fuisse concessam, sed intentatam pœnam. Sic Constantinus; sic Marcianus; sic Cælestinus; sic Leo; sic alii omnes, quos in gestis vidimus. Hæc certa & inconcussa Orbis Christianus agnovit.

Gelas. ep.
xii. ad E-
pisc. Dard.
Tom. iv.
Conc. pag.
1204.
1205.

Huc accedit illud sancti Gelasii egregii Pontificis: *Bona Synodus verè-que Christiana semel acta, nullâ nec potest, nec debet novæ Synodi iteratione convelli.* Atque iterum: *Bona Synodus, nulla causa est, cur aliâ debeat Synodo retractari, ne ipsa retractatio ejus constitutis detrahât firmitatem.* Sic stant irretractabilia, quæ ultimo & certo Ecclesiæ judicio constant. Convellitur enim illud Spiritûs Sancti judicium, quoties iterato judicio retractatur. Tale autem est judicium à Romano Pontifice prolatum, ut novo judicio retractatum fuerit. Non ergo est illud ultimum & certum Ecclesiæ judicium.

Neque verò obscurior est illa sententia Gregorii Magni, quatuor Synodos generales Evangelii quatuor comparantis; additaque ratio. *Quia cum universali sunt consensu constituta, se & non illa destruit quisquis praesumat, aut solvere quos ligant, aut religare quos solvunt.* Greg. Mag. Lib. I. ep. xxv. al. xxiv.

Jam igitur nostra quaestio antiquorum Conciliorum, ac Patrum traditione finita est. Placere debet omnibus Romani Pontificis secundum Concilii Florentini decretum explicata potestas, ex Conciliorum generalium praxi. Pater discriminem ingens inter Conciliare & Pontificium judicium, cum post Conciliare nulla quaestio, sed sola supersit captivati intellectus obedientia; Pontificium verò ita comprobetur facto examine, ut si detur locus, improbari possit; quod erat demonstrandum.

CAPUT XXXIV.

Alia Concilia generalia memorantur: in iis perstitit antiqua Traditio, ut summæ quaestiones ad Concilia generalia referrentur, nec Pontifex decerneret, nisi SACRO APPROBANTE CONCILIO: referuntur quatuor prima Lateranensia œcumenica Concilia sub CALIXTO II. sub INNOCENTIO II. ALEXANDRO III. INNOCENTIO III. & Lugdunense primum sub INNOCENTIO IV.

POST primas octo Synodos generales summâ diligentia pervolutas, in promptu est judicare de aliis ex earum sententia, quas & actis luculentioribus notas esse, & Apostolorum ævo propiores, faciem cæteris prætulisse constat. Et tamen ex ipsis posterioris ævi secutis Conciliis demonstramus perstitisse in Ecclesia Catholica antiquam traditionem, ut summæ quaestiones, summisque animorum dissensionibus agitatae, ad Concilia generalia referrentur.

Id singulare habent pleræque ex his posterioribus Synodis, ut eas Romanus Pontifex præsens habuerit, ejusque nomine dicta sententia sit; non aliter tamen, quam *sacro approbante Concilio*. Quâ formulâ declaratur, definitiones editas & canones conditos, non nisi consentiente & approbante Concilio, pro pleno Ecclesiae Catholicae judicio valituras.

Jam ergo illas Synodos ordine recensemus, enarramusque gesta, quantum quaestioni nostræ erit necessarium, quod erit facillimum, cum pauca habeamus.

Quaestio de investituris ingens toto Orbe incendium concitaverat, multisque ad fidem pertinere videbatur; quod aliquatenus verum est. De pace sæpè actum inter Calixtum II. & Henricum V. Imperatorem, eamque summus Pontifex in Concilio Rhemeni, plus trecentis Episcopis congregatis, eorum *judicio atque sententiâ confirmare* voluerat, ut ipse in eadem Synodo profiteretur. Verba noranda sunt, *ex eorum sententiâ atque judicio*; Conc. Rhem. sub. Calix. ij. Tom. x. prorsus ex antiquæ disciplinæ ratione. Sed quod Rhemis inchoatum, in Lateranensi I. generali Concilio consummavit anno 1122.

Sub Innocentio II. non solum infando Petri Leonis schismate Ecclesia laborabat, sed etiam Autore Petro de Brueis hæreses ubique pullulabant ex quæ postea per Albigeneses in majus incendium eruperunt. Arnaldus Brixien-
 Conc. pag. laborabat, sed etiam Autore Petro de Brueis hæreses ubique pullulabant ex
 87 r. & quæ postea per Albigeneses in majus incendium eruperunt. Arnaldus Brixien-
 Conc. La- lis in ipsâ Urbe, non solum seditiones agitabat, sed etiam hæreses semi-
 ter. I. Ib. nabat. Igitur ad schismatis reliquias extinguendas torque hæresum nascenti-
 p. 89 r. & um dira initia comprimenda, atque instaurandam tot turbis collapsam
 seq. disciplinam, summus Pontifex Concilium generale Lateranense II. habuit
 Conc. anno 1139.

Alexander III. cum hæreses & schismata succrescere cerneret, ipse Oc-
 Lat. ij. sub taviani apostatici Pontificis schismate diu agitatus, eam quæ schismatibus
 Innoc. ij. occurreret, Romani Pontificis eligendi formam, Concilii generalis appro-
 ib. p. 999. batione sancivit: damnavit hæreses quæ ab Albigenfi tractu inauditis frau-
 & seq. dibus diffundere se cœperant; ac labentem magis magisque disciplinam mu-
 Conc. nire voluit. Hatum rerum gratiâ, Concilium generale Lateranense III.
 Later. iij. convocavit anno 1180.

In convocationis literis hæc habentur: in Ecclesiâ pullulare germina vi-
 sub Alex. tiorum, zizania crescere, quæ germen bonum suffocare nituntur, horum
 iij. ib. p. evellendorum curam Episcopis quidem omnibus; multò tamen fortius immi-
 1503. & nere Romanæ urbis antistiti, qui à Domino JESU-CHRISTO, ut caput esset
 seq. Ecclesiæ in beato Petro accepit, & de pascendis Dominicis ovibus & fratribus
 Ib. pag. confirmandis expressum & speciale noscitur habuisse mandatum. Unde ipse de
 1506. diversis partibus personas Ecclesiasticas evocavit, quarum præsentia & con-
 silio, quæ fuerint salubria statuuntur, & quod bonum secundum consuetudi-
 nem antiquorum Patrum provideatur & firmetur à multis: quod si particula-
 riter fieret, non facillè posset PLENUM ROBUR habere. Sic ad officium con-
 firmandi fratres id pertinere intelligit, ut Concilio generali habito decreta
 firmentur à multis, ac facillè plenum robur habeant, cum statim elucescat
 illa consensus, in quâ firmitudinem Christus collocavit.

In Concilio generali Lateranensi IV. sub Innocentio III. primum expli-
 Conc. catur Catholica fides, de unitate sanctissimæ Trinitatis, adversus Joachi-
 Later. iv. mum Abbatem (f) Almarici (t) etiam doctrina condemnatur, non tam
 sub Innoc. hæretica quàm insana: Eucharistiæ mysterium ac mira illa ab omni ævo
 iij. can. i. credita panis vinique conversio, significantissimo transubstantiationis voca-
 Tom. xj. bulo explicatur: conduntur canones quibus Ecclesiastica disciplina reformetur:
 p. 142. vid. Christiani denique omnes ad sacrum bellum & ad Hierosolymam recu-
 etiam can. perandam incenduntur: quas duas postremas Concilii convocandi causas In-
 ij. & iv. nocentius commemorat, nullique Canones labentibus sæculis magis inva-
 Serm. r. luere, quàm ii, quos tanta Synodus constituit anno 1215.

Innoc. iij.
 ib. p. 131.
 & seq.

(f) *Joachimum Abbatem*] Hic suis Prophetiis, seu mavis, conjecturis sæpe probabili-
 bus celeberrimus, in quodam suo libro, qui nunc non extat, adversus Petrum Lombardum
 stylum acuerat, eumque ut hæreticum & insanientem redarguerat; ipse de Mysterio
 Sanctæ Trinitatis parum accuratè fuerat locutus. Synodus Librum damnavit, Joachimo
 pepercit, cò quòd omnia sua scripta Sedis Apostolicæ judicio submiserat.

(t) *Almarici*] *Qui scholas de arte Logica diu rexerat in Universitate Parisiensi, varias
 hæreses Rigordus refert an. 22. Philippi Augusti. Post ejus mortem, inquit, surrexerunt
 quidam venenosâ ejus doctrinâ infelli, qui novos & inauditos errores, & inventiones Diabolica
 sas confixerunt.* Vid. etiam alios hujus ævi historicos.

Innocentius IV. ad Fridericum Imperatorem deponendum Concilium generale Lugdunense I. convocavit, quo in negotio quàm nullam personam Episcopi egerint, suo loco retulimus. Cætera verò, quæ verè & liquidò Ecclesiastica essent, Synodo approbante facta, anno 1245.

Conc.
Lugd.j. sub
Innoc. IV.
ib. p. 633.
& seq.

CAPUT XXXV.

Concilium generale Lugdunense II. sub GREGORIO X. de reconciliandis Græcis : hujus acta præcipua referuntur.

ANNO 1274. Gregorius X. cùm Græcos in Ecclesiæ Romanæ unitatem reducturus esset, Concilium generale Lugdunense II. convocavit. Huc accedebat terræ sanctæ vastitas, ac morum subversio in Clero & in populo tanta, ut non cerni, sed palpari videretur. His convocationis causis expositis, hæc addit: *Et quia salubre in his adhiberi remedium interest generaliter omnium, nos cum fratribus nostris tractatu præhabito, prout tanta necessitatis instantia exigebat, generale Concilium, sicut imitatione dignâ sanctorum Patrum consuetudo laudabilis, longæque observationis exemplum nos instruit, opportuno tempore decrevimus congregandum, ut in eo tam circâ præmissa, quàm circâ cætera, quæ salutem respiciunt animarum, illa, Deo auspice, communi consilio inveniatur provisio & ejusdem Concilii APPROBATIONE ROBORETUR: & hoc ex antiquâ disciplinâ, ut quod interest omnium, id est, causæ generales, omnium consilio procuretur, autoritate & approbatione roboretur; tantaque interdum necessitas, ut non alio remedio succurratur.*

Epist.
Greg. X.
ante Conc.
Lugd. ij. T.
xj. Conc. p.
940.

Jam quod erat maximum, quid in reconciliandis Græcis actum sit, compendio memoramus. Ac primum allatæ sunt literæ Michaëlis Palæologi Imperatoris totius Ecclesiæ Orientalis scriptæ nomine: his repetitur symbolum, cum additione *Filioque*; cætera Latinos inter & Græcos controversa, eo modo finiuntur, quod docet & prædicat sacro-sancta Romana Ecclesia.

Ep. Mich.
Imp. ib. p.
961. & seq.

Rogat deinde Imperator, ut Orientalis Ecclesia dicat Symbolum eo more, quo ante schisma dicebat; non additâ scilicet particulâ *Filioque*; permaneatque in ritibus, quibus antè schisma uteretur, qui non sunt contra fidem.

Ibid. p.
967.

Hæc fide Græci recipiuntur: fit Canon, quo, sacro approbante Concilio, reprobantur, qui Spiritum Sanctum à Patre *Filioque*, tanquam ex uno principio æternaliter procedere negaverint.

Ib. Const.
p. 975.

Hæc igitur erant, quæ Concilii generalis autoritatem requirebant; fides nondum hæcenus ab Ecclesiâ declarata de Spiritu Sancto, qui à Patre *Filioque* procederet, tanquam ab uno principio: utque nihilominus Græci Symbolum recitarent quo more solebant, atque in suis ritibus permanerent: quæ Græci sine Concilii generalis assensu & autoritate satis firma esse futura non crederent.

CAPUT XXXVI.

Decretum Concilii Lugdunensis II. de Papæ autoritate producitur : ostenditur nihil favere adversariis.

PAULò diutiùs immorandum in eo loco quo Græci Romani Pontificis Primatum consitentur : quo loco adversarii nostram sententiam confutari vehementissimè asserunt. Quare locum integrum producimus.

Epist. De hoc ergò Primatu hæc Imperator, hæc Episcopi Græci per speciales
Imp. ib. p. Nuntios (u) profitentur : *Ipse quoque sancta Romana Ecclesia summum &*
966. *plenum Primatum & Principatum super universam Ecclesiam Catholicam ob-*
tinet, quem se ab ipso Domino in beato Petro Apostolorum Principe, sive ver-
tice, cujus Romanus Pontifex est successor, cum potestatis plenitudine rece-
pisse veraciter & humiliter recognoscit, & sicut præ cæteris tenetur fidei veri-
tatem defendere, sic & de fide, si quæ suborta fuerint quæstiones, suo debent
judicio definiri. Addunt de appellationibus in quibuscumque causis atque ne-
gotiis. Subdunt : *Ad hanc autem (Romanam scilicet Ecclesiam) sic potesta-*
Ibid. *ris plenitudo consistit, quòd Ecclesias cæteras ad sollicitudinis partem admit-*
tit : quarum multas, & Patriarchales præcipuè diversis privilegiis honora-
vit ; suâ tamen observatâ prærogativâ, tum in generalibus Conciliis, tum in
aliquibus aliis semper salvâ. His Prælati Græci, datâ speciali epistolâ con-
sentiant.

Epist. Hæc fuscè retulimus, quibus adversarii maximè gloriantur : quàm imme-
Episc. Græc. ritò, vidimus, cùm de Florentino Concilio ageremus, in quo eadem, quod
ib. p. 968. ad rerum summam attinet, reperuntur.
& seq. Sanè docebimus à nostris in summo Pontifice agnosci plenitudinem potes-
Sup. Lib. tatis, neque id prohibere quominus ea potestas ab universali Concilio diri-
vi. c. xi. gatur, & secundum Canones exerceatur, quod etiam ex Concilio Floren-
vid. Decr. tino sapè probavimus.
Un. Conc. pag. 510. &
Flor. Tom. seq.

Quàm vero aptoque sensu Romanus Pontifex super universam Ecclesiam
Vid. inf. Primatum ac Principatum obtineat ex Concilii Constantiensis certo atque à
Lib. x. Martino V. expressè approbato dogmate, & ex Concilii Florentini doctrinâ
Sup. Lib. & ex adversariorum consensu ostendimus.
vi.

Sup. Lib. Quòd autem ad Pontificiam infallibilitatem trahant illud : *Suborta quæstio-*
v. & vi. pass. *nes suo debent judicio definiri ; nec id quidem advertunt, quod antecesserit,*
nempè id ; sicut PRÆ CÆTERIS tenetur fidei veritatem defendere, sic & si quæ
de fide suborta fuerint quæstiones, suo debent judicio definiri. Ergò ut non so-
lus, sed præ cæteris tenetur defendere fidei veritates, sic profectò non solus,
sed præ cæteris quæstiones definire debet : sic scilicet, ut præcipua illius au-
toritas sit, ut habitâ Synodo ipse præeat, communemque sententiam, suo

(u) *Speciales nuntios*] Miserant Græcus Imperator & Græci Episcopi, qui seorsim suas literas juramento confirmarent ; simul pollicerentur se earum observantiam servaturos. Vid. Sac. Imper. p. 967. 968. & Episc. 971.

quoque nomine edat, pronuntiet, exequatur: quod Clerus Gallicanus cum omnibus Catholicis confitetur.

Sed fortè vim facient in illo verbo, *definire*, quod est in Concilio Lugdunensi positum: cùm profectò definire nihil aliud sit, quàm definitivam, ut aiunt, ferre sententiam: quod non modò supremo atque ultimo Judici, sed etiam aliis competit, superioris autoritate salvâ. Certè definire ac determinare pro eodem habentur. Quis autem Theologus non audit determinationes sacræ Facultatis, aut quis eas proptereà infallibiles cogitavit? Definit, determinat, qui totâ suâ qualiscumque est autoritate judicat: quantum ea definitio ac determinatio valeat, non ex iis præcisè verbis, sed ex aliis rebus, quas sæpè memoravimus repetendum.

Quem ergo his Concilii Lugdunensis verbis sensum affingunt, ut Pontifex *solus*, ut *infallibili judicio* definiat; primùm id de suo addunt: tùm ab ipso Gregorio, ab ipso Lugdunensi Concilio, ipsâque Græcorum sententiâ refelluntur.

Et Gregorius quidem non id sibi tribuit, ut solus definiat fidei quæstiones, qui ad eas definiendas Concilium generale congregavit, fidemque non nisi *sacro approbante Concilio* exposuit; statimque professus est in ipsâ convocatione Concilii, quæ essent decernenda, etiam circa fidem & schisma Græcorum, ejusmodi fore, ut *approbatione Concilii roborentur*. Cur verò tantus in ciendis toto Orbe Patribus labor, si unius Pontificis autoritate hæc robor obtineant? Id ergò voluit à se quidem, *præ cæteris*; sed etiam, *approbante Concilio* quæstiones definiri.

Tùm nec Græci tulissent, ut pro certo fidei articulo figeretur, Papam vel solum esse infallibilem, quod hætenùs nullo in Synbolo, nullâ in definitione fidei scriptum haberetur.

Et quidem mens Græcorum fuit, ut ea omnia Papæ tribuerent, quæ ante schisma tribuissent. Disertè enim scriptum legimus in epistolâ Episcoporum ad Gregorium X. *Nihil denegamus eorum quæ ante schisma præstabant Patres nostri*. Neque quidquam aliud Latini, aut ipse Pontifex postulabat; neque profectò promoverent, sed disturbarent concordiam, si Græcis concordia maximè oblectantibus, eum articulum proponerent, qui & ante schisma inauditus fuisset, & gravissimus omnium videretur.

Habemus apud Georgium Pachymerem graves sub Michaële Palæologo, Patriarchæ & antistitum Græcorum contentiones de pacis conditionibus: habemus sub Andronico graviores pacis jam factæ criminationes Patriarchæ. Qui paci obstitenter, sub Michaële (x) depositi: depositus sub Andronico Patriarcha Joannes Vecchus, qui pacem approbasset: sub Michaële

Ep. Episc.
Græc. Cœc.
Lugd. ij. T.
xj. p. 97¹.

(x) *Sub Michaële*] depositus est Patriarcha C. PUS. Josephus qui paci obstitenter. Michael pacem fieri peroptabat, non tam fidei studio, quàm armorum metu Caroli Andegavensis. Græci autem agrè consenserant suo Imperatori, qui consilia sua perficere non potuit, nisi multorum exilio, carceribus & tormentis. Eo mortuo, filius ejus Andronicus, qui patri ut obsequeretur, pacem suo chirographo firmaverat, hanc statim fregit, & ejus exemplo, cæteri Græci sua quoque chirographa vi extorta resciderunt, ac Joannem Vecchum Patriarcham, qui pacem eò studiosius provexerat, quòd causam habebat magis cognitam & exploratam, de suâ sede dejecerunt. Adi Pachimeri historiam. Vid. etiam D. FLEURY Tom. XVI. & in eo multa præclara ex Pachimeri historiâ excerpta.

non ferebant Papæ nomen inter sacra recitandum : gravissimi flagitii loco objectabant fuisse recitatum , quòd Hæresis autor Papa videretur. Quantò gravius vociferarentur in pacis conciliatores , & Michaëlis asseclas , si quod inauditum erat , Papam infallibilem prædicassent ? Non id autem queruntur , non id in Palæologo , non id in Andronico Pachymeres harum rerum scriptor diligentissimus attigit ; non id habent tam multa per eam ætatem pro pace & contra pacem divulgata scripta , ab eodem Pachymere aliisque recitata : non ergo id quisquam in animum induxerat.

CAPUT XXXVII.

Idem ex Græcorum in Basileensi & Florentinâ Synodis doctrinâ , EUGENII quæ Papæ ac Latinorum consensu ostenditur.

Sup. Lib. **L**IBET hîc reminisci ea , quæ de Græcorum sententiâ ex actis Basileensi-
vi. cap. v. bus & Florentinis ostendimus : *Non posse unionem fieri , nisi in Synodo*
& seq. *universali , in quâ Occidentalis Orientalisque Ecclesia conveniant , Ecclesiam*
Concil. *in unum congregatam de rebus dubiis judicare , communi consensu sententiam*
Basil. T. xij. *ferre , communiter hæc agi , & quæ communia sunt , communi consensu ter-*
Sess. xxiv. *minari oportere , plurimorum sententiam prævalere , sanctam Ecclesiam in sacris*
n. ij pag. *dogmatibus nullo modo posse errare communi quidem ac Synodicâ consideratione*
567. & seq. *utentem.*

Sess. xxv. Hæc Græci profitentur , quæ usquè adeò ipsi Eugenio IV. probata erant ;
Tom. xiii. ut hæc ad Græcos loqueretur : *Proferatur liberè veritas per sacramentum , &*
p. 382. & *quod pluribus videbitur , hoc amplectamur & nos & vos.* Quæ neque Græci ,
seq. Aug. neque Eugenius dicerent , si Papam vel solum infallibili iudicio quæstiones
Patr. hist. definiri , jam indè à Lugdunensis Concilii tempore constitisset.

ib. c. lrv. Quid hîc adversarii respondebunt ? An Græcos fidem Lugduni professos ,
& seq. tribuisse Papæ , vel soli , infallibile iudicium : Florentiæ congregatos ab
p. 1542. & seq. eâ sententiâ recessisse : aut ab eis plura Lugduni quàm Florentiæ fuisse postu-
Sup. Lib. lata ? Quò quid absurdius ?

vi. c. xi. Quid quòd Constantiensia decreta , quæ tuemur , in Concilio Florentino
Conc. Flor. confirmata fuisse ostendimus. Revolvantur ea quæ de Decretali *Moyse* , in
Sess. xxv. eo Concilio comprobata , deque decreto unionis ibidem condito , suo loco
p. 387.

Sup. ib. c. dicta sunt , & quandoquidem Florentini Concilii mentio semel incidit , at-
ix. & x. texamus ea quæ ad illud spectant. Etli enim nondum huc nos temporum se-
ries , rerum tamen ratio nexusque deducit. In eâ ergò Synodo Georgius Scho-
larius vir doctissimus , atque unus Græcorum omnium ad pacem propensissi-
mus , ad eam affectandam , suos ita adhortatur : *Si effeceritis ut verè œcu-*
Georgii *menica Synodus habeatur , ex quo etiam fiet , ut firma sint quæ à vobis fuerint*
Scholar. O- *decreta , nemo quidquam de rebus definitis in dubium vocans , fieri unquam*
iat. i. in *autor schismatis voluerit , & Ecclesiam sciens id animadversuram , & penas*
app. Conc. *ab æcumenicâ Synodo constitutas reformidans , toto terrarum Orbe idem sen-*
Florent. T. *tiens , Et aliâ oratione ad eosdem habitâ , dum adhuc de pace ageretur ,*
xiii. pag. *ait*
175.

ait, peractâ œcumenicâ Synodo, fore omnino ut qui sapiant hæc dicant dissidentibus: *Omnis Christianorum Ecclesia de rebus antea controversis consentit, & præter vos, hujus œcumenicæ Synodi decreta omnes honorant, existimantes impossibile illam errasse: ac paulò post: Universam verò simul errare Ecclesiam & veritatis lumine desici impossibile est.* En in quo rerum robur & invictam firmitudinem collocarent; in Ecclesiâ nempe Catholicâ, & ejus Concilio œcumenico; non profectò in solo Romano Pontifice: quos talia sentientes Eugenius IV. & Latini suscipiunt.

Ibid. Or.
ij. p. 614.
615.

At enim objiciunt duos viros præstantissimos in eadem Synodo differentes, Rhodium Archiepiscopum * & Julianum Cardinalem. Et Rhodius quidem pro additamento, *Filioque*, certans ait: *Latinorum Patres id multâ cum reverentiâ suscepisse, quod explanavit Romana Ecclesia. Sedem Petri solam esse in quâ potestas sit explicandi fidem. ab hac ipsâ Ecclesiâ cujus est explicare omnes fidei veritates, susceptam esse hanc (de Spiritûs Sancti processione) veritatem.* Quæ omnia eò pertinent, ut Sedi Apostolicæ id incumbat officii, neque sine ejus autoritate fidei veritates definiri possint. Quod tamen officium, si sola præstare posset, seclusâ Ecclesiæ Catholicæ consensione & autoritate, non erat cur Eugenius Florentinam Synodum convocaret, in eâque testaretur valituram eam fidem, ipso etiam præsentem, quæ frequentis Synodi sententiâ ac testimonio vinceret.

*Andream.
Conc. Fl.
Sess. vii. lb.
p. 128. 129.

Quod autem etiam Julianum Cardinalem objiciunt, hinc factum, quòd Binianæ editionis interpretationem secuti pessimam, (y) Græca non consulerint. At si sequamur eam, quam in editione Romanâ, ex Græcis expressam habemus interpretationem, quid erit quod objiciant? Nempè hæc Juliani verba sunt: *Subortâ fidei questione, Romanum Pontificem debere ac teneri eam declarare.* Quis enim hoc nesciat? *Si error emerferit, Papa necessitatem incumbere docendi Populos Catholicam veritatem.* Quis non amplectatur? *Illo docente, omnes Synodos & Ecclesiam universam debere hujusmodi veritatem sequi: veritatem certè, quam in ejus definitionibus recognoscant, ut in Leonis Magni epistolâ factum vidimus.* Quo quid est certius? Summa ergò doctrinæ, quam Julianus tradidit, hæc est: officium esse Romani Pontificis docere veritatem; Conciliorum officium, eo maxime præeunte, veritatem sequi, eumque in Ecclesiâ consuetum esse ordinem docendæ veritatis, quod & Parisienses ubique & Ecclesia Gallicana maxime prædicant.

Ib. Sess.
vii. in ed.
Rom. T. iv.
pag. 372.
373. in ed.
Bin. Paris.
1636. T.
viii. pag.
622. 623.
in edit. Lab.
Tom. xiii.
pag. 130.

Nihil agit, inquires, si id tantum velit. Imò verò id agit, ut constet Latinos nihil novi molitos, qui Romanum Pontificem ritè officio functum, ac de Spiritûs Sancti processione vera & antiquitus tradita prædicantem, pro Ecclesiastico more, autorem secuti sint. Quid si officio non fungatur, nec veritatem doceat? Etiamne aberrantem sequi tenerentur? Id fieri nequit, inquires? Jam id tu quidem dicis, non ipse Julianus.

(y) Binianæ editionis interpretationem pessimam.] Hunc locum, quantâ potui diligentia contuli in utraque editione, neque apicem unum immutatum vidi. Sed cum mea Biniana editio sit an. 1636. credo D. Bossuet aliâ usum fuisse. Interea observandum est Cardinalem Julianum allata verba eò dixisse, ut ea corrigeret & explicaret quæ non satis diligenter à Rhodio Archiepiscopo dicta fuisse mox vidimus.

Vid. ib. & Epist. A. gath. in Conc. vi. act. iv. T. vi. p. 636. At enim Julianus, inquis, sancti Agathonis verba refert asserentis, *omnes Synodos* (Romanorum Pontificum) *doctrinam secutas*. Indiscussamne, an examinatum, & factâ demùm discussione firmatam? Examinatam certè, ut vidimus; atque hinc in ipsâ sextâ Synodo, susceptum Agathonem, damnatum Honorium. Quæ si ab Juliano contempta aut ignorata fingis, id sanè efficis, ut ne audiendus quidem esse videatur.

Vid. sup. cap. xxi. & seq. Diss. præv. n. l. iv & seq.

Meminerimus sanè Julianum Cardinalem esse eum, quo Præsides, Constantienses Canones, Basileæ toties innoventur; qui eorum autoritate Eugenium perpulerit ad revocandam Basileensis Synodi dissolutionem; qui proinde crederet ac vehementissimè assereret, Papam etiam in fidei causis subesse Concilio: non ergò per se infallibilem. Atque à posterioribus quidem Basileensibus gestis post translationem, ab anterioribus vero, ipso Autore, gestis recessisse unquam, non ipse, non ullus alius testis memoravit.

Atque ut jam omittamus doctissimum quidem, sed tamen unum hominem Julianum; non aliter sensit Græcorum ac Latinorum Patrum multitudo, à quibus quippè vidimus, definiendæ Catholicæ veritatis autoritatem & vim, in communi deliberatione & consensione collocatam.

Et Marcus quidem Ephesius, aliique in Synodo Florentinâ ineundæ intractæque pacis inimici, de Papâ quidem multa, illud verò nunquam objecerunt; quòd eum infallibilem Conciliisq; omnibus superiorem fecissent; aut in ipso solo vim omnem reponerent; adeò hæc nemo cogitabat.

Ergò fixum illud, Græcorum Latinorumque, simulque Lugdunensis, atque Florentini Concilii collatis sententiis, à Papâ veritatem defendi, & quæstiones definiri oportere, *præ cæteris* quidem, ut est in Lugdunensi Concilio positum; ita ut ipse præeat, etiam in Conciliis œcumenicis: cæterùm stare omnia invictò robore, si Patrum condecernentium & judicantium consensus accesserit. Quo & Gallicana Ecclesia & omnis nostra disputatio collimavit.

C A P U T X X X V I I I .

Viennense Concilium sub Clemente V. ejus ævi scriptor nobilis
GUILLELMUS MIMATENSIS Episcopus, Speculator dictus, à
Papâ jussus de habendo Concilio scribere, quid senserit.

Vid. diss. præv. n. l.

ANNO 1311. à Clemente V. Viennensè generale Concilium celebratum est: anno verò 1307. in tanti operis apparatu Guillelmus Durandus (2) Episcopus Mimatensis, juris Pontificii interpres nobilis, ab eodem

(2) *Guillelmus Durandus.*] Labitur hîc levi errore D. BOUET. Non enim *Speculator*, qui an. 1196. è vivis excesserat, hunc tractatum scripsit, sed frater eius filius alter Guillelmus Durandus, vir quoque plurimæ doctrinæ, qui proximè post *Speculatorem* in Mimatensi Cathedrâ sedit. Cæterùm in eo errore multi versati sunt, & illi etiam q. i. an. 1671. hunc tractatum edidit, in vitâ *Speculatoris* operi præfixâ. Vid. Gall. Christ. de Episc. Mimat.

Pontifice jussus, tractatum edidit alio loco memoratum de celebrando Concilio, cujus hæc summa est: *In Concilio œcumenico, tractandum imprimis, de reformanda & corrigendâ Ecclesia, tam in capite quàm in membris: quòd Episcopi potestatem & honorem receperunt à Deo, à quo Episcopi, loco Apostolorum constituti sunt, in singulis civitatibus: quòd regenda sit Ecclesia secundum generalem ordinationem universalis Ecclesiæ à Deo procedentem & ab ejus Apostolis, Sanctis Patribus, generalibus & specialibus Conciliis & Romanis Pontificibus approbatam: ut Ecclesia Romana nulla jura generalia deinceps conderet, nisi vocato Concilio generali, quòd de decennio in decennium vocaretur; cùm illud quod omnes tangat ab omnibus approbari debeat: itaque vocandum esse Concilium, quandocumque aliquid ordinandum esset de tangentibus communem statum Ecclesiæ, vel jus novum condenandum; sic fore ut Ecclesia Romana floreat vigeatque: si omnia sibi vindicet, omnia perdituram: Quæ fusiùs alibi recensita, nunc in pauca concludimus, ut fixum maneat in iis quæ universam Ecclesiam spectant, quorum numero prima est fides, summam auctoritatem ipsâ consensione constare, neque aliter per ea tempora fuisse creditum.*

Durand.
Tract. de
cel. Conc.
passim.

Ex his patet sensus Clementinæ unicæ, in Concilio Viennensi editæ, de summâ Trinitate ac fide Catholica, quæ incipit: *Fidei Catholica*: ubi Pontifex de Christi latere post mortem percusso quæstionem tractans, sic docet: *Nos igitur ad tam præclarum testimonium, * ac sanctorum Patrum & Doctorum communem sententiam, Apostolicæ considerationis, (ad quam duntaxat hæc declarare pertinet) aciem convertentes, sacro approbante Concilio declaramus, &c.*

Lib. I.
Clem. tit.
I. c. unic.
* Scilicet Joannis
XIX. 34. 35.

Hanc igitur auctoritatem nobis obijciunt, cùm clarum sit, per illud *duntaxat*, intelligi, hæc sine Sede Apostolicâ tractari non posse: alioquin excluderetur etiam Concilium, quo approbante ista definiuntur atque roborantur. Nec valerent ea quæ semper, atque illo præsertim tempore valebant, ut quæ universalem Ecclesiam tangerent ab universali Ecclesiâ communi consensu decernerentur; quibus vel maximè contineri fidem consentiunt omnes. Nam & in hujus Concilii, ut etiam in Lugdunensis convocatione, scriptum erat circa ea quæ *tangerent statum fidei Catholica, faciendam provisionem, quæ approbatione Concilii roboretur.* Horum ergò declaratio etiam ad Concilium pertinet, cujus est eam roborare & approbare; adeoque in omnibus sacri Concilii auctoritas, cum auctoritate Pontificiâ conjungitur, atque in eadem convocatione, à Clemente V. decernitur: *Omnia quæ correctionis & reformationis limam exposcunt, ad ipsius Concilii notitiam deferenda, ut in examen deducta, Concilii correctionem & directionem recipiant opportunam.* Et alio diplomate prorogat Concilium, quia quæ in eo tractanda sint, non sunt præparata satis, quòd in *examen Concilii valeant introduci.* Certum igitur etiam ea, quæ ad fidem pertinent, eoque nomine Sedis Apostolicæ considerationem poscerent, Romano Pontifice Autore, vel Concilii quoque non tantum in considerationem; verum etiam in examen deduci oportere.

Bull.
Convoc.
Conc. Vien.
per Clem.
V. *Regnans in cælis.*
Tom. XI. p.
1543.
Ib. pag.
1544.
Ib. ep.
Arch. Nicof. *Alma Mater.* pag.
1550.

CAPUT XXXIX.

*Lateranensis Synodus sub JULIO II. ex eâ Conciliorum necessitas
& autoritas.*

Sup. Lib. v. & vi. **S** EQUUNTUR Concilia quatuor, Pisanum, Constantiense, Basileense, Florentinum; in quibus eam quam tuemur sententiam, non modò ex antiquâ traditione susceptam, sed etiam expressè judicatam fuisse satis ostendimus, ut jam ne verbum quidem hîc addere libeat.

Sup. Lib. VI. c. XVIII. De Concilio Lateranensi sub Julio II. & Leone X. multa jam diximus, quibus hoc etiam addi placet.

Primum quidem ad reformandam Ecclesiasticam disciplinam, adeò visam esse necessariam Concilii generalis auctoritatem, ut Cardinales (aa) Julium II. ad illud, post biennium à creatione suâ, celebrandum, juramento adigerent.

Bull. Jul. II. convoc. Conc. Later. Sess. I. T. XIV. p. 33. Et ille quidem quominus id faceret, legitimo impedimento teneri se causabatur. At Maximilianus Imperator & Ludovicus XII. Francorum rex, qui cum eo bellum gererent, quosdam Cardinales instigârunt, qui quidem fœdis ludificationibus irrideri Christianum Orbem questi, Concilium indixerunt; Pisis inchoârunt; paucissimis cum Episcopis pulli, fatigatique omnibus locis, ac Maximiliano ad Pontificias partes transeunte, laceram ac miserabilem Synodum Lugdunum transtulerunt; atque improspere eventu agitârunt; quo tempore Julius II. Concilium Lateranense convocavit, ad Ecclesie exaltationem, unitatem & reformationem, schismaticum verò & hæresum totalem extirpationem: invitavitque omnes ut ad tam laudabile ac necessarium opus accederent. Itaque Concilio convocato, viri torâ Italiâ celeberrimi coràm ipso Julio orationes habuère, quibus Conciliorum generalium utilitatem ac necessitatem mirificè commendarent.

Ib. p. 38. Aegidius Viterbiensis Augustiani Ordinis Generalis, in ipsis Concilii initiis dicturum se profiretur de Synodo, & quàm Ecclesie commoda semper sit; & quàm nostris temporibus necessaria: tum mirâ eloquentiâ prædicat: SANCTI SPIRITUS LUCEM Synodis omissis EXTINGUI, habitis ACCENDI ET RECUPERARI. MOX: absque fide Deo placere non possumus, atqui SINE SYNODIS stare non potest fides, absque Synodis igitur salvi esse non possumus. Falsum & nimium, si, absque Synodis & consensione Ecclesie, fides valeat. Addit exempla, cum tribus maximis coortis Hæresibus*, quæ tres rerum credendarum radices evellere conarentur; nulla, inquit, effugiendi, nulla evadendi inventa est via, nisi Nicæna Synodus. Deinde: Jam de fide dixi, quæ utrique nulla esset, si Synodi institutio non fuisset. Tum illud: Per Synodos, inquit, redit ad mortales Deus. Nam si dixerat, ubi duo vel tres meo no-

* Arii Sabellii, Photini.
Ib. p. 22.
23. 24.

(aa) Cardinale J. in eo Conclavi in quo electus fuit Julius II. adhibito juramento, promiserant, cum qui crearetur Pontifex, post biennium Concilium generale celebraturum; atque ea causâ fuit cur Cardinales, qui tum Pisis Concilium indixerant, Imperator, Rex Gallie & Julium de violatâ religione juramenti accusarent.

mine convenerint, ad eos venio interque eos sum: quantò huc lubentiùs se conferet, quò non duo tantum vel tres, sed tot Ecclesiæ capita proficiuntur! Denique moribus in deterrima quæque prolapsis, tot infauſtos eventus, ipsamque Ravennatem cladem voces esse, monentis Dei, ac præcipientis, ut, inquit, ad Pontificem sermone converso, Synodum habeas, ut Ecclesiam emendes &c. ut denique post tot mala, tot incommoda, totque calamitates, Principem CHRISTUM audias, Petro posterisque Synodum ostendentem, ut UNICAM omnium malorum medicinam, singularem periclitantis navicula portum, solam Reipublicæ confirmandæ rationem.

Ibid. 26:

Cæteri qui in eadem Synodo perorârunt, dispari eloquentiâ, eodem ferè sensu, Concilia necessaria demonstrârunt. Alexius Episcopus Melphitanus: *De rebus ponderosis & dubiis summum caput (Romanus scilicet Pontifex) ut communis omnium Magister & Doctor consulebatur: quo fiebat, ut si quando Hæresis, vel alia res gravis & perniciosi exempli alicubi oriretur, præsertim quæ religionem & publicè leges offenderet, ad illam è vestigio reprimendam Patres undique, præcipuè tamen probatissimi, eruditissimi, ac integerrimi quique accersebantur, & ad locum tempusque aptum à capite delectum, & ab ipsis approbatum conveniebant: adeò etiam in loco designando Patrum approbationem requirebat. In quo autem vis esset exponit his verbis: Omnia simul prospicientes, & singula sedulò scrutantes, & ponderantes, ut quæ ad omnes pertinerent, ab omnibus reciperentur vel eliminarentur. Hæc igitur ratione, hæc consentientis Ecclesiæ autoritate extinctas hæreses, Canones conditos, quibus non minor fides & autoritas, quàm ipsis Evangeliiis attributa est; & quorum si quæ à nobis ratio curare haberetur, ad has sordes fœditatemque morum, ad quas per eorum contemptum, & Conciliorum intermissionem devenimus, non utique devenitum fuisset.*

Ibid. Sess. iij. p. 87.

Ibid.

Ibid.

Unus Cajetanus ita peroravit ut nihil de Conciliorum necessitate diceret; quippè qui unus, ut videtur, in unâ Romani Pontificis potestate, & fidem & mores & omnia collocaret.

Vid. orat. Caj. ib. Sess. ij. p. 68. & seq.

CAPUT XL.

Post Lutheranam pestem, Concilii generalis habendi necessitas ab omnibus adeòque à Romanis Pontificibus agnoscitur: eà re Concilium Tridentinum convocatur.

CÆTERUM, postquàm Lateranensis Synodus reformationem tam diu expetitam vix attigit, exorta est illa per Lutheranam pestem misera necessitas, quæ ab invitis quoque Synodum extorqueret.

Inclamabant omnes ubique Nationes, ad tot errores excindendos, atque ad reformatandos, errorum omnium fontem, mores pessimos, Concilii opem esse necessariam.

Quid Gallia, quid Germania egerint, quàmque professæ sint uno Concilii generalis remedio tot Ecclesiæ vulnera curari posse, neminem latet. Sed

Decret.
Ferd. Reg.
mox. In-
per. ed. Po-
son. ann.
1548. art.
xiii.
Decr. ed.
Poson. an.
1550. art.
xvi.

* Georg-
gius Zele-
pechimi.
Cens.
Archiepisc.
Strig. vid.
Vindic. ma-
jor. Schol.
Paris-
Mém.
pour le
Conc. de
Trente.
1533. p. 3.

Indict.
Conc. Trid.
per Paul.
III. Tom.
xiv. p. 725.
& seq. vid.
tiam. Onup.
vit. Paul.
III. & hist.
Conc. Trid.
Fra-Paol. &
Palav. an.
1544.

quoniam eandem in rem concors cum cæteris Hungarici Regni sententia haud æquè omnibus nota est, placet referre Acta Posonii 1548. art. XIII. *Supplicant ordines & status Regiæ Majestati, Domino eorum clementissimo; ut tam suâ, quam sacræ Majestatis Cæsareæ autoritate agat, apud sanctissimum Dominum nostrum, quo Sanctitas sua generale Concilium, pro complandis omnibus differentis, variisque opinionibus de religione, sine diuturniori morâ celebrare dignetur. Quod si Sanctitas sua id differet, Majestas Cæsarea dignetur modum adhibere, ne celebratio Concilii diutius protrahatur.* Perstant in eâdem sententiâ anno 1550. quo hæc ordinant: *Si quid deliberatione egere, aut in disputationem vocari posse ipsis, vel eorum alicui forte videretur, relinquunt id totum generali Concilio dirimendum.*

Viderint jam Hungari, viderit Orbis universus, postremus Strigoniensis Archiepiscopus *, quantum ab antecessorum suorum sententiâ deflexerit, qui nova hæc cuderit: *Ad solam Sedem Apostolicam, Divino immutabili privilegio, spectat de controversiis fidei judicare.*

Neque tantum omnes Ecclesiæ, Concilii generalis adversus errores invalescentes remedium, tanquam necessarium votis omnibus flagitabant; sed ipsi etiam Romani Pontifices fatebantur: unde Clemens VII. ad Franciscum I. hæc scribit: *Superiore biennio, sicut tua Majestas recordari potest, cum Serenissimum Cæsarem, quanquam pro suâ inclytâ pietate omnia conatum, in conventu Augustano nihil remedii ad hæresim Lutheranam in Germaniâ tollendam, præ illorum obstinatione, afferre potuisse audiremus, solumque Concilii generalis remedium à nostris prædecessoribus, in casu simili usitatum, & ab ipsis Lutheranis postulatum superesse videretur: habitâ super hoc cum venerabilibus Fratribus nostris, sacræ Romanæ Ecclesiæ Cardinalibus, maturâ deliberatione, ad ipsius Concilii generalis indictionem in Italiâ & loco ad hoc commodiore celebrandi devenire intendentes, id tue Majestati, sicut Cæsari, & cæteris Principibus significandum esse duximus, eamque nostris literis fuimus hortati, ut tam sancto & necessario operi favere velles.* Adeo post Lutherum quoque à Leone X. antecessore damnatum, Synodus necessaria videbatur, ut majore luce ac certiore autoritate firmaretur fides. Consonat Paulus III. in ipsâ convocatione Tridentini Concilii anno 1544. Pontificatus XI. ubi hæ tres Concilii habendi causæ memorantur: nempe *ad tollenda in religione dissidia, ad reformandos mores, ad suscipiendam contra Infideles expeditionem. Quorum, inquit, trium Capitum causa, Concilium maximè esse necessarium semper duximus.* His deventum est ad sanctam Tridentinam Synodum, quâ sine non putamus unquam futurum fuisse, ut doctrinæ Catholicæ tot ac tanti articuli copiosâ expositione explicari, intricatissimæ quæstiones, tantisque Hæreticorum fraudibus involutæ, dissolvi & expediri; vera certaue Patrum fides, atque traditio tot inter scholasticorum inter se dissidentium sententias internosci, totque anathematismis fædorum errorum vulnera ad vivum persecari; occultumque virus tantâ rerum luce, tanto delectu verborum, tantâ autoritate, tamque temperato firmoque decreto, retegere ac propulsari posset. Hæc perpendant, qui Concilia nec necessaria asserunt, omnemque Ecclesiæ vim in decretis Pontificiis collocant.



D E F E N S I O CLERI GALLICANI,

DE ECCLESIASTICA POTESTATE.

LIBER OCTAVUS

Solvuntur objectiones quædam , ac præsertim illa quæ ex
Conciliorum confirmatione petitur : *ad idem caput quartum*
GALLICANÆ PROPOSITIONIS.

CAPUT PRIMUM.

*Objectio de confirmatis à Romano Pontifice Synodis generalibus
proponitur : hujus dissolvendæ ratio atque ordo explicatur.*

JAM verò evolutis omnium Conciliorum generalium gestis , certaque ex
his traditione constitutâ , quæ inde repetuntur objecta solvenda sunt : at-
que illud imprimis de confirmatione generalium Synodorum , primis
etiam illis sæculis usitatâ.

Et quidem adversarii illud longè validissimum , pro Romani Pontificis
potiore potestate esse constituunt , quòd non tantùm posteriores Synodi ,
sed etiam primæ illæ , quas memoravimus , confirmationem à Papâ & pete-
rent , & acciperent , tantâ quidem autoritate Apostolicæ Sedis , ut eæ tan-
tùm Synodi universales legitimæ habeantur , quas illa comprobârit atque
confirmârit. Hinc Ariminensem Synodum ; hinc Ephesinam II. sub Dioscoro
fuisse repudiatas , quòd eas Sedes Apostolica irritas pronuntiâisset. Neque
tantùm repudiatas illegitimas Synodos , sed etiam legitimas tantùm auto-
ritatis habuisse quantum Sedes Apostolica judicârit : quo factum sit ut Chal-
cedonenses Canones , maximè ille XXVIII. de Constantinopolitani Præsulis
augendâ dignitate , unanimi Patrum consensu factus , solâ Sedis Apostolicæ
& Leonis Papæ repugnantia atque sententiâ irritus habeatur. Ex quibus con-
stare volunt Romanum Pontificem vel maximè infallibilem esse , cùm ejus
autoritate generalium Conciliorum decreta , etiam de fide , consent ; &
omnibus Synodis etiam generalibus superiorem esse , qui & de illis iudicet ,
& ipsis tribuat firmitatem. Nec mirum , cùm omnis Episcoporum , adeoque
etiam Conciliorum autoritas à Petro ac Petri successoribus , tanquam à fonte

profluat : quo fit ut Episcopi quantumvis adunati , non modò adversùs auctoritatis suæ radicem ac fontem nihil possint ; verùm etiam ut tantùm habeant roboris , quantùm ab ipsâ radice mutuentur. Atque id demonstratum putant multis Sancti Leonis , multis Sancti Gelasii , aliorumque Sanctorum Pontificum decretis atque sententiis , summâ omnium Ecclesiarum veneratione susceptis.

Hæc ut ordine dissolvamus : primùm omnium exponimus , ex Ecclesiastico stylo , ipsam confirmandi vocem : tùm verò referimus , peractis Conciliis , quid gestum sit , circa confirmationem Conciliarium decretorum : Quæ cùm perfecimus , omnium consensu facilè evincemus , ut ea confirmatio nihil omninò ad Pontificiam infallibilitatem aut superioritatem pertineat ; eoque responso ; illud ab ipsâ Episcopalis auctoritatis origine petitum argumentum ultrò corruat.

C A P U T I I.

Quid sit CONFIRMARE Ecclesiastico stylo, & quid auctoritatis invehat: CONFIRMARI decreta non modò ab æqualibus, sed etiam ab inferioribus passim : tùm speciatim explicatum non modò à Romanis Pontificibus Conciliaria decreta , sed & à Conciliis etiam particularibus Romanorum Pontificum decreta CONFIRMARI.

Socrat.
edit. Vales.
Lib. ij. cap.
xx. xxiv.
Lib. iv. c.
xii. Conc.
Eph. Chal.
& al. pass.
Vid. ep.
Theod. Imp.
ad Synod.
Eph. ij. in
act. Conc.
Chal. Tom.
iv. p. 110.
& in Conc.
Chal. pass.
ep. Egyp. ad
Leo. Imp.
part. iij.
Conc. Chal.
cap. xxi.
p. 892. ep.
Episc. Eu-
rop. ib. c. xxvii. 907. ep. Moes. c. xxx ii. p. 9012. ep. Phœn. c. xxxvii. p. 920. &c.

MIROR autem imprimis in confirmandi voce tantam reponi vim , cùm à Romanis Pontificibus , non modò Conciliorum , sed etiam antecessorum decreta passim confirmentur. Quâ confirmatione Romanorum Pontificum summæ auctoritati detractum esse quidquam , nec ipsi adversarii dicent.

Quid quòd passim legimus ea decreta , quæ omnium consensu valeant , confirmari tamen ; idque interdum etiam ab inferioribus. Sic enim apud Socratem ; sic in actis Chalcedonensibus ; sic in aliis innumerabilibus Ecclesiasticis monumentis legimus à Siciliensi & *Tarsensi* (a) , à Sardicensi , ab Hierosolymitanâ , à Constantinopolitanâ , ab Ephesinâ , ab ipsâ Chalcedonensi Synodis Nicenam fidem , Nicæna decreta confirmata fuisse ; hoc est , proculdubio , inculcata , asserta , defensa , pro firmis , suæque auctoritate constantibus habita , atque adversùs Hereticos magis magisque vindicata ; non tantum à superiore dijudicata & expensa , quò firmitudinem obtinerent ; ut profectò nihil sit vanius , quàm confirmationis vocem ad argumentum superioris potestatis trahere voluisse.

Hæc quidem sufficerent , nisi nobis constitutum esset operæ non parcere ; ut tanta res in manifestissimam lucem veniat. Placet ergò referre non modò Synodorum decreta per Sedem Apostolicam , sed etiam Sedis Apostolicæ decreta confirmata per Synodos. Cujus rei exempla vel nunc nova proferimus ; vel supra jam aliis de causis annotata paucis recolimus.

(a) *Tarsensi.* Nisi nobis statutum esset textum D. BOSSUET , ne immutato quidem apice integrum proferre , hoc vocabulum , *Tarsensi* deleremus. Nam nusquam reperimus in tomis Conciliorum , neque in historicis , fuisse Tatli ullam Synodum. Socrates quidem dicit , Synodum ibi convocatam fuisse , celebratam verò nullibi dicit : quinimò quid causæ fuerit ne celebraretur , narrat his verbis : *Legatos miserunt hortantes ut Tarsum convenirent atque id perfectum fuisset , nisi Eudoxius Arianae religionis Episcopus , qui tum apud Imperatorem plurimum poterat ; obstitifset.* Lib. IV. Cap. XII.

Medio

Medio ferè quarto sæculo *, Meletius Antiochenus, alique CXLVI. * anno
Orientales Episcopi, factâ Antiochiæ Synodo, in fidem à Sancto Damaso 373.
Papâ, eique conjunctâ Romanâ Synodo ** expositam consenserunt: eam ** 1v.
consensionem ex veteri Romanæ Ecclesiæ Archivo authentico Lucas Holste- habitâ ann.
nius depromit, atque hæc adscripta refert: *Omnes ita consentientes eidem 366.*
superexposita fidei, à Sancto Damaso & Synodo Romanâ missæ; *singuli suâ*
subscriptione confirmant. Collect.
Holst. I.
part. p. 176.
Conc.

In Conciliorum Africanorum collectione, sub Cælestino factâ, refertur
illud anno CHRISTI 401. decretum ab Africanis: *Recitata sunt litera Inno-*
centii Papæ, ut Episcopi ad transmarina pergere faciliè non debeant, quod
hoc ipsum Episcoporum sententiis confirmatur; id est, recipitur, ipsâ consen-
sione roboratur.

Actione V. Chalcedonensi, postquàm lecta est consonans Sancti Leonis
epistolæ fidei definitio à Synodo facta: *Episcopi clamaverunt, epistolam defi-*
nitio firmavit: Archiepiscopus Leo, ut credimus, sic credit. Unde illud
Sancti Leonis supra memoratum: * *Quæ nostro prius ministerio definierat, irre-*
tractabili torius fraternitatis firmavit assensu. Et postea: *Quæ fides prius do-*
cuerat, hæc postea examinatio confirmavit. Afric. sub
V. an. 401.
Conc.
Chal. act.
v. vid. sup.
Lib. vii.
c. xvii.
* Epist.

Legimus in encyclicarum epistolarum volumine, post Chalcedonensem
Synodum, Theotimi Scythicæ regionis Episcopi, ejusque Synodi, hoc de
confirmandâ Chalcedonensi Synodo responsum*: * *Ego & Ecclesia Dei sic sa-*
pimus, & in consensu nostro Sanctorum Patrum definitiones fide & devotâ
confessione firmamus (b). Leo. Magn.
ad Theod.
int. Leo. E-
pist. xciii.
ali. lxi. i.
vid. diff. n.
lxi.
* Ad Leon.
Imp.

Sub Sancto Hilario Leonis Papæ discipulo & successore anno 465. habita
est Romana Synodus, in quâ præeunte Papâ ac decreta recitante; *ab uni-*
versis Episcopis & Presbyteris acclamatum est: hæc & confirmamus, hæc &
docemus. * Epist.

In Concilio Romano III. sub Gregorio Magno, eidem præloquenti uni-
versis Episcopis responderunt: * *Libertati Monachorum congaudemus, & quæ*
nunc statuit Beatitudo vestra firmamus (d). Theot. Ep.
Scyth ad
Leon. Imp.
part. iij.
Conc. Chal.
cap. xxxi.
P. 911.
* Conc.

Sub eodem Papâ aliud Concilium Romanum habitum est, quo post de-
creta scriptum: * *Confirmârunt Episcopi & Presbyteri, numero LVIII.*

Habemus Martini Papæ post Monothelitas in Concilio Lateranensi con-

Hilar. T. iv. Conc. pag. 1063. 1064.

Conc. Rô. iij. sub Greg. Mag. Tom. v. p. 1608.

(b) *Firmamus.*] Jusserat Leo Imperator, ut Episcopi *quid in commune saperent de Ti-*
motheo Eluro Alexandrino Patriarchâ intruso, & de Chalcedonensi Synodo, suis literis signifi-
cent. Schismatici vociferabantur novam Synodum œcumenicam esse convocandam, quæ,
nullâ habitâ ratione Concilii Chalcedonensis, ab eo definitas quæstiones denuò retracta-
ret. At Episcopi unanimes hujus Concilii decreta firmârunt. *Quia tentare retractare ali-*
corum quæ ab eo definita erant, hominum esset insidantium Catholicæ concordie, congaudentium
turbis atque tumultui. Vid. ep. Imper. & Episc. Tom. IV. Conc. à p. 902. ad 979.

(c) *Firmamus.*] Monachos olim regebant Episcopi. Sed, ut sæpe fit, quæ optimè à Ma-
joribus constituta sunt, ea malâ consuetudine à nepotibus dissolvuntur. Gregorius enim
cum videret Monachos, multorum Episcoporum exemplo à solitudine & abtinentiâ re-
tractos, ad frequentiora colloquia & mundanas voluptates reduci, jussit in eo Concilio so-
los Abbates Monasteriorum curam suscipere, & vetuit ne deinceps Episcopi illorum nego-
tiis se immiscerent.

Ep. Mart. demnatos, epistolam ad Amandum Episcopum Trajectensem, ut Episcopi Gallicani scripta ad se destinent; *confirmantes*, inquit, atque *consentientes eis*, *quæ pro fide orthodoxâ & destructione Hæreticorum vesaniæ nuper exortæ, statuta sunt.*
 I. ad Amand. E-
 pisc. T. vi.
 Conc. pag.
 385.

An igitur non tantum Synodi universales, sed etiam particulares eâ auctoritate pollent, ut Sedis Apostolicæ Synodica decreta confirmant? Certè: cum Ecclesiarum etiam particularium assensus pars sit illius consensus universalis, quo summam & invictam firmitudinem constare diximus.

Sup. Lib. Eodem sensu vidimus Hispanos Episcopos, qui VI. Synodum sine se actam, atque à se ignoratam, à Leone licet II. probatam, iterato examine *firmant, comprobant, suâ auctoritate suffulciunt*; adeò innatus erat omnibus CHRISTI Ecclesiis is sensus, quo firmari constabat Ecclesiastica judicia, addito eo consensu qui desideraretur.

In Synodo VII. audivimus Tarasium, qui Adriano Papæ *concordaret & vim literarum ejus confirmaret*: Quo etiam ritu ceteri Episcopi ac tota Synodus à Sede Apostolicâ prolatam sententiam comprobavit.

Hæc ad posteriorem ætatem traditio permanavit. In actis Tricassinæ Synodi, sub Joanne VIII. Papâ, actione IV. *Post hæc lecta sunt capitula statuta à Domino Joanne summo Pontifice Romano, quæ sancta Synodus amplectenda recepit & confirmavit.*

Anno 904. in Concilio Ravennate præloquente Pontifice Joanne IX. ac petente, ut *quæ capitulatim annotata sunt, si omnibus placent, in conspectu omnium legantur, examinentur & examinata manibus omnium pro futura memoriâ roorentur*; eadem deinde capitula, *† auctoritate sanctæ Sedis Apostolicæ & sanctione sanctæ Synodi comprobantur.*

† Ibid. c. Ipse Papa Calixtus II. ad Synodum Rhemensem hæc ait: *Sicut conventionem pacis, si fiat, nobiscum & per vos confirmare optamus; sic in commentorem fraudis si infidelis evaserit, judicio Spiritûs Sancti & vestro, gladii Petri vibrare tentabimus.* Sic gladius Petri, licet Apostolicæ Sedi à CHRISTO traditus, vibratur tamen non solum summi Pontificis, sed etiam totius Concilii judicio, quod Spiritûs Sancti sit judicium.

Petrus Damiani: *Synodalis decreti pagina, quam cum Concilii totius assensus beatus Papa constituit, cui quippè propriæ manus articulum indidit, quam tot Episcoporum venerandus celebrisque Conventus subscriptione firmavit. &c.*
 Bertholdus ad annum 1096. de Urbano II. hæc habet: *Suorum statuta Conciliorum generalis Synodi assensione roboravit.* Generalem Synodum vocat Claromontanam ex magnâ Episcoporum copiâ congregatam, non verò œcumenicam, qualem Urbanus II. nullam habuit.

Alia innumerabilia legenti passim occurrent; nihil ut sit vulgatius, quam confirmationem Pontificiorum etiam decretorum, ipsâ Episcoporum & Ecclesiarum consensione constare.

Unum addimus ex Lateranensi postremâ Synodo repetitum. Sanè Julius II. postquam adversus summos Pontifices per simoniam in Petri Sedem intrusos multa decrevit, novisque ac meritis pœnis tam sanctæ dignitatis emptores & venditores obstrinxit; ut diploma tam necessarium, omni quâ poterat auctoritate muniret, in Synodo Lateranensi confirmari voluit.

Et quidem intelligebat ac profitebatur Apostolicas literas, quæ tantam

Bull. Jul. ij.
 Cum tam di-
 vmo. Sess.
 v. Conc. La-
 ter. T. XIV.
 pag. 116. &
 seq.

pestem exscinderent , ad sui subsistentiam & validitatem aliâ probatione non indigere , quod facillè confitemur Est enim illud insitum Apostolicæ Sedi , ut sibi ipsi consulat , sibi que à simoniâ caveat , quam Canones toties condemnârunt ; sed tamen quid de Synodo dixerit audiamus : *Decens & salutare reputamus..... ut quæ per nos statuta & ordinata fuerunt , pro rei magnitudine & gravitate , per sacrum generale Concilium approbentur & innoventur , & approbata & innovata communiantur ; ut eò firmius perdurent & defendantur , quò fuerint dictâ autoritate sapiùs circumfulta.* Hinc repetito diplomate sic concludit : *Ut literæ prædictæ eò magis observentur , quò clariùs constiterit eas maturâ & salubri deliberatione dicti Concilii approbatas & innovatas.* Ac paulò post : *Ad abundantiorè cautelam , & ad tollendam omnem doli & malitiæ causam..... ut eò tenaciùs observentur & difficiùs tollantur , quò tantorum Patrum fuerint approbatione munitæ , literas prædictas approbamus , &c. sacro approbante Concilio.* Ecce in eâ Synodo , quâ nulla existimetur Sedis Apostolicæ potestati magis consulere voluisse , diploma Pontificium totâ potestatis plenitudine stabilitum , autoritate Synodi approbatum , innovatum , communitum , circumfultum ; quò firmius , quò tenaciùs maneat , quod est validissimè roboratum atque confirmatum. Ergò est in Papâ unâ cum Concilio aliquid autoritate firmius , quàm in Papâ solo. Dicant ut voluerint ; suum illud intensivè , extensivè ingeminant : certè utcumque est vicinus. Vel enim Concilium est superius Papâ ; quo concesso , vicinus : vel non est superius ; & adhuc vicinus , reportamusque id quod hîc quærebat : nempe ex approbatione , confirmatione , corroboratione etiam validissimâ , quantâque verbis exprimi potest , inferri non posse superiore potestatem , ut adversarii contendebant.

Ibid. Bull.
si summus.
p. 119.
Ib. pag.
115.

Ib. pag.
119.

Ibid.

C A P U T I I I.

Quid in confirmandis Conciliis gestum sit , Nicæna Constantinopolitana , Ephesina Synodus ; nihil in his de illâ , quam quærimus , confirmatione actum : de Ariminensi Synodo ; de epistolis Eutherii & Helladii ad Sixtum III. adversus Ephesina decreta : Christiani Lupi vanæ notæ :

JAM nè quis existimet Concilia œcumenica à Romanis Pontificibus alio sensu confirmari , aggredimur id quod secundo loco tractandum recepimus ; nempe ut exponamus quid circa Concilia à Romanis Pontificibus firmata vel rejecta factum sit.

Incipimus à Nicænâ Synodo ut omnium primâ , non tantùm tempore , verùm etiam autoritate ; in quâ quidem de Romani Pontificis confirmatione nihil actum esse constat.

Sanè adversarii post recentiores quosdam Lovanienses , in Doctrinâ Lovaniensium relatos , jactant illi quidem eas , quæ sacra Synodi ac Sancti Sylvestri nomine circumferuntur de confirmando Concilio literas. Verùm

has, non modò Sanctorum omnium altum eâ de re ubique silentium, quin etiam & stylus & temporum notâ, & alia multa, falsas esse demonstrant perspicuitate tantâ, nulla ut eâ de re inter doctos quæstio superesse possit. Quâ de re vide Labbæum, brevi ac marginali, sed eliquatissimâ & exquisitissimâ notâ. (d).

Not. margin. Labb. T. ij. Conc.

P. 48.

Sup. Lib.

VI. c. VII.

Sozom.

Lib. VI. c.

XXIII.

Theo. Lib.

ij. c. XXII.

Cœc. Rom.

sub Dam.

part. I. col.

lect. Holst.

Athan.

ep. de Syn.

Arimi. &

Seleu. n.

VI. Tom. I.

ed. Bened.

pag. 719.

Ep. Conc.

Arimi. ad

Const. ap.

Athan. lb.

n. x. pag.

723. & ap.

Socra. Lib.

II. cap.

XXXVII.

Vid. loc.

jâ. cit. Soc.

Soz. Theod.

¶ Conc.

Rom. sub

Dam. coll.

Holst. loc.

jam. cit.

* Basil. ep.

LXIX. al. LX.

ad Athan.

n. I. Tom.

III. ed. Be-

ned. p. 162.

Sanè memoravimus Ecclesiasticæ Historiæ certa monumenta, quibus constat prolatam à Patribus sententiam, nullo alio expectato decreto, statim apud omnes, cælestis instar oraculi valuisse. Sic finitæ tres maximæ quæstiones Confubstantialitatis, Paschatis, Rebaptisationis; patuitque in Concilio primo generali, eas Synodos, quibus Sedis Apostolicæ Legatio interesset, nullius specialis confirmationis indigere ut robur obtineant.

Obijciunt Ariminensem Synodum, optimis iniitiis, sædo exitu, ac propterea à Sede Apostolicâ reprobata ac rescissam. Factum id quidem, sed omninò nihil ad rem. Primum enim non fuit œcumenica, ex solo scilicet Occidente convocata; cui præterea Occidentis totiusque Ecclesiæ caput, Romanus Pontifex, alique permulti magni nominis Occidentales Episcopi, Arianorum fraude, defuerint. Deinde malum factum & ipso jure nullum, quod rem œcumenico Concilio, Nicæno scilicet, totâ consentiente Ecclesiâ definitam, iterum in quæstionem vocabant. Quò spectat illud Athanasii. *Quæ nova hæresis? Cur nova Synodus?* Quin ipsa Synodus Ariminensis, quandiu liberè & canonicè egit, id professâ est, editâque sententiâ declaravit, post Nicænam Synodum, fidei jam expositæ nihil addi, nihil demi oportere; denique his omnibus circa ultimas actiones addita vis ac fraus. Quo factum, Liberio in Synodo Romanâ teste, ut *omnes Ariminensis Concilii blasphemia ab iis ipsis qui tunc decepti per fraudem fuisse videntur, anathemate damnata sint.* ¶ Idem habet Romana Synodus sub Damaso. Cùm ergò Ariani hæreticorum more, sua quamvis inania, magnis clamoribus venditarent, facilè fuit Liberio ac deinde Damaso, postremam Synodi partem, per se nullam, nulloque ordine Canonico fultam, postulente * Basilio, omnibusque Orrhodoxis Orientalibus, consentiente Occidente, ipsis Ariminensis etiam Concilii Episcopis ultro petentibus, nullam & irritam declarare.

¶ In II. Synodo generali, Constantinopolitanâ scilicet, certum est nullum esse locum ei, de quâ quærimus, confirmationi, post Synodum gestam; cùm sanctus Damasus Papa ipse adfuerit Occidentalium Romæ habitæ Synodo, cujus consensu Constantinopolitana œcumenica facta est.

Ephefina verò Synodus III. ¶ generalis, de fide, deque Nestorio Cælestini Papæ sententiam executâ erat; ut ea decreta à novâ, post absolutam Synodum, confirmatione pendere, ne ipsi quidam adversarii dicturi sint. Accesserat expressa per Sedis Apostolicæ Legatos, actionis primæ confirmatio.

(d) *Exquisitissimâ notâ:* J Labbæi nota ad epistolam quæ sub nomine Synodi circumferebatur ea est: *stylus arguit suppositionem cum temporis notâ; & ad rescriptum Sylvestri: nec sincerius est hoc responsum, quod commentissimum & mendosissimum verè dixeris, & non sanctum ferè ut Binius.*

quam vidimus ex ipsius Synodi gestis ac verbis, nihil aliud fuisse, quàm consensionem.

Itaque Ephesini Patres rei gestæ mittunt relationem ad Cælestinum, nullâ unquam confirmationis petitiæ mentione. Ita verò respondet Cælestinus, ut à se nihil ampliùs de eo negotio desiderari significet; cum id tantum agat ut de plenâ rei executione Patribus gratuletur.

De Charisio Presbytero ac Meffalianis condemnatis (e) nulla mentio in sacræ Synodi, ac Cælestini mutuis epistolis; eorum hæreses, nullâ confirmatione speciali, pro damnatis sunt habitæ; nihilque omninò occurrit, quo Synodalibus decretis, postquam sunt condita, aliquid roboris defuisse videretur. Atque ita in tribus primis generalibus Synodis, nihil habent quod objiciant, de eâ confirmatione quam quærimus.

Christianus quidem Lupus nuper edidit epistolam *Eutherii Thyanensis & Helladii Tharsensis scriptam ad magni nominis Romæ Episcopum Sixtum* * : in quâ petunt ab eo qui à Deo productus est gubernator, retractari ac rescindi Ephesinæ Synodi acta adversus Nestorium; ac terrarum Orbem Synodo adhaerentem, & cum Synodo errantem adjuvari; quod est, inquit Lupus, authenticum instrumentum appellationis, non ad generalem, sed adversus generalem Synodum, interposita apud Sixtum III. Pontificem: quo deinde concludit, quòd Orientalis Ecclesia crediderit, Papam esse superiorem generali Synodo. Addere debuisset, generali Synodo, autore ac præside per Legatos Pontifice gestâ, quam cum toto Orbe terrarum Sedes etiam Apostolica recepisset: hujus decreta, hujus etiam fidem à Romano Pontifice retractari, etiam & rescindi posse. Sic agit vir doctus; sed ubique nimius: antiquitatis indagator strenuus, parùm exactus judex. Hæc enim quàm nimia sint & inconcessa & irridenda potiùs quàm refutanda nemo non videt.

(e) De Charisio Presbytero & Meffalianis condemnatis.] Videtur hîc asserere D. BOSSUET Charisium Synodi sententiâ fuisse damnatum. Tamen utrum damnatus fuerit meritò dubitari potest. Charisius in Synodo questus est à sacrorum ministerio se prohibitum, eò quòd oppugnasset illud Theodori Mopsuesteni fidei Symbolum, quod Nestoriani sub nomine Nicænæ Synodi circumferebant, cuique jubebant reversos ab hæresi subscribere. Sacra Synodus de Theodori nomine reticuit, Symbolum ejus damnavit. Quid autem factum fuerit de Charisio ex actis non liquet; nec videmus eum in pristinum Sacerdotii gradum restitutum fuisse; siue non potuerit probare se injustè dejectum, siue quâlibet aliâ de causâ. vid. Sess. vi. & D. de Till. vit. Cyrill. Alex. art. lxxxi. Tom. xiv. p. 442. Meffaliani pravè interpretantes illud Christi præceptum *semper orate*, opus manuum averfabantur & externa quæque pietatis opera, eò ut *semper orarent*. Verùm, ut sæpe fit, eorum præter solitum longæ orationes in delirationem citò versæ sunt, & ex eâ ortæ plurimæ hæreses partim impiæ, partim insanæ. Porro Joannes Antiochenus & cæteri Orientales, qui famam Ephesinæ Synodi labefactari cupiebant, dicere erant soliti xxi. Meffalianos Episcopos in eâ federe judices; quàm calumniam Synodus meliùs confutare non potuit, quam cum, edito decreto, Meffalianos condemnavit. Vid. Theodoret. Lib. iv. cap. xi. Till. Tom. vi. p. 527. & seq. & Tom. xiv. p. 449.

Sup. Lib.
vii. c. viii.
Conc.
Eph. act. ij.
vid. sup.
Lib. vii. c.
xiii.
Conc.
Eph. act.
vi. vii. p.
671. 801.
Christ.
Lup. Var.
Par. epist.
cap. cxvii.
* III.
Ib. not.
Chr. Lup.

CAPUT IV.

De Ephesino Latrocinio: quid Leo egerit: ut ultimam sententiam futuræ universali Synodo reservârit.

MAJORE postea verisimilitudine objiciunt Ephesinam Synodum pro œcumenicâ à Theodosio Augusto sancti Leonis consensu convocatam, quam tamen idem Leo irritam declaravit.

Sed eam Synodum, licet legitimè congregatam, ab ipsis initiis legitimæ Synodi titulo caruisse, duo præsertim demonstrant: alterum quòd Dioscorus Alexandrinus, Præses ab Imperatore, præter morem, dictus, omnia per vim egit; Episcopos quos voluit expulit, quos voluit admisit, quo nihil est ab œcumenicâ Synodo magis alienum; admissos in purâ chartâ subscribere coëgit, facta, infecta, in acta referri jussit; nulla ut jam legitimi cœtus, nedum œcumenicæ Synodi species superesset: alterum quòd

idem Dioscorus Leonis epistolam oblatam licet à Legatis Apostolicæ Sedis, legi non est passus; ac nemo ibi suscepit nomen Leonis, ut acta testantur; quo sine nomine, nulla est legitima Synodus. Quem fontem nullitatis in

Chalcedonenſi Synodo Lucentius Sedis Apostolicæ Legatus exposuit: quòd nempe Dioscorus cum personam judicandi non haberet, præsumpsit, & Synodum facere ausus est, sine autoritate Sedis Apostolicæ, quod nunquam licuit, nunquam factum est: quam nullitatis causam Patres omnes dictis sententiis comprobârunt, & ad Imperatores perscripserunt.

His causis omnes agnoscunt Ephesinam secundam Synodum, non modò iniquam, verùm etiam per se nullam & irritam fuisse; neque tantùm propter vim, sed etiam vel maximè ex defectu potestatis, quo defectu nullus est major. Itaque violentam, pioque Flaviani sanguine commaculatam Synodum omnes Catholici horruerunt: atque ipse Flavianus, statim non à Synodo, quæ jam nulla esset, sed à Dioscoro; neque ut à Synodi Præsidente, sed ut à nefarii Latrocinii duce appellavit. *Appello*, inquit *à te*, ut habetur in gestis.

Jam verò nemo negat ad Papæ officium pertinere, ut his provideat, detque operam, ne fideles Concilii œcumenici nomine in fraudem inducantur: quo quidem officio Leo continuo functus est. Verùm ita sententiam temperavit suam, ut judicium daret non peremptorium, sed provisorium. Itaque Ephesinam Synodum ratam esse non est passus: Flavianum in communione habuit, omniaque interim in suspenso esse voluit, quoad œcumenica Synodus haberetur: Synodo congregandæ ultimam sententiam reservavit.

Id Leo ubique testatur, præsertim epistolâ ad Juvenalem †: *Christus & detestandum illud Ephesina Synodi judicium, sanctâ Chalcedonenſis Concilii autoritate destruxit.* Idem reperit epistolâ ad Leonem Imperatorem; neque quidquam potuisse fieri convenientiùs docet, quàm ut

Vid. act.
Conc. Eph.
ij. in Conc.
Chalc. act.
i. Tom. iv.
pag. 115. &
seq.

Ib. p. 122.

Ibid. &
p. seq. vid.
etiam. act.
ij. ep. Cœc.
ad Val. &
Marc. Imp.
pag. 463. &
Relat. ad
Pulch. ib.
p. 464.

Ib. Conc.
Ephes. ij. in
act. i. Conc.
Chalced. p.
305.

Vid. var.
Epist. Leo.
Mag. ad
Imp. & Aug.
gustas. i. p.
Conc. Chal.
cap. xix. xx.
xxi. xxii.
xxiii. pag.
38. & seq.
& int. Leo.
ed. Quæſn.

ep. xxxix.
xl. xli. xlv.
xvli.
† Hieroso-
lymitanum,

Dioscori in Ephesinâ Synodo, *facinus*, * *sancta Synodus Chalcedonenſis aboleret*. His congruit illud beati Gelasii Papæ de Ephesino Latrocinio dictum: *Malè gestam Synodum & injustam, justa & benè gestâ Synodo submovendam*. Tale remedium, talem auctoritatem œcumenicæ Synodi ritè convocatæ nomen postulare visum.

Quid ergo hîc consequuntur superioritatis Pontificiæ defensores? Nempe ut Pontifex Synodum per se ab ipsis initiis nullam & irritam, non admittat ille quidem; ultimum tamen judicium futuræ Synodi relinquat arbitrio. Quodnam hîc ejus quam quærunt superioritatis indicium est?

ſ Leon. ep. ad Juven. cx. alias Lxxxi.
* Ejuſd. ep. ad Leon. Imp. cxxv. al. Lxxv.
ſ Gelas. ep. xiii. ad Episc. Dard. T. iv. Conc. p. 1204.

CAPUT V.

A Chalcedonenſi Synodo nullam in fidei negotiis confirmationem petitam: cujusmodi sit ea, quam Sanctus Leo ultrò dederit.

AT in Chalcedonenſi legitimo sanctoque Concilio œcumenico plus habere se putant, cum ipsa Synodus rerum à se gestarum confirmationem à Leone petat, ut in relatione Synodi ad ipsum Leonem est posurum. Tum illud vel maximum, quod Canonem XXVIII. de Constantinopolitani Præfulis auctâ dignitate, unanimi licet Patrum decreto factum, idem Leo Apostolicâ auctoritate rescidit.

Nunc quidem de fide agimus, de canonibus postea videbimus. Et quidem quod ad fidem, fideique causâ depositum Dioscorum attinet, Patres Chalcedonenſes in relatione ad Leonem, ſ nullam confirmationem petunt, satis esse rati, quod Leonis Epistolam præiuentem, ipsumque sibi, *ut membris caput præſidentem ac Spiritu præſentem*, ac penè in Legatis visum habuissent.

Itaque quoad hæc, nihil amplius desiderabatur. Ac revera Imperatores, absoluto Concilio, statim ut re exploratâ atque confectâ contentionem omnem de fide prohibent: Clerus ac plebs in eâ fide ac Dioscori condemnatione ubique acquiescit.

Et res quidem Synodi circa fidei negotium sic se habent; ut de suis decretis à Leone confirmandis, ne quidem cogitasse constet, & tamen sanctus Leo etiam non petitam confirmationem misit: quâ occasione ipse idoneus testis exponet.

Quippè cum occasione improbatî à Leone XXVIII. canonis, maligni homines in vulgus sparsissent, Chalcedonenſem Synodum ab ipso improbatam, ad Episcopos, qui in eâ congregati fuerant, hæc scribit: *Ne ergo per malignos interpretes dubitabile videatur, utrum, quæ in Synodo Chalcedonenſi per unanimitatem vestram de fide statuta sunt, approbem, hæc ad omnes fratres, & coepiscopos nostros, qui prædicto Concilio interfuerunt, scripta direxi... ut omnium fidelium corda cognoscant; me non solum per fratres, qui vicem meam executi sunt, sed etiam per approbationem gestorum Synodaliū, propriam vobiscum iniisse sententiam in solâ videlicet fidei causâ. Quod*

Relat. Syn. Chalced. ad Leon. part. iij. C. ij. p. 833. & seq.
Epist. ad Pul. LXXIX. ad Anatol. C. P. LXXX. ad Max. Antioch. xcii. al. LIII. LV. LXII.
ſ Relat. loc. jam cit.
Vid. Conc. Chalced. part. ii. c. iij. p. 840.
Epist. Leo. ad Episc. Conc. Chalced. ib. C. xvi. p. 881. 882. & int. Leo. ep. LXXXVII. al. LXI.

adversus malignos interpretes factum, fatebuntur omnes non eò spectare; ut incerta firmentur, sed ut certa, summâque & indeclinabili autoritate factâ, magis, magisque asserantur & inculcentur.

Ibid. cap. XLV. epist. Agap. ad Leo. Imp. p. 942. Cujus generis est id quod in encyclicarum epistolarum tomo, post Synodum Chalcedonensem edito, legimus: *Pene omnes Occidentalium partium Episcopi consentientes sibi met, & pariter decernente sanctissimo atque beatissimo Romanæ urbis Archiepiscopo, literis propriis & oris sui confessione, ea quæ ab ipsis Sanctis Patribus Chalcedone collectis interpretata sunt, confirmaverunt & consignaverunt.* En quid sit confirmatio; nempe consensus ipse. En ut, non modò Leo, sed etiam ceteri Occidentales Episcopi condecernentes Chalcedonensem Synodum confirmârent.

C A P U T V I.

Quintum, sextum, septimum, octavum Concilium.

EX octo primis generalibus Synodis, supersunt adhuc quatuor, de quibus uno verbo facillè decernamus.

Quintam Synodum Constantinopolitanam II. à solis Orientalibus, nullâ cum Occidentalibus communicatione, nullâ Sedis Apostolicæ Legatione transactam, non nisi consensione Occidentalis Ecclesiæ ac Sedis Apostolicæ approbatione, pro Synodo œcumenicâ valuisse constat.

Conc. C. P. iij. gener. vi. act. xviii. Tom. vi. p. 1072. Ibid. ep. ad Agath. p. 1276. Sexta Synodus de fide tantum, fideique condemnandis inimicis egit. Statim atque fidei definitionem edidit; eam, ab Episcopis & Imperatore subscriptam, ad quinque Patriarchales Ecclesias dimitti voluit, ut quæ certissimâ autoritate constaret, actione VIII. Eâdem actione Patres ad Agathonem Papam relationem mittunt, quâ se *Spiritu Sancto illustratos & Agathonis doctrinâ institutos, infesta dogmata depulisse* testantur. Tùm subdunt: & *corde nos, & linguâ, & manu convenientes, omnis erroris expertem, certamque nec fallentem definitionem, vivifici Spiritûs ope edidimus.* Quo perspicuè demonstrant, nihil expectari à se ut certam Spiritûs Sancti præsentiam, sibi ac sanctæ Synodo vindicent, cum præsertim se ab ipso Agathone, lectis ejus Apostolicis literis, doctos esse fateantur. Neque eò secius ab eodem Agathone petunt ut orthodoxam fidem, quam cum ipso prædicârint, iterum per sua rescripta confirmet. Satis ergo existimabant illustratam, roboratam, confirmatam fidem, quam ipsi tradidissent, & ad inculcationem majorem pertinere eam, quam postulabant, confirmationem novam.

Edict. Const. Imp. ib. p. 1084. & seq. Epist. Leo. II. ad Imp. Quare nec expectato Sedis Apostolicæ responso, pius Imperator Synodi decreta edictis exequitur. Interim Agathone mortuo, ad Imperatorem Leonis II. pervenit epistola, quâ decreta Synodi *Apostolicâ autoritate confirmat, eisque consensit, sicut supra solidam perram, qui Christus est ab ipso Domino adeptis firmitatem*: adeo certum est eam confirmationem ni-

hil aliud esse quam consensionem eam quam diximus, ac recognitionem authenticam jam à Domino præstitæ invictissimæ firmitatis. Const. ibid. p. 1116.

Sanè omittendum non est Macarium Antiochenum Episcopum hæreseos defensorem à Synodo depositum, ad Sedem Apostolicam missum, non, quemadmodum nescio qui cavillantur, ut ejus causam tanquam superior retractaret, sed ut errantem instrueret, pœnitenti, si fortè, indulgeret; quod adeò clarum est ex Imperatoris & Leonis literis, ut his immorari pudeat. Alia prosequamur. Ep. Imp. ad Leo. II. ib. p. 1102. 1103. & Leo. II. ad Imp. pag. 1117. 1120.

Septima Synodus Nicæna II. nullam ab Adriano, rebus gestis, specialem confirmationem petiisse, nullam accepisse legitur; neque eò infirmior visa est aut Græcis aut aliis: neque nostri, cùm eam non susceperent, confirmationem defuisse causati sunt. Adeò ista ex abundanti esse constat.

Octava Synodus, Constantinopolitana IV. Nicolai I. & Adriani II. judicium executà adversùs Photium, ut firmitatem obtineret, nulla procul dubio Sedis Apostolicæ novâ confirmatione indigebat; & tamen petiit his verbis: *Itaque Sanctitate vestrà omnium nostrùm & universalis Synodi consensum & consonantiam recipiente; prædica eam magis, ac veluti propriam, ac sollicitiùs confirma coangelicis præceptionibus vestris; ut per sapientissimum magisterium vestrum, etiam aliis universis Ecclesiis personet & suscipiatur veritatis verbum & justitiæ decretum.* Quæ verba satis demonstrant, confirmationis nomine, expectari ab Apostolicâ Sede, Conciliarium decretorum promulgationem atque executionem; quod ultrò amplectimur. Conc. C. p. IV. gener. VIII. act. x. Tom. VIII. pag. 1169.

Atque his profectò claret, quàm nihil faciat ad vindicandam Papæ superiorem potestatem ea confirmatio, quam in actis primorum Conciliorum generalium invenimus. Certè sic scribit ad Adrianum II. Synodus VIII.: *Sicut beatissimus Papa Nicolaus definivit & promulgavit, necnon & summa paternitas tua firmavit & synodice roboravit; ita & ipsi* (Legati scilicet Apostolicæ Sedis) *annunciaverunt & egerunt; ut si necesse sit superiorem esse qui confirmet & roboret, Adrianum Nicolao antecessore suo superiorem fuisse inficiari nemo possit.* ibid. p. 1168.

Esto igitur fixum id, quod probandum suscepimus; primorum Conciliorum generalium confirmationes à Romanis Pontificibus, post gesta ea Concilia editas, non ejus fuisse roboris, ut decretis de fide latis robur, quod deesset, adderent; sed ut quod inesset uberiùs declararent.



CAPUT VII.

Reliquæ Synodi usque ad Tridentinam.

EX primarum Synodorum confirmationibus, de reliquis judicare in promptu est. Post octo illas primas, quatuor omnino sunt, quibus Romanus Pontifex non ipse adfuerit: Pisana, Constantiensis, Basileensis, Tridentina. Cæteras per se ipse gessit.

Pisanam per sese valuisse ante Alexandri V. confirmationem editam, vel ex eo demonstravimus, quòd nec Alexandri confirmatio valuisset, nisi prius Pisani Concilii, cujus ex decretis Alexander electus est, valeret autoritas.

Sup. Lib.
V. c. x. xi.
xii.

Constantiensis Concilii judicium de Joanne XXIII. quod ab eo summâ religione susceptum est, erat profectò, vel eo repugnante, valiturum, ut suo loco diximus.

Ibid. c.
xii.

Ejusdem Synodi decretum adversùs Joannem Hussum & Hieronymum de Pragâ, statim atque prolatum est, plenam executionem habuisse nemo negat. Illis etiam brachio sæculari traditis & extremo supplicio addictis, nedum creato Pontifice; nedum ejus confirmatione expectatâ.

Ib. cap.
xii. vid.
Bull. Mart.
V. Inter
cunctas, p. 11.

Cætera decreta quæ adversùs Wiclefum, Hussumque facta sunt, satis demonstravimus Martinum V. non ut incerta ac nutantia confirmasse, sed ut certa & valida, autoritate Concilii totam representantis Ecclesiam, executum esse.

Sess. xlv.
Conc. Const.
T. xii. p.
168.

Quod autem idem Pontifex in fine Concilii declaravit, confirmari à se omnia circa fidem, quæ *conciliariter* gesta essent; usque adeò ex abundanti erat, ut illud non scripto decreto, ut cætera, neque à Synodo requisitus, sed dimissis Patribus, Polonica controversiæ occasione dixerit.

Ib. cap.
xxviii. vid.
Conc. Const.
Sess. xlv.
pag. 258.

Basileensis priora gesta, quæ sola tuenda suscepimus, adeo suam per sese sine expressâ confirmatione, autoritatem & executionem habuere; ut iis victus Eugenius IV. pristina sua de dissoluto Concilio decreta revocaret.

Sup. Lib.
vi. c. i. &
seq. Vid. in
Sess. xvi.
Conc. Bas.
Bull. Eug.
iv. Dudum
sacrum. T.
xii. p. 528.
& seq.
Conc.
Trid. Sess.
xxv. T. xiv.
pag. 920.
921.

Tridentina Synodus, quæ ultimo decreto suo, Romani Pontificis confirmationem peti jubet eorum, *quæ à se decreta & definita essent*, eò usque intellexit eas definitiones vel tum valuisse, ut statim post eam confirmationem petitam, acclamârit CARDINALIS à Lotharingiâ: *Sacro-sancta œcumenica Tridentina Synodus, ejus fidem confiteamur; ejus decreta semper servemus. RESP. Semper confiteamur, semper servemus: CARDINALIS. Omnes ita credimus; omnes idipsum sentimus, omnes consentientes & amplectentes subscribimus: hæc est fides Beati Petri & Apostolorum; hæc est fides orthodoxorum: RESP. Ita credimus; ita sentimus, ita subscribimus: CARDINALIS, His decretis inherentes digni reddamur misericordiis..... RESP. Fiat, fiat; amen, amen: CARDINALIS: Anathema cunctis Hæreticis: RESP. Anathema, anathema. Talia sentientes, dum confirmationem petunt, quid aliud quàm certa & valida magis magisque firmari & inculcari petunt?*

Quare confirmatio statim atque ab Alexandro Cardinale Legato ac Præ-

fide Farnesio (f) petita est, statim à Pio IV. in eodem Consistorio est data Vid. ib.
die Mercurii 26. Januarii anno 1563, ut subjuncta Tridentinæ Synodo acta p. 939.
testantur.

Et quidem in iisdem actis legimus audita vota Cardinalium, confirmata-
que omnia & singula quæcumque in Synodo acta essent, *maturâ cum illis*
deliberatione præhabita : quæ matura deliberatio, si in rem ipsam caderet, Ibid.
ac de ipsis Concilii tot ac tantis decretis esset inquisitum, profectò tanta res,
tam brevi tempore transacta non esset.

C A P U T VIII.

*De Canonibus Conciliorum generalium à Sede Apostolicâ confirmatis
vel infirmatis : Constantinopolitani Canones, præsertim III.
Chalcedonenses, ac præsertim XXVIII.*

DE fide egimus, causisque cum fide conjunctis; nunc de Canonibus
paucis rem transigemus. Et quidem Nicænos Canones, statim atque à Conc.
Nicænis Patribus per Provincias delati sunt, toto orbe terrarum obtinuisse Eph. act.
constat. De Ephesinis in actis Synodalibus disertè legimus; statim atque sunt VII. T. iij.
editi, unâ cum epistolâ Synodi eâ de re scriptâ, dimissos fuisse per Eccle- p. 804.
sias continuò exequendos, ut quæ pleno & suo pollerent robore. Itaque in
Ecclesiæ Catholicæ codicem statim inserti sunt, tenuitque Episcopis in Cy-
pro & Europâ Provinciâ concessa libertas (g), nullâ unquam confirma-
tione speciali. De VII. & VIII. Synodorum Canonibus, nihil, quod sciam, Ibid. p.
objicitur, quod ad hunc pertineat locum; constatque legi nusquam ab ullâ 783. 810.

(f) *Cardinale Legato ac Præsede Farnesio.*] Hic labitur errore levi D. BOSSUET. Non
enim Farnesius sedit unquam Legatus & Præses in Concilio Tridentino, neque etiam ille,
sed Moronus & Simoneta, qui Sedis Apostolicæ Legati Concilio præfuerant, ejus confir-
mationem à Pio IV. postulârunt; quâ concessâ, Alexander Farnesius Romanæ Ecclesiæ
Vice-Cancellarius confirmationis instrumentum sigillo Cancellariæ munitum, eis tradidit.
vid. loc. in text. citat.

(g) *Episcopis in Cypro & Europâ Provinciâ concessa libertas.*] Cyprii querebantur Antio-
chenum Patriarcham subicere insulam suam, & ordinandi jus ad se rapere attentasse, licet
semper antea Synodus Provinciâ congregata constituisset Metropolitam. Tunc Synodus dixit :
memor sit Sancta Synodus Canonis Sanctorum Patrum in Nicæâ congregatorum; qui conservat
unicuique Ecclesiæ priscam dignitatem. Deinde sic statuit : Si non est vetus mos, quòd Episcopus
Antiochenus ordinet in Cypro, sicut libellis dixerunt (Cyprii Episcopi) habebunt jus suum in-
tactum qui in Cypro Ecclesiis præsunt, secundùm Canones & veterem consuetudinem per seipsos
ordinationes Episcoporum facientes. Act. VII. p. 787. & seq. Cæterùm D. FLEURY malâ fide
egisse Cyprios Episcopos affirmat. Si, inquit, Jean d'Antioche avoit été présent, il auroit
montré que son droit étoit bien fondé, & que sa possession d'ordonner les Evêques en Chypre
n'avoit été interrompue qu'à l'occasion des Ariens, comme il paroît par une lettre du Pape Saint
Innocent, écrite environ 20 ans auparavant. Lib. XXV. n. 7. De Episcopis Europæ breviter anno-
tamus, duos ex Thraciâ Episcopos in libello suo supplici ostendisse, verendum esse ne Hera-
cleæ Episcopus, qui Nestorio se addixerat, ordinaret Episcopos in quibusdam Ecclesiis, quæ
juxta veterem & roboratam consuetudinem, plurimæ ab uno Episcopo regebantur. Respon-
dit Synodus : Sanctis Canonibus nihil innovandum in Europæ civitatibus. Ib. p. 810.

Synodo generali petitam Canonum confirmationem, præterquàm à Chalcedonenſibus XXVIII. illius, quo & Constantinopolitanus Canon III. firmabatur, & Constantinopolitanus Episcopus non modò dignitate, sed etiam jurisdictione ac ditione auctus. In his igitur tota est difficultas.

Greg. Mag. Lib. VII. in dict. xv. ep. ad Eugenium. Ac de Canonibus quidem Constantinopolitanis sic obijciunt: quòd eos, teste Gregorio, Romana Ecclesia *non habet nec accipit*: Leo verò Magnus Canonem III. caducum, sponte collapsum, & Sedi Apostolicæ ignotum, sibi quoque displicere significat.

Interim id constat in codicem Canonum cum aliis Constantinopolitanis insertum; toto statim Oriente valuisse. Quin etiam, in Chalcedonenſi Synodo, Legati Apostolicæ Sedis, Anatolium Constantinopolitanum Episcopum secundum habuerunt. Quà de re usque adeò non questi sunt, ut e contra quererentur in quintum gradum à Dioscuro Flavianum relegatum. Quo loco laudantur à Diogene Cyzicensi, quòd *regulas scirent*, quas nempe Dioscorus contempnisset. Ergò intelligebant omnes Episcopi, ipsique adeò Legati Leonis deberi Episcopo Constantinopolitano primum post se locum: non alio Canone, quàm Constantinopolitano illo, quem Romana Ecclesia ignorare ac minimè probare voluisse videbatur; visumque est satis, quòd non dum aperte improbasset.

Conc. Chalced. act. I. T. IV. p. 115. De canonibus Chalcedonenſibus gravior difficultas, ac præsertim de XXVIII. Is actione XV. Legatis absentibus conditus, act. XVI. iisdem querentibus relegitur: Legati contradicunt; Leonis mandata proferunt, Nicænos Canones legunt; quibus hæc nova adversentur; Constantinopolitanos rejiciunt, coactos Episcopos conqueruntur.

Hic Episcopi clamaverunt: *Nemo coactus est*; dictisque sententiis canon confirmatur. Hic Legati postulant, ut *sua contradictio gestis inhæreat*; contestanturque se ad Papam relatu-ros.

Ib. p. 809. De hoc ergò uno Canone, qui controversus esset, Patres ad Leonem referunt, submisso animo petunt *ut probare dignetur*; & quemadmodum Patres *in bonis capiti consonarent*, ita Pontificalis apex, id quod decens erat *filiis indulgeret*; placitum id Principibus; & Legatos quidem contradixisse, sed ut res ipsi Papæ reservata videretur.

Ib. p. 817. Hæc rerum summâ pater nihil Patres ambigere, præterquàm de iis quæ nova, quæ contra Nicænos Canones, quæ repugnantibus Legatis decrevis-
Leon. ad Pulch. ib. sentissent: cætera vi suâ atque integro robore firma reputasse.

Quid hinc Leo sanxerit nemo ignorat; nempe sic: *Consensiones Episcoporum, sanctorum Canonum apud Nicæam conditorum, regulis repugnantes irritum mittimus, & per auctoritatem Beati Petri generali prorsus definitione cassamus*. Alibi decernebat Canones Nicænos nullâ in parte esse solubiles; *infirmum atque irritum quidquid à predictorum Patrum Canonibus discrepavit*; denique Anatolium, si Canonem urgeat, *universalis Ecclesia pace privandum*.

Hæc de Canone XXVIII. Sanctus Pontifex, cujus auctoritate victus ipse Anatolius (si Lucæ Holstenio colligenti & edenti credimus, ut profectò, mea quidem sententiâ, credi par est) datâ epistolâ Leonî præcipienti, ut à

Leon. epist. ad Synod. Chalced. ibid. c. XVI. pag. 821. int. Leo. Epist. LXXXVII. al. LXI.

Collect. Holst. part. I. c. XXII.

Canone tuendo abstineret, respondit; *se illa obediendo complere, quæ ejus perfectissimis sensibus placita videbantur. Nam penitus, inquit, absit, ut eis ego, quæcumque mihi fuissent mandata per literas, adversarer.* Acquievit Imperator, eodem teste Anatolio in eadem epistolâ, atque ex numero Canonum Chalcedonensium, Canon ille XXVIII. expunctus est.

Hic ergo objiciunt Romanum Pontificem Conciliis œcumenicis longè superiorem, quorum Canones absque ejus approbatione non valeant; imò ab eo ex *Beati Petri autoritate cassentur*, ipsis Orientalibus, ipsis Constantinopolitanis Episcopis, ipsis Imperatoribus consentientibus.

At hæc qui objiciunt, primò, ne statum quidem quæstionis intelligunt. Defendimus enim Constantiense Concilium, quo nempe Concilii potior autoritas agnoscat, in fide, in schismate, in reformatione generali promovendâ. At Orientales Episcopi isto Canone, Episcopo Constantinopolitano consulebant, Imperatori gratificabantur, non fidei, non schismati, non reformationi generali providebant; imò verò rectum ordinem ac primarum sedium honorem ab antiquo institutum evertabant, qui rei universæ Ecclesiasticæ conducere videretur. Non ergo adversus effrænam aut extraordinariam potestatem, Canones ac jura, libertatemque Ecclesiasticam tuebantur, quod Patres Constantienses volebant; sed Papæ, Canones rectumque ac probum & canonicum ordinem defendenti repugnabant; ac proinde ad nostram quæstionem non pertinet quidquid hîc actum ab illis fuit.

I. Orientales Patres, hoc Canone constituto, id sibi tribuebant ut Patrum limites, & Canones Nicænos ab universali Ecclesiâ conditos & receptos, inconsultò, imò verò repugnante toto Occidente convellerent: quod non illis licebat.

III. In eo Canone statuendo nequaquam Concilii generalis autoritate gaudebant, à quorum decretis in eâ actione cum Sede Apostolicâ universus Occidens recedebat.

Hinc etiam factum est ut Chalcedonenses Patres à Leonis arbitrio id pendere vellent, quod relationis quidem verba demonstrant, ut vidimus: sed apertè convincit illud Anatolii in epistolâ ad Leonem: *Cum & sic gestorum vis omnis & confirmatio auctoritati vestre Beatitudinis fuerit reservata.* Unde nec mirum, de iis Leonem statuisse, quæ in ipsius potestate, ipsa Synodus reliquisset.

Cæterum Bellarminus Canones Chalcedonenses omnes à Leone rejectos esse putat, propter quosdam Leonis, aliorumque Pontificum locos: quem vir illustrissimus Petrus de Marca egregiè confutavit. Nunc neminem esse jam puto, qui neget Chalcedonenses Canones XXVII. antiquissimis Canonum insertos collectionibus, statim in auctoritatem admissos; quos si quis obstinatè contenderit à Leone improbatos; nempe Parisienses nostri non alio firmiore argumento probaverint Conciliorum generalium supremam potestatem, quàm quòd tot Canones, etiam improbane Romano Pontifice valuisse, ipsi adversarii fateantur,

Epist. A-
nat. C. P.
ad Leo.
Mag. in
coll. Holst.
ibid.

Bell. de
R. P. Lib. ij.
c. xxij.

Marc. de
Conc. Sa-
cer. & Imp.
Lib. iij. c.
ij. n. 5.

CAPUT IX.

Recapitulatio eorum, quæ de confirmatione ex Conciliorum actis dicta sunt: hinc confutantur allati à quibusdam recentioribus Pontificiæ confirmationis effectus: Ecclesiæ consensus, quatenus ultima Synodi benè gestæ testificatio: Sancti Gelassi locus.

EX his faciliè confutantur ea, quæ recentiores quidam Theologi, de Pontificiâ confirmatione dixerunt.

Et primùm quidem pauci sunt, qui ad hæc extrema decurrant, vim omnem Ecclesiæ ac Synodorum in solo Pontifice esse positam; decreta quæ non ipse firmaverit, præfidentibus licet; imò consentientibus ejus Legatis edita, incerta pendere, quoad approbaverit; neque aliam Synodis generalibus constare infallibilitatem, quàm ab ipso promptam.

Sup. hoc
Lib. c. iij.
& seq.
Relat.
Conc. vi.
ad Agath.
T. vi. pag.
1076. vid.
sup. c. vi.
Definit.

Hæc igitur confutantur; universim quidem ex actis Conciliaribus, quibus vidimus decreta Conciliaria, statim atque sunt edita, cælestis oraculi vice habita, executionique mandata: speciatim verò ex his locis, quibus ipsa Concilia, ante omnem confirmationem asserunt, *se omnis erroris expertem, certamque nec fallentem definitionem, vivifici spiritûs ope, edidisse*; Quod Synodus VI. ad Agathonem Papam scribit.

Conc. vii.
act. vii. T.
vii. p. 551.
vid. sup.
lib. vii. c.
xxx. diff.
præv. n.
lxiii.

Eodem pertinet illud, quod est à Nicænâ II. Synodo pronunciatum; vim quâ fidei definitionem certam edidissent, in eo esse positam, quòd Divino numine congregati, eâ repromissione gauderent, quâ CHRISTUS cunâ Apostolis usque ad finem sæculi futurum se esse promittit.

Sup. ib.
c. xiv. vid.
Conc. Eph.
act. ij. T.
iij. p. 614.

Neque minùs illustre est illud Cælestini ad Ephesinam Synodum: *Spiritûs Sancti testatur præsentiam congregatio Sacerdotum*. Quo loco Sanctus Pontifex in Ephesinâ Synodo, Synodum illam Apostolicam Hierosolymis congregatam aspiciendam esse testatur.

Ep. Leon.
ij. ad Imp.
T. vi. Conc.
p. 1116.

Huc accedit Leonis II. Synodi VI. defensionem confirmantis verba, quibus declarat iis se consentire, *sicut supra solidam petram, qui CHRISTUS est, ab ipso Domino adeptis firmitatem*: ut confirmatio Synodi universalis, nihil sit aliud quàm testificatio jam à Domino traditæ firmitatis.

* E Socie-
tate Jesu.
Bag. A-
pol. fid. de
loc. Theol.
disp. v. c.
iv. sect. i.

His igitur victi, qui sunt paulò cordatiores, ab his insulis & nimis abhorreere solent; sed multùm destitunt in vero explicando confirmationis effectu. Ac Joannes quidem Bagotius * sic exponit, *confirmationem Pontificis omnibus Fidelibus solummodo fidem facere, Synodum æcumenicam & legitimam fuisse; & cum leges servaverit, in Spiritu Sancto definiisse quod defini-verit: qua ultima certificatio credendi necessitatem imponat Fidelibus, cum antea nemo propriè teneatur Synodi definitiones accipere.*

Postremum hoc æquè concidit actis Conciliaribus, quibus demonstravimus Conciliorum generalium definitiones statim atque prolatae sunt, nullo alio decreto edito valuisse.

Illud haud absurdum, confirmatione declarari Synodum, & legitimè fuisse convocatam, & legitimo ordine processisse, neque quidquam intervenisse quo

nulla sit; qualia multa in Ariminensi, atque Ephesinâ II. Synodis evenisse legimus: quæ causa fuisse videtur, cur Leo Synodi Chalcedonensis definitionem, ipso etiam autore, ac per Legatos præsidente factam, speciali epistolâ confirmandam duxerit, *propter malignos interpretes*, ut vidimus.

Sanctus Gelasius approbationi Leonis universalis Ecclesiæ consensionem adjungit; eoque internosci docet, *malè gestam Synodum à benè gestâ Synodo*; quod *malè gestam Synodum*, putâ Ephesinam II. *tota meritò Ecclesia non recepit* & *præcipuè Sedes Apostolica non probavit*: at *benè gestam Synodum cuncta recepit Ecclesia*, ac *maximè Sedes Apostolica comprobavit*: ut profectò inter cæteras Ecclesias, eminere oporteat Ecclesiæ principalis assensum; at illud interim requiratur, ut Ecclesiæ totius consensus accedat.

Hæc ergo est ultima adversus *malignos interpretes* Synodi benè gestæ testificatio: Sedis Apostolicæ conjunctus cum totius Ecclesiæ approbatione consensus, quam confirmationem dicimus.

Ea verò universalis ac plena consensio, non tantum adversus *malignos interpretes*, sed etiam inrerdum bonis quoque ac probis viris est necessaria.

Et si enim boni viri non dubitant, quin œcumenica Synodus sit infallibilis, quandoque haud immeritò ac bonâ fide dubitatur, utrum aliqua Synodus sit verè œcumenica. Quale dubium contigisse vidimus Hispanicæ & Gallicæ Ecclesiæ, circa Synodum VI. & VII. ad quas vocati non essent. Quare haud immeritò affirmamus ultimum, quo Synodi œcumenicæ asserantur, esse Ecclesiæ universalis consensum cum Apostolicæ Sedis confirmatione conjunctum.

Sup. hoc.
Lib. c. v.
Gelas. ep.
xiii. ad Episc.
Dard.
Tom. iv.
Conc. pag.
1100. &
pass.

Sup. Lib.
viii. cap.
xxix. xxxi.

C A P U T X.

Andreae Duvallii de confirmatione sententia confutatur; nempè quòd anteam, Conciliorum anathemata valeant, tantum sub spe ratihabitionis futuræ: Concilii VIII. locus egregius.

ANDREAS Duvallius Concilia quidem generalia, quibus Pontifex per Legatos præest, eâ infallibilitate gaudere contendit, quam ipsa Spiritûs Sancti præsentia tribuat. Horum ergo decretis, quod ad fidem attinet, teneri Pontificem; neque posse negare confirmationem, si legitimo ordine processerint: vim porro confirmationis in eo collocat, ut anathemata prolata à Conciliis, absque Pontificiâ confirmatione non valeant. Nempè Concilia illustant, non feriunt; tanquam Ecclesiæ Doctores non habeant simul concessam divinitus & cathedram docendi, & castigandi virgam.

Hæc Duvallii sententia omnium, quasumque viderim, longè absurdissima videtur esse. Primum enim procul dubio valet statim vel ab uno Episcopo prolatum anathema; ac licet solvi possit legitimo ordine, ac superioris judicio; non tamen superioris confirmationem expectat ut ratum habeatur: non valebit verò ab œcumenicis Synodis prolata sententia, omnem Ecclesiæ complexa potestatem? Videtis ad quam vana & absurda co-

Duval
Tract. de
supr. Rom.
Pont. potest
Part. iv.
quæst. vi.
p. 525. &
seq. edir.
1614. id.
dissert. præ
n. xxii.

gantur, qui ab avitâ traditione degeneres, Ecclesiasticâ potestatis formam, cæcis ratiociniis ad arbitrium fingunt. Deinde etiam si id placeat, quod est falsissimum, quæ jurisdictionis sint, ad Papam omnia redigenda esse: an non ille intelligitur mandare Legatis, ut exponendâ doctrinæ ita exercendæ Ecclesiasticæ ultionis officium; cum sexcenta Concilia Provincialia, sive Regionaria habeamus, in quibus Legati Apostolici unâ cum Synodis anathemata pronuncient & exequantur? Quam auctoritatem Conciliis œcumenicis denegari, longè absurdissimum est. 3°. Libenter quærerem, ludantne nos Synodi, cum absolutè ac decretotiè pronunciant: *Si* Duv. ib. *quis non ita senserit, anathema sit?* Ac nimis profectò ineptiunt qui hæc anathemata intentari respondent à Synodis sub ratihabitione & confirmatione futurâ ipsius Pontificis. At saltem audiant has formulas ab omnibus Synodis frequentatas, quæ effectum ipsum denotant: *Ab Ecclesiâ projecimus, privavimus, nudavimus omni dignitate.* Ac rursus alio modo; *Nudatus est, privatus est, projectus est:* tanquàm perfectâ re, quam ipsi pendere volunt. Postremò si adhuc hæsitant, esto illud ab VIII. Synodo decretum petemptorium, haud minùs adversùs eorum sententiam, quàm adversùs Photium: Conc. C. *Nos cum inobedientem & resistentem sanctæ huic & universali Synodo repulimus, & anathematizavimus atque à totâ Catholica & Apostolica Ecclesiâ fecimus alienum,* PER DATAM NOBIS POTESTATEM IN SPIRITU SANCTO A PRIMO ET MAGNO PONTIFICE NOSTRO LIBERATORE AC SALVATORE CUNCTORUM. P. IV. GENER. VIII P. 1166. Quid enim expectant qui sic pronunciant? Sed nos in tam claris plus æquò immoramur.

Atque hæc de objectione, quæ à Synodorum confirmatione petitur, dicenda habebamus. Sanè & Imperatores Synodos confirmârunt, diversissimâ ratione, ut vim legis ac civilis executionis obtinerent. Confirmatio autem Ecclesiastica, quid sit, plenissimè explicatum esse credimus; nempe sic: vel ut insit ex communi consensione firmitas, vel ut innata jam, ac certa, magis magisque inculcetur.

C A P U T X I:

Ex antedictis resolvitur illud, duodecim sæculis inauditum; quòd Episcopi jurisdictionem omnem à Papâ mutuèntur; quòdque Papæ assistant, ut consiliarii tantum, non ut iudices.

JAM illud superest explicandum quod obijciunt: Episcopos à Romano Pontifice potestatem suam ac jurisdictionem mutuari; adeoque conjunctos quamlibet in Synodum œcumenicam, nihil posse adversùs auctoritatis suæ radicem ac fontem; sed tantum adesse ut consiliarios; ac decreti robur, tam in rebus fidei, quàm in aliis, in Romani Pontificis potestate esse positum.

Quod commentum, sponte vel ex eo concidit, quòd priscis sæculis inauditum, XIII. sæculo invehì cœpit in Theologiam; postquàm scilicet Philosophicis ratiocinationibus, iisque pessimis, agere, quàm Patres consulere plerumque maluerunt.

Huic

Huic verò novitati repugnat imprimis id, quod est ex actis Apostolorum ^{Sup. Lib. VII. c. VI. & XIV.} relatum de illâ Synodo Apostolicâ, quam cæteris velut iterari & representari Conciliis, Sancti Cælestini ad Synodum Ephesinam epistola & Concilii V. œcumenici interlocutio demonstravit: quâ in Synodo, si quis Apostolos non veros iudices à CHRISTO constitutos, sed Petri consiliarios dixerit, nimis ineptus est.

Repugnant item ea quibus constitit Romanorum Pontificum decreta atque judicia; etiam de fide, œcumenici Concilii convocatione suspensa, autoritate retractata, nec nisi examine factò, ac dato iudicio comprobata & confirmata fuisse: quæ profectò probant, eos non Papæ consiliarios, sed Papalium decretorum sedere Iudices. ^{Ib. cap. IX. & seq.}

Et eos quidem legitimè convocari oportet, ne tumultu coeant: ceterùm convocati *autoritate Spiritûs Sancti*, non Papæ, judicant; pronuntiant anathemata, non Papæ autoritate, sed CHRISTI; totiesque in actis id inculcatum vidimus, ut repetere jam pigeat.

Huc accedat illud Concilii I. Arelatensis ad Sanctum Sylvestrum: *Te pariter nobiscum judicante, cætus noster majore latitiâ exultasset; atque in ipso Concilii capite ad eundem Sylvestrum: Quid decreverimus communi consilio, Charitati tuæ significamus.* Hæc igitur sacerdotii sui autoritate freti, de summis rebus, de observatione scilicet Paschæ Dominicæ, ut uno die per omnem Orbem observetur; de Baptismo non iterando; deque Ecclesiarum disciplinâ judicant. Cujus generis exempla ubique occurrunt. Quin etiam à Synodis, etiam particularibus, quibus Papa præsedet, ejus etiam præsentis decreta examinari & firmari consensione; Patres pariter judicare, decernere, definire constitit; ac millies in actis adscriptum vidimus. ^{Conc. Arelat. I. an. 314. epist. ad Sylv. T. I. Conc. p. 1425. 1427. Vid. can. Conc. I. Arelat. ib. Vid. sup. lib. VII. passim & etiam hoc Libro,}

CAPUT XII.

Quo sensu dictum sit ab antiquis, à Petro & per Petrum esse Episcopatum: S. Augustini locus.

CÆTERUM in re tam clarâ unum illud ex antiquitate depromptum obijciunt, à Sancto Innocentio dictum, Petrum *Episcopalis nominis & honoris autorem*; & iterùm: *Unde ipse Episcopatus & omnis autoritas nominis ejus emerfit;* & à Sancto Leone: ** Si quid, cum eo (Petro scilicet) commune cæteris voluit esse Principibus, (scilicet Apostolis) nunquam nisi per Petrum dedit, quidquid cæteris non negavit;* atque alibi item, CHRISTUM ita concessisse cæteris Apostolis prædicandi ministerium, ut in eos à Petro, ** tanquam à quodam capite, dona sua velit in corpus omne diffundere.* Unde etiam manavit illud Optati Milevitani: ** Bono unitatis Beatus Petrus præferri Apostolis omnibus meruit, & claves Regni Cælorum communicandas cæteris solus accepit;* & illud Gregorii Nysseni: *Per Petrum Episcopis dedit claves Cælestium*

^{Refer. Inn. ad Conc. Milev. T. I. Conc. p. 1287. int. Aug. epist. CLXXXII. al. xcii. n. 2. Tom. ij. p. 639. Ejusd. Rescrip. ad Conc. Carthag. ib. p. 1284. int. August. ep. CLXXXI. al. xci. n. 1. p. 635. * Leo. Mag. serm. iij. in ann. Assum. ejusd. c. ij. * Id. epist. x. lxxx. adal. Episc. Prov. Vien. c. I. * Opt. Mil. de schism. Donat. adv. Parm. Lib. VII. edit. Dup. pag. 104. Greg. Niss. in eos qui castigari egre ferunt. Tom. iij. p. 314. edit. Paris.}

Cæf. Arc. *honorum*, & illud denique Sancti Cæsarii Arelatenfis ad Symmachum Papam :
lat. Exemp. *Sicut à personâ Beati Petri Apostoli, Episcopatus sumit initium, ita necesse*
Libel. ad *est ut disciplinis competentibus Sanctitas Vestra singulis Ecclesiis quid observare*
Sym. Tom. *debeant evidenter ostendat.*
iv. Conc. pag. 1294.

Hæc & alia ejusmodi ad extremum si urgeant, nempe afferent à Petro non à Christo, aut à Christo per Petrum, non autem immediatè & proximè Apostolos constitutos: tanquam alius quàm Christus Apostolos vocaverit, miserit, atque infuso spiritu cælesti potestate donaverit; ac Petrus non Christus dixerit: *Ite: docete: prædicate: baptisate: accipite, &c. sicut misit me pater, & ego mitto vos.*

Matt. xvij.

19. 20.

Marc. xvi.

14.

Joan. xx.

21. 22.

Bell. de

R. P. Lib.

iv. c. xxiii.

Neque me fugit Joannem de Turre-cremata, aliosque paucos, dum à se non putant sancti Leonis & aliorum jam allata dicta satis defendi posse, nisi Apostoli quoque à Petro suam jurisdictionem acceperint; in hoc etiam deliramentum abreptos contrà manifestissimam Evangelii veritatem: quod quidem commentum ipse Bellarminus confutavit.

Id ergò cum sit omnium absurdissimum; constabit adductis Patrum sententiis hæc tantùm doceri.

Primò, auctoritatem Episcopalem ac jurisdictionem clavibus ac ligandi solvendi que potestate contineri; quod per se est perspicuum.

Secundò, Petrum fuisse primum, in quo ea potestas ostenderetur & constitueretur, patet ex Evangelicâ historicâ. Etsi enim Christus omnibus Apostolis dixit: *Accipite Spiritum Sanctum*, Joan. XX. 22. & *quacumque alligaveritis*; & *quacumque solveritis*, Matt. XVIII. 18. tamen præcesserat illud Petro dictum: *Tibi dabo claves*, & *quodcumque ligaveris, & quodcumque solveris*, Matt. XVI. 19.

Ib. xvi.

19.

Tertiò, utrumque, id est, & quod est Petro, & quod est Apostolis dictum, æquè à Christo manare. Qui enim dixit Petro: *Tibi dabo*; & *quacumque ligaveris*, idem Apostolis dixit: *accipite*, & *quacumque alligaveritis*.

Quartò, verum igitur esse quod ait Opratus de Petro: *Bono unitatis claves Regni cælorum, communicandas cæteris solus accepit.* Reverà enim quæ Petro datæ sunt, Matt. XVI. communicandæ erant postea Apostolis, Matt. XVIII. & Joan. XX. communicandæ autem, non à Petro, sed à Christo, ut patet.

Quintò, verum etiam id esse quod ait Cæsarius: *A Petro Episcopatus sumit initium*: cum Petrus primus fuerit in quo per ligandi ac solvendi ministerium ostensa, inchoata, commendata fuerit Episcopalis potestas.

Sextò, hinc etiam verum quod ait Innocentius: *A Petro Episcopatum & omnem auctoritatem ejus nominis emerxisse*, quòd ille primus omnium sit Episcopus constitutus, sive designatus.

Septimò, eâ causâ vocari Petrum ab eodem Innocentio *Episcopatus auctorem*; non quòd ejus institutor fuerit; non quòd ab eo Apostoli ligandi ac solvendi potestatem acceperint: re clamant enim ubique Scripturæ; sed quòd ab eo factum sit ejus potestatis inter homines collocandæ, & constituendi sive designandi Episcopatus initium.

Octavò, Apostolos per Orbem terrarum non Petri auctoritate, sed CHRISTI, constituisse, ordinasse, consecrassè Episcopos ac Presbyteros qui Eccle-

sias gubernarent ; atque hunc esse communicati Episcopatus unâ cum ordinariâ jurisdictione fontem.

Nonò, hæc ut clariùs elucescant , ac facilè intelligatur quid sit illud , per *Petrum* , quod apud Leonem legimus , recolenda est antiqua Ecclesiæ ab ipsis Scripturis ducta traditio.

Matt. xvi.
13. 16. 19.

Constat ergò Domino interrogante Apostolos ; *Quem dicunt homines esse filium hominis* : *Petrum* omnium Principem , omnium indutâ personâ respondisse : *Tu es Christus* : ac postea Christum Petro talem gerenti personam dixisse : *Tibi dabo* , &c. *Quodcumque ligaveris* , &c. Quo patet , his verbis , non modò *Petrum* ; sed in *Petro* suo Principe ac pro omnibus respondente , omnes Apostolos eorumque successores , Episcopali potestate ac jurisdictione esse donatos.

Aug. tract.
LXV. in
Joan. n. 4.
part. ij. T.
iii. p. 80.
801.

Quæ omnia complexus Augustinus hæc scribit : *Cùm omnes essent interrogati , solus Petrus respondit : TU ES CHRISTUS : & ei dicitur ; TIBI DABO* , &c. *tanquam ligandi ac solvendi solus acceperit potestatem : cùm & illud unus pro omnibus dixerit , & hoc cum omnibus , tanquam personam gerens unitatis , acceperit*. Quo nihil est clarius.

C A P U T X I I I.

Patres ante Augustinum : alii Augustini loci : traditio sequentis ætatis.

AUGUSTINO præluxit Cyprianus passim. Brevis ac præclara ad lapsos Epistolâ sic incipit : *Dominus noster , cujus præcepta metuere & observare debemus , Episcopi honorem & Ecclesiæ suæ rationem disponens , in Evangelio loquitur , & dicit Petro : EGO TIBI DICO , &c. & , TIBI DABO CLAVES , &c. & , QUÆ LIGAVERIS , &c. inde per temporum & successionum vices Episcoporum ordinatio & Ecclesiæ ratio decurrit , ut Ecclesiæ super Episcopos constitutur , & omnis actus Ecclesiæ per eosdem præpositos gubernetur*.

Cypr. Ep.
xxxij. ed.
Pear. xxvij.
Pamel.

In uno igitur Petro omnes Episcopos institutos Cyprianus agnoscit ; neque immeritò Episcopatus , eodem Cypriano passim attestante , unus de unit. Eccl. toto Orbe terrarum , in uno est institutus : idque factum est ad stabilendam unitatis originem ab uno incipientem , ut idem Cyprianus docet.

Id. Tract.
de unit. Eccl.
& alib.

Consentit Optatus , qui *claves communicandas cæteris Apostolis , utique à Christo , ut rerum series demonstravit , soli Petro primùm agnoscit traditas , ut unitatis negotium formaretur*.

Opt. lib.
vii. p. 104.
Vid. c.

Sed omnium maximè communem traditionem exponit & inculcat Augustinus. Neque enim semel id dixisse contentus loco suprâ memorato , in hujus doctrinæ exponendâ ratione totus est. Hinc illud : *In Petro esse Ecclesiæ sacramentum* ; ergò ea , de quibus agimus , Christi verba dicta esse Petro Ecclesiæ formam gerenti : *quædam dici de Petro quæ non habent illustrem intellectum , nisi cùm referuntur ad Ecclesiæ , cujus ille agnoscitur gessasse personam , propter Primatum , quem in discipulis habuit*.

præced.
Aug. ep.
liij. alias
clxv. n. 2.
p. 120.
Id. Tract.
in Psal.
cviii. n.
1. T. iv.
11. part.
pag. 1215.

Hinc autem sequi docet omnes Apostolos & Episcopos à Christo potestatem habere.

Id de A- statem in Petto accepisse : *Petro enim figuram Ecclesia sustinenti datas claves,*
 gon. Christ. *atque hinc Ecclesia datas. Petrum , Paulum , Joannem , ceteros Apostolos cla-*
 c. xxx. n. *ves accepisse , easque adhuc in Ecclesia esse , sed omnes in Petro accepisse ,*
 31. T. vi. *ut Ecclesia figurā : quod inculcat his verbis : Beatus Petrus primus Aposto-*
 p. 260. *lorum ; in illo uno omnes claves acceperunt.*

Id. serm. Id verò factum commendandæ unitatis gratiā post Cyprianum & Opta-
 cxlix. de rum docet : *Quando enim Christus ad unum (Petrum scilicet) loquitur , uni-*
 verb. Apost. *tas commendatur : unde passim in libris contra Donatistas ait , claves uni-*
 al. xxvi. de *versis cap. tati datas.*

vi. n. 7. Summa ergò hæc est. Cùm Apostoli & Pastores Ecclesiarum & unum
 T. v. p. 706. sint , & multi ; unum Ecclesiasticā communione , qui unum pascant gre-
 Id serm. gem ; multi per orbem terrarum distributi , ac suam quique unici gregis
 ccxv. al. fortiti pattem , ideò potestatem ipsis duplici Christi concessione datam ;
 cxviii. de primū ut unum sunt , idque factum in Petro Principe , unitatis figuram
 divers. cap. ij. n. 2. ib. ac personam gerente , quò pertineat illa vox singulari protolata numero ;
 1194. 1195. Vid. pass. *Tibi dabo , & , Quodcumque ligaveris , &c.* Secundò , ut multi sunt , plurali
 cont. Do- numero , quò pertineat illud ; *Accipite , & , Quodcumque ligaveritis ;* utrum-
 naust. T. ix. que autem proxime & immediate à Christo ; cùm ille qui dixit : *Tibi dabo*
 ut uni ; dixerit idem : *accipite* , ut multis : præcessisse tamen eam vocem ,
 quā datur potestas omnibus , ut sunt unum ; quia Christus unitatem in Ec-
 clesia suā maximè commendatam esse voluerit.

Hinc omnia elucescunt. Neque tantū Episcopi , sed etiam Apostoli à
 Christo claves potestatemque acceperunt in Petro , ac suo modo per Petrum ,
 qui eam pro omnibus , ut omnium figuram ac personam gerens , communi
 nomine acceperit.

Manavit traditio ad posteros. Hanc universam paucis complexus est
 * Corbe- Christianus Drutmarus * noni sæculi scriptor nobilis , expositione in Matt.
 jeanis Mo- ad hunc quippè locum ; *QUODCUMQUE LIGAVERIS , &c. hoc tam Petro quam*
 nachus. *Christ. omnibus Apostolis & successoribus eorum , qui in Ecclesia eundem locum te-*

Drut. exp- *nent , recte credimus concessum.* Id postquam Evangelicis dictis comproba-
 in Matt. c. vit , infert : *Quod autem quasi soli Petro , hæc legatio dici videtur , ideò*
 xxxv. T. xv. *fit , quia ipse locutus est pro omnibus , & in ipso omnibus responsum est.*
 Bibl. Patr. p. 136.

Hanc traditionem secuti , labente eodem sæculo , anno videlicet 875.
 Conc. Patres Cabillonenses , privilegium Monasterii Tornutiensis , sic statuunt :
 Cabill. T. *Autoritate , quam à Christo Jesu Domino nostro summo sacerdote , in Petro ac-*
 ix. p. 275. *cepimus , &c. Quod totidem verbis repetitum legimus anno 878. in ejus-*
 vid. suppl. dem privilegii confirmatione , subscribentibus Hincmato Rhemenfi &
 Conc. Gall. D. de la aliis.

land. pag. Idem legimus in Catoli Magni capitulatibus ab Ansegiso collectis : *Pra-*
 294. *cepimus , ne fortè , quod absit , aliquis contra Episcopos leviter , hoc est , ir-*

Id. reverenter ; aut graviter , hoc est , contumeliosè , agat : *quod ad periculum*
 pag. 277. *totius Imperii nostri pertinet ; & ut omnes cognoscant nomen , potestatem , vi-*
 vid. Conc. *gorem & dignitatem Sacerdotalem ; quòd ex verbis Domini facile intelligi*
 Rhein. an. 900. ib. p. *potest , quibus beato Petro , cujus vicem Episcopi gerunt , ait : QUODCUMQUE*
 481. *LIGAVERIS , &c. vicem Petri dicuntur Episcopi gerere , quòd accepta in*

Capitul. Car. Mag. Petto potestate , vice ac loco Petri habeantur : quemadmodum & ipsi Ro-

mani Pontifices, vice ac loco Petri se gerunt, ac Petri vicarios se passim appellant; majore potestate quàm alii, sed profectò non magis à Christo deductà.

Unde Episcopi qui se vice Petri esse dicunt, iidem se Christi vicarios passim nominant; non pari amplitudine, quàm Romani Pontifices; sed autoritate pariter à Christo derivatà.

Hinc excommunicant, *virtute Spiritus Sancti & ex autoritate beati Petri Apostoli*; quippè qui intelligant, ad se quoque dicta, quæ Petro dicta sunt.

Piger commemorare ejusmodi innumerabilia, quæ passim legentibus occurrent: ex quibus profectò constet Episcopos omnes, in Petro omnium personam gerente, accepisse à Christo quam habent potestatem.

Neque propterea dixeris, nihil præ cæteris accepisse Petrum, qui tantum cæteros figuraret: meminisse enim oportet, quid Augustinus dixerit: *Petrum Ecclesiæ gestasse personam, propter Primatum quem in discipulis habuit.* Et alibi: *Petrus Ecclesiæ figuram portans, Apostolatus principatum tenens, &c.* quod assidue inculcat, & cæteri Patres uno ore prædicant. Hoc enim habuit præ cæteris, ut, cum esset omnium Princeps, illud potestatis à Christo proximè & immediatè manantis commune depositum, principali jure & ipse acciperet, & ad successores transmitteret, ut cæteros Episcopos meminisse oporteat, se primum in Petro ut unitatis capite designatos, formatos, constitutos, in Petri successore colendo & observando, unitatem & pacem servare debere.

Lib. v. cap. clxiii.

Præf.

Côc. Meld.

Tom. vii.

Conc. pag.

1816. &

seq.

Conc.

Vienn. can.

i. T. ix. p.

433.

Aug. E-

narr. in Pl.

cviii. n. i.

T. iv. pag.

1215.

Id. Serm.

lxxvi. al.

xiii. de

verb. Do-

mini. c. ij.

n. i. T. v.

p. 416.

ADMONITIO EDITORIS.

IN eo loco codicis quem diligentiori curâ recognovit D. BOSSUET, hæc ad marginem ipsius scripta manu, legimus: *Capit. XIV. Ecclesiæ Hispaniensis traditio in Conciliis Toletanis & in Concilio Tridentino*; & in schedâ hic insertâ: *Notanda est traditio Ecclesiæ Hispaniensis ante Caput XIV.* Quapropter deletò numero Capituli sequentis, pro XIV, posuerat XV. Cum autem solitus fuerit D. BOSSUET in schedis ea scribere quæ suo operi addebat, & ea sola nobis supersint hujus Capituli indicia; an ab autore illud Caput confectum fuerit, an schedæ amissæ fuerint, prorsus ignoramus. Nos quidem primum deliberabamus de explendo illo Capite; sed postea mentem mutavimus, rati non nostrum esse viri maximi opus opellâ nostrâ interpolare. Igitur hîc tantum breviter docebimus, de origine Potestatis Ecclesiasticæ, qualis fuerit Ecclesiæ Hispaniensis traditio.

1°. Observandum est Hispanos Patres in Conciliis Toletanis, de disciplinæ Capitibus plurimis & maximis sæpe decrevisse, hæreses quoque Arian, Præseilian & aliorum anathematizasse, nullâ peritâ à Romanis Pontificibus suorum Synodaliū gestorum confirmatione; adeò aberant ab eo ut crederent à Papâ se habere, non à Christo decernendi & anathematizandi autoritatem.

2°. Passim legimus in illis Conciliis: Episcopos *summos Pontifices* primum habere Sacerdotii gradum: ipsi commissam à Deo curam, ut *tueantur defendant ac regant*: eos in Ecclesiâ *officia peragere oculorum*: *adunationem Sacerdotum cò venerabiliorem cerni*, quod in medio cœtus eorum, *præsentia individue Trinitatis adesset*: adunatos Episcopos *illustrari Spiritus Sancti lumine*, *quemadmodum Apostoli* eos Episcopos à *Divinâ potentia constitutos* esse: eorum decreta *còmmuni deliberatione facta habere plenam, integram, indissolubilem autoritatem*: ipsi jus esse ligandi ac solvendi, cum Petro Christus dixerit: *Quodcumque ligaveris, &c.* Quo etiam argumento usos fuisse antiquiores Ecclesiæ Doctores mox vidimus; atque ea omnia luculenter probant Hispanos Præsules acceptam referre Christo suam autoritatem.

Vid. pass.

Conc. To-

let. Tom.

Conc. ij. liij.

iv v. vj.

Sup. Diff.
præv. num.
LVII. LVIII.
& Lib. VII.
c. XXIX.

An. 400.
Tom. ij.
Conc. pag.
1229.

Ep. Of.
ad Const.
ap. Athan.
Hist. Arian.

T. I. p. 371.

Vid. Pa-
lav. & Fra-
Paolo.

3°. Jam suprà annotavit D. Bossuet Patres Concilii Toletani XIV. *Synodum VI. non approbasse, nisi facto examine, tamen à Leone II. probatam constitisset.* Quòd si autoritatis suæ fontem esse Papam credebant, quid causæ esse poterat cur in Synodi VI. acta iterum inquirent, cum ea acta non nescirent à Leone II. ad liquidum jam examinata & confirmata?

Optimi Sacerdotes, inquit Dictinius Episcopus, in Concilio Toletano I. corrigite omnia, quia vobis correctio data est. A quo autem data est? Num à Petro? Nequaquam, sed à Christo: *scriptum est enim, pergit Dictinius, VOBIS DATÆ SUNT CLAVES REGNI CÆLORUM.*

Meminerant illi Episcopi magni illius Cordubensis Osi, qui sic scribebat ad Constantium: *Tibi Deus Imperium tradidit, nobis Ecclesiastica concedidit.* Atqui ut Deus Imperatoribus IMMEDIATE Imperium tradidit, sic profectò IMMEDIATE Episcopis Ecclesiastica concedidit.

4° Hispani Episcopi hanc à Patribus suis acceptam doctrinam Tridentum attulerunt. Nam cum multum contenderent Itali, ut Synodus, decreto edito, definiret Episcopalem autoritatem à Papali originem suam ducere, ne id statueretur firmiter obstiterunt Hispani Præsules, quibus Galli nostri se junxere; seu potius per Spiritum Sanctum, qui huic Synodo præsidebat, non licuit hoc condi decretum, quod adversà fronte præcorum Conciliorum sacris statutis adeò repugnasset.

C A P U T XIV.

Cleri Gallicani ab antiqua traditione ducta sententia: Conventus generalis anni 1655. adversus Joannem Bagotium acta memorantur,

HANC sanctam & Apostolicam Episcopalis jurisdictionis ac potestatis à Christo immediate profectæ & institutæ doctrinam, Ecclesia Gallicana studiosissimè retinuit, nec passa unquam est ab eà traditione desecti.

Ut alia omittamus, nostrà memorià anno videlicet 1655. Joannes Bagotius * degenerem sententiam, quā vilescat Episcopatus, propugnasse visus erat **. Id cum Clerus Gallicanus maximo ac frequentissimo consessu Parisiis congregatus molestissimè tulisset, purgavit se coram amplissimo cœtu Bagotius, professusque est disertis verbis: *Episcopos immediate à Christo accipere jurisdictionem, atque in suis Ecclesiis gubernandis eadem autoritate pollere, quā Apostoli.*

* E Societate Jesu.
** In suo libro cui titulus est: *Defense du droit Episc. du Clergé de 1655.*

Idem Bagotius docere visus, ita se habere Papam respectu cujuscumque Episcopi, & cujuscumque Diœceseos, ut se habet Episcopus respectu cujuscumque Curati, & cujuscumque Parœcie Diœceseos; id à se dictum negavit; atque inter utrumque ingens discrimen esse professus est, etiam jure Divino.

Sacer verò cœtus fideles omnes edoceri voluit, constitutam à Christo Papæ autoritatem in totâ Ecclesiâ; Episcoporum verò in suis Diœcesibus quæ doctrina esset Conciliorum Lateranensis sub Innocentio III. Florentini ac Tridentini.

Eam doctrinam Gallicani Patres luculentius exponunt, datis pro more vid. B. literis, ad omnes Coepiscopos, quarum hæc summa est: *Neminem ortho-*

doxum dubitare, quin Papa sit caput, Pastor & Primas universalis Ecclesiæ, uti loquitur Concilium Florentinum; cuius potestatis jure posse eum in casibus ac formâ in jure præscriptis, providere regimini omnium Ecclesiarum, omnique pastoralis functioni. Verum ea doctrina non destruit jus Episcopale, neque propterea admitti delegatos sine causâ, qui sine Episcoporum licentiâ omnia eorum munia obire possint: Hierarchiam nihil esse aliud quam subordinationem quamdam membrorum ad caput; eò esse comparatam ut membra conservet sub capitis regimine; ac licet utrique & caput & membra potestatem ac vitam ducant ab eodem Christo, non tamen eadem vi neque pari autoritate: Apostolos haud minus Petro fuisse subiectos, quamquam aquè ac Petrus, à Christo missionem habuissent; ita Episcopos qui Apostolis successerint, haud minus à Christo habere potestatem, licet eam exercere sub Papâ Petri successore debeant: ceterum violari Episcopatum, qui secundum Cyprianum unus est, nisi Episcopus agnoscatur à Spiritu sancto præpositus gregi; qui se ab ejus autoritate segregaverit, ab eo id pati Ecclesiam, quod sol erepto radio, obstructo rivo fons, detracto uno ramo, arbor tota pateretur: ac neminem Ecclesiæ verè esse conjunctum qui non agnoscat, & superiorem in totius corporis capite potestatem, & quæ in subiectis particularium Ecclesiarum capitibus vigeat: & Papam quidem instar petræ esse; quâ fundatur Ecclesia; Episcopos verò columnarum instar, quâ portetur; atque omninò ad sustentandam tanti ædificii structuram, & petram, & columnas aquè conservari oportere.

Hanc celeberrimi conventûs acceptam à Majoribus & tradendam posteris sententiam, aulicis artibus (i) aliquanto tempore interceptam, conventus

Vid. sup.
Lib. vi. c.
xxiii. &
seq.

(i) *Aulicis artibus, &c.* J. Parochi Parisienses ad Cœtum Cleri Gallicani an. 1655. detulerunt librum P. BAGOT, cui titulus est: *Défense du Droit Episcopal*, in quem librum Cœtus deputatos à se Episcopos & Doctores jussit inquirere. P. BAGOT statim deputatis libellum obtulit, in quo delatas propositiones explicare, aut etiam defendere conabatur. Sed deputati, cum intelligerent hunc libellum nequaquam à Cœtu probari posse, singulas propositiones suis censuris notare cœperunt. Tum P. BAGOT alterum libellum obtulit, saniorum illum quidem priori, verumtamen non eum, qui satisfacere posse videretur. Ergo Episcopus Montis-Albani deputatorum Præses, de P. BAGOT propositionibus reculit ad Cœtum, à quo quidem jussus est articulos conficere, qui Jesuitæ propositionibus adversarentur. Interim Cardinalis MAZARIN, qui eos articulos legerat, Montis-Albani Præfuli dixit: Nuncium Apostolicum ad Regem eâ de re questum venisse, sibi que videri omninò omittendos articulos. Quare Episcopus adiit Nuncium. Sed quamquam probaret in his articulis statui: Papam accipere à Christo immediatè suam in omnem Ecclesiam jurisdictionem, vocari eum universalis Ecclesiæ jure Divino pastorem, & dici habere potestatem potiore potestati Episcoporum, qui etiam jure divino illi obedire tenerentur, nunquam potuit Nuncium à proposito deducere, eò quod Episcopi dicebantur habere immediatè à Christo suam potestatem, quod vocabulum immediatè ut novum & à Tridentinâ Synodo non usurpatum Nuncii animum offendebar. Igitur deputati, Nuntio ut satisfacerent, hunc articulum coram cœtu illis verbis explicârunt: *Nous avons seulement entendu que les Evêques n'étoient point Vicaires d'aucune Puissance Ecclésiastique qui fût sur la terre, & que leur puissance, tant de l'ordre, que de la jurisdiction intérieure, pour la rémission des péchés, & de l'extérieure, consistant au pouvoir d'excommunier, de juger & de définir les matieres de foi, soit en première instance, soit aux Conciles, leur étoit donnée de JESUS-CHRIST.* Deinde Montis-Albani Episcopus, lecto articulo à se recuso & ex ipsis Concilii Tridentini verbis composito, annotavit hunc loquendi modum verum quidem esse, sed eo tempore non cautum fatis: itaque se sentire omittendos esse articulos, & admittendas P. BAGOT explicationes. Cœtus hoc consilium, simul relationem de eâ re factam comprobavit. Ceterum encyclica missa est epistola, in quâ egregiè defendebatur Cleri Gallicani doctrina de Jurisdictione Papæ & Episcoporum.

Ecclesiæ Gallicanæ anno 1682. innovavit ac promulgavit.

Hoc sacrum depositum ab omni Patrum memoriâ Sorbona custodit. Neque unquam innoxios habuit qui aliud sentirent, ut à nobis prolata monumenta testantur.

Nimia illa quidem, inquires, quæ potestatem jurisdictionis Parochorum æquè ac Episcoporum & Papæ, à Christo esse docet, ut ex eisdem monumentis atque ex novissimâ Vernantii censurâ patet.

Qui hæc objiciunt, doctrinam sacræ Facultatis non intelligunt: disertè enim explicat hîc agi de Parochis, non quantum ad *limitationem*, sed quantum ad *institutionem primariam*; subditque in censurâ Vernantii: *Salvâ semper immediatâ Episcoporum in Prælatos minores, seu curatos & plebem subditam auctoritate.*

Mens ergo Facultatis de secundi ordinis Sacerdotibus non ea est: institutum à Christo, ut sint eo ritu, quem nunc Ecclesia servat in Parœcias distributi; id enim pertinet ad eam *limitationem*, quam à Papâ quidem, & ab Ecclesiâ esse ipsa Facultas docuit; sed omninò à Christo esse id, quod ad *primariam* hujus ordinis *Institutionem* pertinet; nempe ut ille ordo sit in Ecclesiâ necessarius, & secundo loco sub Episcopis Ecclesiasticam jurisdictionem exercent; quam cum exercet, non ab alio quàm à Christo, secundum canones & Episcoporum juxta præscripta, exercendam accipiat: ita ut Episcopis, à quibus consecrantur & instituuntur, tanquam im-

Hier. ep.
ad Evang.
ci. al. ad E-
vag. LXXXV.
Tom. IV. p.
803.

Bern. de
Conf. ad ipsos.

Eug. Lib.

IV. c. VI. 1.

n. 33. Tom.

I. p. 444.

diatis Pastoribus, vicariam operam præstent, quod est verissimum. At Episcopos, licet Papæ Divino jure subjectos, ejusdem esse ordinis; ejusdem characteris, sive ut loquitur Hieronymus, *ejusdem meriti*; *ejusdem sacerdotii*, collegasque & Coepiscopos appellari constat: scitumque illud

Bernardi ad Eugenium Papam: *Non es Dominus Episcoporum, sed unus ex*

Quod ergo nuperrimè inventum est, Episcopos à Papâ jurisdictionem habere, ejusque quosdam esse vicarios, ut duodecim sæculis inauditum, à scholis Christianis amandari oporteret.



CAPUT XV.

Autoris Anonymi, de jurisdictione Episcopali à summo Pontifice profectà, vanæ commentationes : S. GREGORII loci : BELLARMINI objectio : S. FELICIS III. locus.

QUAM firma & antiqua sit nostra sententia, aliorum vani conatus doceat, ac præsertim Anonymi, qui de libertatibus scripsit. Is enim, ut nihil intactum relinqueret, quò vilesceret Episcopatus dignitas, totum VIII. librum in hac quæstione consumpsit, conquisitis undique autoribus, qui degenerem sententiam sequerentur. Er quidem scholasticos ac postremæ ætatis autores facile invenit, multosque laudavit: ex antiquitate nihil omnino protulit, præter illa, quæ de Petro dicta retulimus; quæ quam abs re sint, omnes erudiri vident.

Sanè & Joannem Ravennatem retulit, qui ad S. Gregorium de Romanâ Ecclesiâ hæc scribat: *Quæ universali Ecclesiæ jura sua transmittit.* Sed hæc nihil aliud sonant, quàm omnium Ecclesiarum jura, etiam Ecclesiæ Romanæ autoritate muniri, eoque recurrere omnes, quorum jura violentur, quod est certissimum. Si quis autem illa verba eò pertinere putet, ut à Papâ, non à Christo Episcopatus jura profluant, nã ille arbitretur à Joanne Ravennate plus tribui Gregorio, quàm ipse sibi Gregorius tribuat; is enim nihil aliud Petro auctori suo tribuit, quàm ut ei à Christo *cura totius Ecclesiæ, & Principatus commissus sit*: hoc est, ut universam qualis à Christo instituta est, regat Ecclesiam; non profectò, ut omnia Ecclesiæ jura à se, non à Christo transmissa esse putet. Idem Gregorius de se cæterisque fratribus Ecclesiarum Episcopis hæc scribit: *Quid ergò nos Episcopi dicimus, qui honoris locum ex Domini nostri humilitate suscepimus, & tamen superbiam hostis ipsius imitatur.* Nempe se accenset cæteris, qui honoris locum à Christo æquè suscipiant; non eum se esse vult, qui omnia jura cæteris tribuat. Quo etiam loco id scribit: *Certè Petrus Apostolus primum membrum sanctæ & universalis Ecclesiæ est; Paulus, Andreas, Joannes quid aliud, quàm singularum sunt plebium capita?* A Christo utique, non à Petro constituta; unde subdit: *Et tamen sub uno capite omnes membra sunt Ecclesiæ.* A quo quidem capite, Christo scilicet, vim omnem suam ducunt; non à Petro, qui licèt suo modo caput omnium, respectu tamen Christi, unà cùm ipsis membrum est; omnibusque pariter virtus & auctoritas à Christo tribuitur, ac licèt non æqua omnibus, tamen omnibus æquè. (k)

Anon. de
Libert. & c.
toto lib.
VIII. impr.
c. x. & xi.

Joan. Ra-
ven. Epist.
ad Greg.
Mag. epist.
LVII. Lib.
ijj. al. LV.
Lib. ij. T.
ij. p. 668.
Greg.
Mag. Lib.
v. epist. xx.
Maur. Aug.
al. Lib. iv.
cp. XXXII.
ib: p. 748.
Id. epist.
XVIII. ad
Joan. C. P.
p. 744. al.
lib. iv. cp.
XXXVIII.
Ib. p. 743.

(k) *Omnibus æquè.* Argumentum D. BOSSUET confirmatur his Gregorii verbis in eadem epistolâ. Numquid non per venerandum Chalcedonense Concilium, hujus Apostolicæ Sedis Antistites, universales oblato honore vocati sunt? Sed tamen nullus unquam tali vocabulo appellari voluit, nullus sibi hoc temerarium nomen arripuit, ne, si sibi in Pontificatus gradu, gloriam singularitatis arriperet, hanc omnibus fratribus denegasse videretur. Ib. p. 743.

II. ibid.
 lib. viii ep.
 xxx. ad Eu-
 log. Alex.
 p. 919. al.
 lib. viii ep.
 xxx.

Anon. de
 Libert. &c.
 lib. viii.
 cap. iij. iv.

Ib. cap. v.
 & seq.
 Tit. I. 5.

Anon. ib.
 c. xli. n. 2.

Ib. tot. cap.

Non ergo à se putent Romanum Pontificem honorarum, dum volunt Episcopos illi, potius quam Christo, referre acceptam eam, quam exercent, cœlestem jurisdictionem. Gregorium recordentur. *Non honorem, inquit, esse deputo, in quo fratres meos honorem suum perdere cognosco: meus namque honor est, honor universalis Ecclesiæ. Tunc ergo verè honoratus sum, cum singulis quibusque honor debitus non negatur.*

Nihil autem ad rem, quæ scribit. Anonymus de Alexandrino & Antiocheno Patriarchatu, per Petrum Apostolum constituto; longè verò minùs ad rem, quod etiam de phantastico Galliæ Patriarchâ, singulari capite agit; ac pudere debuit virum gravem, in his etiam somniis confutandis tantum operæ collocasse. Sed certum erat nihil prætermittere, quod aliquam Gallis invidiam apud imperitos confutare posset.

Metropolitanas Ecclesias, præsertim in Galliâ, suam à summo Pontifice auctoritatem traxisse narrat: quo causæ suæ emolumento? Nempè & Paulus Titum in Cretâ Metropolitanam instituit, iussitque ut per Ecclesias Episcopos constitueret. An hîc etiam necesse fuit intervenire Petrum? An Petrus Ephesinam, Cæsariensem, Heracleensem, aliasque in Oriente primarias Sedes instituit, quæ non modò Episcopos, sed etiam Metropolitæ plurimos sub se haberent?

Quòd verò Episcopatum toto orbe terrarum ab uno Petro & successoribus propagatum dicit, nullâ probatione dicit: tanquam alii Apostoli nihil egerint. Quòd non nisi auctoritate Petri distributas Diœceses, & cuique pastori suum assignatum gregem asserit: quòd, quidquid cæteri Apostoli, Paulus etiam apud Cretenses, egerint & iusserint, Petri & successorum expressio vel tacito consensu valuisse respondet; hæc contemnenda potius, quam confutanda duximus, & in tantâ literarum luce ab homine gravi dici potuisse miramur.

Jam quòd his ratiociniis delectatur: Episcopi Papæ subjecti sunt; Episcopi à Papâ deponi, à Papâ reponi possunt (servatis quidem canonibus) Episcopalis jurisdictio ab ipso ordine sive charactere separari potest; ergo à Papâ est: Episcopi inæqualem nec eandem cum Papâ jurisdictionem accipiunt; ergo non à Christo: (quasi Christo non licuerit, honorem ac potestatem à se immediatè diffusam diversâ mensurâ, modoque & certo ordine temperare ac distribuere,) ne memoratu quidem dignum est.

Nec melioris notæ illud: *In regimine Monarchico supremus Princeps officia aliis etiam Principibus distribuit, ac jurisdictionem confert.* Demonstrandum enim erat, Ecclesiasticam Monarchiam, sub Christo præcipuo Monarchâ constitutam, ad formam Monarchiæ sæcularis penitus institutam esse, quod est falsissimum: id, inquam, Scripturis & traditione demonstrandum, non ex proprio cerebro, vanisque ratiocinationibus Christianæ Reipublicæ forma effigenda erat.

(1) *Honorem suum perdere.* Videtur ab Eulogio vocatum fuisse Gregorium Papam universalem, quem titulum arrogantiam plenum Gregorius repudiabat. Scio qui sum, inquit, qui esli: loco enim mihi fratres esli, moribus Patres. Deinde sequuntur ea verba quæ D. BOSSUET allegat.

Illud verò longè est absurdissimum, quòd statim significat: *jurisdictionem ab eo esse, qui confert titulum*: item ab Apostolis eorumque successoribus esse, qui Diœceses seu Parochias distribuerint, fundarint Ecclesias, Pastores constituerint, plebem assignarint. Cui enim non sit obvium, ab Apostolis, Apostolicisque viris separatà loca, personas designatas; à CHRISTO tamen ipso jurisdictionem esse collatam? Quòd si verbis ludimus, contendimusque à CHRISTO immediatè non esse, quòd sit per homines; jam ergò nec Papalis jurisdictio à CHRISTO sit. Romanus enim Pontifex æquè ac cæteri ab hominibus eligitur, ab hominibus ordinatur. Quis autem ei Romanam Diœcesim assignavit, cujus est peculiaris Episcopus? A quo Episcopalem hanc jurisdictionem accepit? An à Petro & antecessoribus jam pridem in Cælum assumptis? An fortè à se ipso ut Papà, non autem à CHRISTO? Apagè deliria, vana ratiocinià evanescant.

Memorat Bellarminus Bullas Pontificias Episcoporum instituendorum causâ datas. Neque quidquam aliud profert: (m) neque recordatur, quàm hæc novitia ac postremæ ætatis sint; & quàm nec ad Græcos, nec ad alios Orientales pertineant, quos non eâ conditione, ut Bullas deinceps acciperent, Ecclesia Catholica toties susceperit; imò in antiquo usu reliquerit.

Neque tamen refugimus id, quòd est à Felice III. dictum: *Per quam* (Apostolicam scilicet Sedem) *largiente CHRISTO, omnium solidatur dignitas Sacerdotum*: non quòd eos institueret omnes Episcopos, quòd est falsissimum, sed quòd malè & præter Canonicum ordinem institutos, à suâ communione, suo quodam jure depelleret, eisque communicando solidaret.

De tribus Patriarchis, qui cæteros deinde Episcopos confirmarent, à Sede Apostolicâ confirmandis, quòd objiciunt, etiam si esset certissimum, & vetustissimum, atque ab ipsâ Christianitatis origine repetitum; quid ad nos pertinet? cùm certum sit, Carthaginensem Ecclesiam, & antequàm constantinopolitanæ Sedi subderentur*, Ephesinam, Heracleensem, Cæsariensem in Cappadociâ, aliasque absolutæ ordinationis jure gavisas: quo etiam potitas esse Gallicanas & Hispanienses Ecclesias, ex antiquis utriusque Ecclesiæ Canonibus erui, æquis constabit iudiciis. Dicant tamen an valuerint, an non?

Sæpè vidimus Romanorum etiam Pontificum electionem atque institutionem, si quid dubii fortè intervenit, Conciliorum atque Ecclesiarum consensione, autoritate, decreto agnitam & firmatam, multosque ipso fatente Baronio, intrusos, Simoniacos, nullosque Pontifices, summâ tamen autoritate valuisse; quòd Ecclesia Catholica, tacito saltem consensu, eorum institutionem ac gesta comprobaret, rataque haberet. An ergò propterea Romani Pontificis jurisdictionem ab Ecclesiâ esse dicemus? Sed nos in perspicuâ re. plus æquo immoramur. Satis enim scimus, neminem dissenfurum, qui quidem antiquitatem vel primoribus labiis degustârît: neque futuros unquam fuisse, qui jurisdictionem omnem Ecclesiasticam ab ipso Papâ repe-

Ibid cap.
I. n. 9. cap.
viii. n. 14.
cap. xij. n.
5. 6.

Bell. de
R. P. Lib.
iv. c. xxiv.

Felix. iij. ep.
xiiij. ad
Flav. C. P.
Tom. iv.
Conc. pag.
1089.

* Subditæ
quidem sunt
à Chalcedonensi Synodo, ut
videre est
Act. XV.

Vid. Baro. de Serg.
iij. Land.
Joâ. x. Joâ.
xi. Tom. x.
pass.

(m) Neque quidquam aliud profert.] Multa quidem profert; sed illud argumentum maxime urget, tanquam præ cæteris firmissimum.

tendam ducerent, nisi & fuissent, qui cùm omnia extraordinariè habere & gerere affectarent, omninò inminutà Episcoporum potestate sibi opus esse crederent.

C A P U T XVI.

Loci S. Joannis CHRYSOSTOMI, à novissimo autore Anonymo objecti.

Anon.
lib. v. cap.
xij.

NOVISSIMUS autor Anonymus multa ex Beato Joanne Chrysostomo & Augustino profert, quibus ea, quam tuemur, Conciliorum auctoritas infringi videatur. Libri enim V. Caput XII. hunc titulum præfert: *Sententia Sancti Joannis Chrysostomi de comparatione beati Petri cum cæteris Apostolis, etiam simul unitis*. Quo loco congerit mira, sed omninò extra rem; ut vel exinde specimen capi possit, quàm sit ejus autoris, ad speciem magis quàm ad veritatem composita oratio.

Anon. ib.

Ad hanc ergò CHRISTI interrogationem: *Vos autem quem me esse dicitis?* hæc à Chrysostomo notata memorat, quibus significet, superiùs esse Sancti Petri circa fidem judicium, cæterorum omnium Apostolorum judicio.

n. 1.

Chryf.

Hom. l. LIV.

al. lv. in

Matt. Tom.

vii. p. 546.

& seq. Mat.

xvi. 15.

Anon. ib.

Joan. ij.

xi.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Anon. ib.

n. 2.

Neque magis est ad rem id, quod Anonymus notatum à Chrysostomo memorat: Petrum *præfuisse & prævenisse*. Prævenit enim certè omnium responsionem, non omnium fidem. Neque ad quæstionem pertinet, an Petrus, rogatis aliorum suffragiis, pro omnibus responderit. Non enim id quisquam cogitat, eò obstringi Romanum Pontificem Petri successorem, ut nihil communi nomine pronunciet, nisi rogatis omnium suffragiis, cùm, ex omnium Ecclesiarum communicatione, facile intelligere possit communem traditionem & fidem, quam exponere teneatur.

Jam Anonymus ad hæc verba Chrysostomi: *Os & vertex consortii totius*, notare debuisset, eum esse oris loco, qui promat quid omnes sentiant. Quod autem illud adscribit (*nota hæc verba*) VERTEX CONSORTII TOTIUS, ET NON APOSTOLORUM TANTUM SEORSIM SUMPTORUM, quàm futile! Quis enim inter Catholicos dubitat quin Romanus Pontifex sit caput & vertex totius Ecclesiæ? An proinde ejus sententia omnium sententiæ prævaleat, quæstio est. Quin Senatùs Princeps, totius ordinis Princeps, caputque dicitur: quod non eò dixerim, ut Romanus Pontifex non majore dignitate polleat, sed quod ea quæ jactant, cum inferiori quoque dignitate constent.

ib. n. 3

Anonymus memorat secundo loco à Chrysostomo notatum, Petrum per-

fectiore modo CHRISTUM cognovisse, quàm qui eum Filium Dei antea confessi fuerant; quod de cæteris aliquatenus verum est, de Apostolis certè absurdissimum, quos ante Petri confessionem in nudum hominem credidisse, nemo nisi impie dixerit; ac, si id Chrysostomus diceret, commodà interpretatione in aliam sententiam emolliendus esset, (n) quod hujus loci non est.

Observat terrio loco hæc verba Chrysostomi: *Pater illi quod loqueretur suggestit*: unde concludit Anonymus: *Petrum Divina sententiæ sibi à patre suggestæ promulgatorem, non humana opinionis relatorem extitisse.*

ib. n. 4.

Quo loco multa peccat: primùm quòd nemo cogitet Petrum, cum suam & aliorum exposuit fidem, *humana tantum opinionis relatorem extitisse.* Non enim humana opinio est, in quam de CHRISTO Deo Apostolicus ordo consecratur. Tum stant illa duo simul, & Petrum communis fidei esse interpretem, & eam nihilominus à patre acceptam esse.

Quod quarto & quinto loco Anonymus memorat, ad Petrum *verè ac propriè factam esse promissionem de edificandâ super ipsum Ecclesiâ*; & cum à Chrysostomo dicitur Ecclesia super ipsam fidem niti, id intelligi debere per singularem quemdam respectum ad Petrum ejusque successores in Sede Apostolicâ, eximios fidei professores ac prædicatores; tum Petrum pastorem universi gregis esse constitutum. Omnes quidem, ac præcipuè Parisienses nostri & Gallicani Patres confitentur, neque in communi fide stabiliendâ laborandum fuit.

ib. n. 5.
6. 7.
Chrysost.
loc. jam.
cit. n. 2. p.
546.

Neque etiam negant id quod ab Anonymo sexto loco est positum: *Ut Petro verè, propriè, ac excellentiori modo revelata fuerat CHRISTI Divinitas.... ita ipsi verè & propriè & immediatè dari claves Regni Cælorum*: hæc enim postrema sunt certissima, additis sanè iis, quæ ex Augustino ac Patrum traditione hausimus. At superest quæstio, quâ conditione, quâ lege administrandæ claves, idque ex universali traditione explicandum, non ex uno ambiguo & urrique sententiæ apto Chrysostomi loco.

ib. n. 7.

Sup. hoc lib.
cap. xij. &
seq.

Quod autem & hic & septimo loco notatum ab Anonymo est; *Petrum ad altiore Divinitatis CHRISTI cognitionem erectum*, quàm cæteri Apostoli, quis asserere audeat? Certè ad excellentius ejus præconium adductum fuisse constat, quod sufficit.

Anon. ib.
n. 8.

Quod est octavò in Chrysostomo observatum; Jeremiam quidem uni genti, Petrum verò universo terrarum Orbi esse præpositum quis negat; ut eloquentissimè, ita suo modo verissimè à Chrysostomo esse dictum? Cum

ib. n. 9.
Chryf. loc.
cit. p. 548.

(n) *Emolliendus esset.* Dicit Chrysostomus eos qui in navigio erant post tempestatem & dicebant: VERE FILIUS DEI EST HIC, confessos fuisse, quasi verè filium eximum quidem inter multos, non tamen ex ipsâ Patris substantiâ. Quo loco annotandum est 1º. ipsum Petrum per tempestatem non parum vacillasse, quem Christus his verbis redarguit: *Moddicæ fidei, quare dubitasti?* 2º. Chrysostomum non dicere eos qui in navigio erant fuisse Apostolos; proindeque ruere D. CHARLAS argumentationem. Nam non habebit quod respondeat, si dixerimus eos, qui tam demissè de Christo sentiebant, fuisse judæos quosdam, aut fortè discipulos infirmioris fidei, non autem Apostolos. 3º. Plerique Scripturæ interpretes, in eo certè capite, Chrysostomum negligunt; quippe qui sentiant Christum verum Deum creditum ab iis qui in navigio erant, licèt eam fidem non ita distinctò & fervido eo animo, quo deinde Petrus, profiterentur.

præfectura Petri, non modò amplitudine, sed etiam ordinariâ potestate præster.

Chrysoft. Quòd denique Anonymus Chrysoftomum sic conclusisse memorat: *Tu*
 loc. cit. n. *verò mecum, ex eis omnibus intellige, quanta sit potestas ejus*, ad Hæreticos
 3. Anon. ib. certè vertenda sunt, non ad Parisienses, aut ad Patres Gallicanos, qui
 n. 10. hanc potestatem esse maximam, ac planè cœlestem confitentur.

Anon. ib. Quòd autem ex alio Chrysoftomi loco, hæc infert Anonymus: *Si Petrus*
 n. 11. *splendor totius mundi, si Apostolorum Doctor, ab ipso alii, non ab aliis ipse*
instrui atque doceri indigni: quorsùm spectat? Nisi fortè ut Paulus Pe-
trum temerè, non modò docuisse, sed etiam reprehendisse videatur.

C A P U T XVII.

Alius CHRYSOSTOMI locus, in Acta Apostolorum.

ANON. ib. NOSTER Anonymus ultimo loco memorat beati Chrysoftomi Homi-
 n. 12. Chryf. liam III. in Acta Apostolorum, in eâque vim facit maximam. Ibi san-
 Homil. iij. ctus Doctor exponit sermonem Petri de uno ex discipulis in Collegium
 in act. n. 1. Apostolicum cooptando. Quo loco Chrysoftomus id notat: Petrum ubique
 T. ix. p. 23. loqui primum: Græca autem sic habent: *Et ut fervidus, & ut is cui à*
 Chryf. ib. *Christo grex esset creditus, & ut cætûs Princeps, semper primus incipit loqui:*
 hoc autem omnes confitentur. Chrysoftomus paulo post: *Considera quàm*
Petrus agit omnia ex communi discipulorum sententiâ, nihil autoritate, nihil
imperio: quæ nobis quidem prosint, potiùs quàm noceant. Post multa in-
 terjecta subdit: *Multitudini permittit judicium, & eos qui eligerent reddens*
 reverendos, & seipsum ab invidiâ liberans; ac postea: *An non licebat ipsi eli-*
 gere? *Licebat & quidem maxime; verùm id non facit, ne cui videretur grati-*
 ficari. Quo loco noster Anonymus somniat voluisse Chrysoftomum, ut Pe-
 trus jure suo potuerit totum negotium peragere, etiam inconsultis fratri-
 bus, quod procul est à Chrysoftomi mente, & ab illis temporibus. Id vo-
 luit Chrysoftomus, Petro sacri cætûs Principi licuisse, ut sicut de electione
 primus verba fecerat, ira simul aliquem designaret, atque deligeret, in
 quem alii deinde facile consentirent. Quod quidem est eligere, non solum,
 Aët. 1. 22. sed primum. Hoc autem non fecit Petrus. Indefinitè dixit: *Oportet testem*
resurrectionis Christi nobiscum fieri unum ex istis. Notat ergò Chrysoftomus
 Petri modestiam, qui aliorum noluerit præoccupare judicia. At si, quod
 Chrysoftomus ne cogitat quidem, id volunt, ut Petro vel soli licuerit
 totam rem pro potestate conficere; quid postea consequetur? Certè ut Petri
 successor, seorsim ab Ecclesiâ etiam congregatâ, aliquid possit, puta de-
 ligere aliquem Episcopum; non proinde summa hæc definire possit, quæ
 ad fidem, quæ ad schisma, quæ ad universalem reformationem pertinent:
 quâ in re quæstio est posita. Quamobrem Chrysoftomus, utcumque intelli-
 gendus est, ipse certè Anonymus extrâ quæstionem ludit.

Quæ deinde sequuntur ab Anonymo relata verba Chrysoftomi, variè
 leguntur in Græcis codicibus, & vulgatus quidem interpres, quem sequi-

tur Anonymus, sic habet: *Quamquam autem habet (Petrus) constituendⁱ jus par omnibus, tamen hæc congruenter fiebant ob virtutem viri; & ob hoc quod tunc temporis Præfectura non honos erat, sed cura subditorum.* Unde illa Anonymi vana: *Petrum habuisse jus par omnibus, non solum SEORSIM, sed etiam SIMUL SUMPTIS.* An Chrysostomus hoc dicit? Non has argutias in populari sermone tantus orator sectabatur; nihilque aliud hæc indicant, quam ut Petrus æquè ac ceteri potuerit aliquem deligere, ac designare primus; id tamen aliorum arbitrio reliquerit.

Hæc dicimus ad Chrysostomi locum, prout legit interpret; at alia lectio est, quam vulgati codices retinuerunt. Sic autem habet ad verbum: *Quantum nec equalem omnibus constitutionem habebat, &c.* affirmationis loco; negatione reposita: quam lectionem excutere non est animus; ac dumtaxat monemur Anonymum, recurrendum fuisse ad fontes, neque ex incertâ lectione certam conclusionem elici debuisse.

At illud palmarium putat, quod subdit Chrysostomus: *Merito primus omnium auctoritatem usurpat in negotio, ut qui omnes habeat in manu: ad hunc enim Christus dixit, CONFIRMA FRATRES TUOS.* Quo loco Anonymus subtile illud suum inculcare non cessat: *Omnes habet in manu, ergo omnes simul sumptos;* quæ tamen nec sufficerent; & quando quidem rem ad extremos apices urget, addere debuisset; Petrum etiam solum omnia potuisse quocumque in negotio: nec tantum in designando Matthiâ; sed etiam in exponendâ fide, in extinguendo schismate, in constituendâ universali disciplinâ; idque absolutè & ad nutum, nec ullâ Coapostolis deliberatione permissâ: qualia nec Petrus nec ipse Chrysostomus, nec quisquam homo sanus somniavit.

Nos quidem confitemur, Petrum omnium primum, ut ait Chrysostomus, non tamen solum in Ecclesiæ negotiis merito *usurpare*, sibi que vindicare *auctoritatem*, & confirmare fratres iustum; & quod suo loco diligentius expendemus, ejus, in re obviâ neque multum controversâ, prono omnium assensu obtinuisse sententiam. Caterum ubi gravis orta est dissensio, qualis illa de legalibus, Act. XV. variabantque sententiæ, sigillatim dixisse & judicasse omnes, remque esse decisam omnium auctoritate conjunctâ: unde illud extiterit: *Visum est Spiritui sancto & nobis;* missumque ad Ecclesias non unius Petri, sed omnium Apostolorum, quotquot adesse poterant, ut ipse Chrysostomus loquitur, *commune decretum.*

Chrysost.
ib. n. 3. p.
26.
Anon. loc.
cit.

Chrysost.

Inf. lib.
1x.

Act. xv.

Chrysost.
hom. xxxiiij
in Act. A.
post. Tom.
1x. p. 253.



CAPUT XVIII.

S. AUGUSTINI *locus ab eodem Anonymo objectus, contra Conciliorum auctoritatem indeclinabilem.*

IDEM Anonymus autor libro VII. hunc objicit S. Augustini locum ex libro II. adversus Donatistas; quo loco sanctus Doctor respondet Donatistis, qui auctoritatem Conciliumque Cypriani assidue objectabant. De Conciliis autem hæc habet: *Et ipsa Concilia, quæ per singulas Regiones vel Provincias sunt, plenariorum Conciliorum auctoritati, quæ sunt ex universo Orbe Christiano, sine ullis ambagibus cedere, ipsaque plenaria sæpè priora posterioribus emendari; cum aliquo rerum experimento aperitur quod clausum erat, vel cognoscitur quod latebat.* Huc usque Anonymus. Addemus & illud ejusdem Augustini ex eodem libro: *Nam & Concilia posteriora prioribus apud posteros præponuntur, & universum partibus jure optimo præponitur.*

Probat Anonymus, hîc agi de Conciliis stricto sensu plenariis, eò quòd Augustinus loquatur de Conciliis, *quæ sunt ex universo Orbe Christiano.* Probat agi de fidei quæstionibus, quòd hæc de Conciliis dicta sint, occasione hæresis scilicet Donatistarum Baptismum iterantium. Quæis fretus hæc ait: *Respondeant huic Augustini loco, qui judicium Concilii judicio Papæ in fidei quæstionibus præponunt.* Melius diceremus; respondeat Anonymus hæreticis, qui unum hunc præ cæteris jactant locum, ut in fidei quæstionibus, Concilia œcumenica errare posse probent. An forte respondebit, id quod sæpè profitetur, agere se de Conciliis, à quibus summus Pontifex ejusque Legati absint? Non ita Augustinus; de Conciliis agit qualia tum quoque celebrabantur verè œcumenicis, quibus cum aliis Episcopis ex universo Orbe Christiano congregatis Romanus Pontifex Collegii Episcopalis Princeps & Caput interesset.

Sanè non Parisienses privatim, sed tota Theologorum & Canonistarum schola profitetur certos esse casus, eosque extraordinarios, in quibus Concilia generalia sine Romano Pontifice celebrari possint. Neque ea Concilia quisquam Theologorum, ac ne ipse quidem negat Anonymus, cum nempe in eos casus incidimus, *qui non alia remedia patiuntur.* At illi casus nondum inciderant, ut eos ab Augustino prævideri necesse fuerit. Illud certè Concilium ex Orbe Christiano collectum, quod objiciebat Donatistis, non sine Romano Pontifice celebratum esse, aut Augustinus significat, aut quispiam hominum cogitavit. Imò illud Concilium, quo Donatistas premebat, consueto more erat actum. Idem Concilium irrefragabilis auctoritatis fuisse, Augustinus docet: id enim ubique agit, ut de rebaptisatione, de quâ agebatur, nullus jam supersit dubitandi locus, postea quàm ea quæstio ad Concilii plenarii auctoritatem roburque perducta est. Cui Concilio si Anonymus derogat auctoritatem, aut ab Augustino derogatam putat, palàm ad hæreticorum castra transit, qui veris legitimisque Conciliis œcumenicis adversatur,

tur. Quare aut hæreticis se adjungat oportet, aut hunc, quem nexuit, nodum, nobis ipse exolvat. Atque hi sunt qui invidiosissimè jactant favere nos hæreticis, quòd Catholicam innoxiamque sententiam tueamur: ipsi interim ab hæreticis arma mutantur, quibus Conciliorum fidem auctoritatemque proterant.

Nos facillè cùm Bellarmino aliisque Catholicis respondemus, agi quidem hîc de Conciliis verè œcumenicis, eaque indubiè emendari posse à posterioribus Conciliis in rebus facti aut disciplinæ variabilis: quem sensum Augustinus apertè indicat his verbis, *Plenaria Concilia sæpè priora posterioribus emendari, cùm aliquo rerum experimento aperitur quod clausum erat, & cognoscitur quod latebat.* Ergò Augustinus spectat non ipsam incommutabilem veritatem, quam sola apprehendat fides; sed eas profectò res, quæ in rerum experimento sunt positæ: quibus verbis ab Augustino designatas fidei veritates, neque ratio finit, neque quisquam in ejus libris unquam reperit.

Bell. de
Conc. Au-
tor. lib. ij.
c. vij.

Jam quod Anonymus objicit, id à S. Augustino dictum, occasione fidei ab hæreticis læsæ, quid agat ignoramus. An ut Concilia œcumenica in fide errare possint? Impium, hæreticum, omnibus Catholicis detestandum. An ut Augustinus cum hæreticis senserit, Conciliisque universalibus legitimis detraxerit auctoritatem? Absurdum, erroneum, ipsi Augustino contrarium: cùm is non aliâ magis ratione Donatistas à rebaptizatione deterreat, quàm quòd ab universalis Concilii auctoritate recesserint. Prorsus Anonymi nos piget, qui Conciliaris auctoritatis odio ad hæc misera & infanda profiliat. Nos autem cum Catholicis facillè respondemus: verba quidem Augustini, quæ cùm hæreticis Anonymus urget, occasione quidem fidei esse prolata: nihil tamen prohibere, quominus occasione captâ de Conciliorum Decretis universum tractet, atque ab uno casu transeat ad alios, quibus priora Concilia etiam plenaria à posterioribus emendari possint. Agebat enim adversus Donatistas universalis Ecclesiæ contemptores, qui proinde Conciliorum auctoritatem, non ex illâ à Christo Ecclesiæ universali factâ promissione, sed humano more æstimabant. Quâ quidem intentione sufficit, ut probet Donatistas, auterius habitum Cypriani Concilium objicientibus, posteriora Concilia anterioribus meritò anteponi; in iis certè casibus, in quibus esse possit emendationi locus. Cæterum cùm eos casus ad rerum experimenta restringit, id diligentissimè cavet, ne ad ipsam fidem invariabilem protendantur. Atque hæc ad hæreticam Anonymi objectionem dicta sunt, fusiùs fortasse quàm par erat, nisi ad Conciliorum adversus hæreticos tuendam Majestatem forent necessaria.



CAPUT XIX.

Alii loci AUGUSTINI ab eodem objecti : an Papa Ecclesiam Catholicam repræsentet.

HÆc habuit Anonymus, quæ Conciliis œcumenicis totam Ecclesiam repræsentantibus objiceret. Nunc ea proferimus, quibus docet, Ecclesiam universalem per Papam repræsentari.

Et quidem in Ecclesiasticis gestis invenimus, à summis Pontificibus & Conciliis dictum, Ecclesiam Catholicam repræsentari Synodis œcumenicis, ejus virtutem omnem potestatemque complexis, quod ipsâ repræsentandi voce designare solemus. Id autem de Romano Pontifice, neque ab ipsis Pontificibus, neque à Conciliis œcumenicis, neque uspiam in gestis Ecclesiasticis legimus : ut profectò novam vocem omisam ab Anonymo oporteret. Sed eam probare nititur adductis beati Augustini locis, quibus Petrus dicitur Ecclesiam figurasse : qui loci à proposito longe distant. Aliud enim est in Petro universam Ecclesiæ vim atque auctoritatem fuisse præsentem, quo ipsa repræsentandi ratio constat : aliud in Petro, tanquam in Sacramento, in typo, in figurâ, & quâdam ut ita dicam, personâ mysticâ significatam ; quo ritu in Marthâ, in Mariâ sorore, in eodem Petro, in Joanne Apostolo vitam activam & contemplativam figurari & significari Augustinus nus passim docet.

Anon. lib.
v. c. xi.

Aug. pass.
vid. sup.
hoc. lib. c.
xij. xij.

Id. Sermon.

c. iv. de

verb. Do-

mini. c. liij.

n. 4. T. v.

pag. 541. &

serm. cclv.

in dieb.

pasch. al. i.

de divers. c.

vj. n. 6. ib.

pag. 1052.

Specul. de

Ev. Joan.

Tom. iij.

part. i. p.

775. & lib. i.

de Consens.

Evang. ib.

part. ij. p.

5. & c.

Anon. loc.

cit. n. 4. 5.

ib. n. 2.

Quærit anonymus, quo sensu Petrus Ecclesiam figuravit ; an ut nudum signum ; an ut pars quædam Ecclesiæ ; an ut superior. Facile respondemus placuisse Christo Ecclesiam in Petro figurari ut in Principe : cæterum eo sensu repræsentasse Ecclesiam, quo ejus vim omnem potestatemque, ut insitam sibi præsentemque concludat, quod Concilio universali est proprium, non sanctus quisquam, non Augustinus, non alius è sanctis Patribus cogitabat.

Jam ergo Anonymi argumentum ruit : *Ei per quem repræsentatur Ecclesia universalis, conveniunt quæcumque in Scripturis sacris tribuuntur Ecclesie ipsi ; atqui per Petrum repræsentatur Ecclesia universalis : ergo Petro conveniunt quæcumque in Scripturis sacris tribuuntur ipsi Ecclesie, verbi gratiâ, quod sit COLUMNA ET FIRMAMENTUM VERITATIS, quod qui eum non AUDIERIT, sit habendus tanquam ETHNICUS ET PUBLICANUS.* Quæ omnia frigidò nituntur æquivoco, sumptâ figurandi voce pro ipsâ repræsentatione, quæ totam Ecclesiæ vim atque potestatem in unum collectam præsentemque sistat.



CAPUT XX.

Repetuntur & urgentur quæ pro Parisiensium sententiâ, ab autoritate & convocatione Conciliorum generalium dicta sunt : confutantur vana suffugia : BELLARMINI etiam responsionibus antedicta firmantur.

JAM ergo, quod polliciti sumus, sententia Parisiensium, Conciliorum generalium traditione firmata est. Etenim vidimus Romanorum Pontificum in Conciliis œcumenicis judicia retractata, de his quæstionem habitam; quæstione habitâ, Cælestini, Leonis, aliorumque probata judicia; Vigilii, atque Honorii rescripta improbata fuisse; neque quidquam à sanctâ etiam Sede profectum, aut à Patribus aut à Romanis etiam Pontificibus, pro irrefragabili esse habitum, nisi postquam Ecclesiæ consensus accessit. Quin etiam sententiam hanc ipsâ Conciliorum generalium convocatione firmatam, totamque quæstionem finitam esse arbitramur.

Omninò enim id certum est, id immotâ lege, id omnium sæculorum traditione fixum, quod in ipsis initiis hujus tractationis est positum, Synodos generales propter multiplices quidem causas, sed propter fidem maximè convocari oportere. Hinc illud Pelagii II. axioma à Magno Leone desumptum: *Specialis quippe Synodalium Conciliorum causa est fides.* Præluxerat Pelagio Gelasius ubique inculcans, in magnis fidei quæstionibus suam cuique Synodum destinatam. Gelasio præluxerat Athanasius de Synodo Ariminensi sic dicens: *Cur nova Synodus? Que nova hæresis?* His omnibus præluxerant Apostoli, subortâ quæstione de legalibus, quæ Ecclesiam maximè conturbaret, rem ad Synodum deferentes, suumque illud proferentes: *Visum est Spiritui sancto & nobis*; quod ad omnia deinde sæcula permaneret. At si per sese valet ante Ecclesiæ consensum, Romani Pontificis indeclinabilis autoritas, nempe omnia ista tam clara tam certa concidunt. Quorsum enim attinebat ab ultimis Orbis partibus cieri Episcopos tantis laboribus, tantisque sumptibus, & Ecclesiis pastoribus viduari, si totum erat in Romano Pontifice positum? Si quod ille crederet, quodve doceret, statim pro summâ & irrevocabili lege esset, cur non ipse pronunciat? Aut si pronuntiavit, cur jam convocantur fatiganturque Episcopi, qui nempe actum agant, & de summo Ecclesiæ judicio judicent? Non id autem frustra fit: sed Christianis omnibus cum ipsâ fide est insitum, in summis dissensionibus totam Ecclesiam convocari audiri que oportere. Ergo omnes intelligunt, certam & exploratam & plenam veritatis declarationem, non in Papâ solo, sed in Ecclesiâ ubique diffusâ collocatam.

Ad id argumentum respondet Bellarminus ea, quibus nostra invictissimè firmentur. Cum enim objecisset sibi: *Quòd Concilia generalia necessaria non essent, si Papa posset definire infallibiliter in fidei dogmatibus*: hæc quidem reponit; Primum, quòd non debet Pontifex contemnere media humana; me-

Sep. lib.
VII. c. IV.
& seq.

Epist. Pelag. ij. post Conc. v. T. v. Conc. p. 617. & seq. Leo. epist. xcii. ad Max. Ant. al. lxiij. c. v. Gelas. ep. vid. T. iv. Conc. pag. 1167. & seq. Athan. de Synod. Arimin. & Steenc. n. 6 T. i. p. 719.
Ad. xv. 18.

Beil. de R. F. lib. iv. c. vij.

dium autem humanum est Concilium, majus aut minus, pro gravitate rei; quod patet ex Apostolis, qui cum soli possent quamlibet controversiam infallibiliter definire, Concilium convocarunt. Deinde definitiones de fide pendent præcipue ex traditione Apostolica & consensu Ecclesiarum: ut autem cognoscatur quæ sit totius Ecclesiæ sententia, & quam traditionem servant Ecclesiæ Christi, non est alia melior ratio, quam ut conveniant Episcopi ex omnibus Provinciis, & quisque referat Ecclesiæ suæ consuetudinem. Præterea sunt utilissima & sæpè necessaria, non tantum ut finis imponatur controversiæ; sed ut servantur decreta; si quidem multi ignorantiam decreti prætendunt; alii conqueuntur se non fuisse vocatos; alii aperte dicunt summum Pontificem potuisse errare. Hæc sunt propter quæ Bellarminus Concilia necessaria esse judicet: nos verò hæc non tam solvimus, quam ex iis nostra stabilimus.

Ac primum de mediis humanis, etiam à Pontifice adhibendis: siquidem Pontifex petit tantum consilium, quod quidem pro animi sui sententiâ vel admittat, vel respuat; non profectò Episcopi, sed doctissimi quique vocandi sunt. Cum ergo Episcopi ad Concilia vocentur, certissimo argumento est, non consilium, sed auctoritatem ac potestatem quæri; quæ Pontificis auctoritati & potestati conjuncta, tota sit atque integra Ecclesiæ in docendo & coercendo potestas & auctoritas, adeoque summa jam & indeclinabilis.

Deinde huc redeunt omnia, quæ sunt hætenus validissimè constituta. Primum enim in Synodis generalibus, si consilium tantum Pontifici definituro quæritur, non erant adhibendi qui conjudicaret, qui condecernerent, qui anathema simul intorquerent, ac pronunciarent; sed qui datis consiliis prælucere, & rem Pontificio judicio potestatique relinquerent. At profectò adhibiti sunt in Conciliis Episcopi, non consiliarii, sed judices: non qui duntaxat doceant Pontificem judicaturum, sed qui ejus sententiam, ejus decreta, ejus anathemata suâ consensione atque auctoritate firmant. Non ergo consilium in Synodis, sed summa auctoritas potestasque quæritur.

Tum & illud certum est, cum Synodi generales sunt habitæ, Romani Pontificis plerumque præcessisse sententiam. Omnino enim Cælestinus, Leo, Agatho, Gregorius II. Adrianus I. sententiam dixerant, cum tertia, quarta, sexta, septima Synodus haberentur. Non ergo consilium judicaturum Pontifici, sed cum judicasset, certæ & ineluctabilis auctoritatis robur quærebat.

Denique in Macedonii quæstione de Spiritu sancto, non dabant consilia S. Papæ Damaso in Occidente versanti, qui seorsim Constantinopoli quæstionem habebant Orientales Patres: neque hi per literas consultationem mittunt; sed decretum, sed symbolum, sed anathemata adversus hæreticos; quod in aliis etiam quæstionibus factum suo loco indicavimus. Quorsum hæc? Nisi quod omnes intelligebant non ideo requiri Episcoporum sententiam, ut Papa monitus melius judicet; sed ut ex communi Papæ Episcoporumque sententiâ, ineluctabilis sententiæ robur existat.

At fortè id ita factum est, quòd Papa judicium Patribus relinqueret,

Sup. lib.
vij. c. viij.
vid. pass
cod. lib.

quemadmodum Imperatores ac Reges, summâ licet potestate præditos, & fecisse legimus, & facere intuemur: non ita est. Non enim Episcopi se putabant esse à Papâ selectos iudices, sed à Christo datos. Neque ipse Pontifex Synodos exquirebat, quæ sibi iudicatu essent necessariæ; sed Orbis Christianus merito reposcebat, ut quod certâ fide crederet, certâ jam & invictâ autoritate doceretur. Neque Romani Pontifices aliud cogitarunt, cum Concilia generalia, vel ipsi convocarent, vel ab Imperatoribus convocari sinerent, quàm ut ex consensu certa jam autoritas fidei adderetur.

Aiunt Pontificiis quidem decretis, ut solitariis, plenam & ultimam auctoritatem contineri: per Concilia generalia ex tractatione & examinatione addi summæ auctoritati plenissimam lucem, ad convincendos pertinaces: eò enim decurrunt recentiores passim, ac maximè ille novissimus Anonymus, qui de libertatibus Gallicanis scripsit. Sed quid hoc rei est? Si lux quærebatur tantum, cur congregatæ Synodi Romanorum Pontificum dogmata, non editis tractatibus, sed decretis conditis muniebant? An verò tertia, quarta, sexta, septima Synodi, mysterium fidei lucidiùs explanarunt, quàm Cyrillus à Cælestino laudatus, quàm Leo, quàm Martinus, quàm Agatho, quàm Gregorius II. quàm Adrianus I? Neuriquam. Certè cum Romanorum Pontificum decrera toti Ecclesiæ præluxissent, Synodi postea congregatæ luci lucem addiderunt, sed ideò ampliorem, quòd jam certiorè, rotiusque Ecclesiæ consensione constanrem: quâ in certitudine, jam non dubiæ lucis, summam & indeclinabilem auctoritatem collocamus.

Apostolici Concilii exemplum profert Bellarminus. Sed eo nostram sententiam firmari jam vidimus; quòd nempè Apostoli, tantâ Spiritûs plenitudine, tantâque Divinitûs auctoritate muniti, Hierosolymis congregari sint, ac futuris dissensionibus terminandis eam formam dederint, quæ totius Apostolici ordinis conjungat auctoritatem, in eâque reponat illud: *Visum est Spiritui sancto & nobis.*

Quo etiam ex loco illud Bellarmini confutatur, Concilia non esse medium Divinum confirmandæ fidei, sed *medium humanum*, monendo & instruendo Pontifici. Id, inquam, ex Apostolico illo Concilio perspicuè refellitur; neque enim quisquam dixerit convenisse Apostolos ut monerent Petrum, sed ut ipsi cum Petro, conjunctâ auctoritate, eam veritatem promerent, cujus custodes ac testes à Christo in commune essent constituti. Atque ibi elucescit, ut aperiendæ, ita etiam muniendæ veritatis, non *humanum medium*, sed planè *Divinum*; cum illi congregantur, qui Ecclesiarum magistri constituti sunt immediatè & proximè à Christo dicente: *Sicut misit me Pater, & ego mitto vos*; & iterum: *Ite, docete omnes gentes*, &c. &: *Ecce ego vobiscum sum*: ut Ecclesia quæ sit schola Christi, & cætus discipulorum ejus, id verè certòque à Christo didicisse intelligatur, quod uno ore Ecclesiarum magistri doceant.

Quin & ipse Bellarmius assentire cogitur. Cum enim fateatur *definitiones de fide præcipuè pendere ex traditione Apostolicâ & consensu Ecclesiarum*; hinc profecto fit, ut illa consensus ad plenam veritatis fidem necessario requiratur. Quæ si Pontifici pronuncianti desit, nempè deerit illud,

Anon. dē
Libert. &c.
lib. vii. c.
ix. n. 9. &
cap. xiv. n.
2. & pass.
alib.

Bell. loc.
sup. cit. vid.
Lib. vii. c.
vi. & xiv.

Joan. xx.
21.
Matt.
xxvii. 19.
20.

Bell. loc. sup. cit. quod est *præcipuum*, & unde *præcipuè*, teste Bellarmino, definitio pendeat? Quare fateatur necesse est, cum ab Episcopis in Concilium adunatis requiritur illa consensus cum Papâ, non profectò requiri ad Papæ informationem, sed ad invictum communis testimonii ac decreti robur.

Anon. de libert. &c. lib. vij. c. ix. n. 9. Neque magis audiendi sunt, qui Concilia generalia media quædam humana esse voluerunt, ad convincendos confutandosque pertinaces. Scripsit ille toties citatus Autor anonymus, Conciliorum necessitatem eò esse à Majoribus inculcatam, *quia unius, quantumcumque sit dignitatis, judicium esse infallibile, supra humanam rationem est; nec nisi fide ac traditione sciri potest. Quod autem sententia Senatorum toto Orbe congregatorum, nec minùs merito, quàm numero insignium, veritatem attingat, etiamsi fides non doceret, ratio suaderet humana. Ideò Concilium generale pertinacissimis hominibus erat proponendum. Quod si recusarent, rei à nemine non haberentur. Sic ergò Conciliis novo ausu humanam tribuunt autoritatem. At non invenimus à sacris Conciliis, in eo repositam esse vim illam, quæ os omne obstrueret, sed in repromissione Christi dicentis: Vobiscum sum omnibus diebus usque ad consummationem sæculi: sed in certissimâ inhabitatione Divini Spiritûs, cujus præsentiam Sacerdotum toto Orbe præsentium congregatio testaretur: sed in invicto robore traditionis ejus, quam communis consensus declararet. Quæ si præsidia defuissent, quivis cætus humanus eò posset esse perturbator, quò copiosior. Quare firmioribus subsidiis nixi communem traditionem communi Decreto asserendam putabant.*

Matt. xxviii. 20. *Ep. Carlest. act. ij. Conc. Eph. Tom. iij. Conc. pag. 614.*

Anon. &c. lib. vij. cap. xiv. n. 7. 8. Idem Anonymus docet convocari Concilia, quòd *frequenter non de dogmate ipso, sed de personis ferendum est judicium*: cui rei congruant multorum suffragia, & Senatorum numerus, & Senatûs dignitas: scilicet, *ne qua supersit injustitiæ, vel obreptionis suspicio. Addit, circa dogma ipsum, quantumvis certum sit, aliquâ interdum utendum esse œconomiâ, ut libentiùs recipiatur. Quæ quatenùs adhibenda sit, in plurimorum cætu faciliùs agnoscitur.* Quorsùm ista? Certè non agebatur de personis judicandis, neque de eâ œconomiâ, quâ Papæ decreta libentiùs reciperentur, ac suaviùs in animos influerent; non hæc, inquam, agebantur, cum de ipsis Pontificiis decretis quæreretur, an Patrum doctrinæ congruerent, an non; ut in Conciliis ubique factum legimus.

Vid. sup. lib. vij. cap. xj. & seq. xxj. &c.

Bell. loc. sup. cit. Quod autem Bellarminus ait: congregationem Sacerdotum CHRISTI eò esse comparatam, ut Papam dicturum audiant, neque quis ignorantiam decreti prætexat: primùm quidem inutile est, cum aliis modis ita sententiæ promulgentur, ut nemo ignorantiam prætexere possit; tùm verò Patribus contumeliosum est, ut toto Orbe convocati, tanto quidem labore, ac nullo interim necessario officio, Ecclesias suas deserant.

Neque si Pontifex est infallibilis, meritò Episcopi *conquerantur*, ut ait Bellarminus, *se non esse vocatos*; nam post infallibile judicium, inventâ veritate, nullus jam querelæ, sed gratulationi locus. Quis enim conqueratur expeditiore viâ quæsitam veritatem; neque fatigari Orbem Christianum, ad id investigandum, quod ab unius sententiâ pendeat?


Ibid. Jam quod ultimo loco ait Bellarminus: *Alios apertè dicturos, Pontificem errare potuisse*; rem quidem omnem conficit. Rogo enim verène illud dic-

turi sint? Nostra ergò sententia vicit. An falsò, & quidem, teste Bellarmino, eâ falsitate, quæ sit *hæresi proxima*? Cohibendi ergò non audiendi, qui hæc apertè jactarent. Ac si propterea tot Synodi convocandæ erant, quòd multi *apertè* dicant, Pontificem *errare potuisse*; cùm à primis temporibus Synodi convocatæ sint, erant profectò tùm, qui id *apertè* dicerent. Quis verò eos coercuit? Quis docentes reprehendit? Quis vel suspectos habuit, aut schismaticos, aut malè de fide sentientes? Quis verò unquam dixerit, hæresi esse proximum, quòd *apertè* toties, & à tot sæculis in Ecclesiâ prædicatum, & à nullo reprehensum ad nos devenerit?

Certè Cyprianum Stephano reluctatum, vel eo nomine Bellarminus ab hæresi excusatum voluit: *Quòd nec modò censetur manifestè heretici, qui dicunt Pontificem posse errare*. Alias rationes purgandi Cypriani ab Augustino accepimus, suoque loco proferemus. Valeat interim hæc quoque à Bellarmino prolata excusatio; Cyprianum in Parisiensem fuisse sententiâ. Cur ergò Cypriano, schismaticam, erroneam, hæresi proximam (si quidem Bellarmino credimus) sectanti sententiam, Romani Pontifices pepercerunt? An viri dignitatem reveriti, cùm ejus de rebaptizatione doctrinam tam apertè damnarent? Cur verò hanc multo pejorem, si quidem adversariis fidem adhibeamus, immunem relinquebant, futurisque schismatibus aperiebant viam? An illa de Pontifice errante sententia tunc libera erat, proscripita est autem postea? Quo Canone? Quâ Synodo? Florentinâ scilicet, aut Lateranensi ultimâ, aut certè Lugdunenâ? Negamus; pernegamus; temerè id asseri ex actis demonstramus. Cur autem antea actis temporibus Ecclesiâ tacuisset? Cur non Cypriano, totique Synodo Africanæ; cur non Firmiliano, ejusque Collegis cum Cypriano conjunctis palàm denuntiabant, haud licuisse illis ab infallibili Papæ judicio discedere? Cur non idem significabant sibi conjunctissimo Augustino illos excusanti, eo tantùm nomine, quod res nondùm erat Concilii generalis autoritate decisa? Malè profectò veritati, malè publicæ saluti, malè unitati consultum est, si errorem periculosissimum, de Papâ infallibili, quo totum Ecclesiæ statum convelli putant, viri quidem sanctissimi, primis sæculis docuissent; eum verò Ecclesiâ vix postremis sæculis coerceret.

Bell. ib.
de R. P.
lib. iv. cap.
vii.
Vid. diff.
præv. num.
lxvij. &
seq.

Vid. sup.
lib. vj. cap.
c. xvij.



DEFENSIO



DEFENSIO DECLARATIONIS
CLERI GALLICANI,
DE ECCLESIASTICA POTESTATE.

LIBER NONUS.

De quæstionibus præsertim fidei, extra Concilia generalia;
per consensum Ecclesiæ definitis.

CAPUT PRIMUM.

Consensionis universalis vis & autoritas ante omne iudicium Ecclesiasticum: multo major, cum Romani Pontificis decreta, nullo reclamante, obtinent.



U I D gestum sit in Synodis œcumenicis, maximè ad dijudicandas fidei quæstiones, Synodica hætenùs acta docuerunt. Nunc quomodo sine Synodis œcumenicis subortæ quæstiones terminari potuerint, eàdem quam secuti sumus traditione Patrum facile expediemus.

Et quidem nostri Censores eò maximè se efferunt, quòd multæ hæreses, sine Concilii universalis examine, solà Romani Pontificis autoritate damnatæ, summam ejus & ineluctabilem auctoritatem probent; qui nec illud advertunt, multas hæreses, ut sine Conciliis œcumenicis, ita sine speciali Romani Pontificis definitione damnatas atque extinctas fuisse. Locus Au-

Aug. lib.
iv. ad Bo-
nif. c. xii.
n. 34. Tom.
x. p. 492.

gustini in eam rem clarus ac notus: *Nunquid congregatione Synodi opus erat, ut aperta perniciēs damnaretur; quasi nulla hæresis aliquando, nisi Synodi congregatione damnata sit: cum potius rarissima inveniuntur, propter quas damnandus necessitas talis extiterit; multoque sint atque incomparabiliter plures, QUÆ UBI EXTITERUNT, ILLIC IMPROBARI, DAMNARIQUE MERUERUNT; atque inde per ceteras terras devitanda innotescere potuerunt.* Perpendant illud: *ubi extiterunt, illic &c.* atque illud, *inde devitanda &c.* nullâ graviore à Romanâ Sede censurâ mentione. Neque enim Ecclesiæ talem sententiam expectarunt, ut Manichæos (a), Ophitas, Collyridianas illas, Tertullianistas, aliasve sive manifestè impias, sive obscuras levesque sectas, per loca excitatas, aut horrerent, aut contemnerent: neque dignæ sunt habitæ, propter quas Romani se Pontifices commoverent. Ergo ne singulares Ecclesiæ, à quibus statim rejectæ, aut etiam oppressæ sunt, ineluctabili autoritate gaudebant? Minimè: sed profectò sic habet: semel constituto hoc certo dogmate, vim illam ultimam & ineluctabilem unitate & consensione constare; id quoque valere quocunque modo se illa consensio declaraverit, sive Concilia congregentur, sive non congregentur.

Scilicet Divino numine constitutus Petri successor Romanus Pontifex, Episcopalis Collegii, totiusque Catholicæ communionis Princeps, ubi res tanta est, atque ipsi videtur ejusdem Ecclesiæ tuba factus, fratrum omnium & coepiscoporum sensum, in eoque communem omnium Ecclesiarum Traditionem, ab Apostolicâ Sede annunciat illis, qui longè sunt, & illis qui sunt propè; quo planè ritu Petrus, rogante Domino Apostolos: *Quem vos me esse dicitis?* Unus pro omnibus respondit: *Tu es CHRISTUS, filius*

Matt. xvi. *Dei vivi.*

15. 16.

Ep. Syn.
Episc. Gall.
ad Leon. T.
iiij. Conc. p.
1329. & int.
Leon. post.
ep. lxxvi. al.
xcviii.

Vid. in
append. lib.
iiij. c. ij.

Cum ergo Petri successor ita ex communi traditione pronunciat, ut in ejus sententiâ *recognoscant omnes fidei suæ sensum*, ut in Leonis epistolâ quondam Gallicani Patres; tum sit illa consensio, quæ judiciis Pontificiis firmum & indeclinabile robur conciliet.

Quod autem Nicolaus Dubois aliique, hujus consensûs publica instrumenta quærunt, Nunciosque ac literas ad eum explorandum ubique dimissas, atque immensos labores sumptusque cogitant; næ illi vani sunt. Quis enim nesciat, id quod jam à nobis dictum est, ut in omnibus Regnis, ita

(a) *Manichæos, &c.* Omnibus notum est qui fuerint Manichæi, & quem errorem impium juxta & insanum duorum principiorum invexerint. Ophitæ illi dicebantur, qui ex Sectis Nicolaitarum & Gnosticorum oriundi, serpentem divino cultu venerabantur. Colliridiani IV. sæculo prodierunt. Illi Beatæ Virginis Sacerdotes constituerunt quasdam mulieres, quibus solis jus esset offerendi DEÆ VIRGINI placentas. Nam cum beatam Virginem plus æquo colerent, eò demùm devenerunt, ut illam Deam adorarent. Vid. Epiph. Hæc. lxxvii. lxxviii. Nemo est qui nesciat Tertullianistas, & magnum illum virum Tertullianum, tot rebus bene gestis adversus Paganos, tot victoriis adversus hæreticos nobilem, ab Ecclesiâ ad Montani partes descivisse, hujus atque etiam Priscillæ & Maximillæ infanientium Prophetissarum deliramenta defendisse; quippe Montanum credidit fuisse Paraclerum à Deo missum, eò ut Ecclesiam, à Christo inchoatam tantum, ille petficeret. Deinde Montanistarum Sectæ desertor Tertullianus, ipse hæreticos caput fuit, quæ ejus nomine *Tertulliana* dicta est. Vid. vit. Terrull. ap. D. de Till.

in Regno CHRISTI, id valere vel maximè, quod nullo instrumento consignatum, populorum omnium usu sensuque constet? Sic in successione omnium per Orbem Principum suæ leges: apud nos Salica, aliæ apud alios, ipsâ Populorum consensione obtinent; irritique essent, qui earum legum peculiariora instrumenta reposcerent. Sic ipsum jus gentium, sic illa de bello ac pace deque Legatis sacro-sanctis jura, aliaque id genus, nullo alio instrumento, quàm publicâ generis humani voce vigent.

Neque verò Ecclesia sub Rege CHRISTO pejore loco erit, quàm Regna terrarum, Resque publicæ omnes, ubi tot tantisque in rebus eminent vigetque nullo instrumento testata consensio: quæ profectò in Ecclesiâ eò magis viget, quò est ejus per Spiritum magistrum veritatis firmiùs atque arctiùs nexa compages. Et quidem cùm Augustinus, cùm Vincentius Lirinensis, cùm alii omnes Patres, Hæreticis ac Schismaticis communem universalis Ecclesiæ fidem; cùm consuetudines, cùm dogmata toto Catholico Orbe vigentia toties objecerunt; quis ab eis poposcit, quos misissent Nuncios, quas accepissent literas, aut quæ consensionis ejus, quam legis instar haberi volebant, instrumenta proferrent? Nempè hæc nostro ævo deliria servabantur.

Sunt enim profectò quædam tam clara, tam aperta, ut ea pernegare nē contumaces quidem audeant. Est quædam Ecclesiæ Catholicæ vox, quæ quocumque locorum diffunditur, quam etiam ante omnem dictam sententiam Catholici audiunt, novatores contremiscunt. Quantò magis, cùm prolatum judicium ab altissimâ Petri Sede, ad omnes perlabitur Ecclesias?

Desinant igitur sibi & nobis illudere, agnoscantque consensum illum, quem Galli cum totâ Ecclesiâ prædicant, cùm prolata à Romanis Pontificibus dogmata, reclamante nullo, ipsâ traditionis vi, ipsâ ut ille dicebat, CONSANGUINITATE DOCTRINÆ, in corpus Ecclesiæ coalescunt.

Tertull.
de Præser.
hæret. cap.
xxxii. edit.
Prior. pag.
213.

C A P U T I I.

Locus AUGUSTINI de Pelagianis CAUSA FINITA EST: quænam illæ causæ sint, quæ sine Synodis finitæ intelligantur: duo Actorum loci comparantur: causæ Pelagianæ status ex Augustino: sufficiens judicium eidem Augustino quid sit: Capreoli Carthagenensis locus: Concilii Ephesini de Pelagianis decretum.

HANC verò communem & pervulgatam esse controversiarum finiendam viam, qui non intelligit, eum pacis inimicum, & omnis Ecclesiasticæ rei imperitum esse profiteor. Quare meritò Sanctus Augustinus de Causâ Pelagianâ loquens hæc prædicat: *Jam enim de hac causa duo Concilia * missa sunt ad Sedem Apostolicam: inde etiam rescripta venerunt; causa finita est.* Rectè atque omninò ex Ecclesiasticâ disciplinâ. Neque enim quâvis subortâ questione sollicitandus Orbis terrarum, aut generalia Concilia statim convocanda sunt. Sed tantùm ex certâ causâ, si graves per Orbem diffensiones oriantur, si aliter non videtur coalitura pax. Sic enim ab Aposto-

August.
serm. cxxxv.
de verb. E-
vang. Joan.
al. ij. de
verb. Apost.
c. x. n. 10.
T. v. p. 645.
*Cartha-
ginense nē-
pè & Mile-
vitanum.

licis usque temporibus factitatum esse probavimus. Enim verò primum illud Apostolicum Concilium in Apostolorum actis non ex eo præcisè collectum vidimus, quod suborta esset quæstio, sed post ipsam quæstionem, *factâ seditione non minimâ*. Hinc ad sedandas turbas collecta Synodus, & expressè omnium quæsitæ sententia est, extititque illud ex communi consensione decretum, cui jam omnes pii acquiescerent. At ubi nulla erat contentio similis, *Ib. 1. 15. Exurgens Petrus in medio fratrum dixit: viri fratres oportet impleri Scripturam*: de Judâ traditore scilicet, & in ejus locum alio eligendo: quæ cum omnibus manifesta visæ essent, & locus Scripturæ luce ipsâ clarior, nullius postea exquisita sententia est, sed in Petri sententiam, vel ipso silentio, omnes abiêre; atque uti dixerat, ita sunt executi: quæ deinde ad nos, & ad securam ætatem manasse vidimus; nempe ut subortâ quæstione, Petrus omnium Princeps eloquatur: Petrus, inquam, ille, Petri successor, cui totus grex credirus; quo cum communicant omnes Ecclesiæ; quique adeo conscius communis traditionis, communi eam nomine ab alio depromit, ac pro potestate læsam veritatem vindicat. Hanc si omnes recognoscant, tùm in Petri decreto communem omnium, totiusque Ecclesiæ sententiam venerantur: sin autem oriantur *graves seditiones*, fratresque inter se, maximè verò Episcopi atque Ecclesiæ collidantur; tùm verò recurratur ad commune Concilium; & communis fides communi & expressâ Apostolorum sententiâ, Spiritu Sancto autore, declaretur: quo certè in cœtu, pro officii sui amplitudine, sit Princeps ipse Petrus; ceterùm communi sententiâ judicium proferatur.

Quæ non eò dixerim, ut in omni quæstione, statim ac primo loco, Petri successor, longè licèt positus, ab extremo Orbe sit interpellandus, interim alii Episcopi, quorum in Ecclesiis suborta sit quæstio, conticescant, utque ipsâ morâ hæresis invalescat. Non ita sancti Patres, quorum acta perlegimus. Habent enim Episcopi omnes à Christo, ut docendi Cathedram, ita virgam coercendi & ligandi auctoritatem. Sed cum judicârint, ad Petrum referant; vel si omittant officium, aut tanta persona sit, quæ facile coerceri non possit, aut alia ejusmodi causa subfit, ultrò Petrus insurgat, suoque ac narivo cursu ab eminentissimâ Sede, per pacaram Ecclesiam feratur veritas: *Causa finita est*, teste Augustino, nihilque addendum ultra, nisi quod ipse subdit: *Utinam aliquando finiatur error*.

Aug. loc.
mox. cit.

* Id. de
Bapt. cont.
Donat. lib.
ij. c. iv. n.
5. Tom. ix.
p. 98. vid.
sup. Diss.
præv. n.
LXXj. & seq.

Neque enim aut Petri sede sedes ulla est altior, quò quæstio deferatur; aut verò Petro major ullus Apostolus; aut ullum erectum est tribunal Augustius, quod quidem ordinariè consistat in Ecclesiâ. Nam Synodus œcumenica non assidue sedet, nec nisi ex causâ, eâque rarissimâ; neque ulla lex jubet, ullave consuetudo, ut ad eam referantur quæcumque quæstiones, de magnâ quamvis re; sed de re obscurâ ancipitique, ac magnis altercationum nebulis involutâ, uti Augustinum ipsum exponentem audivimus, ac sæpè audiemus. Nempe si talis nulla causa adsit, *causa finita est*: hæc nativæ, hæc communis, hæc pervulgata via est. Ceterùm ex certâ causâ, subortis dissensionibus, alia extra ordinem, legitima tamen atque solennia quærenda sunt; Concilii scilicet generalis auctoritas.

Id nos Ecclesiastica gesta docuerunt. Sic enim profectò adversus Nesto-

rium ; executore Cyrillo , Cælestini sententia secundum canones valitura erat , nisi graves postea motus extitissent. Ubi commotus est Oriens , scissæque sunt Ecclesiæ , convocatur Synodus * ; nil repugnante Cælestino ; imò etiam comprobante ; atque ejus sententia , eo quo vidimus ordine retractatur.

Sic paulo post , in ipsis Eutyrianæ hæreseos initiis , sanctus Flavianus ** ad sanctum Leonem scribebat , nil Concilio opus esse , sed solâ sancti Pontificis sententiâ. Ipse etiam Leo ad Imperatorem : *Causam tam evidentem esse , ut meritò à Concilio fuisset abstinendum*. Non enim magnam causam negabat esse : imò verò maximam agnoscebat , de duabus scilicet in Christo naturis ; sed tamen *evidentem* nullisque adhuc , ut Augustini verbis utar , *altercationum nebulis involutam* : quare absque Concilio facile transigendam , atque omnino Leonis decreto finiendam , si omnes Ecclesiæ consensissent.

Hinc sancti Augustini verbis de causâ Pelagianâ indubia fides : *Ad sedem Apostolicam duo Concilia missa sunt , rescripta venerunt , causa finita est* : ipso scilicet Episcopalis Ordinis , totiusque Ecclesiæ cum Apostolicâ sede consensu manifesto. Neque enim , ut idem Augustinus ait : *Congregatione Synodi* (universalis utique) *opus erat , ut aperta perniciēs damnaretur*. Vide quàm diligenter dictum : *aperta perniciēs* : id namque est quod postea , à Leone dicebatur , *tam evidentem causam* * *esse , ut meritò à Synodo abstinendum videretur*. Sic ubique sibi consentit Ecclesia. Pergit porro Augustinus : *Quasi nulla hæresis aliquandò nisi Synodi congregatione damnanda sit ; cum potius rarissimæ inveniantur , propter quas damnandas necessitas talis extiterit*. Cur autem Pelagiani non eam Ecclesiæ necessitatem inferrent , eorum paucitas faciebat , quorum scilicet , eodem Augustino teste , *profanas novitates , Catholica aures , quæ ubique sunt , horruerunt*. Augustinus eos propter paucitatem , Maximianistis , exiguo ac vili Donatistarum frustulo comparabat. Quin ipse Julianus conscius paucitatis , hæc jactabat passim : *Multitudinem nihil prodesse cæcorum ; honorandam paucitatem , quam ratio , eruditio , libertasque sublimat*. Sed elegantem licet vaniloquentiam orthodoxi aspernabantur , nempe toto Orbe prædicabatur vera fides ; in angulo Orbis , quatuor vel quinque Episcopi susurrabant , sive allatrabant. At propter eos , *Orbem Catholicum commoveri* , quamquam eam *captabant gloriam* , Augustinus non ferebat : & Sanctus Flavianus eodem spiritu , Eutyrianorum initiis Synodum universalem denegabat , ne sanctæ Ecclesiæ turbarentur.

Hinc illud beati Augustini ad Pelagianos : † *Quamvis dederit vobis Ecclesia Catholica judicium , quale debuit , ubi causa vestra finita est , &c.* Audin ? judicium quale debuit , tantæ scilicet paucitati , & in apertâ perniciē , ut supra vidimus. Quo etiam spectat illud ab eodem Augustino proditum : non jam audiendos eos * *post factum illis competens sufficiensque judicium*. Quid sit autem illud *sufficiens judicium* , ex rerum motibus pender. Nempe Cælestinus , Cyrillus , Flavianus , Leo adversus Nestorium & Eutycherem ,

* Ephesina.
Sup. Lib.
vij. cap. ix.
& seq.

** C. P.

Conc.
Chalc. part.
i. ep. iv.
T. iv. p. 15.
int. Leon.
post ep. xxj.
ib. ep. xvij.
int. Leon.
xxxij. al.
xvij.

Aug. Lib.
iv. ad Bonif.
c. xij.
n. 34. Tom.
x. p. 492.

* Eutychetis.

Id. Lib.
ij. cont. Jul.
c. 1. n. 1.
ib. p. 525.
vid. c. x. &
pass. & im-
prim. l. 4. ad
Bonif. c. xij.
n. 32. pag.
492.

Ib. Lib.
ij. cap. 1.
n. 5. p. 555.
Jul. apud
Aug. ib. l.
ij. c. x. n. 35.
36. p. 650.

Aug. ad
Bonif. Lib.
iv. c. xij. n.
34. p. 493.
Ep. Flav.
ad Leon.
Mag. Tom.
iv. Conc. p. 15. vid. sup.

† Aug. Lib. iij. cont. Jul. c. 1. n. 5. p. 555.

* Id. ad Bonif. loc. jam. cit.

in ipsis initiis *sufficiens* putabant Sedis Apostolicæ judicium; sed quod ex se *sufficiens* videbatur, id gliscentibus odiis, & in grave schisma erupturis, jam non est *sufficiens*; collectâque universali Synodo opus fuit. Non ita res se habebant adversus Pelagianos; sed datum à Synodis Africanis, Sede Apostolicâ comprobante, judicium *sufficiens* fuit; quia totius Orbis consensus accessit. Sic conveniunt omnia, & Ecclesiastici regiminis forma, magis magisque illucescit.

Hinc etiam patet, quam benè conveniat Gallis cum Beato Augustino, atque Africanis Patribus. Nempe Africani Patres agnoscebant in condemnandis Pelagianis eminere debuisse Sedis Apostolicæ auctoritatem, à sanctarum Scripturarum *autoritate manantem*. Hunc sensum Episcopi Gallicani suâ Declaratione complexi, profitentur *Primatum Petri, ejusque successorum à CHRISTO institutum*; quo jure in decidendis fidei quæstionibus primas esse Romanæ Pontificis partes, ejusque decreta ad omnes & singulas Ecclesias pertinere docent. Jam illud quod subdunt; illud irreformabilis judicii robur, in Ecclesiæ Catholicæ consensu esse repositum, haud minùs ab Africanis Patribus accipere. Nempe Augustinus ideo à Pelagianis frustrâ peti contendit universale Concilium, quòd in hoc fidei firmissimo & antiquissimo fundamento (b), ipsa toto Orbe diffusa à se non discrepat multitudo. En in quo ineluctabilis judicii robur collocet; nempe in consensu Orbis, & quidem in eo consensu apparere vel maximè oportebat earum Ecclesiarum consensum, ad quas lues Pelagiana pervenerat. Unde Augustinus passim memorat, Pelagianam hæresim, à Romanæ Sedis Præsulibus, Innocentio, Zozimo, Cælestino, cooperatoribus Synodis Africanis toto Orbe damnatam: Quo factò nulla amplius, etiam œcumenicæ Synodi inquisitio superesset.

Vid. Aug. pass. & ep. Conc. Cart. ij. cont. Pelag. an. 416. T. ij. Conc. p. 1533. & seq.

Declar. Cler. Gall. 1582. Præf. c. 1. & iv.

Aug. Lib. 1. cont. Jul. c. vij. n. 32. p. 516.

Aug. ep. cxc. ad Opt. & pass. cont. Pelag.

Vid. diss. præv. num. lxxvj. & ep. Capr. int. act. Syn. Eph. Tom. iij. p. 532.

Conc. Eph. act. v. relat. ad Cælest. p. 666. 667.

Id verò Capreolus Carthaginensis proficitur in eâ epistolâ alio loco memoratâ. Si quid, inquit, fortè novarum controversiarum inciderit, id discussioni subjiciatur oportet. At verò si quis ea quæ jam olim dijudicata sunt, de nuò ad disputationem vocari sinat, is sanè nihil aliud facere censebitur, quàm de fide, quæ hætenus viguit, dubitare. Dogma Pelagianum jam ubique damnatum ad examen Synodi revocari vetat. At cur Nestorianum à Cælestino damnatum ei examini subjicit? Nempe quod nondum Nestorianos oppresserat ea, quam Capreolus adversus Pelagianos commendaverat, Apostolica Sedis auctoritas, & sacerdotum omnium consonans sententia.

Quòd autem postea in Ephesinâ Synodo generali Pelagianorum causa tractata est, nil omnino pertinet ad fidei quæstionem. Sic enim eâ de re Ephesini Patres, absolutâ Synodo, ad Cælestinum scribunt: Perlectis in sanctâ Synodo commentariorum actis, in depositione impiorum Pelagianorum & Cælestini

(b) *Fundamento.*] Illud fundamentum in eâ doctrinâ fidei erat positum, quam Julianus Pelagianus repudiabat: nempe per baptismum peccata remitti etiam parvulis, qui sic fiunt filii Dei; quod dogma Augustinus acriter simul & invicè adversus Julianum defendit. Id enim, inquit, divites & pauperes, excelsi atque infimi, docti & ignari, mares & seminae novæ . . . unde etiam matres, non ad CHRISTUM tantum; id est ad UNCTUM, sed ad CHRISTUM JESUM; id est etiam SALVATOREM cum parvulis currunt. Christus autem, ut passim docet idem Augustinus, parvulorum non esset salvator, si ipsi peccata non haberent, neque redemptor, si servi non essent. Vid. loc. cit. & Lib. de Bapt. ad Marcell.

rianorum, quæ à pietate tuâ de ipsis constituta sunt judicavimus, & nos solida firmaque permanere debere, & omnes idem tecum statuimus, eos pro depositis habentes. De depositione agitur, quam per calumniam factam Julianus & alii jactitabant; perlectique sunt commentarii, sive ad gestorum fidem, sive ad qualemcumque inquisitionem, ne deinceps importuni homines Ecclesiam fatigarent. Hinc editi Ephesini Canones I. & IV, quibus Cælestiani pro depositis haberentur. Ita quibus nulla Synodus data esset, horum causa per Synodum aliâ occasione factam ad qualemcumque examen revocatur; sed ut obstinatis tolleretur etiam extremum illud, quod spem de Synodo hucusque gesserunt. Verba sunt Cælestini Ephesinam Synodum collaudantis. Sic post Ephesinum Concilium, præfractæ confidentiæ homines spem omnem recuperandæ Sedis amisere. Tanta Synodi autoritas est! Cæterum de fide jam assertâ quæsitum fuisse, neque gesta indicant, neque eâ de re quisquam cogitavit; & quæstio Pelagiana quod ad fidem attinet, sine ullo œcumenicæ Synodi judicio, omnium Ecclesiarum consensione finita est.

Ibid. act.
vij. p. 804.
805.

Ep. Cæ-
lest. ad Sy-
nod. Ephes.
part. iij. c.
xx. p. 1071.

C A P U T III.

*Quæ causæ sine Synodo finire possint, quæ finire non possint, ex
Santo AUGUSTINO & quæstione rebaptisationis ostenditur.*

ALIA verò causa est, quam Augustinus tractat, unde dictis nostris magna lux; certòque comperiemus quid sit illud Augustini: *Causa finita est.* Causam illam nobilem de rebaptisatione inter Sanctum Stephanum Papam, Sanctumque Cyprianum Carthaginensem Episcopum, utrosque Martyres, intelligo: de quâ controversiâ sic scribit Eusebius: *Primus omnium Cyprianus, non nisi per baptismum, ab errore prius mundatos admittendos censuit; verum Stephanus nihil adversus Traditionem, quæ jam inde ab ultimis temporibus obtinuerat, innovandum ratus, gravissimè id tulit.*

Euseb.
hist. Lib.
vij. cap. iij.
ed. Valef.

Constat sancti Stephani decretum his verbis editum: *nihil innovetur, nisi quod traditum est*; hoc est, præter id quod traditum est: vel *nisi quod traditum est*, esse innovandum; nempe ut *reversis ab hæresi, manus imponatur ad pœnitentiam*. Illam enim manus impositionem, non sanè baptismum ipsum innovari atque iterati posse, antiqua Traditio docebat.

Ep. Cyp.
lxxiv. pag.
314. edit.
Amstelod.
1700.

Constat Cyprianum decreto obstitisse, quamvis Stephanus non tantum suavisset, sed etiam pro potestate egisset; neque solùm Cypriano, ad ista non consensisse, verum etiam contra scripsisse atque præcepisse. Verba Augustini sunt, autoritatem Cathedræ demonstrantis. Quantâ autem autoritate Stephanus egerit, satis ostendunt illa Firmiliani: *Stephanus qui loci sui honore glorietur, & Cathedram Petri tenere se dicit, super quem Ecclesia edificata est &c.* Huc accedunt illa in Concilio Carthaginensi à Cypriano prolata verba, ne Stephani autoritas aliquam Patribus necessitatem injecisse videretur: *Nemo enim inter nos Episcopum se Episcoporum contendit, aut tyrannico terrore ceteros adigit ad obsequium.* Quibus verbis Cyprianus non negat Stephani

Aug. de
Bapt. con-
Donat. Lib.
v. c. xxij.
n. 30. Tom.
ix. p. 156.
Ep. Firm.
int. Cyp.
lxxv. pag.
324.
Conc.
Carthag. an

256. præf. Primatum à Petro profectum, quem ubique asserit; sed potestate abusum; in errorem deflexisse contendit, eoque nomine vehementissimè reluctatur. apud Cyp. p. 158. & Inde argumentum pro Parisiensium sententiâ alibi jam tractatum, sed hîc T. I. conc. necessario repetendum. Quod sanctus Cyprianus hæreticos rebaptizavit, p. 786. omnes postea erroris arguerunt; quod Stephanum Papam docentem Episcopos ac de fide præcipientem, errare potuisse crediderit, nemo succensuit; Dissert. præv. num. ergo quantum illa de rebaptizatione sententia culpabilis, tantum hæc de lxvij. & Romano Pontifice culpâ vacat. Quid quod Augustinus apertè excusandum putavit Cyprianum, qui errasset, antequàm obscura quæstio *tantis altercationum nebulis involuta, ad plenarii Concilii auctoritatem, roburque perducta* est. Ergo existimabat ad captivandum intellectum, Stephani Papæ decretum, atque auctoritatem non suffecisse solam. Quin ipse Augustinus veræ de hæreticorum baptismo doctrinæ assertor egregius, quod ad auctoritatem Pontificii decreti attinet, Cypriani sententiam apertè sequitur: *Neque nos, inquit, tale aliquid auderemus asserere, quale Stephanus jussit, nisi Ecclesia Catholica concordissimâ auctoritate firmati: cui & ipse (Cyprianus) sine dubio cederet, si jam illo tempore veritas eliquata per plenarium Concilium solidaretur.* Cui auctoritati Cyprianus ex certissimâ fide cessurus fuisset; cui Augustinus ipse in re obscurâ cederet verba demonstrant: nempè *Ecclesia Catholica concordissimâ auctoritati, Concilio plenario, ex Orbe Christiano, ut semper inculcat, vel ut idem loquitur, sancto Concilio cunctarum gentium.* Ad id provocat post ipsum Pontificale decretum, in eoque acquiescit.

En ergo quod sit illud: *Causa finita est.* Finita quidem est, ubi aperta quæstio est, & ubique consensus, ut in Pelagianâ causâ vidimus: finita verò non est, *magnis altercationum nebulis involuta.*

CAPUT IV.

Sancti STEPHANI Papæ contra rebaptizationem decretum, totâ Sedis Apostolicæ auctoritate factum, & tamen Concilii generalis sententiam meritò expectatam: sancti AUGUSTINI loci.

Bellarmin. de R. P. L. iv. c. vij. **H**ic censores nostri oppidò conturbati, in partès se scindunt. Respondet Bellarminus, excusatum Cyprianum, quia *Pontifex noluit rem de fide facere sine generali Concilio.* Et tamen pro Cathedræ auctoritate præcepit, & decretum condidit, & ad omnes misit Ecclesias; eaque res erat, ut aliud sentientes abstinendos putaret. Disertè Augustinus: *Putaverat abstinendos, qui de suscipiendis hæreticis præscam consuetudinem convellere conarentur.* Ac si postea se repressit, non idè intelligitur mutasse sententiam; sed executionem prudentiâ temperasse, aut in aliud tempus distulisse. Hoc quidem non privati Doctoris officium est.

Cæterùm de abstinendo exiisse decretum illa indicant, quibus Cypriani Ep. Firm. Legatos (c) Romæ à Sancto Papâ Stephano, non modò hospitio fratrum,

(c) Legatos] Cypriani Firmilianus dicit sic à Stephano susceptos fuisse, *ut eos nec ad ser-*
sed

Sed etiam omni Ecclesiæ recto submotus Firmilianus testatur. Lupus ipse sic scribit : *Sanctum*, inquit, *Firmilianum Casareensem in Cappadociâ Archiepiscopum Ponticæ Diocæseos Primatem*, *Sanctus Stephanus Pontifex communionem suspendit*. Idem Lupus Sancti Srephani rescriptum, *summâ & irrefragabili Scd.s Apostoli. & autoritate* editum esse conrendit.

ad Cypr.
int. Cyp.
LXXV.
Chrift.
Lup. in
Doct. Lov.
relat. p. 50.

Sed age ur vis ; quâvis distinctiunculâ causam istam, quasi in scholastico pulvere tueare. Certe Augustinus, non id quod ru profers, Cypriano excusationi obrendebat ; non ad aliud majus aut luculentius Papæ judicium provocabat : Concilii generalis, totiusque Ecclesiæ Catholicæ appellabat fidem ; in eâ autoritate fidei certitudinem reponebat. Hic hæreant necessè est, vel alia excogitent.

CAPUT V.

Non tantum pertinaces, sed Sancti post Papale decretum, aliud quid considerant.

ET quidem Augustinus, atque, Augustino interprete, Cyprianus ; ab universali Concilio, non elucidationem obscuræ quæstionis expectabant tantum, quamquam & illam quoque, sed autoritatem ac robur. Undè illud : *Res ad plenarii Concilii autoritatem roburque perducta est* ; & illud : *Potentior veritas de unitate veniens* ; & illud : Cypriani sententiam *Catholicus Orbis terrarum robustissimâ firmitate consensionis exclusit*. En quam autoritatem, post Papæ decretum, non hærecici & pertinaces, sed Sancti Sacerdotes Cyprianus & Augustinus expectent.

Quòd autem autor anonymus Cypriano tribuit, tolerari omninò non potest : nempè ut quoniam sanctus Martyr dixit, se non ab altero, sed tantum à Christo judicari posse, ideò existimârit se ab omni non modò Romani Pontificis, sed etiam Concilii œcumenici correptione immunem ; quod si Cyprianus sensisset, inexcusabilis proterviæ reus esset. (d) Hæc ergò

Aug. de
Bapt. cont.
Donat. Lib.
ij. c. iv. n.
5. Tom. ix.
p. 98.
Ibid. Lib.
ij. c. ij. n.
2. p. 108.
Anon.
Lib. vij. c.
vii. n. 9.
Cypr. in
Præf. Conc.
Carth. iij.
int. ejus o-
per. p. 158.
& Tom. 1.
Conc. pag.
786.

monem colloquii communis admitteret, adhuc i super . . . præciperet ne quis eos in domum suam reciperet, adès ut pacificè venientibus, non solum pax & communio, sed & tectum & hospitium negaretur. Vid. epist. Firmil. loc. cit.

(d) *Inexcusabilis proterviæ reus esset.* Cypriani locum à D. CHARLAS pessimè objectum Augustinus bis recenset : 1°. Lib. II. de bapt. cont. Donat. cap. III. Tom. IX. p. 94. & continuo addit : *Nunc se, si audent, superbe & tumide cervicis hæreticorum adversus sanctam humilitatem hujus sermonis extollant* ; ut Augustinus sanctam humilitatem Cypriani admiretur in iis verbis, in quibus Charlas inexcusabilem proterviæ reprehendit. 2°. Augustinus ibid. Lib. III. cap. 3. n. 5. p. 110. eadem Cypriani verba sic interpretatur : *Utinam utique in his quæstionibus, quæ nondum eliquatissimâ perspectione discussæ sunt* ; quo significat, Episcopum ab alio Episcopo judicari non posse, de obscuris quæstionibus quæ nondum discussæ fuerint ; proindeque non potuisse cogi Cyprianum sub excommunicationis metu, cum Stephano consentire in obscurâ illâ rebaptizationis quæstione. Hæc igitur sentit Cyprianus, teste Augustino, qui profectò sancti Martyris animum & mores melius perspectos habuit, quam novissimus Ille tam egregii Doctoris infectator. Et quanquam Cyprianum Augustinus non ita interpretaretur, ipsius Cypriani libri satis nobis essent ad propulsandam D. CHARLAS calumniam. Ex his virum cognos-

ad certos casus extraordinarios redigenda ; neque cum *ab alio* se judicari posse negat , existimandum est , eâ voce , *alio* , Ecclesiæ Catholicæ aut etiam Concilii generalis excludi auctoritatem . Certè Augustinus ei auctoritati cessurum Cyprianum docet ; atque in hac quæstione , non alteri auctoritati cedentem , non modò ipse probat , sed etiam imitatur .

CAPUT VI.

Quæstionem rebaptizationis à Cypriano & affectis inter adiaphora non fuisse repositam.

Doct. Lov.
p. 56.

AUTOR libelli de *Doctrinâ Lovaniensium* aliter expedire se conatur : nempe ait , Cyprianum , Firmilianum , aliosque sequaces Episcopos , persuasos fuisse quod Stephani rescriptum non fuerat iudicium definitivum , eò quod rem illam haberent pro adiaphorâ . Atque iterum : Hoc sibi voluerunt Cyprianus , Firmilianus & alii , Helenus , Dionysius , Augustinus , qui affirmant , Stephanum non de dogmate , sed de aliarum gentium moribus & factis iudicasse : potuisse illic libi , ideòque ejus usque ad Synodum Nicenam iudicio impune atque innoxie non fuisse obeditum .

Conc.
Carthag. n.
3. int. Cyp.
oper. pag.
159 161.
Ibid.
Ibid.
Ib. p. 162.
Ib. p. 163.

Hæcine à doctis viris proferri potuisse ? Habebant hæc Cyprianus , Firmilianus & eorum sequaces pro adiaphoris atque indifferentibus ; nempè cum , facto Concilio LXXXVII. Episcoporum , pro sententiâ hæc dicerent : Episcopus quidem ordine tertius : *Qui hæreticorum baptisma probant , nostrum evacuant* : Octavus decimus : *Secundo baptisate* , (in Ecclesiâ dato scilicet) *qui non fuerit baptizatus , Regno Cælorum fiet alienus* : Vigésimus : *Qui hæreticorum baptisma probat , quid aliud quàm hæreticis communicat ?* Vigésimus primus : *Quot sint baptismi , viderint aut presumptiores , aut fautores hæreticorum . Nos unum baptisma , quod non nisi in Ecclesiâ datum novimus , Ecclesia vindicamus* : Vigésimus tertius : *Si non obtemperat error veritati , multò magis veritas non consentit errori* : Quadragesimus septimus : *Me non movet , si aliquis Ecclesiæ fidem & veritatem non vindicat , quando Apostolus dicat , QUID ENIM SI EXCIDERUNT A FIDE QUIDAM ILLORUM ?* Quinquagesimus octavus : *Non sibi blandiantur qui hæreticis patrocinantur : qui pro hæreticis Ecclesiastico baptismo intercedit , illos Christianos & nos hæreticos facit* : Sexagesimus primus : *Qui hæreticis Ecclesiæ baptisma concedit & prodit , quid aliud sponse Christi quàm Judas existit ?* Sic eam quæstionem inter indifferentia reponebant .

Rom. iij.
2. 3.
Conc.
Carth. pag.
165. loc. cit.
Ibid.

Huc accedit , quòd suam sententiam non humanis ratiociniis , sed di-

cimus naturâ lenem , ingenio facilem , Christianâ humilitate ab omni arrogantia remotissimum , qui passim doceat in Ecclesiâ ad unitatem omnia referri oportere , ut ab unitate omnes quæstiones dissolvantur & rescendant : quo posito , sequitur Episcopum , qui sanæ doctrinæ adversaretur , ab unitate judicari semper posse & corrigi . I terea mihi amar in ipsâ urbe Româ typis mandari tales sanctorum Patrum contumelias , & D. Cyprianum , hominem cum doctrinâ & sanctitate , tum maximè mirâ modestia spectatissimum , ab eo D. CHARLAS *inexcusabilis protèrvie reum* accusari .

vinis testimoniis muniebant. Legant Cyprianum quicumque dubitaverint; audiant Episcopos in Concilio Carthaginensi ita decernentes: Quintum: Baptisma, quod dant hæretici & schismatici, non esse verum, ubique in Scripturis sanctis declaratum est; & secundum Scripturarum sanctarum auctoritatem decerno, hæreticos omnes baptizandos: Octavum: Lectis literis Cypriani dilectissimi nostri, qua tantum in se sanctorum testimoniorum descendentium ex Scripturis deistis continent, ut merito omnes per Dei gratiam adunati consentire debeamus; censeo omnes hæreticos & schismaticos, qui ad Ecclesiam Catholicam venire voluerint, non ante ingredi, nisi exorcizati & baptizati fuerint. Quare cum errorem damnant, cum veritatem inculcant, non nisi veritatem in Scripturis revelatam, nec nisi errorem in Scripturis damnatum intelligi volunt, qui hæc pro adiaphoris habere dicuntur.

Ib. p. 159.

Ib. p. 160.

CAPUT VII.

An AUGUSTINUS alique Patres, cam quæstionem inter adiaphora habuerint.

Quod autem idem autor etiam Augustinum recenset inter eos qui hæc pro adiaphoris habuerint, quis crederet ab homine in Augustini lectione versato dici potuisse? Nempe Augustinus hæc ubique profiteretur: Cyprianum quidem in errore fuisse, sed ideo excusatum, quod res nondum fuisset Concilii generalis totiusque Ecclesiæ Catholicæ auctoritate firmata. Non ille ad hæc levia & falsa confugit: Stephanum noluisse rem de fide facere, aut in disciplinæ factique quæstione labi potuisse; sed errasse Cyprianum, atque id vel postea correxisse *in regulâ veritatis; quod suppressum sit ab eis, qui hoc errore nimium delectati sunt: vel: hunc nervum candidissimi pectoris cooperuisse ubere charitatis, ac passionis falce purgasse: & nunc aliud quam hîc senserat videre, in æternâ illâ luce veritatis, ubi certissime cernit quod hîc pacatissime requirebat.* Quæ planè demonstrant, non adiaphoram ac variabilem disciplinam, sed à Deo revelatam, certissimam & incōcussam veritatem.

Nempe hanc veritatem Augustinus tuebatur: Verba Christi, quibus baptismus consecratur, tantæ esse virtutis, ut etiam inter hæreticos valeant: signum militum Christi etiam in desertoribus recognoscendum esse: Sacramenta Christi etiam inter hæreticos, non ipsorum, sed Christi & Ecclesiæ esse: remedium vulneri, non sanitati adhibendum, adeoque corrigendum in hæreticis id quod pervertissent, nempe fidem; non id quod ab Ecclesiâ integrum abstulissent, nempe baptismum, hoc est, fidei Sacramentum. Hæc qui negarent, recutere jubebat *ad stateram Dominicam, ubi non ex humano sensu, sed ex divinâ auctoritate rerum momenta pensantur.*

Aug. de univ. bapt. cap. xij. n. 22. p. 553. & pass. de B. p. cont. Donat. & aliis lib. & ep. de hæret. Don. T. ij. & ix.

Id. ep. ad Vinc. xcij. al. xlvij. n. 38. T. ij. p. 246.

Lib. de univ. Bapt. c. xij. num. 22. & alib. pass.

Lib. v. de Bapt. cont. Donat. cap. xvii. n. 23. p. 152.

Vid. ep. cv. al. clxvj. ad Don. c.

III. n. 12. Tom. ij. p. 300. 302. & lib. iv. cont. Cresc. cap. xij. n. 15. T. ix. pag. 492. & pass. Cont. epist. Parm. lib. ij. c. xij. n. 29. 30. p. 45. 46. & Serm. ad pleb. Cæs. n. 2. p. 619. T. ix. & pass. Lib. i. de bapt. cont. Donat. c. xiv. n. 22. p. 91. De univ. Bapt. c. ij. n. 4. p. 523. Lib. ij. de bapt. cont. Donat. cap. xiv. n. 19. p. 107.

Qij

Et quidem permulta causæ munimenta promebat ex Scripturis : quòd autem de baptismo hæreticorum nihil peculiariter scriptum esset, allegabat cum Stephano Ecclesiæ consuetudinem, universalem illam quidem, quæ per totam Ecclesiam ab ipsâ origine propagata, *non nisi ab Apostolis tradita, meritò crederetur.*

Neque verò aliud Stephanus prædicabat. Et quidem urgebat consuetudinem, sed universalem, sed ab Apostolis constantissimo tenore ad nos usque deductam, quam liber anonymus apud Rigaltium Stephani tempore adversus Cyprianum Cyprianique asseclas conscriptus, appellat *vetustissimam consuetudinem ac traditionem Ecclesiæ*; & addit : *Sit unusquisque nostrum contentus venerabili Ecclesiarum omnium autoritate & necessariâ humilitate.* Tum : *Damnari utique debet quod contra priscam & memorabilem cunctorum emeritorum Sanctorum & fidelium solennissimam observationem judicatur*; fugillatque eos, qui errores & vitia universarum Ecclesiarum correxisse se putent, ac *monstri simile, Episcopos talia cogitare.*

Nec alio spiritu scribit Eusebius, qui antiquam traditionem à Cypriano primò mutatam agnoscit. Attestatur Hieronymus celebri illo loco : *Illi ipsi Episcopi, qui rebaptizandos hæreticos statuerant, ad antiquam consuetudinem revoluti, novum emisere decretum. Quid facimus? Ita & nobis Majores nostri, & illis sui tradidère Majores.* Quin ipsâ etiam flagrante discordiâ, Cyprianus ejusque collegæ Africani, consuetudinem sibi adversari ultrò fatebatur. Id sæpè Augustinus notat; & ipse Augustinus eam consuetudinem, *universalem & robustam* vocat, quam Stephanus tueretur; & quidem, uti memoravimus, ab Apostolicâ traditione venientem, hac etiam datâ regulâ : *Quod universa tenet Ecclesia, nec Conciliis institutum, sed semper retentum est, non nisi ab Apostolis traditum rectissimè creditur*, quod assidue Sanctus Doctor inculcat.

Hæc Augustini dicta, qui, Catholici licet, ad variabilis & adiaphoræ disciplinæ detorquent negotia; hi profecto improvidi, Ecclesiæ matri firmissimas auctoritates de Dogmatis fidei, etiam traditione tutandis, extorquere conantur. Sed frustrâ sunt: instat enim Augustinus errorem esse id quod Cyprianus tuebatur, nondum quidem ab Ecclesiâ declaratum satis, sed interim errorem in *æternitatis manifestâ luce purgatum.* Quin etiam de Donatistis hæc habet : *Audent etiam rebaptizare Catholicos; ubi se amplius hæreticos esse firmarunt.* Jam ergò hæretici, ideò quòd hæreticos; sed *amplius hæretici*, ideò quòd etiam Catholicos rebaptizabant. Unde libro adversus Ctesconium ad Donatistas ait : *Hæretici quidem estis, quòd non tantum divisi, verum & in rebaptizando diversum sequimini.* Idem docet adversus Petilianum & alibi semper.

Notum illud Vincentii Lirinenfis : *Autores ejusdem opinionis Catholici, consolatōres verò hæretici judicantur*: posteaquam scilicet pronuntiavit Ecclesia. Et antea quidem, eodem teste Lirinenfi, res ad veram Ecclesiæ

Int. op.
Cyp. ed.
Prior & Rigalt. 1679.
Post epist.
Lxxiv. pag.
133. & seq.
in edit Amstelod part.
ij. p. 20. & seq.
Euseb.
hist. lib. vij.
c. ij. edit.
Valef.
Hieron.
Dialog. ad ver. Locif.
T. iv. part.
ij. p. 303.
304.
Aug. lib.
iv. loc. jam cit.
Ibid. lib.
v. c. 17. n.
24. p. 152.
Id. de hæresib. hæret.
Lxxix. Tom.
viii. p. 21.
Id. Lib.
ij. ad. Ctesc.
c. vij. n. 9.
p. 413.
Id. de un.
nic. Bapt.
cont. Petil.
Vincent.
lb. c. ix.
c. ij. n. 3. pag. 518. & pass.
Lir. comm. I. c. xj. T. vij. bibl. Pat. p. 252.
x. xi. p. 251. 252.

doctrinam pertinebat ; sed nondum Ecclesiæ universalis iudicio declarata. Scribir enim de Agrippino , quem autorem Cyprianus sequebatur : *Primus omnium mortalium contra divinum canonem , contra universalis Ecclesiæ regulam , contra sensum omnium Consacerdotum , contra morem atque instituta Majorum , rebaptizandum censebat.* De Stephano verò : *Intelligebat vir sanctus & prudens nihil aliud rationem pietatis admittere , nisi ut omnia ,* *QUA FIDE à Patribus suscepta forent , EADEM FIDE filiis consignarentur.* Reliqua videant qui his victi non fuerint.

Ib. c. ix.

CAPUT VIII.

Quid objiciant qui hæc referunt inter adiaphora : Firmiliani & Basilii locus.

QUI totam hanc quæstionem ad variantem per loca disciplinam revocari volunt , hæc objiciunt : primum , Firmilianum ita de rebaptizatione scribentem : *Nec meminimus hoc apud nos aliquando cœpisse* : deinde Basilium Firmiliani successorem de rebaptizatione adhuc hæsitantem , post Nicænam quoque Synodum , à quâ quæstionem terminatam fuisse plerique velint. Quid ergò ? An Firmilianum causæ faventem suæ , Stephano , Eusebio , Hieronymo , Augustino , Vincentio Lirinensi , totique Ecclesiæ anteponent ? Quid verò Basilius ? Esto , quæstionem ad disciplinam variantem fortè revocaverit : nos quidem hic Cypriani & Augustini mentem quærimus.

Ep. Firm.
ad Cypr.
int. Cypr.
LXXV. p.
325.
Vid. ep.
Basil. ad
Amphil.
CLXXXVIIJ.
T. iij. Be.
ned. p. 268.
& seq.

Neque tamen Firmilianum mentitum dixerim , (e) cum ait , rebaptizationem in suâ ac vicinis regionibus viguisse semper : facile enim demonstraverim , eâ quidem tempestate , iisque regionibus * hæreticos fere omnes varia ac portentosa baptismata confinxisse. Nam quique suam hæresim ,

* Asiæ
minoris.

(e) *Neque Firmilianum mentitum dixerim.*] Verisimile est Firmilianum eò deceptum fuisse , quòd de omnibus hæreticis intelligeret ea , quæ de multis tantum prisca docebat traditio. Nam omni quidem tempore , etiam ante Concilium Nicænum , rebaptizabantur quicumque hæretici baptizati non fuerant eo ritu , qui ex præcepto CHRISTI ab Ecclesiâ diligentissime servatur. Sic Paulus baptizavit in nomine Domini JESU eos Ephesios , qui tantum in Joannis baptizmate baptizati fuerant. AG. XIX. 4. Quare Paulianistæ falso Pauli Samosatени tincti baptismò , à Nicænâ Synodo jussi sunt rebaptizari. Can. XIX. Tom. II. Conc. p. 36. Deinde II. Synodus statuit de Arianis , apud quos hætenus servabatur à CHRISTO institutus baptizandi ritus , eos non esse rebaptizandos , sed ungendos tantum sacro Chrismate , ut haberent signaculum Spiritûs Sancti : contra rebaptizandos Eunomianos , Montanistas , qui dicebantur Phryges , Sabellianos , & alios , maxime eos qui ex Galatarum regione veniebant : quos nimirum Ecclesiâ ut Græcos admittebat , eò quòd acceperant quidem baptismum suis hæresibus proprium , non autem baptismum CHRISTI : Conc. C. P. I. can. VII. ibid. p. 952. Porro Basilius , in primâ suâ ad Amphilocum epistolâ , docet hæreticorum sectas in Asiâ minori multas extitisse , quæ baptisandi ritum corruperant. Quapropter nemo miretur Firmilianum , qui à patribus suis acceperat , tot tamque varios hæreticos sine novo baptismò admitti non oportere , inde conclusisse : *Profanum esse baptismum , eo solo nomine quòd ab hæreticis ministrave-*

tur.

quò magis baptizatorum animis adhæresceret, in baptismum intrudebant. Atque hinc Firmiliano & aliis erroris occasio, cum existimarent profanum baptismum, ac per se nullum, eo solo nomine, quò ab hæreticis administraretur, repudiatum esse.

Neque Basilium hætenùs satis intellectum esse credimus. Hæc enim fuisse putamus, de quibus hæsitaret, non quidem, an valeret baptismus verbis Evangelicis consecratus; sed quinam hæretici eo ritu baptizarent; quinam
 Ib. Can. 1. perverso ritu, & *proprio* quod ait *baptismate*, qui sanè propterea rebaptizandi essent. Hæc etiam suspensum habebant Basilium: ecquid credibile esset rectè baptizare eos, qui de Deo errarent, cum errores suos plerique, uti modò diximus, in ipsum baptismum ingererent? Quærebat anxie, quæ & quanta haberetur fides iis, qui dicerent se in Trinitatem baptizatos esse: nam aut oblivisci, aut certè hæsitare, aut etiam mentiri potuissent. Hinc illa verba Basilii Synodum optantis, uti decidatur: *An qui responderit, in responsione fide dignus habeatur*; quam ad quæstionem spectat Canon Arelatensis, quo legimus *interrogatos* qui ab hæreticis venirent, *an in Patre, & Filio & Spiritu Sancto baptizati essent*; additumque: *Et qui interrogatus non responderit hanc Trinitatem, baptizetur*.
 Conc. A. rel. an. 314.
 Can. viij.
 T. 1. Conc. p. 1426.

Hæc nos ad cumulum de Firmiliano & Basilio investiganda doctis, & confirmanda, (f) vel etiam, si placuerit, oppugnanda proponimus. Utrum-

(f) *Investiganda doctis & confirmanda*] proponit D. BOSSUET ea quæ de Firmiliano & Basilio dixit. Non is ego sum, qui me in doctorum numerum aggregari posse putem. Sed quia jam de Firmiliano nonnulla annotavi, & causa Basilii ea est quæ non magno egeat defensore, hanc paucis hic defendam. PP. Bened. Basilium sic explicant in suis notis ad primam S. Doctoris epistolam canonicam, ut ille videatur cum Firmiliano & Cypriano, requidem verà sensisse, quanquam ex aliquà parte eorum errore correxerit. Ut intelligamus utrum ita res se habeat, attendendus est imprimis huius epistolæ canon primus. In eo canone, Basilius, postquam hæresim à schismate distinxit, *hæreticorum baptismum rejuit, schismaticorum admittit*, & statim addit *uniuscujusque regionis morem sequi oportere*: quibus verbis admonere videtur Episcopos, ut inquirant quæ sectæ in suis regionibus hæreticæ sunt, quæ verò schismaticæ, ne, cum baptizandi sint soli hæretici, schismaticos etiam incautè rebaptizent; id est, investigandum esse Episcopis à quibus sectis servetur, à quibus non servetur verus baptizandi ritus. Nam illud observandum est, eos solos hic à Basilio iuter hæreticos annumerari, qui baptismi ritum corruperant, eos verò inter schismaticos haberi, qui, quanquam ab Ecclesiâ impiis suis dogmatibus penitus descivissent, integrum tamen baptismi ritum servaverant. Cum autem sectæ variarent pro tempore & loco, & eadem secta quæ in unâ regione baptismi ritum corrumperebat, in aliis regionibus eum ritum integrum servaret, appositè dicit Basilius, *consuetudine utendum esse*. Cæterum multas sectas, eo quo dixi modo, variare solitas esse, probatur ex ipso Basilio, qui postquam rejecit baptismum Pepuzianorum, *in Patrem & Filium & Montanum aut Priscillam baptizantium*, addit *consuetudine utendum esse*. Profecto non nesciebat Basilius necessarium esse CHRISTI baptismum, & quantumvis vetusta esset prava alicujus regionis in admittendo tali baptismate consuetudo, ipse nunquam approbaret *in Montanum aut Priscillam* datum baptismum. Sciebat igitur non ubique immutatum fuisse à Pepuzianis baptizandi ritum; & idcirco consuetudine utendum esse. Idem Basilius, qui Encratitas baptizari vetat, nempe schismaticos, eos in eadem epistolâ, ac deinde in II. canonicâ rebaptizandos esse dicit. Nimirum ex Encratitis, alii servabant, alii corrumpiebant baptizandi ritum. Idem esto judicium de multis aliis hæreticis, qui, quamvis ubique eodem nomine vocarentur, non habebant ubique eundem baptizandi ritum. Uuo verbo, Basilius eos vocat hæreticos, qui baptismi ritum corruperant, & ideo in omnibus Ecclesiis rebaptizabantur, schismaticos autem, qui baptismi ritum servaverant, & ideo ab omnibus Eccle-

que est, stat illud immotum: Cyprianum, Augustinum, ceteros, in eâ questione, quam fidei putarent, post iudicium quoque Romani Pontificis dissidentibus Ecclesiis, ad habendam certitudinem, Ecclesiæ universalis sententiam expectâsse.

CAPUT IX.

Quæ sit illa SYNODUS universalis, quam in hac questione AUGUSTINUS memoret: Nicænam eam esse; sed utcumque sit, nostra immota est.

ANXIE à doctis quæritur, quæ sit illa universalis Synodus quæ istam questionem fuisse terminatam Augustinus memorat. Qui Arelatensem primam esse volunt, Romani Pontificis sententiam, iniquiùs, ut videtur, pendere decernunt ab ejus Synodi decreto, quæ non nisi abusivè universalis vocetur.

Nos eam questionem in Synodo Nicænâ fuisse decisam cum sancto Hieronimo profiteamur: *Quòd Episcopo Novatianorum, si conversus fuerit, non tantum baptismum, sed quod majus est, etiam Presbyterii gradum servet*, can. viii. *Et quod omnes hæreticos susceperit, exceptis Pauli Samosatani discipulis*, can. xix. cujus rei causam cum Beato Augustino esse credimus, quòd Paulianistæ regulam baptismatis non tenerent. Nec faciliè adduci possum ut credam, Arelatensem I. Synodum, numerosam quamvis, * & ex toto ferè Occidente collectam, Synodum cunctarum gentium, & totius Christiani Orbis, & totius Ecclesiæ ubique diffusæ ab Augustino vocari: quippe quam vix Oriens noverit, nedum frequentârit, neque Romani Pontificis vel præsentia, vel saltem legatio intervenit. (g) Quin Synodum Nicænam apud Augustinum Concilii universalis nomine intelligendam esse, non alio magis argumento probaverim, quàm quòd eam nequidem nominârit: eam enim toto terrarum orbe celebratam, ipso plenarii Concilii nomine statim ab omnibus intellectam putabat. Et quemadmodum nos Concilii nomine, Concilium Tridentinum intelligimus; quemadmodum generalis Concilii nomine, Lateranensis illa Synodus sub Innocentio III. plerumque accipitur; ita Augustini tempore apud Ecclesias Africanas, Synodi universalis nomine, Nicænam, proprio licèt nomine minimè appellatam, intellectam fuisse constat. (h) Lego enim apud Possidium, in vitâ Augustini, ordina-

Hieron.
Dial. adv.
Lucif. T. iv.
bened. part.
ij. p. 305.
306.
Conc.
Nic. Can.
vii. T. ij.
Conc. p. 31.
32.
Ib. Can.
xix. p. 38.
Aug. hæ.
xliv. Tom.
vii. p. 13.
* xxxij.
nempè E-
piscoporu.
Ibid. lib.
1. de bapt.
cont. De-
nat. c. vij.
n. 9. Tom.
ix. p. 84. lib.
ij. c. ix. n.
14. p. 104.
& alib. passim.

sis sine novo baptismo admittebantur. Sic intelligendus est Basilius, ne pugnancia loqui, & errorem ab Synodo Nicænâ damnatum defendere videatur. Vid. D. FLEURY lib. XVII. n. 14.

(g) Neque... Legatio intervenit.] Legationem intervenisse probant ea verba quæ inter subscriptiones legimus: *Claudius & Vitus Presbyteri, Eugenius & Cyriacus Diacones ex urbe Romæ missi à Sylvestro Episcopo*. Hoc ergò significat D. BOSSUET, eos Concilio non præfedis-
se. Et quidem unius Marini nomen videmus in capite Canonum, eo modo: *Domino sanctis-
simo fratri Sylvestro Marini vel Coctus Episcoporum &c.* Tom. I. Conc. p. 1427. 1429.

(h) Synodi universalis nomine, Nicænam... intellectam fuisse constat] ab Augustino, in-

Vit. Aug.
Aut. Posi.
c. viij. in fin.
apend. T.
x. p. 262.
Aug. ep.
ccxij. alex.
n. 4. T. ij.
p. 790.

tum eum fuisse vivo suo Episcopo, *contra Synodi universalis vetitum*, quod jam ordinatus didicit. Non hic Nicænam nominat; sed Nicænam fuisse ex ipso Augustino accipimus. Sic universalis Synodi nomine Nicænam intelligi solere arbitramur.

Ut ut sit, qui tantum Arelatenſi tribuunt, in eam autoritatem consensione devenisse dicent, Gallicanamque sententiam de consensionis summâ & ineluctabili autoritate confirmabunt.

C A P U T X.

Non tantum fidei causa, sed etiam alia quæ universalem spectarent Ecclesiam ab universali Concilio retractandæ, nec nisi CONSENSIONE ORBIS finitæ esse creduntur: Causa CÆCILIANI: sancti AUGUSTINI locus.

PARTEM controversiæ cum Donatistis maximam quæ in rebaptizatione posita erat, non nisi Sedis Apostolicæ & totius Ecclesiæ conjunctâ sententiâ finitam esse, Beato Augustino teste, vidimus. Jam quod erat caput schismatis, in causâ Cæciliani idem evenisse, eundem Augustinum adducimus testem.

Vid. Opt.
Milev. lib.
I.
Aug. ep.
ad Glor. E-
lenf. &c.
xliij. alias
clxij. c. vij.
n. 19. T. ij.
p. 97.

Ergo Cæciliani causa, cùm tractata esset à Melchiade Papâ, ejusque judicio Donatistæ victi essent, tamen hæc ait Augustinus: *Ecce putemus omnes Episcopos, qui Romæ judicârunt, non bonos judices fuisse; restabat adhuc plenarium universæ Ecclesiæ Concilium, ubi etiam cum ipsis iudicibus causa posset agitari; ut si malè judicasse convicti essent, eorum sententiæ solverentur: quod utrum fecerint, Donatistæ probent; nos enim non factum esse facile probamus, ex eo quod totus Orbis non eis communicat.*

Ex his duo concludimus: alterum, post prolatum, habitâ Synodo; Papæ judicium, restare adhuc plenarium Ecclesiæ universæ Concilium, quo Pontificis judicium, Synodi sententiâ solveretur: alterum, quamvis nulla fuerit æcumenica Synodus, quæ Melchiadis judicium retractaret, haud minore autoritate decisam fuisse causam, eo quod *Orbis terrarum non communicaret Donatistis*; imò ut ibidem Augustinus ait, *experti sunt cum Cæciliano permanere consensionem Orbis terrarum.* Quibus verbis constat Mel-

fuis libris adversus Donatistas, non verò Arelatensem. Nam quod dicit D. DE LAUNOY; in Africâ, Concilii generalis, sive plenarii nomine vocatas sæpe fuisse Synodos eas, quæ illo Arelatenſi Concilio inferiores essent, verum quidem est; at advertere debuerat vir eruditus Augustinum, quotiescumque loquitur de hujusmodi Conciliis, lectores admonere, se loqui de Concilio plenario, non totius Ecclesiæ, sed unius gentis, puta Africanæ. Atqui non sic ille admonet, in iis locis in quibus urget Donatistas autoritate Concilii generalis: imò vocat illud Concilium *Synodum cunctarum gentium, & totius Christi ani Orbis, & totius Ecclesiæ in Orbe diffuse*; quæ verba nequaquam possunt intelligi de Synodo Arelatenſi; proindeque ruit D. DE LAUNOY sententia. Qui plura de eâ quæstione voluerint, adeant D. DE TILL. not. XLIV. in vit. S. Cypr. Tom. IV. p. 632, & seq. Dissert. Valeſ. de schism. Donat. post ejus not. in Euseb. P. Alex. &c.

chiadis

chiadis iudicium, quod aliqui canonico ordine retractari potuisset, ipsâ Ecclesiæ consensione in summam auctoritatem evectum.

Facti quæstio, inquit. Certè; sed ejus facti, in quâ tota Donatistarum causa verteretur; ex quo illud efficitur, non tantum in fidei quæstionibus, sed etiam in omnibus, quæ totam Ecclesiam spectarent, robor summum in consensione esse positum: ut profectò mirum non sit, sub Eugenio IV. cum de Concilii potestate acerrimè decertarent, illud ab omnibus pro certo esse positum, nempe altercantibus, si fortè, Concilio & Papa, Concilii sententiam potiùs attendendam, in fide quidem maximè; sed etiam in aliis omnibus, quæ *statum Ecclesiæ principaliter perturbarent*, ut suprà memoravimus.

Sup. lib.
vj. c. iij. &
seq.

C A P U T X I.

Causa sancti JOANNIS CHRYSOSTOMI.

HUJUS occasione quæstionis, proponimus aliam ejusdem fere generis; facti quidem quæstionem, sed quæ universam Ecclesiam conturbaret. Beatum Joannem Chrysostomum Constantinopolitanum Antistitem Theophilus Alexandrinus, * nullo Canonum ordine, sed solâ sæculari potestate fretus, aulico potiùs, quàm Ecclesiastico iudicio (*i*) loco moverat. Quæ causa cum totum Orbem commovisset, ad universale Concilium devolvitur. Et quidem Sanctus Innocentius Papa ab eodem Chrysostomo invocatur, *qui scriberet hæc nullius esse roboris*. Is Joannem æquè ac Theophilum in suâ communione retinuit; Theophili iudicium cassum & irritum habuit; ultiniam tamen sententiam Concilio œcumenico reservavit, ut disertè asserit inculcatque Palladius (*k*) Chrysostomi comes, ac rerum omnium testis oculatus. Locum universalis Concilii Occidentales Theffalonicam designa-

* In suâ
Synodo ad
Quercum.

Epist. 1.
Chrys. ad
Innoc. n. 4.
T. iij. bened. p. 520.
Vid. Dial. vit. Chrys. per Pall. T. xij. p. 3.
Ib. p. 12.

(*i*) *Aulico . . . iudicio*] Theophilus cum suâ Synodo ad Quercum, ea, quæ hætenus in Ecclesiâ inaudita fuerant, adversus Joannem Chrysostomum perfecit. Nam, 1°. quanquam in eâ causâ iudex esse jure non posset, jus ipse sibi arrogavit, & Conciliari decreto id confirmavit, quod ante collectam Synodum, aulici agendum decreverant. 2°. Hujus Synodi Episcopi, qui simul erant iudices, accusatores, & testes, spreverunt Chrysostomum canonicè postulantiem, *ex iudicum ordine submoveri* Theophilum Latrocinii ducem, multorum criminum reum, & quem insuper multi hæc Alexandriæ dicentem audierant: *In comitatum proficiscor ut Joannem deponam*: Acacium Beroensem, qui dixerat: *Ego illi ollam condio*, multosque alios apertos Joannis inimicos. 3°. Illi Episcopi judicaverunt, nullâ habitâ ratione, aut Chrysostomi legitimæ appellationis, aut etiam Synodi XLV. Episcoporum, quæ tunc ab eo celebrabatur, cum ipsi essent omnino xxxvi. iique qui, aut sese toti Theophilo voverant, aut palam inimicitias Chrysostomo denuntiaverant.

(*k*) *Palladius*] quis ille fuerit, lis est inter doctos. Vir eruditissimus D. BÉGOR, qui an. 1680. denuò edidit Chrysostomi vitam à Palladio factam, contendit Palladium Helenopolitanum, *Lausiace*, sive Eremiticæ historiæ autorem, Chrysostomi socium, & ejus exauctoratoris occasione in exilium pulsus, hos de ejus vitâ dialogos non scripsisse, sed alium Palladium Episcopum in viciniâ urbis C. Pæ. amicum quoque Chrysostomi, & qui pro ejus causâ mala multa toleraverat. Idem censet D. DE TILL. Tom. XI. vit. Pall. art. XII. & not. VII. p. 530. 642.

Tom. II.

R.

bant. Memorabilis verò est hæc Palladii sententia : *Scopus Romana Ecclesia iste est, non communicare Orientalibus Episcopis, præsertim Theophilo, donec Dominus dederit locum universali Synodo, quæ putrefactis membris eorum qui hæc patravissent medeatur.*

Sic Romanus Pontifex, quæ pro loci amplitudine solus inchoavit, non nisi totius Orbis sententiâ finiturus erat. Verùm cum Synodus œcumenica ab Arcadio Imperatore impetrari non posset, totius Occidentis cum Apostolicâ Sede conjuncta sententia perfecit, ut Joannis Chrysostomi nomen Constantinopoli quoque in sacras tabulas referretur; ac sine novo judicio, consensione totius Ecclesiæ, Theophili Synodus solveretur.

CAPUT XII.

Decreta adversus ORIGENISTAS : THEOPHILUS Alexandrinus sanctum ANASTASIUM Papam præit, ac Romam ipsam liberat : in consensione vis posita : sancti HIERONIMI loci.

Bar. an
398. T. v.
P. 44. 45.
Hier. ep.
ad Theoph.
lxj. a. lxxj.
T. iv. pa.
ij. p. 598
599.
Id. ib. ep.
lxxxvij. al.
lxxvij. ad
Panm. &
Marc. pag.
639.
Id. ib. ep.
ad Deme. r.
xcvij. al.
viij. pag.
793.

PAULO ante ea tempora, Christi anno scilicet 398 Sancto Siricio mortuo, sub ipsa Sancti Anastasii Papæ initia, Origenis errores cum Rufini libris Romam in vectos, atque inter hos turbines Romanam Ecclesiam fluctuasse Baronius narrat. Adversus eam pestem Anastasius vigilabat. Sed dum cunctabatur, ut Ecclesiæ Romanæ more, consideratissimum & accuratissimum iudicium ederet, Theophilus Alexandrinus collectâ Synodo, ad omnes Catholicos super nomine Origenis, (1) ejusque dogmatum condemnatione, edidit epistolam, datis etiam, ut videtur, peculiaribus ad Sanctum Anastasium literis. De hæc Theophili epistolâ, Hieronymus ad ipsum Theophilum hæc scribit : *Vox beatitudinis tuæ toto Orbe perterrita, & cunctis Christi Ecclesiis latantibus, Diaboli venena siluere.* Et paulo post : *Vincentius Presbyter ante biduum quàm hanc epistolam darem, de Urbe venit, & suppliciter te salutatur, crebroque sermone concelebrat Romam & totam Italiam tuis post CHRISTUM epistolis liberatam.* Quò etiam illud pertinet : *Hæresim oppressam ejus auctoritate, & eloquentiâ.*

Hæc ita dicimus ut nihil imputemus Anastasio, viro, ut ait Hieronymus *divissima paupertatis & Apostolicæ sollicitudinis*; sed ut ostendamus fidei robur

(1) *Super nomine Origeni.*] Hanc occasionem non semel atipuit Theophilus, homo arrogans, imperiosus, vindictæ cupidus, & per fas ac nefas eos persequi solitus, qui sibi displicerent; id est, qui sibi ad nutum parere & servire nollent. Nemo est qui nesciat quantas tragædias ille excitavit, ut de Isidoro Presbytero, & Nitriæ Monachis, qui *longi fratres* vocabantur, quosque oderat, ulcisceretur. Pro nihilo habebat illos calumniis laceßere, nisi sententias iniquissimas, à se in illos, nullo canonum ordine servato, latas, juberet exequi, eâ acerbitate ac sævitiâ, à quâ Episcopum decebat abhorrere. Eo doctus tyrocinio, dignus est habitus, qui præfideret Latrocinio ad Quercum, in quo damnatus est Chrysostomus. Hæc ideo annotamus, ne lectores doctissimum Theophilum & virum sanè maximum, sed se nimium ulciscentem, plus æquo admirentur, cum cum adeò laudatum viderint ab Hieronymo, cui ea profectò nota non erant.

totâ Ecclesiâ fufum, atque interdum extremo ex Orbe prodire decreta, quibus etiam Romana illa Apostolico ore laudata exciteretur & confirmetur fides. Rom. j. viij;

Neque ita multò post prodiit Anastasii iudicium: quo tempore Hieronymus alteram Theophili epistolam Latinam à se factam ad Romanos mittebat, cùm primam præterito anno accepiſſent; ſcribebatque Hieronymus veluti concepto voto: *Prædicationem Cathedræ Marci Evangelistæ, Cathedræ Petri Apostoli, uâ prædicatione confirmet. Quamquàm celebri sermone vulgatum sit, beatum quoque Papam Anastasium, eodem fervore, quia eodem Spiritu est; latitantes in foveis suis hæreticos persecutum, ejusque literæ doceant damnatum in Occidente, quod in Oriente damnatum est.* Quâ ex consensione, illa jam firmitudo fidei consistat, quam sæpe diximus. Eam consensionem commendat Hieronymus, quod beati Episcopi Anastasius & Theophilus & Venerius *, & Chromatius **, & omnis tam Orientis quàm Occidentis Catholicorum Synodus pari sententiâ, quia pari & Spiritu, Origenem hæreticum denunciant populis. En igitur in consensione summa vis, ac Spiritus Sancti testimonium.

Hier. ib.
Ep. LXXXvij
jam. cit. p.
690.

*Mediolanensis.
**Aqui-
lcienſis.

Id. ibid.
Apol. adv.
Ruf. lib. ij.
p. 417.

C A P U T XIII.

Turbæ post Chalcedonensem Synodum: de iis seorsim per encyclicas epistolas Ecclesiæ consuluntur: Responsa mittuntur: Communi consensione quæstiones finiuntur.

ANNO 457. post sex fere annos quàm Chalcedonensis Synodus acta erat, ejus incipiens, præsertim in Ægypto, fluctuabat autoritas. Itaque Marciano Augusto Synodi autore & defensore mortuo, infanda illa Alexandriæ extiterunt: cæsus Proterius orthodoxus & Sanctus Alexandrinus Episcopus: Timotheus Ælurus interfectus à furente plebe ejus loco substitutus: Chalcedonensis Synodus condemnata: Leo, Marciano successor datus, ac novo Principatu ab his seditionibus multa religioni, multa Imperio infauſta veritus, de novâ Synodo consilia agitare videbatur. At Episcopi molestè ferebant retractari decreta Chalcedonensia, seque abstrahi à Sedibus, ac sollicitari toties Ecclesiarum pacem. Quid ergò gestum sit, Liberatus hujus ævi historicus paucis complexus est: *Imperator scripsit singularum civitatum Episcopis, de utroque negotio consulens, quid fieri oporteret, vel de ordinatione Timothei, vel de terminis (seu definitione) Synodi Chalcedonensis, & direxit per totum Orientem Magistrianos. (m) Mittit & Anatolius Episcopus Asclepiadem Diaconum suum, per quem omnes illi Episcopi, qui Chalcedone fuerant congregati, quid Alexandriæ gestum sit agnoscerent: qui rescribunt, Chalcedonensem Synodum usque ad sanguinem vindican-*

Lib. Brev.
c. xv.

(m) Magistrianos.] Erant Magistriani Officiales Magistri officiorum. *μαγιστράντες* idem est etiam ac *agens in rebus Principis*; inquit DU CANGE Gloss. infim. Græc.

R ij

Ep. Imp.
Leon. T. iv.
Conc. part.
ijj. Conc.
Chalc. cap.
xxj. xxij.
xliij. xxiv.
pag. 889. &
seq.

* Numero
xxxvj.

Ep. Imp.
jam. cit. p.
890.

dam, eò quòd non aliam fidem teneret quàm Synodus Nicana constituit; *Timotheum* verò non solum inter Episcopos non haberi, sed etiam Christianam appellatione privari. Quo pacto scripsit Imperator Leo Duci Alexandrino Stila, ut pelleret quidem ab Episcopatu modis omnibus *Timotheum*, inthronizaret autem alium, decreto populi, qui Synodum vindicaret.

Extat Imperatoris encyclica epistola eodem exemplo ad Sanctum Leonem Papam, atque ad alios Episcopos, cum ambarum partium supplicationibus missa. Extant Sancti Leonis & maximorum orbis Orientalis Episcoporum * responsa, quibus *Timotheum* abjiciunt, fidei quæstionem ab œcumenico Concilio definitam reiterari vetant. Omnes eodem sensu, eadem formâ agunt: *Decernimus, statuimus, pronunciamus, dicimus, judicamus*. Ex his epistolis compactum est volumen illud, quod apud antiquos *Encyclicarum* sive circularium epistolarum nomine celebratur.

Dicant nunc Episcopos Romani Pontificis consultores. Atqui Imperator ab Episcopis non consilia, quæ ad Leonem Papam mitteret, sed decreta & judicia, quæ statim exequeretur exquirebat; atque id ad omnes æquè scripserat: *Ut ex omnibus vestris literis hæc integrè cognoscentes, formam congruam dare possimus*. Cæterum orthodoxus Imperator de Synodo Chalcedonensi, cujus fidem professus erat, non ipse ambigebat; sed cum apud Ægyptios hæc quæstio versaretur, hoc quoque Episcoporum cum Sede Apostolicâ consensione decidi voluit; post Synodum œcumenicam iteratæ quæstioni nullum esse locum. Sic in summis dissensionibus atque periculis, Ecclesiæ Catholicæ toto Orbe diffusæ, sed uno semper spiritu actæ, etiam sine Concilio generali, sese exerit autoritas.

C A P U T X I V.

Sancti SIMPLICII Papæ locus de decretis Apostolicis irrefragabilibus Ecclesiæ universalis assensu.

Simpl.
cp. iv. ad
Zen. Imp.
T. iv. conc.
P. 1072.
Id. ep. v.
ad Acac. C.
P. ib. pag.
1073. 1074.

HINC Romani Pontifices ipsâ semper consensione nituntur. Sanctus Simplicius Papa post Sanctum Leonem tertius, Apostolicorum Pontificum antecessorum suorum irrefragabilem commendat autoritatem; sed eam quæ cum totius Ecclesiæ consensione conjuncta sit. Unde illud: *Quod Apostolicis manibus cum Ecclesiæ universalis assensu, acie meruit Evangelicæ falcis abscindi, vigorem sumere non potest renascendi*. Quâ mente in epistolâ ad Acacium Constantinopolitanum Episcopum rejicit à Sede Alexandrinâ *Timotheum Ælurum*, qui sit hæreticus, atque ab universitate damnatus; ac postea: *Quem conventus novos per se didicimus comminari, resolvimus existimantem quod de se universalis decrevit autoritas*. Illud denique de prædecessoribus Catholicis Episcopis toto Orbe terrarum præsentibus subdit: *Sanctæ memoria prædecessorum nostrorum extante doctrinâ, contra quam nefas est disputare, quisquis rectè sapere videtur, novis assertionibus non indiget edoceri, sed plena ac perfectâ sunt omnia*. Quo loco post Synodum Chalce-

donensem finita omnia docet, nec novæ Synodo locum esse; quæ inquit, *non aliàs semper indicta est, nisi cum aliquid in pravis sensibus novum, aut in assertionibus emerfit ambiguum; ut in commune tractantibus, si quæ esset obscuritas, Sacerdotalis deliberationis illuminaret autoritas.* Inde ergo ex cõmuni autoritate lux certa est, quæ postquàm Ecclesiæ ex orta, *abominabile est innovari judicia, contra sententias totius Orbis Domini Sacerdotum.* En igitur in quo vim illam Ecclesiæ irrefragabilem colloca ret. Cujus generis testimonia si congerere incipimus, modum omnem excedimus voluminis.

CAPUT XV.

Sancti GELASII locus in epistolâ ad Episcopos Dardaniæ.

NEQUE obstant magnifica hæc & vera, quæ Sanctus Gelasius egregius Pontifex, de Acacio adversus Chalcedonensem Synodum rebellante responder, cum multi quererentur eum à Sede Apostolicâ solâ, non indictâ novâ Synodo, condemnatum.

Summa doctrinæ Gelasianæ est; postquam hæreseon autores semel ab Ecclesiâ universâ damnati sunt, non esse necessarias adversus sectatores eorum novas ac *speciales Synodos*, ne in infinitum eatur, & Ecclesiastica jaceat autoritas: sed esse à Deo constitutam Sedis Apostolicæ potestatem, quæ, ipso Apostolico Principatu communis sententiæ executrix, hæreticos jam sola profert: quæ nos verissima confitemur.

Per hanc occasionem Sanctus Pontifex commemorat, quæ Sedes Apostolica etiam sola, ac sine præcedente Synodo, possit in absolvendis damnandisve, quas oporteat personis: quæ quidem nos pari veneratione suscipimus. Absit enim, ut velimus Sedem Apostolicam in omnibus causis Concilio œcumenico esse succintam; cum multa sint, quæ vel sola dissentiendo prohibeat atque disturber, cujus consensionem atque sententiam in maximis rebus maximè exquirendam perpetua Traditio docet. Hinc illa exempla, quæ nobis Sanctissimus Pontifex pari magniloquentiâ ac veritate subjungit, Athanasii, Joannis Chrysostomi, Flaviani, quos *Sedes Apostolica etiam sola, quia non consensit, absolvit.* Quæ quidem vera sunt; sed aliundè supplenda ea, quæ cum ad rem non facerent, Beatus Gelasius prætermisit. Nos quæ ad hanc causam conferant, subnectamus.

Et de Beato quidem Joanne Chrysostomo docuimus, à Sancto Innocentio prolatum fuisse judicium, sed provisorium; integram cognitionem œcumenicæ Synodo reservatam.

Ejusdem sunt generis quæ à Sancto Gelasio deinde referuntur: *Flavianum in Ephesino latrocinio Pontificum congregatione damnatum, quoniam sola Sedes Apostolica non consensit, absolvit*; ac paulo post, *impiam Synodum* (Ephesinam illam) *non consentiendo submovit.* Rectè, si de provisorio judicio intelligas, quoad congregaretur, quam ipse Leo petebat, adversus Synodum malè gestam, alia generalis Synodus; interim, ut ipse addit: *Querelis*

Gelas. ep.
xiiij. ad Ep.
Dard. T. iv.
Conc. pag.
1199. &
seq.

Ibid.

Sup. hoc
lib. c. xi.

Ep. Gel.
sup. cit. ib.

Leo. ep.
ad Pulch.
part. I. Cōc.
Chalc. cap.
xxi. T. iv.
p. 46. int.
Leon. epist.
xix. al. xxvj.

et præjudiciis partis utriusque suspensis, quò diligentius universa, quæ offensionem generaverant, retractarentur. Sic quæ sine gravi scandalo differri non possent, ipse provisorio judicio statim ordinat: summam ipsam œcumenico Concilio relinquit.

Gel. loc. cit.

Cætera quæ Gelasius commemorat, vel per se clara sunt, vel ex ante dictis facile elucescunt. Ac Dioscorum quidem *Sedes Apostolica suâ autoritate damnavit*; quòd autor fuerit ejus sententiæ, quam factò deinde examine, Chalcedonenſis Synodus confirmaret, ut vidimus. De Episcopis verò, qui Dioscoro consenserunt, hæc scribit: *Sedes Apostolica, hos in suâ perfidiâ permanentes suâ autoritate prostravit, quam congregatio, qua illic (Chalcedone scilicet) collecta fuerat, est secuta: quoniam sicut id quod prima Sedes non probaverat, constare non potuit; sic quod illa censuit judicandum, Ecclesia tota suscepit.* Quæ ad Sedis Apostolicæ autoritatem ideò referuntur, quòd eam præeuntem Chalcedonenſis Synodus sit secuta: ut profectò constet, in eo esse vim maximam & ineluctabilem, quòd Sedis Apostolicæ judicia *Ecclesia tota suscepit*, habitâ quidem quæstione, & novâ discussione, ut ex gestis constitit.

Ita vel in iis, quæ à solis Romanis Pontificibus facta, Gelasius memorat, Ecclesiæ universalis potior autoritas elucescit; cujus illi, in iis quidem rebus quæ universam Ecclesiam conturbarent, vel judicia exequuntur, vel sanè cum præeunt, ab ejusdem Ecclesiæ sententiâ ultimum ac perfectum robur accipiunt.

C A P U T XVI.

Propositio, UNUS TRINITATIS CRUCIFIXUS, à Scythis Monachis Constantinopoli agitur: Monachi HORMISDAM consulturi pergunt: professio JUSTINIANI, eadem de re Romanum Pontificem consulentis, pro ejus infallibilitate objicitur.

ANNO 519. sub Sancto Hormisdâ summo Pontifice, quæstio suborta est ingens, quam diligenter evolvere oportet, quoniam indè ab utrâque parte argumenta repetuntur.

Ep. Procl.
C. P. ad
Arm. Tom.
vj. Bibl. Par.
pag. 615. &
T. iij. Conc.
p. 117.

Agebatur de propositione hæc: *Unus Trinitatis*, seu, *unus ex Trinitate crucifixus est.* Hanc Beatus Proclus Constantinopolitanus in epistolâ ad Armenos, paulo post Sanctam Synodum Ephesinam, novis Nestorianis objecerat; cum excommunicato Nestorio sub antiquiore Theodori Mopsuesteni nomine patrocinaurentur. Hi ergò Theodori publici laudatores, Nestorii verò occulti defensores, unum filium in duos dividebant; Mariæ filium à Dei filio segregabant; pro Trinitate quaternitatem invehebant: quos beatus Proclus aptissimè redargui arbitrabatur, si Mariæ filium non aliquem extra Trinitatem, sed *unum Trinitatis* esse faterentur.

Vid. nov. Procli epistola ab Orientali Synodo approbata, & ab ipso Synodo Chal-

cedonenſi laudata, toto etiam Occidente nobilis habebatur, poſtquàm eam Dionyſius Exiguus in Latinum ſermonem vertit, ac Procli induſtriam commendavit; quòd CHRISTUM unum ex Trinitate aſſerens, Neſtorianas fraudes aptiſſimè confutaret.

Hanc ergò propoſitionem Joannes Maxentius, alique Scythiæ Provinciæ Monachi adverſùs Neſtorianos aſſerebant; & qui eam reſpuerent, Neſtorianiſmi arguebant.

At Dioſcorus Diaconus Sancti Hormiſdæ ac Sedis Apoſtolicæ Legatus, Conſtantinopoli agens, ad Hormiſdam perſcribit Monachorum Scytharum propoſitionem, ut novam, ad hæc, ut hæreticam; & ab Eutychanis maxime aſſertam, reſpuendam videri.

Certum quidem eſt, Petrum Gnapheum ſeu Fullonem Eutychanum hæreticum, eo nomine à Felice III. ac Synodo Romanâ fuiſſe reprehenſum, quòd unum increata atque individua Trinitatis paſſionem ſubiſſe ac mortuum eſſe diceret.

Sed id Petrus Fullo ita intelligebat, ut unus de Trinitate paſſionem pro nobis pertuliſſe diceretur in ſubſtantia Deitatis, ut ipſe Felix III. refert; à quo ſcelere Monachi Scythiæ adeò abhorrebant, ut ſemper hoc adderent, quòd & Beatus Proclus accuratiſſimè dixerat: Unum Trinitatis crucifixum carne: ne naturas confundere, & cum Eutychanis ſapere viderentur.

Quà in re multùm diſtabant à Petro Fullone & ab ejus aſſeclà Anaſtaſio Auguſto, & à Theodorà Auguſtâ, cujus ſententia proſcriberetur, unum de Trinitate paſſum non aſſerens, ſecundùm quid, ſed abſolutè; Scythæ autem paſſum aſſerebant, non abſolutè (quo hæretici ſignificatum volebant etiam divinitate paſſum;) ſed tantùm ſecundùm quid, hoc eſt, ſecundùm carnem.

Quæſtione motà ſcythæ Monachi Romam proſecti ſunt, ſedem Apoſtolicam ordine conſulturi: eàdem de re ſcribunt Juſtinus Auguſtus ac Juſtinianus tunc Comes Domæſticorum: atque hic Monachos ut inquietos ac turbulentos ſtatim repelli petit, à Dioſcoro perſuaſus. Mox ipſâ re, ut videtur, graviùs conſideratâ, per alias literas Hormiſdam ſic interrogat: Quidam aſſerunt CHRISTUM pro noſtrâ ſalute carne crucifixum unum de Trinitate debere predicari. Quærit, quid ſequi, quidve ſuper hoc evitare debeamus: quoniam verba videntur facere diſſenſionem; nam ſenſus inter Catholicos omnes unus eſſe probatur. Subdit: Hoc enim credimus eſſe Catholicum, quod veſtro religioſo reſponſo nobis fuerit intimatum. Quæ profeſſio, ne ſtatim ad Pontificiam infallibilitatem pertinere videatur, rei geſtæ narrationem ad finem uſque expectandam monemus: interim bonâ fide notamus quid nobis objiciant.

coll. Conc.
Baluz. p.
94. Facun.
lib. viij. c.
iv. Conc.
Chal. part.
iij. c. i. p.
827. 828.
Dionyſ.
Exig. præf.
in ep. Procl.
T. vj. Bibl.
Pat. p. 612.
Suggeſt.
Dioſc. ad
Hormiſd.
T. iv. Conc.
p. 1534.
Conc.
Rom. i. ſub.
Fel. iij. ib.
p. 1097.
Fel. ep. v.
ad Zen. Ib.
p. 1071.
Pet. Diac.
lib. ad Fulg.
int. op. Fulg.
p. 280. ed.
Pariſ. 1684.
Vid. Joâ.
Max. Pro.
feſſ. ſid. T.
ix. Bibl.
Patr. p. 534.
& ſeq.
Vid. Viſt.
Turon. Chr.
ed. Scalig.
Ep. i. Juſt.
ad Horm.
T. iv. Conc.
p. 1516.
Ejuſd. ep.
ij. ad Horm.
p. 1517.



CAPUT XVII.

Viri boni sanctique consulendos docent per Orbem terrarum Episcopos : quæstionis finem ab Ecclesiæ universalis auctoritate expectandum.

Vid. ep.
feu lib. Pet.
Diac. de
Incarn. int.
Op. Fulg.
Ep. xvj. p.
217. & seq.
ed. Parif.
1684.

* tum in
Sardinia e-
xulibus per-
secutione
Vandalor-
um grafs-
sente.

Fulg. lib.
de Incarn.
& c. ad Pet.
Diac. ibid.
ep. xvij. c.
x. n. 18. p.
296.

Maxen.
Resp. ad e-
pist. Horm.
T. ix. bibl.
Pat. p. 542.
Ferr. epist.
ad Anat.
Diac. n. 14.
16. p. 506.
Facund. pro
defens. triū.
Capit. lib.
7. c. iij. ib.
Tom. x. p.
6.

Ferr. ib.
n. 16.
Max. &
Facund. loc.
cit.

QU I s esset interim Catholicorum eâ de re sensus, exponere juvat. Ac primum Scythæ Monachi fidem suam diligenter expositam Sancto Fulgentio ejusque collegis Sanctis CHRISTI Confessoribus, * ac Ferrando Diacono, viris eo ævo sanctissimis ac doctissimis approbârunt.

Id tantum in Fulgentio notaveris, malle eum dicere, *unam ex Trinitate personam*, quàm *unum Trinitatis*, vel *unum ex Trinitate*. Quæ diversitas tam est levis, ut qui eâ re tantum differant, eos unanimes & ubique consentaneos meritò pronuntiaveris. Unde nec illi Monachi, à tantis Episcopis ritè interrogatis reprehensionis quidquam, sed fraternæ charitatis testimonia retulerunt.

Ac reverà *unus* ille *Trinitatis* indefinitè dictus, quis est alius quàm una persona Trinitatis, ut etiam Joannes Maxentius & Ferrandus Diaconus, ac postea Facundus Episcopus Africanus ejus ævi nobilis scriptor, luculentissimè declarârunt.

Sanè Ferrandus Diaconus pravos sensus tres memorat, quibus dici posset, *unus de Trinitate*; verum eos sensus Monachi apertissimè respuebant. Quare Ferrandus Diaconus offensionem quorundam tribuit, *ut una de Trinitate persona* dicatur potius quàm *unus de Trinitate*; cum utrumque indifferenter aptèque & innoxie dici possit.

Sed cum Nestoriani *persona* nomine abuterentur, Christumque ut Legatum, verbi personam exhibuisse dicerent; ideò Nestorianarum fraudum gnari, *unum Trinitatis* malebant dici; anteponebantque eam locutionem, in quâ *Nestorianorum dolus* minùs *abscondi* posse videretur. Hæc Maxentius; hæc Facundus; notantque omnes hujus ævi scriptores, ipsam Trinitatem ita esse locutam: *Ecce Adam quasi unus ex nobis factus est*: non dixit, quasi *una* ex nobis persona; sed *quasi unus ex nobis*; cum tamen, ut ait idem Facundus, *nullus de Trinitate melius loqui possit, quàm ipsa de se locuta est Trinitas*.

Addebat Joannes Maxentius Beati Augustini locum, quo Christum appellabat, *unum trium*; quod quidem, quid est aliud, quàm *unum Trinitatis*?

Neque, quod objiciebat Dioscorus Diaconus, Monachi Scythæ inferere fidei Chalcedonensi nitebantur eam locutionem; aut, quòd illa deesset, imperfectam Synodum arguebant; sed profectò allerebant, quod res est,

Gen. iij. 22. Fac. loc. cit.

Maxent. profess. fid. T. ix. Bibl. Pat. p. 535. Aug. Enchir. cap. xxxviii. n. 12. T. vj. p. 232. lice-

licere ad hæreticorum fraudes refellendas multa extra Synodos usurpare; præsertim verò ea, quæ Patrum usu probata esse viderentur.

Cætèrùm Chalcedonensem Synodum, ac Beati Leonis epistolam ubique celebrabant; neque tantùm Eutychen, sed etiam Alexandrinum Dioscorum ejusque sequaces condemnabant: & Christum non tantùm ex *duabus*, Eutychianorum more; sed etiam in *duabus naturis* subsistere: unumque Trinitatis passum quidem, sed carne tantùm; non autem divinitate, omnibus paginis testabantur.

Hæc igitur quæstio cùm magnâ animorum contentione inter Ecclesiasticos tractaretur, Ferrandus Diaconus à Severo Scholastico Constantinopolitano rogatus quid sentiret, jubet interrogari non se quidem, verùm eos quibus *honor Sacerdotii docendi auctoritatem tribuit. Interroga, inquit, principaliter Apostolica sedis Antistitem, cujus sana doctrina constat judicio veritatis, & fulcitur munimine auctoritatis. Interroga plurimos per diversa terrarum loca Pontifices, quibus scientia cælestium præceptorum divinitus inspirata, famam grandem sui cùm veneratione collegit. Hos quidem omnes interrogandos monet, sed principaliter Romanum Pontificem. Cætèrum post quæstionem diligentissimè pertractatam, quo tandem loco certissimè figat pedem his verbis explicat: Unde desistendum à contentionibus reor: expectandum potiùs persuadens, patienterque hanc dubitationem ferendam, donec universalis Ecclesiæ auctoritate, vel pronuncietur suscipienda, vel prodatur abjicienda. En rebus in dubiis, animisque vehementi contentione suspensis, quò refugere consuevissent. En unde certissimam atque irretractabilem expectarent sententiam. Sed quomodo postea finita sit quæstio, paucis enarremus.*

Max. ep.
ad Germ.
Joan. &c.
loc. sup. cit.
p. 534. col.
2.

Ferr. ep.
ad Sev. T.
ix. Bib. Pat.
p. 509.

Ib. c. xi.
p. 513.

C A P U T XVIII.

Sancti HORMISDÆ epistola ad POSSESSOREM, quâ Scythæ Monachi condemnantur; illi Ecclesiæ Catholicæ sententiam expectant: eorum propositio vincit: non nisi Ecclesiæ universalis consensione quæstioni finis imponitur.

POSTQUÀM quatuordecim jam mensibus causa pependerat, Monachique per annum fere integrum Romæ commorati, Hormisdas edidit epistolam ad Possessorem Episcopum Afrum, qui tum Constantinopoli agens, sedem Apostolicam de Fausti Regiensis libris consulebat:

Eà epistolâ Pontifex, quid de Scythis Monachis sentiret, Constantinopoli ac toto Orbe terrarum innotescere voluit. Dicit hos *turbulentos, pertinales, contentionum studiis assuetos, contemptores auctoritatum veterum, novarum cupidos quæstionum; non eos monitis, non mansuetudine, non auctoritate compressos: ac plebem etiam commoturos, per diabolica semina nefanda rixanie, nisi fidelis populi constantia restitisset: hos ergò esse vitandos. Hæc Hormisdas, nullâ interim anathematis aut depositionis mentione. Huc*

Hormisd.
ep. lxx. ad
Possess. T.
iv. Conc. p.
1530. & seq.

Ibid. p.
531.

usque sententiam temperavit suam. De quæstione nihil; sed omnes facile crediderunt, Monachorum proscriptam esse propositionem, cum cætera innoxii, eo importuni pertinacesque haberentur, quod ab eâ nullis monitis discedere voluissent.

Responf.
Max. ad e-
pist Horm.
T. ix. bibl.
Pat. p. 539.
& seq.
Ib. p. 541.

Interim Hormisdæ tanti Pontificis epistola haud prohibuit, quominus Catholici ubique terrarum, ac præsertim in Oriente adversus Nestorianos, propositionem inculcarent. Ipse Maxentius adversus eam epistolam commotissimo animo scripsit. Ejus autorem, quisquis esset (neque enim fateri volebat Hormisdæ eam esse, quæ ipsi tam impia videretur,) hæreticum appellabat, atque hæc insuper subdit: *Confidenter dicere audeo, non quod si per epistolam, sed si vivâ voce hic in præsentem positus, idem Romanus prohiberet Episcopus, Christum filium Dei unum confiteri ex sanctâ atque individuâ Trinitate; numquam eidem Dei Ecclesiâ acquiesceret; numquam ut Episcopum Catholicum veneraretur, sed omnino ut hæreticum penitus execraretur: quia quisquis hoc non confitetur, non est dubium, quod Nestoriana perfidiæ tenebris excacatus, quartum & extraneum à sanctâ & ineffabili Trinitate, eum qui pro nobis crucem sustinuit, predicare contendat. Sed absit, ut ex quâlibet parte Catholica professione Romanus Episcopus contradicat.*

Hæc postrema qui ad Pontificiam infallibilitatem trahunt, non satis advertunt quæ antecesserint; quàmque Maxentius adversus fidem errasse Romanum Pontificem, abominandum quidem execrandumque, non autem impossibile judicaret, imò verò fieri posse supponeret; dum eo casu quid eventurum esset exponit, nempe ut hæresim asserenti, universalis repugnaret Ecclesiâ.

Nec placet interim, quod Joannes Maxentius clamorior atque commotior Hormisdæ epistolam hæreticam, potiùs quàm asperam appellarit, quæ Scythas Monachos infectata tantùm, ne verbum quidem de quæstione diceret.

Cod. Justin.
lib. vj.
tit. De sum.
Trinit.

Illud ex vero Maxentius protulit, Ecclesiâ omnino errare non posse; ac si Romanus Pontifex verum, quod Scythæ asseriebant, Dogma proscriberet, non eam assensuram. Id eventus docuit: usque adeò enim Monachorum propositio toto Oriente invaluit, atque adversus novos Nestorianos necessaria visa est, ut eam edicto edito Justinianus approbare cogere-
tur; autoribus, ut fieri solebat, Episcopis, ac præcipuè Epiphanio Patriarchâ Constantinopolitano: quod edictum est editum anno 533. duodecim annis post datas Hormisdæ ad Possessorem literas.

Epist. Just.
ad Joan. ij.
Cod. ibid.
& Tom. iv.
Conc. p.
1743.

Imperator legatione ad Joannem II. missâ, edictum approbari petiit, & impetravit; deditque literas ad Papam, quibus significabat: *Paucos infideles Judaicè atque apostaticè contradixisse omnibus Sacerdotibus, denegantes unigenitum Dei filium hominem factum atque crucifixum, unum esse sanctâ & consubstantialis Trinitatis; in quo videntur Nestorii malam sequi doctrinam: quod ipsum Scythæ Monachi à quindecim annis, atque ab ipso hujus contentions initio propugnabant.*

Neque Imperator jam consulit quid credendum, ut olim sub Hormisdâ fecerat; sed rem ut certam & exploratam, atque ab omnibus prædicatam refert, cui nemo nisi Judaicè & apostaticè contradicat.

Sic autem concludit : *Petimus ergò vestrum paternum affectum , ut vestris ad nos destinatis literis , manifestum nobis faciatis , quòd omnes qui prædicta recte consentientur suscipit vestra Sanctitas , & eorum qui Judaicè ausi sunt rectam denegare fidem , condemnat perfidiam : addit hæc observatu digna ; plus enim ita & circa vos omnium amor , & vestra Sedis crescet autoritas , & quæ ad vos est unitas sanctarum Ecclesiarum inturbata servabitur ; quando per vos didicerint omnes beatissimi Episcopi , eorum quæ ad vos relata sunt , sinceram sanctitatis vestra doctrinam : Quo significabat insinceram visum iri , si Romanus Pontifex tam certum dogma improbasset ; ac si Episcopi Orientales Romani Pontificis sinceram doctrinam , non ex ejus infallibilitate , certò præjudicatam , sed ex ejus responsis exploratam volebant.*

His victus Joannes , Concilio habito , datisque literis ad ipsum Justinianum , ac deinde ad Senatores , * confirmavit Justiniani fidem ; & *unum de Trinitate crucifixum* , iisdem asseruit Scripturarum ac Patrum locis , quibus Scythæ Monachi usi erant.

Disertè autem notat hæc à se probari , secundum Patres omnes , ac Romanos Præsules , quos in omnibus sequeretur : quod etiam Justinianus dixerat epistolâ ad Joannem. Tamen enim *unum de Trinitate* nondum affirmassent , id tamen ex aliis eorum dictis atque sententiis perspicuè sequebatur.

In his igitur omnibus maximè elucescit fidei exponendæ , & quæstionum finiendarum ratio , quam tuemur.

Gravem quæstionem & cum ipso Legato Apostolicæ Sedis Constantino- poli excitatam , ad ipsam Apostolicam Sedem statim deferri oportebat.

Hormisdas interrogatus sic responderet , ut prostrata quodammodò veritas videatur : ejus defensoribus certa responsa quærentibus pro omni responso ploratus indicitur : tacente , cunctante , obsistente potiùs Romano Pontifice , non ipsa tacet veritas : pervicit ac perrupit dubitationem omnem Ecclesiæ Catholicæ vox atque consensus ; nec jam consulitur ut de re ambigua Romanus Pontifex , sed rei ut certæ & indubitatæ approbatio petitur & elicitur. Quis hîc non videat valuisse , ut in omni ancipiti re , eam quam Ferrandus Diaconus , & cum eo optimus quisque expectabat , Ecclesiæ Catholice consensionem.

Ib: pag.
1744.

* Roma
nos.

Conc.

Rom. sub

Joan. ij. ib.

p. 1762. cp.

Joan. ad

Just. ib. p.

1745. & ad

Senat. 1751.

& seq.

Epist. ad

Just. loc.

cit.

Vid. ep.

Just. ad

Joan. p.

1744.



CAPUT XIX.

Formula consulendi Romani Pontificis, rei gestæ serie, ac Patrum Traditione explicatur.

JAM credo, ipsa rei gestæ series, & Catholicorum in hac quæstione communis sententia, satis ostendit, quæ vis sit professionis ejus, quæ à Justiniano Hormisdam interrogante edita est: *Id credimus Catholicum, quod vestro religioso responso fuerit intimatum.* Rectè & ordine atque ex consuetà formulâ erga Romanum Pontificem de fide rogandum; cum meritò præsumatur, non eum veritati, non officio defuturum.

Certè de Episcopis Sanctus Damasus Papa, ac Synodus Romana sic scribunt: *Gallorum atque Venetensium fratrum relatione comperimus, nonnullos non hæresis studio, neque enim hoc tantum mali cadere in Dei antistites potest &c.* Si ergò tantum mali in singulos Episcopos cadere non posse meritò præsumitur, quantò magis in eum qui tanto loco præsit.

Quisquis ergò præpositos, ac præsertim omnium Doctorem ac Principem Romanum Pontificem de fide interrogat, is confidat in Domino veridicum responsum omninò secuturum; ac eam *πληροφορίαν*, quam commendat Apostolus, hoc est, *eam fidei plenitudinem* quæ penitus captivet intellectum omni dubitatione sublata, in ipsâ Ecclesiæ consensione stare credat.

Id in hac contentione ipse eventus docuit, & Catholicorum omnium sensus. Unde etiam illud contigit, ut & de Romano Pontifice optima tanroque officio congrua præsumerentur, & interim dubitaretur. Ecce enim Joannes Maxentius ab Oriente Romam petit, Sanctum Hormisdam de fide rogaturus. Quid tamen dixerit, audivimus; nempe si Romanus Pontifex præfens *unum Trinitatis Christum dici prohiberet*, totam Ecclesiam restitueram, eumque *ut hereticum execraturam* fore. Vides quàm bona præsumeret, quam mala evenire posse crederet. Neque verò eâ causâ suspectus cuiquam esse debet; neque aliter in aliis controversiis, viri boni Catholici-

que senserunt. Ecce enim sequente sæculo, ad annum videlicet Christi 642. Sanctus Martinus * Papa, de Monothelitarum hæresi, collectâ Lateranensi Synodo, judicaturus sedebat; ad eum ejusque Synodum Ecclesiæ recurrebant undequaque terrarum; an omni penitus dubitatione submotâ, hæc Sanctorum Abbatum ** supplicatio docet. *Certissimè scientibus vobis sanctissimis, quòd si aliter, quàm a nobis piè postulata sunt, quidquam omninò integritatem fidei corrumpens, à vestrà terminetur, (hoc est definiatur) Beatitudine, quod absit, abfuturum sit; hoc enim omninò incredulum (id est, incredibile) nobis est: liberi sine dubio atque innocentes ab hoc quod fiet existimus.* Id ergò infaustissimum, difficillimum, rarissimum, atque adeò incredibile; non autem impossibile judicabant. Quid enim erat, cur tam gravi obtestatione à se amolirentur ac deprecarentur culpam, quam omninò impossibilem iudicassent? Undè addunt se Martino iudicaturò, *suam confessionem in cogni-*

Ep. ij. Just.
ad Horm.
T. iv. Conc.
p. 1517.

Ep. Syn.
Con. Ro. n.
sub. Dam.
ad Orient.
ex Collect.
Holst. part.
j p. 166.
& T. ij. Conc.
p. 852.

Hebr. x.
12.

vid. sup.
c. xvij. vid.
etiam Tom.
ix. bibl. Pat.
p. 541.

* I.

Conc. Later.
sub
Mart. I. Se-
cret. ij. T.
vj. Conc. p.
100. & seq.

** qui E

Græcia Ro-
mam vene-
rant perfe-
ctionis vi-
tandæ cau-
sa,

Suppl. Abb.
& Monach.
Ibid. p. 171.

tione offerre permanentes, in his quæ orthodoxè definit, secundum SS. Patrum & Synodorum doctrinam (n) & Traditionem. Hæc conditione spondent consensum : si secus fieret , culpam à se deprecantur ; atque hæc coram sancto Martino prostentur , cum ipse federet in Synodo de fide iudicaturus , eamque professionem Martinus eique assidentes Episcopi susceperunt.

Ibid.

Multa ejusmodi suis postea locis occurrent , quibus firmeretur id quod contendimus : nempe in cæteris Ecclesiasticis de fide judiciis , ipso etiam Romano Pontifice confidente , inesse fidelibus animis piam fiduciam ; *πληροφραν* illam ac plenam certitudinem , in unius Ecclesiæ Catholicæ iudicio & consensione esse positam.

CAPUT XX.

Quæstio ELIPANDI de Christo adoptivo Dei Filio , Romani Pontificis , & Ecclesiarum consensione finitur : particula FILIOQUE per eadem fere tempora Symbolo addita.

HÆSIT Latinorum , ac maximè Gallorum animis à Majorum Traditione repetita , de consensionis necessitate , atque autoritate , sententia. Cujus rei illustre exemplum habemus octavo sæculo sub Carolo Magno in Francofordiensi Synodo. Ea Synodus maximi nominis , summæque autoritatis fuit ; habebatque præsentibus Theophylactum ac Stephanum Episcopos , Sedis Apostolicæ Legatos ; ac totam fere Occidentalem , sive per præsentiam , sive per literas , complectabatur Ecclesiam.

Conc.
Francof. an.
794. T. vij.
p. 1014. &
seq.

De Christo Dei filio quærebatur , quem Elipandus Toletanus Episcopus alique Hispani pro adoptivo habebant , quatenus quidem homo est. Dividebatur Dei filius ; Nestoriana pestis reviviscere videbatur. Carolus Magnus nondum quidem Imperator , sed Francorum atque Italiæ Rex , ac Romanorum Patricius , id maximè pro suâ religione curabat , uti quæstioni finis imponeretur. Quid autem gesserit ipse declarat ; datis quippe literis diligentissimè exquisivit : *Primò , quid Dominus Apostolicus cum sanctâ Romanâ Ecclesiâ & Episcopis illis in partibus commorantibus : secundo , quid etiam Mediolanensis Episcopus & alii in Italiâ doctores & sacerdotes Ecclesiarum Christi : tertio quid Germani , Galli & Aquitani crederent.*

Ep. Car.
Mag. ad E.
lip. & Ep.
His. ib. p.
1049.
Adr. ep.
ad His.
cont. Elip.
ib. p. 1021.

Primum ergo accepit Adriani Papæ epistolam , quâ quæstionem totâ Sedis suæ autoritate iudicabat ; atque Elipandum & sequaces , nisi resipiscerent , ex autoritate prorsus Sedis Apostolicæ ac beati Petri Apostolorum

(n) *Doctrinam.*) Ut certò cognoscerent illi Abbates nihil à Martino Papâ & Lateranensi Concilio fuisse definitum , quod doctrinæ Patrum & Conciliorum non consonaret , postularunt usque ad unum apicem , cum omni acribiâ (id est diligentia) secundum Græcam interpretari vocem , quæ tunc designebantur. Ad eò aberant ab eâ , quam vocant , cæcâ obedientiâ. Hic Labbeus notam marginalem adjungit , quâ significare videretur versionem Græcam , quam nunc habemus Concilii hujus Lateranensis , factam tum fuisse , iis Abbatibus postulantibus.

Principis; & per eam, quam illi Magister & Dominus ligandi ac solvendi tradidit potestatem, perpetuo anathemate religavit.

Neque tamen in tantæ Sedis tam expressâ sententiâ finem posuit; sed acceptâ Mediolanensis Episcopi, atque Italicorum concordî sententiâ, Concilium ex Germanis, Gallis, Aquitanisque Episcopis Francofordiam convocavit. Patres rectam fidem, editâ Synodicâ epistolâ & Canone firmarunt: *libell. Epist. Ital. Elipandi nefariam hæresim condemnarunt. Jam Carolus Magnus, Sedis scap. 1012. Apostolicæ, totque Episcoporum autoritate fretus, hæreticos adhortatur & ita. Syn. ut decretis pareant, quæ pia unanimitas & pacifica perscrutatio protulisset; ep. p. 1011. se enim cum his sanctis decretis & Catholicis statutis consensum suum subne- & itaq. Can. xuisse, & corde amplexum; plurimorum testimonio reboratam fidem; neque i. p. 1057. pro Catholico habiturum qui ei decreto repugnasset, in quo conjunctæ es- ad Elip. sup. sent, Sedis Apostolicæ autoritas & Episcopalis unanimitas: eos enim esse cit. quibus à Domino dictum esset: Ego vobiscum sum usque ad consummationem Mart. saculi. Quare hortabatur ut ad multitudinem populi Christiani & ad Sacer- xviij. 10. dotalis Concilii unanimiorem reverterentur.*

Hic existant illi, qui non tantum præcipuam, sed totam in Apostolicâ Sede autoritatem ponunt: Carolo movebunt litem. Quid tu, inquit, Episcopos per totum Occidentem eâ inquisitione fatigatos velis? Unus Papa consulendus, audiendus unus, ex quo omnium deinde sententiâ pendeat. At non ita Carolus: quæstionem in Occidente ortam Occidentalium Ecclesiarum cum Apostolicâ Sede communi sententiâ finiri placuit. Neque verò huc Episcopi diversarum partium adducuntur, ut Papæ consultores, quod nunc comminiscuntur: quippe qui seorsim per nationes appellati, sententiam suam, eodem spiritu ducti, eodem fere tempore, nullaque communicandi consilii facultate, exprompturi essent. Neque sola Sedes Apostolica appellatur, quod censores nostri volunt; sed ita omnia firma esse intelliguntur, si ad *Ep. Can. Jam cit. Sedis Apostolicæ autoritatem, unanimitas quoque Episcopalis accedat.*

Hic ergo Carolus hæreticos universalis Ecclesiæ autoritate premit: *Ib. p. seq. Vos igitur, inquit, quia pauci estis, unde putaris vos aliquid verius invenire potuisse, quam quod sancta universalis toto Orbe diffusa tenet Ecclesia? Sic demum omnia in autoritatem universalis Ecclesiæ resolvuntur, quæ & earum partium, ubi exorta quæstio est, expressâ declaratione, & cæterorum toto terrarum Orbe communicantium, certâ, licet tacitâ consensione constet. Hæc Galli sub Carolo Magno; hæc sub Ludovico Magno profitentur; neque Patrum Traditionem avelli sibi sinunt.*

Per eandem ætatem facta illa est Symbolo, quæ tot turbas excitavit; *Vid. vit. Leo additio particulæ, filioque: cui additioni in Hispaniis inchoatæ, quantum vij. & ejusd. Romani Pontifices obstiterint, Leonis III. sub Carolo Magno gesta testan- varias ep. tur. Pervicit tamen omnem difficultatem totius Occidentalis Ecclesiæ con- T. vij. Conc. sensus, in quem deinde Romani Pontifices tot Ecclesiarum autoritate per- p. 1075. & tracti sunt; neque postea Græcorum clamores audierunt. Neque tamen succensens Leonem III. talia prohibenti; sed reliquam Ecclesiam haud minus in proposito persistentem, divino numine actam, id egisse, certâ fide credimus.*

CAPUT XXI.

*Tricassina II. Synodus sub JOANNE VIII. professio obedientiæ Romano Pontifici facta secundum Canones ab HINCMARO Rhe-
mensi: Episcopi conjunctâ autoritate cum Papâ judicant: ex con-
sensione robur.*

QUID Episcoporum cum Sede Apostolicâ consensio præstet, non tan-
tùm in fidei quæstionibus, sed etiam in exerendâ quibuscunque aliis
caulis Ecclesiasticâ ultione, nono sæculo in Tricassinâ Synodo Joanne VIII.
Papâ Præsidente, apparuit. Is innumerabiles tum rerum Romanæ Ecclesiæ
pervasores, communi Sedis Apostolicæ & coepiscoporum sententiâ excom-
municari postulabat actione I. actione II. Episcopis inducias petentibus,
quoad cæteri confratres advenissent, *delata à Pontifice Romano sententia est*
excommunicationis & damnationis, quæ per omnes Metropolitanas Eccle-
sias, conjunctis suffraganeis legeretur. At ut ex fratrum consensu, robur
accederet, actione III. *universi Episcopi sanctæ Synodi, libellum concordie*
ac devotionis unanimatisque confectum summo Pontifici porrexerunt; quem
idem Prasul benignè propriis manibus suscepit, & suum subbrevitare sancitum,
super autoritate canonicâ, & concordia coepiscoporum, conjunctâ Synodo dedit.

Ex hac Sedis Apostolicæ & Episcoporum conjunctâ sententiâ plenum au-
toritatis robur exurgere demonstratur his verbis act. iv. *Lecta est lectio con-*
sensus totius Synodi & SENTENTIA ROBORATIONIS EIUS data in pervasores
Ecclesiarum, & transgressores præceptorum Dei: & statutum est ut scriptio-
nes manibus singulorum roborarentur: sic in consensu Synodi, sententiâ robo-
rationis agnoscitur.

Extat Joannis VIII. allocutio ad Episcopos in hanc formam: *Mecum vi-*
riliter stete, quærentes simul & judicantes tanta patratores iniquitatis, tan-
taque temeritatis præsumptores. Tum subdit: *Et vos fratres charissimi, ut de-*
crevimus, nostræ communionis alienos tenete, & anathematizatos fautores eo-
rum mecum facientes conspernite.

Hæc à fratribus postulabat, non cœtâ, ut aiunt, obedientiâ fieri, sed
quæstione simul habitâ, simul prolato judicio: *Quærentes simul & judicantes.*
Quamobrem Episcopi respondent his verbis, quæ simul & obedientiam &
autoritatem præferant: *Domine, Sanctissime ac Reverendissime Pater Patrum*
Joannes, Catholica atque Apostolica prima Sedis Papa: nos famuli ac disci-
puli vestre autoritatis, Galliarum & Belgicarum Episcopi. . . . dolori vestro
consentes condolemus; atque judicium vestre autoritatis, quod privilegio Beati
Petri & Sedis Apostolicæ, in eos & complices eorum, juxta sacros Canones spi-
ritu Dei conditos, & totius Mundi reverentiâ consecratos, & secundum ejus-
dem Romanæ Sedis Pontificum decreta protulistis, voto, voce, atque unanimi-
tate nostrâ ATQUE AUTORITATE SPIRITUS SANCTI, cujus gratiâ in Episcopali
ordine sumus consecrati, GLADIO SPIRITUS SANCTI, QUOD EST VERBUM DEI, 17:

Conc.

Tricass. ij.

act. i. Tom.

ix. p. 307.

Ibid. ij.

Act. ij. p.

308.

Act. v. 3.

Alloc.

Joan. ad Sy-

nod. ib. p.

309.

Eph. vj.

eos interimentes, persequimur. Scilicet quos excommunicastis, excommunicatos habemus; quos abjecistis, abjecimus; quos anathematizastis, anathematizatos esse judicamus; & quos regulariter satisfacientes, vestra autoritas & Apostolica Sedes receperit, recipiemus.

Sic Episcopi, cum decreta Sedis Apostolicæ recipiunt, ipsi quæstione habitâ, sententiam sententiæ, iudicium iudicio, auctoritatem suam à Deo profectam, summâ à Deo profectæ Romanæ Pontificis auctoritati, coniungunt; *gladium spiritûs* simul exerunt; Sedis Apostolicæ statuta, *voto, voce*, ipsâ suâ *unanimitate* & auctoritate prosequuntur: non quod iudicium suum & auctoritatem, Sedis Apostolicæ iudicio & auctoritati coæquent, sed quod intelligant, ex ipsâ consensione atque *unanimitate* plenum robur existere.

Interim Romano Pontifici autori ac præeunti se obedire profitentur; sed pronuncianti, *privilegio beati Petri ac Sedis Apostolicæ*: quod sic postea interpretantur; *juxta sacros Canones spiritu Dei conditos, ac totius Mundi reverentiâ consecratos, &c.*

Ib. aq.
ij. p. 307.

Hinc illa in ejusdem Synodi Tricassinæ Act. II. Hincmari Rhemenfis professio: *Secundum sacros Canones spiritu Dei conditos, & totius Mundi reverentiâ consecratos, quos Apostolica Sedes, per Beatum & Dominum nostrum Papam, & Sancta Romana Ecclesia omnium Ecclesiarum Mater, privilegia Sancti Petri damnat, damno; quos anathematizat, &c. & quod in omnibus secundum Scripturarum tramitem, sacrorumque Canonum decreta Sedes Romana tenet, per omnia & in omnibus, pro scire & posse meo, perpetuum prosequor & teneo.* Quæ tam clara sunt, ut ea legere tantum oporteat, ac ne verbum quidem addere.

C A P U T XXII.

Objecta solvuntur: Turonensis II. Concilii Canon: Statuta NICOLAI Papæ: Canones Pontigonensis Synodi: quæ Petri Privilegio facta habeantur: S. LEONIS insignis locus.

Anon.de
libert. &c.
lib.vij. c.v.
n. 10.
Conc.
Turo. ij.
Can. xx.
Tom. v.
Conc. p.
259.

HIS obijcere solent, Summorum Pontificum decretales ab omnibus Ecclesiis, præsertim à Gallicanis, summâ cum veneratione fuisse susceptas, ac legis instar habitas: quæ quidem certa sunt, sed quæstio est, an Ecclesiæ eas decretales indiscussas reciperent? Receptas certè, & totius Mundi reverentiâ consecratas, inviolabiles fuisse nemo negat. Nihil ergo ad rem, quod profert novissimus scriptor Anonymus Concilii II. Turoneusis anno 567. Canone XX. ita esse decretum: *Quis Sacerdotum contra decreta talia, quæ à Sede Apostolicâ processerunt, agere præsumat?* Dictum de Sancti Innocentii epistolâ decretali ad Victricium Rothomagensem, capite XII. quæ epistola pridem totâ Ecclesiâ obtinuerat. Pergunt Turonenses Patres: *Et quorum autorum valere possit prædicatio, nisi quos Sedes Apostolica semper aut*

Ep. Inn. ad Victric. c. xij. T. ij. Conc. p. 1252.

intromisit

intromisit, aut apocryphos fecerit. Et Patres nostri hoc semper custodierunt, quod eorum præcepit autoritas. Eorum sanè autorum, quos Sedes Apostolica bonos, probabilesque, non apocryphos ac suspectos duxerit. Allusum scilicet ad Gelasianum decretum, *de apocryphis*, ubique receptum. Jam verò quærimus, an aliter recepta ista sint, quàm illa Sancti Leonis ad Flavianum epistola. Atqui eam non indiscussam receptam fuisse, nec nisi facto examine, toto Orbe terrarum invaluisse constitit. Quo exemplo de cæteris judicandum, neque opplendæ paginæ præclaris verisque sententiis, quæ nihil ad rem faciant.

Nos autem, ne quid dissimulare videamur, ultrò adducimus ea, quæ longè firmiora sint. Nempè inter statuta Nicolai I. Papæ, in Concilio Romano III. hæc leguntur: *Si quis dogmata, mandata, interdicta, sanctiones pro Catholica fide, pro Ecclesiarum disciplinâ, pro correctione Fidelium, pro emendatione sceleratorum, vel interdictione imminuentium, vel futurorum malorum, à Sedis Apostolicæ Præside salubriter promulgata contempserit, anathema sit.* Quæ tam absolutè, tamque universim dicta sunt, ut nihil aliud omnibus Fidelibus, adeòque ipsis Episcopis, quàm cæcam, ut aiunt, obedientiam, relinquere videantur.

Neque ab iis abludunt, quæ à Patribus nostris, Episcopis scilicet Gallicanis, in Pontigonensi Synodo, anno 876. sub Joanne VIII. Canone I. dicta sunt: *Ut Sancta Romana Ecclesia, sicut est caput omnium Ecclesiarum, ita ab omnibus honoretur & veneretur; neque quisquam contra jus & potestatem ipsius, aliquid injustè agere præsumat; sed liceat ei debitum tenere vigorem, & pro universali Ecclesiâ pastorem exhibere curam.* Canone II. *ut honor Domno & spirituali Patri nostro Joanni summo Pontifici, & venerabili universali Papæ, ab omnibus conservetur; & quæ secundum sacrum ministerium suum autoritate Apostolicâ decreverit, cum summâ veneratione ab omnibus suscipiantur, & debita illi obedientia in omnibus conservetur.*

Sed hæc ex ante dictis elucescunt: inhæret enim ex perpetuâ Patrum Traditione, ejusmodi decretis, interpretatio & exceptio inseparabilis; ut Romani Pontifices, si quid *contra Canones*, nedum contra legem Dei, & *Scripturarum tramitem*, decernerent, non id *privilegio Petri* ac Sedis Apostolicæ decernere viderentur.

Hinc illa, quam legimus professio obedientiæ, *secundum Scripturas, secundum Canones.* Favebat & illud Sancti Leonis, toties per ea quoque tempora celebratum: *Manet ergo Petri privilegium, ubicumque ex ipsius fertur æquitate judicium (o).*

Neque tamen ea, sive interpretatio, sive exceptio, ubique ac necessariò addebatur; fiebantque Canones absolutâ autoritate, de præstandâ obedi-

Decret.
Gelaf. in
ConcRom.
an. 494. de
script. apo-
cry. T. iv.
Conc. pag.
1261. &
seq.
Sup. lib.
vij. c. 15. &
seq.
Conc.
Rom. iij.
sub Nic. j.
an. 863.
can. v. T.
vii. Conc.
p. 769.

Conc.
Pont. Can.
j. & ij. T.
ix. p. 285.
286.

Vid. sup.
prof. Hinc.
c. xxi.

Leo. Mag.
Serm. iij.
in anniv.
Assumpt.
ejusd. c. ij.
Vid. ep.
Carol. Cal.
ed. Adr. ij.
int. Hincm.
ep.

(o) *Judicium.* I Carolus Calvus in suâ ad Adrianum epistolâ, sive potius Hincmarus Rheimensis, hujus epistolæ autor, inde concludit, *non manere Petri privilegium, ubi ex ipsius æquitate non fertur judicium*; quam sententiam sæpe iterat in eadem epistolâ. Nam tunc temporis, cum Romani Pontifices interdum non nihil conarentur, ut jugum canonum à se depellerent, & suam amplificarent autoritatem; Gallicani Præsules eò studiosius prædicabant nullius momenti esse ea judicia, quæ canonicâ æquitate non niterentur. Vid. Car. Calv. ep. inter Hincm. & D. de Marc. de Concord. &c. Lib. iv. cap. vi. n. 3.

Heb. xij. 17. tiâ, eo planè more rituque, quo passim ab Apostolis dictum: *Obedite Præpositis*, quòd Præpositi contraria legibus & Canonibus decreturi haud facillè præsumantur.

Hàc igitur lege Romanorum Pontificum decreta recipiebant: non quòd sibi iudicium adversùs Judicem arrogarent; sed quòd Canonibus apertè adversa, non ipsi, sed Canones respuere putarentur.

Hujus rei ne longiùs argumenta repetamus, exemplum habemus præ manibus, in eâ ipsâ, quam nobis objiciunt Pontigonesi Synodo.

Conc.
Pontig. act.
j. T. ix. p.
281.

Nempe Joannes VIII. cui tam perspicuis, validisque sententiis debitam obedientiam spondidissent, Ansegisum Archiepiscopum Senonensem per legationem perpetuam, Apostolicæ Sedis potestate extraordinariâ, evehebat; quod cæteri Metropolitani, assentientibus coepiscopis, præter Canones existimabant factum. Ansegiso Carolus Calvus Imperator impenfè favebat. Quærenti ab Archiepiscopis, quid de jussis Apostolicis responderent, data est responsio: *Ut servato singulis Metropolitanis jure privilegii, secundum sacros Canones, & juxta decreta Sedis Romana Pontificum, ex iisdem sacris Canonibus promulgata, Domni Joannis Papæ jussionibus obedirent: & cum Imperator & Legati Apostolici satagerent ut ABSOLUTE Archiepiscopi responderent se obedituros de Primatu Ansegisi, sicut Apostolicus scripsit; aliud, nisi quod prædictum est, ab eis extorquere non potuerunt.*

Ibid.
* Hinc-
maro.

Rex multa comminatus, vicesque Apostolicas sibi commissas præferens, suâ ac Papæ autoritate præcepit; ut Ansegisus *supergrederetur omnes ante se ordinatos, Rhemorum Archiepiscopo * reclamante, audientibus omnibus, hoc factum sacris regulis obviare.*

** Tusca-
nienf. Epif-
copo.
Ib. Sess.
viii. p. 281.

Interrogati rursùs Archiepiscopi à Joanne ** Legato Apostolicæ Sedis, de Joannis Papæ jussione singuli responderunt: *Quòd veluti sui antecessores, illius antecessoribus regulariter obedierunt, ita ejus decretis vellent obedire. Subdunt acta: Tunc faciliùs est illorum admissa responsio, quàm fuerat in Imperatoris præsentia. Sic Legatus Apostolicus, Episcoporum secundùm Canones lata responsa, æquo animo audiebat.*

Ib. sess.
viii. p. 283.

Aliâ Sessione legit Odo Belgivacorum (id est Bellovacorum) Episcopus, *quædam capitula à Legatis Apostolicis & ab Ansegiso & eodem Odone, sine conscientia Synodi dictata, inter se dissona, & nullam utilitatem habentia; verùm ratione & autoritate carentia. Quid autem addit de iis, quæ nullâ ratione, nullâ canonum autoritate fulta essent? Nempè id: & ideò hinc non habentur subjuncta: quippe quæ Synodo irrita visa fuerint.*

Sic Majores nostri Romani Pontificis decreta, reverenter quidem, non tamen indiscussa suscipere consueverant: ipsi canones exequenti, aut secundùm canones præeunti, reluctari nefas putabant.

Qui hoc obtentu omnia legitima imperia posse nugantur, hos remitto ad Theologos, qui ista pertractant. Nobis sufficit ex certo & perspicuo Dogmate, objecta diluisse.

CAPUT XXIII.

Aggredimur demonstrare viros bonos sanctosque post Romanorum Pontificum decreta etiam de Fide, suspensio animo mansisse, quoad universalis consensus accederet: sancti VICTORIS Papæ decretum de Paschate proponitur: sancti STEPHANI de rebaptizatione paucis repetitur.

HINC factum est ut viris Sanctis bonisque fraudi non fuerit, quòd Romani Pontificis, recta etiam sentientis, pronuntiato non statim adhæserint; antequàm scilicet Catholicæ Ecclesiæ autoritas accessisset.

Hujus rei multa exempla memorantur. Primùm illud II. sæculo de S. Victore Papâ qui post Petrum Pontifex XIII. fuit. Nota res est. De Paschali die cum Asianis agebatur: hi cum Judæis XIV. Lunæ celebrabant, antiquâ traditione nixi, quam à Joanne Apostolo repetebant, inquit Eusebius: reliquæ omnes Ecclesiæ, ex Apostolorum Traditione, in proximam Dominicam quæ CHRISTI resurrectione sacra esset, conferebant. Atque hanc quidem sententiam Victor sequendam ab omnibus in Concilio Romano definivit; cujus, aliorumque Conciliorum * definitionem Eusebius memorat.

Hâc tamen definitione ad Asianos perlatâ, Policrates Ephesus cum Collegis suis Asianis Episcopis, ad ipsum Victorem hæc scribit: *Non moveor iis, qua nobis ad formidinem intentantur. Qui enim majores me sunt, dixerunt: OBEDIRE OPORTET DEO MAGIS QUAM HOMINIBUS.*

Nihil moror quæstionem: an eum & socios Victor ejus rei gratiâ excommunicaverit; an id tantùm conatus sit. Certe Eusebius scribit, à *communione abscindere conatum*. Subdit tamen continuò: *Datisque literis, universos qui illic erant fratres proscribit, & ab unitate Ecclesiæ prorsus alienos esse pronunciat.* Eusebium securus Socrates: *Victor Quarto-decimanis, qui in Asiâ erant, excommunicationis libellum misit.* Quare id quod Eusebius de conatu dixit, eò referendum videtur, quòd res effectû caruerit. (p) Ut cumque est, Eusebius refert, non id placuisse omnibus Episcopis; non Irenæo, Gallisque nostris, increpitumque Victorem, quòd parùm paci consulere, etiam ab iis qui ceterâ cum ipso sentiebant. Neque minùs certum est Polycratem & Asianos in sententiâ persistentes, pro sanctis piisque habi-

Euseb.
Hist. lib. v.
c. xxij. p.
154. 155. ed.
val.

* Palæ-
stinæ, Pon-
ti, Gallia-
rum & Os-
tro en Pto-
vinciæ.
lb. c. xxiv.
p. 156.
Act. v. 29.
Euf. Ib. c.
xxxvj.

Socrat.
lib. v. c. xxii.
p. 284. ed.
Val.

Euseb. loc.
cit. vid. ib.
epist. Iren.

(p) *Quòd res effectû caruerit.* Non commodiori; imò nullo alio modo explicari possunt ea quæ tunc à Victore Papâ facta fuisse constat. Nam quod dicit Valesius not. ad Cap. xxiv. Lib. v. Euseb. Victorem *interminatum fuisse* tantummodò Asianos, refellitur ab Eusebio, Socrate, Synodici autore, ipso Baronio an. 198. & 201. & invicissimè à P. Halloixio societ. Jes. in vitâ S. Irenæi, ubi etiam Halloixius optimis argumentis probat, Asianos non debuiffe hujus excommunicationis metu, à suâ sententiâ discedere. Vid. D. BOSQUET Epif. Montis-Pessul. Hist. Eccl. Gall. Lib. 111. Cap. xv. & imp. D. DE TILL. vit. Vict. Cap. vi. & not. Tom. 111. p. 108. & 634.

tos : neque Quarto-decimanos hæreticis accensitos , nisi post œcumenicæ Nicænæ Synodi sententiam.

Ibid. Neque dicant rem levem fuisse , quæque ad fidem pertinere non videntur. Omnino enim Victor excommunicabat Asianas vicinasque Ecclesias , *heterodoxa* , hoc est , ut eruditè Valesius vertit , *contraria rectæ fidei sentientes* ; *ὡς ἑτεροδοξίας*. Neque aliter Polycrates sentiebat. Is enim in suâ ad Victorem epistolâ sic scribit : *Hi omnes diem Paschæ XIV. die juxta Evangelium observârunt , nihil omnino variantes , sed REGULAM FIDEI constantè sequentes.*

Ib. p. 191.
Tert. de
præf. hæ.
c. liij. ed.
Prior. pag.
123.
*Lunaris.
**Nicænæ.
Epiph.
hæc. xxx. fi.
ve. l. T. I. ed.
Pet. p. 419.
Conc. Eph.
act. vj. T.
ijj. p. 682.
& seq.
Sup. hoc.
lib. cap. iij.
& seq. vid.
dist. præv.
n. lxvij. &
seq.

Neque verò res orthodoxis exigui momenti videbatur ; quippe qui intel-
ligerent , Asianorum sententiam ad Judaïsmum pertinere. Tertullianus re-
censens hæreticos , graviter dicit : *Est præterea his omnibus etiam Blastus*
accedens , qui latenter Judaïsmum vult introducere : Pascha enim dicit , non
aliter custodiendum esse , nisi secundum legem Moysi XIV. mensis. * Talia
sentientes ac Traditioni Apostolicæ adversos , à Victore insuper Papâ con-
demnatos , inter pios habuere , usque ad œcumenicæ Synodi ** *judicium* :
quo edito *τεσσαρίς δεκατίται* hoc est Quarto-decimanî hæretici ab Epi-
phanio aliisque memorantur ; receptique in Ephesinâ Synodo , ut qui ab
hæresi resipiscerent.

Pari ratione vidimus , post Stephani Papæ decretum , Cypriano , Firmi-
liano , innumerisque collegis certam excusationem partam : non modò ;
teste Augustino , sed etiam totâ probante Ecclesiâ , quæ horum memoriam
consecravit. Jam alia videamus.

C A P U T X X I V.

PELAGII I. *piis & orthodoxis suspecta fides propter approbatam*
Synodum V. non ut Doct̃or privatus , sed ut Papa suspectus ,
expositâ fide , non allegatâ infallibilitate se purgat.

EO DEM loco memorare possumus Pelagii I. tempore , Francorum Re-
gem Childebertum , & Gallicanos Episcopos , aliosque viros bonos ,
qui de hujus Pontificis fide dubitârunt.

Causa dubitandi fuit V. Synodus ab ipso suscepta ; quæ Synodus multis
Occidentalibus videbatur Concilii Chalcedonensis , ac Sancti Leonis fidem
infregisse.

Id si esset , non erat dubium , quin Romani Pontifices , atque ipse Pela-
gius decrevissent contra fidem , qui erroneam Synodum in auctoritatem rece-
pissent.

Hic Pelagius non inclamat , seque & Romanos Pontifices errare non
posse , schismaticosque eos esse , qui in eorum decretis errorem suspicentur ;
sed modestè se purgat , editâ suæ fidei clarâ professione ; primum ad Childe-
bertum Regem , quâ anathematizari à se declarat , quod Sancti Leonis &
Concilii Chalcedonensis fidei adversetur : atque *hoc* , inquit , *breviter ad*

Sanandum animum vestrum, vel omnium fratrum & Coepiscoporum nostrorum in Gallie regionibus consistentium, faciendum esse perspeximus.

Eodem ferè modò Episcopis Tusciæ satisfaci: *Hoc, inquit, Dilectionem vestram certissimè nosse desidero, me illam, donante Domino, custodire fidem, quam sacra Apostolorum doctrina constituit, quam Nicæna Synodi firmavit auctoritas, quam Constantinopolitana, Ephesine prima & Chalcedonensis sanctorum Synodorum explanâvere sententiæ; nec quidquam de præfatarum Synodorum definitionibus vel imminuisse me aliquid, vel auxisse, aut in aliquo permutasse.* Ac paulo post: *Hâc igitur Dilectio vestra fidei nostra professione munita ignorantiam hominum edocere festinet.* Denique id subdit: *Si cui super sit scrupulus, ad se veniat, ut rationabili satisfactione perceptâ, universali reformetur Ecclesiæ. (q) Nos enim, secundum Apostolicam sententiam, parati sumus AD SATISFACTIONEM OMNI POSCENTI NOS RATIONEM DE EA, QUÆ IN NOBIS EST FIDE, quia in nullo nos à Sanctis Patribus deviâsse cognovimus.*

Pelag. j.
epist. x. ad
Childeb. T.
v. Conc. p.
798.
Id. ib. ep.
vj. ad Episc.
Tusc. p. 795

1. Pet. iiij.
15.

Eandem satisfactionem reddit epistolâ editâ ad universum populum Dei: *Id autem est, inquit, ut fidem meam, annexâ subter professione definiam, in qua Deo propitio, & rectâ me Apostolorum doctrinâ, & Patrum inherere vestigiis evidenter appareat.*

Pelag. ep.
vij.

Cùm nec sic animi penitus quievisset, tandem ad Childebertum Regem integram fidei suæ professionem dedit, cum hâc præfatione: *Veniens Rufinus vir magnificus, Legatus Excellentie vestre, confidenter à nobis, ut decuit, postulavit, quatenus vobis, aut beatæ recordationis Papæ Leonis tomum, à nobis per omnia conservari, significare debuissimus, aut propriis verbis nostræ confessionem fidei destinare: & primum quidem petitionis ejus partem, quia facilior fuit, mox, ut dixit, implevimus (de tomo Leonis scilicet, quod epistolâ X. suprâ memoratâ fecerat) ut autem deinceps, nullius, quod absit, suspicionis resideret occasio, etiam aliam partem facere maturavi, scilicet propriis verbis confessionem fidei, quam tenemus exponens.*

Ejusd. ep.
xvj. ad
Child. pag.
803.

Ibid.

Cùm ergo id faciat pro auferendo suspicionis scandalo, atque ut modò legimus, ne ulla suspicionis resideret occasio; apparet fidem ejus & Regi & Episcopis Gallicanis, aliisque orthodoxis licet ac piis, fuisse suspectam, quibus satisfecit, fidem profitendo, non se infallibilem prædicando.

Ibid.

Respondébunt id fecisse humili condescensu. Imò profitetur id fecisse jussu Petri præcipientis reddendam omni poscenti fidei rationem: unde

(q) *Universali reformetur Ecclesiæ.* Minus considerati fuerunt in eo certè negotio Gallis Episcopis Episcopi Hetrusci, qui nempe cùm palàm dicerent Romanam Sedem factam fuisse hæreticam, quando tribus capitulis consensit, ab eâ desciverunt. Quapropter Pelagius jubet eos *universali Ecclesiæ reformari*; id est, denuò jungi. Non sic ille loquitur ad Childebertum de Galliæ Episcopis. Quanquam enim Galli querebantur factum fuisse Papam erroris magistrum, non tanta res eis videbatur, ut idcirco ab ejus communione abscederent. Hic tacere non possum id quod Ecclesiæ nostræ Gallicanæ laudum pars est vel maxima: hanc eam semper fuisse, quæ piæ juxta doctrinæ Ecclesiæ Africanæ insistens vestigiis, à schismaticis imprimis abhorrerit, nihilque habuerit antiquius concordia & unitate; adeo ut multoties multisque modis à curiâ Romanâ variis lacerata temporibus, sua jura, suas Libertates, suam doctrinam defenderit fortiter quidem, sed tamen eâ moderatione eâque prudentiâ, ut simul Ecclesiasticæ paci studiosissimè consuluerit.

inquit, *fidem meam presenti ad Excellentiam vestram colloquio intimandam necessario judicavi*; jubente scilicet Apostolo; non humili ac voluntario condescensu.

Denique respondebunt, fuisse suspectum ut Doctorem privatum, non autem ut Papam; imò verò ut Papam: quo nomine V. Synodum, unde suspicio orta, esset suscepisset.

C A P U T XXV.

BONIFACIUS III. seu IV. eàdem causà Sancto COLUMBANO Presbytero suspectus.

E ADEM suspicio etiam diutissimè hæsit animis, quamquam Synodus V. à Vigilio Papà, à duobus Pelagiis, atque etiam à Gregorio Magno comprobata erat. Quà de re extat Sancti Columbani, seu Columbi, aut Palumbi, Presbyteri omni sanctitate conspicui, gravis epistola. Repetendum autem animo est, ejus Synodi gratià multas in Africà & Italià Ecclesias à Romanà Sede defecisse. Non ita Columbanus, qui in ultimà Scotià, Romanæ tunc Sedi addictissimà, natus & educatus. Cùm tamen in Italian post mortem Gregorii Magni venisset, ibique propter V. Synodum à Romanis Pontificibus approbatam, tam populorum quàm Præfulum scindi studia intellexisset, hæc ex Monasterio suo Bobiensi, * instinctu Agilulfi Longobardorum Regis & Theodelindæ Reginae scripsit ad Bonifacium III. seu IV. nondum enim id mihi constitit. Sic autem incipit epistola: *Totius Europa Ecclesiarum capiti, Pastorum Pastori, Bonifacio Patri, Palumbus.* Tum subdit: *Doleo de infamià Cathedræ Sancti Petri.* Tum illud: *Ut honore Apostolico non careas, conserva fidem Apostolicam, confirma testimonio, roboras scripto, muni Synodo:* in eo enim vim reponebant; unde sequentia: *Vigila, Papa, vigila; quia fortè non benè vigilavit Vigilius, quem caput scandali isti clamant.* Postea: *Causa schismatis incidatur cultello quodammodò Sancti Petri, id est, verà in Synodo fidei confessione.* Ac mox: *Dolendum enim ac deslendum, si in Sede Apostolicà fides Catholica non tenetur.* Tunc rogat Pontificem, *quare vel infamare auderet fidei orthodoxæ Sedem principalem.* Magnificè ac præclare de Sedis Apostolicæ majestate dictum; ac statim: *Ut caligo suspicionis tollatur de Cathedrâ Sancti Petri.* Tum: *Jam vestra culpa est, si vos deviastis de verà fiducià & primam fidem irritam fecistis. Merito vestri juniores vobis resistunt, & merito vobiscum non communicant, donec memoria perditorum deleatur. Vestri erunt judices, qui semper orthodoxam fidem servaverunt, licet juniores vestri sint.* Juniores, illius sæculi stylo, inferiores vocat, cùm Prælati ac Præpositi passim Seniores dicebantur.

Ergone, inquires, vir tantus dicere potuit ad Romanum Pontificem, *merito ei non communicari*? Cerrè si pergeret, uti Columbanus putabat, hæresim profiteri, nec se admonitus corrigeret. Cæterum nihilo feciùs ipse

* In Mediolanensi tractu.

Epist. iv. Columb. ad Bonif. T. xij. Bibl. Pat. p. 28. 29. Ib. Col. 1. Ib. Col. ij. Ib. p. 30.

in Sedis Apostolicæ communionem persistit : Nos enim , inquit , devincti sumus Cathedræ Sancti Petri : licet enim Roma magna est & vulgata ; per istam Cathedram tantum apud nos magna est & clara ; dignitate scilicet ductâ à Petro & Paulo Apostolis. Neque enim aliter Scoti , qualem se profitetur Columbanus , Romam noverant , Romanis armis prorsus intacti ; solaque fides eis Romam commendabat. Unde hæc : *Roma Orbis terrarum caput est Ecclesiarum* : quæ quidem , Roma scilicet , ideo præcellere videbatur , quod propter Cathedram Petri , sit fidei orthodoxæ Sedes principalis. Hinc addit Columbanus : *Sicut magnus honor vester est pro dignitate Cathedræ , ita magna cura necessaria , ut non perdatis vestram dignitatem per aliquam perversitatem. Tandiu enim potestas apud vos erit , quandiu recta ratio permanserit. Tum illud præclarum : Unitas fidei in toto Orbe unitatem fecit potestatis.*

Ibid.

Ib. p. 29.
& 30.

Hinc de Concilio V. ab eoque sublata personæ unitate & dualitate natura dicit , tum ad ipsum Pontificem , qui eam Synodum comprobâsse diceretur : *Multi dubitant de fidei vestra puritate : mox : Tollatis hunc navum de sanctæ Cathedræ claritate : non enim decet Romanæ Ecclesiæ gravitatem hæc instantis levitatis famâ moveri à soliditate veræ fidei.*

Ib. p. 31.

An ergo existimabat veram fidem extinctam esse Romæ , cum Clerus universus totaque Ecclesia Romana suis Pontificibus adhereret ? Neutiquam. Imò verò dicebat : *Ego enim credo semper columnam Ecclesiæ firmam esse in Româ* : quod nempe putabat , id non pertinaci animo factum , atque admonitos facillè redituros ; neque unquam futurum ut Cathedra Petri à verâ fide , verâque Ecclesiâ pertinacibus studiis abrumperetur.

Ibid.

Eodem animo Gallos fuisse vidimus sub Carolo Magno , Ludovico Pio , Carolo Calvo , religiosissimis Regibus , post Nicænâ II. Synodum , quam à Papâ licet approbatam pro œcumenicâ non habebant , neque ullo modo ad-

Sup. lib.
vij. c. xxxj.

mittebant : neque minus pii Catholicique habebantur. Neque hîc necesse est afferre cum Polycrate Asianos , cum Cypriano Afros , cum Columbano Scotos , Gallos , Italos seu Longobardos , alios ; cum in promptu sit memorare Ephesin i Concilii ducentos , Chalcedonenſis sexcentos , aliorumque Conciliorum innumerabiles Episcopos , iisque coherentem Catholicam Ecclesiam , à quibus Romanorum Pontificum decreta pro irrefragabilibus non sunt habita , quoad Ecclesiæ universæ consensione probarentur.



CAPUT XXVI.

Romani Pontifices professi se Apostolico officio fungentes esse errori obnoxios, in autoritate universalis Ecclesie acquiescant: locus INNOCENTII III.

QUIN ipsi etiam Romani Pontifices non nisi in universalis Ecclesie auctoritate acquiescunt. Neque jam antiquos allegamus sæpe memoratos. En postremis temporibus, Innocentius III. celebri epistola ad Philippum-Augustum Regem. Rogatus enim à Rege ut ejus conjugium * solveret, sic respondet: *Sed in carnali commercio inter te ac Reginam conjugem tuam adeo processum est, quod si etiam illi tantum confessioni vellemus insistere, quam nuper eadem Regina fecisse proponitur, non auderemus super hujusmodi casu de nostro sensu pro te aliquid definire, propter illam sententiam Evangelicam, quam ipse CHRISTUS expressit; ut QUOD DEUS CONIUNXIT, HOMO NON SEPARET; cum absque dubio nec Sanctorum exempla, nec Patrum decreta, intentioni tua in hoc articulo suffragentur. Verum si super hoc absque generalis determinatione Concilii determinare aliquid tentavimus, prater divinam offensam, & mundanam infamiam, quam ex eo possemus incurrere, forsan ordinis & officii nobis periculantur immineret; cum contra premissam veritatis sententiam nostra non posset autoritas dispensare.* En unde auctoritatem quærat in rebus maximis, en unde etiam pœnam metuat, si inconcessa tentarit.

* Initum cum Isenburgâ Canuti iv. Daniae Regis sorore
Innoc. iij. epist. lib. iv. ep. cvi.
Matt. xix. 6.

An dicent hic induere personam privati Doctoris, qui à tanto Rege interrogatus, ut specialissimo Sedis Apostolicæ officio, supremâ scilicet dispensatione fungeretur, hoc responsum ediderit, quique professus sit, à se tractari rem deliberatione generalis Concilii dignam? Ergo in tantâ re infirmitatis humanæ sibi conscius, agnoscebat aberrare se posse ab Evangelicâ veritate ex Apostolico officio respondentem. Hic ne ullum quidem dicit verbum novissimus autor Anonymus, qui ad hunc explicandum nodum tanta congestit. Unum hoc non perpendit, in quo est difficultas: à Papâ agnitum id fieri posse, ut ipse quæstionem fidei inconsulto definiret, ac propterea loco caderet.

An fortè ad Pighianas redeunt ineptias; & illud Innocentii, *Si hæc tentavimus*, ita interpretantur: *Si per impossibile*; ut quoniam Paulus semel dixit: *Licet Angelus de Cælo quid novi annuntiaverit, anathema sit*; jam non liceat de Pontifice aberraturo loqui, nisi per impossibile; quamque vehementiam ac magniloquentiam adhibuit Paulus, ad adstruendam immobilem Evangelii stabilitatem, eam ad unum hominem infirmum & imbecillum transferre necesse sit; aut verò oportuerit in eo laborare Innocentium III, ut explicaret, quid factura esset Synodus generalis, si ipse aliquid impossibile perfecisset?

Galat. i. 7.

CAPUT XXVII.

JOANNIS XXII. *fidei professio, omnia quæ in Apostolico officio gessit etiam circa fidem, iterum examinari posse demonstrat.*

NOTA est etiam illa professio quam Joannes XXII. jamjam moriturus protulit. Is quippe de visione beatificâ ad extremum usque judicium dilatâ, cum multa dixisset, quibus in hæresis suspicionem venisse se sentiebat, moriens eâ de re mentem suam sic explicat, subditque: *Insuper si qua alia* Odor. Rain. T.xv an.1334. n. 17. & cp. 1. Joâ. xxij. T.xi. Conc. p. 1629. *sermocinando, conferendo, dogmatizando, docendo, seu aliter quovis modo diximus, predicavimus, vel scripsimus circa præmissa, vel alia, quæ fidem concernant Catholicam, sacram Scripturam, vel bonos mores, ea in quantum consona sunt fidei Catholica, determinationi Ecclesiæ, sacra Scriptura, ac bonis moribus approbamus: aliter autem illa habemus & haberi volumus pro non dictis, predicatis & scriptis, & ea revocamus expresse; ac ea quæ de prædictâ visione, & omnia alia dicta, predicata & scripta nostra de quâcumque materiâ, ubicumque & in quocumque loco, ac in quocumque statu, quem habemus, vel habuerimus hætenus, summittimus determinationi Ecclesiæ & Successorum nostrorum.*

Quid se infallibiliter dixisse, prædicasse, docuisse, dogmatizasse, scripsisse credidit; qui hæc, moriens judicioque divino proximus proficitur? an non clarè & liquidò statûs quoque Pontificii dicta scriptaque Ecclesiæ determinationi subjicit? Ecclesiæ verò suos successores addit pro dignitate suâ specialiter appellandos. Huic igitur potestati sua omnia examinanda & judicanda subjicit. Quid autem est subjicere, nisi retractanda atque examinanda omnia rursus, si Ecclesiæ ita visum sit, recognoscere? Diceret saltem subjicere se determinationi Ecclesiæ, quæ ut privatus Doctor docuerit: saltem decretales eas, quas de fide conscripsit, exciperet. An verò eas exceptas voluit, qui disertè exprimit, *quæcumque, quovis modo, quovis tempore, quovis loco statuque* positus, de quâcumque materiâ, nec tantum de visione beatificâ, sed etiam de quâcumque aliâ re, *quæ fidem concernat Catholicam, quæ Scripturam, quæ bonos mores*, quantâ potuit diligentia, explicavit. An fortè quæ decretalibus definivit, non sunt eorum numero quæ *scripsit, dogmatizavit*, atque *predicavit*, cum ea vel maximè omnium prædicarit? Ea ergo etiam determinationi Ecclesiæ subjicit, & quidem hæc professus est nullius errati sibi conscius; sed id tamen volens, ut si quid errasset, Ecclesia corrigeret. Neque verò hæc omnia tanquam per impossibile dixit: absurdum enim esset fidei professionem de impossibilibus rebus edere; sed sibi conscius infirmitatis humanæ, ac divina judiciâ, rebus etiam quas optimo animo gesserat, reformidans, totum se resolvit in Ecclesiæ fidem.

CAPUT XXVIII.

*Ejusdem JOANNIS XXII. de animarum statu speciatim publico diplomate declarata fides, à BENEDICTO XII. successore ap-
examen revocatur.*

Ap. Rainald. ib. **I**LLE verò Pontifex, non modo generatim sua omnia, quæque publicè, quæque privatim egerat, determinationi subjicit Ecclesiæ, sed etiam ea quæ speciatim & expresse de fide exponendâ censuisset. Certè in eâ, quam nunc commemoramus, fidei confessione, de animarum statu hæc speciatim edidit: *Ecce quòd nostram intentionem, quam cum sanctâ Ecclesia Catholica circa hæc habemus, vel habuimus, serie præsentium, ut sequitur declaramus. Fatemur siquidem & credimus, quòd animæ purgatæ separatæ à corporibus sunt in calo, & vident Deum ac divinam essentiam facie ad faciem clarè, in quantum status ac conditio patitur animæ separatæ.* Quæ cum expressissimè declarasset, ut suam & Ecclesiæ Catholicæ fidem, nihilo seciùs declarationem eam, Ecclesiæ & successorum determinationi subjicit.

Hic rogare libet eos, qui à Romano Pontifice editam fidem, non aliam esse putant, quam ipsissimam Ecclesiæ Catholicæ fidem, quâ ratione putent Ecclesiæ Catholicæ fidem à Joanne XXII. Pontificio diplomate declaratam, ipsius Ecclesiæ ac successorum suorum determinationi subjici potuisse, iterum examinandam.

An respondebunt à Joanne declarari fidem eam, quam privatus profiteretur, non verò quam Pontifex? Atqui fidem eam consignari voluit publico diplomate, præfixoque, ut in aliis, consueto titulo.

Bened. xij. ep. j. T. xi. Conc. p. 1753. **An** verò causabuntur has Pontificias literas *grossatas* quidem fuisse, non tamen *bullatas*, superveniente obitu Joannis XXII. ut Benedictus XII. successor attestatur? Ad has ergò ineptias (r) talis quæstio devolvitur. Atqui quod per tempus Joanni non licuit, Benedictus supplevit, *bullatam* que epistolam ad omnes dimisit Ecclesias, Pontificatûs sui anno primo, Christi 1334.

Rain. an. 1336. n. 1. 2. 3. **Neque** eò seciùs fidem antecessoris, quam suam quoque esse edito diplomate confirmaverat, revocavit ad incudem, quæstio nemque de clarâ visione per duos annos tractavit de integro; ac demùm definivit anno Pontificatûs III. CHRISTI 1336. Ergò existimavit Romanorum Pontificum authentico diplomate declaratam fideni, adhuc in quæstionem revocari posse.

Nondum enim, inquires, rem dixerant, adhibitis omnibus solennitati-

(r) *Has... ineptias.*] Quàm verè ineptias! Dehonestant enim non cohonestant Sanctam Sedem illi Theologi, qui rata nolunt esse decreta Apostolica, nisi formulis vestiantur, iisque minutissimis & Patribus nostris prorsus incognitis. Papæ autoritas, quam colere debent omnes CHRISTIANI labefactatur, inò oppugnatur ab iis Ultramontanis, qui Pontificum decreta, aliquin ex doctrinâ Scripturæ & Traditionis accuratè composita, eo uno irrita di-

bus ; nondum ab omnibus tenendam sub anathemate , aut contrariam sententiam esse hæreticam : tanquàm Romanam fidem , non nisi sub anathemate declarari oporteret ; cùm profectò anathemata , non nisi subortâ hæresi decerni soleant : vera autem fides , ut ante omnem hæresim atque omnia anathemata constitit ; ita absque anathemate declarari potest.

CAPUT XXIX.

GREGORII XI. ac PII IV. professio.

QUO animo Joannes XXII. moriens , eodem animo Gregorius XI. Apostolicâ Sede in Urbem restitutâ nobilis , in iisdem appetentis lethi angustiis constitutus , hæc edidit : *Volumus , dicimus & protestamur , ex nostra certâ scientiâ , quòd si in Consistorio , aut in Concilio , vel in sermonibus , vel in collationibus publicis , vel privatis , ex lapsu lingue , aut aliâs ex aliquâ turbatione , vel etiam latitiâ inordinatâ , aut præsentâ Magnatum ad eorum forsitan complacentiam , seu ex aliquâ distemperantiâ , vel inadvertentiâ aut superfluitate , aliqua dixerimus erronea contra fidem Catholicam , quam coram Deo & hominibus , ut tenemur præ cæteris , prostemur , colimus & colere cupimus ; seu forsitan adharendo opinionibus contrariis fidei Catholice scienter , quod non credimus , vel etiam ignoranter ; aut dando favorem aliquibus contra Catholicam religionem obloquentibus ; illa expresse & specialiter revocamus , detestamur & haberi volumus pro non dictis.*

Testam.
Greg. xi.
Tom. vj.
Spicil. pag.
676.

Quibus verbis æquè complectitur ea quæ in Consistorio , inque Concilio , ac ea quæ in colloquiis ; omniaque in se recognoscit , quorum causâ quicumque mortalis scienter , vel ignoranter , privatim ac publicè errare potuit.

Extat in eandem sententiam Pii IV. in Consistorio habita oratio , cùm de Francisci Mommorancii Annæ filii matrimonio ageretur. Eâ causâ Romanam missus D. DE LA HAYE , Doctor Theologus , hanc rei gestæ narrationem scripsit , quam Castelnavius * diligens & candidus scriptor , commentariis suis integram inseruit. Is ergò Pontificem in Cardinalium cœtu , in hæc fere verba perorasse memorat : *Ego vos congregatos volui , ut à vobis audiam rem haud mediocris momenti ; utrum scilicet conjugium contractum per verba de presenti , nostrâ potestate solvi possit. Diligenter advertite quæ dicam : non verba de futuro aut simplicem promissionem dicimus : quarimus an conjugium per verba de presenti initum , quod verum conjugium , verumque est sacramentum secundum saniores Theologorum sententiam , à nobis solvi possit. Ne , quæsumus , tempus terite in colligendis antecessorum nostrorum exemplis & factis , quæ nos prostemur ita sequi velle , si cum Scripturæ auctoritate & Theologicâ ratione consentiant. Neque enim sum dubius , quin ego &*

*Seu potius LE LABOUREUR in iis quæ addidit commentariis Castelnavi.

Le Laboureur, addit. aux mém. de Casteln. Tom. ij. p. 427. 428.

cunt esse , quòd Bullata non fuerint ; id est , quòd Secretarius sigillum plumbeum , cum imagine Petri & Pauli apponere neglexerit. Si ita est ut volunt ; ergò non ipse Papa est infallibilis , sed qui apponit sigillum Secretarius ; aut saltem Papalis tum cœpit infallibilitas , cùm neoterica ea formula primùm invecita est.

antecessores mei aliquandò falli potuerimus, non solum in hoc factò, sed etiam in aliis. En quid Pontifices ritè interrogati, ut pto Pontificio officio respondeant, decernant, dispensent, de se ipsis sentiant. Hæc retulerunt ii qui nihil de Theologicis quæstionibus cogitarent; sed rem, uti gesta, uti nota; uti divulgata erat, ita enarrârunt. Neque quidquam novi Pius IV. loquebatur: ab antecessoribus consentanea audivimus, qui in exequendo Apostolico officio contra veram à Scripturis traditam fidem, errare se potuisse senserunt. Hunc igitur sensum illis ipsâ fidei veritate insitum credimus; quâ etiam veritate est insitum Christianis omnibus, ut se quotidie peccare multa sentiant: atque utrosque credimus, non modo humiliter; sed etiam veraciter confiteri; ipsamque humilitatem non verbis, aut falsâ sententiâ, sed veritate niti, ut Patres Cathaginenfes & Sanctus Augustinus docent.

Aug. lib.
de nat. &
grat. c. xxiv.
n 42. Tom.
x. p. 144. &
alib. pass.

CAPUT XXX

Ecclesiæ Catholicæ autoritas multis casibus Ecclesiæ Romanæ laborantis auctoritatem supplet: primum exemplum, sæculi X. invasores.

OPERÆ pretium erit confiderare attentius ut Ecclesiæ Catholicæ auctoritas laborantem ac periclitantem adjuverit Romanam Ecclesiam, simulque, seipsam omni Romanorum Pontificum auxilio destitutam, Sancti Spiritus fulta præsidio sustentârit. Primum igitur tantisper redire in memoriam volumus sæculi X. infamiam; quo sæculo per septuaginta fere annos flagitiosissimi invasores Petri Cathedram occuparunt; postquam scilicet Imperatoria concidit auctoritas, Romæque omnia per vim ac libidinem gerebantur.

Ac Batonius quidem de his invasoribus sic agit, ut Sedes Apostolica vacasse videatur: eos enim appellat non modò *abortivos, monstra, Sedisque Apostolicæ inquinatores*; verùm etiam, quod apertè ad nullitatem pertineat, *invasores, intrusos, illegitimos, nullo pacto legitimos, ac nomine tenus Pontifices, Pontificis nomen usurpantes, pseudo-Pontifices, qui non sint nisi ad consignanda tempora in catalogo Romanorum Pontificum scripti.* Neque tantùm ait *per vim ac metum* in Petri Cathedram *violenter* immisos; sed etiam aliis causis cassos nullosque, Joannem XI. ac XII. (s) vix puberes: illum etiam sputium ac Sergii jam tum Papæ filium * ac postea successorem; quò nihil magis canones abominantur; cui *non atas, non natalitia, non legitima suffragaretur electio; qui non nisi nomen Pontificis malis usurpatum artibus retineret.* Tales interim Pontifices ad multos annos sacrilegum Pontificatum prorogabant. Joannes certè X. (t) quo nullius fuit flagitiosior electio,

Bar. an.
912. T. x.
p. 679. &
toto hoc T.
pass.

* ex Ma-
roziâ cele-
bri tui c
scorto ge-
nitum.

Idem ib.
an. 933. p.
707.

(s) Joannes XI.] Viginti quinque annos natus, Joannes XII. vix decem & octo Sedem Apostolicam invaserunt.

(t) Joannes X.] Ravennatis Ecclesiæ minister, cùm sæpius à suo Archiepiscopo Ro-

atque administratio tectior, ad octodecim fere annos. Quorum temporibus non Presbyteri, non Diaconi, sed sceleratissima scorta sacro-sanctam potestatem administrabant; qui denique haud scio, an majore flagitio non pellerentur quam intruderentur.

Hos ergo adeo nullos Baronius existimare videtur, ut eò referat illud Actorum, quod agros *umbra Petri* ab infirmitatibus liberaret: ut profecto habeantur, non pro veris Petri successoribus, qui ejus dignitatem, sed pro infaustis, qui ejus umbram tantum ac speciem gererent.

Hinc idem Baronius Sedem Petri Solis instat ac Lunæ perfectam, tamen confiteretur eclipses esse passam: neque debere nos, *nimis rigide in Apostolicâ Sede majora requirere, quam quæ in Symbolicis signis (u) fuerint divinitus demonstrata.*

Hæc igitur vacasse Sedem demonstrare videntur sub his propudiosissimis infaustis. Addit tamen Baronius *accedente consensu Cleri* toleratos, ne Ecclesia schismate scinderetur; quosdam novis comitiis electos, atque hinc pro legitimis Pontificibus cultos: quod non ita contigisset, *nisi de factis*, inquit, *postea legitimâ electione constitisset.*

Nos nulla ejusmodi nova comitia legimus; nullas electiones novas; neque consensus Cleri Romani quidquam hinc juvat, cum ipse Clerus nihil sani aut corruptus cogitare, aut oppressus agere posset. Id quidem certum est, qui Sedem Petri tenere viderentur, eos, per totam Ecclesiam agnitos atque observatos fuisse; nempe quod Ecclesia Catholica præstabilius judicaret, pravum caput habere, quam nullum.

Hinc igitur illis Pontificibus certior affulget auctoritas ex consensu Catholicæ Ecclesiæ eos agnoscentis, quæ Sancti Spiritus auctoritas est. Hæc auctoritas Ecclesiæ Romanæ Ecclesiarum matri succurrebat, cum nihil opis afferre posset ipsa sibi. Hæc Ecclesiæ Catholicæ auctoritate suppleta sunt, quæ talium Pontificum electioni & administrationi deerant. Hujus auctoritatis plenitudine factum est, ne quæcumque fierent, hoc defectu cassâ concide-

nam dirigeretur, videbat Marozia sororem Theodoram, scortum impudicissimum, & cum eâ scelestissime commiscebatur. Illis autem temporibus, tantum in Ecclesiâ Romanâ poterat Theodora, ut, illius impulsu, Joannes crearetur Bononiensis Episcopus, mox Ravennensis Archiepiscopus, demum, mortuo Landone Papâ, in Sedem Apostolicam collocaretur. Timebat enim illa, inquit post Luitprandum Baronius, *ne Amasii ducentorum miliarium interpositione, quibus Ravenna sequestratur à Româ, rarissimo concubitu potiretur.* Bar. an. 912. p. 681.

(u) *Symbolicis signis &c.* Hæc ut intelligantur, sciendum est Baronium ad Sedem Apostolicam accommodare illam Davidis prophetiam: *Sedes ejus sicut sol in conspectu meo & sicut Luna perfecta in æternum.* Ps. LXXXVIII. *Ea Sidera*, inquit Baronius, *interdum obice nubium minus lucent & eclipsibus intercurrentibus redduntur obscura. . . Non ergo adeo mirandum homines peccatores in Sede Apostolicâ Sedisse.* Sed David hinc loquitur de Throno CHRISTI inconculso semper futuro, qui Thronus idè dicitur similis Soli & Lunæ, sive quia ea signa manent semper eadem, licet nostris oculis nunc clariora, nunc obscuriora videantur; sive quia David sic perfectum Solem mente conciperet, qui *obice nubium* nunquam obscuraretur, & Lunam perfectam quæ nullas pateretur eclipses. Hanc hujus loci explicationem afferunt omnes Scripturæ interpretes, & ipse D. BOSSUET comment. in Ps. Nos tamen Baronio non admodum succensemus hæc verba ad Sedem Apostolicam accommodanti; sed observandum erat ea de solo CHRISTO & æterno ejus Throno propriè verèque debere & posse intelligi.

Bar. loc
sup. cit.
Act. v. 15.

Bar. an.
897. r. 641.

Ib. p. 640.

Ibid.

rent. Est ergò Ecclesiæ Catholicæ plenissima ac suprema & universalis auctoritas, quâ, quæcumque deficiant etiam in Ecclesiâ Romanâ suppleantur.

C A P U T X X X I.

Alia exempla : turba sub SERGIO III. ordinationum FORMOSI Papæ gratiâ : AUXILII Presbyteri locus : aliæ turbæ sub JOANNE XII. turbæ graviores, atque incertior status in diuturno schismate inter URBANUM VI. & CLEMENTEM VII.

MAIORE perturbatione res erant Stephani VII. & Sergii III. temporibus, anno CHRISTI 897. & 908. Hi enim præter quàm quòd per vim intrusi sunt, ad malorum cumulum multa insuper addiderunt. Hinc illa in formosum Papam atrox sententia, (x) quòd à Portuensi Episcopatu in Sedem Apostolicam translatus esset. Tunc ejus Cadaver projectum in Tiberim à Stephano VII. & quanquam Stephani acta Joannes IX. resciderat, Sergius tamen III. Episcopos omnes à Formoso ordinatos, item Presbyteros, sive ab illis Episcopis, sive ab ipso Formoso ordinatos, aut abjiciebat, aut de novo ordinabat. Quo tempore ordinationes, *exordinationes* *, ac *superordinationes* contigerunt eæ, quas Auxilius eorum temporum egregius Presbyter deploravit.

* id est ordinationes irritæ.

Vid. lib.

Auxil de

sacr. ordin.

Tom. xvij.

Bib. Pat. p.

4. & seq.

Ib. cap.

xxvij. p. 9.

Ib. cap.

xxxiv. p. 10.

Id. Dial.

ad Leon.

Nol. Episc.

c. xvij. ib.

P. 17.

Ibid.

Idem. de

Sacr. ordin.

c. XL. p. 10.

Dial. c. xxx.

xxxj. p. 21.

Is igitur propter Formosi causam, cùm à Sergio III. exordinatus esset, in ministerio stetit; aliisque eadem causâ dejectis, ut starent, auctor fuit, eâ vel maximè causâ, quòd si omnis ordinatio à Formoso profecta cassâ esset, Italiæ regiones longè latèque *jam circiter viginti annos absque Christianâ religione, absque Sacerdotio, absque sacramentis vixerint.*

His aliisque de causis iussus à Sergio sub excommunicationis pœnâ, Sacerdotali ministerio abstinere, edito libro *de Sacris ordinationibus*, ac postea Dialogo, qui inscribitur: *Insensor & Defensor*; respondit; quòd pastoribus injusta jubentibus obediendum non esset; quòd excommunicatio ejus rei causâ lata nulla haberetur; quòd aliud sunt *Pontificales Sedes, aliud Præsidentes*; quòd *honor & dignitas uniuscujusque Sedis venerabiliter observanda sunt*: *Præsidentes autem si deviaverint, per devia sequendi non sunt, hoc est, si contra fidem, vel Catholicam religionem agere cœperint.* En quòd Romano Pontifici exprobraret. Addebat non observandam excommunicationem eam, quæ ad *committendum facinus pertineret.* Usque adeò fieri potest, ut quis ad facinus à Romano Pontifice etiam sub excommunicationis pœnâ adigatur. Concludebat verò sic, suo & sociorum suorum nomine: *Ideòque in sacro ordine, quo consecrati sumus permanentes, præstolamur universalis Concilii æquissimum examen.* Quin etiam illud Concilium non à Pontifice, qui omnia conturbaret, sed ab Imperatore expectabat. Adeò in Ecclesiâ Romanâ

(x) *Atrox sententia.*] Quis non miretur de unius Episcopi translatione tam anxie religiosos esse Papas eos, qui religionis nullâ habitâ ratione, se tot sceleribus commaculabant. Vid. eorum vitas Tom. IX. Conc. Labb.

intestinis discordiis laborante, nihil erat opis: ac dum Synodus, consentientibus Episcopis, cogeretur, ipse à Sergio habitus communionis expers, Ecclesiæ Catholicæ, eique connexæ Romanæ Ecclesiæ ac Sedis Apostolicæ communionem gaudebat.

Auxilium Presbyterum Sigebertus primùm, atque ipse Baronius honorificè memoravit. Et Baronius quidem ait, hæc quæ Auxilius deploravit, *perpetrata ab invasoribus & intrusis in Apostolicam Sedem, Pontificis nomen usurpantibus*. Verùm Auxilius non ita se tuetur; neque respondet Sergium illegitimum Pontificem à se impunè contemni; sed recurrit ad ea quæ veris Pontificibus prava jubentibus obtemperari vetarent. Quo certum omninò est, adversus Pontificem pro vero ac legitimo habitum, sed potestate in Ecclesiæ perniciem usum, universalis Synodi opem imploratam, cum nulum aliud præsidium superesset.

At enim, inquires, extraordinaria hæc, neque in exemplum trahenda: quæ nos ultro confitemur. Illud autem volumus: gravissimos, divino iudicio, multos incidisse casus, quibus Ecclesiæ Romanæ oppressæ ac laboranti nihil præsidii, nisi in Ecclesiæ Catholicæ toto Orbe diffusæ autoritate superesset.

Ac fateamur necesse est talia contigisse cum Joannes XII. flagitiosissimus Pontifex ab Othone I. Imperatore, Concilio congregato, depositus est, & Leo VIII. huic substitutus. Baronio facilè concedimus illegitimum illud fuisse iudicium. Interim pars Orbis maxima, Joannem ejusque successorem *aversabatur; Leoni ejusque successoribus adhærebat. Bonâ profectò fide, sub incerto, imò nullo Pontifice, haud minùs Christo ejusque Ecclesiæ conjuncti vivebant.

Quæ mala Ecclesiæ incubuere graviùs in illo longo schismate inter Urbanum VI. & Clementem VII. eorumque successores. Quo in schismate, ubi locorum esset Sedes Apostolica per quadraginta annos multi viri boni sanctique nesciebant, nullusque sedebat Romanus Pontifex; siquidem illud Belarmini valet: *Pontifex dubius, Pontifex nullus*. Quibus turbis Sedes Apostolica non nisi autoritate Ecclesiæ Catholicæ, ultrò in Pisanam Synodum confluentis, emergere potuit. Atque interim Christus hæc duo demonstravit: Primùm, Ecclesiam Romanam occulto iudicio in ea incommoda turbasque labi posse, undè se ipsa extricare non possit, & ab Ecclesiæ Catholicæ autoritate pendeat: tùm illud, sub dubio ac fluctuante, imò sub nullo ac falso Pontifice, certam remanere, longo etiam tempore, Ecclesiæ Catholicæ, non modò unitatem, sed etiam autoritatem, quâ rebus necessariis consulatur.

Sigeb. de
Script. Eccl.
c. cxij.
Bar. ann.
908. p. 667.
668.

Vil. Bar.
ad an. 863.
& seq.
* Bene-
dictum v.



CAPUT XXXII.

Ex his ostenditur, et si quis Romanus Pontifex falsa definiat, Catholicam tamen Ecclesiam sedemque Apostolicam manere suo pondere constitutam.

Optat.
Milev. de
schism. Do-
nar. lib. ij.
c. iij. p. 28.
ed. Dup.
Hieron. ep.
ad Damas.
xiv. al. xvij.
Tom. iv.
part. ij. p.
20.
* dictum
Socratis.
Soc. lib. ij.
c. viij.
Sup. cap.
xxxj.

His convincuntur ii qui Ecclesiam Catholicam statim interituram putant, si quis Romanus Pontifex falsa definiat: tanquam una ea res sit, quam Ecclesiæ Catholicæ autoritas supplere non possit. Atqui alia quæ memoravimus, cogitanda erant. Nempe certum est Romanum Pontificem à Deo esse positum, qui Catholicæ societatis communisq; esset vinculum. Stat semper invictum illud Optati de Romano Pontifice: *Cum quo nobis totus Orbis in una Communionis societate concordat*, & illud Hieronymi ad Damasum: *Qui tecum non colligit, spargit*; & illud Cypriani, illud Ambrosii, illud omnium, ut cum Episcopo Romano, id est cum Ecclesiâ Catholicâ communiceamus. Atque hinc etiam valet illud*, absque Romano Pontifice non colligi Synodos: quippè quo duce Ecclesiæ uniri, conjungique debeant. Hæc à Christo instituta, hæc in ævum duratura sunt. Neque eò secius, Deo permittente, ea interdum eveniunt, quibus viri boni sanctique, Pontificiæ communionis exsortes manere debeant, ut Auxilio Presbytero contigisse vidimus, ne fateri cogeretur; cessasse in Italiâ per viginti annos legitimum Sacerdotium legitimamque sacrorum administrationem. Quid in illo schismate, cum inter duos tresve Pontifices, viri boni, ipsaque Ecclesia fluctuaret, & à duobus delusa, ab utriusque se obedientiâ subtraheret? An abrupta erat illa tessera Christianæ fraternitatis in Romani Pontificis communionem à Christo constituta? Absit. Ad eam enim in integrum resarciendam votis omnibus anhelabant, Romano Pontifici, si non actu ac re ipsâ; tamen animo, affectu, voluntate conjungebantur. Interim Ecclesiæ Catholicæ, quod sæpè dicendum est, eique connexæ Sedis Apostolicæ communionem gaudebant; & cum omnino Synodo opus esset, Romani Pontificis ad eam colligendam officium, Ecclesiæ Catholicæ, hoc est, Spiritûs sancti supplevit autoritas. An ergò officium confirmandi in fide fratres, si casus occurrat, eadem Ecclesiâ supplere non possit? Absit. Certè infandi illius ac diuturnissimi schismatis tempore, fœdæ hæreses, Wiclefi, Hussique totâ Ecclesiâ vulgabantur; quibus interim certa Ecclesiæ Catholicæ autoritas resistebat: adversusque eos multa sunt edita ejusdem Ecclesiæ decreta gravissima, quibus Catholici firmabantur, hæretici profligabantur. Quin ipsi hæretici nihilo secius in Sedis Apostolicæ Ecclesiæque Romanæ verba fidemque adacti sunt, & ad illam Petram æquè allisi, ac si Romana Sedes suo præside frueretur. Nec mirum; neque enim Romana Sedes aut fides in vocatione interit, neque interitura est, etiam si graviora ac diuturniora impedimenta contigerint. Cur ergò eò magis aut Sedes Apostolica aut Catholica Ecclesia collabatur, si quis Romanus Pontifex falsa definiat? Nempe in uno hoc casu deficiet Ecclesiæ, ille à Christo datus, ut in eâ maneret spiritus?

ritus ? Nulla erit super , quæ succurrat , aut Synodum colligat , autoritas ? Quid si Romanus Pontifex hæresim non jam definitione lanciat , sed tamen prædicet ? Quid si sit apertè jam obstinatèque hæreticus ? Quid si simoniacus ? Quid si schismaticus ? Quid si contumaciæ nomine meritò depouendus ? Quid si bonos viros à suâ communione depellat ? Quid si mente captus ? Quid si detentus ? Quid si ea tam multa contingant , propter quæ ei necessario obstitatur ? Hæc enim partim evenisse , partim evenire potuisse omnes consentiunt . Quid dicam de Marcellino , quem thurificasse multi crediderunt ? Quid de illâ , quam adversus eum collectam memorant , Sinuessanâ Synodo (γ) trecentorum Episcoporum ? Falsane , an vera sit , nihil hîc nostrâ refert . Veram certè esse ipsâ rei summâ defendit Baronius : veram eam esse plerique Canonistæ per trecentos annos existimârunt ; eoque exemplo pro certo habuerunt , quibusdam in causis Synodum ultrò convenire posse , non quidem ad judicandum , sed ad convincendum atque increpandum Romanum Pontificem , ut saltem pudore victus abdicare cogatur . At enim , inquirunt , causæ eæ sunt necessariæ cur Synodus fiat , etiam invito Romano Pontifice : tanquàm ulla causa magis necessaria sit , quàm læsæ fidei ; aut adversus Romanum Pontificem valeat Ecclesia , si hæresim prædicarit , inermis verò atque omni præsidio destituta jacent , si certas formulas ac solennitates adhibeat : quo quid absurdius ? Et tamen quando quidem in eo causa stat , jam exempla afferenda sunt , atque infirmiores animi ipsâ experienciâ confirmandi , ne quid fidei metuant , si quis Romanus Pontifex , quod absit , officio desit .

Conc.
Sinuess. T.
j. p. 938.
Bar. ann.
303. T. jj.
p. 771. 772.

(γ) De... Sinuessanâ Synodo] nulla nunc extat inter doctos controversia . Hanc enim manifestè supposititiâ arguunt stylus barbarus & sententiæ planè absurdæ . Unum est quo Ultramontani probari posse putent celebratam fuisse hanc Synodum ; nempe quòd nulla alia nominetur quæ Marcellinum idolis thurificantem absolverit . Atqui fabulosa est illa Marcellini thurificatio , de quâ nullus veterum loquitur . Quin imò Theodoretus , Lib. I. cap. III. dicit *Marcellinum persecutionis tempore inclaruisse* , quod non diceret de Pontifice idolis thurificante . Et quidem Marcellino Donatistæ idololatriæ crimen inferebant ; at falsum nulloque teste firmatum , quemadmodum solebant accusare multos alios , eosque sanctissimos Pontifices , Melchisedem , Marcellum & Sylvestrum . Cæterum nunquam ab eis commemorata est ea Synodus trecentorum Episcoporum , nec ab Augustino in suis adversus Petilianum libris . Neque erat adeò facile persecutionis tempore trecentos Episcopos congregare ; cum vix in summâ Ecclesiæ pace , Constantinus hunc numerum accire potuerit in Concilio Nicæno . Hæc in ineptam fabulam dicta sufficiant . Credo ipsum Baronium non aliter sensisse . Sed timebat , si Concilium id supposititium confiteretur , ne manibus ejus elaboretur illud ejusdem Concilii axioma toties deinde decantatum : *Prima Sedes non judicabitur à quoquam* . Qui plura de eâ rê voluerit , adeat P. ALEX. Tom. IV. p. 652. Paggi an. 302. n. 16. & seq. TILL. Tom. V. persec. Diocl. not. XXI. p. 613.



CAPUT XXXIII.

Lapsus Romanorum Pontificum nihil Ecclesie, nihil fidei, nihil Sedis Apostolicæ nocuerunt: LIBERIUS ordine temporum primus recensetur.

Hic necessario repetendi sunt Romanorum Pontificum in causis fidei pertractandis, non modò cunctationes periculosa interdum, sed etiam lapsus. Et si enim animus refugit commemorare ea quibus imbecilles animi commoveri soleant; tamen hæc me spes sustentat, fidei omnia profutura, cum evidens futurum sit, Romanis quoque Pontificibus, in injuncto officio confirmandi fratres deficientibus, tamen illud officium haud minùs postea viguisse, haud minùs immotam perstitisse Ecclesiam Catholicam, eique conjunctam Sedem Apostolicam ac Romanam fidem.

Hic primo loco occurrit Liberius. Neque verò animus est tractare questionem de Sirmiensibus formulis: quâ in controversiâ doctissimi quique dubitare se potius, quam certi aliquid tenere se fateantur. Nos in eam sententiam propendimus, ut Liberius ei formulæ * subscripserit, quæ esset omnium maximè innocua. Hæc interim certa sunt; pessimè fecisse Liberium, qui cum Arianorum artes fraudesque nôllet, ei fidei subscriberet, quâ CHRISTUS substantialis ejusdemque cum Patre substantiæ taceretur. Illud enim erat initæ cum hæreticis consensionis indicium ac tessera: atque adeò per Liberii subscriptionem Ariani id obtinebant, quo Nicenam infringerent & infamarent fidem. Quare Liberius nec ipse dubitavit, datis fœdissimis ac miserabilibus literis, cum omnibus Arianis communicare, atque à suâ & Ecclesiæ Romanæ communione segregare Athanasium, cum quo communicaße pars Ecclesiasticæ atque Catholicæ communionis habebatur. Hæc à Liberio perpetrata, satis amplam causam dederunt, cur ei hæc agenti anathema ab Hilario diceretur, & cur ille ab Hieronymo & aliis in hæresim subscripsisse memoraretur. Quo etiam factum est, ut à Romanis haud aliter reciperetur, quam ut qui fidem prodidisset, ac se Arianâ communione maculasset, hæreticisque per omnia communicasset, *exceptâ rebaptizationis infamiâ*, (2) ut in vitis Romanorum Pontificum disertè scriptum legimus.

Neque omittendum illud, quod est gravissimum; Liberium, postquam Arianorum communione pollutus Romam rediit, à maximâ Cleri & populi Ecclesiæ Romanæ Presbyterum, ac postea Liberii successorem præ cæteris ab ejus communione abhorruisse, ac Felici in ejus exulantis locum substituto adhæsisse; quòd hic vice versâ, Catholicam Ecclesiam contra Constantium tueretur. Hinc *ab eo die*, quo scilicet, Liberius in urbem ingressus est, fuisse persecutionem maximam in Clero, ita ut intra Ecclesiam Presbyteri & Clerici complures necarentur, & Martyrio coronarentur. Hæc in vitis Romanorum

(2) *Exceptâ rebaptizationis infamiâ.* Hic annotat Binius Arianos nondum rebaptizasse Catholicos ad se deficientes, & ea verba ab aliquo fuisse addita, quod verisimile est.

* primæ videlicet quæ adversus Photianum à Synodo depositum excussa fuit.

Vide B. II. Tom. iij. an. 357. n. 30.

Ep. Liber. vij. viij. ix. x. T. ij. Conc. pag. 751. & seq.

Hilar. fragm. vj. p. 1337. ed. Bened. vid. Hieron. in Chron. & de scrip. Ecclef.

Vit. Liber. Pap. T. ij. Conc. p. 740.

Ibid. Vit. Felic. ij. ib. pag. 843.

Pontificum scripta recipit Baronius; quibus profectò rebus Liberius non confirmabat, quam potius omni ope infrungebat fidem. Nunc quid ad hæc respondeant audiamus.

Bar. T. iij.
an. 357. n.
45. 46. p.
713. 714.

CAPUT XXXIV.

Adversariorum effugia præcluduntur: nostra argumenta firmantur.

PRIMUM quidem aiunt, ad hæc misera & infanda, vi adactum Liberium, tædio scilicet victum exilii, ut scribit Hieronymus. Id ipsius Liberii, quæ supersunt miserabiles testantur literæ: satis enim constat, etsi districtos gladios non legimus, tamen intentatos necis metus. Sed nihil magis infregit Liberium, quàm prava cupido tantæ recuperandæ Sedis, quod etiam Baronius confitetur, verèque memoravit eam fuisse Dalilam, quæ hunc Samsonem corruerit. Utcumque est, si verba Christi dicentis: *Rogavi pro te*, omninò eo pertinent, ut Petri successor nusquam fidei desit, nusquam officio confirmandi fratres; Liberium haud minùs ab ipso metu tutum esse oportebat, quam à cæteris pravis cupiditatibus. Quis enim non videat, id promississe Petro Christum, ne ullâ animi infirmirare vinceretur? Quo loco si metum excipimus, nimium stultè in re tantâ ludimus. Atque hoc animi robur ad Petri successores manasse oporteat, siquidem omnes eos promissionis ejus hæredes esse constet. Tùm & illud quærimus, si hæc Liberius non metu, sed vel imperitiâ, vel aliâ pravâ cupiditate fecisset; an ideo cessuri erant Eusebius & Damasus ac Romana Ecclesia? Imò tantò ampliùs restitissent. Fateamur ergò Romanam fidem, Romanam Ecclesiam, non modò adversus metum, sed adversus omnem aliam cupiditatem potuisse consistere. Denique si vel maximè metum causari placet, quid fiet Liberio, non jam metuenti ac persecutionem passo, sed ultrò persequenti fratres, ut ad impiam communionem cogerentur; & quæcumque adversus Catholicam fidem gesta erant, etiam concitâtâ persecutione firmanti. Alia profectò quærenda sunt, quibus Liberius excusetur.

Bar. ib.
n. 33. p. 709.

Hic ergò Bellarminus ac Baronius omni ope contendunt, ne Liberius hæresi subscripsisse videatur. Quo operæ pretio; cum saltem sit certum subscriptam ab eo, probatamque formulam quâ fides Nicæna taceretur? At enim, inquiunt, Hilarius quoque hanc probavit formulam; probavit verò tanquàm omninò integram ac perfectam? An potius id egit, ut qui eâ uterentur, eos alliceret ad Catholicam fidem, à quâ non penitus abhorreere viderentur? Cæterum ut à veris orthodoxis, ac fidei Nicænæ defensoribus subscriberetur his formulis, quibus fides Nicæna taceretur, non probavit Hilarius: non probavit ut eo silentio & Episcopatus redimeretur, & pax cum perfidis iniretur; id inquam, Hilarius neque probavit, neque fecit. At id nemo dubitat fecisse Liberium.

Bell. de
Rom. Pont.
lib. iv. cap.
ix. Bar. an.
357. n. 37.
Tom. iij.

Aliud est, inquiunt, tacere, aliud negare. Non profectò aliud est, cum ad eum articulum devenitur, ut tacere negare sit. Neque enim quidquam aliud Ariani volebant, quàm ut fidem Nicænam tacendo subruerent; eoque deducta

res erat inter Catholicos & hæreticos, ut utrimque contenderetur; ab illis; ne fides Nicæna silentio premeretur; ab his, ut ipso silentio rolleretur; neque id Liberius, aut quisquam ignorabat. Quo tempore tacere, apertè negare est. Neque enim frustra CHRISTUS dixit: *Qui me erubuerit, & meos sermones, hunc filius hominis erubescet*. At qui sciens tacet, cùm professionem

Luc. ix. 26. res postulat, profectò erubescit, imò etiam negat: unde quod apud Lucam

Matth. x. legitur: *Qui me erubuerit*, legitur apud Matthæum: *Qui me negaverit*.
33. Negavit ergò Liberius, dum tacuit id, quod tùm vel maximè oportebat confiteri eum; in agone ipso scilicet, in ipso martyrii, hoc est, testimonii articulo constitutum. Quo in articulo constitutus, dùm pudendo silentio Sedem Apostolicam redimit, nempè quantum in ipso est, omnes docet patere communionem cum Cathedrâ Petri, iis qui Nicænam tacerent fidem. Neque id tantum; sed etiam negari iis, qui illam tuerentur: cùm non aliâ causâ Ariani Athanasium à communione Liberii segregatum vellent. Neque in his cogitandum est, quid subtiliter dici possit, sed ipsius rei summa, quid faciat in hominum animis. Neque etiam est quòd dicant vituperari à se Liberii factum, defendi fidem quam intus haberet. Nos profectò ipsum rectè sensisse, & contra id quod sentiret scripsisse & fecisse intelligimus, & ideo fidei defuisse; & talia facta ad ipsam fidei confessionem pertinere, nec ipse Baronius negaverit.

Ceterum, id si putant promissioni CHRISTI tutandæ satis esse, ut Romanus Pontifex intus rectè credat, quidquid profiteatur, amplam nobis januam aperiunt. Ecce enim dicemus Romanum Pontificem benè intus sentientem; pravâ tamen aliquâ cupiditate seductum, adversus fidem suam pronunciaturum. Id si non sufficit tutandæ CHRISTI pollicitationi, ne his excusent Liberium: sin autem sufficit, en casus quo Pontifex, ipsis fatentibus, salvâ pollicitatione CHRISTI, falsa definiat.

Has quidem cavillationes sat scio viros graves & æquos facilè contempturos; & tamen adversarii ad hæc minuta & futilia, suâ subtilitate nos redigunt.

Placet etiam illud querere; per eam temporum necessitudinem, an Romano Pontifici Arianorum societate polluto, communicari oporteret? At non illud Damasus, non Eusebius, non alii Catholici senriebant: hoc enim ipsum erat, seque & Ecclesiam Catholicam Arianorum communione maculare. An fortè per eam temporum intercapedinem, Liberius cessavit esse Ro-

Vid. Baron. a. 357. id enim videtur significare Baronius. Atque ipse Baronius, Bellarminus, & alii id vel maximè agunt, ne hæreticus fuisse videatur. An igitur alias, præ-

ter expressam, ut aiunt, heresim, causas admittimus, propter quas Romanus Pontifex cassus sit? Hæc si volunt, ab alio ducentur in aliud, neque eis quidquam erit integrum. Tum si in eo res vertitur, ut Romanus Pontifex ideo errare non possit, quòd statim atque erraverit, desinat esse Pontifex, quid vetat nos quoque in eam arcem confugere? Certè & id nobis profiteri licet; à Romano quidem Pontifice falsa judicari ac determinari posse; sed eum confestim non esse Pontificem. Si hoc dicto tuti sumus, vicimus: at si quid ulterius à nobis exigunt, in Liberii lapsu, quò ipsi confugient? Fortasse

ad illud, ista qualiacumque sunt, brevissimo temporis intervallo transacta esse. At profectò durârunt septem ad minùs menses. An verò contendent CHRISTI promissionem vel ad certa quædam momenta vacillasse? Denique alia memoramus, quæ non eâ celeritate effluxisse constet. Verùm utcumque est, certè illud tenemus, cum dicitur Petri fides, Romana fides Sedesque Apostolica perire non posse, Romano Pontifici deberi obedientiam, cum Romano Pontifice à quocumque Catholico communicari oportere: hæc summâ ipsâ valere & estimari, non ad minutias redigenda. Omnino enim deficiente Liberio, Petri fides stetit: fides stetit Sylvestri, Marci, Julii, aliorumque Romanorum Pontificum, qui Liberium præcesserant. Hæc enim fides Romanos Presbyteros sustentabat, quemadmodum ipse testabatur Eusebius, à se teneri fidem, quam à beato Julio ordinatus suscepisset. Neque Sedes Apostolica, neque Ecclesia Romana concidit; neque calura erat, si etiam Liberius pejora moliretur; & cum ab eo abstinerent, haud minùs Ecclesiæ Catholicæ Sedisque Apostolicæ fovebantur sum; Romanoque Pontifici tantò impensius adhærebant, quantò magis eum orthodoxum vellent.

Vid. act.
Euseb. ap.
Mombrie.
T. I. p. 15.
& Baluz.
Eccl. Miscel. T.
I. p. 141.
142.

C A P U T X X X V.

Sanctus ZOZIMUS CÆLESTII. Pelagiani confessionem apertè hæreticam probat: ejus epistola ad Africanos Episcopos: Sancti AUGUSTINI loci.

DE Sancto Zozimo Papâ Sancti Innocentii successore, Sanctus Augustinus hæc scripsit; Cælestium ab Africanis condemnatum, ad eum edidisse libellum fidei, in quo hæc inerant; *Quòd peccatum Ada ipsi soli obfuerit, & non generi humano: quòd infantes qui nascuntur, in eo statu sint, in quo fuit Adam ante transgressionem.* Et illud: *In remissionem peccatorum baptizandos infantes non idcirco diximus, ut peccatum ex traduce firmare videamur, quod longè à Catholico sensu alienum est; quia peccatum non cum homine nascitur &c.* Apertissima hæresis, nullâ verborum ambiguitate prodita, quod etiam Augustinus agnoscit. Sanè Cælestius in fine professionis hæc apposuit: *Si fortè, ut hominibus, quispiam ignorantia error obrepserit, vestrà sententiâ corrigatur.* Atque interpellatus à Zozimo de Innocentii literis: *se omnia, quæ Sedes illa damnaret, damnaturum esse promisit.* His igitur auditis refert Augustinus à Sancto Zozimo Cælestii libellum Catholicum dictum esse, in quo tam apertæ hæreses legebantur.

Non tamen Cælestius ab excommunicatione solutus, scriptumque est in Africam, atque ad duos menses dilata res, quoad inde rescriberetur.

In Zozimi epistolâ, Episcopi Africani præcipitantiæ arguuntur, quòd Lazaro & Heroti viris levissimis ac nefariis de Cælestio nimium credidissent.

Aug. de pecc. orig. c. ij. li. vj.
Tom. x. p. 253. 254.
255.
Id. ib. c. vj. & lib. i. de grat. Christ. cop. xxxij. n. 36. p. 245.
Id. de pecc. orig. c. vj. n. 7. p. 256.
Id. c. vij. n. 8.
Id. lib. ij. ad Bonif. c. ij. n. 5.
p. 434.

Id. de pecc. orig. c. vij. n. 8. p. 256.

Zoz. ep. ij. ad Episc. Afr. T. ij. Conc. pag. 1559.

Ibid. Hic placet excusari ea, quibus de Africanis Partibus, deque Lazaro & Herote viris sanctissimis, optimo Pontifici impositum est. Non equidem scio quo modo id excusari possit, quod de fide Cælestii scribit: *Censuimus innotescere Sanctitati Vestra, super absolutâ Cælestii fide nostrum examen*. Ac paulò post de Cælestii accusatoribus: *Quare intra secundum mensem aut veniant, qui præsentem redarguant aliter sentire quàm libellis & confessione contexit, aut nihil, post hæc tam aperta & manifesta quæ protulit, dubii Vestra Sanctitas resedisse cognoscat*.

* in Bizacenâ.

* * vixit sæculo sequenti.

Facund.

pro defenf.

rium Cap.

Lib. vij. c.

iiij. p. 277

edit. Sirm.

& Tom. x.

Bib. Pat. p.

55.

Aug. lib.

ij. ad Bonif.

loc. ant. cit.

Zoz. ep.

iv. ad Episc.

Afric. Tom.

ij. Conc. p.

1561. & seq.

Zoz. ep.

ij. ib. pag.

1559.

Aug. lib.

ij. ad Bonif.

loc. jam cit.

Ibid.

Idem. de

pecc. orig.

c. vij. n. 8.

p. 256.

Id. lib. ij.

ad Bonif.

cap. ij. n.

5. p. 434.

Res igitur examine & judicio Zozimi eò redacta erat, ut fides à Cælestio exposita integra & Catholica procul dubio haberetur; illud quærendum superesset, an probari posset eum aliter quàm libello dixerat docuisse? Sic nihil deerat quominus absolutum completumque esset de dogmate iudicium, resque omninò deducta ad facti quæstionem.

Itaque Facundus, Hermianensis Episcopus *, huic ævo proximus ** memorat, *Beatum Zozimum Apostolicæ Sedis antistitem, contra Sancti Innocentii decessoris sui sententiam, fidem ipsius Pelagii, ejusque complices Cælestii tanquàm veram & Catholicam laudantem, insuper Africanos culpantem Episcopos, quod ab illis heretici crederentur; non quòd. Zozimus speciatim præceperit, credi oportere, sine ullo vitio peccati originalis hominem nasci*: id enim ab eo factum speciatim Augustinus negat; sed quod approbavit ut Catholicam eam Cælestii confessionem, in quâ illa hæresis perspicuè continetur. Neque mirum est Zozimum, datis paulò post ad eosdem Africanos Literis, favisse Pelagio, qui sententiam suam miris verborum ambagibus involverat. Id mirum Cælestii approbatam fidem, qui manifestissimas hæreses admisisset.

Neque enim usus erat ullis verborum involucris, sed planè nitidèque rem elocutus est, atque omninò, ut ait ipse Zozimus, quid de fide sentiret evidenter expressit.

Sanè Augustinus quâ erat modestiâ & charitate, excusat Zozimum. Quod enim in fine libelli Cælestius instrui se velle professus est, eâ occasione Augustinus sic scribit: *Voluntas emendationis, inquit, non falsitas dogmatis approbata est, & propterea libellus ejus Catholicus dictus est, quia & hoc Catholica mentis est* velle corrigi si errasset. Rectum etiam illud, quòd Cælestius Sancti Innocentii susceperat literas, quibus, si sincero animo crederet, faciliè, ut idem Augustinus ait, omnia sua errata respueret. Itaque sic Zozimi acta interpretatur, ut Cælestium levibus fomentis perductum ad sanitatem vellet. Quæ tamen profectò efficere non debebant, ut ejus fides tam claro iudicio probaretur.

Patres verò Africani ita responderunt: *Non sufficere hominibus tardioribus & sollicitioribus, quòd se generaliter Innocentii Episcopi literis consentire fatebatur; sed aperte eum debere anathematizare, quæ in suo libello prava posuerat; ne, si id non fecisset, multi parùm intelligentes, magis in libello ejus illa fidei venena à Sede Apostolicâ crederent approbata, propterea quòd ab illâ dictum erat, eum libellum esse Catholicum, quàm emendata, propter illud, quòd se Papæ Innocentii literis consentire ipse responderat*.

Hæc sanè non absolvunt Zozimum; sed docent quâ modestiâ ac reverentiâ docendi sunt Romani Pontifices, etiam cum Sanctos gravesque Episco-

pos immeritò & asperè objurgant, ac mala non malo animo faciunt: quâ Zozimus benignitate atque admonitione correctus, Cælestium ac Pelagium toto Orbe damnavit.

Interim prima illa Zozimi sententia & Episcopale judicium, etiam si Pelagium ac Cælestium obduratos hæreticos, peiores non facerent, quis dubitet infirmos his moveri potuisse? Certè id effecit, ut hæretici *Romanos Clericos* arguerent, tanquam eos, *qui jussionis terrore percussi, non erubuerint prævaricationis crimen admittere, contra priorem sententiam suam, quâ Catholico Dogmati adfuerant.* Quâ oratione, presso licèt nomine, Papam ipsum, qui fidem Cælestii approbassèt, facilè designabant.

Aug. ib.
p. 433.

Memorable verò est, id quod respondet Augustinus: *Sed si, quòd absit, ita tunc* (post acceptas scilicet Concilii Africani literas) *fuisse de Cælestio & Pelagio in Romanâ Ecclesiâ judicatum, ut illa eorum dogmata, quæ in ipsis & cum ipsis Papa Innocentius damnaverant, approbanda & tenenda pronuntiarentur; ex hoc potius esset prævaricationis nota Romanis Clericis inurenda: ut intelligeremus sibi, non veritati, non Ecclesiæ Romanæ, aut Sedi Apostolicæ nociturum Zozimum, si talia judicasset.* Id ergò Augustinus abominandum, infaustum, miserum, non verò impossibile judicavit, idque ad Bonifacium Papam Zozimi successorem scripsit.

ib. p. 434.

Et qui jam id impossibile esse clamant, perpendant quæ facta sint. Nempe cum doctrinam apertissimè hæreticam non satis cogitans Zozimus approbavit, nihil hoc Ecclesiæ, nihil fidei Romanæ nocuit: ita sanè intelligant, si Zozimus in postremo illo judicio per eandem indiligentiam falsus esset, haud minùs Sedi Apostolicæ provisurum Deum, ne prava coalescerent, neve Ecclesia Catholica caput suum Romanam Ecclesiam amitteret. Cætera prosequamur.

C A P U T XXXVI.

HORMISDÆ atque HONORII gesta uno verbo repetuntur; JOANNES VII. TRULLANAM Synodum, quâ Romana Ecclesia erroris accusatur, suo judicio subditam, relinquit intactam.

Quâ acerbitate Sanctus Hormisdas optimam propositionem: *Unus de Trinitate crucifixus*, respuerit, quid postea successores ejus rei veritate, atque Ecclesiæ Catholicæ consensione victi fecerint, commemoratum à nobis est; constititque Catholicissimæ propositionis defensores à Sancto Hormisdâ, egregio licèt Pontifice, conturbatos potius quàm confirmatos fuisse; ac post consultum Papam, tamen ab Oriente veritatis lumen exortum: adeò liquet multa quæ ad fidei elucidationem spectent, à doctis Pontificibus, etiam interrogatis, etiam pro officio agentibus prætermitti, nec minùs aliunde affulgere veritatem.

Sup. hoc
lib. c. xvi.
& seq.

De Joanne VII. Anastasius Bibliothecarius in vitis Romanorum Pontificum hæc scribit: *Hujus temporibus Justinianus Imperator* (secundus nomine)

Vic. Joan.
vij. per A.

naſaſ. T.
vj. Conc. p.
1387.

* de quo
dejeſtus
fecerat pri-
mum à
Leontio,
& deinde à
Tiberio
Abſimaro.

*illicò ut palatium ingreſſus eſt, propriumque adeptus Imperium *, tomos, quos antea ſub Domno Sergio Apoſtolica memoria Pontifice, Romam direxerat, in quibus diverſa capitula Romana Eccleſia contraria ſcripta inerant, per duos Metropolitanos Epiſcopos demandavit, dirigens per eos ſacram, per quam denominatum Pontificem conjuravit, ac adhortatus eſt, ut Apoſtolica Eccleſiæ Concilium aggregaret, & quæque ei viſa eſſent ſtabiliret, & quæ adverſa, re-nuendo excluderet. Sed hic humanâ fragilitate timidus, hos nequaquàm tomos emendans, per ſuprà-fatos Metropolitanos direxit ad Principem; poſt quæ non diù in hac vitâ duravit. Quod divinæ ultioni imputatum tenor ipſe verborum oſtendit.*

Conc.
Quini-Sex.
can. xliij. lib.
p. 1148.

Hi tomi continebant Canones Synodi in Trullo habitæ, quæ *Quini-ſexta* dicitur. Hæc Synodus Eccleſiæ Romanæ ritus multos, nominatim in his, ipſam toto Occidente receptam, atque ab antiquâ & Apoſtolicâ Traditione manantem cælibatus legem Presbyteris & Diaconis indiſtam, condemnabat; ut quæ Evangelicis atque Apoſtolicis testimoniis repugnaret. Quod quidem ſi verum eſt, jam inde à primis ſæculis Romana, totaque Occidentalis Eccleſia incidit in hæreſim. Hos canones Joannes VII. primùm quidem vano metu territus, rogante Imperatore, emendare noluit; ſanæque doctrinæ debitum officium denegavit. Quin potiùs probaſſe apparet: non enim ait Anaſtaſius, nihil egiſſe Pontificem, neque ita ſcribit: nihil reſpondit Pontifex, aut, tomos remiſit intactos: ſed *tomos nihil emendans direxit ad Prin-*

Vic. Serg.
per Anaſt.
ib. p. 1291.

cipem: quo ritu bona probaque mitti ac dirigi ſolent. Non ita Sergius prædeceſſor, qui eodem jubente Juſtiniano, *non acquie-*

Sup. lib.
vj. c. xxj.
& ſeq.

vit, nec eoſdem tomos ſuſcipere, aut lectioni pandere paſſus eſt; hoc eſt, ne librum quidem aperire, aut evolvere ſuſtinuit: Porro eos ut invalidos reſpuit, atque abjecit, eligens ante mori, quàm novitatum erroribus conſentire. Honorium vidimus à tribus Patriarchis de fide interrogatum ea reſpon-diſſe, quibus per totum Orientem hæretici firmarentur, Catholici turba-rentur; quæ denique à ſextâ Synodo, ac ſecutiſ Pontificibus, ut Apoſtolicæ doctrinæ adverſa damnarentur. Quàm futile, quàm levia, quàm abſurda reſpondeant, vidimus: quis enim ſanus hæc ferat; pro privato Doctore reſpon-diſſe Honorium à tot tantique Eccleſiis de fide interrogatum, neque do-cere voluiſſe univerſam Eccleſiam? Rogamus, in Honorii epiſtolis, ad do-cendam Eccleſiam quid deſiderent? Rem ipſam, ut reverâ doceat Eccleſiam, an formulam, ut exprimat docere ſe velle. Certè ipſa res adest, docet Ec-cleſias principales, & in eis univerſam, quantum in ipſo eſt Eccleſiam. Ne-que magis Leo ad unum Patriarcham Flavianum ſcribens, totam Eccleſiam docuit, quàm Honorius ſcribens ad tres Patriarchas. Redigunt ſe ad formu-las, tanquàm à formulâ non poſſit excidere, qui ipſâ re, ipſâ ſummâ cecidit.

CAPUT XXXVII.

STEPHANI II. GREGORII II. SERGII III. GREGORII VII. *ejusque occasione BONIFACII VIII. decreta & gesta referuntur: decretalis Unam Sanctam.*

EXTANT in Conciliorum actis Gregorii II. egregii Pontificis responsa ad interrogationes Sancti Bonifacii Episcopi Moguntini; quorum secundum sic habet: *Quòd proposuisti, quòd si mulier infirmitate correpta, non valuerit debitum reddere, quid ejus faciat jugalis? Bonum esset, si sic permaneret, ut abstergentia vacaret; sed quia hæc fortitudo magnorum est, ille qui se non poterit continere, nubat magis.* Hæc est illa decretalis, de quâ memoravimus dixisse Gratianum: *Hoc Evangelicæ & Apostolicæ doctrinæ penitus invenitur adversum; nec immerito.* Ac notandum illud: *Si mulier infirmitate correpta,* quo aperte designatur infirmitas, conjugio jam inito, superveniens. Conjugium verò, etiam quoad vinculum, ex eâ infirmitate dissolvi, & viro suaderi tantum, non autem præcipi abstergentiam, tanquam necessariam; sed novum permitti conjugium, manifestè pugnat cum hæc CHRISTI sententiâ: *Quod Deus conjunxit, homo non separet.* Neque hîc dici potest Gregorium II. pro privato Doctore respondisse: interrogatus enim à Sancto Bonifacio Moguntino, respondebat ea, quæ ad novellam Ecclesiam Germanicam instituendam pertinerent. Quare Gregorius hæc scripta esse memorat, ex *Apostolicæ Sedis vigore:* suamque illam vocat, *Apostolici vigoris doctrinam per beatum Petrum, à quo & Apostolatus & Episcopatus principium extitit, ut alio jam loco diximus.*

Stephani II. responsa ad varia consulta tueri nemo potest. Responsum tertium: *Si quis in alienâ patriâ ancillam duxerit in consortium, postea in patriam reuersus ingenuam acceperit, & iterum contigerit ut ad ipsam, in quâ antea fuerat, patriam revertatur, & illa ancilla, quam prius habuit, alii viro sociata fuerit; hic talis potest aliam accipere; tamen non illâ vivente ingenuâ, quam in patriâ propriâ habuit.*

Hoc Stephani II. responsum procedere videtur ex falso intellectu decreti Sancti Leonis, quod sic habet: *Ancillam thoro abjicere & uxorem certæ ingenuitatis accipere, non duplicatio conjugii, sed profectus est honestatis.* Leo tamen non agebat de vero & justo conjugio, quod cum ancillâ iniretur; sed de illicitâ copulâ quæ ad arbitrium solveretur, cum personâ servili: quippe cui nullum jus, nulla actio, nulla querela contra hominem liberum legibus relinquatur. At Stephanum II. hîc loqui patet de eâ ancillâ, quæ justis nuptiis conjuncta sit; cum redire permittat in ejus consortium, nisi alteri viro sociata fuerit. Quare ancillæ connubium solvit, ingenuæ solvi vetat: quale discrimen, conditione cognitâ, nescit Evangelium; neque Canones patiuntur, quos talia prohibentes multos invenias apud Gratianum Dist. XXIX. quæst. II. & alibi passim.

Tom. II.

Y

Greg. ij.
ep. xij. ad
Bonif. Mo-
gunt. n. 2.
T. vj. Conc.
p. 1448.
Dissert.
præv. n. l. ij.
vid. in app.
lib. l. ij. c. x.
Decret.
dist. xxxij.
quæst. vij.
Quod propo-
sisti parag.
Sed illud.
Matt. xxix.
6. Mar. c. x.
9.
Dist. præv.
loc. jam cit.

Resp. Step.
ij. art. iij.
T. vj. Conc.
p. 1650.

Leo. Mag.
ep. ij. alias
x. ij. ad
Rust. Nar-
bon. inquis.
vij.

Resp. Idem Stephanus responso XI. *Si quis in vino, propterea quod aquam non inveniebat, periclitantem infantem baptizavit, nulla ei adscribitur culpa; infantes sic permaneant in ipso baptismo.*

Steph. ij. art. xj. loc. jam cit. Quâ responsione & infantis perperam baptizati periclitabatur salus, & simili errori ampla patebat janua. Sed hæc & alia, à Petri licet successoribus ritè interrogatis, prolata responsa, ultrò conciderunt; quod ea non admittit Ecclesiæ Catholicæ summa & indeclinabilis auctoritas.

Nec magis probata est illa Nicolai I. egregii licet doctique Pontificis responsio ad consula Bulgarorum, quâ baptismum, *si in nomine Sanctæ Trinitatis, vel tantum in CHRISTI nomine* collatus fuerit, omninò valere, neque iterandum esse decernit; falsumque, certè dubium baptismum cum vero cerroque æquè firmat; ac Bulgarorum nascentem Ecclesiam falsi baptismatis exponit discrimini: neque id obiter, ut vulgò in scholis ludunt, sed expresso decreto, atque ex Actis Apostolorum & Beato Ambrosio auctoritate adductâ, ne id leviter dixisse videatur.

Nicel. j. Resp. ad conf. Bulg. civ. T. viij. Conc. pag. 48 & Grat. distinct. iv. c. xxij. A quodam. Vidimus à Sergio III. sub anathematis pœnâ, de ordinationibus * imperata ea esse, *quæ ad facinus pertinerent, quæ contra fidem & Catholicam religionem agerentur*; quæ per viginri annos in universâ Italiâ, arque adeò in ipsâ Romanâ Ecclesiâ sacerdotium, sacramenta, atque ipsam Christianitatem exstinguerent. Hæc profitentem, hæc suo & sociorum nomine conquerentem Presbyterum Auxilium, & universalis Concilii judicium expectantem nemo damnavit; imò Catholici susceperunt.

Sup. lib. iij. c. j. & seq. Gregorium VII. ejusque successores liquidò demonstravimus Evangelicæ veritati, & antiquissimæ Traditioni repugnasse, cum Reges deponere aggressi sunt. Ac tamen eam, quam tot anathematibus exquebantur, animi sui sententiam neque expresso Canone firmarent, neque in Ecclesiasticum dogma redigerent; tamen Ecclesiasticæ potestati constabant ingentem invidiam; schismaticis & hæreticis occasionem præbebant; Catholicos in errorem inducebant, nedum in fide confirmarent; eaque omnia ideò non nocent, quod Ecclesia Catholica nunquam ea approbavit, nunquam ut fidei doctrinam admiserit.

Sup. ib. cap. xxij. xxiv. xxv. Bonifacium verò VIII. qui decretali, *Unam sanctam*, hæc quoque niti visus est in Ecclesiæ dogma redigere, excusavimus quidem nos, quod expositioni ipsa definitio minimè respondeat, ut vidimus: at illud constitit, & in expositione Scripturas à vero sensu contra Traditionem apertè detortas, & multa inrolerabilia ad infirmendam potius quàm ad confirmandam fidem fuisse collecta. Ad hæc alii urgent, ex ipsâ expositione definitionem explicandam, atque ideò ab errore manifesto non posse defendi. Nec desunt, qui omnia à Bonifacio exposita, ut ab ipso asserta, ac vera Sedis Apostolicæ placita tueantur, nec erubescant habere pro errantibus, aut etiam hæreticis, qui fidem his non præbeant. Quæ tamen Bonifacii decreta, utcumque se habent, fidei non nocent; quod, racentibus cæteris, Ecclesiæ Catholicæ tanta pars Ecclesia Gallicana apertè reclamavit, Romanosque Pontifices ad temperandam Bonifacianæ doctrinæ acerbiter adduxerit.

CAPUT XXXVIII.

PASCHALIS II. *gesta* LATERANENSIS Synodi : GUIDONIS Viennensis, mox CALLISTI II. *decreta* in Synodo Viennensi à Sede Apostolicà comprobata : hujus decreti verba ad Papam ; Nos à vestrà obedientià repellētis.

POST Gregotium VII. interferebat oportebat quæ Paschalem II. à Gregotio VII. tertium speciatim tangerent ; sed nos rerum connexio extra temporum seriem tantisper abripuit.

Notum omnibus, quale privilegium Henricus V. Imperator à Paschale II. per vim extorserit, nempe ut electi non consecrarentur, nisi ab Imperatore pet baculum prius investiti. Id ita ferè est habitum, ac si Papa in hæresim consensisset. Itaque Lateranensi III. Concilio congregato, plus centum Episcoporum, mitram ac mantum, ut vocabant Pontificalem, hoc est, purpuream cappam, seu pallium abjecit : Patres hortatus est ut juberent ipsum jam non esse Pontificem. Cæterum quòd liberet, sine ipso Ecclesià ordinaret. Hoc enim Godfridus Viterbiensis disertè scripsit, inconditis quidem ineruditisque versibus, tamen ad historiæ fidem compositis. Ac sic Papam loquentem inducit.

Me quoque Pontificem non fore jussa date.

Tùm illud : *Ordinet Ecclesià sine me quidquid placet, inquit.*

Quin etiam, quantum in ipso fuit, se ipse deposuit. At Patres non assensu sunt, eumque pristino loco esse voluerunt : at privilegium condemnârunt, ut quòd esset, *contra Spiritum Sanctum & Canonicam institutionem*. Igitur id decretum à duodecim Archiepiscopis, quatuordecim & centum Archiepiscopis quindecim Presbyteris, atque octo Diaconis Cardinalibus factum esse in actis memoratur, nullâ Papæ mentione, datâ quoque sententiâ excommunicationis in Regem, *non à Papâ qui juraverat nunquam hoc se facturum : sed ab Ecclesiâ injuriam sui patris vindicante*. Ita refert hujus temporis manuscriptus codex, actis Conciliorum insertus. Decreta Concilii toto Orbe vulgata sunt : Sic optimo Pontifici, cùm intelligeret rem à se, ut oportebat, non posse peragi, Ecclesiæ Catholicæ succurrit autoritas.

Hæc gesta sunt anno 1112, quo item tempore Guido * Archiepiscopus Viennensis, postea Callistus II. Papa Viennense Concilium habuit, cujus decreta legimus in Conciliorum actis. Ipse Guido decretorum summam ad Paschalem Pontificem perscribit his verbis : *Igitur dictante Spiritu Sancto, investituram omnem rei Ecclesiasticæ de manu Laicâ, hæresim esse judicavimus : scriptum illud, quod Rex à vestrà simplicitate extorsit, damnavimus ; in ipsum Regem nominatim & solenniter, & unanimiter sententiam anathematis injecimus.*

Vid. sup.
lib. iij. cap.
xij.
Conc.
Later. iij.
sub. Pasch.
ij. T. x. p.
767.

God. de Vit.
Chrō. part.
xvij. p. 583.

Conc.
Later. loc.
cit.
Ib. p. 770.
Ib. p. 771.

*Burgundia Comitis filius & Adalaidis Ludovici Grossi uxoris confanguineus.

Conc.
Vienn. ib. p.
784.
E. Conc.
ib. p. 785.
vid. dissert.
pr. n. LXXIX.

Horum à Papa confirmationem petit, subditque : *Si verò quod minimè credimus nostræ paternitatis (parvitatis seu fraternitatis legendum) assertiones prædictas roborare nolueritis , propitijs sit nobis Deus ; quia nos à vestra obedientia repellitis.*

Quo loco futurus , id si contingeret ? An extra Ecclesiam , ac Sedis Apostolicæ communionem ? Absit , sed tamen ita incidebant eæ temporum necessitudines , quibus sancti quoque Episcopi à Papæ obedientia repellerentur.

Ep. Pasch.
ij. lib. pag.
786.

Iv. Carn.
ep. ad Joā.
Arch. Lugd.

Paschalis II. hanc Synodum confirmavit , datis literis *Guidoni & cæteris Archiepiscopis , Episcopis & Abbatibus , seu dominis Sacerdotibus Vienna congregatis* : quæ literæ in Conciliorum acta referuntur.

Quo sensu , quâ veritate , quâ nonnullorum ejus ævi Episcoporum ac maximè Ivonis Carnotensis discrepantiâ , investitura hæresis haberetur , non est hîc disceptandi locus. Hæresim proprio strictoque significato fuisse , id quod Paschalis II. indulserit , vix quisquam sanus dixerit ; & tamen hujus rei gratiâ de Pontifice Romano talia decernebant.

C A P U T X X X I X.

ALEXANDRI III. *in exponendâ Scripturâ manifestus error , omnium sententiâ reprobatus : Caput , Cum esses de Testamentis : Item INNOCENTII III. falsa Scripturæ expositio : Cap. Per venerabilem , QUI FILII SINT LEGITIMI.*

Decr. Greg.
ix. lib. iij.
tit. xxvj. de
Testam. c. x.
Cum esses
Matt. xvij.
16.

GRave illud est quod de testamentis ab Alexandro III. definitur his verbis : *Proposuisti talem in tuo Episcopatu consuetudinem obtinere , quòd testamenta , quæ sunt in ultimâ voluntate , penitus rescinduntur ; nisi cum subscriptione septem vel quinque testium fiant , secundum quod leges humana decernunt. Quia verò à divinâ lege & sanctorum Patrum institutis , & à generali Ecclesiæ consuetudine id esse noscitur alienum , cum scriptum sit ; IN ORE DUORUM VEL TRIUM TESTIUM , STABIT OMNE VERBUM : præscriptam consuetudinem improbamus ; & testamenta quæ Parochiani coram Presbytero suo , & tribus vel duabus aliis personis idoneis , in extremâ fecerint voluntate , firma decernimus permanere , sub interminatione anathematis prohibentes , ne quis hujusmodi audeat rescindere testamenta : Cap. CUM ESSES , DE TESTAMENTIS.*

Atqui hæc testamenta quotidie rescinduntur , valetque in multis regionibus jus civile Romanum , quod Alexander III. ex Scripturâ , ex Traditione , ex universali consuetudine , adhibitâ etiam excommunicatione profcripserat ; tantæque autoritate facta decretalis abjicitur.

Hanc quidem decretalem , *ad ea quæ relicta Ecclesiæ sunt* , Glossa restringit , autoritate capitis sequentis : *Relatum est* ; quamquam Alexander III. in eodem capite , *Cum esses* , generatim de testamentis dixerat , quæstionemque de legatis Ecclesiæ relictis , ex lege generali deciderat. Sed quid nostrâ , cum

nec in ejusmodi legatis ea decretalis valeat, quam Pontifex Scripturis, Traditione, universalis Ecclesiæ sensu, hoc est iis omnibus, quæ certam fidem faciunt, assererebat?

Argumentum istud longè difficillimum, teste Melchior Canone, sic ab eo solvitur: *In decretis Pontificiis, duo imprimis distinguenda sunt; unum est tanquam intentio, conclusioque decreti, alterum quasi ratio & causa à Pontifice reddita ejus rei, quam constituerat. Atque in conclusione Pontifices summi errare non possunt, si fidei questionem ex Apostolico tribunali decernant; sin verò Pontificum rationes necessariae non sunt, ne dicam aptæ, probabiles, idoneæ, in his nihil est videlicet immorandum. Non enim pro causis nos à Pontificibus redditis, tanquam pro aris & focis depugnamus.* Id postquàm multis exemplis argumentisque asseruit, concludit valuisse Alexandri decretalem, in locis Ecclesiæ Romanæ, aliarumque Ecclesiarum ditioni subiectis; quod id Pontifex decernere suâ autoritate posset: quanquam Scripturam & Traditionem perperam allegavit.

Melch.
Can. de loc.
Theol. lib.
vj. c. viij.

Mitto quòd Melchior Canus, decreta generatim à summo Pontifice edita, redigere ad eas regiones nititur, quæ sint Ecclesiasticæ ditionis, cùm soleant Pontifices accuratè notare, quæ faciant & decernant, tanquam Principes, ubi *Apostolica Sedes & summi Pontificis auctoritatem exercet, & summi principis exercet potestatem: Cap. PER VENERABILEM, QUI FILII SINT LEGITIMI.* Quod autem idem scriptor Pontificii decreti conclusionem à sacra Scripturæ allegatione distinguit, ac valere conclusionem, ex falsâ etiam probatione contendit; facile assentimur, ubi aliæ probationes adhibentur, vel adhiberi possunt. Cæterùm cùm Alexander III. nihil hîc aliud alleget, aut allegare possit, præter unum Scripturæ locum malè ex confesso intellectum; apparet eum falso fundamento nixum, ad id decretum sub excommunicationis pœna edendum profilisse.

Ibid. ex
decr. Greg.
ix. lib. iv.
Tit. xvij.

Haud pluris valet ab Innocentio III. allegata Deuteronomii auctoritas, quâ docet; *cum Deuteronomiûm lex secunda interpretetur, ex vi vocabuli comprobari, ut quod ibi decernitur, in novo testamento debeat observari. Cap. PER VENERABILEM; QUI FILII SINT LEGITIMI.*

Ibid.



CAPUT XL.

Ejusdem ALEXANDRI. III. decretum, quo anteriorum Pontificum, de matrimonio per verba de presenti, statuta solvuntur: INNOCENTII III. de revelanda confessione rescriptum ad Cistercienses: idem INNOCENTIUS III. CÆLESTINI III. erroneam decretalem solvit.

Ibid.
tit. iv. de
ponsa duo-
rum cap. iij.
Licet præ-
solut.

IDEM Alexander III. postquam judicavit id, quod est certissimum, valere conjugium per verba, de presenti, utroque dicente: ego accipio te in meum; ac tale conjugium non dissolvi contracto alio con nubio, atque etiam copulâ consecutâ, addit: *Quamvis aliter à quibusdam prædecessoribus nostris fuerit judicatum.* Consulti ergo judicârunt, contra id quod est postea ab Alexandro III. totâque Ecclesiâ judicatum.

Disq. art.
j. n. 11. &
161.

Neque verò eos juvat Nicolaus Dubois, hanc errori manifesto excusa- tionem obtendens: *Fuit olim dubium in Ecclesiâ, an matrimonium solo consensu firmatum dissolvatur per matrimonium subsequens cum aliâ, & consummatum hinc factum quòd diversi Episcopi & Archiepiscopi, Salernitanus, Paduanus, Senensis, Norvicensis, Januensis &c. Sanctam Sedem consuluerint.* Rectè & ordine; tunc enim vel maximè consulendi summi Pontifices, cum casus arduus est & ambiguus. Quid tùm postea? Nempè illi à tot Episcopis consulti pessimè responderunt. Ergò vel maximè constat Apostolico officio defuisse, cum tòt Ecclesiæ Apostolici officii opem requirerent.

Cæf. Mo-
nach. Cist.
Hist. mem.
lib. iij. cap.
xxxij. vid.
Bibl. script.
Cisterc. c. j.

Innocentius III. à toto Capitulo Cisterciensi consultus, an Monachi confessionem sacrilegam, ab ipso Confessario revelari oporteret? vocatis Cardinalibus sic respondet: *Ego dico in tali casu, confessionem esse prodendam; quia potius est blasphemia quàm confessio: nec debet Confessor tantam blasphemiam ac insaniam celare, per quam periculum toti Ecclesiæ poterit incumbere. Et placuit sententia Innocentii omnibus; & scripsit sequenti anno ad Capitulum generale, quod à se fuerat determinatum.* En ex canonum præscripto ad Romanum Pontificem gravis relata quæstio, ex quâ periculum toti Ecclesiæ incumbere videatur: en matura, & canonica deliberatio, totoque anno dilata; tum ad universum Cisterciensem Ordinem, totâ diffusum Ecclesiâ, perlata responsio, ac determinatio, quam juri divino ac naturali repugnare Theologi Canonistæque uno ore confitentur. Hæc doctissimis & consultissimis Pontificibus ritè consultis, ritè deliberantibus excidunt, ad restitutionem humanæ infirmitatis: audens dixerim (absit verbo injuria) & ad infallibilitatis præsumptionem retundendam.

Decret.
Greg. ix.
lib. iv. tit.
xix. de di-
vortijs. cap.
vij. Quanto
te novimus.
Ib. lib. iij.
tit. xxxij.
de conver-
sione infide-

At idem Innocentius III. cautè reprobavit anriquorem decretalem Cælestini III. qui matrimonii vinculum inter Christianos, superveniente alterutrius hæresi, solverat. Hunc sui prædecessoris errorem Innocentius III. modestè reprobat his verbis: *Licet quidam prædecessor noster sensisse aliter videatur.* Quod quidem dat honori antecessoris sui, qui perspicuè matrimonii

vinculum solveret. Glossa quoque absolutè, verbo *prædecessor*, hæc habet; *scilicet Cælestinus, cujus dictum habuisti decretali LAUDABILEM. DE CONVERS.* *INFID & malè Cælestinus; quare decretalis ejus è corpore juris exclusa est.* *Quantum te*

Et quidem habemus hujus decretalis verba apud Antonium Augustinum, *(a)* quæ sic habent: *Cum Christiano viro propter odium uxoris Christum negante, & sibi copulante Paganam, & ex eâ filium procreante, Christiana in opprobrium JESU-CHRISTI relicta est; tamen assensu Archidiaconi sui, ad secundas nuptias convolavit, & filios suscepit ex ipsis; non videtur nobis, quòd si prior maritus redeat ad unitatem Ecclesiasticam, eadem debeat recedere à secundo, & resignari priori; maxime cum ab eo visa fuerit, Ecclesia judicio recessisse.*

Hic verò Nicolaus Dubois, Adrianum VI. reprehendit, quòd Cælestinum III. hujus decretalis gratiâ hæreticum judicârit: *Nondum enim, inquit, res erat ab Ecclesiâ definita; nec erat contrarius totius Ecclesiæ consensus, qui vim haberet definitionis.* En interim ille consensus, quem tot vanis, stultisque incessit irridetque diæteriis, ab ipso quoque agnitus. Addit: *Cælestinus, tantum respondit per verba, NON VIDETUR NOBIS; ut patet ex textu: nihil adhuc verò definivit. Quomodò ergò Adrianus potest hæreticis annumerare Cælestinum? Quid nostrâ? Quis enim contendit Cælestinum fuisse hæreticum, qui nullâ contumaciâ hæc scripserit? Id tantum cum Adriano VI. volumus, Romanum Pontificem de quæstione ad fidem pertinente ordine interrogatum respondisse id, quod reverà est certissimè hæreticum; eumque Pontificem imposito confirmandi fratres officio defuisse, cujus sententiâ, vir justâ uxore privatus, mulier adultero copulata manserit; pessimum verò Archidiaconi judicium confirmetur.*

(a) *Antonium Augustinum*) Hispanum, Ilerdæ Episcopum, deinde Tarraconensem Archiepiscopum, virum illo ævo doctissimum, & in antiquitate Ecclesiasticâ versatissimum, qui in Concilio Tridentino suâ doctrinâ maximè inclaruit, multis sæpe laudibus, & quidem meritò, concelebrant FRA-L'AOLO & qui ejus historiam Gallicam fecit P. LE COURAYER. Errores, qui in textu Gratiani innumeri irrepsérant, Antonius Augustinus suâ diligentia & impigro labore correxit, atque ipse multa edidit à doctis probata. Vid. ej. operum catal. ad calc. tract. de Correc. Grat. à Steph. Baluz. edit. an. 1672. & Baluz. præf. vid. etiam D. Dup. Bibl. xv. sæc.



CAPUT XLI.

Franciscana controversia : primo loco ponitur Decretalis Exiit Nicolai III. probatur hanc veram esse definitionem doctrinalem ac dogmaticam.

ULTIMO ponimus quæ Nicolai III. seu IV. ac Joannis XXII. temporibus contigerunt.

Sext. Decr.
lib. v. tit.
xij. de verb.
signif. cap.
iij. Exiit qui
seminat.

Nicolaus III. ut Sancti Francisci regula perfecte observaretur, & compescerentur illi, qui hæc instituta mordebant; ejus interpretationem edidit decretali *Exiit qui seminat*. (b) In eo verò versatur quàm maximè ut altissimam Franciscani Ordinis paupertatem exponat; cujus articuli hæc summa est: Quòd *abdicationis proprietatis, tam in speciali, quàm in communi, meritoria est & sancta, quam Christus & verbo docuit, & exemplo firmavit, ut etiam primi Ecclesiæ fundatores; quòd CHRISTUS loculos interdum habuisse dicitur, id egisse infirmorum personâ susceptâ; quo condescensu factum sit ut & infirma ageret, sicut interdum in fugâ patet, & in loculis.*

Hoc igitur fundamento posito, distinguit in rebus temporalibus, proprietatem, possessionem, usum-fructum, jus utendi, & simplicem facti usum; quod ultimum, nempe simplicem facti usum, ab ipso etiam utendi jure discretum, solum relinquit fratribus; propterea quòd id *condecens fuerit, ei professioni, quæ sponte devovit CHRISTUM pauperem in tantâ paupertate sectari.*

Sic igitur docet, CHRISTUM quoque id paupertatis & abdicationis genus fuisse sectatum, distinctèque declarat, sic à se intelligi usum simplicem, *qui facti est tantum, in utendo, præbet utentibus nihil juris.* Hunc igitur usum sanctum ac meritorium esse definit, quippe qui exemplo CHRISTI confirmetur. Atque hæc summa doctrinæ est, quæ etiam ipsissimam instituti Franciscani rationem ac perfectionem, CHRISTI imitatione constantem, expressam esse voluit.

Neque verò in hoc simplice facti usu, consumptibilia, putà vestimenta ac cibos, distincta voluit ab inconsumptibilibus, putà ædibus ac cellis: imò verò disertè expressit ea, *quæ ad usum necessaria sustentationis, pertinerent, quæque fierent, pro necessitatibus infirmorum, & aliis fratribus induendis, ut fratres in his quoque ad simplicem facti usum redigantur, nullo interim utendi jure ipsis reservato.*

Ergò quæ data essent utenda fratribus, in dominio dantis permanere

(b) *Exiit qui seminat.*] Nicolaus cum duobus Cardinalibus, Franciscani Ordinis Præposito generali, & multis Provincialibus, duos menses integros in edendâ eâ Bullâ consumpsit. Interea ceteræ res Curia Romanæ, aut pendebant interruptæ, aut aliis præter solitum mandabantur. Ipsi Romani Curiales stupebant, ignorantes quod tantum negotium tam secretò à Papâ ageretur. Vid. D. FLEURY Lib. LXXXVII. n. 33.

posse

posse voluit : & quoniam qui hæc darent fratribus ita affecti esse viderentur , ut à se concessa verè dimittere , atque ad alios transferre cupiant propter Deum ; ne talium rerum , quæ fratribus utendæ dentur , incertum videatur esse dominium , illud exemplo Innocentii IV. ad se & Ecclesiam Romanam transfert ; omnimodum usum relinquit fratribus , concessa etiam potestate vendendi & commutandi libros & alia mobilia , prout fratrum usibus conveniret.

Sic deinde concludit : *Cùm ex prædictis & aliis multâ maturitate discussis, regula ipsa licita, sancta, perfecta, & observabilis, nec ulli patens discrimini evidenter appareat, ut hæc constitutio sit perpetua firmitatis, hæc, sicut ceteræ constitutiones vel decretales epistola legatur in scholis, ac fideliter exponatur ad literam : nullis additis glossis, quocumque prætextu, sub excommunicationis pœnâ, nisi iis, per quas verba, seu verbi sensus, seu constructio, quasi grammaticaliter exponatur.* Sic sancta esse debuit hæc Constitutio ; sic non tantum ad fratres , sed ad scholas , universamque dirigitur Ecclesiam , ut omnes fideles instruantur , quid de hac regulâ sentire debeant.

Hæc igitur definitè determinatèque dicta , nemo negaverit. Tum in fine subditur : *Qui contra prædicta determinaverint, seu prædicarint, excommunicationis sententiæ subjacere ;* quo nihil est clarius ad definitionem dogmaticam exprimendam. Jam verò quanti hæc sint , sequentia demonstrabunt.

C A P U T . XLII.

Decretalem Exiit confirmarunt CLEMENS V. Clementinâ Exivi, & JOANNES XXII. extravagante Quia quorumdam : mox idem JOANNES ejusdem decretalis auctoritatem infringere aggreditur,

SUBORTIS postea circa hanc decretalem aliquot scrupulis , eam Clemens V. elucidatam voluit , decretali inter Clementinas ; *Exivi. de Paradiso, de verborum significatione ;* quâ disertè probat , rerum utendarum ad Ecclesiam Romanam translatum dominium ac proprietatem , *dimisso ipsis fratribus in eis tantummodò usu facti simplicis.*

Clem. lib.
v. tit. xj. de
verb. signif.
c. j. Ex vi de
Paradiso.

Fratres contenderunt hanc Clementinam vel maximè fuisse irrevocabilem ; quippe quæ à Concilio Viennensi approbata fuerit ; quod falsum (c) esse constat. Nec minùs interim constat Apostolicâ auctoritate comprobata fuisse à Clemente V.

Circa has decretales Nicolai III. & Clementis V. Joannes XXII. edidit Extravagantem *Quorumdam* , quâ eorum declarationes vocat salubriter editas , solidas quidem & claras & lucidas : alibi , limpidas. Ipse de vestium simplicitate ac formâ , deque habendis cellis frumentariis ac vinariis , quid

(c) *Falsum.*] Nam approbata fuit tantum in Consistorio secreto 5. Maii 1312. & lecta postmodum in sessione III.

Extrav. tit.
xiv. de verb.
signif. cap. j.
Quorum-
dam.

agendum sit, superiorum permittit arbitrio, Pontificatûs anno III. CHRISTI 1318.

Etenim multi ex fratribus, fallace delusi paupertatis imagine, vanissima quæque in deformandis vestibus comminisci cœperant. Non ullis monitis, non ullis parere superiorum imperiis; seque eò pauperiores ac perfectiores arbitrari, quò insaniora cogitarent.

Neque verò Joannes eâ decretali tantos motus comprimere potuit; quin potiùs hinc exorti Fratricellorum insani clamores: Joannem hac decretali fecisse contra *Evangelicam paupertatem & per consequens contra Evangelium* CHRISTI; & ideò *factum hæreticum, ac Papalem potestatem perdidisse, si in hoc perseveraverit.*

Tantæ postea exortæ sunt circa illam inglossabilem Nicolai III. Constitutionem difficultates & rixæ, tam turbidi motus, tam insana deliria, ut idem Joannes XXII. eam paulatim, quàm minimâ poterat antecessoris contumeliâ convellere cogeretur. Ac primùm illud glossandi interdictum sub excommunicationis pœnâ à Nicolao positum, ad beneplacitum suspendit editâ extravagante; *Quia non nunquam* anno Pontificatûs VI. CHRISTI 1321. Quo tempore decretalis *Exiit*, cœpit vacillare autoritas; multaque adversus eam scripta prodierunt quæ Rainaldus edidit. Imprimis impugnabant illud quod erat in eâ decretali dictum: *CHRISTUM habuisse loculos, infirmorum susceptâ personâ*, quemadmodum fugam præcipit: quæ omnia gravissimè refutabant, & utrumque suo modo ad perfectionem pertinere contendebant; cùm perfectionis sit providere suis & egenis, ac per fugam dare locum iræ, nec temerè aggredi pericula.

Extrav.
loc. cit. cap.
ij. *Quia*
nonnun-
quam.

Rainald.
jam. cit. loc.
an. 1322.
n. 55. & seq.

CAPUT XLIII.

JOANNIS XXII. *Extravagans*, ad conditorem Canonum: *ea, decretalis Exiit dogma rejecit.*

NEQUE ita multò post Joannes XXII. progressus ulteriùs, duas decretales edidit, quibus concitati fratres adversus Joannem, ut apertum jam hæreticum, unâ cùm Ludovico Bavaro (d) Imperatore dira moliti sunt, totâque Ecclesiâ famosas illas ac miras tragædias excitârunt.

Anno igitur Pontificatus VII. Christi 1322. Extravagantem edidit: *ad conditorem canonum*; quâ rerum fratribus utendarum ad Ecclesiam Romanam translatum dominium, à se & Ecclesiâ Romanâ amover, exceptis rebus sacris; vetat moveri lites, aliaque quæ à fratribus Ecclesiæ Romanæ procuratorio nomine agebantur.

Extrav. loc.
cit. c. iij. *ad*
conditorem,
&c.

(d) *Ludovico Bavaro &c.* Cùm Joannes XXII. Imperatoris nomen eî denegaret, ille Franciscanorum partibus favit. Venit ergò in Italiam, ac postquam Mediolani & Romæ coronatus est, Joannem Imperiali decreto exauctoravit & Papam constituit Petrum Corberium, qui inter Franciscanos rebelles erat pertinacior. Vid. Rain. ab an. 1323. ad an. 1330.

Hæc autem decretali miris modis exagitat simplicem facti usum ab utendi jure distinctum; docetque eum nec esse possibilem, nec verum, nec fratribus utilem, ad perfectionem paupertatis obtinendam, aut mundi sollicitudines removendas: ad hæc non esse justum, nedum ad perfectionem ullam pertineat; cum injustum sit aliquâ re uti eum, cuius non competat utendi; reservationem quoque dominii ac proprietatis Romanæ Ecclesiæ attributam, pari modo nec esse possibilem nec veram aut sinceram, nec justam, ac nedum Ecclesiæ Romanæ utilis fuerit, in illius notam atque injuriam redundare: Igitur se, qui veritatem colere teneretur, dignum & congruum arbitrari, ut professores dicti Ordinis, non verbis tantum, non simulatis actibus; sed operibus clavis veritate suffultis, perfectionis statûs, ac altioris paupertatis sibi prærogativam, præ aliis mendicantibus vindicarent. Simul declaravit consulere velle se, honori sacro-sanctæ Romanæ Ecclesiæ, cujus obnubilari posset gloria, si tam perverse simulationi, qua profectò & ipsis simulantibus officit, & aliis scandali materiam subministrat, dissimulando illi occurrere consentiret.

Addebat nolle se in posterum, sub pretextu, seu pallio talis dominii temporalis, verbalis, nudi & enigmatici, tanta bona, quanta dicti fratres faciunt infici. Quibus sanè verbis Nicolai III. usum facti simplicem, ab eoque ortam perfectionis, altiorisque paupertatis ideam, non modò subruebat, sed etiam irridebat. Tamen prædecessorem, quibus verbis poterat, excusabat, qui piâ consideratione motus, supradicta ordinavit. Curabat autem vel maximè, ut quod erat absurdissimum ab eo amoliretur, nempe vindicatam Ecclesiæ Romanæ rerum etiam consumptibilium proprietatem. Ejus igitur verba mollebat, sensum ad meliora vertebat. Id autem vel maximè inculcabat; Neminem sapientem æstimare debere, quòd Nicolaus III. absurda, injusta, nec possible intenderit; non sanè addebat omnino impossibile esse, ut talia definiret, quique id fieri posse sentirent, schismatis aut erroris reos; qualia nunc venditant,

CAPUT XLIV.

JOANNIS XXII. Extravagans, Cùm inter nonnullos: ea decretalis Exiit, doctrinam de Christi & Apostolorum paupertate hæreseos damnat: à Romanis Pontificibus erronea definiri posse demonstrat: Franciscani appellantes in materiâ fidei à Papâ ad Concilium, ejus rei gratiâ nullam censuram ferunt.

SUPERERAT illud à fratribus prædicatum, à Nicolao III. approbatum in Christo & Apostolis per simplicem usum facti, altissimæ, ut putabant, paupertatis exemplum. Id Joannes XXII. omninò subruit, editâ Extravagante. Cùm inter non nullos, anno Pontificatûs IX. Christi 1325. quâ propositiones duas examinat; alteram, quòd Christus & Apostoli in speciali non habuerint aliqua, nec in communi; alteram, quòd in iis, quæ ipsos habuisse Scriptura testatur, nequaquam in ipsis jus utendi competierit. Has ritè examinatas,

Extr. Cum
inter non-
nullos. Ib.
c. iv.

erroneas, & hæreticas judicavit; hanc verò postremam, doctrinæ Catholicæ eò maximè inimicam, quòd Redemptori tribuat usum & gesta non iusta: usum scilicet, sine jure utendi, ut erat expositum superiore decretali, *ad conditorem*.

Vid. ib.
extr. *Quia*
quorundam
cap. v.

At Minores id gravissimè tulère. Itaque Joanni XXII. Nicolai decretalem objiciunt: illum etiam apertè hæreticum inclamant, quòd illa, quæ *per clavem scientia in fide ac moribus, à summis Pontificibus semel definita sunt, eorum successoribus revocare non licet in dubium*. Hos ut motus compesceret Joannes XXII. aliam eodem anno edidit Extravagantem: *Quia quorundam*; quæ quidem Nicolaum excusat, ut potest, negatque aut ab ipso, aut ab aliis prædecessoribus definita, quæ fratres tanto studio de facti usu simplice asserabant: ac si vel maximè definissent, *constitutiones illas fore invalidas, erroneas & infirmas*. Neque verò quod nunc somniant, id *per impossibile* dixit, aut omninò negavit evenire posse, ut à Romano Pontifice talia definiantur; sed duntaxat hæc scribit: *Quod usum talem non iustum conditor canonis fratribus intellexit reservare, probabile non videtur*. Profecto non putat rem esse impossibilem, qui id causatur tantum, probabilem non videri.

Et quidem Joannes ad Nicolaum excusandum hæc scripsit: *Non apparet ipsum dixisse, sustentationem Christi & Apostolorum ejus in solo & nudo simplici consistere usu facti*. Verum id nihil est; nam, etiamsi verum esset, concessisse Nicolaum Christo & Apostolis non modo usum facti simplicem, sed etiam aliquando ipsum jus utendi; tamen assererat interim, usum illum simplicem, non modò esse iustum, sed etiam perfectum, & in Christo præluxisse, atque ex ejus exemplo ad fratres propagatum; cum Joannes usum illum, & injustum esse universum definiret, & in Christo admittere hæreticum judicaret.

Ibid. §.
Rursus 2^o.

Quàm profectò sententiam decretali *Quia quorundam*, luculentissimè confirmavit. Ibi enim docuit, illam expropriationem, quam in usu facti simplici, absque jure collocabant, neque à Christo *observatam*, neque *Apostolis impositam*, neque *sub voto ab ipsis fuisse receptam*. Id enim in Evangelicâ historiâ non fuisse traditum: atque hæc Christo tribuere, cum per se iusta non sint, hæreticam, damnatam, blasphemam, pestiferam esse doctrinam. Ergò satis constat Nicolaum, editâ decretali, ut perfecta laudasse, ac præscripsisse fratribus, quæ Joannes XXII. injusta; de Christo dixisse, quæ idem Pontifex, non modo nova & in Scripturis inaudita, sed etiam blasphemum atque hæreticum declarârit.

Mich.
Cæs. Trac.
cont. error.
Joan. xxij.
Goldast.

Quæ cum ita sint, omnes, credo, intellexerunt, id egisse Joannem, ut Nicolai decretalem tanto apparatu conditam, tantâ autoritate promulgatam, honestissimè quidem ac modestissimè quoad fieri posset, sed tamen efficacissimè hæc in parte subrueret.

Monarch.
Tom. ij. p.
1236.

Rainald.
loc. cit. an.
1331. n. II.
& seq.

Huc accedit Michaellem Cæsenatem fratrum Minorum Generalem, ejusque socios à tribus Joannis decretalibus, conceptis verbis, ad sanctam Romanam Ecclesiam, & ad generale Concilium universalis Ecclesiæ publicè & solenniter appellasse, & appellationem Joanni transmississe. Id & testantur acta; & Rainaldus confitetur, neque adversarii negant, has duas decretales; *Cum inter nonnullos, & Quia quorundam*, quibus duæ propositiones

declarantur hæreticæ , ad fidei definitionem omninò pertinere. Jam verò doceant , Minores , qui ab eis appellârint , qui professi sint Papam de fide pronunciantem errare potuisse , eo certè nomine à Joanne fuisse damnatos. Nihil reperient tot inter Apostolicas literas , quibus eos coërcuit ; quod nihil prætermiserit , quo impudentissimos , atque ineptissimos Sycophantas argueret.

CAPUT XLV.

BELLARMINI ac RAINALDI *effugia.*

NUNC inutile est copiosius narrare , quæ recentiores , Bellarminus primùm , ac recentissimè Rainaldus dixerint. Summa est hæc : Nicolai decretalem malè intellectam , neque vero suo sensu à Joanne damnatam ; tum in quibus variant illi Pontifices , *non ad finem & mores pertinere* , sed esse de re metaphysicâ , interim pro certo habitum à Romanis Pontificibus , definita circa fidei quæstiones , rata esse & irretractabilia : quæ omnia putamus satis clarè refutata ex ejus ævi scriptoribus , & ipsis decretalium verbis.

Bell. de
Rom. Pont.
lib. v. c. xiv.
Od. Rain.
Tom. xv.
an. 1322.

Et quidem de usu facti simplice , definitionem Joannis , decretali , *ad conditorem* editam , Rainaldus tuetur , Bellarminus impugnat , & Joannem *in controversiâ ad fidem non spectante errasse* decernit ; cum Joannes decretali , *Quia quorundam* , eum qui decretalis , *ad conditorem definita* convellat , *tamquam contumacem , & rebellem Romanæ Ecclesiæ ab omnibus haberi* jubeat , *tamen*

Rain. an.
1324. n. 32.
Bell. loc.
cit.

Quid quòd idem Joannes non aliâ causâ , illum , absque jure , usum facti simplicem in CHRISTO admitti , blasphemum , hæreticum , impium judicârit , quàm quòd usus ille sit non justus , in quo eum Bellarminus errasse asserit , ac duas Joannis de fide decretales subruit.

Neque verò concesserim in re metaphysicâ & vanâ versatum esse Joannem. Omninò enim è re Ecclesiæ erat , ut evanesceret è fratrum animis , illa quam Nicolaus foverat , falsæ atque inanis perfectionis idea ; cum illam etiam CHRISTO adscribere , autore Nicolao , minimè vererentur , eâque de mentati , sibi tantopere placuerint : neque modò ad horrenda facinora , vetum etiam ad hæreses & schismata proruperint.

Quòd autem Constitutionem *Exiit* , ut decretum de fide haberi nolunt ; quia id Papa *non expresserit* ; neque sua pronunciata , *de necessitate credenda proposuerit* ; tamen contra ea *determinare ac predicare* , sub excommunicationis pœnâ vetuerit , nos quanti hæc valeant lectori dijudicandum relinquimus. Interim intelligimus , procul ab officio confirmandæ fidei abfuisse Nicolaum , qui definitione editâ , ad id induxerit animos , quod Joannes XXII. injustum , aut hæreticum declarârit.

Sed jam de Joannis decretalibus duabus : *Cum inter non nullo* ; & *quia quorundam* , nec habent quod hiscant , cum eas decretales , adhibitis licet omnibus , quibus decretum fidei nunc constare volunt ; tamen à glossâ cor-

pori juris insertâ , pro retractabilibus habitas , & ab ipso Bellarmino subertas videant ; ut profectò pateat , subtiles illos infallibilitatis Pontificiæ defensores , dum ad inania ac minuta nos redigunt , tandem aliquandò in has coarctari angustias , ex quibus nullis se scholasticis argutiis extricare possint.

C A P U T X L V I.

Quæstio de visione beatificâ ante universalem resurrectionem : in eâ JOANNES XXII. falsa prædicat , & suadere nititur : Gallis obfistentibus , Ecclesiæ Catholicæ consensioni cedit.

SUB eodem Pontifice Joanne XXII. anno ejus 16. CHRISTI 1331. teste Rain. T. Rainaldo , *agitari cæpta est in Pontificiâ Curiâ quæstio de visione animarum , controversa inter Theologos ejus temporis.* Et quidem pro certo erat , *purgatas animas in cælum mox recipi ;* idque ipse Joannes instructione editâ ad Ofinium (e) Regem Armeniæ definiverat , ut habet idem Rainaldus. An in cælum receptæ visione faciali fruerentur , dubium videbatur , & negabat Ibid. an. Joannes ; atque ut ait Rainaldus : *Maximâ sollicitudine undique argumenta pro parte negante conquirere , & varia ex Patribus testimonia contexere cæpit : atque ea tanquam privatus Doctor in suis concionibus repetere , ut Prasules , Doctoresque ea argumenta diligentius discuterent.* (f) His quidem Joannes se ipsum postea defensabat , his eum excusatum volebant , qui ex ejus auctoritate , & concionibus publicè in Ecclesiâ ad populum habitis , periculum fidei verebatur. Cæterùm , si ea volebat tantùm discuti à Doctoribus , quorsum pertinebat prædicatî ad populum ? Omnino certum est , id quod etiam totâ Ecclesiâ , ac maximè in Galliâ divulgatum ac creditum , eum errorem à Joanne publicè prædicatum.

Ibid. an. His Galli nostri movebantur ; tum verò vel maximè cùm Geraldus Otho generalis Minorum Minister , Pontifici intimus , atque ab eo Internuncius ad Gallias missus , illum errorem Parisiis pro concione sacrâ exponendum suscepisset , ac passim ferebatur , aliâ licet specie , hujus rei gratiâ , à Joanne

(e) *Ad Ofinium*] misit Joannes XXII. eam fidei professionem , quam Clemens IV. an. 1264. ad Michaelē Paleologum Imperatorem miserat. Malè ergò hîc argumentatur Odoricus Rainaldus , qui Joannē XXII. ab errore immunem eò vult esse , quod fidei professionem ab alio Papâ editam , quamque , non sine gravi scandalo , immutâre poterat , de verbo ad verbum accuratè descripserit. Quanquam si ipse hanc fidei professionem edidisset , non propterea erroris expers omnino videretur. Nam in eo errabat quod crederet , *animas purgatas* , sive essent , sive non essent in cælis , *non esse visuras faciem Dei ante generale judicium.*

(f) *Argumenta discuterent.*] Hoc quidem dicit Odoricus Rainaldus , licet historici memorent Joannē suo errori adeò pertinaciter adhæsisse , ut eum errorem Cardinales Avinionē prædicaverint , sive ut Papæ placerent , sive ei ne displicerent. Et quidem F. Thomas Valles Anglus è Dominicanorum familiâ , cùm in sacrâ concione hanc opinionem oppugnasset , sic exaruit Pontifex , ut juberet illum in carcerem trudi. Vid. Nang. p. 758. Hist. Univ. Tom. IV. p. 235. FLÉURY Lib. XCIV.

summissum, ejusque erroris Pontificem autorem ac signiferum esse.

Philippus verò VI. Valesius (g) dictus, Francorum Rex, extrema minabatur iis, qui claram visionem beatis animabus denegabant: ad quem Pontifex epistolam scripsit, quam Rainaldus profert.

Ibid. 2n.
1333. n. 45.

Hæc epistolâ scribit, quæstionem dubiam etiam Augustino visam; variare Doctores: se quidem hujus rei in sermonibus habuisse mentionem, quæstionem jussu suo, ut sic plenius posset inveniri veritas, disputatam.

Subdit hæc postea: *Et quia, fili dilectissime, forsân tibi dicitur, quòd nos non sumus in Theologiâ Magister, audi quid unus sapiens dicat. NON QUIS, inquit, sed QUID DICAT, intende: adeò & ad se quoque pertinere intelligebat illud, ut non quis, sed quid diceret, cogitemus. Pergit: Utinâm, fili, sicut & alias meminimus nos scripsisse, vellet audire, quæ in nostris sermonibus diximus, Regia celsitudo, & ut prædiximus, unum verbum de capite nostro non protulisse reperies, sed quæ vel CHRISTUS, vel Apostoli, vel Sancti Patres & Doctores Ecclesiæ protulerunt. Sic dubitantis specie, quam sequebatur doctrinam Regiis auribus instillabat.*

Ib. n. 46.

Tum Regem dehortabatur ab insectandis iis, qui claram visionem negabant animabus; neque enim hoc ad Regium honorem pertinere: atque omnino permetteret utramque liberè disputari, ac prædicari sententiam; donec aliud per sedem Apostolicam declaratum fuerit. Hæc scripsit XIV. Kal. Decemb. Pontificatûs anno 17. qui erat annus CHRISTI 1333.

Nihil his motus Philippus, non multis post diebus, quam epistolam acceperat, Dominicâ scilicet IV. Adventûs, Magistros Parisienses congregavit, jussitque eos de quæstione ferre sententiam; qui omnes unanimi consensu in id convenerunt, ne clara visio beatis animabus negaretur. Quam censuram Facultatis habemus integram, ejusdem jussu Principis scriptam, pendentibus Magistrorum sigillis.

Testatus quidem Rex erat, nihil à se quæri quod Papam tangeret, quem omni honore prosequeretur: at Doctores præfati erant, audisse se, quòd *quidquid in hac materiâ sua sanctitas dixit, non asserendo, seu opinando, protulerit, sed tantummodò recitando: adeò verebantur, ne Pontificium animi offenderent.*

Hujus censuræ exemplum, teste continuatore Nangii hujus ævi historico, *Rex misit ad Pâpam, mandans sibi à latere, quatenus sententiam Magistrorum de Parisiis, qui meliùs sciunt quid debet teneri & credi in fide, quàm Juristæ clerici **, qui parùm aut nihil sciunt de Theologiâ, approbaret, & quòd sustinentes in contrarium corrigeret.

* Monacho nempe sancti Dionysii.

Vid. contin. Nang. ap. Duch. Tom. v. ** Romani.

Facinus audax, inquires, ut Galli Romanum Pontificem fidem ipsam docerent. Tanta erat fiducia agnitæ veritatis; atque his quidem Joannes cessasse videtur. Certè anno sequente, sui Pontificatûs ultimo, CHRISTI 1334, editam voluit professionem eam, quâ cum Catholicâ Ecclesiâ fatebatur, quòd

(g) Philippus Valesius] Ministro generali Minorum sic respondit: *Vous êtes hérétique: si vous ne vous rétractez, je vous ferai mourir comme Patarin; & si le Pape lui-même vouloit soutenir cette opinion, je le condamnerois comme hérétique.* Verba sunt D. FLEURY, Lib. xciv. n. 35. Porro Patarini ii erant, qui tunc in vulgus multa impia Manichæorum dogmata spargebant.

anima purgate vident divinam essentiam facie ad faciem. Atque adeò Ecclesiæ Catholicæ consensione, in veram certamque veritatis fidem, non jam cunctabundus aut fluctuabundus adductus est.

- Rain. an. 1336. n. 2. Quod autem eam fidem Benedictus XII. asseruit, eique obistentes hæreticos judicavit; nihil aliud quam publicum & stabilem Ecclesiæ Catholicæ 3. vid. in eam in rem consensum declaravit, quem jam Parisienses, quem ipse Joannes XXII. moriens agnoverat. Neque interim illud admittimus, quod est à T. j. Bull. Rainaldo aliisque responsum: quæ idem Joannes adversus eam fidem publice in Ecclesiâ prædicârit, ea ab ipso fuisse prædicata, ut privato Doctore. 3. 4. 5. re. Ominò enim prædicatio in eminentissimâ Ecclesiæ Romanæ arce edita, ad Apostolicum officium pertinet; veramque fidem oportet in Ecclesiâ Romanâ, non modò definiri prolato anathemate; sed etiam ita doceri, prædicarique, ut inde *annuncietur per universum Orbem*: cui planè officio Joannes XXII. defuit. An ergò cùm ille falsa prædicaret, nutabat ea, quam Ecclesia Romana prædicabat, fides? Aut Ecclesia Romana Sedesque Apostolica falsa & hæretica prædicavit? Aut quæ prædicanti Papæ, eadem judicanti ac definiendi non obstitisset Ecclesia Catholica; defuissentque vires, quibus falsa definitio solveretur? Absit: dictum enim de Joanne XXII. esset, quod ipse de Nicolao III. dixit: si quid falsi definisset, *constitutiones eas fore invalidas, erroneas & infirmas*; neque eò seciùs existimâssent sterillè immotam Ecclesiæ Catholicæ Sedisque Apostolicæ fidem. Ergò intelligamus, quæ Romani Pontifices prædicârint, crediderint, declarârint, nondùm esse Romanæ Ecclesiæ Sedisque Apostolicæ, quoad à Romano Pontifice promulgata, totâque Ecclesiâ recepta obtinuerint & coaluerint, atque hanc esse Romanam, hanc Petri, hanc Sedis Apostolicæ fidem, quæ deficere non possit.
- Extrav. Cum inter nonnullos de verb. signif. cap. iv.





DEFENSIO DECLARATIONIS CLERI GALLICANI, DE ECCLESIASTICA POTESTATE.

LIBER DECIMUS.

Quo probatur convenire cum Declaratione Gallicana hæc :
Quod Romana Sedes fidesque nunquam defectura sit ; &
quod prima Sedes non judicetur à quoquam,

CAPUT PRIMUM.

*Fides PETRI quid sit : verba PETRI, TU ES CHRISTUS : & CHRISTI,
TU ES PETRUS &c. PETRI fides Ecclesiæ fundamentum : ad lo-
cum Matth. XVI. 16. & seq.*



E quid tam necessariae disputationi desit , placet exponere lu-
culentiùs illud immotum , quod in fide Petri omnis ab origine
agnovit antiquitas. Id duplici modo à Patribus intellectum :
primùm , ut Ecclesia Catholica in Petri fide immota consistat :
tum , ut immotum aliquid & invictum in Ecclesiam quoque
peculiarem Romanam ac Sedem Apostolicam , Petri fide , prædicatione ,
sanguine , autoritare , ac successione translatum fuerit.

Et quidem immotum illud , quod à Petri fide in universam Ecclesiam dif-
fundatur , Sancti Patres ducunt ab illâ egregiâ Petri confessione : *Tu es* ^{Matt. xvj.}
^{16.} *CHRISTUS* , ac deinde subsequatâ *CHRISTI* sententiâ : *Tu es Petrus*. ^{Matt. x.}

Petrus enim Apostolus , jam primus Apostolorum à *CHRISTO* constitutus , ^{2. Marc. iij.}
jam à *CHRISTO* *Petrus* dictus , atque his causis omnium primus ab Evange- ^{16. Luc vj.}
^{14.}

listis omnibus appellatus, quod ipse textus Evangelii prodit legentibus; cum CHRISTUS quæreretur: *Quem me esse dicitis?* Omnium nomine confessionem hanc edidit, quâ fidei Christianæ summa continetur: *Tu es CHRISTUS filius Dei vivi.* Quæ cum Petrus dixisset, hoc statim audivit à CHRISTO: *Tu es Petrus & super hanc petram ædificabo Ecclesiam meam.* Quibus verbis CHRISTUS, qui suam maximè unam volebat Ecclesiam, creavit Magistratum amplissimâ præ cæteris potestate, ac majestate præditum, qui omnes moveret ad unitatem, maximè in fide. Atque his duo quidem confirmavit: alterum, haud immeritò Petrum omnium nomine respondiisse, qui omnium Princeps ab ipso Magistro CHRISTO constitutus esset: alterum, quoties successores Petri communem Ecclesiarum fidem, ex communi Traditione, pro officio promerent, eorum decretum, prædicationem, fidem, fore Ecclesiæ fundamentum.

Leo. Serm.
iij. in ann.
Assump. e-
jusd. cap.
ij. vid. in
append. ed.
Quæsn. n. 4.
serm. Leon.
ad scrip. c.
ij. al. serm.
ij. in natal.
Apost.

Hinc CHRISTUS pollicetur, hac Petri contentis fide Ecclesiam æternam constitutam: *Super hanc petram, inquit, ædificabo Ecclesiam meam, & porta inferi non prævalebunt adversus eam;* nempe Ecclesiam, eâ fide nixam. Quo loco Sanctus Leo: *Super hanc, inquit, fortitudinem æternum extruam templum, & Ecclesiæ meæ calo inferenda sublimitas, in hujus fidei firmitate consurget.*

Hæc idem Pontifex passim inculcat; hæc omnes uno ore Romani Pontifices; hæc denique Patres omnes; ut in re clarâ & confessâ plures locos congerere supervacaneum sit. Omnino fixum illud est & immotum; cum Ecclesia Catholica ædificio comparetur, eam quam Petrus confessus est fidem, æterni ædificii æternum fundamentum esse.

C A P U T I I.

Ipse Petrus & PETRI successores propter injunctum officium prædicandæ & asserendæ fidei, Ecclesiæ fundamentum: huic officio meritò adjunctæ Claves.

NEQUE minùs ipse Petrus, ejusque successor Romanus Pontifex, tanto in ædificio fundamenti loco est, ut qui ex commisso munere, Ecclesiastici regiminis Princeps, præcipuique ac fundamentalis officii, prædicandæ scilicet & asserendæ fidei, caput executorque sit.

Quâ ex re, si quis sequi putat, Romanum Pontificem commissi officii gratiâ fundamento comparatum, ideò in exponendâ fide esse infallibilem, fallitur: aliud enim est, ut ei aliquid officii injungatur; aliud, ut illud procul omni dubio præstiturum esse constet.

Atque ut officium, quemadmodum oportet, ab ipso effectu secernamus, advertendum superest, cui rei CHRISTUS æternæ stabilitatis promissionem adjecerit: an ipsi Pontifici, an verò Ecclesiæ? Ecclesiæ certè, ut verba declarant: *Et porte, inquit, inferi non prævalebunt adversus eam, Ecclesiam scilicet, ut & verborum docet ipsa connexio, & Leo atque alii Patres lucu-*

Matt. xvj.
18.

lentissimè profitentur. Cui loco convenire alia CHRISTI dicta jam vidimus, quale illud est : *Si Ecclesiam non audierit, sit tibi sicut Ethnicus & Publicanus: Ecce ego vobiscum sum usque ad consummationem sæculi* : Et, *Cum venerit ille Spiritus veritatis, docebit vos omnem veritatem*. Quæ ad unitatem Apostolici ordinis manifestè referuntur. Unde etiam extat illud Apostolici primi Concilii : *Visum est Spiritui Sancto & nobis* ; cui congruit illud in symbolo item Apostolico, quòd attributum est toti & soli Ecclesiæ, certissimum Spiritûs Sancti Magisterium : *Credo in Spiritum Sanctum, Sanctam Ecclesiam Catholicam* ; nihil ut sit clarius, quàm ipsi Ecclesiæ Catholicæ primitûs promissionem, & vim æternæ stabilitatis adjunctam.

Ib. xviii. 17.

Ib. xxviii.

20.

Joan. xv.

13.

Act. xv. 18.

At enim, inquit, Petra ipsa, fundamentum ipsum, per sese est stabile; ipsoque adeò ædificio stabilior; quippe quo ædificium id habeat ut firmum ac stabile sit. Id qui dicunt, non satis advertunt, ipsa etiam fundamenta posse convelli. Quare CHRISTUS æternum structuræ ædificium, non in eo præcisè reponit æternam ejus ædificii soliditatem, quod in tali ministeriali fundamento, Petro scilicet ac Petri successore, sit positum; sed quòd ipso CHRISTO ædificante confurgat : *Super hanc*, inquit, *petram ædificabo Ecclesiam meam, & portæ inferi non prævalebunt adversus eam*; propter ædificantem scilicet CHRISTUM, qui & fundamentum posuit, & extruxit ædificium, & invictâ virtute utrumque continet.

Quod ergò moderni quidam eò usque provehuntur, ut in Petro & successoribus, certiorè & clariorè, quàm in ipsâ Catholicâ Ecclesiâ, stabilitatem agnoscant; nâ illi nimii sunt, neque tolerandi, quibus clarius ac firmitus videatur : *Credo Romanum Pontificem infallibilem*, quàm, *credo sanctam Ecclesiam Catholicam*.

Certum quidem est, Ecclesiam Catholicam, constituto Principe, tanquam totius regiminis fundamento, factam esse firmiorem. Neque tamen tu mihi fundamenti similitudinem sic urgeas, ut Ecclesia collapsura sit, si quando Principis cesseret officium; alioquin eum, qui summâ in Ecclesiâ potestate fungatur, non modò infallibilem, sed etiam immortalem esse oportebat: aut si ad extremum urgeri placet fundamenti rationem ac vim, aliud certè est, ut ipsum fundamentum penitus subruatur: aliud, ut sit aliqua in fundamento labes. Primum si acciderit, ruit ædificium; secundum, non ita: non nunquam enim opus est ipsum refici fundamentum. Aliquis Petri successor, sive Liberius, sive Honorius, sive quivis alius in tacendâ fide officio desit, atque ipsi etiam fidei adversetur; en aliqua in ipso fundamento labes, quæ ab Ecclesiâ facilè reparari possit; non item, si Petri officium in totum tolleretur, CHRISTI institutione contemptâ.

Illud ergò officium, ut construere, ita destruere nulla humana vis potest; statque illud immobile à CHRISTO constitutum Ecclesiastici regiminis fundamentum.

Quare & illud certum est, in ipsâ ministeriali petrâ, Romano scilicet Pontifice Petri successore, vim esse; præcipuam illam quidem ac principalem, sed tamen partialem, ut vocant; ita ut totum ipsum parte sit firmitus.

Namque & aliquatenus aptis lapidibus ædificii compages sese ipsa sus-

XIV. sculi.

tentat ; mutuamque sibi operam fundamentum ipsum , compagesque præstant : atque ut compages fundamento sustentatur , sic fundamentum compage protegitur. Quin ut in Papatu maxima , ita in Episcopatu magna est à CHRISTO indita vis ; suntque Episcopi capita & fundamenta particularium Ecclesiarum , ex quibus universa coalescit , & in vivo ædificio , vivi lapides sese ultrò coagmentant ; ipsique fundamento præcipuo , scilicet Romanæ Sedi , non nudo tantùm obsequio , sed etiam adunati autoritate provident. Sic illa in infando schismate * horrenda fundamenti labes , totius compagis ope sanata resectaque est.

Stat ergo æternus ille in Ecclesiâ CHRISTI , ab ipso CHRISTO constitutus Magistratus , ad unitatem movens , fideique firmitati ex officio providens. Cui quidem officio meritò attributæ claves , solvendi ac ligandi tanta potestas ; ut quidquid in terrâ solverit vel ligaverit , in cælo quoque solutum , ligatumque sit ; quibus verbis designari , non personæ injuncto officio defungentis infallibilitatem , sed ipsius officii efficaciam ac vim , omnes consentiunt.

Hæc igitur pertinent ad illud CHRISTI dictum : *Tu es Petrus* , constituitque omninò , Petri officium esse Ecclesiæ fundamentum , eò quòd Ecclesia unitate consistat , cujus Sacramentum ac radix in Petro est.

C A P U T III.

Locus ; Rogavi pro te : & Confirma Fratres tuos , Luc. XXII.

32. *Aliud præceptum , aliud promissum : præceptum , Confirma Fratres , quid sit.*

EODEM pertinet aliud CHRISTI dictum ad Petrum : *Simon , Simon , ecce Satanas expetivit vos , ut cribraret sicut triticum , ego autem rogavi pro te , ut non deficiat fides tua ; & tu aliquandò conversus , confirma fratres tuos.* In hæc CHRISTI sententiâ , ut in priore , rursus distinguimus ea quæ ad officium Petri pertinent , & ea quæ ad CHRISTI promissionem. Ad officium Petri pertinet ; *Confirma fratres tuos* ; ad CHRISTI promissionem certam : *Rogavi pro te , ut non deficiat fides tua.*

Hoc ergò ex officio Petrus habet : hoc Petri successores in Petro acceperunt ut fratres confirmare jubeantur ; non profectò , ut ei officio nunquam defuturi sint.

Si enim jubendo CHRISTUS id præstat , ut præceptum ipsum impleatur , jam omnes sunt impeccabiles ; Romanusque Pontifex , cui CHRISTUS in Petro dixit : *Pasce oves meas* , non modo in doctrinâ nunquam peccaturus est ; sed nec in ullâ parte pastoralis officii , cùm nulla profectò sit , quam non illa vox complectatur.

I. Thess. iij. 2.

Jam quod aiunt , ipsâ confirmandi voce , supremum & indeclinabile judicium , eamque autoritatem indicari , quâ nulla major esse possit , falsum est : nam *confirma* , hoc est , quantum in te est enitere ut firmi sint. *Misimus enim Timotheum* , inquit Apostolus , *ad confirmandos vos* ; & cui

cumque Episcopo dictum est : *Esto vigilans , & confirma cetera , quæ moritura erant*. Et ostendunt Scripturæ passim , confirmare vacillantes animos , per omnia Ecclesiastica ministeria fustum. Quod Petro ejusque successoribus singulari titulo attributum efficit quidem , ut præ cæteris , ut erga cæteros , atque etiam erga fratres & Apostolos illud facere jubeantur : non autem , ut id certissimè præstent. Nam quod objiciunt , cuique officio suam esse à Deo providentissimo adjunctam gratiam , quis id nesciat ? Adjungitur quidem ut omni officio , ita etiam Papatui , perpetuâ Dei benignitate , gratia singularis ; at gratiam singularem non propterea sequitur semper accipientis certa fidelitas : alioquin nunquam in eo officio peccaretur , quod est falsissimum.

Apoc. iiij.
2.

CAPUT IV.

Promissio in illâ precatone ; ut non deficiat fides tua : fides PETRI quid sit ? nunquam defectura , neque in ipso PETRO ; neque in Catholicâ Ecclesiâ ; neque in Sede Apostolicâ ; seu peculiari PETRI Ecclesiâ.

ATQUE hæc sunt , quæ pertinent ad CHRISTI præceptionem ; *Confirma fratres tuos*. Jam ad promissionem ista : *Rogavi pro te , ut non deficiat fides tua* : quæ quidem promissio multipliciter intelligi potest , pro multiplice personæ Petri intellectu.

Est enim primum Petrus singularis homo , cui CHRISTUS , teste Augustino promiserit ; *Ut haberet in fide liberrimam , fortissimam , invictissimam , perseverantissimam voluntatem*. Quo sensu promissio solum Petrum spectat , non autem successores , quos in fide confirmatos , nemo , credo , nisi insipientissimus dixerit.

Aug. de corrept. & grat. c. viij. n. 17. T. x. p. 759.

Et eâ quidem promissione ad exequendum officium Petrus juvabatur. Quis enim dubitet promptius illud fuisse ac certius , ut confirmatus in fide confirmaret : quod , CHRISTUS Petro significavit his verbis : *Simon , Simon , ecce Satanas expetivit vos ut cribraret sicut triticum , ego autem rogavi pro te , ut non deficiat fides tua*. Quo loco Leo præclare : *Pro fide Petri propriè supplicatur , tanquam aliorum status certior sit futurus , si mens Principis victa non fuerit*. Neque propterea Petri successores id habent , ut in fide confirmantur , sicut non omnes habent illam eminentissimam charitatem , quâ Petrus plûs cæteris CHRISTUM diligens audire meruit ; *Pasce oves meas*.

Luc. xxij. 31. 32.
Leo. Serm. iij. in. ann. Assump. ejusd. c. iij. ed. Quesn. 40. p. 109.
Joan. xxj. 17.

Hoc igitur est quod Petro in propriâ personâ promissum est , neque ad posteros transiturum ; nempe ut in fide & gratiâ confirmetur. Jam quod sit ad posteros transiturum , ex aliâ duplici Petri personâ pendet.

Petrus enim præter personam suam , aliam personam gerit nempe Ecclesiæ universæ ; quod ipsum ad ejus Primatum pertinet , sicut Augustinum dicentem audivimus : *Petrus Ecclesiâ gestabat in figurâ personam , propter Primatum quem in discipulis habuit*. Cum ergo Petro dicitur pro hujus per-

Sup. lib. viij. c. xix. Aug. in Pf. cvij. n. 1. p. 125. T. iv.

sonæ ratione : *Non deficiet fides tua* , hoc nempè est , non deficiet Ecclesiæ Catholicæ fides , cujus tu figuram atque personam propter Primatum geris ; ac jubetur postea *confirmare fratres* , qui Primatu imposito tantam personam induerit.

Neque immeritò Petro dicitur : *Non deficiet fides tua* ; fides illa scilicet , quæ cum sit Christianorum omnium , vel maximè est tua ; quòd eam primus omnium atque omnium nomine prædicaveris.

Aug. de
Corrept. &
grat. c. xij.
n. 38. T. x.
p. 772.

Hunc sensum Interpretes sæpe memorati secuti sunt ; ad eumque alludere videtur Augustinus : *Dicente CHRISTO , rogavi pro te ut non deficiat fides tua , intelligamus ei dictum , qui ædificatur super petram* , hoc est , omnibus in CHRISTO perseveraturis.

Hic ergò secundus sensus , pro secundo intellectu personæ Petri , totam in se representantis Ecclesiam , ac maximè electos. At tertio modò , Petrus intelligi potest strictiore significato , ut qui non modò Ecclesiæ universæ personam susceperit , sed successores in Primatu suos , eorumque curæ commissam peculiarem Ecclesiam , Romanam scilicet , singulari titulo repræsentet. Quo etiam sensu , meritò Petro dicitur : *Non deficiet fides tua* ; cum nunquam futurum sit , ut Petri successores eorumque universa series atque successio , sedesque cui præsent , atque Ecclesia , quam docendam & regendam susceperint , à verâ fide evellantur.

C A P U T V.

PETRUS ejusque successores cuidam peculiari Ecclesiæ ac sedi præstare debent : PETRI fides in PETRI Sede , & in successorum serie non deficit.

ET quidem de successorum serie satis constat ; cum Catholici omnes uno ore fateantur , Petri officium , hoc est , Papatum ipsum atque Primatum à CHRISTO institutum , nunquam in Ecclesiâ desitutum. Sed Petri successores , cum ordinandi fuerint è cælo lapsuri non sunt ; neque ad creandos eos , ubi opus fuerit , totam Ecclesiam citari , commoverique oportebit. Neceffe ergò est , aliqua ut sit Catholicæ Ecclesiæ pars , ex quâ existant , alique aliis subrogentur. Quare ita constituti sunt , ut non modò universæ , Ecclesiæ præsent ; sed quemadmodum cæteri Episcopi , peculiarem habeant quam regant Ecclesiam ; nempe Romanam , quam Petrus fundaverit & rexerit , imò quàm semper & foveat & regat. Hæc ergò Ecclesia ex avità atque Apostolicâ Traditione , eo jure , eâ dignitate est , ut quemcumque sibi , eundem etiam Ecclesiæ universæ ducem Pastoremque eligat ; nec nisi ab orthodoxâ , orthodoxum eligi par est. Hæc igitur Cathedra , hæc Sedes , hæc Ecclesia est , quæ pro sui Pontificis dignitate uniendæ Ecclesiæ necessaria , nunquam à verâ Ecclesiâ , nunquam à verâ fide abrumpatur.

Neque obijciant , Sedem à sedente Pontifice minimè distinguendam. Hunc enim errorem , multis jam veterum testimoniis sublatum esse credi-

mus. Vel sanctum Leonem audiant de Sede Antiochenâ dicentem ; *aliud sunt Sedes , aliud Præsidentes.*

Leo. ep.
ad Anast.
C. P. LXXX.
al. liij.

Neque propterea dicimus , ipsam Sedem aliquid exercere posse potestatis aut jurisdictionis , aliter quam per ipsum Præsidentem : sed si Præsidentis erraverit , errorem eum statim repellendum , neque coaliturum.

Neque verò distinguimus à Romanorum Pontificum fide , Romanæ Ecclesiæ fidem ; quam scilicet non aliter quam à Petro primò , atque à Petri successoribus Romani didicerint.

Neque huic fidei oberit , si aliquot Pontifices officio defuerint , atque à verâ fide , eique conjunctâ fidei professione aut prædicatione aliquandò aberrârint. Stat enim Romana fides , ab eorum antecessoribus stabilita , ab eorum successoribus statim vindicanda ; ut factum in Liberio , Honorio , aliisque vidimus , nullo Romanæ fidei , aut Romani Primatûs detrimento. *Etsi enim* , inquit Leo , *diversa nonnunquam sunt merita Præsulum , tamen jura permanent sedium* : quantò magis permanent jura in Sedem Apostolicam per Petrum , autore CHRISTO collata.

Sup. lib.
ix.
Leon. ep.
ad Maxim.
Antioch. ...
xcij. al. lxiij.
c. liij.

Accipiendi ergò Romani Pontifices tanquam una persona Petri , in quam nunquam fides penitus deficiat ; atque ut in aliquibus vacillet , aut concidat , non tamen deficit in totum , quæ statim revictura sit. Nam & Petrus negavit , & incredulus fuit , postquam etiam audivit illud : *Rogavi pro te ut non deficiat fides tua* ; sed statim exsurgit , confirmaturus fratres , atque omnium nomine communem prædicaturus fidem , sicut in Actis legimus. Sit ergò in Leone ; sit in Agathone ; sit in aliis egregiis Pontificibus Petrus , fratres confirmans : sit etiam in Liberio ; sit in Honorio Petrus ad horam nutans & negans ; sed statim respiciente Domino convalescens , seque ipso validior ; ut firmitudini , Domino providente , etiam lapsus ipse serviat ; neque super sit ullum errati vestigium. Id in Ecclesiâ Romanâ contigisse multa exempla docuerunt , neque porro aliter ad consummationem usque sæculi in totâ Pontificum successione eventurum esse , certâ fide credimus.

Id autem beati Petri meritis tributum volumus. Omnino enim Apostoli ad CHRISTUM recepti , discipulorum ac successorum suorum regunt Ecclesias : neque illa vacat Ecclesiæ oratio Dominum deprecantis ; *ut gregem tuum , Pastor æterne , non deseras ; sed per beatos Apostolos tuos continuâ protectione custodias* ; certumque est id , quod subditur ; *iis Rectoribus Ecclesiam gubernari*. Quantò magis Petrus omnium Princeps , *in propriâ Sede vivit , ac præsidet* , ut & sanctus Leo egregiè docet , & universa Ecclesia in œcumenicis etiam Conciliis sæpe confitetur.

Præf.
Miss. Apost
Vid. Leō.
serm. j. ij.
liij. in die
Assump.
ejusd.

Sic ergò tertio sensu intelligatur Petri nunquam defectura fides ; quod eam Ecclesiæ Romanæ semel traditam , in eadem Ecclesiâ , ipsâque successorum serie , conservat ac fovet. Quibus hæc magna & præclara , sedisque Apostolicæ majestatis digna non sufficiunt , ii ut se in minuta atque oppidò absurda ac falsa conjiciant , non ratiociniis , sed jam experimentis vidimus.

Vid tot.
lib. ix.

CAPUT VI.

Traditio Patrum de fide & Ecclesiâ Romanâ, deque Sede Apostolicâ nunquam defecturâ : Romanorum Pontificum de suâ Sedis dignitate tuendâ Traditio.

HÆc, ita uti diximus, se habere universa agnovit antiquitas. Sancti enim Patres ab ipsâ Christianitatis origine, dum quærunt illud immotum in fide, quod Ecclesiæ principali, Romanæ scilicet, inesse necesse sit; non Romanum Pontificem Doctorem publicum, quem à Romano Pontifice homine singulari, atque ut peccatis, ita erroribus obnoxio, discernendum cogitant; id enim postremæ ætatis inventum est; sed ipsam Romanam Ecclesiam, ac Romanam fidem, ipsam Petri Cathedram, ac Sedem Apostolicam uno ore commemorant.

Primus omnium Irenæus occurrit, dum *maximam, antiquissimam, & omnibus cognitam, à gloriosissimis duobus Apostolis Petro & Paulo, Romæ fundatam & constitutam Ecclesiam* celebrat. Ad hanc enim, inquit, Ecclesiam, propter potentiorē principalitatem, necesse est omnem convenire Ecclesiam, hoc est, eos qui sunt undique fideles, in quâ semper ab iis qui sunt undique conservata est ea, quæ est ab Apostolis Traditio. (a) Hæc Irenæus noster

Tertull. de præscr. Gallicanæ Ecclesiæ lumen.

Ludunt qui *potentioris principalitatis* nomine, Urbis amplitudinem designari putant. Agit enim Irenæus, non de Urbe, quam propter imperium frequentari; sed de Ecclesiâ fundatâ ab Apostolis, ad quam eâ causâ con-

venire, in quâ conservare omnes undique fideles avitam & Apostolicam Traditionem oporteat. Neque aliter Tertullianus: *Habes Romam, unde nobis quoque (Afris scilicet) autoritas præsto est. Ista quàm felix Ecclesia cui totam doctrinam Apostoli cum sanguine suo profuderunt!* Inde autoritas, & illa apud Christianos jam inde ab origine Romanæ Ecclesiæ præcipua commendatio.

Vid. ep. Neque Cyprianus rem tantam conticescit: *Navigare, inquit, audent * ad Petri Cathedram, & ad Ecclesiam principalem, unde unitas Sacerdotalis exorta est.* En unde principalis, quod Irenæus dicebat, & jam sermone Ecclesiastico frequentatum. Hunc locum Petri, & Cathedra Sacerdotalis & pass.

(a) *Ab Apostolis Traditio.*] Hic Irenæus Ecclesiam Romanam magnificè verèque laudat. Duo autem dicit: 1^o. hanc Ecclesiam esse Christianorum communem patriam; adeo ut in eâ, omnes iis bonis frui debeant, quæ, ipso jure civili, ejusdem urbis civibus sunt communia: 2^o. reliquarum Ecclesiarum Traditionem residere in Ecclesiâ Romanâ, quæ nimirum, omnium Traditionem eò planius habet cognitam, quod cum singulis est conjunctior necessitudinibus, & ad consilia simul communicanda promptior. Atque ea duplex est causa, cur, verbis exquisitissimis Irenæus memorat, in eâ semper ab iis qui sunt undique, conservatam fuisse eam, quæ est ab Apostolis Traditionem,

gradum;

gradum; hanc Ecclesiæ Catholicæ radicem & matricem, Ecclesiasticæ unitatis originem idem Cyprianus sæpe commendat. Neque ab ejus Ecclesiæ *principalis* unitate & fide deſectere ſe putabat, cùm Stephani Papæ de hæreticorum non iterando baptiſmate decretum, tot undique conquiſitis Scripturarum locis, vehemens accuſator urgebat.

Nec taceam illam Optati unicam ſingularemque Cathedram, quam Petrus primus inſederit *Apoſtolorum caput*; quam Petri ſucceſſores, Optato referente, uſque ad Siricium, ac cæteri deinde teneant uſque ad ſæculi finem; quâ Donatiſtæ careant; quam fruſtrâ occupare ſatagerent, conſtitutò Romæ ſuæ ſectæ vano Epiſcopatu; quam ſola Catholica, nulla ſchiſmatica habeat Eccleſia: quæ proinde Cathedra, ſi concidere poſſet, fieretque jam Cathedra, non veritatis, ſed erroris & peſtilentiæ; Eccleſia ipſa Catholica non haberet ſocietatis vinculum; jamque ſchiſmatica ac diſſipata eſſet, quod non eſt poſſibile.

Hinc illud Concilii Aquileienſis ad Gratianum Valentinianum & Theodoſium Auguſtos: *Totius Orbis Romani caput Romanam Eccleſiam, atque illam Sacro-ſanctam fidem Apoſtolorum, ne turbari ſineret, obſecranda fuit Clementia veſtra: inde enim in omnes veneranda communionis jura dimanant.*

Hinc Hieronymus, Oriente diſſidiis * agitato, *Cathedram Petri & fidem Apoſtolico ore laudatam*, cenſuit conſulendam; atque ad Theophilum Alexandrinum ſcribit: *Se Patrum non tranſire terminos, ſemperque meminiffe Romanam fidem Apoſtolico ore laudatam, cuius ſe eſſe participem Alexandrina Eccleſia gloriatur.*

Veneratur & Auguſtinus Romanam Eccleſiam, *in quâ ſemper Apoſtolica Cathedra vigit principatus*: & in eâ Romanam fidem, quam in Ambroſii ſcriptis etiam hæretici Pelagiani ſuſpicere cogentur.

Hanc celebrat Gelafius ad Anaſtaſium Imperatorem totumque Orientem confidentiſſimè ſcribens: *Quia mundo radix eſt Apoſtoli Petri glorioſa Confeſſio.* Quâ voce designari ſolet Eccleſiaſtico ſtylo ſacer ille & omni honore proſequendus locus, quo Apoſtolorum condita corpora, Eccleſiæ Romanæ, totique Chriſtianitati, nec minùs Orbi, quam Urbi tutelæ ſunt. Sic enim idem ad Euphemianum Conſtantinopolitanum Patriarcham: *Venimus, frater Euphemiane, ad illud pavendum Chriſti tribunal; ubi comprobandum inquit, utrum beati Petri glorioſa confeſſio cuiquam eorum, quos regendos acceperit, quicquam ſubtraxerit ad ſalutem.* Eccleſiam Romanam nominat à potiſſimâ parte, ab ipſo ſacrario, quo Petri reliquiæ requieſcunt; quo ex loco Eccleſia Romana Primatum repetebat ſuum. Inde ſcilicet facta eſt Eccleſiarum caput, quòd Apoſtolorum Princeps in eâ Sedem fixerit, in eâ Martyrium fecerit, eam ſanguine dedicârît; quem ad locum videas, priſcorum quoque Pontificum tempore, Synodos celebratas, tamquàm à Petro deductis Apoſtolicæ doctri-næ ac diſciplinæ rivis.

Hujus ergo rei gratiâ Stephanus Metropolitæ Lariffæus ad Bonifacium II,

249. & paſſ. in lib. cont.

Opt. Mi.
lev. de ſch.
Donat. lib.
ij. c. ij. p.
28. ed. Dup.
Ib. c. iij.
Ib. vid.

Aug. de hæ.
reſib. hæreſ.
lxix. Tom.
vii. p. 21.
cont. Creſc.
lib. ij. cap.
xxvii. n. 46.
p. 434. lib.
iij. c. xxxiv.
n. 38. pag.
454. T. ix.
& paſſ.

Epist. i.
Conf. Ital.
ſeu. Rom.
ſeu. Aquil.
an. 381. T.
ij. Conc. p.
999. & ap.
Symmun. in
app. cod.
Theod.

* Orige-
niſtarum.
Ep. Hier.
ad Damaf.
xiv. al. lvij.
T. iv. part.
ij. p. 19.
Id. epist.
ad Theoph.
lvij. alias.
lxvii. Ib.
p. 597.

Aug. ep.
xliij. al.
clxij. n. 7.
vid. de grat.
Chriſt. cap.
xliij. num.
47 T. x. p.
Pelag.

Gelaſ. ep. viij. ad Anaſt. Imp. T. iv. Conc. p. 1183.
Id. epist. ad Euphem. C. P. ibid. p. 1162.

Ep. Steph. & Synodum Romanam hæc scribit : *Dixi , quia autoritas Sedis Apostolicæ ;*
 Lariß. ad *quæ à Deo & Salvatore nostro , summo Apostolorum data est , omnibus sancta-*
 Syn. Rom. *rum Ecclesiarum privilegiis antecellit , in cujus confessione omnes mundi re-*
 sub. Bonif. *quiescunt Ecclesia.*

Coll. Holst. Est & illud sancti Gelasii : *Duodecim certè fratre Apostoli , paribus meritis ,*
 Gelas. Pap. *parique dignitate suffulti ; cùmque omnes aqualiter spiritali luce fulgerent ,*
 tract. ap. *unum tamen Principem esse ex illis voluit Christus , eumque dispensatione*
 Syr. in App. *mirabili in dominam gentium Romam direxit , ut in præcipuâ urbe , vel pri-*
 cod. Theod. *mâ , primum & præcipuum dirigeret Petrum ; ibique sicut doctrinæ virtute*
sublimis emicuit , ita sanguinis gloriosâ effusione decoratus , aeterno hospitio
cônquiescit ; præstans Sedi quam ipse benedixit , ut portis inferi nunquam
pro Domini promissione vincatur , omniumque sit fluctuantium tutissimus
portus.

Audio quid dicant : Romanis Pontificibus , Sedis suæ dignitatem com-
 mendantibus , in propriâ videlicet causâ non esse credendum. Sed absit ;
 pari enim jure dixerint , ne Episcopis quidem , aut Presbyteris esse adhi-
 bendam fidem , cùm Sacerdotii sui honorem prædicant ; quod contra est.
 Nam quibus Deus singularem honoris dignitatisque prærogativam contulit ,
 iisdem inspirat verum de suâ potestate sensum ; ut eâ in Domino , cum res
 poposcerit , liberè & confidenter utantur , fiatque illud quod ait Paulus :
 1. Cor. ij. 12. *Accepimus Spiritum qui ex Deo est , ut sciamus quæ à Deo donata sunt nobis.*
 Quod quidem hîc semel dicere placuit , ut temerariam ac pessimam respon-
 sionem confutarem ; profiteorque me de Sedis Apostolicæ majestate , Ro-
 manorum Pontificum doctrinæ & Traditioni crediturum : quamquàm eo-
 rum Sedem non ipsi magis , quàm reliqui , ac tota Ecclesia , atque Orien-
 tales haud minùs quàm Occidentales prædicant. Id sequentia decla-
 rabunt.

CAPUT VII.

Libellus à sancto HORMISDA ad Ecclesias Orientales missus : ab
eisdem Ecclesiis subsignatus mittitur eidem Papæ : tum sancto
AGAPETO, NICOLAO I. atque ADRIANO II. prædicata in eo libel-
lo Romana fides nunquam defectura.

Exemp. S ANCTI Hormisdæ , ac Justini Augusti tempore , Ecclesiæ Orientales
 libell. Joan. hanc adversus Acacium Eutychetis defensorum , à Beatissimo Papâ mis-
 C. P. ad sam formulam jussi subscripserunt : *Prima salus est , recta fidei regulam cu-*
 Hormisd. *stodire , & à Patrum Traditione nullatenus deviare ; quia non potest Domini*
 Tiv. Conc. *nostri JESU CHRISTI prætermitti sententia dicentis ; TU ES PETRUS ET SU-*
 pag. 1486. *PER HANC PETRAM ÆDIFICABO ECCLESIAM MEAM. Hæc quæ dicta sunt , re-*
 1487. *rum probantur effectibus ; quia in Sede Apostolicâ immaculata est semper ser-*
vata religio. Ergo ut semper servaretur , ad hæc Christi promissa referunt.
Subdunt postea : Unde sequentes in omnibus Apostolicam Sedem , & prædi-

cantes ejus omnia constituta, spero ut in unâ communione vobiscum, quam Sedes Apostolica predicat, esse merear, in quâ est integra & verax Christiana religionis soliditas: promittens etiam sequestratos à communione Ecclesiæ Catholicæ, id est, non in omnibus consentientes Sedi Apostolicæ, eorum nomina inter sacra non recitanda esse mysteria. Hanc autem professionem meam, propria manu scripsi, & tibi Hormisdæ sancto & venerabili Papæ urbis Romæ obtuli. Atque hæc professio ab Hormisdâ Pontifice dictata, ab omnibus Episcopis Orientalibus eorumque antesignanis Constantinopolitanis Patriarchis est recepta. Quâ de re Occidentales Episcopi, præsertim Gallicani, multum in Domino collatantur; ut certum sit, hanc formulam à totâ Ecclesiâ Catholicâ comprobata.

Ep. Avic.
Vienn. ad
Hormisd.
ib. p. 1445.

Eandem fidem Justinianus Imperator ad sanctum Agapetum Papam à se subsignatam, iteratis vicibus mittit; (b) in secundâ verò subscriptione sic legitur: *Quapropter sicut præfati sumus, sequentes in omnibus Sedem Apostolicam, quæ ab eâ statuta sunt predicamus, ac promittimus ista inconcussè servari, & compellere, ut juxta tenorem libelli istius, omnes faciant Episcopi: ut sanctissimi quidem Patriarchæ ad vestram faciant sanctitatem, Metropolitanis verò Patriarchis, & alii ut suis faciant Metropolitanis, quatenus per omnia sancta Catholica Ecclesia nostra suam habeat firmitatem; universali scilicet, ut sæpè diximus, consensione constantem.*

1. Conf.
Justin.
ad Agap.
ibid. pag.
1790. ij.
Conf. pag.
1801. 1802.

Omnes ergò Ecclesiæ, subsignatâ formulâ profitebantur Romanam fidem, Sedis Apostolicæ & Ecclesiæ Romanæ fidem, integrâ & perfectâ soliditate constare; ac, ne unquam deficiat, certâ Domini pollicitatione firmatam. Nempè hanc fidem ab Episcopis ad Metropolitanos, ab his ad Patriarchas, à Patriarchis ad Papam mitti oportebat; ut omnium confessionem unus exciperet, ac pro confessione fidei, communionem omnibus, unitatemque rependeret.

Hanc professionem eodem initio, eâdem conclusione, additis subinde hæresibus atque hæreticis, qui suis temporibus Ecclesiam conturbassent, per secuta sæcula frequentatam scimus. Hanc uti sancto Hormisdæ Papæ, sanctoque Agapeto, ac Nicolao I. omnes Episcopi fecerant; ita iisdem verbis Adriano II. Papæ, Nicolai successoris factam in Concilio VIII. œcumenico legimus. Hæc ergò ubique diffusa, omnibus sæculis propagata, ab œcumenico Concilio consecrata, quis respuat Christianus?

Conc. viij.
act. 1. Tom.
viij. Conc.
p. 988. 989.

Interim id observemus, quid fixum ac divinâ pollicitatione firmatum ubique inculcetur: nempè id; Sedis Apostolicæ, atque Ecclesiæ Romanæ fidem minimè perituram.

Neque eò seciùs per eadem tempora de ipsis Romanorum Pontificum definitionibus quæsitum, deliberatum, retractatum, factoque examine judicatum fuit, in Conciliis VI. VII. VIII. Neque obstitit sancti Papæ Hormisdæ sententia adversus Scythas Monachos, quo minùs eorum de uno Trinitatis crucifixo doctrina, totâ Ecclesiâ probaretur, ut suo loco vidimus.

Sup. lib.
ix. c. xvj.
& seq.

(b) *Iteratis vicibus mittit.*] Hanc fidei confessionem jam ante miserat Bonifacio II. Vid. loc. cit. p. 1686. Eam itaque à se tertio subsignatam Agapeto misit.

CAPUT VIII.

Concilium Lateranense sub Sancto MARTINO Papâ Sancti AGATHONIS ad Synodum V I. epistola: Item BENEDICTI XII. de visione beatificâ decretalis.

VIH. Cōc. **I**N Concilio Lateranensi sub Martino Papâ leguntur epistolæ ac supplicationes Orientalium æquæ ac Occidentalium, quibus Sedis Apostolicæ Romanique Pontificis dignitas & autoritas mirificè commendantur; quòd ejus sit definire de summæ fidei rebus, deponere hæreticos, rectam pronuntiare ac firmare sententiam; aliaque ejusmodi, quæ ad ejus officium pertinere nemo Catholicus negaverit. Hæc igitur vehementer inculcant, ubi illud sempiternum exponunt, quod deficere non possit. Ecclesiam Romanam, Sedemque Apostolicam ejusque fidem prædicant: Cyprii quidem Episcopi: *Firmamentum à Deo fixum & immobile; atque tituli formam lucidissimam fidei, vestram Apostolicam Sedem constituit* CHRISTUS Deus noster, dicens: TU ES PETRUS, &c. Africani verò: *Magnum & indeficientem omnibus Christianis apud Apostolicam Sedem consistere fontem nullus ambigere possit, de quo rivuli prodentur affluenter, latissimè irrigantes Orbem Christianum.*

Epist. Serg. Episc. Cyprii ad Theod. Pap. ibid. p. 121. Ep. Afr. Episc. ad Theod. ib. p. 128. Sup. Steph. Dorenf. ib. p. 104. Placet autem imprimis audire Stephanum Dorensem Episcopum, quæ prima erat Sedes sub Hierosolymitano Patriarchâ. Is igitur contestatur, Oriente turbato per Sergium, Pyrrhum & Paulum Constantinopolitanos Præsules, advenisse se ad Apostolicam Sedem; quoniam Petrus Apostolorum Princeps à Deo claves fortitus, jussusque sit primus pascere oves: *Et ipse præcipue ac specialiter firmam præ omnibus habens in Dominum Deum nostrum & immutabilem fidem, convertere aliquandò, & confirmare exagitatos consortes suos & spirituales meruit fratres: ut potè dispensativè super omnes, ab ipso qui propter nos incarnatus est Deus, potestatem ascipiens & sacerdotalem auctoritatem.*

Hoc igitur fundamento posito subdit: *Quod utique sciens beata memoria Sophronius quondam Patriarcha sanctæ CHRISTI Dei nostri civitatis, sub cujus Diœcesiungebar sacerdotali officio, studuit humilitatem meam sine morâ ad hanc Apostolicam magnamque dirigere Sedem. Ac paulo post: Duxit me indignum & statuit in sancto Calvarie loco, ubi CHRISTUS sponte crucifigi dignatus est, & ibi alligavit me vinculis insolubilibus dicens . . . quantocius ergò de sinibus terræ ad terminos ejusdem deambula, donec ad Apostolicam Sedem, ubi orthodoxorum dogmatum fundamenta existunt, pervenias, &c.*

Hæc igitur dicebat ille Sophronius; ille, inquam, qui Honorium confutellens, responsum tulerat de tacendis unâ vel duabus voluntatibus. Neque verò his motus est; sed duas voluntates prædicare non destitit; neque existimavit Romanam fidem concidisse, eò quòd Honorius, unus Pontifex pessima & Catholicæ pietati adversa præcepisset. Sed intellexit in Ecclesiâ Petri manere

Petri doctrinam, atque *optima fundamenta*; neque futurum unquam, ut illa Ecclesia à verâ religione abstrahatur, quòd etiam successorum Honorii, atque imprimis sancti Martini testabatur fides. Quare deficiente Constantino-politanâ Ecclesiâ, ac totum Orientem conturbante, veræ fidei rationem, in illâ inconcussâ Petri Sede quærebat.

Ex eodem Hierosolymitano tractu Romam advenerant Abbates sanctissimi, quorum supplicationem alio loco memoravimus. Hos, cum postulassent rectam & antiquam à Martino sacroque Concilio firmari fidem, hæc subdidisse jam legimus: *Certissime hoc scientibus vobis sanctissimis, quòd si aliter quàm à nobis pro pietate postulata sunt, quidquam omninò integritatem fidei corrumpens, à vestra terminetur (id est definiatur) Beatudine, liberi sine dubio atque innocentes ab hoc quòd fiet, existimus.*

Sup. lib.
ix. cap. xix.
vid. Conc.
Later. sub.
Mart. j. loc.
jam cit. p.
117. vid.
diff. num.
LXXXVj.

Cum hæc sub dubio proponerent, non tamen dissentiebant ab iis, quæ reliqui de Romanâ fide semper invictâ dixerant; eosque Martinus ac sancta Synodus suscepit æquè ac cæteros: quòd nempe intelligerent, non propterea Romanam abnegari fidem, si de alicujus Romani Pontificis judicio dubitetur.

Sanctum Agathonem Papam à Synodo VI. susceptum vidimus hæc scribentem: *Quòd Petro adnitante, Apostolica ejus Ecclesia numquam à veritate deflexa sit: quòd ejus auctoritatem ac doctrinam Catholica Ecclesia, & œcumenica Synodi semper amplexa sint: quòd eadem Ecclesia semper illibata permanserit, propter eam CHRISTI promissionem: ROGAVI PRO TE, UT NON DEFICIAT FIDES TUA.* Hæ præclara, hæ magnifica, hæ vera sunt, ita ut ab Agathone dicta, & à sextâ Synodo suscepta esse vidimus hoc est ipsâ summâ, successionis ipsius habitâ ratione; atque omninò ita, ut cum illis stent de ipsius Agathonis judicio habita quæstio, atque in Honorii rescriptum anathematis lata sententia. Quid plura? Ipsa me charta deficiat, si referre aggrediar eos, qui quærentes illud immotum, quod in Ecclesiâ Romanâ sit, nihil aliud quàm ipsam Ecclesiam, ipsam Cathedram, ipsam Sedem Apostolicam memorârunt.

Sup. lib.
vij. c. xxvij.
vid. Conc.
vj. T. vj.
act. iv. pag.
636.

Nec Romani Pontifices unquam aliter locuti. Sæculo XIV. Benedictus XII. visionem beatificam sanctis ac purgatis animabus asseruit. Quo in Diplomate, de Romanæ Ecclesiæ capitis Ecclesiarum principatu, multa præfatur, concluditque sic: *Pro quâ (Ecclesiâ) ut in se ipsâ subsistens alios informaret, passionis suæ tempore salvator noster JESUS-CHRISTUS patrem exorasse perhibetur, dicens: SIMON, SIMON, &c. EGO AUTEM PRO TE ROGAVI, &c.* Sic ille ad ipsam Ecclesiam Romanam CHRISTI precationem refert: quo fieri asserit, ut in illâ Ecclesiâ non dogmatizetur improvidum, inseratur incantum, in fide temerarium ingeratur.

Ball. Rom.
T. j. Bull.
iv. Bened.
xij. Bened.
ictus. & ap.

Hæc ait ille Benedictus, quem audivimus ita differentem, ut apertè fateatur, determinationes in causâ fidei à Romano Pontifice editas, posse esse falsas, & à successoribus retractari; quin etiam aliquas à Joanne XXII. meritò retractatas. Quæ cum is Cardinalis protulisset, non infirmavit Papa, imò verò perspicuè confirmavit, dum editam à Joanne antecessore de beatarum animarum statu fidem & ipse promulgat; & tamen post eam editam, ipsam quæstionem de integro tractat, ut supra vidimus.

Rain. an.
336. n. 2.
Vid. diff.
prav. num.
XLvij.

Ibid.

Ergo ille cum ostendat, antecessoris suamque adeo fidem, toti Ecclesiae propositam, rursus in quaestionem vocati à se posse; tamen Ecclesiae Romanae fidem immotam, inconcussamque praedicat: adeo haec diversa sunt. Atque iterum id confidenter dixerim, cum Romani Pontifices, pro eo, ut par est, soleant in omnibus diplomatibus Sedis suae dignitatem, auctoritatemque commendare, qui se, aut Romanum Pontificem, in definiendis fidei quaestionibus infallibilem dixerit, ad haec usque tempora neminem extitisse: adeo id in Ecclesia CHRISTI novum nimiumque est.

CAPUT IX.

Sancti GELASII Papae epistola ad ANASTASIUM Imperatorem nobis obijcitur.

Ep. viij.
Gelas. ad
Anast. Imp.
T. iv. Conc.
p. 1183.

OBJICITUR nobis insignis Gelasii locus in epistola ad Anastasium Augustum de Acacio Constantinopolitano, qui Synodum Chalcedonensem improbaverat. Eum à Felice III. excommunicatum & in excommunicatione mortuum, cum Orthodoxis Episcopis in sacra liturgia memorari optabat Imperator, agebatque cum Gelasio, ut id fieri velleret. At negabat Gelasius, Catholicam fidem pati, ut impiorum nomini communicaretur. Quae de Catholicae fidei sanctitate praefatus, de Sede sua haec subdit: *Hoc est, quod Sedes Apostolica magnoperè cavet, ut quia mundo radix est Apostoli gloriosa Confessio, nullam rimam pravitatis, nullam prorsus contagione maculetur. Nam, si (quod Deus avertat, quod fieri non posse confidimus) tale aliquid proveniret; unde cuiquam resistere auderemus errori? vel unde correctionem errantibus posceremus? Proinde, si pietas tua unius civitatis (c) populum negat posse pace componi; quid nos de totius Orbis terrarum sumus universitate factururi, si, quod absit, nostra fuerit perversitate deceptus?* Hinc triplex argumentum conficiunt: primum, si in Sede Apostolica ulla rima pateret pravitati, officio suo fungi non posset, quae errori resistere non auderet; at Sedem Apostolicam suo officio fungi posse oportet: oportet ergo in illa nullam pravitati patere rimam. Alterum, sanctus Gelasius fieri non posse confidit, ut in Sede Apostolica, ulla pravitati rima pateat; at si Romanus Pontifex de fide judicando aberraret, rima pateret pravitati: ergo Gelasius id fieri non posse confidit. Tertium, si Romanus Pontifex erraret, totus deciperetur Orbis; at totus Orbis non potest decipi: ergo Romanus Pontifex à vero errare non potest.

Non his moverentur, si id quod Gelasius hinc ageret, cogitare vellent. Id autem agebat, ut adversus pravitatem omnem, ne unquam irreperet,

(c) *Unius civitatis &c.* Hæc ut intelligantur, sciendum est Anastasium eo maxime argumento persuadere voluisse Gelasio, sibi esse cum Acacii nomine communicandum, quod Constantinopolitani cives Acacium etiam mortuum adeo observabant, ut nomen ejus, non sine gravi tantæ urbis commotione, videretur è sacris dypticis expungi posse. Cui Gelasius responderet: non unam urbem, sed Orbem universum commotum iri, si cum Acacii nomine communicaret.

summa Sedès Apostolicæ cautio omnibus esset cognita ; subditque rationem : *Alioquin , unde resistere auderemus errori ? vel unde correctionem errantibus posceremus ?* Quo sensu à Domino dictum est : *Vos estis sal terræ , quòd si sal evanuerit , aut insulsum fuerit , in quo salietur ?* Non quasi sal illud insulsum non possit fieri , sed quia , ne id fiat diligentissimè cavendum est. Quo item sensu , omnibus Episcopis Synodus Romana sub Damaso dixit : *Quemadmodum enim poterunt corrigere errata populorum , si ipsos error obsederit ?* Quòd non eò dictum est ut se infallibiles cogitent ; sed ut falli metuant & caveant ; atque eò illa spectat à sancto Gelasio prædicata sua & aliorum Romanorum Pontificum summa cautela adversus errorem ; ne si illis irrepserit , alios aut reprehendere non audeant , aut curare non possint. Quo loco si concludis , fieri ergò non posse , ut errent , pessima argumentatio ; ab eo quod fieri non debeat , ad id quod nequeat : aut ab eo quod fieri sine gravi detrimento non possit ; ad id quod fieri omninò non possit ; concludendumque erat , ne errent Doctores Orbis , omni ope cavendum , non tamen impossibile ; imò eò cavendum diligentius , quòd impossibile non sit.

Jam illud Gelasii : *Quod Deus avertat ; quod fieri non posse confidimus ,* ut rima ulla errori aut prævæ hæreticorum communioni pateat ; profectò pium votum , pia fiducia est , non certa illa fides , quæ nunquam falli possit ; neque absolutam impossibilitatem denotat , sed summam difficultatem , spemque maximam , ut vigilantibus , attentis , caventibus , Deus obrepi non sinat.

Cæterùm absolutè impossibile esse , ut hæretici aliquandò per fraudes in Ecclesiæ Romanæ communionem obrepant , quâ de re hîc agebatur , ne ipsi quidem adversarii dixerint ; nemoque est , qui non videat sub Liberio , sub Honorio , sub reliquis Pontificibus suo loco memoratis , quàm ampla pravitate errorique patuerit , non rima , sed janua. Quin etiam illi , qui possibile esse negant , ut Romanus Pontifex falsa definiat , possibile fatentur esse , ut falsa prædicet , summâ etiam contumaciâ , tantosque aditus errori aperiat , ut loco movendus sit , ne error serpat latius : ut vel ipsis fatentibus , id quod dicit Gelasius , ad piam fiduciam , non ad omnimodam certitudinem referri necesse sit. Quòd autem Gelasium mover ille metus , quid Orbi terrarum fieret , *si nostra* , inquit , *quod absit , fuerit prævaricatione deceptus* ; sensit ille quidem id fieri posse , ut quantum in ipso esset , totus deciperetur Orbis. Quantum enim in ipso est , totum Orbem decipit , qui docendi Orbis autoritate pollens , prævaricatur officio. Neque tamen propterea necesse est totum Orbem decipi ; cui adversus errorem alia remedia adfutura sunt. Sic enim Liberius , sic Honorius , sic alii , quantum in ipsis erat , totum Orbem deceperunt ; nec tamen deceptus est Orbis , quem adversus errantes vigilasse , ac stetisse legimus. Hæc scripsit ille Gelasius , quo nullus Pontificum de suæ Sedis amplitudine magnificentius dixit.

Matt. v.
13. Marc ix.
49.

Syn. Rom.
ij. sub. Damas.
epist. ad Orient.
part. i. Collect.
Hollst. & Tom. ij.
Conc. pag. 889.



CAPUT X.

LEONIS IX. & GREGORII VII. loci obijciuntur nobis.

AN verò recentioris ævi Pontifices ab antecessorum Traditione deflexerint, videamus. Profert scriptor Anonymus sancti Leonis IX. egregii Pontificis locum, quòd pro solius Petri fide, ne deficeret, Dominus rogaverit: *Qua, inquit, oratio obtinuit, quòd hactenus fides Petri non defecit, nec defectura creditur, in throno illius, usque in seculum seculi; sed confirmabit corda fratrum,...* sicut usque nunc confirmare non cessavit. Hæc Leo, sed quid contra nos, qui quidem tanto conatu id agimus, ne illa Petri Sedes à verâ unquam fide avellenda credatur? Quod autem ea Sedes in fide labascentes confirmare non cesset, id à sancto Agathone depromptum, eodem intelligendum modo; nempe ut id ipsa series, ipsa successio, non ut singuli quique præstiterint. Quin idem scriptor Anonymus ibidem impensissimè laudat illum sancti Ignatii Patriarchæ Constantinopolitani locum ad Nicolaum I. quo allegatâ Christi sententiâ: *Tu es Petrus, &c.* Sic concludit: *Et ideo ab olim & prisco tempore, in exortis hæresibus, eradicatores & interemptores malorum zizaniorum MULTI MULTOTIES facti sunt, qui sanctitatem tuam illic (in Petri scilicet Sede) præcesserunt:* quam epistolam in Concilio VIII. lectam & susceptam Anonymus refert. Sed advertat ad illa verba: *Multi multoties*, quibus constat communem eum esse Christianorum sensum, quòd Romani Pontifices ei officio præpositi, tantam rem summâ quidem ipsâ præstiterint; non ut omnes, nemine excepto, nullis ejus partibus defuerint.

Idein Anonymus objicit Gregorii VII. locum; quòd Ecclesia Romana per beatum Petrum, quasi quodam privilegio, ab ipsis fidei primordiis, à sanctis Patribus omnium mater Ecclesiarum adstruitur, & ita usque in finem habebitur semper; inquâ nullus hæreticus præfuisse dignoscitur, nec unquam præciendum, præsertim Domino promittente, confidimus. Ait enim Dominus Jesus: EGO ROGAVI PRO TE, PETRE, UT NON DEFICIAT FIDES TUA. Quæ omnino nihil ad rem. Non enim quærimus, an Romanus Pontifex possit fieri hæreticus, quod isti posse fieri passim consentunt; sed utrum hæresim definire possit, quòd etiam non hæreticum facere posse constat.

Neque enim necesse est, ut sit hæreticus, qui hæretica definiat, cum possit id facere non hæretico & contumace animo; atque ipse Cyprianus rebaptizationis hæresim, ipse non hæreticus, habito Concilio definierit. Jam quorsum id spectat, quod neget Gregorius VII. Romanæ Sedi ullum unquam præpositum fuisse hæreticum; nullum item præponendum esse confidat? An eò ut nullus Romanus Pontifex futurus sit unquam hæreticus? Id ne ipsi quidem dixerint. Vel ergo Gregorius VII. nimius fuerit, vel pia illa sit ejus fiducia, non certissima fides, non dogma Catholicum; quòd ipsa verba præferunt, si quis cautè attenderit.

Atque hinc liquidò patet, quam indiligenter in hac questione versentur, qui

qui hos locos non satis consideratos lectosque venditant. Neque tamen mirum, si Gregorius VII. asseverare ausus esset, Romanum Pontificem non posse fieri hæreticum, qui etiam id asserere ausus est: *Quòd Romanus Pontifex, si canonicè fuerit ordinatus, meritis Beati Petri indubitanter efficitur sanctus*, ut etiam inter ejus dictatus fertur. Neque tamen ibi legimus, Romanum Pontificem errare non posse; adeò id supra hominem in sanctis quoque visum est: sed hoc tantùm, *Ecclesiam Romanam nunquam errasse; nunquam erraturam; Catholicum non haberi, qui non concordat Romana Ecclesia*: Quòd nos quoque credimus, omnique ope asserimus.

Greg. vij.
lib. ij. inc.
dictat. post.
ep. xv. lib. p.
111. vid. etiam l. viij.
epist. xxj.
ad Herim.
p. 271.

CAPUT XI.

INNOCENTII III. ab Anonymo autore locus objicitur, sed truncus & mutilus.

CENSORES nostros in impugnandis nobis, multa quidem, id autem vel maximè peccasse vidimus, quòd officium pro re; piam spem ac fiduciam, pro certà fide accipiant. Id verò confirmabit Innocentii III. insignis locus. Et quidem autor Anonymus id vehementer urget, quod est ab eo Pontifice dictum in Sermonem II. consecrationis, qui locus sic incipit: *Cum enim sim servus, debeo esse fidelis & prudens, ut dem familiæ cibum in tempore. Tria præcipuè Deus requirit à me, videlicet fidem cordis, prudentiam operis, cibum oris: hoc est ut sim fidelis in corde, ut sim prudens in opere, & dem cibum in ore.* Hæc quidem dixit, quæ ab ipso requirantur; quæ præstare ipse debeat; non quæ necessariò ipse, aut alii exequantur. Pergit: *Nisi enim ego solidatus essem in fide, quomodo possem alios in fide firmare, quod ad officium meum noscitur specialiter pertinere, Domino protestante: Ego, inquit, pro te rogavi, Petre, &c. rogavit & impetravit, QUONIAM EXAUDITUS EST IN OMNIBUS PRO SUA REVERENTIA: Et ideo fides Apostolica Sedis, in nullà unquam turbatione defecit; sed integra semper & illibata permansit, ut Petri privilegium persisteret inconcussum.* Hæc sunt, quæ Anonymus urget, apertà fallacià: quippè, cum id quod Innocentius debeat; id quod ab ipso requiratur; id quod sit ejus, ut profiteretur, officii; confundat cum eo, quod necessariò credatur præstiturus. Rogo enim, quid illud est: *Nisi ego solidatus essem in fide, quomodo possem alios in fide firmare?* De quà fide loquitur? De eà profectò quæ in corde sit. Tria enim, inquit, *Deus requirit à me, fidem cordis*; atque iterùm: *Ut sim fidelis in corde.* Unde affert illum Apostoli locum: *Corde creditur ad justitiam.* An ergò Innocentius ita se in eà fide, quæ in corde sit ad justitiam, solidatum esse credit, ut infirmitatem humanam non jam reformidet, ab eaque tutum se esse jactet? Id superbissimus, id insipientissimus, non profectò Innocentius dixerit. Quare illud quod ait: *Nisi ego solidatus essem in fide, quomodo possem alios in fide firmare*, ita intelligendum est, ut nisi sit in fide firmus, officium firmandi alios non pro eo ac par est possit præstare, non

Anon. lib.
vij. c. xij. n.
16. vid. Innoc.
noc. iij.
serm. ij. in
consecr. T.
j. pag. 138.
ed. Colon.
an. 1575.

Hebr. v.
7.

Rom. x.
10.

ut ipse se credat plenè & inconcussè, nulloque unquam metu, in fide esse solidatum.

At enim eo loco Christi precationem affert, ut Petri fides non deficiat; unde concludit fidem Ecclesiæ Romanæ nunquam defecisse, nunquam defecturam. At qui hæc urget Anonymus, hæc continuò addita & contexta prætermisit: *In tantum enim mihi fides necessaria est, ut cum de cæteris peccatis Deum solum judicem habeam, propter solum peccatum, quod in fide committitur, possem ab Ecclesiâ judicari.* Ergò non credebat suam penitus inconcussam fidem; sed quod ei Ecclesiæ præfideret cujus fidem, pollicente Domino, inconcussam prædicaret, sibi accommodabat, quæ ad universam Petri successionem, eique conjunctam Romanam Ecclesiam pertinerent; eo planè sensu, quo illud: *Ecce ego vobiscum sum*, toti Apostolico atque Episcopali Ordini dictum, singuli suo modo sibi applicant, pià ut diximus, fiduciâ, non certâ & indubitâtâ fide.

Inn. iij.
ferm. iij. de
consec. ib.
p. 192. 194.
Psal. cxvij.
6.

Id apertè explicat Sermone III. de consecratione: *Officium injungit, cum dicit; CONFIRMA FRATRES TUOS; auxilium impendit cum ait; EGO PRO TE ROGAVI, PETRE. Exauditur enim IN OMNIBUS PRO SUA REVERENTIA; DOMINUS MIHI ADJUTOR, NON TIMEBO, QUID FACIAT MIHI HOMO.* Hæc an ad piàm fiduciam, an verò ad certam pertineant fidem sequentia ostendunt: *Propter causam verò fornicationis Ecclesia Romana posset dimittere Romanum Pontificem; fornicationem non dico carnalem, sed spirituales; id est, propter infidelitatis errorem: quoniam QUI NON CREDIT, IAM JUDICATUS*

Joan. iij.
13.

EST. Tum subdit: *Ego tamen facile non crediderim, ut Deus permetteret Romanum Pontificem contra fidem errare, pro quo spiritualiter oravit in Petro: Ego, inquit, PRO TE ROGAVI, &c.* Audis quid dicatur de Romano Pontifice per infidelitatem fornicante; quamque illud dubitantis ac metuentis sit: *Non facile crediderim, &c.* Quòd ergò eò trahit Christi precationem, non dogma fidei, sed pia fiducia, pia accommodatio est. Huic favere licet, sperando & præsumendo; pro fidei decreto hanc habere, novum ac temerarium est.

Sup. lib.
ix. c. xxxix.
xl.

Atque alios quidem hujus Pontificis locos memoravimus, quibus nostra firmentur. Sed hîc ostendisse juvat quàm hi quoque nihil sint: ut profectò illos pudere debeat, tantùm præsidii in iis collocasse, quæ non nisi imperitis, & cursim legentibus fucum faciant.



CAPUT XII.

*Petri Cardinalis de ALLIACO, de Sede Apostolicâ nunquam defecturâ
deque Pontifice interim fallibili, & deviabili sententiâ.*

ULTIMO loco proferimus Petrum Alliaccensem & Joannem Gerfonem de Romanæ Sedis æternâ firmitate differentes; ut eam cum Parisiensem sententiâ egregiè consentire constet.

Et quidem Petrus de Alliaco in illâ Legatione nobili, quam adversus Montelsonum Universitatis Parisiensis nomine, Avenione gessit, ad Cle-
mentem VII. ita peroravit: *Non ignoramus, sed firmissimè tenemus, & nullatenus dubitamus, quòd sancta Sedes Apostolica est illa Cathedra Petri, supra quam, eodem Hieronymo teste, fundata est Ecclesia; ut habetur in capitulo Quondam vetus: & sicut dicit Cyprianus, xciii. dist. cap. Qui Cathedram; de quâ Sede in personâ Petri in eâ sedentis dictum est: PETRE, ROGAVI PRO TE, UT NON DEFICIAT FIDES TUA. LUC xxii.*

In eâdem Legatione tractatum edidit ad Papam & Cardinales, in quo hæc leguntur: *De hac sanctâ Sede, in personâ Petri Apostoli in eâ præsentis dictum est: PETRE, ROGAVI PRO TE, UT NON DEFICIAT FIDES TUA. LUC. xxii. propter quod dicit Cyprianus xciii. dist. Qui Cathedram Petri, scilicet sanctam Sedem Apostolicam, super quam fundata est Ecclesia, deserit, in Ecclesiâ se esse non confidat. Et Hieronymus, xxiv. quæst. i. Cap. Quoniam vetus; dicit: Quòd super eam fundata est Ecclesia, & quòd quicumque secum non colligit, dispergit, & in capite Hæc est fides, dicitur quod ipsa semper immaculata permansit, & in futuro permanebit: ex quibus omnibus satis patet, quòd ejus nunquam deficit fides.*

Hæc igitur cum dicat de Sede Apostolicâ nunquam defecturâ, nihilo secius docet Romanum Pontificem in fide posse deficere. Ibidem enim hæc habet: *In causâ fidei à summo Pontifice appellari potest ad Concilium generale, sicut patet xix. dist. cap. Anastasius; & manifestum est, quòd ad ipsum pertinet Concilium in causis fidei definire, sicut patet ex autoritate Gregorii xv. dist. cap. Sicut.*

Atque hæc, inquit, declarantur supponendo quid sit Sedes Apostolica: nam vel ipsa est universalis Ecclesia, vel aliquod generale Concilium universalem Ecclesiam representans, vel particularis Ecclesia Romana, in quâ scilicet Ecclesiâ sedet, id est, cui præsidet summus Pontifex; & ideo ipse & Sedes Apostolica non sunt idem, sicut non idem sunt sedes & sedens.

Cum ergò ex Petro Alliaccensi aliud sit sedes, aliud sedens, non mirum est aliquid convenire sedi, quod sedenti non conveniat; nempe ut sedes deficere non possit, cum sedens sit deviabilis, etiam in iudicio de fide, quippè à quo judicante, etiam in causis fidei, ad Concilium generale, secundum eundem autorem, appellare liceat.

Et quamvis doceat sic appellari posse; haud minus disertè docet: *Quòd*

ad sanctam Sedem Apostolicam pertinet, autoritate judiciali supremâ, circa ea quæ sunt fidei, judicialiter definire: quia Sedes Apostolica, tametsi subiecta est universali Ecclesiæ, eamque repræsentanti Concilio generali, tamen suprema est respectu singularium Ecclesiarum; quemadmodum tradit, non modò schola Parisiensis, sed etiam ipsum Constantiense Concilium, ut supè diximus.

Vid. in
append. lib.
j. c. vij. &
Pet. Alliac.
Tract. de
aut. Conc.
int. oper.
Gers. T. ij.
p. 949.

Huc spectat ejusdem Alliacensis, alio loco relata sententia, quâ explicans illud privilegium, de non errando, quale sit: *Aliqui, inquit, extendunt ad Romanam Ecclesiam: aliqui verò restringunt, ad auctoritatem universalis Ecclesiæ; sed non potest extendi ad Papam.* Sic clarè & perspicuè *Sedis indefectibilem firmitatem*, cum Romani Pontificis *defectibilitate* conjungi posse declarat.

C A P U T XIII.

Joannis GERSONIS eadem de re sententia: confutantur qui putant variâsse Gersonem: Dionysii Carthusiani loci repetuntur.

Gers. serm.
Cor. Alex.
v. in Ascen.
Domini, T.
ij. ed. Dup.
p. 136.
Ib. p. 134.

JOANNES verò Gerson ejus discipulus hæc coram Alexandro V. prædicat: de Indis quidem: *Habent Christum, inquit, an purè? Quis doceat? Facile in eis sinceritas corrumpitur, cum Ecclesiæ Romana non cohæreant, à quâ fidei certitudo petenda est.* De Græcis verò: *Illos mala tempestas à Sede Petri disjectos, non modò schismatis, sed nonnullius etiam hæresis macula fœdavit. Latinitas ipsa purior & immaculatiores sedem habet Petri, pro cujus fide ne deficeret, specialiter oravit ille, qui in omnibus exauditus est pro sua REVERENTIA.*

Ib. p. 135.
Id. prop.
facta coram
Angl. conf.
iv. ib. pag.
128.

Hæc docet ille, qui ubique asserit Romanum Pontificem, etiam de fide judicantem, errare potuisse: & in eodem quoque coram Alexandro V. sermone prædixerat; *Quid, si quod perrarum est, summus Pontifex labatur in hæresim, ut legimus Liberium Ariana hæresi subscripsisse.* Cum ergò doceret talia, tamen Ecclesiæ Romanæ inconcussam prædicabat fidem.

vid. tract.
de Unit. Ec-
cles. confid.
x. ib. p. 117.
confid. de
pac. ib. p.
69. & seq.
libel. de au-
fer. Pap. p.
209. & seq.

Hinc etiam illud: *Papa fluit, Papatus stabilis est;* quo scilicet ostenderet, in Papâ mortali, labili, atque ut vocat *deviabili*, inconcussam tamen Papatûs à Christo instituti stare rationem.

Neque audiendi qui dicunt, variâsse Gersonem eumque sub Alexandro V. infallibilitatis Pontificiæ defensorem, circa Constantiensis Concilii tempora in aliam sententiam deflexisse. Qui si legissent tractatum *de unitate Ecclesiasticâ, & considerationes de pace*, anno 1403. editas; si *propositiones coram Anglicis* ante Concilium Pisanum, anno 1408. si tractatum *de auferibilitate Papæ*; si *considerationes quatuor*, aliosque tractatus circa Alexandri V. Pontificatum; facile intelligerent ejusdem fixam invariabilemque sententiam, Concilium Papæ, ut *indeviabile deviabili*, anteponi oportere.

Certè hæc scribebat tum : *Jubebit exempli gratiâ summus Pontifex, coram Theologis expertis, quòd fideles credant Spiritum Sanctum non procedere à Patre & Filio, Theologorum erit doctrinaliter resistere, &c.* Ergo id jubere potuisse credebatur, quod Evangelicæ doctrinæ repugnaret, haud minùs inconcussa Ecclesiæ Romanæ Sede.

Id. de au-
ferib. Pap.
confid. xiv.
ib. p. 218.

Hæc quidem ostendunt non à Joanne Gersone diversis temporibus, diversa dicta esse; sed quæ isti diversa putant, in unam reverà coire sententiam. Quod item demonstrat pius ille doctusque Dionysius Carthusianus, qui, & Papam in judicando *fallibilem* & Ecclesiæ Romanæ fidem nihilo seciùs *nunquam defecturam* credidit. Adeò liquebat, hæc duo simul stare. Atque hinc utraque amplexi Gallicani Patres, & consensum Ecclesiæ post Pontificalia decreta necessarium, & nihilo seciùs, *Apostolica Sedis, in quâ fides predicatur & unitas servatur Ecclesiæ, reverendam omnibus gentibus majestatem* predicant.

Vid. Dion.
Cart. tract.
de aut. Pap.
Tom. I. ed.
Colon.

Declar.
Cler. Gall.
1682. Præf.
& cap. iv.

C A P U T XIV.

Dubium resolvitur: Ecclesiæ sedisque Romanæ firmitas, ab Ecclesiæ Catholicæ firmitate: Ecclesiæ Romanæ Traditio, universalis Traditionis pars ac specimen.

DICES ex antèdictis, nec ipsam quidem Romanam peculiarem Ecclesiam, Sedemque Apostolicam satis esse firmam; cum ostenderimus, de Romanorum Pontificum, Cælestini, Leonis, Agathonis, aliorumque decretis in Synodis œcumenicis habitam quæstionem; cum ea decreta, toto Clero Romano consentiente, Agathonis etiam toto fere Occidentali Concilio probante, & condecernente, edita fuerint.

Id qui objiciunt, non satis advertunt, quid immotum invictumque dixerimus; nempe id quod infixum penitus insertumque sit. Hæc est illa Petri; hæc est Romana fides, quam ipsa successio certè instar firmique dogmatis attulerit. Neque verò probamus Turrecrematam, aliosque docere visos, Papam quidem per sese errare in fide, etiam predicando & definiendo posse; non autem si cum Cardinalibus ac Synodo suâ deliberet; tanquam peculiaris Papæ Synodus, aut Cardinalium Collegium, id Papæ tribuant, ut errare non possit. Certiora cogitent oportet, qui Ecclesiæ Romanæ, Sedisque Apostolicæ inviolabilem statum fidemque pradicent: nempe id eventurum nunquam, ut quemadmodum Ecclesiæ, exempli gratiâ, Constantinopolitanæ, Alexandrinæ, & nunc Anglicanæ, Danicæ; ita Ecclesiæ Romanæ error inhæreat; quem contumace proposito tueatur, & à veræ Ecclesiæ se abrumpat sinu. Neque verò unquam Romani Pontifices refugerunt, ut quod Cleri sui consensu judicassent, cum œcumenicâ Synodo, si res postularet, æquo animo retractarent. Quo profectò constabat, si aliquid fortè erroris irreperet, certè abesse contumaciam, quâ solâ fit hæresis. Quin vidimus sanctum Zozimum cum Clero suo sedentem compro-

bâsse quidem Cælestii fidem, ac nullâ contumaciâ; atque ab Africanis Patribus commonitum, statim ad meliora ac prisca rediisse. Quantò magis si tota Ecclesia, aut œcumenica Synodus ipsum commonuisset.

Unam ergò Ecclesiâ Catholicam, utpote Spiritûs Sancti Magisterio instructam, quæque eam repræsenret, Synodum œcumenicam, eam esse credimus, in quam circa fidem nullus unquam obrepat defectus, neque per contrumaciam, neque per imprudentiam: Clerum verò Romanum, si quid erraret, ab Ecclesiâ Catholicâ, atque ejus œcumenicâ Synodo dirigi, revocari, doceri debere, perficique omninò, ne error inolescat. Unde illa Romanæ Ecclesiæ, Sedisque Apostolicæ invicta firmitas, ipsâ Ecclesiæ Catholicæ firmitate constat: quæ quidem Ecclesia Catholica, cùm ex Christi promissione sit immobilis, Petri successionem, eique conjunctam principalem Ecclesiam, Sedemque Romanam, parrem Ecclesiæ necessariam, eâ vi quæ torum continet, stare quoque oportet.

Aug. de

Bapt. cont.

Donat. lib.

ij. cap. vij.

n. 12. Tom.

ix. p. 102.

lib. iv. cap.

xxiv. n. 31.

p. 140. cp.

liv. al.

cxviii. n. 1.

T. ij. p. 124.

Vinc. Lir.

comm. 1.

c. iij. Tom.

vij. Bibl.

Patr. p. 250.

Tertull. de

Præscr. hæ-

ret. cap.

xxviii. ed.

Prior. pag.

212.

Ib. cap.

xxxvij. pag.

215.

Iren. lib.

i. cont. hæ-

ret. c. x. n.

1. p. 48.

Ib. n. 2.

P. 49.

Ib. lib. iij.

c. iij. n. 1.

P. 175.

Ib. n. 2.

Quamobrem firma quidem est Sedis Romanæ atque inconcussa Traditio; sed illud robur Catholicæ Ecclesiæ Traditione constar. Unde Augustinus vim Traditionis exponens, id semper inculcat, ut quæ per universam custodiuntur Ecclesiam, non nisi ab Apostolis tradita & commendata credantur. Et Vincentius Lirinensis firmum & inconcussum id esse definit, *quod ubique, quod semper est*. Cui congruit Tertulliani sententia: *Quod apud multos unum invenitur, non est erratum, sed traditum*; quo concludit fieri non potuisse, ut tot ac tanta Ecclesiæ in unam fidem erraverint. Tum illud præcipuum, possibile non fuisse, ut Spiritus Sanctus nullam earum in veritatem deduceret, ad hoc missus à CHRISTO ut esset Doctor veritatis. Atque hinc illud invictum, ut veritas nobis adjudicetur, quicumque in eâ regulâ incedimus, quam Ecclesia ab Apostolis, Apostoli à Christo, Christus à Deo tradidit. Quæ clarè demonstrant, vim Traditionis in universalis Ecclesiæ consensione esse positam; in quâ quippè sit cerrissimum Spiritûs Sancti Magisterium. Neque ab eâ sententiâ abludit his antriquior Irenæus: *Ecclesia enim, inquit, per universum Orbem usque ad fines terræ seminata, & ab Apostolis & à Discipulis eorum accepit eam fidem, quæ est in unum Deum. Ac rursus: Hanc prædicationem cùm acceperit & hanc fidem Ecclesia, & quidem in universum mundum disseminata, diligenter custodit quasi unam domum inhabitans*. Pulchrè, ut totius Orbis terrarum tam fida sit, quàm unius domûs consensio. Atque iterum: *Traditionem itaque Apostolorum, in toto mundo manifestatam in omni Ecclesiâ adest perspicere omnibus, qui vera velint audire*; & continuo hujus universalis Traditionis egregium specimen editurus, Ecclesiæ principalis, Romanæ scilicet, Traditionem adducit, quâ, inquit, *confundimus eos, qui quoquo modo præter quàm oportet colligunt*. Ac meritò universali Traditione propositâ, parrem ejus necessariam, Ecclesiæ Romanæ Traditionem commendat; cùm profectò certum esset, non potuisse fieri, ut à reliquis Ecclesiis discreparet, in quâ omnes unitatem servare debeant.

Quæ cùm ita sint, apparet Ecclesiam Catholicam primitus esse immotam cui dictum sit: *Portæ inferi non prævalebunt adversus eam*; & : *Ecce ego vobiscum sum*: Ecclesiam verò Romanam ita esse immotam, ut parte in Ecclesiæ principalem summèque necessariam; quæ marer ac magistra Ecclesiarum, totam ipsam Ecclesiam matrem ac magistram agnoscat.

Atque hinc obiter illud solvitur, quod passim objiciunt: *Non est discipulus super magistrum*: nec si discipulorum turba millies congregetur, idem magistrum autoritate vincet. Id quidem Christum de se dicere, ut magistro unico, sequentia docent; *nec servus super Dominum suum*. Neque enim Christiani alterius quam Christi servi sumus; sed propter reverentiam quorundam Romanorum Pontificum, qui hunc sibi locum attribuunt, respondemus ex antèdictis: in Christianâ Ecclesiâ docendi auctoritatem acceptâ à Christo per Apostolos Traditionis niti testimonio. Porro Traditionis omnes Episcopi testes sunt; ac vis testimonii testium consensu constat. Summa ergo auctoritas in eo consensu est posita. Tum, Papa in Christi nomine, respectu Ecclesiarum particularium est magister ille quidem, sed respectu Ecclesiæ Catholicæ discipulus, cum in Ecclesiæ Catholicæ consensione manifestum appareat Spiritûs Sancti Magisterium.

Matt. x. 24.

CAPUT XV.

Ex Sedis Apostolicæ immobili firmitate concludi causas fidei adeam Sedem referendas; non autem propterea infallibili judicio finiendas: formulæ interrogandi Romani Pontificis, de ejus judicio piam præsumptionem, non tamen continuò certam fidem fuisse; cujus rei exempla proferuntur.

JAM ex totâ antecedente doctrinâ id facillè consequemur, ut majores, ac præsertim fidei quæstiones, in eâ potissimum Sede definiri oporteat, in quâ error non obtineat; & ab eo potissimum Pontifice, qui in eam ferriem intexatur, quæ à fide penitus abrumpi nequeat. Id voluit sanctus Bernardus loco celebri ad Innocentium II. *Oportet ad vestrum referri Apostolicum pericula quæque & scandala emergentia in Regno Dei, ea præsertim quæ de fide contingunt: dignum namque arbitror, ibi potissimum resarciri damna fidei, ubi non possit fides sentire defectum. Hac quippe hujus prærogativa Sedis.* En Sedis universum ex antiquâ Traditione; non singuli cujusque Romani Pontificis; quâ tamen prærogativâ Sedis id fit, ut de fidei periculis ad ejus sedis Præsidem potissimè referatur. Pergit: *Cui enim alteri aliquando dictum est; Ego pro te rogavi Petre, ut non deficiat fides tua? Ergo quod sequitur à Petri successore exigitur: Et tu aliquando conversus confirma fratres tuos.* Exigitur certè; quis enim neget id à Petri successore postulari? An id officii sit semper ac necessario præstiturus, Bernardus non dicit; ac fidenter dixerim, ad Bernardi tempora dixisse neminem.

Bern. ep.
cxc. sive
Tract. cont.
Abæl. ad
Innoc. ij.
Præf. Tom.
i. Bened. p.
643.

Interim de Pontificis responso optima quæque præsumebant; atque hinc illæ formulæ interrogandi de fide Romani Pontificis; Hieronymi quidem clamantis ad Damasum: *Ego nullum primum nisi Christum sequens, Beatitudi-
ni tuæ, id est Cathedræ Petri communione confocior; super illam petram ædifi-
catam Ecclesiam scio; quicumque extra hanc domum agnum comederit, profa-*

Hier. ep.
xiv. ad Da-
mas. alias
lvij. T. iv.
part. ij. p.
19. 20.

Sup. lib.
ix. c. xvj.
ep. ij. Just.
ad Horm.
T. iv. Conc.
p. 157.

nus est ; si quis in Arcâ Noë non fuerit , peribit regnante diluvio. Quæ de Sedis dignitate præfatus , de ipso Damaso hæc infert : *Quicumque tecum non colligit , spargit ; hoc est , qui Christi non est , Antichristi est.* Ac paulo post : *Decernite , obsecro : non timebo tres hypostascs dicere , si jubetis.* Cui cognatum illud supra memoratum Justiniani ad Hormisdam de uno Trinitatis crucifixo : *Hoc enim reputamus Catholicum , quod vestro religioso responso fuerit intinatum.*

Quæ formulæ ideò per totam Ecclesiam frequentatæ ; quòd in Clero Romano tanta lux , tanta doctrina esset , atque in docendâ fide tanta cautio , tantum præterea in Sede nunquam defecturâ Christi præsidium ; ut facile præsumerent , ejus Sedis Præsulem officio non defuturum. Caterùm si hæc ad summos apices , non Sedi successioneque universim , sed singulis quibusque Romanis Pontificibus tribuendum putant , jam dicant Liberio , dicant Sergio III. dicant cæteris , à quorum communione tantisper abstinendum fuit : *Qui tecum non colligit , spargit.* Dicant Honorio : *Non timebo unam , duasve voluntates tacere vel promere , si jubeatis ;* tota quidem Ecclesia confunderetur. Hæc ergo piæ fiduciæ , non certæ sunt fidei.

Aug. lib.
ij. ad Bonif.
c. iii. n. 5.
T. x. p. 434.
Vid. Conc.
Later. sub.
Mart. j.
Tect. ij. T.
vj. Conc. p.
117.

Quod ad Hormisdam attinet , recordentur velim , postquam à Justiniano interrogatus , spem Orientis haud satis idoneo responso destituit , Orientalem Ecclesiam in priscâ sententiâ perstitisse ; ac demum perpulisse Romanos , ut unum Trinitatis crucifixum secum agnoscerent. Jam illud recordemur , Patres atque ipsos Romanos Pontifices , sæpe ita esse locutos , ut qui de Romani Pontificis judicio dubitarent. Hinc quæsitum in Synodis generalibus , an eorum decreta rectè haberent , necne. Hinc illud Augustini : *Romanos Clericos nihil veritati nocituros , sed tantum iniustros sibi pravariationis notam , si sancti Innocentii decreta rescidissent.* Hinc illa contestatio Monachorum Hierosolymitanorum , innocuos se esse , si Martinus cum Concilio suo prava & fidei adversa definisset. Multa ejusmodi retulimus , quæ utique cum illis formulis concilianda sunt , ut una sit Ecclesiasticæ doctrinæ facies. Conciliantur autem , si de Romani Pontificis judicio dubitatum quidem , sed interim optimè præsumptum esse dicamus.

Sup. lib.
ix. cap. xix.
ep. Synod.
Cœc. Rom.
sub Damaf.
Coll. Holst.
Part. j. p.
166. Tom.
ij. Conc. p.
892.

Quin etiam memoravimus similes de cæteris quoque Episcopis locutiones , atque illud imprimis Concilii Romani sub Damaso : *Neque enim hæresis malum cadere in Dei Antistites potest : non quòd Episcopi à fide cadere non possent ; sed quòd id futurum non facilè præsumerent.*

Cypr. ep.
Lxvj. n. 3.
ad Flor.
Pap. edit.
Amst. Lxix.
Rigalt.
Anon.
de libert.
lib. vij. c.
xliij. n. 7.

Notum illud Cypriani ad Florentium Pupianum (d) in se rebellantem , de singulis quoque Episcopis dictum : *Nec hæc jacto , sed dolens profero : cum te judicem Dei constituas , & Christi , qui dicit ad Apostolos , ac per hos ad omnes præpositos , qui Apostolis vicariâ ordinatione succedunt : QUI AUDIT VOS ME AUDIT . . . inde enim schismata & hæreses oborta sunt , & oriuntur , dum Episcopus , qui unus est , & Ecclesiæ præest , superbâ quorundam præsumptione contemnitur , & homo dignatione Dei honoratus , indignus hominibus judicatur.* Quem locum ad cujuscumque Diœcesis Episcopum pertinere , & sermonis probat series , & novissimus autor anonymus confitetur. An ergo vo-

(d) *Ad Florentinum Pupianum.*] Is in Africâ , ut videtur , Episcopus fuit , qui cùm Novatiani partibus adhereret , Cypriano nomen Primatis & etiam Episcopi denegabatur.

lebanq

lebant singulis Episcopis sic apiari illud : *Qui vos audit me audit*, ut nemo à fide caderet, nemini unquam oblitendum esset? Hæc aptè, hæc temperatè hæc pià fiducià præsumebant, non ad extremos apices exigebant. Similis locus apud Cyprianum in epistolâ ad Cornelium Papam. Quid Hieronymus? Nonne de Rufino hæc prodidit : *Scribis quoque me literis indicasse, quod Papa Theophilus expositionem fidei nuper ediderit, & polliceris, quòd quidquid ille scripserit tu sequaris?* An ergo Alexandrinum Antistitem infallibilem cogitabat? Subdit Hieronymus : *Si Papa Theophili sententiis delectaris, & nefas putas Pontificum decreta convelli, quid de cæteris dicis, quos ipse damnavit?* Adeo optima quæque de Episcoporum judiciis præsumebant, neque tantum in fidei quæstionibus, sed etiam in particularibus causis. Unde subdit : *Quid de Anastasio, de quo nulli, ut ais, verum videtur, ut tanta urbis sacerdos, vel innocenti tibi facere injuriam potuerit, vel absenti.* Nempe adversarii, si de fide ageretur, strictè illud urgerent, non potuissent fieri, ut Anastasius Romanus Pontifex à fide deficeret : cum de Rufini peculiari causâ agatur, fateri coguntur, humani sermonis consuetudine, pro certis assumi solita, quæ pià fiducià præsumerent.

Sexcenta ejusmodi commemorare possem, sed in re tam obviâ pudet esse diligentem. Quin ipse novissimus scriptor Anonymus quanta refert, quæ per se ipsa vana sint, nisi in nostram interpretationem temperentur! Nempe Innocentius I. ad Macedonas hæc scripsit : *Adverti Sedi Apostolica, ad quam relatio, quasi ad caput Ecclesiarum missa currebat, aliquam fieri injuriam, cujus adhuc in ambiguum sententia (e) duceretur.* Hic Anonymus, qui nihil nisi infallibilitatem cogitat, statim infert, Romanorum Pontificum in fide certissimum esse judicium. Atqui non de fide, sed de disciplinâ variabili agebatur. Percurrat capitula Lector diligens, nihil aliud quàm instituta Ecclesiastica inveniet; cujusmodi decreta non semper admitti, & etiam ad incudem revocari posse, idem Anonymus cum Theologis omnibus confitebatur. Tum illud Innocentii perpendatur : *Adverti Sedi Apostolica aliquam fieri injuriam, cujus adhuc in ambiguum sententia duceretur.* Audis aliquam injuriam; non hæreticos, non schismaticos cogitabat : aliquam injuriam fieri querebatur, quòd de tantâ potestate non satis æqua præsumerent; ut etiam si de fide ageretur, locus hic adversario nihil prodesset.

Idem Autor laudat Tarraconense Concilium, ejusque epistolam ad Hilaram Papam, in quâ sic habetur : *Privilegium vestre Sedis, quo per totum Orbem beatissimi Petri prædicatio universorum illuminationi prospexit, &c. subdunt : Ad fidem recurrimus Apostolico ore laudatam : inde responsa quærentes, unde nihil errore, nihil præsumptione, sed Pontificali totum deliberatione præcipitur.* De Silvani Calaguritani causâ agebatur, ejusque ordinationibus præter canones factis : id petunt ab Hilario, ut quid super hac parte observare velitis, Apostolicis affatibus instruantur. Ac postea : *Erit vester triumphus, si Apostolatus vestri temporibus, quod sancti Petri Cathedra obtinet, Catholica audiat Ecclesia.* Exclamant Papam in fide esse infallibilem, cum de fide nullus quæreret. Præsumebat Synodus Pontificem, cui depositum fidei

Cyp. ad
Corn. lxx.
al. lv.
Apol.
Hier. adv.
Ruf. lib. iij.
Tom. iv.
part. ij. p.
453.
Ib. p. 455.
Ibid.

Innoc. j.
ep. xxij. ad
Maced. T.
ij. Conc. p.
1272.

Anon.
lib. I. c. v.
n. 12. Conc.
Tarrag. ep.
1. ad Hilar.
T. iv Conc.
p. 1033.

(e) Sententia.] Hic agit Innocentius de eâ sententiâ, quâ Siricius Papa an. 390. Bonosii ordinationes damnaverat.

commissum esset, ut in illo deposito, ita in peculiaribus causis, *nihil errorē; nihil presumptione*; sed omnia Pontificali deliberatione gesturum, ut in tantâ Sede fieri consueverat. Cætera ejusmodi æquè inania commemorare piget.

Conc.
Later. iij.
sub. Pasch.
ij. Tom. x.
Conc. pag.
767. & seq.
vid. Ursp.
an. 1116.

Memoratur & illud Paschalis II. in Concilio Lateranensi III. De privilegio agebatur, quod ad investituras laicales tuendas, Henricus V. Imperator à Paschale II. in vinculis detento, per vim extorserat. Bruno Signinus Episcopus dixit: *Gratias agamus omnipotenti Deo, qui Dominum Paschalem audivimus proprio ore clamantem, illud privilegium, quod pravitatem & hæresim continebat.* Hic quidam Episcopi commonere cœperunt Paschalem hæreticum immeritò appellari: privilegium illud malum quidem fuisse; hæresim non fuisse. Paschalis deinde hæresis horrendâ voce pulsatus, in hæc verba prorumpit: *Fratres & Domini mei, audite: Ecclesia ista nunquam habuit hæreses; inò hæc omnes hæreses conquassata sunt; & pro hac Ecclesiâ Filius Dei in passione oravit, cum dixit; EGO PRO TEROGAVI, UT NON DEFICIAT FIDES TUA.* Hæc si ad extremos apices urgent, dicant velim, an putent Papam nec hæreticum esse posse; professionem hæreticam ab eo, ne per vim quidem, extorqueri posse. Non id dicent, sat scio. Ergò hæc ad commodam interpretationem temperanda, quâ de Pontifice, propter honorem Sedis, optima præsumantur.

Cōc. Vien.
Tom. x. ep.
ad Pasch.
ij. p. 785.

Quid quòd Guido Viennensis, tum Legatus Apostolicus, mox Calixtus II. Papa in Viennensi Synodo definivit, *distante Spiritu Sancto, Investituram omnem de manu laicâ hæresim esse judicamus?* Quid quòd Paschalis II. hæc decreta firmavit, seque adeò in eam hæresim, per vim quidem, sed tamen lapsum esse confessus est? Quid quòd eadem Synodus, Sanctis Episcopis consentientibus, ad Paschalem scripsit: *Si nostra paternitatis assertiones roborare nolueritis, nos à vestrà obedientiâ repellitis.* Ubi tum illud: *Qui tecum non colligit, spargit?* Ubi illud: *Hoc reputamus Catholicum, quod vestro religioso responso fuerit intimatum?* Siquidem ea ad extremos apices exigantur. Ex quibus colligitur, quæcumque pro hac infallibilitate speciosissima venditant, ea penitus introspecta, nihil aliud præferre, præter præsumptionem probabilem ac piam fiduciam.

ibid.

Matt.
xvlij. 20.

Sic profectò nobis integra, quod ad fidem attinet, judiciorum Ecclesiasticorum ratio constat. Sic enim intelligimus, aliud esse, quod piâ fiduciâ præsumimus, aliud quod certâ fide credimus. Cùm Episcopi ac Synodi particulares de fide judicant, hos vera judicasse pia fiducia suadet; succurrit enim illud: *Ubi sunt duo vel tres congregati in nomine meo, ibi sum in medio eorum:* meritòque præsumitur, tanto præsidio fultos, officio non defuturos, neque aberraturos ab antiquâ Ecclesiarum suarum Traditione, cujus custodes sunt. Jam si ad Romanum Antistitem quæstio involvitur; atque is Ecclesiarum omnium communione vigens, ad quem proinde omnia referuntur, promittit judicium ex illâ Petri Sede, quæ est ædificata in generationem & generationem, ubi stabiliendæ fidei tanta constantia & adversus hæreses atque novitates tanta cautela esse solet; multò magis præsumitur judicium, ex Petri æquitate ac prædicatione & communi Ecclesiarum Traditione esse depromptum. Cùm verò Ecclesia Catholica ipsa decernit, aut ipsa consentit, non præsumptio, sed res ipsa; nec jam pia illa fiducia, sed *πληροφωρία*, quàm Paulus appellat, ac plenæ fidei certitudo.

CAPUT XVI.

De sancto THOMA & S. BONVENTURA Facultatis Parisiensis Doctoribus, quid GERSON senserit : utriusque ac præsertim Angelicæ Doctoris sententia explicatur.

QUANQUAM Theologi graves, postquam exploratam habent Patrum sententiam, non multum commoveri solent novellis scholasticorum opinionibus; nostra tamen postulat erga Sanctum Thomam ac Sanctum Bonaventuram, scholæ Parisiensis decora, reverentia singularis, ne illos silentio prætermittamus.

Et quidem Joannes Gerson sermone Constantiæ dicto, festo die Sancti Antonii, in hæc verba: *Nuptia factæ sunt in Cana Galilea*; posteaquàm retulit illud Sessionis V. Constantiensis, de Conciliari potestate decretum: *Hic, inquit, veritati fundata supra petram sacra Scriptura quisquis à proposito detrahit, cadit in hæresim jam damnatam, quam nullus unquam Theologus maxime Parisiensis & Sanctus asseruit. Vidi nuper sanctum Thomam & Bonaventuram dantes supremam & plenam summo Pontifici potestatem Ecclesiasticam. Rectè procul dubio; sed hoc faciunt in comparatione ad fideles singulos & particulares Ecclesias.* Hæc Gerson; neque reverà quidquam aliud apud Sanctos illos Doctores legimus.

Certè Sanctus Thomas alicubi docet, *ad Romanum Pontificem à Synodo appellari, quæ omnia patent ex gestis Chalcedonensis Synodi.* Quo uno satis constat, sanctum Doctorem locutum generatim de Synodis, abstrahendo ab universali vel particulari Synodo. In actis enim Chalcedonensibus videmus appellatum à particulari Flaviani Constantinopolitani Synodo, ad sanctum Leonem; à Synodo universali appellatum fuisse non videmus. Jam de Pontificià infallibilitate, quem unum quæstionum fontem vidimus, apud Bonaventuram quidem nihil invenio, quo eam Romano Pontifici asserat. Imò verò tractans promissionem illam, quâ Pontificia infallibilitas vel maxime stare videatur; *Rogavi pro te, &c.* Bonaventura sic exponit, ut ad fidem Ecclesiæ Catholicæ referat.

Sanctum verò Thomam audimus eodem modò exponentem: *Universalis Ecclesiæ fides non potest deficere, domino dicente, ROGAVI PRO TE, UT, &c.*

Huic interpretationi reliqua sancti Doctoris, in 2^a. 2^æ. de fide tractantibus, doctrina congruit: nam quæstione I. articulo IX. sic habet: *Sed contra est, quod Ecclesia universalis non potest errare, quia à Spiritu Sancto gubernatur, qui est Spiritus veritatis: hoc enim promisit Dominus Discipulis, Joan. XVI. dicens: CUM VENERIT ILLE SPIRITUS VERITATIS, DOCEBIT VOŠ OMNEM VERITATEM.*

Eodem articulo ad tertium exponens, cur in Symbolo ita dicatur, *Credo in Deum*, quod ad fidem formatam, id est cum charitate conjunctam pertinet, ait: *Quod confessio fidei traditur in Symbolo quasi ex persona totius Ecclesiæ,*

D d ij

Joan. ij.
1.

Gerl. serm.
in festo S.
Anto. T. ij.
Dup. p. 355.

Bonav.
T. ij. exp.
in Ev. Luc.
c. xxij.
Vid. comm.
S. Thom. in
Evang. Luc.
S. Thom.
2^a. 2^æ. qu.
1. art. ix.
Sed contra.
Joan. xvj.
13.
S. Thom.
ib. ad 3^{am}.

que per fidem unitur. Fides autem Ecclesia est fides formata : talis enim fides invenitur in omnibus illis , qui sunt numero & merito de Ecclesiâ. Quare illud : Rogavi pro te ut non deficiat fides tua , fidei formata est. Talis enim fides Petro promittitur , & merito refertur ad universalem Ecclesiam , cui semper inesse constat fidem , eamque formatam.

Id. ib. art. x. in corp. Ant. sum. Theol. part. iij. par. iv. p. 418. vers. S. Thom. loc. cit. Sed contra. Quod autem idem Doctor articulo sequente , concludit. Quod ad summum Pontificem pertineat fidei Symbolum ordinare , ita est intelligendum , ut ad ipsum præcipue ; ut sine ipso ad nullum ; denique ut ad ipsum , ut publicam personam , hoc est , utentem Concilio , & requirentem adjutorium universalis Ecclesie , quemadmodum Antoninus Thomæ discipulus exponebat.

Unde sanctus Doctor eodem articulo X. sic habet : Sed contra est , quod editio symboli facta est in Synodo generali ; sed ejusmodi Synodus autoritate solius summi Pontificis potest congregari , ut habetur in Decr. dist. 17. Ergo editio symboli ad autoritatem summi Pontificis pertinet : summi certè Pontificis , utendis Concilio & requirentis adjutorium universalis Ecclesie.

Et ibidem ad 2^{um}. respondens ad illud Synodi Ephesinæ interdictum , quod aliam fidem præter Nicænâ nulli proferre liceat , sic ait : Ad secundum dicendum , quod prohibitio & sententia Synodi se extendit ad privatas personas , quarum non est determinare de fide. Non enim per ejusmodi sententiam Synodi generalis ablata est potestas sequenti Synodo novam editionem Symboli facere ; non quidem aliam fidem continentem , sed eandem magis expositam : sic enim qualibet Synodus observavit , ut sequens Synodus aliquid exponeret supra id quod præcedens Synodus exposuerat , propter necessitatem alicujus hæresis insurgentis Unde pertinet ad summum Pontificem , cujus autoritate Synodus congregatur & ejus sententia confirmatur. Porro confirmare quid sit alibi diximus , nec repugnat sanctus Thomas ; sed Ecclesiasticam vocem ex universali Traditione intelligendam relinquit.

S. Thom. ib. art. ix. Sed contra. Idem sanctus Doctor articulo IX. præcedente dixerat , argumento sed contra : Symbolum est autoritate universalis Ecclesie editum : nihil ergo inconveniens in eo continetur. Hic robur , hinc omnimoda & inconcussa firmitudo.

Cum ergo concludit in corpore articuli X : Quod ad summi Pontificis autoritatem pertineat editio Symboli ; quod ad ejus autoritatem pertineat finaliter determinare ea quæ sunt fidei , ut ab omnibus inconcussa fide teneantur ; quod unitas servari non potest , nisi questio fidei determinetur per eum qui toti Ecclesie præest , ut sic ejus sententia firmiter à totâ Ecclesiâ teneatur : intellige ex ipso , non quod in summo Pontifice solo ea autoritas resideat : nam universali Ecclesie , ejusque Synodis tribuit autoritatem & potestatem edendi Symboli , eamque inconcussam ; sed quod in summo Pontifice sit ea autoritas , quæ omnibus præsit , quæ omnes moveat ad unitatem , quæ ubi opus est , & omnes convocet & acta confirmet. Qui autem convocat & confirmat , non proinde ipse solus judicat atque determinat ; sed omnium judicio determinationique consentit , atque ex eis pronunciat.

Sic ejus sententia à totâ Ecclesiâ firmiter tenetur , ut dixit sanctus Thomas : Quia ex omnium sensu ac totius Ecclesie Traditione judicat. Unde etiam Synodi sententia , ejus sententia est ; alluditque Sanctus Thomas ad eum discernendi morem qui jam obtinuerat , ut sub Papæ nomine Synodale decre-

tum ederetur, atque ipse, Synodo approbante, decerneret.

Ex quibus intelligitur, id quod ipse sanctus Doctor sic deinde concludit : *Et ideo ad solam auctoritatem summi Pontificis pertinet nova editio Symboli, sicut & omnia alia quæ pertinent ad totam Ecclesiam, ut congregare Synodum & alia ejusmodi*: satis enim ex dictis patet, *Symboli editionem ad solam auctoritatem referri Pontificis*; quod & ipsa præcipua sit, & sine illâ nihil fiat, aut valeat, quod sæpè diximus.

1b. art. x.
in scrp.

Cum autem Sanctus Thomas ait, ad summum Pontificem pertinere, ut congreget Synodum, ostendit se loqui de ordinariis casibus; cum omnes fateantur, multos esse casus, quibus Synodus, etiam invito summo Pontifice, congregari possit, ut vidimus.

Jam quod idem sanctus Doctor fidei unitatem inde proficisci docet, quod fidei quæstio ad eum referatur, qui toti Ecclesiæ præsit; omnes Catholici consentiunt: atque id est quod Joannes Gerson his affirmat verbis: *Ea quæ fidei sunt, debent eadem esse apud omnes; & hæc identitas & unitas, vix aut nunquam perpetuari potest, nisi recursus esset finalis ad unum caput*. Non profecto quod omnia à solo Papâ finiantur: nihil enim magis abhorret à Gersonis sententiâ; sed quod finale illud sit, quod cum totâ Ecclesiâ Papa definiat.

Gerf. tract.
de Conc.
gen. unius
obedient.
T. ij. p. 23.

Merito ergo Gerson nihil se à Sancto Thomâ discrepare docet; ac si rectè intelligatur eorum sententia, summâ quidem ipsâ in unum convenit. Id tantum Gerson, aliique Parisienses Sancti Thomæ doctrinæ addiderunt, quod diuturnissimi atque hætenus inexperti schismatis malis docti, multa experiri, multa prævidere coacti sunt, circa dissensionem Synodi ac Papæ, quæ sanctus Thomas non attigit, tùm quod occasio & tempus non id postulabat, tùm quod minùs necessaria videbantur rudioribus Theologis, quos ipse in Summâ instruebat. Unde hîc summa capita attigisse contentus reliqua prætermittit.

Denique quod sanctus Thomas eodem articulo X. majores ac difficiliores quæstiones ad summum Pontificem referri inde probat, *quod Dominus Luc. XXII. Petro dixit, quem summum Pontificem constituit*: ROGAVI PRO TE, UT NON DEFICIAT FIDES TUA; ET TU ALIQUANDÒ CONVERSUS CONFIRMA FRATRES TUOS: rectè omninò facit; atque id directè probant illa Christi verba: *Confirma fratres tuos*. Quo quidem officio confirmandi fratres maximè opus est, in arduâ & ancipiti re; neque tamen concludendum, ad summum Pontificem propriè pertinere, *ut non deficiat fides ejus*: neque enim Sanctus Thomas id dicit; imò ex ejus dictis constitit, quod illa non defectura fides Petri sit ipsa universalis Ecclesiæ, aut certè peculiaris Ecclesiæ Romanæ fides. Atque ita Sanctus Thomas exposuit, cum hunc Lucæ locum de dictâ operâ interpretaretur.

S. Th. loc.
cit.

Quare si rem, uti diximus, summâ ipsâ perpendimus, nihil sanctus Thomas à reliquis Parisiensibus differre videatur, quem tan en si perfractè nihil tale memorantem, ad Romani Pontificis omninò absolutam atque independentem ab Ecclesiæ consensu auctoritatem trahant, patiantur certè nos in doctrinâ Patrum, qui antecesserint, atque in posterioribus, jam quæstione motâ, Concilii Constantiensis judicatis, tutò acquiescere.

CAPUT XVII.

Testimonium ex CLERI GALRICANI cœtu anno 1626. petitam : alia argumenta ex Janseniano negotio deprompta solvuntur : conventus anni 1653. bullæque solennis acceptatio.

Anon. de
libert. &c.
lib. ix. cap.
x. n. 3.
Avis de
l'Assemblée
du Clergé
à MM. les
Archev. &
Evêques, du
20. Janv.
1626. art.
cxxxvij.

Anon.
loc. jam
cit.
Id. lib.
vij. c. xvij.
n. 12.
Relat. des
délib. du
Clerg. de
France, Pa-
ris, Vitré,
1661. p. 25.

AT enim objiciunt, malè hæc à nobis memorari tanquam Ecclesiæ Gallicanæ dogmata, cùm à Cleri Gallicani cœtu recente memoriâ rejecta sint. Atque hic referunt Comitiorum generalium anni 1626. articulum CXXXVII. in quo hæc verba sunt : *Hortandos Episcopos, uti Sedem observent Apostolicam, Ecclesiamque Romanam infallibili Dei promissione fundatam.* At quorū nobis hæc objiciunt quæ tuemur ? Certè enim Sedem Apostolicam, partem Ecclesiæ principalem, atque omnium caput, eâ promissione, quâ totum ipsum nititur fulciri diximus. Gravius illud putant quod subditur : *Petro cum clavibus datam infallibilitatem fidei, quam videmus, divina potentia miraculo, in Petri successoribus ad hodiernum usque diem immobilem permanere.* Quis enim nostrum negat, Petro promissam eam, quæ nunquam deficiat, fidem, atque in ejus successoribus, divinâ Providentiâ permanisse, ac porro permanfuram fidem, summâ quidem ipsâ, ita ut ipsa series atque successio nunquam à fide abruptatur, quemadmodum à Patribus intellectum esse vidimus. Miror hæc à viris gravibus, atque à novissimo auctore Anonymo venditari. Neque pluris valet id quod à Gallicanis depromit Episcopis, in eâ epistolâ, quam ad Innocentium X. anno 1653. de condemnandis Jansenii propositionibus præscripserunt : *Majores Ecclesiæ causas ad Sedem Apostolicam referri, solennis Ecclesiæ mos est, quem fides Petri nunquam deficiens perpetuò retineri pro jure suo postulat.* Quæ sanè nihil contra nos, qui confitemur, fidem Petri in Sede Apostolicâ minimè defecturam, atque ejus rei gratiâ fidei causas ad eam referendas. Hæc ergò ex communi Traditione desumpta nobis objici ratio non sinit. Sed quia ex Jansenii negotio, alia argumenta ducunt, quæ magni putant ponderis, rem ipsam ab exordio repetamus.

Primùm ergò prodit ea epistola anni 1653, quâ plurimi Episcopi Gallicani Cornelii Jansenii Iprensis Episcopi libro posthumo & doctrinâ commoti, à summo Pontifice flagitabant, ut *quinque præsertim propositiones* epistolæ insertas, *de quibus disceptatio periculosior, & contentio ardentior esset, sua Sanctitas expenderet, ac perspicuam ac certam de unâquaque sententiam ferret.*

* LXXV. Hæc summa epistolæ est, cui octoginta * circiter Episcopi subscripserunt.

Re diu perpensâ, multisque & gravissimis habitis consultationibus, Innocentius X. uti rogatus fuerat, sententiam tulit de illis quinque omnium sermone celebratis propositionibus; *de quibus occasione libri, cui titulus : AUGUSTINUS CORNELII JANSENII IPRENSIS EPISCOPI, inter alias ejus opiniones orta fuerit præsertim in Galliis controversia : quas propositiones singulas Pontifex suâ notâ confixit, nec tamen probatis aliis opinionibus quæ continentur in*

dicto Jansenii libro ; Datum pridie Kal. Junii, anno 1653. Pontificatus IX.

Eam definitionem per Nuncium Apostolicum misit in Galliam cum duplici Brevi Apostolico ; altero ad Regem ; altero ad Episcopos Gallicanos. Rex, 4. Julii, anno 1653. dedit *Patentes*, quas vocant, *litteras* ad Archiepiscopos & Episcopos. His cum declarasset nihil Innocentii Constitutione contineri, *quod Ecclesiæ Gallicana libertatibus & Regia corona juribus esset adversum* ; Episcopos hortabatur atque admonebat, ut eam publicarent & executioni darent. Nam quod primum irrepererat, id etiam *jubere* Regem, Clero postulante, sublatum est.

Quid deinde in recipiendâ atque publicandâ Pontificiâ Constitutione Episcopi Gallicani gesserint, docet relatio anno 1655. jussu Congregationis Cleri Gallicani linguâ vulgari facta, atque edita ad rei memoriam sempiternam ; atque à quadraginta Episcopis, totoque ipsis adjuncto Presbyterio, universi Cleri nomine subsignata.

Quæ ergo doceat illa relatio hæc sunt. Primum quidem visum esse, *ut ad firmiorem Constitutionis executionem Sedisque Apostolicæ majorem dignitatem, atque Episcopatus honorem, ipsa Constitutio factis Episcoporum cœtu reciperetur atque firmaretur*. Habitus ille cœtus undecimo Julii anno 1653. in ipsâ Regiâ, in eâ scilicet Luparæ palatii parte, in quâ morabatur eminentissimus Julius Cardinalis Mazarinus, præcipuus Regni administrator, qui sacro cœtui præsidebat.

Ibi primum lectæ sunt Patentes literæ, observatumque ab Episcopis, à Rege *pro more declaratum, ipsam Constitutionem nihil Regni juribus nocituram, jussosque Regis administratos, ut operam suam in exequendâ Bullâ Episcopis adjungerent*. Caterum quod attineret ad Constitutionis solennem receptionem, *quæ autoritate Ecclesiasticâ fieret, id totum Episcopali deliberationi à Rege permissum*. Atque iterum : *Definitionem à Papâ editam, liberæ Episcoporum deliberationi reliquendam, ut ejus publicationem atque executionem decernerent, nullo coacti judicio secularis potestatis*.

De ipsâ deliberatione, sic est in nostrâ relatione proditum : *Cum Constitutionis materia & argumentum à duodecim annis per Gallias agitatum, omnibus notum esset, facile agnitum, Pontificiâ Constitutione, firmatam antiquam Ecclesiæ fidem à Conciliis ac Patribus traditam, atque in Concilio Tridentino innovatam.... Itaque communi omnium sententiâ conclusum ab Episcopis congregatis, ut acceptarent Bullam, omnique obsequio ac reverentiâ susciperent, quæ in eâ decisa essent*. Sic à Clero Gallicano Pontificiâ Constitutio, factâ deliberatione, suscepta & acceptata est. Quam vocem rei exponendæ necessariam condonari nobis volumus : ut quæ linguâ nostrâ aliquid spontaneum, atque, ut ita dicam, autoritativum sonet.

Hic subit recordatio susceptæ à Majoribus nostris sancti Leonis adversus Eutychen epistolæ : *Quod in eâ recognoscerent fidei suæ sensum, & ita se semper ex Paternâ Traditione latentur tenuisse*. Jam ad relationem redeamus.

Decretum in eadem congregatione Episcoporum, ut ad summum Pontificem & ad omnes Episcopos scriberetur : utque epistola ad Episcopos *ita conscriberetur, ut Episcopis Gallicanis constaret integrum jus definienda-*

Ib. p. 27.
& 33.

Declar. du
Roi, &c. ib.
34.

Ib. p. 5.

Ib. p. 6.

Ibid.

Ib. p. 7.

Ep. Syn.
Episc. Gall.
ad Leo.
Mag. T. iij.
Conc. pag.
1329. int.
Leon. post
epist. lxxvj.
al. l. i.

* Scrip-

tum legi-
mus in Re-
latione ad
Papam,
mendo Ty-

pographico
* vel descrip-
toris inco-
gnitissimæ

rum, primo certè gradu primàque instantiâ, fidei quæstionum, ubi id utile videretur; sive pœnas juris decernendo adversus manifestos hæreticos, sive res dubias, congregatione habitâ, decidendo. Sic Ecclesiâ Gallicana juris Episcopalis ubique recordatur.

Rel. p. 3. Ibid. Epistolæ, congregatione habitâ, lectæ, probatæ, ac subsignatæ sunt ab omnibus Episcopis, 15. Julii.

Ib. p. 36. Epistola ad Papam hæc habet: *Non solum ex Christi Domini nostri pollicitatione Petro factâ, sed etiam ex actis priorum Pontificum, & anathematismis adversus Apollinarium & Macedonium, nondum ab ullâ œcumenicâ Synodo damnatos, à Damaso paulo antea jactis; judicia pro sanciendâ regulâ fidei, à summis Pontificibus lata, super Episcoporum consultatione (sive suam in actis relationis sententiam ponant, sive omittant, prout illis collibuerit) divinâ aequè ac summâ per universam Ecclesiam autoritate niti: cui Christiani omnes ex officio, ipsius quoque mentis obsequium præstare teneantur.* Quo loco id volebant, non esse semper necessariam Synodi œcumenicæ sententiam, ut Christiani ad fidei officium tenerentur; sed omninò sufficere, consulentibus Episcopis, Romani Pontificis auctoritatem; siquidem decretum ejus reciperetur, ut ipsi fecerant, atque à se factum esse gestis indiderant ad rei memoriam.

Ib. p. 41. In epistolâ ad Episcopos disertè scriptum erat: *Et ad Episcoporum necessariam atque essentialem dignitatem pertinere, ut de fidei quæstionibus primam ferrent sententiam; & ne id facerent (Episcopos qui Papam consuluerant) animorum dissensionibus fuisse prohibitos.*

Addebant: ad nos Constitutione perlatâ, *Episcopos congregatos, ut deliberarent quid in hoc negotio facto opus esset, uno spiritu, uno corde, uno ore ita consensisse ad recipiendum illius judicium, cui per unitatem Christiani Episcopatus Hierarchicâ subordinatione colligati essent; ut meritò crediderint propositionum condemnationem, unâ cum eo à se quoque esse prolatam ac pronunciatam.* Sic se Episcopos, hoc est, *conjudices & condecernentes, quod sæpè diximus; suumque consensum, non nudi obsequii, sed etiam judicii, decretique Ecclesiastici loco esse meminerant.*

Hæc triginta Episcopi decreverunt, subsignârunt, totâ Galliâ divulgârunt; eoque Spiritu omnes Episcopi Constitutionem ad se ab eo cœtu missam receperunt; ut dubium non sit, quin communis is fuerit Ecclesiæ Gallicanæ sensus.



CAPUT XVIII.

Tres aliæ secutæ CLERI GALLICANI CONGREGATIONES probant necessariam Episcoporum consensionem, atque hanc pro Ecclesiastico judicio esse habendam.

PERGIT relatio docetque : *Harum turbarum autores, neque summi Pontificis autoritate, neque Ecclesiæ Gallicanæ universali assensu cohiberi potuisse ; subortam de genuinis propositionum sensibus quæstionem, sive vitiligationem, cujus gratiâ (anno 1654. 9. Martii) xxxviii. Episcopi iterum ad Luparam, apud Eminentissimum Mazarinum convenirent.*

Rel.p.3.

Quæstio gravis Patribus visa est, atque omnino id agi, ut Constitutio evanesceret, summusque Pontifex tantum inani murmure detonnâsse videtur. Itaque datum negotium aliquot Episcopis, ut quæ ad hanc rem facerent, diligenter ponderarent ; quorum relatione factâ, lectisque Jansenii necessariis locis, aliisque in eam rem editis scriptis atque documentis, re in deliberationem adductâ, *conclusum est (à sacro cœtu) declaratum iri per modum judicii, visis omnibus causâ ex utrâque parte documentis, in Constitutione damnatas propositiones, ut quæ Jansenii essent, ac sensu Jansenii, cujus judicii relatio ad summum Pontificem atque etiam ad universos Episcopos Gallicanos, datis literis, mitteretur, 28. Martii, anno 1654.*

Ib. p.14.
& 15.

Sic Episcopi in Constitutionis Apostolicæ executione atque interpretatione, subortâ difficultate, quam ad decreti fidei robur maximè pertinere constaret, agunt ut judices, idque ad Innocentium X. scribunt his verbis : *Ad munus Episcopale pertinere putavimus, recens excitatas à Clericis numero paucis contentiones, definitione nostrâ compescere ; quâ Constitutionis Apostolicæ integra executio, quæ nobis commissa est, adversus alienas à vero illius sensu expositiones sanciantur. Atque iterum : Nos in hac urbe Parisiensi congregati censuimus, & per epistolam encyclicam his literis adjunctam declaravimus, propositiones illas & opiniones esse Cornelii Jansenii, & in sensu ejusdem Jansenii à Sanctitate vestrâ damnatas, disertis & manifestis verbis : denique : Constitutionem ordine canonico latam, atque genuino in sensu intellectam, quem litera ista patefaciunt nos suscipere testamur.*

Ib. p.47

Ib. p.46.

Sic profectò testari pergunt consensionem suam, cum ad Papalis decreti auctoritatem accedit, judicium esse Ecclesiasticum ; quâ etiam Constitutionis verus genuinusque, quem ipsi admittant, sensus exponatur ; genuino sensu, inquit, quem litera ista patefaciunt.

Epistolâ verò ad Præsules Gallicanos missâ, sic dicunt : *Declaravimus & hoc nostro judicio delaramus : ut nemini dubium esse possit, quin judicium Ecclesiasticum hanc suâ definitione protulerint.*

Ib. p.49.

Hæc, igitur omnia ad Innocentium X. missâ, ac per Episcopum Lutevensium tum Romæ agentem tradita, summâ Pontificis gratulatione accepta sunt, probatumque est latum de sublatâ difficultate ac Bullæ interpretatione ab Episcopis judicium, dato Brevi 29. Septembris, anno 1654.

15

Ib. p. 58. Quo Brevis recepto, ac per universam Galliam promulgato, tertio Episcopi Parisiis congregantur, atque ad universos Galliarum Episcopos hæc gesta perscribunt, testanturque ab Episcopis primùm congregatis, *cum reverentiâ receptam Constitutionem, unoque Spiritu cum sanctissimo Papâ probatam ac pronunciatam quinque propositionum, quas ipse censurâ confixerat, condemnationem.* Quò rursus declarant consensionem suam verum Ecclesiasticumque iudicium.

Ib. p. 59. Subdunt ab Episcopis iterùm congregatis verum Constitutionis sensum, expresso iudicio declaratum, datâ epistolâ 10. Maii 1655.

Vid. p. 62. & seq. Anno denique 1656. Episcopi quartùm congregati numero XL. cum deputatis omnibus, ordinario cœtu Cleri Gallicani, quæ tribus antè actis cœtibus gesta erant, ordine recensita confirmârunt 2. Septembris. Insuper affirmârunt, intactam & inviolatam manere sancti Augustini doctrinam, quam Janseus perperam sibi vindicavit; atque hæc omnia ad Alexandrum VII. perscripserunt.

Ib. p. 69. & seq. In epistolâ ad Regem hæc dicunt: *A se denuò confirmata & approbata, quæ Mazarino Cardinale Praside gessissent Episcopi ad acceptandum iudicium suæ Sanctitatis, & condemnationem errorum: Regique supplicant, ut jubeat iudices suos adesse auxilio Episcopis exequentibus Constitutionem, eorum consensu receptam.*

Ib. p. 74. Ad Reginam verò matrem: *Ab Innocentio X. confirmatum id quod ipsi judicâssent: tum: Acceptatam à se unanimi consensu Sedis Apostolicæ definitionem.*

Ib. p. 77. Postea ad Episcopos: *Exequendam Constitutionem eo sensu, qui iudicio Episcopalis cœtus declaratus esset mense Martio 1654. ad quos etiam mittunt formulam ab omnibus subscribendam.*

Denique relationem, ex quâ hæc omnia retulimus, fieri jusserunt, comprobârunt, manu suâ confirmârunt. Hæc gesta, primâ, secundâ, & quartâ Septembris in Congregatione generali totius Cleri Gallicani ann. 1656.

Sic igitur Ecclesia Gallicana decretum fidei à Sede Apostolicâ missum, consensu, iudicio, deliberatione accepit.



CAPUT XIX.

Duo exempla ab antiquitate deprompta, quibus GALLICANARUM CONGREGATIONUM, gesta firmantur: sancti SIRICII de JOVINIANO judicium: Capuana Synodus, & ejusdem SIRICII responsio ad Macedonas.

Sic quoque solebat antiquitas. Quarto sæculo, cum Jovinianus virginitatis propositum improbaret, eamque hæresim in ipsâ etiam urbe Româ disseminare inciperet, sanctus Siricius Papa, facto Presbyterio, eum condemnavit; atque hoc judicium ad Mediolanensem direxit Ecclesiam. Sic autem erat constitutum: *Unde Apostolorum secuti præceptum, quia aliter quam quod accepimus, annunciabant, excommunicavimus. Omnium ergo nostrum tam Presbyterorum quam etiam totius Cleri, unam scitote fuisse sententiam, ut Jovinianus, Auxentius, Genialis, &c. qui incentores novæ hæresis & blasphemæ inventi sunt, divinâ sententiâ, & nostro judicio in perpetuum damnati, extra Ecclesiam remanerent, quod custodituram Sanctitatem vestram non ambigens, hæc scripta direxi.*

Hoc sancti Siricii Papæ ac Sedis Apostolicæ judicium Itali Episcopi, sancto Ambrosio Præsidente, Mediolani congregati, Synodali judicio receperunt his verbis: *Itaque Jovinianum, Auxentium, &c. sic quos Sanctitas tua damnavit, scias apud nos quoque secundum judicium tuum esse damnatos.* Sic damnatos Sedis Apostolicæ judicio, ipsi quoque, sed prolato pariter judicio, damnant. Unde ille consensus, quo Ecclesiastica judicia summam vim obtinent, perinde haberi censetur, cum vel Episcopos præeuntes Sedes Apostolica probat, vel Sede Apostolicâ præeunte, concinunt & consentiunt Ecclesiæ.

Sic ab Episcopis Gallicanis Luteræ Pariliorum frequente Conventu sæpius congregatis, Innocentii X. recepta Constitutio. Reliqua in Jansenii Augustinum Sacro-sanctæ Sedis acta, eodem Episcoporum consensu valuerunt. In Galliis maximâ solennitate, gravissimoque judicio expressus consensus est editus; ut solet esse clarior, ubi controversiâ maximè vigerunt. Bullas interim toto Orbe Catholico receptas esse constat, ut nullus omnino sit dubitationi locus, quin istud hæreticum dogma æterno judicio condemnetur.

Jam quod Episcopi Gallicani Episcopalis juris esse profitentur, ut, cum res tulerit, ipsi adunati de quæstionibus fidei primam ferant sententiam, ex antiquâ item Traditione depromptum est. Ita enim Antiochenæ, Constantinopolitanæ, Africanæ Synodi, de Pauli Samosetani, Eutychetis, Pelagii, ac Cælestii hæresi judicârunt, multaque alia hujus rei exempla memorantur, quæ Sedes etiam Apostolica comprobavit. Illud insigne est, quod à Synodo Capuensi gestum est sub eodem Beato Papâ Siricio, cujus adversus Jovinianum decreta retulimus.

Ep. Syric.
ad Mediol.
Eccles. ist.
Ambr. post.
ep. xij. al.
LXXX. Tij.
p. 965. vid.
etiam. Tij.
Conc. pag.
1024.

Rescrip.
ep. Ambr.
&c. ad Sy-
rici. int. Am-
bros. epist.
xij. alias.
LXXXj pag.
969. & T.
ij. Conc. p.
1026.

Vid. Re-
lat. p. 8. &
40.

Ea Synodus paulo ante decretum illud, ut videtur, duabus de causis celebrata est; primum ad finiendam Ecclesiæ Antiochenæ veterem discordiam; cum Evagrius & Flavianus de Episcopatu contenderent; secundo, ut de Bonoso Episcopo ferretur judicium, qui adversus beatæ Mariæ Virginitatem blasphemare ausus fuerat.

Cum neque Flavianus, neque, ut videtur, Bonosus Synodo Capuensi se fisterent; illius causa, Theophilo Alexandrino atque Ægyptiis Episcopis; hujus, Anyfio Thessalonicensi ejusque Synodo delegatur.

Hæc quidem decreta erant, salvâ Sedis Apostolicæ autoritate; unde beatus Ambrosius ad Theophilum, Synodi Capuensis nomine, hæc scribit: *Sanè referendum arbitramur ad Sanctum fratrem nostrum Romanæ Sacerdotem Ecclesiæ, quoniam præsumimus ea te judicaturum, quæ etiam illi displicere nequeant.* Subdit pacem futuram; cum id, inquit, *gestum esse cognoverimus quod Ecclesiæ Romana haud dubiè comprobaverit.*

Neque est ambiguum quin Anyfio Macedonibusque, quibus præerat; Episcopis, eadem lex dicta sit; cum constet eam Provinciam Sedi Apostolicæ peculiari jure fuisse subditam. Quo etiam factum est, cum quædam causæ pars indecisa penderet, ut Beati Siricii Papæ sententiam exquirerent. At Sanctus Pontifex sic rescripsit: *Accepi literas vestras de Bonoso Episcopo, quibus vel pro veritate, vel pro modestiâ, nostram sententiam sciscitari voluistis; sed cum ejusmodi fuerit Concilii Capuensis judicium, ut finitimi Bonoso atque ejus accusatoribus judices tribuerentur, & præcipuè Macedones, qui cum Episcopo Thessalonicensi de ejus factis cognoscerent, advertimus quod nobis judicandi forma competere non posset. Nam si integra esset hodie Synodus, rectè de his quæ comprehendit vestrorum scriptorum series, decerneremus. Vestrum est igitur, quia hoc recepistis judicium, sententiam ferre de omnibus; nec refugiendi, nec elabendi, vel accusatoribus, vel accusato copiam dare. Vicem enim Synodi recepistis, quæ ad examinandum Synodus delegit. Ac paulò post: Vos enim totius, ut scripsimus, Synodi vice decernitis; nos quasi ex Synodi autoritate judicare non convenit.* Hæc deinde subjungit: *Sanè negare non possumus de Maria filii jure reprehensum, meritòque vestram Sanctitatem abhorruisse, quod ex eodem utero virginali, ex quo secundum carnem Christus natus est, alius partus effusus sit.* Quam causam multis ac præclarè egit.

Hanc egregiam epistolam inter beati Ambrosii epistolas sub ejusdem Ambrosii nomine legebamus: sed ipsa verborum series, atque ibidem facta Ambrosii mentio repugnabat. Eam vir doctissimus & candidissimus Lucas Holstenius, bibliothecæ Vaticanæ Præfectus, ex veteribus archivis sancto Siricio restituit (f).

(f) *Siricio restituit.*] Holstenii rationibus non moventur PP. Bened. qui dubitant utrum ille manu-scriptorum autoritatem, an verò Baronii conjecturam securus fuerit. Idem existimant hanc epistolam tam benè, aut alicui de Italiâ Metropolitano attribui posse, aut ipsi Ambrosio scribenti nomine alicujus Synodi, quam Siricio. Vid. eorum notas loc. cit. At D. DE TILLEMONT, qui Holstenii conjecturam habet probabiliorē, dicit non esse verisimile. Ambrosium nomine Synodi, cui præfedisset, hæc verba scripsisse: *Nos quasi ex Synodi autoritate judicare non convenit;* nec verisimilius hanc epistolam posse attribui alicui de Italiâ Metropolitano. Vid. Tom. x. Ambr. vit. art. lxx. p. 240. & not. xlv. p. 755. 756.

Jam ex eâ epistolâ hæc habemus : primùm , causam fidei Anyſio ejusque coepiscopis à Capuanâ Synodo delegatam , atque ab iis judicatam fuisse : neque tantùm judicatum Bonosum Beatæ Mariæ Virginitati detraxisse , sed etiam eam blasphemam esse sententiam , quod judicium Sanctus Syricius comprobavit. Hoc primùm. Tum illud , Beatum Pontificem , etiam Macedonum Episcoporum id deferente Concilio , nullam judicii partem deliberare voluisse ; sed rem integram reliquisse iis , quibus Capuensis Synodus demandasset.

Et magna quidem erat , cujus autoritati Sanctus Syricius detulit , Capuensis Synodus ; non tamen œcumenica. Verùm Romani Pontifices Ecclesiastici ordinis , atque æqui juris observantissimi , non ea attingebant , quæ à particularibus etiam Synodis decernerentur , nisi postquàm ad eos canonico ordine devenissent.

Hinc illud : *Vestrum est judicium ferre de omnibus ; & nobis judicandi forma competere non potest , & : Vos potiùs Synodi vice decernitis , nos quasi ex Synodi autoritate judicare non convenit.* Et quidem satis indicat , neque id se detracturum fuisse , si res integræ essent : sed post Capuensis Concilii judicium , eo modo atque ordine procedi oportere , quo sacrum Concilium judicasset. Tanta erat modestia , tam æquo jure omnia disceptabant ; neque interim cùm res ac locus exposceret , suæ potestatis oblitæ , sed vim Ecclesiæ in canonico ordine reponebant.

Ergò in Janseninio negotio Episcopi Gallicani , ex antiquo more ac jure , hæc duo sibi meritò vendicârunt ; & ut Episcopale sit in causis fidei primam ferre sententiam ; & ut Episcopi Sedis Apostolicæ ad se perlata judicia , ipsi dato judicio , recipiant , (g) interpretentur , exequantur ; neque ullâ in re ab antiquâ Traditione , ac Patrum sententiâ deflexerunt.

(g) *Dato judicio recipiant &c.*] Multi Theologi , præsertim è Galliâ , Bullas de re Jansenianâ eas esse dicunt , quæ ab Ecclesiâ nunquam receptæ fuerint , nunquam recipi possint. Sed illos admonco , ne hîc sua ingerant argumenta , neve litem intendant D. BOSSUET , qui in illo capite & in aliis antea duobus , Jansenianum negotium , aut non tractat , aut illud tractat obiter & historicè , eò ut inde probet tantùm Bullas Pontificias in illò negotiò , quemadmodum in multis aliis fuisse quidem receptas ab Episcopis Gallicanis ; sed more solito ; id est , postquam , facto examine , ipsi de illis Bullis Judicium tulerunt.



CAPUT XX.

Dictum illud: PRIMA SEDES NON JUDICATUR A QUOQUAM cuius virtutis sit; an cum Declaratione Gallicanâ consentiat: duplex ejus sensus; alter de personâ Papæ; alter de sententiâ ab eo dictâ: de particularibus Synodis intelligendum: Sinuessana Synodus: Romana Concilia sub Symmacho Papâ.

N^UNC exponendum superest, quomodo cùm Declaratione Gallicanâ consentiat illud à primâ antiquitate depromptum; *Prima Sedes non judicatur à quodam*: vel quidquid dictum est in eam sententiam.

Id duplici modò potest intelligi: alter, ut persona Pontificis eam Sedem tenentis à nemine judicetur: alter, ut lata ab eâ sententiâ à nemine retractetur.

Conc. Sinuess. T. 1. ab Episcopis ad Marcellinum Papam dictum, cùm in Diocletiani persecutione thurificasset: *Tu eris iudex; ex te enim damnaberis, & ex te justificaberis; tu enim iudex, tu reus.* Et iterum: *Iussu ore suo condemnatus est.* Ac postea: *Nemo enim unquam judicavit Pontificem, nec Presul sacerdotem suum; QUONIAM PRIMA SEDES NON JUDICATUR A QUOQUAM.*
 Conc. pag. 940.
 Ib. pag. 941.

Quæ utcumque se habent, nihil ad rem. Quæstio enim superest, an hæc voce, à quoquam, intelligenda veniat tota Ecclesia Catholica, sive Concilium œcumenicum eam representans. Ac si cum Baronio & Binio vel maxime volumus hanc admissam Synodum, jam illud constabit, coactam Synodum absque Romano Pontifice, citatumque eum qui responderet, ac negantem convictum esse, adductis testibus, & ad confessionem adactum, & graviter reprehensum, ultimâ tantum sententiâ ipsi reservatâ.

Hæc enim omnia fieri potuisse legitimo ordine, in fidei violatæ causâ, Canonistæ omnes, etiam Ultramontani, facile consentiunt, atque ex his actis probant. Alii ad alia extendunt, atque ultimam tantum excipiunt sententiam.

Verum sententiam hanc si dare non potuit privata Synodus, & in facto particulari, eoque obscuro, quod nec nisi adductis infinitis testibus probaretur, & adversus Pontificem statim pœnitentem: non profectò sequitur, ut in re notoriâ & quæ totam spectet Ecclesiam, & adversus contumacem, totique Ecclesiæ perniciosum Pontificem, nihil fieri possit.

Sed omittamus suspectissimam Synodum, cujus nec acta sunt integra, totaque actio, ipseque adeo locus, non cuiquam unquam notus.

Conc. Chalced. act. 1. T. Cedonensi, damnatum Dioscorum Alexandrinum, qui Leoni Papæ ausus sit anathema dicere, *quod nunquam factum est*, ut in eâ Synodo legimus. (b)
 iv. pag. 93.
 act. ii. pass.

(b) Legimus] in Synodi Chalcedonensis definitivâ sententiâ adversus Dioscorum sess. iii. p. 44 & in epistolis Synodalibus ad Imperatorem & ad Leonem, multas fuisse causas, cur Dioscorus damnetur, & hanc imprimis: quod præsumpisset excommunicationem dio-

Verum & hoc nihil ad rem : certum enim à Dioscoro id in particulari suâ Synodo * factum , ut ex historiis constat , & Baronius confitetur.

Graviora fortè sunt ac propius rem , quæ in Conciliis Romanis sub sancto Symmacho gesta sunt , ad annum Christi circiter 501.

Clerici quidam , ac multi de plebe , Symmachum multorum scelerum postulabant ; atque ab eo per schisma recesserant : quin etiam rebus suis spoliaverant , & tanquam vacante Sede *visitatorem* induxerant. Ingens turba in Urbe consecuta erat. Theodoricus Rex civitatis suæ paci consulens , Synodum ex diversis provinciis , nempe Liguriâ , Emiliâ ac Venetiarum congregat ; *ut de iis quæ venerabili Papæ Symmacho ab adversariis dicerentur impingi , judicaret legitimè*. Hæc ex Synodo III. constant.

Quanam illa scelera Symmacho imputata essent , necdum scimus , nullâque est historiâ , nullis gestis proditum ; adeo obscura res erat. Id tantum in gestis legimus ; dixisse Regem , *plura ad se de Papæ Symmachi actibus herenda fuisse perlata*. Denique ab accusatoribus servi ad testimonium poscebantur , quod cum etiam legibus * interdictum esset , facile demonstrabat , quam eos idoneæ probationes deficerent.

Ipse Rex testabatur : *Nihil ad se præter reverentiam de rebus Ecclesiasticis pertinere* : penes Synodum esse iudicium ; ac si à causæ cognitione abstinere vellent , paci certè Urbis consulerent ; id unum imperabat.

At Episcopi in Synodo III. sæpè testati sunt , causam divino committendam esse iudicio , vel maximè propter Sedis Apostolicæ dignitatem , & cum Sancto Pontifici rerum ablatarum restitutio negaretur , eumque sponte iudicio se sistentem , adversarii penè ad necem cecidissent , Episcopi Romam convocati eo magis in proposito perstiterunt. Itaque in Synodo V. ipsos accusatores Symmachi damnant , ejus causam divino reservant arbitrio.

Interim Ennodius Diaconus , Synodi autoritate ac jussu , apologiam Symmachi edidit , in quâ hæc erant scripta : *Aliorum fortè hominum causas Deus voluerit per homines terminare ; Sedis istius Præsulem suo sine questione reservavit arbitrio. Vult Beati Petri Apostoli successores Cælo tantum debere innocentiam , & subtilissimæ discussoris indagini involatam exhibere conscientiam*. Quem librum Synodus , quæ fieri jusserat , unâ cum Symmacho Papâ , Synodali & Apostolicâ autoritate firmavit , ac robur decreti Apostolici obtinere voluit.

Hæc igitur ad facta particularia , eaque obscura , & ad particularis Synodi autoritatem spectant. An proinde ad facta notoria , totique Ecclesiæ noxia , & ad Concilii œcumenici autoritatem trahi possent , lector dijudicet.

Certè sancta Synodus , cum ei Theodoricus eorum criminum iudicium

are adversus Archiepiscopum Romæ Leonem. Sed ea verba quæ D. BOSSUET hic allegat : *Quod nunquam factum est* , eo in loco non reperimus ; sed tantum sessione 1. p. 95. in quâ objiciebatur *ausum fuisse* (Dioscorum) *Synodum facere sine autoritate Sedis Apostolicæ , quod nunquam licuit , nunquam factum est*. Sanè levis est hic error ; si quidem error est ; non tamen à nobis prætermittendus. Cæterum Liberatus & multi alii optimè annotant non licuisse magis ut Episcopus singularis cum suâ singulari Synodo *dictaret excommunicationem* adversus primæ Sedis Antistitem , quam ut *sine ejus autoritate Synodum faceret*.

* decem
Episcopo-
rum.

Vid. Conc.

Rom. iij.

sub. Leon.

T. iij. pag.

1475. Conc.

Chalc. act.

111. & Bar.

T. vj. ann.

449. p. 112.

Vid. Syn.

Rom. iij.

sub Symm.

T. iv. pag.

1323. & vit.

Symm. per

Anast. ib.

p. 1286. &

seq.

Syn. Rom.

ibid.

* Roma-

nis.

Ib. pag.

1324.

Conc. v.

Rom. ib. p.

1364. & seq.

Lib. Apol.

Ennod. pro

iv. Synod.

Rom. ib. p.

1352.

Conc. v.

ib. p. 1364:

Conc.
ij. ib. pag.
1323.

delegaret, respondit: *Ipsū qui dicebatur impetitus debuisse Synodum convocare: quia ejus sedi primum Petri Apostoli meritum & Principatus: deinde secuta jussione Domini, Conciliorum venerandorum auctoritas, singularem in Ecclesiis tradidit potestatem; nec antedicta sedis Aristitem minorum subjacuisse judicio, in PROPOSITIONE SIMILI facile forma aliqua testatur.* En ut clarè se redigant ad *propositionem similem*; arque id per se intelligendum esset, etiam si ipsi tacuissent.

Conc. v.
ib. p. 1365.

Quin etiam Papa Symmachus, Synodo probante, sic inquit: *Est enim à multis predecessoris nostris Synodallyter decretum atque firmatum, ut oves, quæ Pastori suo commissæ fuerint, eum nec reprehendere, NISI A RECTA FIDE EXORBITAVERIT, præsumant: nec ullatenus pro quâcumque re aliâ, NISI PRO SUA INJUSTITIA, accusare audeant.* En quam gravem ac patentem decreto suo, atque Ennodii dictis exceptionem adhibeant.

Vid. A.
naft. de can.
non. purg.
Leon. ij. T.
vij. Conc.
p. 1156.

Cæterum hæc de Romanâ ac particularibus Synodis dicta, nihil ad nos; quibus propositum est de Conciliis œcumenicis agere. Ejusdem generis est id quod à Carolo Magno ac Majoribus nostris factum in causâ Leonis III. (i) neque his lectorem distineri placet. Sic ergo profectò, nobis etiam auctoribus, Romani Pontificis Sacrosancta Majestas, nulla eam Synodus particularis judicare audeat; ac ne quidem œcumenica, nisi propter eas causas quas in Concilio Constantiensi memoratas sæpè retulimus.

C A P U T XXI.

Persona Pontificis quatenus ab œcumenicis Conciliis judicari non possit: PHOTII gesta NICOLAUM Papam excommunicantis: Concilii VIII. Canon XIII.

JAM de ipsis Conciliis œcumenicis. Concilium VIII. Canone XIII. id egit, quod diligentissimè considerari oporteat. Sed prius ejus canonis occasio referenda est.

* I.
Conc.
Rom. sub.
Adr. ij. cap.
ij. int. act.
Conc. viij.

Photius, coactò Concialiabulo, Nicolao * Papæ anathema dicere ausus est. Id Concialibulum à Romanâ Synodo sub Adriano II. reprobatur; ac Photius Dioscori imitator, eò quò Dioscorus anathemate percellitur. Quæ sententia Synodi œcumenicæ VIII. Canone XIII. confirmatur. Quâ occasione compressis Synodorum particularium ausibus, de Synodo quoque œcumenicâ in

(i) *In causâ Leonis III.*] Pâcalis & Campulus post Adriani I. avunculi sui mortem, alterutrum in ejus locum successorem dari ambiebant. Cùm autem Leo ipsis prælatus fuisset, tum verò irâ & invidiâ exarserunt, eumque pugnis, calcibus, baculis adeò ceciderunt, ut vix vivus ex eorum manibus elaberetur. Fugit autem ad Carolum, opem ejus & patrocinium imploraturus. Quare Carolus Romam venit, ubi collectâ Synodo, causam Leonis Episcopis judicandam commisit. At Episcopi responderunt his verbis: *Nos Sedem Apostolicam, quæ est caput omnium Ecclesiarum judicare non audemus; nam ab ipsâ nos omnes & vicario suo judicamur: ipsa autem à nemine judicatur, &c.* de purg. can. Leon. Tom. VII. Conc. p. 1156. Tum Leo se purgavit jurejurando, & dixit: *quia de istis falsis criminibus quæ super me imposuerunt, scientiam non habeo.* Deinde Carolus jussit de iis qui Papam dehonestaverant haberi quæstionem . . . pro quibus Papa apud Imperatorem intercessit. ibid. p. 1158.

hæc

hæc verba decernitur : Si quâ verò œcumenicâ Synodo collectâ, de Romanâ etiam Ecclesiâ controversia extiterit, licebit cum decente reverentiâ de propo-
 sitâ questione veneranter sciscitari, responsumque admittere; non tamen impu-
 denter contra senioris Romæ Pontifices sententiam dicere. Hæc eò pertinent,
 ne Synodo quidem œcumenicæ licuerit sententiam dicere iis casibus, quibus
 Photius dixerat; nempe adversus Romanum Pontificem, Apostolicum offi-
 cium exequentem : aut si qua peculiaria adversus eum crimina & jurgia fere-
 rentur; aut si fortè moverentur aliquæ peculiare quæstiones; qualis tum erat
 controversia de Bulgarorum Paræciis, quas Ecclesia Constantinopolitana ad-
 versus Romanam sibi vindicabat. Hæc igitur amicè ac reverenter tractari
 placebat Patribus, neque horum aut similium casuum vulgare causâ, la-
 cessi Pontificiam Majestatem, pacemque Ecclesiæ perturbari; quod esset
 reverà impudentissimum. Nec ideo Synodo œcumenicæ silentium imponunt;
 si fortè inciderent ejusmodi causæ, quæ Patres VI. Synodi adversus Hono-
 rium concitârunt, aut eæ, quæ à Concilio Constantiensi memorantur. Sci-
 rum enim illud est; generalibus legibus non comprehendi casus extraordina-
 rios, eosve actus, quos in re improvisâ ipsa necessitas expresserit. Atque
 hæc de primo sensu hujus sententiæ; *prima sedes à nemine judicatur*: quate-
 nus nimirum ad personam Pontificis pertinere potest.

act. vij. T.
 vij. p. 1347:
 vid. etiam.
 Metroph.
 Epist. ib. p.
 1388.
 lb. act.
 x. can. xij.
 p. 1375.

C A P U T XXII.

*De sententiis Romanorum Pontificum non retractandis; eâ de re
 relati canones, eorumque vis; Gelasii Papæ loci.*

AD secundum sensum ejus dicti pergimus: *Prima sedes non judicatur à
 quoquam*: quo significari videtur, ne ejus sententia retractari possit. Ad
 hæc igitur spectant hæc Bonifacii I. ad Rufum Thessalonicensem à Bonifa-
 cio II. in Concilio Romano repetita: *Nunquam licuit de eo rursus, quod
 semel statutum est ab Apostolicâ Sede, tractari*. Quæ si ad quoscumque casus,
 & ad Concilia etiam generalia protendantur, nempe Synodi œcumenicæ III.
 IV. VI. VII. VIII. à quibus Romanorum Pontificum decretales atque ju-
 dicia retractari constat, illicita perpetrârunt, Eodem spectat illud ejusdem
 Bonifacii à Nicolao I. sub Innocentii nomine recitatum (k): *Nemo un-
 quam Apostolico culmini, de cujus judicio non licet retractari, manus obvias
 audacter intulit: nemo in hoc rebellis extitit, nisi qui de se voluit judicari*.
 Quæ ipso tenore sermonis ostendunt, de privatis agi, non profectò de to-
 tius Ecclesiæ Catholicæ judiciis.

Ep. Bo-
 nif. I. ad
 Ruf. Thess.
 in fest. ij.
 Conc. Rom.
 ij. sub. Bo-
 nif. ij. T.
 iv. Conc. p.
 1705 Vid.
 Coll. Holst.
 part. I.
 Nicol. I.
 ep. vij. ad
 Mi. h. Imp.
 Tom. vij.
 Conc. pag.
 319. vid.
 Decr. Grat.
 Caut. ix. q.
 iij. cap. x.
 Patet.

Unde illud passim in ejusmodi decretis frequentatum: *Ut à nemine; ut à
 nullo, ut non à quoquam*, Sedis Apostolicæ judicia retractentur. Neque verò
 (k) Sub Innocentii nomine recitatum. In ipsâ Nicolai epistolâ, ea verba, quæ, neque
 sunt Bonifacii, neque Innocentii, sub Bonifacii nomine recitantur, & Gratianus hîc in-
 cogitanter sanè nomen Innocentii posuit.

Tom. II.

F f

deerant quibusque temporibus sui Dioscori, sui Photii, alique contumaces, adversus quos Sedis Apostolicæ auctoritatem inculcari oportebat.

Gelas.ep.
xiiij. ad. Ep.
Dard. Tom.
iv. Conc.
p. 1203.
Id. ep. iv.
ad Faust. ib.
p. 1169.

Talis erat sub Gelasio Acacius Constantinopolitanus, Sedi Apostolicæ Chalcedonenſia decreta exequenti obluſtatus. Hujus ut contumaciam frangeret Gelafius, de Sedis Apostolicæ potestate, hæc vera & fortia memorabat: *Quod de omni Ecclesiâ fas habeat judicandi, neque cuiquam de hujus liceat judicare judicio.* Atque alibi: *Illam de totâ Ecclesiâ judicare, ipsam ad nullius commeari judicium, nec de ejus unquam præceperunt judicio judicari.*

Quæ si ad Concilia etiam œcumenica & omnes causas indiscriminatim extendantur, falsa sunt nimium. Neque tantus Pontifex ignorabat antecessorum suorum, Cælestini Leonisque sententias in Ephesinâ & Chalcedonenſi Synodis retractatas, deque iis canonicè judicatum. Idem in posterioribus œcumenicis Conciliis factitatum acta docuerunt. Quin ipse Gelafius ejusque antecessores ac successores, ea tantum habent pro irretractabilibus, quæ universali sunt consensu constituta. Quos locos alibi relatos qui cum his conferebat, profectò comperiet, hæc irretractabilia & incommutabilia Sedis Apostolicæ judicata ex Gelasio esse ea, quæ Conciliaria decreta exequendo protulerit; quæque adeò totius Orbis consensione nitantur. Cum verò Gelafius Sedi Apostolicæ facultatem attribuit *de omni Ecclesiâ* judicandi; sive, quod idem est, *de totâ Ecclesiâ; omnem ac totam* in Synodis congregatam nequidem cogitabat; sed, & quod sæpè diximus, quòd Synodus Constantiensis, Martino V. approbante, atque exſcribente, exposuit *omnem* per partes; ut scilicet ab ejus judicio nulla pars Orbis immunem se putaret. Id vel hæc Gelafii subjuncta verba declarant: si quidem *ad illam de quâlibet Mundi parte Canones appellari voluerunt*: quod erat, *omnem* per partes, non *omnem* collectim judicare. Quod autem Gelafius subdit: *ut ab eâ nemo sit appellare permissus; ab ipsâ nunquam prorsus appellari debeat*, peculiarem quæſtionem de appellationibus tangit, de quâ mox dicturi sumus. Interim constat esse multra Sedis Apostolicæ decreta, quæ in Synodis œcumenicis retractata fuerint, neque ad eas causas pertinere Gelafii dicta, cum negat à quoquam de Sedis Apostolicæ judiciis judicatum.

Ib. in ep.
ad Episcop.
Dard. xiiij.
Ibid. &
ep. iv. ad
Faust. loc.
cit.

Neque verò quisquam existimet à se satis intelligi has Gelafii sententias; si eas accipit à causâ, propter quam dicebantur, avulsas. Nempe his Acacius petebatur, quem Chalcedonenſis Synodi contemptorem Gelafius, Apostolici officii potestate, Synodorum & Canonum executor, merito condempnabat. Quæ sanè executio decreti Synodalis, si ullâ provocatione, aut tergiversatione suspendi posset, pessum irent omnia, nec tantum Pontificia, sed etiam Conciliaris auctoritas labefactaretur.

Neque verò contendimus, omnia Sedis Apostolicæ quâcumque de re decreta, in Synodis œcumenicis retractanda; ne, in quibuscumque privatis etiam negotiis, Christianum Orbem sollicitari oporteat; sed tantum ea quibus universalis Ecclesia conturbetur.

His facile solvuntur omnia, quæ ex Nicolao I. aliisque summis Pontificibus, apud Gratianum decreta referuntur, de Sedis Apostolicæ judiciis non retractandis. Hæc qui ad vivum persecuerit, agi comperiet de quotidianis,

quæ per Provincias occurrunt, negotiis, non de iis, quæ ad Synodos œcumenicas extraordinariè perferuntur.

Summa est: his decretis caveri hæc duo: alterum, ne ordinaria consuetudine negotia, post Sedis Apostolicæ judicium, ad ulteriora judicia referantur: alterum, ne in causis etiam maximis retractentur ea, quæ in Conciliaribus statutis exequendis, hæc Sedes egerit; aut quæ universali firmâ: que consensione recepta jam fuerint.

CAPUT XXIII.

Appellationes à Papâ ad Concilium: non esse de iis in Gallicanâ declaratione quæsitum: quo sensu improbari possint. Petrus DE MARCA appellationes eas à vetere disciplinâ alienas, non satis cautè dixit: varii appellationis effectus; instaurata cognitio, prolata sententiæ suspensa executio: tutela & præsidium in Ecclesiæ Catholicæ autoritate adversus Papalem etiam sententiam, in certis quidem causis, res est antiquissima.

NUNC dicendum aliquid de appellationibus à Papâ ad Concilium; quamquam id ad causam nostram, atque ad Gallicanæ Declarationis defensionem non pertineat. Id enim Gallicani Patres tuendum susceperunt, quod in Constantiensi Concilio, Sessionibus IV. & V. continetur: Quo loco de his appellationibus nihil actum est. Id tantum constituitur: Concilium in certis & generalibus causis potestate præstare.

Atqui illa superior potestas, non necessariò se exerit per propriè dictam appellationem ad universale Concilium, sed multis aliis modis. Id nobis sufficit, certas causas esse, quibus Concilii œcumenici necessaria sit autoritas; illud semel congregatum ejusmodi esse, ut etiam Papam parere oporteat.

Cæterum, appellationes, si stricto forensique usu dicimus, ut sit perpetuum sive ordinarium tribunal erectum, ad quod provocetur, atque illud omninò sejunctum ab eo tribunali, à quo provocatur: sanè appellatio à Papâ ad generale Concilium non eo significatu constat. Primùm, ideò quòd generalis Synodus extraordinariè tantum, atque ex causâ convocetur; deinde, quòd ipsum etiam complectatur Papam, & quidem tanquam caput; denique quòd certum sit, non nisi summâ necessitate ac renuente Papâ, Concilium absque eo convocari posse; soleantque fieri appellationes eæ ad Papam simul atque Concilium. Quare strictè loquendo, Papalis sententiæ in Concilio facta retractatio, revisioni, sive instauratæ cognitioni, quam appellationi propior esse videatur.

Interim habet aliquid ex appellatione; cùm ipsâ convocatione Concilii generalis, Papalis sententiæ executio pendeat; in eoque solvi possit; nec nisi approbata robur obtineat, ut acta Ephesina & Chalcedonensia, aliaque docuerunt, Sup. lib. vij. c. x. & scq.

Sup. lib. ix. c. xxxj. Quin ipsa petitione & expectatione Concilii generalis, Auxilius à Papâ depositus, in suo ordine stare se tutum arbitratus, à nemine Catholico, quod sciam, hujus rei gratiâ reprehensus est.

Hoc eòne contigerit, quòd Papale decretum præter Canones, ac nullum haberetur, nihil nostrâ: cum id tantum velimus, certis in causis, solâ invocatione Concilii generalis, suspendi posse Papalem sententiam.

Ac si quidem contenderint, pendere ipso jure propter nullitatem, ut vocant, sententiæ, hoc nobis sufficit; eum, qui hoc jure agat, interim in Synodi, hoc est, in Ecclesiæ Catholicæ tutelâ & præsidio esse, quod nemo negaverit.

Cum ergò appellationes à Papâ ad Concilium malo intellectu celebrari possint; hoc in intellectu putamus, tot gravissimis pœnis à posterioribus Romanis Pontificibus Pio II. & Julio II. fuisse vetitas.

Marc. de
Concord.
Sacerd. &
Imp. lib. iv.
c. xvij. n. I.

Quòd autem vir illustrissimus Petrus de Marca, appellationes à Papâ ad Concilium à vetere disciplinâ alienas esse censuit; quoad aliquos appellationis effectus, concedimus; quoad omnes, ne ipse quidem dixerit.

Namque ipse profitetur generalibus Conciliis, post Papæ sententiam, Imperatoriâ autoritate convocatis, quæsitum in eis extraordinarium remedium: quo vel uno constat in Ecclesiâ Catholicâ adversus Papale judicium tutelam aliquam fuisse. An ergò sublata est ea, posteaquàm Imperator Concilia convocare desit? An adversus Papalem potestatem, nullum jam præsidium, mutataque Ecclesiæ constitutio est, ranquàm ab Imperatoriâ potestate penderet? Absit. Id ergò volumus; cum Christus ita constituerit Ecclesiam, ut summis in rebus summa & indeclinabilis autoritas penes ipsam totam sit; aliquid in ipso jure præsidii esse debere; quò nemini fraudi sit; ceteris quidem in rebus, Ecclesiæ Catholicæ expectare sententiam. Eam verò tutelam, illud præsidium Majores nostri in appellatione posuerunt. Novum sit forasè vocabulum; ipsa res antiquissima, & cum ipsius Ecclesiæ constitutione conjuncta est.

CAPUT XXIV.

Sanctus GELASIUS non eo sensu appellationes à Papâ vetuit, quod sunt postea in Ecclesiâ frequentatæ.

APPELLATIONES eo sensu explicatas, nec ipse Gelasius vetuerit; qui ubique confiretur, vim ipsam irretactabilem cum universali consensione esse conjunctam.

Vid. Gal. ep. iv.
& xij. loc.
cit. c. xxij.

Ac reverà diligentius rem inspicienti patebit, dicta Gelasii nihil ad appellationes eas pertinere quas diximus.

Nempè ille commemorat multiplicis generis Apostolicum judicium: alterum provisorium, quale erat à Leone latum in Flaviani causâ: alterum decretorium; idque rursus duplicis generis: alterum in absolvendo, quale in Athanasii causâ dictum erat à Julio Papâ: alterum in condemnando, quale est adversus Acacium.

His causis negat Gelasius appellari posse. Rectè : primùm enim à provisorio judicio appellari non solet. Ecce enim Flavianum in Ephesino latrocínio à Dioscoro condemnatum atque appellantem, Leo decernit in communione permanere interim, quoad Synodus universalis causam cognoverit. Sup. lib. viij. c. iv.
Id jure suo poterat, neque erat appellationi locus.

Idem dixerim in decretorio judicio, quo Athanasius, sive quis alius, ab inferiore judice damnatus, absolvitur. Appellatio enim in rei auxilium comparata, reo absoluto, vacat. Neque appellatio, quàm à minimâ vocant, nostris jam moribus introducta, publici actoris nomine, in Ecclesiasticis judiciis unquam invenitur.

Jam in eo judicio, quo ab Apostolicâ Sede damnatur Acacius, frustrâ ille Synodum œcumenicam invocasset. Quippe Romanus Pontifex nihil hîc aliud fecerat, quàm ut Synodi Chalcedonensis exequeretur sententiam. Id cum assiduè inculcet Gelasius, meritò profectò negat appellari posse ab iis judiciis, quibus Romanus Pontifex communis decreti suscipit executionem.

Hæc ego sat scio placitura iis, qui & antè dicta perpenderit, & cum Gelasianis, ista contulerint. Neque verò illa verba; *nusquam; nunquam;* & si qua sunt alia, unquam efficient, ut à proposito argumento Gelasii dicta penitus avellantur, traducanturque ad eos casus, quos neque oratione complecti, neque animo providere Gelasius potuerit. Insolita enim & extraordinaria remediis egent extraordinariis. Jam ergò videamus circa ejusmodi appellationes, quid in anteriorum sæculorum gestis habeamus.

CAPUT XXV.

Ante schismatis magni tempus appellationes à Papâ ad Concilium, exactæ pecuniæ gratiâ, frequentatæ ab ANGLIS: adversus BONIFACIUM VIII. à GALLIS: adversus JOANNEM XXII. à FRANCISCANIS, nullo Pontificio decreto condemnatæ.

QUI appellationes à Papâ ad Concilium oppugnant, id asseverant passim, eas fuisse ignotas ante illud luctuosum schisma sub Urbano VI. & successoribus, quod est falsissimum. Anno enim 1246. Ecclesia Anglicana maximè Catholica, Sedique Apostolicæ addictissima, grandi pecuniâ imperatâ, adversus Innocentium IV. ad Concilii Lugdunensis tutelam se contulit. Post ipsum Concilium, gravata iterùm, multâ supplicatione recurrit ad Papam. Quo nihil curante, ad Legatos suos hæc scribit: *Cum igitur huic exactioni contradicat Ecclesia Anglicana, per procuratores, ut hanc contradictionem communem Domino Papæ insinuare velitis pro statu Ecclesiæ Anglicanæ, præsentiam Domini nostri JESU CHRISTI appellantes, & Concilii universalis aliquo tempore per Dei gratiam convocandi.* Testis Matthæus Parisiensis in Henrico III. ad an. 1246.

Matt. Paris. Hist. Angl. in Henr. III. an. 1246. p. 691. edit. Lond. 1540. vid. Epist. Angl. in Conc. Lugd. 1. Tom. xj. Conc. pag. 663. & seq. Matt. Paris. ib. p. 717.

* Monachus. Matthæus Vestmonasterienſis * ad eundem annum refert, quòd Papa graviter ſuccenſuerit Anglis, eò quòd auſi erant de oppreſſionibus & injuriis conqueri in Concilio, Lugdunenſi ſcilicet.

* Giffordus. At ad annum 1264. ſub Urbano IV. & Henrico III. idem refert hiſtoricus, à Cardinale * Salinenſi Legato Apoſtolico, excommunicatos Barones Anglos, urbeſque interdiktas: *At illi, inquit, ſententiam ipſam contra juſtitiam illatam attendentes, appellârunt ad Papam, ad meliora tempora; vel ad generale Concilium, necnon & ſupremum judicem, certis de cauſis & rationibus commendabilibus: qua poſtea appellatio, in Angliâ congregato apud Radingam Concilio, recitata eſt, & ab Epiſcopis approbata & executâ.* En appellatio ad Papam & ad Concilium generale, ut ſi Papa deſuiſſet, Concilii tutela ſupereſſet, idque habito Concilio ab Epiſcopis approbatum & executioni datum.

* Deinde Papâ; is nempè fuit Clemens IV. Anno 1267. cùm Angli à Legato * ejuſdem Urbani multis exactionibus gravarentur, *appellant ad Sedem Apoſtolicam, & etiam ad generale Concilium, vel, ſi neceſſe foret, ad ſummum judicem.* Hoc refert Matthæus Pariſienſis, ad eundem annum.

Matt. Par. De Bonifacii VIII. ac Philippi IV. Pulchri rebus, per aliam occaſionem multa jam diximus. Quæ ad hanc quæſtionem ſpectent hæc ſunt.

Sup. lib. Bonifacium recordemur adverſus ſupremam Regis autoritatem ea molitum, quæ univerſi Regni Ordines improbârunt Cùm illa contentio ad extremum deveniſſet, ac Bonifacius, non ipſe quidem, excommunicaret Regem, ſed ramen declararet variis modis in excommunicationem *lata ſententia* inciſiſſe; (1) Rex totius Regni cœtum habuit; quo in cœtu prodierunt qui Bonifacium hæreſis, impietatis, multorum aliorum criminum accuſarent; & Concilium generale, quod de his cognoceret, omni ope procurari peterent. Neque verò contendebant hæreſim eſſe notoriam; ſed tantùm ea quæ objicerent, ſe ſacro Concilio probaturos. Interim ſe, qui talia ſuſcepiſſent, in Concilii tutelâ adverſus Bonifacium eſſe voluerunt; à futuris gravaminibus ad illud provocârunt. Huic provocationi Rex & univerſi Ordines aſſenſerunt: Prælati magno numero, ad quos alii poſtea acceſſerunt, pollicentur ſe Regem ac Regiam familiam, Regnique libertates & jura, contra quemcumque, etiam contra Bonifacium deſenſuros, ſalvâ Sedis Apoſtolicæ reverentiâ: neque ullis adverſus hæc ejus ſententiis decretivæ adhæſuros. His conſenſit Univerſitas Pariſienſis, omnes Regni Ordines, Capitula, religioſi Conventus, atque adverſus omnia, quæ Bonifacius moliretur, Concilii œcumenici proteſtatione ſe muniunt.

Vid. hiſt. de Bonif. viij. p. 101. & ſeq.

His liquet, non tantùm hæreſis, ſed multorum etiam aliorum criminum cauſâ, Concilium œcumenicum poſtulatam, atque ad id appellatam, etiam ad Regni tuenda jura: non quòd jura Regia in Synodi poteſtate po-

(1) Inciſiſſe.] Canoniſtæ docent duplicem eſſe de jure excommunicationem, alteram comminatoriam tantùm, quam vocant *ferendæ ſententiæ*, alteram autem *lata ſententiæ*, de quâ ſic dicit EVEILLON: *Elle a telle force, qu'au même instant que quelqu'un transgreſſe l'ordonnance, il encourt l'excommunication... ſans qu'il ſoit beſoin d'y apporter aucune forme, ni prononcer ſentence contre lui.* trait. des excom. cap. XII. p. 117.

nerent ; sed quòd ea defensores , adversus Bonifacii minas , Concilii generalis præsidium tueretur.

Addebant & de sanctorum locorum ab infidelibus occupatorum restitutione ; atque ut omnium animis satisfacerent , omnes , quas poterant , Concilii congregandi causas congerebant. Hæc acta sunt anno fere 1303.

Bonifacius eodem anno , edito diplomate , firmat Regem in excommunicationem incidisse : blasphemiam imputat imputata sibi crimina : *Concilium sine se non posse convocari* dicit , seque processurum , *non obstante hujus frivolæ appellationis obtentu , quæ ad majorem , vel parem , sive mortalem aliquem non potuit interponi*. De appellatione ad Concilium nihil dicit gravius ; atque etiam id quod dicit , autoritate est vacuum , cum ea Bulla inter eas sit , quas Clementis V. jussu erasas vidimus.

Ib. p. 160.

Sup. lib.
iij. c. xxv.

Idem Bonifacius Regem ultimam sententiam proscripturus , quæ tamen prolata non est , propter Pontificis interitum , multas causas excommunicationis obtendit , nihil de appellatione ad futurum Concilium.

Ejus quoque successores Benedictus XI. & Clemens V. hujus provocationis gratia , nihil Regi aut Regni Ordinibus , ipsique adeo Prælati ac Religiosis succensuerunt.

Joannem XXII. adversus appellantes ad œcumenicum Concilium , à definitione fidei , quam ipse protulerat , nihil decrevisse , suo loco vidimus.

Sup. lib.
ix. c. xiv.

Hæc quidem Constantiense Concilium præcesserunt ; ne quis existimet , ab ejus decretis ortum habuisse , sed à prisca omnino Traditione manasse , quòd Concilium Papæ præstare est creditum.

CAPUT XXVI.

Appellationes à Papâ Concilium primus omnium condemnavit PETRUS DE LUNA in schismate obduratus : ejus eâ de re decretum in Concilio Constantiensi revocatum.

OMNIBUS igitur conticescentibus , primus omnium mortalium , qui appellationes à Papâ , expressam sententiam condemnavit , Benedictus fuit ille XIII. seu Petrus de Luna in schismate obstinatus & induratus.

Is cum ab eo fuisset provocatum , Bullam edidit ; *crescit faciliter*. Hæc non licere declarat à Romano Pontifice *appellare , sive etiam provocare* ; ejusmodi appellationem manifestè esse contra *plenitudinem potestatis , ac sacrorum canonum instituta ; nec carere suspitione schismatis* ; sed adversus eam Bullam iterum provocatum.

Hist. Univ. Paris.
T. iv. pag. 810.

Post annos aliquot aliam protulit ; *in dierum successu* , anno 1407. quæ adversus eos , qui à se & Romanis Pontificibus appellare præsumpserint , aut à suâ , eorumque obedientiam receperint ; excommunicationis sententiam pro-

Spicil. T.
vj. p. 182.
& seq.

mulgavit. In epistolâ verò ad Carolum VI. data, cui Bullam interferit, hæc queritur: *Quod nonnulli Catholica veritatis amuli, qui contra nos & Ecclesiam Romanam rebellionis calcaneum crigere præsumperant, à nobis, quod est contra canonicas sanctiones, appellationes interponere non verentes, &c.*

Quas in eo schismate ex utrâque parte appellationes ediderint ad Concilium, suo loco vidimus, neque hic repetimus.

Tacendum illud non est, Bullam; in *dierum successu* à Concilio Constantiensi, Sessionibus XXX. & XXXVI. jam tribus obedientiis congregatis, revocaram fuisse: ut nullum stet adhuc decretum Pontificium, ac ne quidem in schismate editum, quo ex appellationes condemnentur.

CAPUT XXVII.

MARTINI V. *Bulla de non appellando à Papâ ad Concilium, quàm perperam objecta.*

AIUNT à Martino V. stante Concilio Constantiensi editam eâ de re Bullam, quam Joannes Gerson retulerit. Id vehementissimè Emmanuel Schelstratus urget. Quidam Galli scriptores, atque ipse etiam Petrus de Marca confitentur, haud profectò id facturi, si rem diligentius considerassent.

Ac primum certum est, hujus Bullæ nullam unquam à quoquam, sive Pontifice, sive privato scriptore, Historico, Theologo, Canonistâ, aut Bullarum collectore haberi mentionem; præterquam à Gersone in duobus locis; quos proinde locos, ut sunt apud Gersonem integros commemorare nos oportet. Et is quidem libellum, quomodo, & an liceat in causâ fidei à Papâ appellare, sic incipit: *Queritur utrùm hac assertio sit Catholica: nulli fas est à supremo iudice, videlicet Apostolicâ Sede, seu Romano Pontifice, JESU CHRISTI Vicario in terris, appellare, aut ejus judicium in causis fidei (quæ tanquam majores ad ipsum, & Sedem Apostolicam deferendæ sunt) declinare.* Tum subdit: *Arguitur quòd sic, autoritate sanctissimi Domini Martini Papæ V. in suâ Constitutione, ad perpetuam rei memoriam, factâ & promulgatâ in Consistorio generali celebrato Constantiæ V. Idus Martii, Pontificatus sui anno I. (hoc est, 10. Martii 1418.) ubi reperitur hac assertio, sicut dicitur.*

His in Gersonis verbis primum illud occurrit: non ipsum id per se dixisse Gersonem, sed tanquam ab aliquo objectum memorare. Quo loco id observatu dignum, quod est à Gersone positum: *Ubi reperitur hac assertio; sicut dicitur*; quæ quidem ostendunt Bullam non fuisse publici juris, & ubique vulgatam, de cujus verbis nec Gersoni constitisset.

Cujus autem autoritatis ea Bulla visa sit, quæ postea secuta sunt Concilii Constantiensis acta indicabunt, cum in Sessione XLV. & ultimâ ejus Concilii, die 22. Aprilis * altero mensè, postquam ea Bulla in publico consistorio lecta & promulgata dicitur, Poloni Regis Legati, jam dimissis Patribus, à Martino V. ad futurum Concilium œcumenicum appellârint.

Nempe

* 1418.
Conc.
Const. Sess.
XLV. T. xij.
p. 258.

Nempe illi à Papâ supplicabant, Joannis Falkenbergii librum, *crudelissimos errores atque hæreses* continentem, jamque in secretis Congregationibus condemnatum, in Sessione publicâ condemnari: à quo denegante; provocabant ad Concilium. An, rogo, id facturi, si earum appellationum ulla legitima aut probata condemnatio præcessisset? Annon ipse Martinus V. inclamâisset impudenter agere Polonos contra interdictum? Non id autem factum est; sed Martinus dixit respondendo ad prædicta; *se quidem probare quæ per Concilium conciliariter facta essent, non alia*, quæ scilicet in secretis conventibus. Hoc tantum: ac de appellatione nihil quidquam. Non ergò verum est, eam ullo legitimo decreto, mense antecedente, fuisse prohibitam.

Et Joannes quidem Gerson in Dialogo apologetico de supplicatione Polonorum copiose agit, memoratque ab illis oblatam schedulam de libello Joannis Falkenbergii; neque illis satisfactum esse, remque in deteriora lapsam: *Usque adeo*, inquit, *quod pro parte Dominorum Polonorum, interjecta est tandem appellatio ad futurum Concilium.* Cui appellationi cum respondendum esset, *lecta est, ut dicitur, in consistorio generali & publico, quod ultimò Constantiæ celebratum est, minuta quadam sub formâ Bullæ, destruens, ut asserunt qui legerunt eam, fundamentale penitus robur, nedum Pisani, sed Constantiensis Concilii continebat itaque IN NULO CASU LICERE APPELLATIONEM A PAPA FACERE, NEC EIUS IUDICIUM IN CAUSIS FIDEI DECLINARE; planè contra legem Dei decretaque Concilii.*

En post eam Bullam de non appellando à Papâ ad Concilium, quæ 10. Martii 1418. edita dicitur, iterum occasione interjecta à Polonis appellationis ad futurum Concilium, ejusdem Bullæ minuta lecta dicitur. At siquidem 10. Martii transacta res erat; quid necesse fuit, post eam appellationem, actum agere; ac Bullæ minutam iterum legere? An quod ita oportebat refelli Polonos? Quidni ergò Martinus V. in ipsâ Concilii publicâ Sessione, cum Poloni appellarent, eâ Bullâ objectâ eos comprimerebat? An quia intelligebat sacram Synodum non id laturam fuisse? Infelicem Bullam, quæ Concilii œcumenici lucem autoritatemque non sustinet? Cur autem Joannes Gerson iterum de eâ Bullâ loquitur, ut de eâ, quæ nec à se visa sit? *Lectâ*, inquit, *dicitur; & ut asserunt qui legerunt eam.* Ergone dicemus publicam, de quâ ipse dubitat, aut omninò divulgatam, quæ non ab omnibus videretur? Quid verò minutam Bullæ memorat? Certè 10. Martii editam, ac post sex hebdomadas adversus Polonos innovatam, jam grossatam, ut aiunt, oportebat, suisque vestitam formulis, dimissam per Ecclesias ubique servandam. Atque illud absurdum est, omnibusque sæculis inauditum, ejus momenti Bullam, stante Concilio generali, atque ei præsidente Papâ, in ipso Concilio non fuisse prolatam. Cur enim Martinus V. tantâ de re Synodi præsentis sententiam ne requisivit quidem? Ac multas quidem Bullas minoris momenti Sessione XLIII. lectas, nonnisi *approbante Concilio* edidit; hanc verò cur solus, atque adhibito tantum consistorio, seu Cardinalium cœru? An quia intelligebat repugnaturus Concilii Patres? Bullam ergò repugnante Concilio œcumenico editam, valere credemus? At si Concilii autoritatem Martinus metuebat; ne saltem vereretur publicam

Gers. Dial.
apol. T. ij.

lucem, ne *minutam* semel atque iterum lectam, nec intellectam premeret. Adeone ejus Bullæ pudebat, ut eam nec ipse Gerson, à quo solo memorata est, unquam viderit? Itaque nullibi legitur; nullibi visitur; nulli collectioni Bullarum inferitur: non eam Pius II. in Bullâ, *execrabilis*; non Julius II. in Bullâ, *suspecti regiminis*, quibus appellationes à Papâ ad Concilium tantis pœnis prohibent, vel leviter memorant. Et quidem Julius II. Pii II. Bullam firmat: de Martino ambo tacent; cùm id stante Concilio Constantiensi gestum vel maximè commemorari è re esset. Quare apparet rem à Martino tentatam potiùs quam confectam fuisse. Quod si in Conistorio Bulla vero animo à Pontifice proposita & prolata est, profectò rejectam, improbatam, explosam oportuit; cujus & autorem puduit, & apud posteros nulla memoria est.

Sed age; Bullam tanto studio Ecclesiæ toti posterisque occultatam placet inspicere propiùs, & quid incommodi alat intelligere. Et quidem certum est, ex eâ superesse nihil, præter ea verba, quæ nunquam sibi lecta Gerson, à nescio quo audisse se memorat. His autem, utcumque se habent; duo vetari videntur: alterum generatim, *ut nulli liceat*; sive, *ut in nullo casu liceat à Romano Pontifice appellare*: alterum, *ne liceat in causis fidei, illius declinare judicium*. Quæ duo quam diversa sint, vocum discrimina satis indicant.

Primum est generaliter dictum, admittitque eos sensus quos reliqui ejusmodi canones; nempe ne passim, ne in ordinariis & quotidianis casibus appelletur.

Alterum, quòd in causis fidei Romani Pontificis judicium *declinare non liceat*: quamquam ambiguum videri potest, strictè tamen loquendo, verum est. Aliud enim est, declinare judicium, tanquàm judex non sit legitimus & competens; aliud ab eo appellare, quia non sit usquequaque supremus.

Jam ex Gersone constat, Martini V. famam graviter laborasse, quòd ab eo talia promulgata jactarentur. Quin ipse Gerson, ne Martinum ea conatum reprehendisse videatur, pro suâ modestiâ, atque in Romanum Pontificem reverentiâ factum excusat, ut potest, & quâ demum ratione, verba Martini ab ejus benevolis ad commodum sensum leniter inflectantur ostendit. Denique viam docet, quâ Pontifex hujus rei declinet invidiam, ac factis dicta compenset. Adeo hæc non modò nulla & irrita, sed etiam Pontifici noxia videbantur.

His ergò omnibus constat; primùm, appellationem à Papâ ad futurum Concilium, ipso Concilio desinente quidem, sed tamen adhuc præsentem, factam, non fuisse improbatam; sed in acta relatum, nullâ omninò notâ: tum Martinum V. eas appellationes bis condemnare visum, sacræ Synodi, imò totius Ecclesiæ refugisse lucem, atque Synodi talia repellentis pravaluisse sententiam; denique, ut vel maximè fuerit diploma Bullatum, vulgatum, ritu solenni promulgatum, omninò concidisse, eorumque loco esse, quorum in Ecclesiâ nulla vis, nulla mentio est.

Vid. Gers.
Tract. Quo-
modo & an.
& c. circa
fin. T. ij. p.
308.

CAPUT XXVIII.

Bulla Execrabilis, PII II. in conventu Mantuano : quâ occasione lata : nostri intellexerunt de privatis tantùm negotiis, fundamento ex Bullæ verbis petito : nec recepta est in Galliâ, & ab eâ quoque appellatum : appellationes postea frequentatæ.

ANNO 1459. post conventum Mantuanum Pius II. edidit Bullam, *Execrabilis* & *inauditus*. Hâc damnat eos qui à Romano Pontifice appellare præsumant : qui fecerit, sententiam excommunicationis incurrat, aliasque pœnas, quæ in reos majestatis *, & hæreticæ pravitatis fautores decernuntur.

Hujus sententiæ has potissimum exponit causas : Quia ridiculum appellare ad id quod nusquam est, neque scitur quod futurum sit : quod eo obtentu, pauperes à potentioribus opprimantur multipliciter ; remanent impunita scelera, nutriuntur aversus primam Sedem rebellio, libertas delinquendi conceditur, & omnis Ecclesiastica disciplina & Hierarchicus ordo confunditur. Quæ docere videntur animum Pontificis fuisse, has appellationes prohibere in ordinatis tantùm casibus ac peculiaribus negotiis.

Et reverà constat eam bullam conditam occasione appellationis Sigismundi Ducis Austriae, à Monitorio Calixti, III. (m) in quâdam controversiâ cum Nicolao de Cusa Cardinali Episcopo Brixinensi *, rerum temporalium causâ.

Itaque anno sequente 1460. in appellatione eâ quam, adversus Pii II. orationem in conventu Mantuano (n) habitam, vir clarissimus Joannes Dauvet, Procurator generalis, edidit, hoc etiam interposuit de Bullâ *EXECRABILIS* : Neque est astinendum sanctissimum Dominum nostrum, per literas, quas Mantuæ publicasse fertur, quæ incipiunt *EXECRABILIS ET INAUDITUS* ; voluisse prohibere ut in nullo casu, sive tangat conservationem orthodoxæ fidei, sive extirpationem schismatis, sive universalem reformationem Ecclesiæ in capite & in membris, super gravaminibus, quæ per aliquem summorum Pontificum inferri contingeret, Principibus & regionibus liceat quovis modo habere recursum ad judicium

(m) Ducis Austriae à Monitorio Calixti, III.] Appellationem reperire non potuimus apud Goldastum & alios horum monumentorum collectores. Hoc tantùm ex Goldasto discimus : anno integro exacto post editam Bullam *execrabilis*, excommunicatum fuisse à Pio II. Austriæ Ducem, eò quod sæpe licet monitus, Cardinalem DE CUSA insectari non desisteret : Sigismundum autem ab eâ excommunicatione appellationem emisisse, atque eâ occasione Bullam a Papâ in Germaniam missam & imprimis Norimbergam, ubi appellationis instrumentum factum fuerat. Itaque appellatio Sigismundi videtur fuisse Bullæ denuò publicandæ causâ, non verò edendæ. Vid. Gold. & appell. & contrad. Greg. de Heimbouurg Francof. 1607.

(n) Orationem in Conventu Mantuano] Pius II. habuit indignam proflus viro tantæ dignitatis. In eâ loquax magis quàm facundus, passim allegat Poetas profanos, item profanas & apocryphas historias, quibus Pragmaticam-sanctionem nititur convellere. Hanc vide orationem. Tom. XI. Conc. p. 1773. & seq.

Bull. *Execrabilis*. vid. in convent. Mant. Tom. xiiij. Conc. pag. 1801. 1802. * Divina. Act. appell. Si gism. Duc. Aust. Monarc. Imp. Goldast. T. ij. p. 1576. * Brixino seu Brixinum, aut Brixinia Urbis est Germaniæ in Comitatu Tirolis. Preuv. des Libert. de l'Egl. Gall. ed. 1731. Tom. j. c. xiiij. n. 10. part. ij. pag. 43.

plenarii Concilii; cum sub generali prohibitione non veniant ea qua speciali expresse indigerent: & præsertim talia ex quibus læsio fidei orthodoxa, & schismatum fomenta, atque gravissima decoloratio status Ecclesiæ universæ sequi possent. Sic publicis Ecclesiasticis causis accensebant magnorum imperiorum salutem ac pacem: cum ea imperia pars maxima Ecclesiæ, eique ornamento & præsidio essent.

Cum autem ipse dicat, Bullam *Execrabilis*, in conventu Mantuano, ut fertur, publicatam; ostendit eam ad nos non fuisse perlatam, neque promulgatam consueti & canonico more; ac nedum recepta sit, palam ei reclamatum fuisse, eo quidem sensu, quo appellationes in gravissimis illis, quas diximus, causis prohiberet.

Cæterum quod Pius II. ridiculum dicebat, appellare ad id quod non sit; & quod exiturum sit ignorabatur; respondebant, Concilium ex Constantiensi decreto debuisse celebrari, & quominus haberetur, elapso decennio; jam per Papam stare: tum vero Ecclesiam Catholicam semper esse præsentem; neque cuiquam fraudi esse, quod non congregata esset, cum appellatio dirigatur ad Papam qui eam congregare tenetur.

Ib. n. 11. & seq. p. 44. & seq. Post eam ergo Bullam, ejusdem Pii II. tempore, multæ appellationes sunt editæ à nostris ab ipso ad Concilium, quod Pragmaticæ-sanctionis condemnationem moliri videretur.

Ib. n. 16. 17. p. 50. & seq. Has & alias ejusmodi multas per ea ferè tempora in Galliâ frequentatas omittimus; quod in probationibus libertatum Ecclesiæ Gallicanæ integræ referantur.

Ib. Tom. ij. c. xxij. n. 19. p. 44. & seq. Annotamus tantum appellationem editam ad generale Concilium ab Universitate anno 1491. adversus Innocentii VIII. gravem decimam imponentis, Bullam.

Ib. T. I. p. 40. Sup. lib. vj. c. xxij. Similem appellationem ab inclitâ ac venerabili Ecclesiâ Parisiensi prolatam eodem anno (o) eâdemque de causâ legimus, ex quâ etiam multa suprâ retulimus.

(o) *Appellationem ab.... Ecclesiâ Parisiensi prolatam eodem anno* 1491. Non vidimus inter acta quæ tomis de *Libertatibus*, &c. continentur. Fortè Ecclesiâ Parisiensis eo anno adhaeserit appellationi sacræ Facultatis; nam *appellatio ab eâ Ecclesiâ prolata* an. 1501. sub Alexandro VI. inscribitur *secunda appellatio*.



CAPUT XXIX.

Bulla Suspecti regiminis JULII II. in eâ clausula extra omnem ordinem : non publicata apud nos , nedum recepta : appellationes postea frequentata , non tantum à nostris sed etiam ab aliis.

ANNO 1509. Julius II. Bullam edidit *Suspecti regiminis*, quâ Bullam *Execrabilis*, Pii II. renovat, ac firmat; Leonardum Lauredanum Ducem, generale Concilium & Commune Venetiarum excommunicat, quod jam excommunicati, quia urbes Pontificiæ ditionis retinerent, *ad damnatum & prohibitum* appellationis remedium confugissent; alios eâdem appellatione ufos simili pœnâ plectit; Constitutionem suam adversus omnes valituram & decernit, cum *suppleione solennitatis cujuslibet, etiam publicationis omissa*. Quæ quò magis decernuntur extra ordinem, ac supra omnem legem & canonem, eò minoris esse putantur à nostris. Certè, ut Galli clariùs designentur, nominatim *Parlamenta* commemorat; quod, quia apud nos nec publicatum, nedum receptum fuit, nostri, more consueto in gravibus causis, ac præsertim in Concordatorum causâ, ad Concilii generalis tutelam provocarunt, in eâque sententiâ innoxii & illæsi diutissime perstiterunt.

Neque Galli tantum eas appellationes emittere, sed alii quoque in libris probationum Ecclesiæ Gallicanæ libertatum memorati: quæ tantum indicamus: cujuscmodi sint lectori expendenda relinquimus.

Bull. Rom. T. 1. Bull. xxij. Jul. ii. p. 511. vid. Rain. an. 1509. n. 6. & 13. & Spond. cod. an. n. 1. Preuv. des libert. &c. T. 1. part. ij. c. xij. not. p. 59. 60.

CAPUT XXX.

Bullæ PII II. & JULII II. occasione litium ac dissidiorum temporalium editæ : qui appellationes respuunt, quàm incommoda remedia adhibeant: Andreæ DUVALLII locus.

NEQUE enim Orbis Christianus adeò movebatur datis à Julio II. in Venetos, flagrante bello, sententiis. Bellum gerebatur inter Julium ut Principem & Venetos. Jam si editis Bullis, ac sub anathemate Julius Pontifex jure repetit civitates eas, quæ de Principe Julio bello captae sunt, nulloque adversus ea decreta præsidium est: nempe id superest, ut & Veneri & quicumque Principes, quâcumque necessitate talia bella gesserint, deductionem faciant.

Neque verò res ab eo statu multum abhorrebant, cum Pius II. diploma suum edidit. Nempe Sigismundus cum Cardinale Cusano de temporalibus maximè litigabat, atque arma moverat, Cardinalemque ceperat, cujus rei gratiâ à Pio citabatur Romam cum suis consiliariis, atque omnibus civibus, infinito licet numero, uti de articulo; *Credo in Ecclesiam Catholicam*: ejusque consecratis responderent; quem sanè articulum ideò negare vide-

Vid. Goldast. T. ij. p. 1579. 1580.

rentur, quòd Pontificis decretis, de re etiam temporali, dicto audientes non essent. Sic à temporali lite ad hæresis-questionem controversia deducitur, ut miseri nec mutire auderent. Quas adversus ambages, atque circuitus, aliquod petere refugium omnes optabant.

Neque verò id quero, jurene, an injuriâ Sigismundus egerit. Hoc tantùm indico, grave ac magnis quoque Principibus, nedum privatis metuendum, ita procedi; miscerique hæresim, subortis maximè temporali causâ litigationibus. Nec mirum si Christiani Principes, Nationes, Cœtus, quod negari non potest, à Romanis Pontificibus aliquando vexati, everfis antiquis juribus, imperatâ ingente pecuniâ, intentatis, sive etiam allatis armis, in Ecclesia Catholicâ supremâ atque indeclinabili autoritate, aliquid sibi præsidii relictum voluerint. Certè appellationes eas, ut ante Concilium Constantiense celebratas, ita nec post Pii ac Julii decreta desuisse, multis exemplis ostensum est.

Bull. Leó.
x. cont.
Lut. T. xiv.
Conc. pag.
396. Unum superest quod objiciant; nempe à Leone X. Bulla; *Exurge Domine*, Luthero vitio datum, *Quòd citatus à Papâ in vocem temeraria appellationis prorupit ad futurum Concilium, contra Constitutionem Pii II. ac Julii II. taliter appellantes hæreticorum pœnâ plectentes*. XVII. Kal. Julii, anno 1520. Bullam autem toto Orbe Christiano receptam esse constat.

Facile respondemus receptam quoad ea, quæ ad Lutherum condemnatum pertinerent. Cæterùm verba prolata recitative, ut aiunt, non decretivè posita, nullam vim addunt Pii II. ac Julii II. Constitutionibus; atque adeò ut post eas, ita post hanc Leonis X. Bullam frequentatas appellationes, etiam à Germanis, atque ab ipso Imperatore, relata superiùs exempla demonstrant.

Cæterùm Lutheri appellatio verè temeraria & cavillatoria fuit, quòd à citatione appellans, in negotio fidèi Sèdis Apostolicæ judicium detrectarit,

Neque eam tantùm causam Leo commemorat, cur Lutherus meritò condemnatur; subdit enim: *Frustrâ etiam Concilii auxilium imploravit, qui illi non se credere palam profitetur*. Quare impuro Sycophantæ, omnia per summam & apertam insaniam molienti, æquum erat nullum patere suffugium; non proinde debitum intercludi præsidium iis, qui verè gravati essent.

Nunc qui id genus præsidii renuunt, alias vias docent haud leviter incommodas, nempe *nullitatis*, ut aiunt, quàm iniquis sententiis objiciant. At Galli non solent illam probare jurisprudentiam, quâ objectâ nullitate, sententia contemnatur. De causis nullitatis coram judice agi volunt, ne sibi quisque judicet; modestius putant, si fortè à Pontifice vexatos se sentiunt; Concilium habere judicem; quam nullo judice agere ut libet.

Andreas Duvallius, cùm appellationem omnem à Papâ illicitam judiceret, idque sive sit infra, sive supra Concilium, permittit tamen Principibus ac Rebuspublicis, ad graves injurias depellendas, primum, *non obedire mandatis Pontificis; imò si aliter sibi succurrere non possint, strenuè prudenterque resistere*. An ergò læsos Principes strenuè rem gerere, quàm Conciliare judicium expectare malint, ipsi dijudicent? Nos in his, ut diximus, nostræ quæstionis summam non ponimus: ut quæ ad variabilem fortè disciplinam aliquâ ex

Duv. de
Rom. Pont.
&c. part. iv.
quæst. ult.
p. 626. ed.
1684.

patte pertineant. Certè Ecclesiæ Catholicæ, ejusque œcumenici Concilii in rebus generalibus, maximè verò in fidei quæstionibus, gravi contentione oratâ, supremam & ineluctabilem potestatem, ex omnium sæculorum Traditione asserimus; & inter res judicatas post Constantiensia & Basileensia probatissima decreta referimus.

CAPUT XXXI.

Varia de Conciliis generalibus novissimi Autoris Anonymi vitiligationes: quæstionem ab eo pessimè constitutam: an Concilia inter res incertas numeranda? Quæstiones generales à particularibus, ad Constantiensis Synodi mentem, jam inde ab initio distinctæ.

QUI unius Papæ voluntati sine more modoque permittunt omnia, eo peccare solent; primùm, quòd argumentationibus malunt agere, quàm Traditionibus; tùm eò vel maximè, quòd à quæstionis statu procul absint; v. vj. quæque plana per se & expedita sunt, miris involvant modis.

Et quidem in quæstione malè constituendâ autorem anonymum, qui diligentissimus videri voluit, ubique multa peccasse jam vidimus. Illud impri- mis quòd nos ita refellit, quasi infallibilitatem soli Concilio œcumenico tribuamus, cum sine Concilio œcumenico, Catholicæ Ecclesiæ valere consensum, Gallicana Declaratio diligentissimè expresse- rit.

Jam de Concilii superiore potestate, ad II: caput Gallicanæ Declarationis idem autor hæc scribit: *Satis, inquit, patet in Declaratione Cleri Gallicani, accipi hinc summum Pontificem sine Concilio, illinc Concilium sine summo Pontifice cum Declaratio decretis Concilii Constantiensis nitatur, quæ aliam sententiam non admittunt; quæ omnia falsissima sunt.*

Primum enim falsum est, à Clero Gallicano ea tantùm spectata esse Concilia, quæ sine Papa celebrentur: nec minùs falsum est, quòd decreta Constantiensis Concilii non aliam admittant sententiam, quàm eam scilicet de Conciliis sine Papâ congregatis: primùm quia Concilium Constantiense declarat, Papam subesse, non modò Constantiensi Concilio, sed etiam cui- cumque generali Concilio legitimè congregato; non autem supponit omnia futura Concilia sine Papâ congreganda esse; non ergò loquimur de Conciliis sine Papâ congregatis; tum quia nec ipsum Constantiense Concilium sine Papâ congregatum erat; quippe convocatum à Joanne XXIII. qui verus Pontifex meritò haberetur; neque is Concilium dissolverat; imò se Concilio adhærere fatebatur, cum illud Constantiense decretum est conditum, ut suo loco vidimus. Postremò Constantiense Concilium, in reformationis quoque causâ, Papam subesse Concilio decernit, cùm reformationis negotium, non nisi electo summo Pontifice tractaturum esset.

Quare quòd idem Anonymus ubique testatur, cùm ipse Papam Synodo anteposit, agi de Concilio, à quo summus Pontifex ejusque Legati absint; nihil aliud testari visus, quam statum quæstionis à se ignoratum, eosque

Vid. sup. pass. lib. iv.

Anon. de lib. vii. c. ix. n. 12.

Id. ibid. lib. v. c. 1. n. 6.

Vid. diss. præv. num. LXXXIV.

Conc. Const. sess. v. p. 22.

Sup. lib. v. c. xij. xxj.

Anon. lib.

v. c. x. n. 4. c. xj. n. 3. cap. xij. tit. & pass.

quos congerit Scripturæ ac Patrum locos, planè esse extra rem, idque ab eo actum, ut fucum faceret imperitis.

Id. ib. c. v. n. 13. Sanè & illud constitit, non asseri à Gallis Synodos sine Papâ congregatas, nisi iis in casibus, quibus eas & autor Anonymus, & alii passim Theologi Canonistæque admittant, hoc est, *in iis qui dilationem remedii non parerentur.*

Alia quidem quæstio esse potest; an Concilium à Romano Pontifice semel convocatum, ipsoque Præsidente constitutum, ipso jure cesset, ubi ab eo Concilio Papa recesserit, quemadmodum Constantiæ; vel ubi illud Concilium Papa dissolverit, ut Basileæ factum est. Sed quæstionem eam, nequæ Clerus Gallicanus suâ Declaratione complexus est, neque Anonymus pertractavit. Interim certum est, rem esse ab Eugenio IV. judicatam: Basileense Concilium ab eo dissolutum, haud minùs stetisse integrum; ut eam quæstionem aliquo certè casu, res inter judicatas referri necesse sit.

Quo fateamur necesse est, pleraque ac potissima Anonymi argumenta, quoad hanc quidem quæstionem, planè concidere; cum non eo quo oportet, collimare constet.

Id. Ibid. c. xiiij. n. 12. At argutulum istud futile æquè ac invidiosum quod objicit; quamvis Reges ac Principes à populo plerumque suam auctoritatem acceperint; *tamen Galliarum Regem Comitibus generalibus superiorem esse; & Majestatis reos haberi qui sub Henrico III. exegissent, ut Rex comitiorum sententiam sequi teneatur.* Quorsum enim ista? An ut necesse sit ad Gallicani imperii formam, Ecclesiam à Christo esse constitutam? Aut verò oporteat custodiendæ fidei ac religionis per univèrsam Orbem, eandem ac unius gentis administrandæ esse rationem? Cum nec ipsa imperia eandem formam habeant, neque Ecclesiam ad alias, quàm ad Christi regulas exigi liceat. Quid autem illud est, ab eodem Anonymo jactatum, non posse summum Pontificem Ecclesiæ subjacere, à *quâ suam non est mutuatus potestatem?* (p) Quasi quis cui subjaceat, non in Christi arbitrio ac sapientiâ positum fuerit, aut id ratione aut humanis exemplis, non Dei revelatione, atque Ecclesiæ Traditione quærendum sit nobis.

Idem. ib. n. 3. Eiusdem notæ est, quod objiciunt, ut Ecclesia particularis, nec tota simul sumpta, Episcopo suo capiti & Pastori particulari; ita universalem Ecclesiam, nec totam simul sumptam, Papæ suo capiti ac Pastori universali prævalere posse. Non enim quemadmodum Ecclesia universa, ita particularis ex promissione Christi, certâ & infallibili Sancti Spiritûs assistentiâ pollet; ut proinde necesse sit quemadmodum in Ecclesiæ universæ, ita in Ecclesiæ particularis consensu, certum collocare Spiritûs Sancti Magisterium ac testimonium.

Id. Ib. c. 1. n. 4. Neque illud pluris est, non posse stare in Papâ eam, quam Clerus quoque Gallicanus agnoscat, *plenam potestatem*, si Gallicanæ Declarationi detur

(p) *Potestatem.*] Pessimè hîc D. CHARLAS argumentatur. Non enim necesse est ut quis ab eo cui subijcitur suam potestatem mutuetur. V. G. licet Galli credant Episcopos non à Papâ aut ab Ecclesiâ, sed immediatè à CHRISTO suam mutuari auctoritatem, nihilominus affirmant eos & Papæ & Ecclesiæ subjici.

locus. Neque enim plenam esse, *quæ ab alterius arbitrio vel judicio pendet*. Quod quidem nihil aliud est, quàm in verbis ludere. Plena enim dicitur respectu positivi juris, ea potestas, quæ omnia potest, ubi id necessitas, atque evidens utilitas postulaverit: non ita sanè, ut omnia sine lege modoque possit.

Ib. c. xij.

At illud etiam argutius ac vanius, quod involvenda quæstioni ab Anonymo est positum; Papam agnosci faciliè ab omnibus, Concilia tem incertam, nullà verà firmâque definitione constantem; ad hæc raram; *difficilem, ac ferè impossibilem*; paucumque abest, quin eam ab Ecclesiâ alienam prædicet; cum præsertim tribus primis sæculis, Concilia generalia, ipsa persecutio prohiberet. Sed hæc, ad persecutionis tempus quod attinet; quàm falsa, quàm vana, quàm nulla sint, demonstratum supra.

n. 4.

Ib. lib.
vij. c. ij. n.
3. & lib. v.
c. xij.Dissert.
præv. n.
Lxxvj.

Jam quòd parâ Ecclesiæ pace, Conciliisque generalibus congregati solitis, Concilia rem incertam dicunt, quia dubium est per quos & quomodò constitui debeant; hominum est ut leniter dicam, nodum in scirpo quærentium. Vanas enim & inanes difficultates congerunt; non constare scilicet an Concilia ex Episcopis tantum, an etiam ex Presbyteris consentiantur necessariò: quantus numerus aut Episcoporum aut Provinciarum adesse debeat: quinam *ex jure, quinam ex privilegio*? An per se; an per procuratores: tum quæ ratio absentium & excusatorum haberi debeat; imò an Concilium universale sit. Quæ cum dixerint, eò rem redigi volunt, *ut suprema & infallibilis sit summi Pontificis sententia, quam seu regulam semper tuto sequantur fideles*. Quæ profectò si quid valent, illud efficient, ut Conciliorum generalium omnem omitti mentionem præstabilius sit. An enim id agunt, ut unus Pontifex, cuicumque cœtui voluerit, Concilii generalis nomen adjiciat? An ut Concilia generalia haberi, aut non haberi perinde sit? Id quidem nonnulli apud se sentiunt; sed palam promere pudor, & Christiani Orbis reverentia prohibet. Ergò vel hæc omittant, vel nobiscum solvant. Cæterum plana solutio est; primum enim cætâ Traditione constat, sufficere ut Episcopi Concilio præsto sint; tum illud Concilium esse œcumenicum, cui; Papâ autore, pro œcumenico Concilio se gerenti Ecclesia universa communicaverit. Hinc Concilii Constantiensis autoritas asseritur: hinc prioribus Basileensibus gestis sua firmitas constat. Neque nocuit ea dissolutio, quæ ab ipso quoque Eugenio IV. nulla & irrita declarata est; cum totus Christianus Orbis haud minus sanctæ Synodo pro œcumenicâ sedenti & agenti communicaret.

Anon. lib.
v. c. ij.

Ib. n. 7.

Papâ autem autore dicimus, ordinariè quidem, ac nisi ipsa necessitas aliud exprefferit; quod schismatis causâ aliisque in casibus admitti ab omnibus summo consensu vidimus. Sed quoniam in Conciliis non statim ac semper æque perspecta est nominis Christiani repræsentatio, quin interdum dubitari contingat, an aliquod Concilium verè generale sit; tum Ecclesiæ consensu rem confici, Romanorum quoque Pontificum autoritate ostendimus.

Sup. lib.
ix. pass.

Cæterum qui omnia incerta & perturbata esse volunt, nisi Christiani; aliis Ecclesiis & Episcopis perinde habitis ac si nihil essent, in unius Romani Pontificis infallibilitate acquiescant, in quantas ambages quantasque turbas ipsi sese conjiciant, undè se nullo prorsus extricare valent pacto, jam toties notavimus, ut hæc dicere rursùm, nihil aliud esset quàm actum agere.

CAPUT XXXII.

Recapitulatio eorum, quæ ad Caput IV. Declarationis Gallicanæ dicta sunt, atque imprimis eorum quæ libro VII. & VIII.

AB SOLUTO nostro ad caput IV. Declarationis Gallicanæ Tractatu ; superest ut quæ hîc dicta sunt, ad rei memoriam in compendium redigamus.

Primùm illud præstruximus IV. Caput Declarationis Gallicanæ, rem esse judicatam ; quod sic conficimus : judicatum in Concilio Constantiensi Papam, etiam in fidei quæstionibus, Concilio subjici oportere : at qui errare non possit, eum in fidei negotio alteri subjici nefas : non ergò Papa is est, qui errare non possit. Rursus : in illo Concilio, de Papâ, ut est Papa, actum est, non autem de Pâpa, ut est privatus Dôctor : Ergò Papa etiam ut Papa, non is est, qui errare non possit : at Constantiense Concilium à totâ Ecclesiâ, atque adeò à Romanis Pontificibus comprobatum fuisse, rationibus adstruimus necessariis : ergò Papam non eum esse quem dicunt, res inter judicatas haberi debet. Hoc certissimum præjudicium. Nunc ad rem, si adhuc injudicata esset, conficiendam, hoc fundamentum posuimus : à Patribus vim summam & indeclinabilem esse repositam in eo, *Quod ubique, quod semper est creditum* : non ergò in eo, quod solus Papa definiat. Exinde Concilia generalia ab Apostolico usque Concilio persecuti sumus ; quod Apostolicum Hierosolymitanum Concilium Actorum XV. relatum, normam esse cæterorum, datamque in eo quæstionum finiendarum formam, & ipsâ autoritate Apostolici nominis, & Sancti Cælestini Papæ, Sanctæque Synodi V. sententiâ, & omnium postea sæculorum securâ praxi ostendimus ; collatisque gestis competimus, ubique valere Apostolicum illud : *Visum est Spiritui Sancto & nobis* ; atque illud : *Visum est Spiritui Sancto* ; cum illo, & nobis, hoc est cum ipsâ Episcopalis atque Apostolici ordinis unitate esse conjunctum : non ergò, quod nunc fingunt, Synodos habere à Papâ, ut recta decident, sed à Spiritu Sancto, eique conjunctâ universalis Ecclesiæ autoritate ac testimonio.

Hîc igitur Conciliorum gestis evolutis apparuit, ita esse Ecclesiam constitutam, ut siquidem primæ Sedis sententiæ consensum accommodaret suum, quæstiones finitæ haberentur : sin autem graves altercationes orirentur, adunatâ Ecclesiâ opus esset. Compertumque item est ; eo quidem rerum statu, primæ Sedis sententiam Concilii œcumenici convocatione suspendi ; remque tantâ Ecclesiæ adunatæ autoritate gestam, ut de Pontificio decreto quæreretur, rectène haberet, necne ; & responderetur à Patribus, si decretum probaretur, probandum videri ; non quia falsum esse non posset, sed quia verax esse, facto examine, comperissent : atque omninò quo ritu cæterorum epistolæ, eodem quoque ritu Romanorum Pontificum decretales epistolas examinatas, evolutis gestis, & Synodi V. autoritate monstravi-

mus. Quo item loco patuit Romanorum Pontificum epistolas, & fuisse authenticas, totâ scilicet Sedis Apostolicæ autoritate prolatas; neque tamen fuisse normam fidei, cum de illis quoque quæstio haberetur: de Synodis autem nunquam eo ritu esse quæsitum; sed obedientiam statim consecutam. At non alia causa tanti discriminis, quam quod illa decreta reratractabilia, hæc irratractabilia viderentur.

Atque hæc etiam de probatissimis Romanorum Pontificum decretis facta esse vidimus. Jam quædam demonstravimus à Sanctis Synodis improbata constituta & responsa, quæ Romani Pontifices, putà Vigilius & Honorius ritè interrogati ad Ecclesias edidissent. Non ergò valere illud, pro privato Doctore esse edita; omnesque vitilitigationes ita incidimus, ut quomodo-cumque respondeant, quosdam Pontifices Apostolico officio confirmandi fratres, in necessario articulo defuisse constet.

His complexi sumus primorum octo Conciliorum Traditionem nostræ sententiæ congruentem; quibus deinde Conciliis reliqua omnia consentire, ex actis, & ex Romanorum Pontificum consensione docuimus.

Quin etiam ostendimus, quæstionem hanc nostram, vel ipsâ operosissimâ Conciliorum generalium convocatione confectam: ne frustra Ecclesia collectis toto Orbe Patribus, querere laboraret autoritatem irrefragabilem, quæ statim in Romano Pontifice, vel solo, præstò esset. Ac siquidem Papa per se infallibilis, Concilio tantum atque admonitione indigeret; quod nunc comminiscuntur; adfiscendos fuisse eos, qui doctrinâ, non eos qui autoritate pollerent; qui Papam docerent, non qui cum eo conjuncti docerent Ecclesias: denique qui admonerent, non qui conjudicaret & condecernerent: atqui omninò constitit non ita esse gestum; sed quæsitam in Conciliis non tantum majorem lucem, sed etiam majorem, & jam irrefragabilem autoritatem: non ergò summam illam & indeclinabilem vim in Romano Pontifice collocabant.

Quod autem objicitur, superioritatem atque infallibilitatem Romano Pontifici à Conciliis generalibus jam esse adjudicatam, Lugdunensique ac Florentinâ, Lateranensique Synodis quæstionem judicatam, & Constantiensia jam Basileensiaque soluta esse decreta; primùm quidem præstruximus, pessimè agere eos, qui Ecclesiastica decreta collidunt, non concilient. Tum illud, perperam pro judicato haberi, quod palàm à nostris assertum, à sanctâ Tridentinâ Synodo, atque à Pio IV. pro integro sanoque sit habitum. Denique ne quid deesset, id quoque ex gestis probavimus, Lugdunensem, Florentinam, Lateranensem Synodos nihil nocere Constantiensibus, neque Basileensibus prioribus gestis; sed Conciliorum omnium unam esse faciem, Traditionem unam.

His igitur confectis, illud argumentum, quod ex Conciliorum confirmatione repetebant, solvimus; docuimusque ipsum confirmare quid sit; neque eo quidquam superioritatis includi; vanosque esse eos qui Synodorum decreta, aut qui saltem anathemata à confirmatione suspendunt, Conciliorum omnium gestis evolutis pandimus. Confutavimus denique qui Episcopalem potestatem ac Jurisdictionem, à Papali potestate ac jurisdictione manare contendunt; hisque novellis sive adinventionibus, sive adulationibus, seu

Ib. c. xx.

xxj.

Ib. cap.

xxxij.

Ib. cap.

xxxiv. &

seq. usq. ad

fin. lib.

Ibid. lib.

viij. c. xx,

Lib. vij.

cap. xxxv.

xxxvj.

xxxvij.

Lib. v.

integr.

Lib. viij.

c. i. & seq.

usq. ad xj.

Ib. c. xj.

& seq. usq.

que ad fin.

lib.

potius ludibriis, cum priorum sæculorum firmam, ac Scripturæ inhærentem doctrinam opposuimus, tùm Gallicanorum Episcoporum, ac nostræ Facultatis constantem sententiam.

CAPUT XXXIII.

Recapitulatio eorum quæ sunt in Libro IX.

- H**Is quidem absolvimus, quæ ad Conciliorum generalium praxim ac Traditionem attinebant. At sequente libro de rebus sine Concilio generali tractatis dicere aggredimur. Ac statim id constituimus, ad finiendas fidei quæstiones sufficere Papæ judicium, nisi gravis dissensio consequatur. Quo loco exponimus illud sancti Augustini de Pelagianis dictum: *Causa finita est*; posteaquàm scilicet à Sede Apostolicâ responsa venerunt; & illud ejusdem: *Datum Pelagianis competens sufficiensque judicium*: collatâque causâ Pelagianorum cum illâ Cypriani de rebaptizandis hæreticis, ex Augustino efficitur; ut Pelagianorum potius quàm Cypriani causa per Papæ judicium finita intelligatur; quòd de Pelagianis quidem, ut apertè hæreticis tota Ecclesia consentiret; Cypriani verò quæstio *magnis altercationum nebulis involuta*, Concilii universalis sententiam postulare. Non ergò in eo casu, sancti Stephani judicium, totâ licet Sedis Apostolicæ autoritate prolatum, à sancto Cypriano, à sancto Augustino, atque aliis Orthodoxis pro ultimo & irrefragabili esse habitum.
- Qui deinde ut hoc argumentum eluderent, responderunt, rebaptizationis quæstionem à Cypriano & Augustino, non inter fidei quæstiones, sed inter adiaphora esse repositam, Patrum testimoniis obruimus, docuimusque omnino rebaptizationem eam, ex ipsis quibus tunc propugnabatur argumentis, ad manifestam heresim pertinere.
- Ib. c. x. Multa postea exempla ac decreta retulimus, quibus constet, generales quidem omnes, ut Cæciliani, & sancti Joannis Chrysostomi, præsertim vero fidei, ut Origenistarum, Semi-Eutychianorum, Scytharum Monachorum, Elipandique causas, non nisi universali consensione pro terminatis habitas; in eamque sententiam, cum cæteris omnibus, Romanos quoque Pontifices, Simplicium, Gelasium, Gregorium, alios consentire. Nam de sancto Leone libro VII. & VIII. confectum est, cum de Concilio Chalcedonensi ageremus. Non ergò summi Pontificis judicium per sese ante consensum pro irreformabili est habitum.
- Lib. vii. eap. xvij. xviii. lib. viii. c. xx. Quem ad locum ostendimus quæ sit illa obedientia secundum canones, quam summo Pontifici præstarent Episcopi & Ecclesiæ; idque Conciliorum & ipsorum Pontificum autoritate firmavimus; neque unquam ab Episcopis postulatum, ut decreta Pontificia etiam indiscussa reciperent: quo item conclusum, ad summam & indeclinabilem autoritatem, consensum Ecclesiæ esse necessarium.
- Ib. cap. xiiij. xxiij. xxv. Hinc ostendimus viris bonis sanctisque non fraudi fuisse, quòd post Romanorum Pontificum, in fidei quoque negotiis, pronunciata etiam veridica,

tamen suspenso animo manerent, donec Ecclesiæ consensus accederet; id, inquam, bonis viris nunquam fraudifuisse; non Polycrati Ephesio, aliisque Asianis; non sancto Cypriano, sanctoque Firmiliano, eorumque collegis, tot ac tantis viris; non Gallis nostris ac sancto Columbano, quibus Romanorum Pontificum Pelagii I. ac Bonifacii III. suspecta erat fides, eò quòd Concilium V. pro œcumenico approbassent; non item Gallis nostris, quòd Nicanam II. Synodum, Papâ autore ac Præsidente gestam, ad quam vocati non essent, pro œcumenicâ non agnoscerent, neque ullo modo admitterent; non omnibus denique Conciliis, quæ Romanorum Pontificum latas, etiam de fide, sententias, non nisi quæstione habitâ, susciperent. Ex quo illud argumentum: si Romani Pontificis judicium pro irreformabili esset, non profectò qui, post illud per Ecclesias promulgatum, suspenso animo manerent, orthodoxi haberentur: habiti autem sunt orthodoxi: non ergò illud judicium pro irreformabili habitum.

His subjungimus claram professionem Romanorum Pontificum Innocentii III. Joannis XXII. Gregorii XII. Pii etiam IV. qui sibi à Concilio, aut à Christo iudice metuerent, si publico officio functi, falsa ac fidei adversa respondissent: non ergò existinasse eos, se in fidei negotiis, Apostolico fungentes officio, fuisse infallibiles. Quo loco attulimus Joannis XXII. tōrâ Ecclesiâ promulgatam fidem, & Ecclesiæ iudicio ab eo esse subditam, & à successore ad examen revocatam: non ergò eam fidem pro infallibili fuisse habitam.

Ib. cap.
xxvj. xxvij.
xxviii. xxix

Atque interim constitit, qui de Pontificis iudiciis dubitarent, non tamen dubitasse de fide Apostolicæ Sedis: ergò hæc duo stare posse, & Pontificem etiam judicantem errare potuisse, & tamen Sedis Apostolicæ non defecturam fidem.

Quo item loco claruit multos incidisse casus, quibus Sedî Apostolicæ ac Pontificiæ autoritati laboranti nihil aliud subveniret, nisi Ecclesiæ Catholicæ autoritas. Id Ecclesiæ Romanæ status X. sæculo; id ingens illud Schisma XIV. sæculo demonstrasse: stetit interim unâ Ecclesiæ Catholicæ autoritate & ope Sedem Apostolicam, ac Pontificiam dignitatem; nec minùs potuisse succurrere Ecclesiæ, ne quibusdam licet Pontificibus falsa docentibus, Sedes tamen Apostolica, aut series Pontificum à fide abrumperetur.

Ib. cap.
xxx. xxxj.
xxxij.

Cui etiam rei serviunt graves Romanorum Pontificum, Liberii, Zozimi, aliorumque plurimorum commemorati lapsus, rejectaque in singulis quibusque casibus vana effugia; & clarè demonstratum est aberrasse à fide eos, etiam Apostolico officio defungentes. Qui lapsus memorati, non ad improprium; sed ut illud constet: cùm Romani Pontifices, etiam ut tales, aliena à fide docent, haud minùs Ecclesiam Catholicam, fidemque Romanam, ac Sedem Apostolicam, tanquam fidei caput, & communionis Ecclesiasticæ vinculum perstituram.

Ib. cap.
xxxij. &
seq.

Huc pertinent ea, quæ pro Joanne XXII. ab ejus ævi Doctoribus, ac præsertim Jacobo sanctæ Priscæ Cardinale, mox Benedicto XII. dicta sunt: ideò potuisse ab eo Nicolai IV. decretalem tolli, aut corrigi, *Quod Romani Pontifices errare possent etiam determinando de fide.* Id sæculo XIII. ut certum proponebant: id in glossis quoque Romanis ad Joannis XXII. decretales ha-

Vid. diff.
præv. num.
xlviij. xlvij.

bebatur; cui addendum illud: XIV. & XV. sæculis, non modò Alliacensem; Gersonem, Tostatium & alios pios sanctosque viros innumerabiles, sed etiam Joannem à Turrecremata ejusque consortes, qui Eugenio IV. adversus Basileensem Synodum, tanto se studio adjunxissent, id pro certo posuisse; quòd à Romano Pontifice falsa & erronea definiri possint, ejusque judicio Concilii judicium anteponi oporteat. XVI. denique sæculo Dominicum Jacobarium Cardinalem, haud absimilia Romæ quoque docuisse; Adrianum verò Florentium Ultrajectinum, id Lovanii dedità operà defendisse; mox eundem virum, jam Caroli quinti Præceptorem, Episcopum, Cardinalem, Papam, non eam sententiam retractasse, imò potius recudisse; neque quemquam Theologorum contra insurrexisse, imò illi favisse Lovaniensibus suis; denique XVI. sæculo exeunte, oriri cœpisse privatorum quorundam Theologorum dubias cunctantesque censuras; Ecclesiam verò Catholicam, Tridentinumque Concilium, ac Sedem Apostolicam, ab omni penitus censurâ temperasse. Hæc, credo, cogitantes censores nostros pudeat; ex suâ dubiâ novellâque sententiâ, novum fidei articulum repente condere; Parisiensiumque sententiam, tot retrò sæculis saltem innoxiam, nunc demùm proscribere, ex trepidis Bellarmini aliorumque censuris; insuper in re tam novâ, tam fluxâ, tam incertâ, omne Ecclesiæ Sedisque Apostolicæ præsidium collocare.

Vi l. diss.
num. xxvij.
xxvij.

Ib. n. xiv.

C A P U T X X X I V.

Recapitulatio eorum quæ hoc postremo libro dicta sunt, de Romanæ Sedis, ac fidei firmitate, ac de illis verbis; Tu es PETRUS.

U L T I M O loco docuimus, nostram sententiam cum Romanæ Sedis; Romanæque fidei æternâ firmitate egregiè cohærentem; consensuque Patrum id obtinuimus, ut qui de hujus aut illius Romani Pontificis definitione dubitassent, haud minùs certam tutamque Romanæ fidei, Sedique Apostolicæ adscriberent æternitatem. Atque hinc argumentum nostrum: si quid esset periculi in eâ sententiâ, quæ Romanum Pontificem negat esse infallibilem, maximè ex eo quòd, cum ipse deficeret, Ecclesiæ Catholicæ, vel saltem Sedis Apostolicæ periclitaretur fides: atqui demonstravimus, ex eo quòd Romanus Pontifex unus aut alter deficiat, haud eò minùs stare, non modò Ecclesiam Catholicam, sed etiam Romanam Sedem atque fidem: ergò in eâ sententiâ nihil est periculi. Quo loco CHRISTI de Petro & successoribus promissa dictaque ex perpetuâ Patrum Traditione ita exposuimus, ut & nostra tueremur, & hæreticorum audaciam retunderemus. Sed quoniam nostri censores CHRISTI dictis præfidere videntur, quæ in hunc contulimus locum, paucis reperimus; atque id scholastico more, ad juvandos eos, qui hoc genere delectantur.

Sup. hoc lib. c. j. ij. Locus ille; *Tu es Petrus*, id effecit ut Petrus, quique Petri vice, Apostolici, sive Episcopalis Collegii Princeps futurus sit, ex officio teneatur exem-

plo Petri, communem fidem omnium nomine promere; omnesque Christianos movere ad fidei unitatem; ex quo sequitur, cum eo munere bene defungitur, ipsum fidemque ab eo expositam, esse Ecclesiæ fundamentum.

Neque verò dicant, quemvis alium Episcopum ac Doctorem, eo modo futurum Ecclesiæ fundamentum, si vera prædicet. In eo enim vis est; quod Petrus, ejusque vice Romani Pontifices Petri successores ad id constituti sint. Quo fit ut illud officium, ille Magistratus, illa potestas ad unitatem movens fidei, sit Ecclesiæ fundamentum; neque tolli ab Ecclesiâ, aut ullâ unquam vi labefactari possit.

Dices; non modò in genere Pontificale officium, sed quivis Romanus Pontifex Petri successor, petra est, fundamentum est: ergo immobilis est. Distinguiamus: petra est, fundamentum est, officio; concedimus: ipsâre, semper & necessariò; negamus.

Instant: immortalis ædificii fundamentum deficere non potest: at Ecclesiâ immortale ædificium est: ergò quisquis est Ecclesiæ fundamentum, is deficere non potest. Hoc argumento facillè concludi posset, Papam ne mori quidem posse, neque vacare posse Sedem Apostolicam, ne Ecclesiâ interiret. Ergò ne nimis probes, ita distinguo: quòd immortalis ædificii fundamentum deficere non possit primum, qui CHRISTUS est, verum; secundarium ac ministeriale, qui Papa est; rursus distinguo: deficere non potest absolutè & universim, hoc est, summâ ipsâ, & quoad integram seriem & successionem; verum: secundùm quid & accidentariò & particulariter; falsum est.

Exemplum adduci potest ab ipsâ fundamenti ratione, à quâ deducta CHRISTI locutio est. Ædificium enim stare nequit, penitus excussò fundamento; non autem statim omne collabatur, si sit aliqua in fundamento labe facile sarcienda. Ita fieri nequit, ut ipse Primatus, ipsum Pontificale officium in Ecclesiâ intereat; neque enim institutum à CHRISTO officium aboleri potest. Ipse ergò Papatus, ipse Primatus, ipsa successio certum fundamentum est: ex Romanis Pontificibus particularibus, velut eximiiis lapidibus constat: summâ ergò consistat oportet. Certè aliquis lapis, aliquis summus Pontifex excuti ac labefactari potest, nullo totius ædificii periculo: aliud enim est petram ipsam excindi, aliud aliquam ejus quassari partem.

Exemplum aliud sumi potest ab ipso Episcopatu, qui absolutè in Ecclesiâ cessare non potest, eò quòd sit officium à CHRISTO institutum. Neque si aliqui Episcopi, idèò ipse Episcopatus concidit, dicente CHRISTO ad Apostolos: *Ecce ego vobiscum sum*. Hæc enim promissa, summâ ipsâ valent. Ita de Papatu dicendum; nec magis fieri posse, ut Papale, quàm ut Episcopale officium in Ecclesiâ intereat.

Eodem modo solvitur illud quod aiunt; in eo vim esse, qui petra est; quemvis autem Papam petram esse: vim ergò repositam non tantùm in universis, sed etiam in singulis. Respondetur enim, vim quidem ipsam invictam & inconcussam in eo esse, qui petra principalis & angularis est, nempe in CHRISTO: neque tamen negandum est in ipsâ ministeriali petrâ vim esse, maximam illam quidem ac præcipuam; sed tamen partialem, ita ut totum ipsum parti prævaleat, ut sæpè diximus. Considerandum quippè est, cui sit

firmitatis adjecta promissio, & unde petita sit. Et quidem à CHRISTO petitur: *Ædificabo*, inquit; unde continuo ipsi adjicitur Ecclesiæ: *Et porta*, inquit, *infernus non prævalebit adversus eam*; ut vim ipsam esse doceat ab eo qui ædificet, qui totum ædificium suâ virtute contineat, hoc est ab ipso CHRISTO.

Si qui autem Interpretes, illud: *Porta inferni non prævalebit adversus eam*, ad petram quoque referunt; primum quidem pauci sunt, ac pro uno mille in contrarium recensere possumus; tum qui ita interpretantur, non ipsum Romanum Pontificem semper, sed quemvis fidelem in CHRISTO consistentem spectant: tertio eò nos ducit & verborum tenor, & summa Interpretum, ut ipsa Ecclesia sit, contra quam portæ inferi prævalere nequeant; postremo & illud docuimus, quo sensu petra ipsa ministerialis, Sedesque Apostolica, Ecclesiarum Caput, everti nequeat; ipsâ scilicet toti Ecclesiæ corpori promissâ & adjectâ vi.

CAPUT XXXV.

*Recapitulatio eorum quæ hoc postremo libro dicta sunt circa illud :
Rogavi pro te.*

Sup. hoc
lib. cap. iij.
iv. v.

JAM in eo, *rogavi pro te*, distinguendum diximus quod ad præceptionem, & quod ad promissionem pertinet; ac promissionem quidem semper, præceptionem verò non semper implendam. Atque in promissione rursus distinguimus id quod Petro esset proprium, & id quod ad posteritatem transiturum esset; ac Petro id esse proprium, quod Petri singulari personæ; transiturum autem ad posteritatem quod Petro figuram Ecclesiæ gerenti, & quod Petro Ecclesiæ principalis fundatori promittitur.

Quamobrem tria hæc ex æquo vera esse: fidem, fideique conjunctam veram confessionem, primum in personâ singulari Petri nunquam defecturam; ac postea eandem fidem, quam Petrus prædicavit, cum in Ecclesiâ Catholicâ, tum in Ecclesiâ particulari Romanâ, ubi Petrus Sedem fixit, æternum victuram totoque Orbe celebrandam: unde jubeatur confirmare fratres, non modò ipse Petrus, sed quicumque in illâ Sede sederit.

Hinc nostrum argumentum: non potest à nobis quidquam exigi amplius, quàm ut CHRISTI promissio certissimè impleatur. Impletur autem CHRISTI promissio, si Petrus ipse, si Ecclesiâ Catholica in Petro figurata, atque Ecclesiâ Romana à Petro fundata æternum in fide manserint. Neque id necesse est, ut quis Romanus Pontifex sit infallibilis: non ergò id à nobis postulari potest. Quod cum per se clarum sit, tum illud invictum: de fide ipsâ agi, quâ corde credimus, eique conjunctâ fidei confessione, quâ nempe ad salutem ore confitemur: ergò ad implendam CHRISTI promissionem, quarendum aliquid est in quo fides ipsa, quâ intus corde creditur, nunquam defectura sit: non autem talis est quis Romanus Pontifex; neque aliud quidquam tale est præter ipsum Petrum, atque in Petro intellectam Ecclesiam Catholicam peculiaremque Romanam: non ergò aliud quidquam ad CHRISTI promissionem pertinet.

Dices:

Dices : quis Romanus Pontifex jubetur confirmare fratres : qui autem titubatur , non ipse confirmat : nullus ergò Romanus Pontifex titubatur . Id censors nostri passim , id novissimus autor Anonymus ubique inculcant . Argumentum vanissimum , quod sæpè notavimus ; ab eo quod fieri debeat , ad id quod semper futurum sit , sive ab adjuncto officio , ad effectum necessariò secuturum .

At enim cuicumque officio sua est adjuncta gratia ; quâ impleri possit , fatemur ; quâ necessariò impleatur , non ipsi quidem dixerint .

Simile argumentum in illo præcepto : *Pasce oves meas* : certè ad illud implendum officium requiritur summa præ cæteris charitas , dicente Domino : *Simon Joannis diligis me plus his ? Pasce oves meas* . Neque illa summa charitas ad pascendum gregem minùs necessaria est , quàm inconcussa fides ad fratres confirmandos . Ergòne concludes : in Romano Pontifice semper est summa charitas ? Absonum absurdumque sit .

Instas : at enim Petro illud , *ne deficiat fides tua* , datum est ad illud implendum ; *confirma fratres tuos* . Confirmatur ex Leone : *Pro fide Petri propriè supplicatur , tanquam aliorum status certior sit futurus , si mens Principis victa non fuerit* . Totum concedimus ; atque omninò constat , ideò vel maximè confirmatum in fide Petrum , ut alios certiùs confirmaret . Ergò omnes successores æquè in fide confirmati sunt ; nunquam eorum mens victa est , quod de Petro Leo dixit ; nullo unquam errore , ne intùs quidem laborarunt , aut laboraturi sunt , quemadmodum Petrus : id aliquis fortasse Pighius , non verò sanus homo , rerumque humanarum expertus dixerit .

Quod ergò novissimus autor Anonymus verba CHRISTI ita connectit : *Rogavi pro te ; & , confirma fratres tuos* : quasi diceret : *Ego indeficientem tibi fidem impetravi : da operam ne alii deficiant* . De Petro ipso verum est , qui ideò sit maximè idoneus ad confirmandos cæteros , quòd in eo fides , ne intùs quidem , quâ de re agitur , deficiat . Petri quidem successoribus id omnibus tribuere , nec ipsi audeant .

Quod autem idem Anonymus subdit id Petro concessum , non solùm ipsius causâ , sed etiam in bonum gregis , rectum est . Ut autem proinde in successores transeat , & illa summa charitas , & ille in fide confirmatus animus , & cætera dona , quæ Petro in bonum gregis data sunt , falsa consecutio est .

Quomodo autem nos verba CHRISTI connectamus respectu cujusvis Romani Pontificis , sæpe expositum est ; nempè sic ; ut qui Petro succedit , præstetque Ecclesiæ , sive universali , sive peculiari , in quâ Petri fides semper victura sit , is Petri exemplo ac vice fratres confirmare jubeatur .

Vid. Anon. tract. de libert. &c. lib. vij. c. ij. n. 3. & pass.

Joan. xxj. 15.

Leon. serm. iij. in anniv. Assum. ejusd. c. iij. edit. Quæsn. in-4^o. p. 109.

Anon. lib. vij. c. iij. n. 1.

Ibid.

CAPUT XXXVI.

An quemquam hominem infallibilem esse sit congruum, aut Ecclesiæ necessarium? An nulla sit Papæ, nisi infallibilis autoritas? An Papa errante nullum remedium?

QUÆRES cur tantopere laboremus, ne id tribuamus Romano Pontifici, quod & ipsi & gregi utilissimum foret? Respondemus, ideò quòd non ratiociniis aut votis duci nos, sed certis promissis certaque Traditione niti oporteat. Ac si vovere aut potius somnare placet; certè expetamus homines, ut Romanus Pontifex, tanti gregis ductor, non modo nullo errore, sed etiam nullo unquam peccato, nullà ignorantia, aut negligentia aut cupiditate teneatur. Quod cur CHRISTUS non fecerit, ne queri quidem fas est.

Pari jure quærerem, cùm CHRISTUS Apostolis dixerit: *Ego vobiscum sum usque ad consummationem sæculi*, cur non Episcopi Apostolis substituti, æternæ fidei promisso gaudeant? Valebit fortasse illud Sancti Augustini alià occasione dictum, non id convenire huic tentationum loco; *in quo tanta sit infirmitas, ut superbiam possit generare securitas*. Atque ideò factum est, ut illud; *vobiscum sum*, deficere possit in singulis; ipsà tantùm summâ & universim valeat: quod idem in Romanorum Pontificum seriem meritò conferri possit.

Aug. de
correp. &
grat. c. xiiij.
n. 40. T.
x. p. 772.

Quod autem objiciunt, si Romanus Pontifex falsa definiat, actum esse de fide, nullumque remedium, ac ruitura omnia, cùm omnes ei statim parere debeant. Quærimus etiamne parere debeant adversus justā divīnā imperanti? Ne ipsi quidem id cogitant. At enim, inquiunt, hæc semel apertā janua, fas erit omnibus reniti palam; neque Romano Pontifici vis ulla adfutura est, quā sua, etiam justā & necessaria decreta tueatur. Falsum id quidem: non enim si reluctante Ecclesiā nihil potest, quemadmodum sub Liberio; aut si in gravi dissensione, sententia suspenditur, ut sub Stephano Papā factum; ideò necesse est hæsitare Romanum Pontificem, statim atque aliqui obloquuntur. Quin eos & suā & Petri autoritate & reliquorum consensu premit damnatque, neque effugio locus.

Instant: at saltem in gravi dissensione, aut incerta erunt omnia, aut periculum schismatis imminet, neque quidquam remedii est. Neutrum: nam & eruditiores Traditione tenebuntur, ut factum sub Stephano Augustinus docet; & imperitiores, si quidem sunt Ecclesiæ veri filii, piæ matris judicium obedientissimè expectabunt. At enim repugnabunt Romano Pontifici, quod per se ipsum grave est malum. Grave quidem illud in quocumque negotio; esset autem pestiferum, si id sine ordine & sine modo fiat: sed ut non ita fiat, ille Ecclesiæ pacificus ac temperatissimus Spiritus prohibet. Quid autem laboremus in quærendis iis quæ tum factu opus sit? Sunt quidem eā de re multa à Gersone non incommode scripta. Verum id sufficiat, infinita esse quæ ille Spiritus, in se unus ac simplex, in donis varius, Ecclesiæ suggerat. Id

Vid. Gers.
Lib. de E-
xani, doct.
&c.

quidem certâ fide credere nos oportet ; non remedia , non auctoritatem defuturam , cùm Ecclesia Catholica dispersa & adunata tanta possit.

Hinc existit argumentum : id tantùm in Ecclesiâ habendum est pro impossibili , quo facto nullum superest veritati præsidium : at in casu , quem dicimus , tutum superesset in Ecclesiâ Catholicâ auctoritate præsidium : non ergò ille casus est impossibilis. Quæ cùm ita sint , Ecclesia Catholica sola est , quæ nunquam deficere , nunquam errare possit , ac ne momento quidem. Unde enim revictura ? Pontifex mortuus in alio revicturus : vis enim illa creatrix Ecclesiæ inest ; quod idem fieret , si fidei defectu moreretur. At non ut Pontificem si forte aberrantem , Ecclesia Catholica ; ita aberrantem Ecclesiam Catholicam , alia Ecclesia Catholica corrigeret , coerceret , amoveret ; aut si ad veritatem se ipsa revocaret , tamen labasceret ea , quâ omnium animos teneri ac niti oportet , auctoritas ; nullumque omninò remedium superesset , si Ecclesia Catholica dispersa , adunatave , semel à vero deflexisset. Quare ipsam primitus & radicitus immotam esse oportet.

Hinc etiam diximus constare suam Sedi Apostolicæ , Ecclesiarum capiti ; firmitatem. Sive ergò , quod absit , sacro-sancta illa Sedes infidelium tyrannidi sublit , ut factum sub Romanis persecutoribus ; sive exagitati seditionibus Romani Pontifices aliò se conferant , ibique consistent , ut persæpè contingit ; sive quid aliud humano animo provisum aut improvisum eveniat ; providebit Deus , ut clara , perspicua , certa , intaminata , immota consistat , seseque assidue reparet , atque propaget illa Petri successio , quæ Catholicæ Ecclesiæ radix fundamentumque est.

In eâ quisquis quocumque modo à fide deficiat ; non tamen Romana , non Petri ac Pontificum interibit fides : ipsi enim immortale semen post se reliquerunt.

Hæc igitur fides , ut mortuo Pontifice non moritur , ita quoquo modo deficiente non deficit : atque hoc est illud immotum , quod in Sede Petri , ab ipsâ Christianitatis origine Patres prædicarunt.



CAPUT XXXVII.

An contraria sententia dignum aliquid Ecclesiasticâ gravitate dicat ?

QUI aliud postulant, nec ipsi se capiunt. Primum enim non capiunt ipsam fidei vocem. CHRISTUS enim fidem dixit quâ Christiani sumus, quamque intus corde gerimus. Hanc si omnibus & singulis Petri successoribus promissam arbitrantur, planè desipiunt; neque id profectò faciunt. At si id vel maximè contendunt, non proinde suam confirment sententiam. Eo enim sensu Romanus Pontifex, putà Liberius, modò rectè intus credat, licet exterius prava decernat, in fide Petri stabit, quod nec ipsi volunt, & estabsurdissimum.

Damus etiam casum, quo Romanus Pontifex, putà Honorius, non indocili aut contumaci animo falsa definiat; quid dicent? Defecisse in illo fidem? Nequaquam: atque haud magis quàm in Cypriano sanctissimo CHRISTI Confessore defecerit, cùm, Synodo convocata, falsam pronuntiavit de rebaptizatione sententiam. Quid ergò? Sterisse in fide Petri? Ergò stante promisso, falsam fidei definitionem ediderit; quod maximè respuunt.

An dicent, nullum Pontificem, neque per contumaciam, neque per imprudentiam, de Catholicâ fide falsa unquam crediturum? Id credo, ne ille quidem irrisus ab omnibus dixerit Pighius. Is enim à Romano Pontifice, non errorem sane omnem, sed contumaciam, quâ fiat hæreticus, amoliri videtur. Ad alia ergò confugiunt; nempe huc, ut Romanus Pontifex, falsa licet credens, tamen ea decernere aut definire prohibeatur. At nec sic se ipsi intelligunt, qui primum eam, quam CHRISTUS dixit, fidem, in externam ac nudam professionem vertunt: tum ne quidem capiunt quâ sit illa professio, quam in Petri successoribus extinguere posse negant.

Sup. lib.
xxc. xxviiij.

Ecce enim Joannes XXII. moriens de visione beatificâ fidei professionem edidit: hanc Benedictus XII. ad omnes Ecclesias Apostolicâ autoritate direxit: ipse tamen postea, tanquam re integrâ, de eodem argumento quæstionem habuit. Talis ergò professio tam solennis, tam authentica, non id fuerit quod immotum, inconcussum, irreformabile, infallibile esse velint.

Huc passim decurrunt, ut tum Romanus Pontifex errare non possit, cùm Doctorem agit publicum; cùm fungitur officio confirmandi fratres; tanquam Joannes, atque Benedictus non id docuerint totam Ecclesiam, quod dato diplomate, toti Ecclesiæ testarentur atque profiterentur. An ergò consultos interrogatosque esse oportet, ut Doctorem agant publicum, atque Apostolico fungantur officio? Quid si ipsi ultrò doceant, Ecclesiarum necessitate compulsi? Quid quod interrogatos pro officio falsa respondisse constat? Testis Honorius, aliique complures, quos interrogatos, etiam ab Episcopis, falsa & Evangelicæ adversa doctrinæ rescriptisse in confesso est.

Hic quidem in varias interpretationes abeunt. Bellarminus enim, jure

licet interrogatos, pro privatis Doctoribus respondisse dicit. Quod quoniam absurdum est, nec stat Romanos Pontifices pro officio rogatos, privatam egisse personam; ecce Lovanienses quidam nova comminiscuntur. Nempe urgebat locus Adriani VI. affirmantis certum esse: *Quod Ecclesie Romana caput Pontifex possit errare, etiam in iis quæ fidem tangunt, hæresim per suam determinationem aut decretalem asserendo.* Quo loco mirantur: Non enim omnia, inquit, quæ Pontifex etiam consultus scribit, aut rescribit tanquam vir doctus & potestatem habens, mox habenda sunt pro definitione Sedis Apostolicæ. Ac rursus: Multa referuntur ad summum Pontificem tanquam ad supremum judicem, non quidem semper ut ipse tanquam universalis Doctor, ex infallibili Spiritûs Sancti assistentiâ illa dijudicet; sed sapius tantum, ut autoritate supremâ, secundum suam sapientiam & prudentiam particularem, desuper dicat iudicium; & difficultatibus quæ in factis occurrunt, finem aliquem imponat; saltem donec pleniori examine præmissis, si res sit gravior, & ad fidem vel bonos mores tendens, ex Cathedrâ à Pontificibus definiatur.

En quot in partes Pontificem scindant ac distrahant; neque tantum discernant privatum Doctorem à Doctore publico; sed etiam ab universali Doctore supremum judicem, & ab ipsâ Cathedrâ supremam autoritatem particulari prudentiâ exercendam, atque ab his omnibus segregant Spiritûs Sancti assistentiâ: tanquam ad Apostolicum officium confirmandi fratres non ista pertineant.

Atque hæc dicunt evenire etiam in iis, quæ ad fidem moresque spectent. Nam id omnino ibi agebatur, ut ex ipso argumento, verbisque ipsis constaret. Quæ quis intelliget? Ne ipsos quidem arbitror. At unde ista desumunt? Ex Scripturâ? Ex Patribus? Ex Conciliis? Ex Romanis Pontificibus? Ne verbum quidem. Atque interim hanc novam, recensque educatam è cerebro sapientiam, si Deo placet, pro fidei Catholicæ decreto venditant.

Ad formulas quippe nos redigunt; & tamen Gregorium II. falsum esse fatentur, in quæstione fidei, cum evulgare se diceret; *Apostolici vigoris doctrinam per beatum Petrum, unde Apostolatûs & Episcopatus initium est.*

Hæc ergo tam nobilis formula non sufficit. Additam volunt excommunicationem. Atqui Alexander III. excommunicationem addidit ei decreto, cuius doctrinam tanquam ex Scripturâ proditam exponens, haud minus falsebatur, ut vidimus.

Ergo Romani Pontifices edicant oportet doceri à se omnes; aut ab omnibus, quæ doceant, teneri oportere, si quidem se infallibiles esse voluerint. Quo ictu quot acta bona probaque concidunt? Quid si reverà doceant omnem Ecclesiam, nec docere se dicant? Cassi erunt. Quis has ferat insanias, hos de tanto officio, de tantâ personâ ludos? At si licet adversariis hæc ex cerebro comminisci, atque his explicare, quid sit ex Cathedrâ; & nobis licebit, ex Cathedrâ id dicere, quod ex communi Traditione & consensione sit proditum.

Sup. Lib.
vij. c. xxj.
& seq. lib.
ix. c. xxvj.
& seq.
Vid. Bell.
lib. de R. P.
Sup. lib.
ix. cap. xl.
Doct. Lov.
p. 59.

Sup. lib.
ix. cap.
xxxviii. &
Greg. ij. ep.
xiiij. ad Bonif.
T. vj.
Conc. pag.
1448.
Sup. ibid.
c. xxxix.

Ac reverà patet via, quâ omne verum decretum Pontificium ab omni erroris notâ eximamus. Nempe consentitur omnes, multa decreta ipso jure esse nulla, quòd sint contra canones: quanto magis si fidei adversentur? Non ergò habebuntur pro veris Pontificiis decretis, ea quæ ipso jure nulla sint.

Quin & illud in promptu est cum quibusdam dicere; nullum Romanum Pontificem, falsum contra fidem profiteri ac pronunciare posse; quando professus ac pronuncians cessat esse Pontifex.

Ac saltem licebit dicere, nullum certum Pontificem falsa pronuntiare, cum falsa pronuncians statim sit dubius; quippe quem multi gravesque Doctores, nullum ipso facto esse doceant.

Quid quòd Turrecremata docuit, Papam hæreticum, occultum licet, ipso facto cessare esse Papam: quo casu contra fidem pronuntians, ipso consensu in hæresim, Papa esse desierit.

Quòd si hæc Ecclesiæ Catholicæ gravitate parùm digna videantur, jam omnes eo pariter consistamus gradu, ut Ecclesiam Romanam, Sedemque Apostolicam, summamque ipsam ac seriem Romanorum Pontificum, sanam, integram stare, ac Romanam fidem vigere statuamus; quidquid, quocumque modo quidam forte Pontifices doceant, judicent, definiant.





DEFENSIO DECLARATIONIS
CLERI GALLICANI,
DE ECCLESIASTICA POTESTATE.

LIBER UNDECIMUS.

De Pontificiæ potestatis usu per Canones moderando, ad
Caput tertium Gallicanæ Declarationis.

CAPUT PRIMUM.

Refertur Caput III. Gallicanæ DECLARATIONIS.



INC Apostolicæ potestatis usum moderandum per Canones, Spiritu Dei conditos, & totius mundi reverentiâ consecratos. Valere etiam regulas, mores & instituta à Regno & Ecclesiâ Gallicanâ recepta, Patrumque terminos manere inconcussos: atque id pertinere ad amplitudinem Apostolicæ Sedis, ut statuta & consuetudines tantæ Sedis & Ecclesiarum consensione firmatæ propriam stabilitatem obtineant.

CAPUT II.

Exponitur tertium caput Gallicanæ Declarationis: hujus duæ partes: id probandum suscipitur, Ecclesiasticam Disciplinam, sive universam, sive particulares spectet Ecclesias, à Romano Pontifice regi, adhibitis regulis, sive universim, sive particulatim receptis.

TERTIUM caput Declarationis Gallicanæ versatur circa usum Apostolicæ potestatis, quoad Ecclesiasticam disciplinam; ac secundo ejusdem Declarationis capiti, Constantiensique decreto meritò annectitur.

Postquàm enim erat positum ex ejus decreti autoritate, Pontificiam potestatem Conciliari subesse, etiam quoad fidem ac reformationem, quâ Ecclesiastica disciplina continetur: exponendum restabat, quæ esset illius subjectionis ratio in utrâque istâ re: quod tertio quartoque capite Gallicani Patres exequentur.

Gerf. de Potest. Eccl. conf. 1. & x. & T. ij. Dup. p. 227. 240. term. cont. Bull. Mendic. ib. pag. 432. de stat. Eccl. de stat. Præl. conf. fid. iv. ib. p. 532.

Et Galli quidem nostri, æquè ac cæteri agnoverunt semper in Petro & successoribus plenitudinem Ecclesiasticæ potestatis, *quam nemo hominum præter Christum, imò nec Ecclesia tota conferre potuit & auferre*; sed simul docuerunt hujus potestatis exercitium & usum canonibus moderandum: quod à Gersone dictum, non modò Academia Parisiensis, atque Ecclesiâ Gallicana, nostrique omnes; sed etiam per universum Orbem optimi quique magno studio celebrârunt.

Hanc ergò doctrinam, quâ Ecclesiasticæ disciplinæ ratio, Ecclesiæque Gallicanæ libertates constant, Patres Gallicani tertio capite profitentur.

Dividitur autem caput illud bifariam. Cùm enim Ecclesiastica disciplina, vel universim spectetur, vel particulatim; hoc est, vel universam Ecclesiam, vel particulares respiciat Ecclesias, putà Gallicanam; exponunt Gallicani Patres, utroque respectu Ecclesiam, non ad arbitrium regi à Romano Pontifice; sed universam quidem per canones ubique receptos, *ac totius mundi reverentiâ consecratos*: particulates verò Ecclesias, verbi causâ Gallicanam, per regulas in hâc Ecclesiâ receptas. Regularum verò nomine etiam consuetudines approbatas comprehendunt,

Ac ne qua sit difficultas, exponunt, recepta ea, seu approbata haberi; quæ Sedis Apostolicæ atque Ecclesiarum consensione & usu obtinuerint: quæ usque adeò sanæ sunt, ut de iis fere ipsi etiam adversarii conticescant,



C A P U T III.

Ecclesia Romana iisdem canonibus regit Ecclesias, quibus ipsa regitur: probatur ex Romanis Pontificibus.

HÆc igitur singillatim exponere potius, quàm probare nos oportet. Exponimus autem maximè ex Sedis Apostolicæ decretis, quæ obvia, ac toties amplis voluminibus memorata, nunc compendiosè recensere placet.

Id fundamenti loco ponimus, Ecclesiam Romanam eò maximè eminere cæteris, quòd canones, & sequatur, & alijs sequendos suà autoritate præscribat.

Id sanctus Gelasius profitetur loco celebri, quo docet: *Uniuscujusque Synodi constitutum, quod universalis Ecclesiæ probavit assensus, non aliquam magis exequi Sedem præ cæteris oportere, quàm primam, quæ & unamquamque Synodum suà autoritate confirmat, & continuatâ moderatione custodit.* En quæ Romana Sedes exequi, atque exequenda mandare velit; ea nempe, quæ & ipsa firmavit, & universalis Ecclesiæ probavit assensus.

Et ante eum Zozimus: *Indecens autem ... hoc ab Episcopis ob certas causas Concilium agitantibus extorquere, quod contra statuta Patrum & sancti Trophimi reverentiam, (a) qui primus Metropolitanus Arelatensis civitatis ex hac Sede directus est, concedere vel mutare ne hujus quidem Sedis possit autoritas.* Cujus rei causam egregiam subdit his verbis: *Apud nos enim inconcussis radicibus vivit antiquitas, cui statuta Patrum sanxere reverentiam.*

Hæc occasione Arelatensis Ecclesiæ dicta sunt à Zozimo de juribus peculiaribus Ecclesiarum, quæ secundo loco in hoc tertio capite Declarationis Gallicanæ contineri vidimus. Et his quidem obligari se Sedes Apostolica profitetur; quantò magis iis quæ universalis Ecclesiæ firmavit assensus.

Hinc Leo ille Magnus: *Nimis improba sunt, nimis prava, quæ sanctissimis canonibus probantur adversa.*

Sanctus Gregorius Magnus: *Si Canones non custoditis & Majorum vultis statuta convellere, non agnosco qui estis.*

[(a) Reverentiam.] Massiliensis & Viennensis Episcopi Patroclus & Simplicius, id sibi juris arrogabant, alter ut secundæ Narbonensis, alter ut Viennensis provinciarum Episcopos ordinarent. At Zozimus in eà epistolâ & in iis quas de eadem re antea scripserat, decernit hoc jus Metropolitanum per eas provincias à solo Arelatensium civitatis Episcopo exerceri oportere. Nemo nescit secutis temporibus, inter Leonem Magnum & Hilarium Arelatensem intercessisse grave dissidium; quo in dissidio, Leo Hilarium Metropolitico jure privavit; causatus nempe, jus illud à se posse abrogari, ideò quòd *per privilegium Patrelo*, proximo Hilarii prædecessore, fuerat à Sede Apostolicâ temporaliter concessum. Ep. x. Leon. al. lxxxix. ad Episc. Prov. Vienn. Quæ Leonis verba multis persuaserunt supposititiam esse eam Zozimi epistolam, quâ Metropolitica potestas Arelatensi Episcopo asseritur. Sed hanc esse genuinam invictissimè probat P. QUESNEL in suâ dissert. v. in S. Leonem, quæ est apologetica pro S. Hilario. Vid. hanc dissert. part. I. cap. vi.

Tom. II.

K k

Gelas. ep.
xij. ad Ep.
Dard. T. iv.
Conc. pag.
1200.

Zozim.
ep. vij. ad
Episc. Prov.
Narb. &
Vienn. T. ij.
Conc. pag.
1570.

Leo. Mag.
epist. lxxx.
al. liij. ad
Anat. C. P.

Greg.
Mag. Lib.
ii. indict.
xj. ep. liij.
al. liij. ad
Joan. C. P.
T. ij. p. 663.

*I.

Sanctus Martinus * doctissimus Pontifex & Martyr egregius : *Canones*

Mar. I. *Ecclesiasticos solvere non possumus, qui defensores & custodes canonum sumus, non transgressores.*

ep. ix. ad
Pantaleo.

T.vj. Conc. Et sanctus Leo III. ad Caroli Magni Legatos : *Ego me illis (Concilii Patribus) absit ut præferam, sed etiam illud absit, ut coequare præsumam;*

p. 33.

Rescrip. cum ab eo peteretur ut in disciplinâ canendi symboli aliquid innovaret. (b)

Leo. iij. ad

Carol. Mag.

Tom. vij.

Conc. pag.

1195.

* Chal-

cedonen-

si-

bus.

Fragm.

Epist. Leon.

iv. ad Loth.

Imp. Tom.

vij. Conc.

p. 35. male

33.

Nicol. I.

epist. ij. ad

Michael.

Imp. ib. p.

272.

Id. ep. v.

ad euud. p.

279.

Zozim.

ep. vij. jam

cit.

Ep. Inn.

i. ad Viçr.

Rothomag.

T. ij. Conc.

p. 1250.

Nicol. j.

epist. vj. ad

Phot. Tom.

vij. Conc.

p. 283.

Sanctus Leo IV : *Non possumus præfixos Patrum terminos immutare.*

Nicolaus I. autoritatis Apostolicæ vindex acerrimus, de Ignatio deposto, ac Photio contra canones substituto : *Talibus itaque, qui juris nostri,*

id est, canonum gubernacula custodimus, necesse est obviamus. Ac postea : *Canonum paternorum vetus forma servetur.* Atque aliâ epistolâ eâdem de re :

Romana Ecclesia semper Sanctorum Patrum sincerissimas autoritates in omnibus actibus suis sequitur Verùm hæc tractatio in volumen excrescit ; si omnia

congerimus.

His ergo evincimus duo ; canones in Ecclesiâ Romanâ maximè observatos : canonum observantiam ab Ecclesiâ Romanâ ut capite, in omnia Ecclesiæ membra, & exemplo & autoritate diffusam. Hoc enim est quod

aiebat Papa Zozimus : *Apud nos enim inconvulsis radicibus vivit antiquitas ;* hoc est, & hæret apud nos, & inde pullulat per omnes Ecclesias. Quod

etiam spectant illa sancti Innocentii ad Victricium Rothomagensem : *Rectè postulasti, ut in illis partibus istiusmodi, quam tenet Ecclesia Romana, forma servetur ;*

non quo nova præcepta aliqua imperentur ; sed ea, quæ per desideriam aliquorum neglecta sunt, ab omnibus observari cupiamus, quæ tamen

Apostolicâ & Patrum Traditione sunt constituta.

Sic Ecclesia Romana antiquas regulas, quas ipsa omnium prima servaret, servandas mandabat cæteris. Hinc etiam Nicolaus I. epistolâ ad Photium hæc docet : Quod Ecclesia Romana sit caput omnium Ecclesiarum ;

illas ab eâ rectitudinem atque ordinem in cunctis utilitaribus & Ecclesiasticis institutionibus, quas secundum canonicas & Synodicas sanctorum Patrum San-

ctiones inviolabiliter, atque irrefragabiliter retineret, exquirere & sectari.

Ergò firmum illud Apostolicæ Sedis perpetuâ Traditione, hinc ad omnes Ecclesias, à Romanâ Ecclesiâ omnium Principe, ordinem propagatum ;

quod eas iisdem canonibus regeret, quibus ipsa prima omnium rege-

retur.

(b) *Aliquid innovaret.*] In Concilio Aquis-granensi, quod Carolus Magnus an. 809. coegerat, quæstio habita est de processione Spiritus Sancti. Peractâ Synodo, Carolus ad Leonem III. Legatos misit cum epistolâ, in quâ varia Scripturæ loca afferebantur, & Patrum testimonia quibus Spiritus Sanctus à Patre simul & à Filio procedere dicebatur. Eâ occasione, sermones Leo contulit cum Caroli Legatis. Et quidem, epistolæ doctrinam approbavit ; sed quantumvis Legati urgerent, Leo nunquam potuit eò adduci ut verbulum *Filioque* Symbolo adderet : quippe, inquit, Patres Chalcedonenses, in Symbolo Nicæno, *tol-*

lendo, addendo, mutandove quidquam inferere prohibuerunt. Deinde, paucis interjectis, ea dixit quæ à D. BOSSUET in textu allegantur. Porro illud responsum sapientiâ & consilio plenum fuisse abundè probaverunt ex, quæ deinceps cum Græcis de eâdem re intercesserunt controversiæ. Cæterum Galli, in cantando Symbolo, addiderunt verbum *Filioque* ; Romani autem ab illâ additione temperaverunt. Vid. Historicos Eccles. & D. FLEURY Lib. XLV. n. 94.

CAPUT IV.

Idem probatur ex gejiis sub BONIFACIO II. & ex Concilio Romano sub JOANNE IX. de translationibus.

HINC fit, ut vix ullos habeamus ordinande in Romanâ Ecclesiâ disciplinæ peculiare canones constitutos; sed quæ per omnes Ecclesias jubebantur, ea in Ecclesiâ Romanâ, vel primitiis obstinebant, vel diligentissimè recipiebantur & custodiebantur. Sic annexus sacris Ordinibus cœlibatus; sic sacræ electiones ordine celebratæ; sic vetitæ translationes; sic eadem omnia, quæ cæteris Ecclesiis, Ecclesia Romana sibi vel maximè interdicta esse intellexit.

In vitis Pontificum legimus de Bonifacio II. *Hic congregavit Synodum in Basilicâ beati Petri Apostoli, & fecit constitutum, ut sibi successorem ordinaret. Quo constituto cum chirographis Sacerdotum & iurejurando, ante confessionem beati Petri Apostoli in Diaconem Vigilium constituit. Eodem tempore factâ iterum Synodo, hoc cassaverunt Sacerdotes omnes, propter reverentiam Sedis sanctæ; & quia contra canones fuerat factum, & quia culpa eum respiciebat, ut successorem sibi constitueret, ipse Bonifacius Papa reum se confessus est Majestatis **, quod Diaconem Vigilium sui subscriptione chirographi ante confessionem beati Apostoli Petri successorem constitueret, ac ipsum constitutum in præsentia omnium Sacerdotum & Cleri & Senatus incendio consumpsit. Ad reverentiam sanctæ Sedis pertinere intelligebant, ut, quæ in eâ contra canones fierent, cassarentur. Neque Bonifacius allegabat plenitudinem potestatis, quâ supra canones evectum se esse jactaret; sed ipse primus omnium canonibus serviebat. Ita rem gerebant optimis Ecclesiæ Romanæ temporibus.

De translationibus memorabile illud; nullum in Sedem Apostolicam ab Episcopatu translatum videri, ante Marinum anno 882. aut Formosum anno 891. ex Episcopo Portuensi assumptum: ut totis ferè nongentis annis Ecclesia Romana nullam translationem noverit: adeo canonibus, quibus Ecclesiam regeret serviebat.

Et id quidem Marino à Basilio Macedone Imperatore exprobatum: Stephanus verò V. à Marino tertius, sic respondet: *Quicumque dicunt Marinum fuisse antea Episcopum, (c) ac proinde non potuisse ad aliam Sedem transferri; ostendant illi id aperte. Scito, dilecte, & omni honore digne Imperator, quod licet illi impedimento fuisset, quod objicitur de canone, cum tamen id nunquam fuerit, multitudo tamen sanctorum Patrum, & illorum autoritas &*

Lib. Pon.
Anast. 12
vit. Bonif.
ij. Tom. iv.
Conc. pag.
1682.

* Divinæ.

Steph. v.
epi l. 1. ad
Basil. Imp.
T. ix. Conc.
p. 367.

(c) *Marinum fuisse... Episcopum*] à Joanne IX. constitutum dicit quidem D. FLEURY Lib. LIII. n. 37. sed negat ulli Ecclesiæ fuisse prælatum. Nempe eo tantum consilio ordinatus fuerat, ut ad Sclavos divini verbi præco dirigeretur. Vid. ej. vit. à Basilio scriptam Tom. ix. Conc. p. 356. De Marini Episcopatu sic Baronius memorat an. 882. Tom. x. p. 583. *Cujusnam Ecclesiæ Episcopus fuerit non satis exploratum habemus.*

judicium potuit illum constituere in primo gradu. Quo loco, per multitudinem Sanctorum Patrum, significat sacrum Concilium Ecclesiæ ac Provinciæ Romanæ, vicinarumque Ecclesiarum, quæ Papæ electionem facere, vel firmare consueverant; quatum autoritate Marinus per dispensationem transferri potuerit.

Ibid.

Tum profert Gregorium Nazianzenum & alios, qui *è suis Sedibus ad alienas translati sunt*. Nec ille quidem dicit, Romanam Ecclesiam aliis eminentem, canonibus non teneri; imò dispensationem *ex sacri Concilii autoritate*, in eâ, ut in aliis, locum habere potuisse.

Ibid.

Cætera quæ subdit; tametsi peccatum fuisset in Ecclesiâ Romanâ, tamen *primam Sedem à nemine judicari*; eò pertinent, non ut Ecclesia Romana canonibus non obligetur; sed ut ejus Pontifices, etiamsi peccâsse videantur, non tamen subint particulari Concilio, quale adversus Marinum Constantinopoli ab Imperatore congregari potuisset; quod alterius loci est.

Luitpran.
lib. 1. cap.
viij. vid. vit.
Steph. vj. T.
ix. Conc. p.
475.

Conc.
Rom. sub.
Joan. ix. c.
iij. ib. pag.
503.

De Formoso quidem omnes nôrunt ejus cadaver à Stephano VI. (septimum passim vocant) reffossum, objectumque illud mortuo: *Cùm Portuensis Episcopus esses, cur ambitionis Spiritu Romanam Sedem usurpasti? Ac deinde tribus abscissis digitis, quibus Pontifices benedicere solent, projectum in Tyberim.*

Hæc quidem infanda acta à Joanne IX. damnata sunt in Concilio I. Romano septuaginta quatuor Episcoporum, cujus Synodi capitulum tertium sic habet: *Quia necessitatis causâ de Portuensi Ecclesiâ Formosus pro vitæ merito ad Apostolicam Sedem provectus est, statuimus & omnino decernimus, ut id in exemplum nullus assumat; præsertim cùm Sacri Canones hoc penitus interdiciant, & præsumentes tantâ feriant ultione, ut etiam in fine laicam eis prohibeant communionem; quippe quod necessitate aliquoties indulium est, necessitate cessante, in auctoritatem summi non est permissum.*

Canon memorabilis, quo Ecclesia Romana ut forma cæterarum, adeò communi reliquæ Ecclesiæ Canone se teneri testata est, ut id etiam vereretur, ne laxata apud se disciplina, aliis quoque laxata esse videretur: adeoque & ipsa laxati erga se canonis causam, ipsam quæ cæteras quoque excusaret Ecclesias, necessitatem affert: tum caver canonibus ab exemplo Romanæ Sedis, & eos innovat ac firmat. Fixum ergo illud atque perpetuum, ita à Domino Ecclesiam Romanam cæteris præsidere jussam, ut quibus Ecclesiam universam regeret, iis canonibus ipsa regeretur.



CAPUT V.

Aliud exemplum: Concilium Romanum sub JOANNE XII.

ALID exemplum videamus. Decimo exeunte sæculo, anno Christi scilicet 963. Joannes XII. à Synodo habità, autore Othone I. Imperatore, propter horrenda totoque Orbe nota flagitia ac scelera, depositus est. Leo dictus VIII. huic substitutus. Hanc Synodum, ut omni autoritate canonicà, utque etiam ordine judiciario destitutam, Baronius rejicit inter pseudo-Synodos. Romanam Synodum à quâ, Joanne Præsidente, anno 964. illa damnata est Synodus, miris effert laudibus. Hujus ergo Synodi acta audiamus, actione I. Joannes piissimus ac sanctissimus sancta Romana Ecclesia Papa dixit: sciitis, dilectissimi fratres, me fuisse expulsum Imperiali vi per duos menses à propriâ Sede. Quapropter vos plurimum rogo, si dici potest regulariter Synodus illa, qua habità est me absente, in Ecclesiâ meâ, ab Othone Imperatore, suisque Archiepiscopis & Episcopis, an non? Sanctum Concilium respondit: prostibulum favens adultero, invasori scilicet alienasponsæ, nempe Leoni intruso. Piissimus ac sanctissimus Papa dixit: Ergo damnanda est à nobis? Sanctum Concilium respondit, auctoritate sanctorum Patrum damnanda; hoc est auctoritate canonum. Tum à Papâ & Episcopis prolata sententia est. Rursus Papa sic interrogat: Quid censetis de Sicone, Episcopo * à nobis dudum consecrato, qui in nostro Patriarchio Leonem curialem, & Neophytum, atque perjurum nostrum, jam ostiarium, Lectorem Acolyum, Subdiaconum, Diaconum, atque subito Presbyterum ordinavit, eumque sine aliquâ probatione, (hoc est sine consueto examine) contra cuncta sanctorum Patrum statuta, in nostrâ Apostolicâ Sede consecrare non formidavit? Sanctum Concilium respondit: deponatur ipse qui ordinavit, & qui ab eo est ordinatus. Nempe ex sanctorum Patrum statutis, quibus Curiales, quibus Neophyti, atque assumpti ex laicis, Episcopatu arcebantur, quibus Episcopi sine canonico examine fieri vetarentur. Papa iterum rogat: Quid ergo de illo Curiali & Neophyto, perjurio, atque invasore nostræ Sedis censetis? Sanctum Concilium respondit: omnino damnetur; ut nullus deinceps Curialium, aut Neophytorum, aut Judicum, aut publicè pœnitentium ad summum Ecclesiæ gradum aspirare præsumat. Tum piissimus ac sanctissimus Papa dixit: sit Leo Curialis ac Neophytus ac perjurus noster, Domini omnipotentis, ac beatorum Apostolorum Principum Petri & Pauli & omnium simul sanctorum atque venerandorum & universalium Conciliorum auctoritate, nec non & Spiritus Sancti per nos judicio omni clericum præsumptus exutus.

Plat. in vit. Joan. xij. Baron. an. 963. T. x. p. 775. Baron. ib. an. 964. p. 779. & seq. Conc. Rom. sub Joan. xij. an. 964. T. ix. Conc. p. 654. 655. * Ostiensis.

Hic Joannes tantâ Sede depulsus, non Sedis suæ privilegia, quæ essent maxima & notissima, prædicabat; nullos Canones de suâ Sede prolatos aut ipse, aut Episcopi proferebant: Patrum staturis, Conciliorum universalium auctoritate, communi se canone tuebatur; quo damnatus Photius; quo ubique Curiales, Neophyti inexaminati, Clero arcebantur. Sic igitur decimo sæculo corruptissimo, in Ecclesiâ Romana, ipsâ Traditione vivebat anti-

quitas, & communium canonum disciplina : neque aliter Joannes adversus Othonis Synodum, quàm communi se canone defendebat.

CAPUT VI.

Nova & inaudita GRATIANI interpretatio XXV. Quest. 1.

P. S. SI ERGO.

NEQUE me fugit quem in sensum Gratianus hæc, post aliquot sæcula detorserit; nempe is primus omnium mortalium, anno demum circiter 1150. de suo, neque ullum, ut aliàs solet, autorem allegans, hæc scripsit: *Quemadmodum Christus Sabbati ac legis Dominus se Sabbato submisit; sic, inquit, summæ Sedis Pontifices, canonibus, sive à se, sive ab aliis suâ autoritate conditis, reverentiam exhibent, & iis se humiliando, ipsos custodiant, ut aliis observandos exhibeant.* Durius est, quod subjungit, neque antea usurpatum à quoquam, quod iidem Pontifices, nonnunquam, seu jubendo, seu definiendo, seu aliter agendo, se decretorum Dominos & conditores esse ostendunt. Neque levius istud: *Aliis imponitur necessitas obsequendi: summis verò Pontificibus ostenditur inesse autoritas obsequendi; ut à se tradita observando, aliis non contemnenda demonstrent, exemplo Christi, qui Sacramenta quæ Ecclesiæ servanda mandavit, primus in se ipso suscepit, ut ea in se ipso sanctificaret.* Quæ si quis ante hæc tempora à Romanis Pontificibus, vel à quopiam probatoris notæ autore conscripta legerit, nihil repugno, quominus autoritatem obtineant. Valere aurem quæ contra totius anterioris ævi Traditionem, duodecimo demum sæculo, Gratianus commentus est; Theologicæ disciplinæ ratio non finit. Sed omisso Gratiano ad prisca & anteriora redeamus.

CAPUT VII.

Concilium Moscomense RODULPHI GLABRI locus: Concilium Ansanum: de eo Anonymi responsiones: de exemptionibus obiter: PETRI VENERABILIS, & sancti BERNARDI loci: an Monachis Cluniacensibus profuerit, quod Romanum Pontificem pecuniarem Episcopum habere vellent.

CUM ergo Ecclesia Romana communi canone & regeretur & regeretur, sancti Patres nostri Gallicani Episcopi, referente Flodoardo ad annum 948. in Moscomensi * Synodo, mirantur allatas literas ex nomine Agapeti Papæ per Clericum, qui eas Româ detulerat, nihil autoritatis canonice continentes; hoc tantum præcipientes, ut Hugoni Rhemensi redderetur Episcopium. Hoc nostris novum & insolens videbatur, quippe à consuetudine Romana Ecclesiæ alienum. Pergit Flodoardus: *Quibus lectis, incuntes, Episcopi*

Flodo. in
Chro. ann.
948. vid. T.
ix. Conc. p.
622. 623.
* Moscomum oppidulum est in Campania situm.

Concilium, cum Abbatibus & ceteris sapientibus, qui aderant, responderunt... Ut quod regulariter capium fuerat, canonicè pertractaretur. Itaque recitato capitulo XIX. Carthaginensis Concilii (d) De accusato & accusatore; iudicatum est secundum definitionem ipsius capituli, ut Arialdo Præsule retinente communionem & Parochiam Rhemensis, Hugo qui ad duas Synodos evocatus venire contemserat, à communione & regimine Rhemensis Episcopii abstineret, donec ad universalem Synodum (ex Germanis & Gallis Episcopis congregatam) se purgaturus occurreret.

Cod. Canon. Ecclesiæ Afric. c. xix. T. ij. Conc. p. 1060.

Suspectas habent allatas Romæ ex nomine Papæ literas, quod sola iussa, nihil Canonica autoritatis continerent. Ipsi ex Canonibus Roberto Trevirensi Legato Apostolico autore, inchoata exequentur. Sic Germani, sic Gallicani Episcopi iudicabant.

Notum illud, neque omittendum Rodulphi Glabri *, de Episcopis Gallicanis ægrè ferentibus, Cardinalem à Joanne XVII. delegatum, ut Romani Pontificis autoritate, Basilicam ** in agro Turonico a Fulcone Andegavensi Comite constructam consecraret: quod Hugo Turonensis Archiepiscopus (e) ex causis Canoniciis facere recusasset. Quæ de re Glaber (f) hæc scripsit: *Quod utique audientes Galliarum Præsules præsumptionem sacrilegam cognoverunt ex caca cupiditate processisse, ac rursus: Licet Pontifex Romana Ecclesia, ob dignitatem Sedis Apostolica, ceteris in Orbe constitutis Episcopis, reverentior habeatur; non tamen ei licet transgredi in aliquo canonici moderaminis tenorem. Denique, Universi pariter detestantes, quoniam nimium indecens videbatur, ut is qui Apostolicam regebat Sedem, Apostolicum primitus ac canonicum transgrediatur. tenorem.* Itaque turbinem repente coortum, quo concussa Basilica [g] ac disturbata consecratio est, divino iudicio imputarunt. Anno 1004.

* Monachi Cluniacensis.

** Seu Monasterium Belli loci in pago Turonico in prospectu Castrici Lucallensis.

Sunt qui Rodolphum Glabrum falsi convictum putent, tabulis ab Illustrissimo viro Petro de Marca summatarim relatis. Atqui vir doctissimus his tabulis, Glabrum non confutatum (h), sed illustratum voluit: deinde has

Rodulph. Glabr. lib. ij. cap. iv. ap. Duchesne. T. iv.

(d) *Capitulo XIX. Carthaginensis Concilii*] statuitur, ut Episcopus accusatus, qui, nullâ necessitatis causâ impeditus, ad Concilium occurrere noluerit, ipse in se damnationis sententiam dixisse iudicetur, & sit communionis expers; licet Synodus in eum excommunicationis sententiam non expressè dixerit.

(e) *Hugo Turonensis Archiepiscopus*] Basilicam à Comite Andegavensium Fulcone constructam consecrare recusabat, nisi ille prædia, quæ non pauca subripuerat Ecclesiæ, primitus restitueret; & negabat se iusto iudici Deo esse obtemperare debere propria quæ ille volebat, qui aliena iniuste diriperat. Nimirum illo ævo & sequentibus, quæ ignorantia sæcula vulgò appellantur, tanta fuit religionis ignorantia, ut plerique Christianorum, non in reformandis moribus veram pietatem collocarent, sed in locupletandis Monasteriis: adeo ut se, nullâ acta penitentia, ab omnibus peccatis crederent absolutos, modò dotarent Monasterium, aut Basilicam dicarent. Avari autem Monachi diligenter cavebant ne tolleretur, sed ut foveretur ille error, qui quidem illorum opulentia, simul & interemptæ disciplinae fons & causa fuit. Nam difficile est ut Monachus opibus abundans severiorem sequatur vitæ disciplinam.

(f) *Glaber*] rem sic narat: Fulco indignè ferens Episcopi responsa... copiosâ auri & argenti assumptâ pecuniâ, Romam peregrinans... Joanni Papæ... plura munerum dona obtulit: qui (Joannes) misit Cardinalem nomine Petrum, cui etiam præcepit, quidquid agendum Fulconi videbatur, intrepidus expleret.

(g) *Concussa Basilica.*] Imò eam funditus eversam fuisse Glaber affirmat.

(h) *Glabrum non confutatum*] à Petro de Marca constat: quinimò certum est confuta-

Marc. de tabulas visas lectasque oportet integras, antequam candidissimo hujus ævi
Concord. historico detrahamus fidem: denique utcumque est, ejus testimonio firma-
&c. Lib. iv. tum videmus, de observando etiam à Romano Pontifice canonico ordine,
c. viij. n. 2. communem Ecclesiæ Gallicanæ sensum.

Neque ita multò post, Concilium Ansæ in Pago Lugdunenſi congrega-
tum est. Ibi Gauſſenus de Viennâ Episcopus Matisconenſis gravem expos-
tulationem habuit, de ordinatione Cluniacenſium Monachorum à Burchardo
Viennensi factâ, vi privilegii, quod Cluniacenses habebant à Romanâ
Ecclesiâ. Quâ de re sancta Synodus sic statuit: *Relegentes sancti Chalcedonenſis*
Concilii, & plurimorum authenticorum Conciliorum sententias, quibus præcipitur,
Anf. an. qualiter per unanquamque regionem Abbates & Monachi proprio subesse debeant
1025. Tom. Episcopo, & ne Episcopus in Parochiâ alterius audeat ordinationes vel consecrationes,
ix. Conc. p. absque licentiâ ipsius Episcopi, facere; decreverunt chartam non esse ratam, quæ
8, 8. canonicis non solum non concordaret, sed etiam contraireret sententiis. Archiepiscopus
ratione convictus, à Gauſſeno veniam petiit. Eidem, multâ impositâ, satisfecit
(i) anno 1025.

Neque propterea omnia privilegia cassâ habebantur. Hoc tantùm cave-
bant ne pro arbitrato, ne necessitate nullâ, ne inconsultis iis quorum inter-
erat, concessâ viderentur. Itaque ea privilegia, quæ hætenus invaluerant,
concedi solebant autoribus Episcopis, vel Synodis certè consentientibus,
Thomass. & ad certum modum, magnoque respectu ad canonicum ordinem. Quod
Discipl. de etiam vir doctissimus Ludovicus Thomassinus luculentissimè demonstravit.

Ansæ Synodi auctoritatem elevare nititur autor Anonymus qui de Gal-
licanis libertatibus scripsit. Ac primùm quidem ex eâ Synodo nihil memo-
rat, præter fragmentum à Marcâ relatum. At dissimulat narrationem inte-
gram optimæ notæ, in editione Labbeanâ Conciliorum insertam. Ait postea
xlij. p. 194. & seq. narrationis hujus non adeò indubitatam esse veritatem. Sed id pronuntiâsse non

Anon. de sufficit; docere oportebat. Addit *Monachos Cluniacenses privilegiis Apostolicis*
lib. &c. lib. usos fuisse, quantumvis renitentibus, sed tandem cedere coactis Episcopis. Quis enim
xj. c. vij. hæc nescit; & gliscente licentiâ, prævaluisse in multis contra canones ab-
n. 9. & seq. solutam illam & arbitrariam potestatem? Id ex Ansano Concilio notum esse

Marc. de volumus, Majores nostros, sæculo quoque undecimo, canonum ac priscae
Concord. disciplinæ memores, extraordinariis illis imperiis, quoad fieri salvâ pace
&c. lib. iv. potuit, obtitisse.
c. vij. n. 1. Tom. ix.

Conc. pag. Quare nihil ad nos illud quod idem Anonymus memorat *Joannem XIX.*
859.

Anon. tum Baronii errorem, qui, ex Glabri narratione male intellectâ, colligebat in eâ agi, non
loc. cit. n. de Joanne XVIII. sed de illò Pseudo-Pontifice Joanne XVI. quem Sedis Apostolicæ inva-
10. sorem adversus Gregorium V. Otto Imperator omni supplicio excruciatum necari jussit, ut
videre est in ejusdem Gregorii vitâ, Tom. ix. Conc. p. 751. Glaber quidem dicit, Joannem
& Fulconem recens schisma in Ecclesiâ Romanâ creavisse: unde Baronius concludit Gla-
brum hic loqui de Pontifice schismatico, proindeque de Joanne XVI. quod negat vir eru-
ditissimus Petrus DE MARCA, qui etiam probat Glabri sæculo vulgare fuisse hoc loquendi ge-
nus, quo schisma in Ecclesiâ invehere dicerentur ii, qui canones violarent. Vid. de Con-
cord. &c. loc. cit.

(i) Satisfecit. Nempe Burchardus Viennensis, ut legitur in actis, *veniam petens à Gauſ-
ſeno, loco satisfactionis firmavit. . . ut unoquoque anno, quandiu ambo viverent. . . sufficien-
tiam olei de olivis, ad conficiendum chryſma, ipsi persolveret.*


& *Monachos privilegia jam concessa defendisse.* Neque magis ad rem illa Joannis XIX. epistola ab Anonymo memorata, quâ Burchardo Lugdunenſi Anſani Concilii Præſidi, *gratum animum teſtetur, quòd Cluniacenſi Monasterio faueret contra Gauſſenum.* Quâ epistolâ Anonymus ad inſtingendam Anſani Concilii autoritatem fruſtrâ utitur. Potuit enim, Burchardo Lugdunenſi licet Præſide refragante, adverſus Cluniacenſe privilegium Patrum viſiſſe ſententia: potuit idem Burchardus ab eâ ſententiâ reſiſſe, quam in Anſano Concilio protuliſſet. Quibus modis à Joanne XIX. grati animi ſignificationem retulerit, illaſâ Anſani Concilii veritate, illud intetum conſtiterit, & privilegium contra canones Chalcedonenſes datum, Gallicanis Episcopis uſque adeò nullum fuiſſe viſum, ut Burchardus Vienneniſis quòd eo uſus eſſet, Gauſſeno Mariſconenſi ſatiſfecerit.

Neque hîc quarimus an, & quibus caſibus Papa potuerit abſolutâ illâ poteſtate, hujusmodi privilegia concedere, repugnantibus licet Episcopis; quam quæſtionem Anonymus invidioſe movet: ſed id tantum volumus, quod Gallicana Declaratio docet, illam plenitudinem Apoſtolicæ poteſtatis per Canones moderandam; idque à Patribus noſtris, lapſis Eccleſiæ rebus, atque etiam undecimo ſæculo, pro virili parte propugnatum fuiſſe.

Hic laudat Anonymus Petrum Cluniacenſem duodecimo ſæculo hæc ſcribentem: *His additis & multa inveſtione extollitis, quòd proprium Episcopum habere refugimus: nos vero reſpondemus, iſtud veritati contrarium oppoſitâ fronte exiſtere; quoniam patet nos proprium Episcopum habere. Quis rectior, quis dignior Romano Episcopo Episcopus poteſt inveniri?* Hæc quidem ſcripſit Petrus ille venerabilis ad beatum Bernardum, ſeu potiùs, modeſtè licet, adverſus ipſum & Cisterciennes. Nunc lector viderit, Pertine Cluniacenſis, an Bernardi Claravallenſis potior ſit autoritas. Paucos equidem eſſe reor qui Petro non anteponant Bernardum accuſantem eos, qui hæc ſpecie ab Episcoporum autoritate reſiſſerint. Nempe conqueritur is, *iſtis emancipationibus, Monachos diſſolutiores fieri, imò & pauperiores; peccare licentiùs vagum ac malè liberum vulgus; noxia libertatis geminam ſobolem eſſe, paupertatem & ſecularitatem,* Sanctitatis nomine in Monasteria introductam. Cætera omnibus nota commemorare nihil attinet. Cæterum eventus docuit, haud fruſtrâ hæc conqueſtum eſſe Bernardum. Quòd enim Monachi paſſim magnum quidem & omnibus præſidentem; ſed tamen longè poſitum, & omnium Eccleſiarum ſollicitudinè occupatum, habere voluerint peculiarem Episcopum; hinc maximè proveniſſe vidimus, ut tot Monasteria propè jam immedicabili vulnere proſtrata jaceant. Sed nos hæc aliis tractanda & deploranda relinquimus, quæ à nobis ſunt inchoata proſequimur.

Anon. ib.
Petr. Clun.
lib. I. epist.
xxvi. j. ad
Bern. Cist.

Bern. de
Conſid. lib.
ii. c. iv. n.
16. T. I. p.
432.



CAPUT VIII.

Concilium Lemovicense II. GREGORIUS VII. concors Romanorum Pontificum & Episcoporum professio de regendo & obediendo secundum canones.

Conc. Ie-
movic. ij.
fess. ij. T.
ix. Conc. p.
906. **A**NNO Christi 1031. paulò post Ansanam Synodum, habitum est Lemovicense II. Concilium, in quo hæc legimus: *Episcopus Petracoricensis de quodam Canonico suo tantum Clerico, qui uxorem duxerat, inquirendo proposuit dicens: ut judicarent quid de eo ageretur. Ad hoc verbum in Concilio responsum est:*

Canones judicent: quomodo enim possumus nostro arbitrio judicare quidquam? Quam regulam, etiam à Romanis Pontificibus gesta æstimabant: Inconsulto, inquit, Episcopo suo, ab Apostolico pœnitentiam & absolutionem accipere nemini licet. Ac subdunt, neque Petrum ipsum aliter facturum fuisse. Certè Beatus Petrus, si sciret illum (quem absolvit) esse à Beato Martiale, excommunicatione obligatum, potius eum damnaret, quam absolveret. Sic Apostolici Romani Episcoporum omnium sententiam confirmare non dissolvere debent; quia sicut membra caput suum sequi ita & caput membra sua necesse est non contristare.

Neque aliter Romani Episcopi sentiebant. In eodem enim Concilio refertur Pontium Comitem Arvernensem à suo Episcopo excommunicatum, à Papâ absolutionem accepisse; conquestumque Episcopum, hoc responsum à Papâ tulisse: *Debueras certè mihi antequàm illa mortua ovis Romam veniret, ejus causam tuis innotescere apicibus; & ego eam omnimodo abjicerem, tuamque firmando auctoritatem, eam anathematis ictu repercuterem. Profiteor quippe omnibus Consacerdotibus meis, ubique terrarum adiutorem me & consolatorem potius esse quam contradictorem: absit enim schisma à me, & à Coepiscopis meis. Itaque illam pœnitentiam & absolutionem, quam tuo excommunicato ignoranter dederam, & ille fraudulenter accepit, irritam facio & cassam; ut de illâ nihil aliud speret quàm maledictionem, quoad satisfactum tu justè absolvas.*

Aliud exemplum afferunt Papæ Episcopum *rogantis, ut pœnitentiam quam imposuerat, affirmaret; Episcopi verò renuentis, his verbis: *Non credere possum hoc mandatum ab eo exortum, quod canonibus repugnaret. Quibus commemoratis: Dixērunt Episcopi, hoc ab ipsis Apostolicis Romanis, & cæteris Patribus cautum tenemus, quod contra canones elicitum, robore careant, ac præter sententiam Apostolicæ Sedis expressa videantur.*

Neque eò minùs Pontificiam auctoritatem reverebantur sancti & humiles Episcopi, qui Papam caput suum ubique prædicant, afferuntque illud: *Judicium enim totius Ecclesiæ maxime in Apostolicâ Romanâ Sede constat.* Sed illud judicium canonico ordine proferri volebant, non mandatis extraordinariis præter canonum sententiam.

Hæc disciplinâ Gregorius VII. vixit: *Solet, inquit, sancta & Apostolica Sedes pleraque consideratâ ratione tolerare; sed nunquam in suis decretis à*

Concordiâ canonica, hoc est, à canonum consensione discedere. Alibi commendat, statuta Romana Ecclesia, quæ à tramite Sanctorum Patrum non recedit; reprehenditque Episcopos, quoniam Sanctorum Patrum decreta, & Ecclesiastica religionis statum, non eâ, quâ oportet diligentia custodirent. Sic canonum observantiâ ipsum religionis statum fulciri putabant.

Itaque Episcopi in ipsâ consecratione Romano Pontifici profitebantur *canonicam obedientiam, & secundum canones, & servato ordine suo; quæ professio etiam nunc in Episcopali consecratione viget. Romani verò Pontifices, ritè appellatis octo universalibus Conciliis, dato jurejurando profitebantur, se, quæ prædicaverunt & statuerunt, omni modo sequi & prædicare; omnia decreta prædecessorum Apostolicorum Pontificum, quacumque ipsi Synodaliter habuerunt, & probata sunt, confirmare, & indiminuta servare; & sicut ab iis statuta sunt, in sui vigoris stabilitate custodire. Sic totius disciplinæ ratio antiquis constitutis nititur: profitenturque & Episcopi, ut secundum canones pareant; & Romani Pontifices, ut secundum canones regantur, ac regant.*

Hæc Papæ professio Diurno Romanorum Pontificum continetur: hæc post octo prima Concilia, post octingentos annos vi suâ stabat: hæc Ivonis Carnotensis, imò & Gratiani tempore, viguit, quippe quam memorârunt, & in canones transtulerunt.

Quam autem vigerit illa, quam Episcopi Romano Pontifici profitebantur secundum canones obedientiam, testatur Hincmari Rhemensis in Tricassinâ Synodo, Joanne VIII. Præsidente, ipsi ac Sedi Apostolicæ facta professio, in hæc verba: *Quod in omnibus secundum sanctarum Scripturarum tramitem, sacrorumque canonum decreta, Sedes Romana tenet per omnia & in omnibus, pro scire & posse meo, perpetuum prosequor & teneo. Quam professionem apriori loco integram retulimus.*

Id. ib. lib.
1. ep. xij. ad
Guill. Papien-
f. p. 14.
Ib. lib. ij.
ep. 1. ad E-
pisc. Brit. p.
69.
Pont. Rom.

Diurn.
Rom. Pont.

Iv. Carn.
epist. lx.
Lxxij.

Conc.
Tricass. ij.
T. ix. Conc.
p. 307.
Sup. lib. ix.
c. xxj.

C A P U T I X.

Libertas in jure antiquo & communi: Pragmatica Sanctio Sancti LUDOVICI: an ab Anonymo idoneis probationibus falsè arguatur.

AT postquam, labente disciplinâ, ambitione atque adulatione glifcente, ab eâ regulâ deflexum est, ac Romani Pontifices mandatis extraordinariis, reservationibus ac decimis, gravia onera, etiam pecuniaria imponere, & trahere ad se paulatim Episcoporum Clerique jura cœperunt; sanctus Ludovicus Pragmaticam edidit, quâ novos ausus cohiberet. Primi capituli hæc verba sunt: *Statuimus & ordinamus, ut Ecclesiarum Regni nostri Prælati, Patroni & Beneficiorum collatores ordinarii, jus suum plenarium habeant, & unicuique sua jurisdictio servetur. Caput secundum: Item Ecclesia Cathedralis, & alia Regni nostri liberas electiones habeant, & earum effectum integraliter prosequantur. Quartum: Item promotiones, colla-*

Prag. Sanct.
S. Lud. T. x.
Conc. pag.
907. 908.
Boch. decr.
Eccl. Gall.
preuv. des
libert. de
l'Egl. Gall.
T. ij. c. xv.
n. 36. p. 76.
ed. 1731.

tiones, provisiones, & dispositiones Prælaturarum, dignitatum & aliorum quoruncumque beneficiorum & officiorum Ecclesiasticorum Regni nostri, secundum dispositionem, ordinationem & determinationem juris communis, sacrorum Conciliorum Ecclesiæ Dei, atque institutorum antiquorum sanctorum Patrum fieri volumus & ordinamus. Anno 1268. *

*Hoc est
anno 1269.
ante Pascha

Hæ sunt illæ, quas vocamus, Gallicanæ Ecclesiæ libertates: regi jure communi, Conciliorum autoritate ac Patrum institutis. Hanc Pragmaticam vetustissimis actis & regeſtis inſcriptam, à multis jam sæculis laudatam, memoratam, (k) commendatam; idque ab Ecclesiasticis, à Magistratibus, à Legatis, ab univerſi Regni Ordinibus congregatis, ac per tot sæcula nulli ſuſpectam, quidam etiam Galli noſtris temporibus, aut totam, aut partem ejus aliquam, in dubium revocant, nullo documento; poſtquam nempe audemus inſinulare falſi quidquid guſtui non ſapit.

Quid autem habet novi, ut falſa habeatur? Nempe illa jus commune, Conciliorum autoritatem, ac Patrum inſtituta prædicat; his adverſantia valere non ſinit. Quid autem aliud ſonant tot Patrum, maxime Gallicanorum geſta, quæ legimus? Cur ergo falſa ſit, quæ uſque adeò Gallorum ingenium ſapiat? Quid quòd ſi falſa eſſet, tamen haud aſpernanda videretur, quæ noſtris moribus Traditionibuſque congruat, & tam pronis animis accepta ſit. Sed tamen videamus quid autor Anonymus, qui de libertatibus nuperrimè ſcripſit, ſuper hæc falſitate dixerit, ut vel ex eo pateat, quàm ſutilibus argumentis agant.

Anon. de
lib. & c. lib.
1. c. xv. n. 7.

Primum argumentum: *Pragmatica illa à nemine allegata fuit per ducentos annos.* Facilis reſponſio; non enim cauſa adfuit; ac ſi illa probatio admittitur, quot bona legitimaque acta conciderint!

Ib. n. 8.

Secundum argumentum: *Nec etiam tunc in lucem edita fuit, ſed tantum anno 1515.* Quid autem eſt, in lucem edita? An fortè vulgatam typis oportuit, cum necdum typi eſſent? An verò negabunt more ſolenni promulgatam quæ in vetuſtiſſimis Parlamenti regeſtis extet? An etiam neceſſe eſt, poſt tot sæcula, acta promulgationis afferri? Quis tam iniquas conditiones imponere poſſit?

Ib. n. 9.
vid. quoq.
n. 5.

Tom. vj.
Bibl. pp.
Margar. de
la Bigne.

Tertium argumentum: pluries typis excuſa eſt ſine quinto capite, quo *exactiones & onera graviffima per curiam Romanam impoſita prohibentur.* At quid hoc ad primum, ſecundum & quartum caput, quæ nunc laudamus? De quinto verò fatemur à Margarino de la Bigne, quem alii ſecuti ſint, in editione Bibliothecæ Patrum fuiſſe prætermiſſum; (l) ſed mancum,

(k) *Memoratum.*] Memoratur in illo libello Curie Pariſienſis ad Ludovicum XI. art. vi. quem reperies *Trait. des Libert.* edit. 1731. Tom. 1. p. 1. memoratur etiam inter acta comitiorum trium Ordinum, quæ Turonis an. 1483. celebrata ſunt: item in inſtrumento appellationis Univerſitatis Pariſienſis an. 1491. quod inſtrumentum extat *Prem. des Libert.* cap. xiii. n. 16.

(l) *Fuiſſe prætermiſſum.*] Joannes du Tillet Curie Pariſienſis ſcriba primarius, opusculum, edidit cum hoc titulo: *Memoire & avis de M^r. Jean du TILLET . . . ſur les libertés de l'Egliſe Gallicane*, cui adjunxit varia monumenta ex commentariis Curie Pariſienſis extracta, atque imprimis Pragmaticam-ſanctionem S. Ludovici, de qua lectores admonet his verbis: *Nous avons voulu ajouter ici l'Ordonnance du bon Roi S. Louis, appelée vulgairement LA PRAGMATIQUE, toute entiere & au vrai, comme elle ſe trouve ès anciens regiſtres, & com-*

ut fit, exemplar nactus est, ex integrioribus jam supplendum exemplaribus : seu viro bono religioni fuit sancti Ludovici nomine quidquam edi, quo Curia Rumina reprehendi videretur ; seu Typographi metuerunt, infixis censuræ notis, creari sibi incommoda. Caterum & ille V. articulus longè antea laudatus ; ac memoratus fuit.

Quartum argumentum : *Non esse verisimile sanctum Regem, tanta erga Sedem Apostolicam reverentia Editto solenni Romana Curia officiales, comprimere voluisse.* Tum illud ; *necdum fuisse morem inductum auctoritatem Regiam sanctæ Sedis ordinationibus opponendi ;* tanquam exactiones illæ ad pietatem aut ad Sedis Apostolicæ dignitatem pertineant..

Quintum & sextum argumentum : anno 1268. Sanctus Rex *ad secundam in terram sanctam expeditionem, cum summi Pontificis consilio, se accingebat ;* monitisque potius cum amicissimo Pontifice, quam Editis egisset. Neque is erat Clemens IV. * qui his coercendus videretur, innocentissimus, atque abstinentissimus Pontifex : Ac si *quod tum fuisset exactum subsidium, non nisi ad juvandum in expeditione bellicâ Regem, impendendum fuisset.* Quæ omnia sponte concidunt, si dicamus Ludovicum, non præsentibus malis, sed, quâ erat providentiâ, futuris, ac pridem expertis occurrere voluisse : Clementem verò IV. quò erat abstinentior, eò æquiore animo tulisse, prohiberi ea, à quibus ipse abhorreret.

An verò probatione nullâ, tam futilibus conjecturis, celebratissima acta falsi insimulare liceat, prudens lector judicet. Certè auctor Anonymus, quo causam tueatur suam, nihil asserti verius quàm istud : virum egregium, Ludovicum Thomassinum Gallum, in eadem esse sententiâ. Hujus ergo conjecturas colligit, quas modò refutavimus. Nos verò eum virum, ut doctrinâ clarum, ita pacis studio multa, ac, ferè dixerim, nimia cogitantem, ac, ne quemquam lædat, ubique metuentem, nec lædere ipsi volumus. Atque hîc de Pragmaticâ sancti Ludovici Sanctione dicendi finem facimus.

me elle a été ci devant imprimée es plus vieux files du Parlement de l'an 1515. & même en un livre de M. Helie, jadis Archevêque de Tours, pour le Concordat, imprimé à Tolose en 1518. pour le moins avec plus de conscience & de religion, que n'ont eu ceux qui l'ont osé corrompre, & insérer, retranchée d'articles entiers, entre les statuts Synodaux d'aucuns Evêques de Paris, & depuis encore en un gros ramas intitulé, BIBLIOTHECA SS. PATRUM : voire & aucuns en deux éditions des Ordonnances & Edits des Rois de France. Vid. Trait. des Libert. Tom. 1. p. 44. & Mem. de du Till. Evêq. de Meaux, Par. 1607. p. 355. Hanc Pragmaticam multis & gravibus rationibus sancto Ludovico assertam reperies quoque, Pieu. des Libert. Tom. II. cap. xv. n. 35. not. p. 77.



CAPUT X.

Edictum CAROLI VI. decretum Florentinum: nulla sunt, quæ contra Canones: Romanus Pontifex contra Canones agere nolle præsumitur, ne ipse adversetur sibi: locus insignis Concilii Basileensis.

EX eodem fonte manavit Caroli VI. Constitutio, Clero agente, ac plaudente, edita anno 1406. quâ sublati reservationibus, (m) sive expectationibus (hoc est expectativis gratis) personas Ecclesiasticas Regni, ac Delphinatus ad suas franchisias & libertates in perpetuum reducit, secundum antiqua jura communia, & Concilia generalia; quæ ex sancti Ludovici Sanctione deprompta sunt.

Hæc verò omnia Concilii etiam Florentini autoritate sancita invenimus. Decretum retulimus, quo utriusque Ecclesiæ, Græcæ scilicet ac Latinæ consensione firmatur, à Petri successoribus pasci ac regi universalem Ecclesiam; sed ad eum modum, qui Conciliorum gestis ac sacris Canonibus continetur.

Quid si adversus Canones statuunt? An continuo ad generale Concilium appellandi? Nequaquam, nisi omnem solverent disciplinam. At in minoribus ac particularibus causis id sufficit, decretum contra canones editum esse nullum. Sic enim sanctus Zozimus jam relatus: *Contra statuta Patrum concedere, vel mutare, ne hujus quidem Sedis potest autoritas.* Et sanctus Leo

Magnus: *Ut omni penitus autoritate sit vacuum quidquid ab illorum Canonum (videlicet Nicænorum) fuerit constitutione diversum.* Atque iterum: *Infirmum atque irritum erit, quidquid à prædictorum Patrum canonibus discrepaverit.* Et sanctus Martinus: *Canones Ecclesiasticos solvere non possumus, qui*

custodes canonum sumus.

Id Majores nostri epistolâ ad Adrianum II. hæc etiam ratione firmant: *Quòd Apostolica Sedes non potest esse sibi contraria.* Esset autem, si canonum ex officio custos, canones solveret. Quo fundamento, si quid à Papâ prodit minus canonicum, sic est interpretandum, ut voluntas potius, quam facultas desit.

Neque verò Ecclesia Romana canonum est custos, tanquam alieni boni, sed profectò tanquam sui: canones enim sunt Ecclesiarum omnium; maximè vero Romanæ omnium matris, cujus etiam autoritate firman-
t. T. 1. p. 708.

(m) *Sublati reservationibus &c.* Reservationes ex erant, quibus Papa Sedes Episcopales & alia beneficia suæ dispositioni reservabat, quando vacarent, simul vetabat ne ii quibus jus erat nominandi aut eligendi, suo jure uterentur. *Expectativas gratias* sic describunt: Papa literas dabat *de mandato gratuito*, quibus literis conferebat beneficium, vivo adhuc beneficiario; ut ille, in cujus gratiam hujusmodi literæ conscriptæ fuerant, haberet beneficium post beneficiarii obitum. Vid. Rebus. Prax. Benef. p. 53. 56. & alibi. pass. Hi abusus gravissimi sublati sunt à Concilio Basileensi.

Scitum enim apud Socratem, *canone Ecclesiastico juberi, ne absque Romano Pontifice canonisentur*, hoc est regulentur, gubernentur, suoque ordine componantur, & constituentur *Ecclesia*: *μη κανονίζουσιν τας εκκλησίας* Valef. Quod ipsum Sozomenus clarioribus verbis expressit: *Lege Pontificiâ pro irritis haberi, (n) quæ præter sententiam Episcopi Romani fuerint gesta*. Id etiam attestantur alia Ecclesiastica monumenta.

Socr.lib.
ij. c. xvij.
p. 79. edit.
Valef.
Sozo.lib.
iij. c. x. p.
415.

Itaque Sedes Apostolica canonibus adjicit vim, *robur τὸ κῦρος*; sibi que adversaretur, si eos solveret, quos ipsa firmasset, aut etiam condidisset.

Id præclare explicat Basileenſe Concilium de Papâ agens: *Quidquid enim statuitur in sacris Conciliis, suâ etiam (Pontificis scilicet) auctoritate statuitur, quæ semper ibi reſulget, ut prima & præcipua præ omnibus, caput & directrix. Et cum, aut personaliter, aut autoritative semper in Synodis universalibus interſit, ipſeque Ecclesiæ Rector sit & Pastor; decreta Conciliorum, etiam sua, & Sedis Apostolica, non immerito dici possunt, nos enim unum Ecclesiæ corpus sumus, & ipſe hujus corporis caput sub capite Christo: Quidquid igitur sit ab hoc corpore Ecclesiastico, etiamſi omnia membra in idem concurrant, sicut in corpore naturali accidit, magis tamen, ac præcipuè orationis quævis capiti appropriatur & adſcribitur, ab ipſoque magis, quam ab alio corporis membro, procedere cenſetur. Itaque non ſecus Synodalia decreta, præ ſuo debito & honore exequi debet; ac per alios ſervari facere, quàm ſi ab ore proprio dictata & promulgata eſſent: dum enim ipſe præſens in eſt, ipſe concludit, ipſe ſtatuit; & ſub nomine ſuo ac perſonâ ejus omnia decernuntur, dum ab eſt, ſui præſidentes, qui vice ejus funguntur, locumque Apoſtolicum tenent, & perſonam Pontificis repræſentant, per ſacrum Concilium deliberata concludunt.*

Conc. Basil.
ep. Syn.
n. 5. T. xij.
Conc. pag.
706.

Hæc pro Pontificiâ auctoritate magnifica & ſublimis, à Juliano Cardinale, Concilii Baſileenſis Præſide, pronunciata, atque ab ipſo Concilio, diplomate edito, promulgata ſunt. Quæ profeſſò efficiunt, ut Eccleſia Romana ſibi adverſetur, diſſolvens canones ſuâ primitivâ auctoritate firmatos. Quod eò minus præſumi poteſt, quò ſæpiùs & clariùs nulla & irrita pronunciat, in id ſua inſiciatur eſſe, quæ ſacris canonibus adverſa, ſuo etiam nomine proponantur. Hinc Hilarus, quem cæteri longo ordine conſequuntur: *Nihil adversum venerandos Canones, nihil contra ſanctæ memoriæ deceſſoris mei judicium valeat quidquid obreptum eſſe nobis conſiterit.*

Hilar. Pap.
ep. iv. T. iv.
Conc. pag.
1038.

(n) *Pro irritis haberi.* Memorati Hiſtorici Socrates & Sozomenus docent hæc à Julio ſcripta fuiſſe Arianis Euſebianis, qui, cum Antiochiâ conveniſſent an. 341. Gregorium loco Athanaſii Alexandrinum Episcopum conſtituerant, & ipſum Athanaſium irrevocabili- ter de Sede ſuâ deſectum pronun- ciaverant, eò quòd, contra regulam, quam ipſi ſum primùm conſtituerunt (can. iv. & xii.) Episcopatus ſui locum abſque decreto communis Concilii Episcoporum recuperave- rit. Soc. Lib. II. cap. vii. Secutis temporibus, illorum canenum auctoritate ſe- firmabat Theophilus Alexan- drinus, ne Joannes Chryſoſtomus in Sedem Conſtantinopolitanam, unde ab ipſo deſectus fuerat reſtitueretur. Cæterum plerique hujus Antiocheni Concilii canones probi ſunt & ſancti, atque etiam à Patribus ſæpe laudati; ita ut illud Concilium omnino Catholicum videretur, niſi profeſſionem fidei ambiguam edidiſſet, Athanaſium ejusdem fidei pugilem de ſuâ Sede ritè deſectum judicaſſet, ac demùm Alexandriæ Pſeudo-Patriarcham Gregorium conſtituiſſet. Vid. Tom. II. Conc. p. 559. & ſeq.

CAPUT XI.

De decretalibus epistolis, deque consuetudine receptâ, & Canonum origine.

CANONIBUS annumeramus decretales Romanorum Pontificum epistolas, quamquam illæ serò, Dionysii Exigui operâ, Ecclesiæ codici & canonum corpori adjunctæ sint; idque in Occidente tantum: atque initio ducto à beati Siricii epistolis, quarto sæculo per Provincias missis. Namque anteriores interciderant, aut remanserant penes Ecclesias, Sedem Apostolicam consulentes, neque in unum corpus collectæ erant, quæ innumera- biles hinc inde dimissæ certis casibus providebant.

Cur autem postea in unum collectæ corpus, ad Ecclesiæ canones accesserint, in promptu erit juris Ecclesiastici origines repetenti. Namque Ecclesiæ primitus Traditione regebantur. Hinc ex Traditionibus Apostolicarum Ecclesiarum conscripti Canones (o) Apostolorum, qui à Latinis serò, neque simul omnes, in auctoritatem adsciti.

Conditi verò postea sunt Canones per provincias, aut in universalibus Synodis, cum vel labente tempore, à priscis institutis deflecteretur, vel aliquid novæ difficultatis occurreret. Sibi Ecclesiæ id honoris mutuò exhibebant, ut statuta ab aliis aliæ plerumque ut sua ducerent, à communi scilicet profecta spiritu. Urebantur ergò singulæ Ecclesiæ canonibus, vel universalium Conciliorum, vel suis, vel adoptatis, & consensu receptis. Hæc origo Canonum. Horum executionem prima & Apostolica Sedes ubique ter-

(o) *Canones*] illos Apostolis falsò adscriptos fuisse nemo doctus dubitat. Eos Dionysius Exiguus Clementis Romani ferum esse dicit; sed omnes critici eos tribuunt scriptori tertii sæculi aut saltem secundi exeuntis. Quædam loca Theodereti Lib. I. cap. iv. & Eusebii Lib. III. de vit. Const. persuaserunt D. DE MARCA, notos fuisse illos canones Alexandro Alexandrino & Constantino Imperatori. Cæterum Nectarius primus eos nominatim memoravit in Synodo C. Pâ. an. 394. Tom. II. Conc. p. 1154. Joannes Antiochenus omnes canones Apostolorum in suum nomo-canonem admisit, qui canones postea approbati fuerunt in Concilio Trullano, atque etiam in catalogum sacrarum Scripturarum relati à Joanne Damasceno. Exinde Græci omnes, paucis exceptis, quos inter nominandus venit vir limati judicii Photius, eos amplexi sunt, ut ab Apostolis profectos. Vid. Phot. Bibl. cod. 112. Latini hos canones diù ignoraverunt. Primus, ut opinor, Gelasius eos nominavit & simul proscripsit apocryphos. Ante Dionysium Exiguum, non notes eos fuisse in Ecclesiâ Latinâ, nedum in usu essent, testantur plerique scriptorum. At P. QUESNEL aliter censet. Vid. ejus Dissert. xvi. in S. Leon. de cod. antiquo Eccl. Gall. n. 6. Ut sit; à tempore Dionysii Exigui, per totum Occidentem vulgati sunt. Dionysius, mutilum nactus exemplar, L. priores canones edidit, qui statim, ut testantur Greg. Turon. Hist. Lib. v. cap. xviii. xxxvii. Isid. Hispal. Hincm. & alii, spretri suggillatique sunt. Sed paulatim auctoritatem meruerunt, ut per Pontifices ac Synodos citarentur, Anastasius Bibliothecarius & quidam alii reliquos canones xxxv. à Dionysio prætermittos in vulgus protulerunt; qui canones, post multas controversias, ut cæteri tandem admissi sunt. Vid. SS. Pat. temp. Apost. Cotel. Tom. I. p. 424. edit. Antwerp. 1698. Marc. de Concord. &c. Lib. III. cap. II. Diss. Quæst. xvi. in S. Leon. n. 6. & seq.

rarum

rarum urgebat. Hinc ortæ epistolæ decretales, de quibus Hincmatus hæc : *Sunt leges & Canones ac decreta Sedis Apostolica ex iisdem Canonibus promulgata* : ac paulò post : *In decretis suis, (scilicet Romanorum Pontificum) ex sacris Canonibus promulgatis, &c.* Quæ quidem totidem verbis in Pontigonensi Synodo * reperuntur ; ut non unius Hincmari, sed omnium Episcoporum Gallicanorum esse constet.

Manant hæc ex anterioribus Sedis Apostolicæ decretis, quale est illud quod Sanctus Sixtus III. scribit ab Illicicanos Episcopos : *A Canonum præceptis vestrum nemo discedat, nec ab his deviet, quæ juxta regularum ordinem frequens ad vos directa Sedis Apostolica decrevit autoritas.* Sic ea quæ scribebant, ac per universas mittebant Ecclesias, & è canonibus prompta erant, & canonum executioni serviebant.

Cæterùm ratio postulabat, ut qui canones firmarent & exequerentur iidem, cum opus esset, interpretarentur, & dubia jura referrent, & pro tempore sancirent, quæ canonibus congrua viderentur. Itaque meritò in autoritatem admittæ decretales, sed quæ canonibus congruæ, quæ eorum executioni profuturæ, quæ denique probatæ & usu receptæ essent. Quò pertinet illud in professione Romanorum Pontificum supra memorata : *Ut custodirent decreta canonica prædecessorum Apostolicorum Pontificum, quæcumque ipsi synodallyter statuerunt & probata sunt* : hoc est, communi usu & consensu recepta. In constituendâ enim Ecclesiasticâ disciplinâ, universalem assensum ab antiquis Pontificibus postularum, supradicta satis probant, & qui ampliora velint nostros consulant. Nobis in re trita, summa quæque capita proferre est animus.

Consuetudines, ac mores universalis Ecclesiæ usu receptos, vim canonum obtinere constat : quandoquidem plerique canones, si rerum originem attendamus, primùm consuetudines fuerunt usu receptæ & probatæ. Nicæna Synodus seditum jura sanciens canone VI. *Antiqua consuetudo servetur.* Et canone VII. *Quoniam obtinuit consuetudo & antiqua Traditio, ut Eliæ, (hoc est Hierosolymorum) Episcopus honoretur, &c.* Sanctus Basilius ille canonum vindex, canonicâ epistolâ ad Chorepiscopos, canonibus accenset consuetudinem, quæ in Ecclesiis versabatur. Epistola etiam ad Diodorum, consuetudinem quæ in Ecclesiis Cæsariensis tractûs obtinebat, vim legis habere decernit ; propterea, inquit, quod hæc statuta à Sanctis viris sunt nobis tradita.

Jam in citatis locis consuetudines canonibus æquiparatas passim audimus ; laudantque omnes beatum Augustinum, cui mores populi Dei & instituta Majorum, pro lege sunt. Unde ad intolerandissimam insaniam refert contemptum eorum, quæ sunt universalis Ecclesiæ consuetudine roborata, epistolâ ad Januarium, & alibi sæpiùs. Ac passim in decretalibus & in Conciliis, conjuncta hæc duo, tanquam æqualis ponderis, *De jure vel consuetudine.* Atque hæc de universalis Ecclesiæ regulis.

Hincm.
cp. xlj. ad
Adr. T. ij.
P. 692.
Conc.
Pont. Sess. I.
T. ix. Conc.
P. 281.
* Pontigo
Ædes Regia seu vicus in campaniâ Provinciâ non longè distans à Vicentia.
Sext. iij. epist. ad Illic. Episc. in Synod. Rom. cap. xvij. coll. Holst. part. I.
Sup. hoc lib. c. viij.
Conc.
Nicæ. can. vj. vij. T. ij. Conc. p. 32.
Basil ep. liv. alias clxxxj. T. ij. p. 148.
Id. epist. clx. alias cxcvij. n. 2. ib. p. 249.
Aug. ep. xxxvj. alias lxxxvj. n. 2. T. ij. p. 68.
Id. epist. cxvij. cxix. al. liv. lv. p. 123. & seq.

CAPUT XII.

Jura, Canones, consuetudines particularium Ecclesiarum retinenda : in iisque pars libertatis Ecclesiasticæ : cæterarum gentium eam in rem cum Gallis concors sententiâ.

AT Ecclesiasticam disciplinam libertatemque nostram, non solum ruemur universalibus canonibus ac moribus; sed etiam iis, qui per singulas Ecclesias valeant; quod secundo loco in Declaratione Gallicanâ est positum. Hoc quidem ex antedictis jam confectum putamus. Laudata est Basilii Epistola *de consuetudine* particularium etiam Ecclesiarum, *qua vim legis obtineat*, eò quod hæc statuta (etiam particularia) à sanctis viris sint tradita: laudatus est Zozimi locus de servandis Patrum constitutis; quem locum ad peculiaria jura Ecclesiarum pertinere vidimus: laudata est Nicæna Synodus, primis Sedibus, ex ipsâ consuetudine, sua jura servans, Canone VI. & VII.

Accedit Ephesina, à Cypriis [p], & aliis quibuscumque Ecclesiis potentiores Episcopos, qui eas invaderent prohibens: *Ne Patrum canones proteantur; neve sub sacerdotii pretexto, mundana potestatis fastus irrepât; ne clam paulatim libertas amittatur, quàm nobis donavit sanguine suo Dominus JESUS-CHRISTUS, omnium hominum liberator.* Alludit ad illud Pauli: *Preio empti estis, nolite fieri servi hominum.* Hæc ergò pars comparatæ Christi sanguine libertatis, ut non hominibus, sed canonibus servietur.

Sic igitur & jura peculiaria Ecclesiarum servanda; & id pertinere ad Ecclesiarum libertatem, Synodus œcumenica definivit; referunturque ad universalis Ecclesiæ jus, etiam particularia jura; quippe quæ à Synodis universalibus confirmantur

Eodem ferè sensu Chalcedonenſis Synodus primo id capite decernit: *Regulas à Sanctis Patribus, in unâque Synodo, usque nunc prolatis teneri statuimus;* quibus regulis non tantum communia, sed etiam propria cujusque Ecclesiæ jura asseruntur.

Sanctus Gregorius Magnus ad Dominicum Carthaginensem: *Sicut, inquit, nostra defendimus, ita singulis quibuscumque Ecclesiis jura servamus.* Atque alio loco: *Absit hoc à me, ut statuta Majorum consacerdotibus meis in quâlibet Ecclesiâ infringam: quia mihi injuriam facio, si fratrum meorum jura perturbo.*

Neque tantum Majores nostri laudaverunt universales canones, Conciliorum generalium autoritate conditos; sed etiam Gallicanos: *Quoniam vene-*

Agobard Lib. ad Ludov. Pium Imp. adv. Leg. Gund. n. 12. Tom. xiv. Bibl. Pat. p. 266.

(p) A Cypriis. } De Cypriorum Episcoporum causâ jam diximus Lib. viii. not. (g) quam vide.

randi & sancti viri eos ediderunt, quorum vitam & sanctitatem crebra miracula commendârunt.

Valere autem, ut canones, ita etiam consuetudines, non modò Ecclesiæ universalis, sed etiam particularium Ecclesiarum, antedicta firmant. Huc accedit Ratramnus Corbeïensis* (q) libro jussu Regis & Episcoporum Gallicanorum, contra Græcos edito, quo particulares consuetudines laudat, de quibus etiam hæc scribit: *Instituta vero majorum suis quibuscumque locis edita, sicut non omnibus eadem, sic unitatem fidei nullo modo divisere.*

De his consuetudinibus retinendis, Jordani Lemovicensis Episcopi, in Concilio Lemovicensi præclara sententia est: *Non enim una eademque lex omnibus Ecclesiis, sive populis, sive civitatibus, sive gentibus semper potest congruere; sed quædam pro qualitate locorum, & gentis & animorum, quamvis diverso, tamen congruenti ordine, in consuetudinem deducuntur.* Cujus rei multa exempla commonstrat.

In eandem sententiam Fulbertus Carnotensis: *Nec nos offendit observantia diversitas, ubi fidei non scinditur unitas.* Quod sumptum ex sancto Gregorio Numidarum peculiares consuetudines firmante his verbis: *Consuetudinem quæ tamen contra fidem Catholicam nihil usurpare dignoscitur, immotam permanere concedimus.*

Notum omnibus Beati Ambrosii dictum, à Beato Augustino tantâ cum laude memoratum, de consuetudinibus regionum. At Clerus Gallicanus, ne consuetudinis nomine eas comprobare videatur, quæ in jure vocentur, *corruptelæ*, ac, *vetustas erroris*; consuetudines eas ad Ecclesiæ Gallicanæ disciplinam, libertatesque pertinere voluit, *quæ Sedis Apostolicæ & Ecclesiarum consensione firmentur.* Sic nostræ libertates vel maximè Sedis Apostolicæ autoritate constant: quippe quæ Canonum executrix custosque sit. Unde noster Gerson docet omnem statum Ecclesiastici ordinis *subesse rationabili voluntati Papæ, quæ rationalitas regulanda est per determinationes Conciliorum generalium, præsertim jam factas, de consensu & autoritate summorum Pontificum.* Adeo nostri æquo jure omnia meriuntur, totoque studio Sedis Apostolicæ autoritati consulunt. Summa doctrinæ est, Ecclesiam ubique consensione regi.

Cæterum ne nobis quisquam eâ causâ succenseat, habent, non modò Galli, sed etiam Hispani, Belgæ, Germani, alii omnes, suas consuetudines, sua jura, vel usu firmata, vel pactis. Hæc Sedes Apostolica servat in Ecclesiis quibusque gubernandis: quæ pars est vel maxima Ecclesiastici regiminis, dicente Apostolo: *Omnibus omnia factus sum, ut omnes facerem salvos.* Habent eadem gentes suos ritus. Aliena, nova, noxia respuenda, si fortè obtrudantur. Id sibi præ aliis Ecclesia Gallicana vindicat, ut jure communi regatur, hoc est, quoad fieri liceat, jure antiquo, à quo

* Monachus.

Ratram,

Corb. adv.

Græc. lib. 1.

c. ij. Spicil.

T. 2. p. 3.

& 4. vid.

quoq; pass.

lib. iv.

Conc.

Lemov. ij.

Sess. ij. T.

ix. Conc. p.

895.

Fulb.

Carn. epist.

ij. ad Fin.

T. xvij.

Bibl. Pat.

p. 6.

Greg.

Mag. lib. j.

ep. lxxvij.

al. lxxv.

ad Episc.

Numid. T.

ij. p. 561.

Aug. ep.

xxxvj. al.

lxxxvj. n.

32. T. ij.

p. 81.

Decl. Gall.

c. iij.

Gerson

de statib.

Eccles. stat.

Præl. con-

sid. iv. T. ij.

p. 432.

1. Cor. ix.

22.

(q) Ratramnus Corbeïensis. Gallicanorum Episcoporum hortatu, ut observat D. BOSSUET, hos libros scripserat contra Græcorum opposita. Illos D. DACHERY publici juris fecit Tom. ij. spicil. Porro Nicolaus j. Gallici Episcopos literis commonuerat, ut Græcorum Romanæ Sedis adversariorum objectis occurrerent; quod quidem Ratramnus adeo accuratè fecit & eruditè, ut hoc uno libro, omnium sæculorum schismaticos victos prostratosque esse, ve dixeris.

dimoveri invita non possit. Quale jus, si reliquæ gentes vindicare sibi velint, nihil profectò prohibemus.

CAPUT XIII.

Jura novella necessaria : ad vetera collimandum : Patrum Gallicanorum eà de re in Concilio Tridentino sensus : ipsum Tridentinum Concilium eodem animo fuit.

CUM autem vetusta laudamus, atque in iis arcem nostræ disciplinæ libertatisque collocamus; non propterea contendimus immutabilem esse Ecclesiæ disciplinam. Agnoscimus enim à Patribus nostris in Concilio II. Vasens. ij. Vasensi commendatos, non tantum antiquos, sed etiam novos Canones. malè à Bir. iiij. an. 529. Hos meritò laudat Agobardus, factos videlicet *pro causis necessariis, quarum præf. Tom. definitiones in illis generalibus Conciliis non habentur.* iv. Conc. p. 1679. Et tamen ad antiqua semper niti nos oportet; præcipuumque id fuit Gallicanorum studium in Concilio Tridentino. Itaque Oratores Regis, id, præ aliis omnibus, mandatum acceperant: in Ecclesiâ reformandâ, *primum id videri, ut ad Ecclesiæ initia redeatur, ut Ecclesiæ status ad originis suæ puritatem, quàm maximè accedat.* Agob. lib. ad Lud. Piū. n. 12. T. xiv. Bib. Patr. p. 266. Id verò Tridentini Patres, quoad iniquitas temporum tulit, egregiè præstiterunt. Unde hæc habent passim: *Sancta Synodus antiquorum Canonum vestigiis inharendo decernit &c.* Ac rursus: *Sancta Synodus vestigiis VI. Canonis Concilii Chalcedonensis inharendo statuit. &c.* Denique id semper agit, eoque collimat ut antiqui Canones, qui temporum atque hominum injuriâ pene in desuetudinem abierunt, innoventur; universamque disciplinam Cleri restituat ex iis, quæ alias à Summis Pontificibus ac Sacris Conciliis sancita fuerunt. Tunc præcipit ordinariis, si quæ ex his in desuetudinem abiisse compererint, ea quamprimum in usum revocari studeant, non obstantibus consuetudinibus quibuscumque; ne subditorum neglecta emendationis ipsi condignas, Deo vindice, pœnas persolvant. Si ergò sanctissima, atque omni veneratione digna Synodus veterem disciplinam non omnino restituit, id factum vel maximè quòd temporum ratio non sineret. Quâ in re memorabilis est Caroli Cardinalis à Lotharingiâ, Archiepiscopi Rhemenfis, unâ cum Episcopis Gallicanis, de Tridentinâ reformatione declaratio & protestatio, an. 1563. Cum nudiù tertius meam de reformationis articulis dicerem sententiam, præfatus sum etiam me valdè cupere, ut prisca illa Ecclesiastica restitueretur disciplina: sed cum his corruptissimis temporibus & moribus, intelligam non posse ea, quibus maximè opus est, protinus adhiberi remedia, interim assentiri & probare ea quæ nunc sunt decreta: non quòd ea judicem satis esse ad integram agrotantis Reipublicæ Christianæ curationem, sed quòd sperem his prius lenioribus fomentis adhibitis, cùm graviora medicamenta pati poterit Ecclesiâ, Pontifices maximos, & maximè sanctissimum Dominum nostrum Pium, pro suâ insigni pietate & prudentiâ diligenter curaturum, ut ea quæ desunt

implens, & efficaciora inveniens remedia, in usum veteribus jamdiu abolitis revocatis Canonibus; & maxime quatuor veterum illorum Conciliorum, quæ quantum fieri poterit observanda esse censeo; vel si expedire videbitur, frequentiori Conciliorum æcumenicorum celebratione, morbum ab Ecclesiâ propulsans, eam suæ pristinae restituat sanitati. Hanc autem meam mentem & sententiam, tum meo, tum omnium Galliæ Episcoporum nomine, in acta referri volo, & ut id fiat, à Notariis peto et postulo.

Est ejusdem generis & Spiritus protestatio circa ejusdem Concilii caput: *Causæ Criminales*: & caput; *Causæ omnes*, quibus Episcopi Gallicani, Christianissimi Regni Privilegia, jura, sacrasque constitutiones tuentur. (r)

Ib. vid.
Conc. Trid.
Sess. xxiv. c.
v. & xx.
de Reformat.
p. 883. 892.

CAPUT XIV.

Ecclesia Gallicana antiquam & sanctam, sub AURELIO & AUGUSTINO, Africanam Ecclesiam sequitur: CHRISTIANI LUPI hallucinationes: summa doctrinae de libertatibus.

QUA in re Ecclesia Gallicana eodem Spiritu agitur, quo nobilis illa quondam Ecclesia Africana. Notum quid ab eâ Sanctus Zozimus Papa, missa legatione, postularet, quid Patres Africani responderint. Duo tantum observamus: Primum illud, Papam Zozimum, cum appellationes Ecclesiæ Africanæ suæ Sedi vindicaret, protulisset canones, eosque Nicænos, in Africâ quidem, ut toto Orbe terrarum receptos: alterum, Africanos Patres apertè professos se ita probaturos appellationes eas, si Canonibus Nicænis juberentur.

Ergo neque Zozimus absolutâ voluntate agebat; neque Africani Patres eâ se gubernari sinebant: sed in receptis Canonibus pars utraque vim omnem reponebat.

Interim Africani Præsules Sedi Apostolicæ, de Nicænis canonibus adhibent fidem, donec disquisitio fieret. Posteaquàm constitit canones à Zozimo bonâ quidem fide laudatos, non esse Nicænos (s), collectâ Synodo scribunt

Conc.
Afr. vj. c.
iij. & seq. T.
ij. Conc. p.
1590. &
seq.

Vid. Conc.
Afr. vij. ib.
p. 1603. &
collect. can.
Afr. ib. Can.
ci. & seq. p.
1670. &
seq.

(r) *Tuentur.*] Concilium Tridentinum loco in textu citato Cap. v. statuit ut *causæ criminales graviores contra Episcopos . . . quæ depositione aut privatione dignæ sunt, ab ipso tantum Summo Romano Pontifice cognoscantur & terminentur.* Idem cap. xx. talem jubet adhiberi *rationem tractandæ causæ Ecclesiasticæ*, quâ Episcoporum & Gallicanæ Ecclesiæ juribus non parum noceatur; quâque, si eâ uteremur, lites, multis in casibus, non resecarentur, sed fierent sempiternæ.

(s) *Non esse Nicænos.*] Erant enim hi canones iij. iv. & v. Synodi Sardicensis, quæ Synodus pars & appendix Concilii Nicæni Romæ habebatur; sed erat Afris ignota, imò ab illis credita Arianorum Conciliabulum. Etenim Arian, qui ab Imperatoribus Constantio & Constante Sardicam convocati, illis cum Catholicis Concilium celebrare noluerant, clam Philippopolim Thraciæ convenerant, ibique sub falso Concilii Sardicensis nomine novam fidei formulam condiderant. Utrum autem veri canones Sardicenses de appellationibus, omnes Romanos Pontifices spectarent, an verò solum Julium, qui etiam in tercio canone speciatim nominatur, inter doctos controversatur. Ut sit; duo certa afferimus: primum, Sardicensem Synodum non parem Concilio Nicæno in Ecclesiâ autoritatem habe

nobilem illam, ad sanctum Cælestinum post Bonifacium Zozini successorem, epistolam: quâ nova, neque receptis canonibus probata repudiant; atque sic in antiquo jure perstant.

Hæc egit Ecclesia Africana, eo tempore, quo tot Orbis Christiani lumina suo sinu alebat; Aurelium, Alipium, alios, &, qui unus omnium instar esset, Augustinum.

Christ.
Lup. de
Gall. Eccl. At Lupus tantæ Ecclesiæ, tantæque Synodi epistolam *infelicissimam*, &
Rom. app. *scatentem erroribus*; Synodum ipsam, *erraticam*, *deviam*, ac *prævaricato-*
c. xij p. 116. *riam*, appellare non veretur; cujus causâ factum sit, ne Aurelius vir maxi-
Idem de mus, *non appareat in Romanis sanctorum tabulis: nempe*, inquit Lupus, *prop-*
Afr. appell. *ter hunc finalem lapsum*. Qui si revivisceret, profecto videret à doctissimo,
c. xxx. p. ac religiosissimo viro Joanne Mabillonio nuper editum Ecclesiæ Africanæ an-
707. 708. tiquissimum Martyrologium, quo sanctos inter Episcopos, Gratum, Au-
Mabill. gustinum, Quod-vult-Deum, Capreolum & alios; sanctus quoque Aurelius
analect. T. ille, si Lupo credimus, finaliter lapsus; adscribitur sub finem mensis julii,
iij. P. 399. his verbis. *XIII. Kalendas Augustas, depositio sancti Aurelii Episcopi.*

Lup. de Quod autem Lupus norat, Augustinum, Alipium, Possidium, ac alios
Afr. appell. *meliores Episcopos retraxisse manus*, & *infelicissimis literis subscribere noluis-*
loc. cit. *se*; ac *solos Juvenes Aurelio adhasisse*: viri docti me miseret tot ac tantas

Conc. ineptias congerentis. Primum enim constat quæ in eâ Synodo gesta sunt,
Carth. vj. consentire cum iis, quæ in anteriore Synodo sanctus Augustinus tunc, ut
c. vij. T. ij. in actis legitur, *Legatus Provincia Numidiæ dixit: & hoc nos servaturos*
Conc. pag. *profitemur, salvâ diligentiore inquisitione Concilii Nicæni*. Ex quo sequeba-
1592. tur ne servaretur ampliùs, postquam à Nicæno Concilio abesse compertum

Conc. est, quod Synodus Aurelii sanxit. Quid autem requiramus in ejus Synodi
Afric. sub. epistolâ, sancti Augustini & aliorum manum? Nempe illi aberant: neque
Cælest. can. enim Provincia Numidiæ, aliæque, eisdem semper Legatos mittebant. At
ci. p. 1670. si improbassent, utique adversus *erraticam & deviam Synodum* reclaman-

Vid. Aug. dum erat: quod contra factum est: ea enim in aliâ Synodo Africanâ, unâ
pass. & im- cum aliis Synodis sub Aurelio actis, *recitata*, *reperita* & comprobata est;
prim. serm. neque prætermissa est illa epistola, quam optimus Lupus *scatentem errori-*
ccclv. al. *bis* reputat; neque Augustinus unquam ab Aurelio secessisse legitur, uti Lu-
xlx. de vit. pus memorat. Quin potius Aurelium, & vivum & mortuum, ni fallor,
& morib. miris ubique laudibus commendavit. Hujus etiam memoriam, hujus episto-
Cleric. n. j. T. v. pag. 1383.

re: alterum, canones à Zozimo allegatos, quanquam fuissent Nicæni, non potuisse legis loco esse apud Ecclesias Africanas, nisi prius communi consensu firmati, &, ut aiunt, *acceptati* essent. Ipsæ enim universales Synodi, cum generales disciplinæ leges condunt, nunquam hoc cogitant ut particulatium Ecclesiarum regulas, mores & instituta, quæ paci Ecclesiasticæ non noceant, & præterea Patrum Traditione nixa sint, convellant; & licet in suis decretis non sit expressa exceptio, tamen ipso jure, & ex Legulatorum, seu Patrum Synodi voluntate concessa intelligitur. E. G. Concilium Tridentinum de disciplinâ multa decrevit, quæ à nostris motibus & institutis abhorreant. Nunquid voluit mores optimos & Patrum Traditione nixas consuetudines abrogare? Nequaquam. Noverat enim solam fidem esse invariabilem; disciplinam autem pro temporum, locorum, ingeniorum diversitate, sine religionis aut fidei detrimento variare. Igitur non vituperandi sunt Africani Præsules, ex eo quod iis Concilii œcumenici Sardicensis legibus uti noluerunt, quæ ad variabilem disciplinam pertinerent.

las Africanorum Conciliorum dictates nomine, sequens ætas celebravit. Testis vir egregius Ferrandus Diaconus in vitâ sancti Fulgentii : *Sanctæ, inquit, memoria Aurelius Carthaginensis Ecclesiæ Antistes, inter sua privilegia meruit, ut literas ex Africano Concilio dandas ipse solus scriberet. Quod item sancto Fulgentio contigisse memorat : tam sanctum habebatur illud officium !*

Fingit bonus Lupus juvenes tantum Episcopos adhæsisse Aurelio ; neque illud saltem cogitat, post ipsum Aurelium statim in epistolæ fronte apparere Valentinum, Numidiæ scilicet Primatem : quem Primatum ætati datum esse nemo nescit. At enim ille etiam retrocessit unâ cum Augustino, aliisque Numidis, si Lupo credimus. Nempe fefellit eum sancti Augustini epistola ad sanctum Cælestinum de Antonio Fussalensi ; quam si attentè legisset, profectò invenisset, sub ipsa initia Cælestini scriptam, antequàm ab Oriente de Nicænis canonibus responsa venissent ; quo tempore ab Afris permissas appellationes, *salvâ diligentiore Concilii Nicani inquisitione*, prout sanctus Augustinus interlocutus erat, ut in Concilio VI. Carthaginensi, vidimus. Hæc verò nos de Lupo monenda esse duximus, ut viris bonis appareat, quàm inepta, ne dicam impia, adversus sanctos viros, imò adversus sanctissimam Africanam Ecclesiam suaserit falsa & præpostera pietas. Quid postea in Africâ, labentibus rebus, gestum sit, nihil nostrâ : hoc enim abundè est, nobis esse communem, cum tam claro sæculo tantisque viris, receptorum canonum, atque in eo positæ Ecclesiasticæ libertatis, defensionem.

Summa ergò sit nostræ libertatis, sic novella jura, piâ aut necessariâ institutione stabilita servare, ut antiquiora respicere, iisque sustentare labentem disciplinam ; certè *jus commune*, atque in eo venerandas juris antiqui reliquias omni ope servare, jusque arbitrarium, & mandata extraordinaria repudiare studeamus ; in eâque partem maximam reponamus nostræ erga Ecclesiam Catholicam, ac Sedem Apostolicam reverentiæ ; quippe qui intelligamus, quò quisque est studiosior antiquæ disciplinæ, eò magis cordi habere Ecclesiæ Catholicæ, ac Sedis Apostolicæ Majestatem.

CAPUT XV.

Libertates quo sensu privilegia dicantur, nempe ut jura antiqua, libertatum radix : an PETRUS DE MARCA audiendus, qui Conciliorum superiorem potestatem à libertatibus separat.

OMITTIMUS notum illud, libertates nostras non privilegia, sed libertates dici ; ut quæ non veniâ & indulgentiâ, sed ipso antiquo jure nitantur ; quanquàm jura Ecclesiarum apud antiquos passim privilegia etiam appellantur ; vulgatumque illud, *τα πρεσβεία*, hoc est, antiqua & vetusta, quæ nostri *privilegia* vocant, ipsâ antiquitatis commendatione fulta, suâ vi stare oportere.

Radix autem libertatis Ecclesiasticæ eò maximè constat, quòd in ipsâ Ca-

Vit. Fulg.
per Ferran.
ant. ejus o-
per. c. xx.
n. 40. p. 20.
edit. 1684.
Vid. Conc.
Afric. seu
coll. Con.
Afr. can.
lxxxij. T.
ij. Conc. p.
1653
Lup. de
appell. Afr.
c. iv. p. 609.
Aug. ep.
ccix. alias
cclxj. T. ij.
p. 777.
Conc.
Carth. vi.
c. vij. jam
cit.

Hi. r. ep. tholicâ Ecclesiâ vigeat suprema illa vis & indeclinabilis, quâ ipsa Catholica
 c. ad Evan. Ecclesia gubernetur; valeatque illud beati Hieronymi, quod est à Majori-
 al. LXXV. bus nostris toties celebratum: *Si auctoritas quaritur, Orbis major est*
 ad Evagr. T. iv. p. *Urbe.*

803.

Marc. de
 Concord.
 lib. iij. cap.
 vij. n. 1.

Haud me fugit vitum illustrissimum atque doctissimum Petrum de Marca, dum Romanis auribus parcat, aliam ac novam de libertatibus Gallicanis protulisse sententiam. Is enim profitetur confutari à se communem opinionem, quæ docet, præcipuam libertatum regulam hanc esse, ut Concilium œcumenicum uperiùs Romano Pontifice dicatur; quamvis tamen hæc sit Scholæ Gallicanæ sententia, non esse unam ex libertatibus Gallicanis: illam niti eo fundamento, quod sit expendendum, an nova constitutio, vel novum rescriptum rebus Gallicanis consulat, aut noceat: ac fruatur licet summus Pontifex, aut æquo jure cum Conciliis generalibus, aut superiore, nihil hoc ad libertatem; cum & eâ perinde utamur etgâ Conciliorum, atque erga Pontificum nova decreta: quod certum fieri aiunt, ex modificationibus Basileensi Concilio, ac deinde Tridentino adhibitis; atque omninò sufficere illud, ut Romani Pontifices canonibus derogare velle non censeantur, etsi fortassè, formulis rescripti ex stylo Curie, aliter cautum sit.

Hæc docet vir summâ doctrinâ, summoque ingenio; at quod nemo neget, versatili, & in utramque partem æquè composito. Profectò ut verum sit id quod exponit, nihil tamen vetabat libertatem Gallicanam duplici fundamento niti: nec à Gallo jurisconsulto ac Præsule, circa libertatem antiqua & vulgata rejici oportebat, dum, ei muniendæ nova fulcimenta quærit.

Nam neque consultum id erat, ad scholam referre tantum, nostram de Conciliorum potiori potestate sententiam, quæ Constantiensibus canonibus innitur. Cumque nostra libertas Conciliorum, maximè œcumenicorum, canonibus contineatur, non erat inficiandum ejus partem vel maximam in canonibus Constantiensibus esse repositam, quos Ecclesia Gallicana non modò summâ pietate receperit, verum etiam ut conderentur, omni studio procurârît. Tum illud libertati erat congruum, ut adversus extraordinaria mandata, certâ præscriptione uterentur, quòd esset in canonibus firmum aliquid & invictum constitutum ab ipsâ Ecclesiæ potestate, quæ Pontificiam potestatem, si quando extra limites effèrretur, coercere; quin etiam interdum in gravibus scandalis, castigare posset. Quo enim alio firmiore telo usa est Ecclesia Gallicana ad tuendam libertatem, quam appellatione? At illa nulla est, nisi Concilium statuas potiore potestate esse. Quin Ecclesia Gallicana clarè & apertè legitimæ defensionis fundamentum in Constantiensium canonum auctoritate reposuit. Id docent ea verba appellationis Capituli Parisiensis, & Joannis Dauvet Procuratoris Regii, quæ supra memoravimus; placetque hæc addere haud minori emolumento futura. Capitulum quippe Parisiense, repetitis ut supra descripsimus, Constantiensibus sessionis V. & aliarum canonibus, hæc subdit: multa à Synodo Constantiensi esse decreta,

ut Romanis Pontificibus congregandi Concilii universalis occasio necessitasque inesset, sponseque CHRISTI universali Ecclesiæ sic congregatæ, id honoris singularisque præminentie locum deferre consuescerent: ut si quid fortè tam arduum contingeret, quod omnes tangat, universorumque statum, commodum aut

incon-

incommodum spectare videatur, ipsius universali Concilio atque veritate testante, supremo infallibilique judicio deliberandum determinandumque committerent; eoque pacto, non se jam rerum Dominos & omnipotentes, & quibus à nemine dici possit, cur ita facis? Sed Domini sui CHRISTI sponse famulos se, servorumque Dei servos, non verbo & linguâ, sed opere & veritate faterentur. Hoc ergo fundamento, nempe invictâ autoritate Constantiensium canonum de supremâ, & absolutâ Concilii œcumenici potestate, ipsa libertatis adversus imperatam pecuniam defensio nitebatur. Quantò magis uteremur illâ defensione, si nobis præriperentur ea jura, quæ omni auro contra æstimamus?

Neque Patres nostri unquam ab eâ sententiâ discesserunt. Audivimus enim Cardinalis Lotharingii è Concilio Tridentino scriptam epistolam, quâ Pa-
Lett. du Card. de Lorraine à Breton (son Secret. Memoire pour le Concile de Trente. P. 156.

Idem professus erat Henricus II. cum in ipsis Concilii Tridentini initiis, hæc suis Oratoribus declarat ac mandat, tanquam rerum suo nomine agendarum certissimum fundamentum. Nos pro nostro munere ac titulo, quem à Majoribus accepimus, cupientes Ecclesiasticam libertatem sartam-tectam manere, & sacrorum generalium & œcumenicorum Conciliorum, & Sedis Apostolica autoritatem illasam conservari, simul & Gallicana Ecclesia, Regni ac Dominiorum nostrorum jura ac libertates salvas esse & incolumes &c. Ecclesiæ igitur universæ, ac privatim Ecclesiæ Gallicanæ libertates, cum Apostolica quidem Sedis, sed primùm cum œcumenicorum Conciliorum autoritate conjungit: quæ à viris eâ tempestate maximis limata, atque ex intimo totius Ecclesiæ Gallicanæ sensu deprompta esse constant.

Ergò Gallis non placent, à Gallo homine & Præsule, Gallicanæ expositæ libertates diversissimo modo, quàm antea fuerat à Gallis summâ consensione factum: perstititque Facultas, ut omittam cæteros, in pristinâ sententiâ, quam exposuimus, cum de Vernantii & Guimenii censuris ageremus.

Atque haud scio an probari debeat universim ea libertas, quam vir illustrissimus statuit, ut in novis morum decretis, ab œcumenicorum etiam decretorum autoritate liberè recedatur. Factum id quidem semel in recipiendo Concilio Tridentino, non solum à Francis nostris, sed etiam à Belgis ditioni Hispanicæ subditis: cujus rei multæ causæ sunt, & quædam à nostris tractæ in ipso Tridentino Concilio; peculiaries illæ quidem, nec trahendæ universim ad generalia Concilia; neque satis cautum aut honestum videtur, passim in eo reponere libertatem, ut ab universalis Ecclesiæ decretis recedere liceat. Atque id quidem monere interim; at excutere penitùs, alieno loco non libet. Quòd sane aiunt, ab Ecclesiâ Gallicanâ certis conditionibus ac modificationibus receptum esse Basileense Concilium, suprà retulimus eas ita esse adhibitæ, *sub spe scilicet, quod per sacrum Concilium admittentur.*

Sup. lib. vj. c. xxvij.

Vid. Mem. pour le Cœc. de Trente, pag. 531. & seq.

Sup. lib. vj. c. xij. vid. Pragm. T. xij. Cœc. p. 1429. & seq.

CAPUT XVI.

Hæc doctrina non obest dispensationibus Apostolicæ Sedis : Concilii Basileensis locus : GERSONIS doctrina à Sancto BERNARDO ducta.

NEQUE verò putent, à nobis tantà canonum & Conciliorum auctoritate constitutas Sedis Apostolicæ dispensationes esse sublatas. Absit: has enim nemo Catholicus, nemo veri regiminis sciens, aut rerum Ecclesiasticarum gnarus abstulerit. Has toto animo complectitur, ea quam Pontificiæ potestati maximè adversari putant, Basileensis Synodus. Sic enim loquitur: *Per Concilium autem statuta in nullo derogant suæ potestati, quin pro tempore, loco, causisque & personis, utilitate vel necessitate suadente, moderari dispensareque possit, atque uti summi Principis auctoritate, qua ab eo auferri nequit.* Anno 1435.

Itaque in decretis Synodalibus Papæ auctoritatem exceptam intelligunt (t), nisi aliter caveatur. Quam exceptionem Gerson egregiè explicat, atque ita vult dari locum Pontificiæ dispensationi, *non ut sit effræna libertas, sed si necessitas, vel evidens utilitas postularet, nec recursus pateret ad generale Concilium; alioquin non esset uti plenitudine potestatis, sed abuti plenissimè.*

Quâ sententiâ vir doctissimus juxta ac modestissimus mediam tenebat viam: *Ne talis esset restrictio Papalis potestatis, ut semper ad Concilium recurrendum esset propter raritatem; nec talis laxatio, qua Conciliorum robur eneruaret.*

Grave illud ac memorabile, quod idem Christianissimus Doctor coram Alexandro V. Apostolicâ libertate prædicabat: *Leges recte latas, quantalibet importunitate petentium fatigeris, nunquam dispensabis; nisi aut necessitas urgeat aut communis provocet utilitas. Alioquin fuerit potius crudelis dissipatio, quam justa dispensatio. Cavebis dispensationem ipsam lege communiorem facere; ne turpe sit, si regulam sua vincat exceptio.* Quo ferè loco res esse,

boni omnes lugent.

Cæterum eruditus Lector in oratione Gersonis, beati Bernardi verba recognoscit. Norum id melliflui Doctoris: *Ubi necessitas urget, excusabilis dispensatio est; ubi utilitas provocat, laudabilis dispensatio est. Utilitas, dico, communis, non propria: nam cum nihil horum est, non planè fidelis dispensatio, sed crudelis dissipatio est.*

(t) In decretis Synodalibus, Papæ auctoritatem exceptam intelligunt.] Hanc difficultatem Patres Basileenses sic solvant. Respondetur illud verum esse, quia dò persona Papæ specialiter non includitur, sed si specialiter includeretur, non posset excipi. . . sed in decretis Concilii Constantiensis specialiter dicitur: *QUILIBET, ETIAM PAPALIS DIGNITATIS, OBEDIRE TENETUR PRÆCEPTIS CONCILII*: ergò persona Papæ in eo certè articulo non potest excipi. Vid. loc. cit.

His igitur causis multa in jure permixta sunt sublimioribus, ac literatis personis (u); multa Episcopis, ut Episcopatus non tam dignitatem, quam onera sustinere possint; multa Principibus, quorum rationes publicis atque etiam Ecclesiasticis rationibus prosint: cujus generis est illud Tridentini Concilii: *In secundo gradu nunquam dispensetur, nisi inter magnos Principes, & ob publicam causam.*

Conc.
Trid. Sess.
xxiv. c. v. de
refor. Tom.
xiv. p. 878.

Nec desunt quæ indulgere privatis, publica etiam utilitas postulat, ne pereant, *ne abundantiori tristitia absorbeantur*; ne Ecclesia infirmis materna viscera claudere videatur, excidatque ab Ecclesiastico regimine Apostolicum illud: *Infirmum autem in fide assume.* Sed nobis non vacat prosequi singulas; ij. Cor. 7. summa attingisse sufficiat. Rom. xiv.

Illud prætermittere non possumus, aliud esse quod Ecclesia jubeat, aliud quod indulgeat, aliud quod toleret. Id jubet, ut quàm maximè observentur canones: id indulget, ut causis necessariis interdum relaxentur: id tolerat, quod sine gravi perturbatione punire non potest: quæ quidem tolerantia pars quædam est Ecclesiasticæ disciplinæ; sed ea quæ peccantes non excuset, imò etiam gravet; quippe qui Divinæ ultioni reserventur.

Bernardo & Gersoni adjungere longo ordine poteramus scriptores antiquiores. Verùm posterioris ævi Doctores, hoc loco, vel maximæ autoritatis esse omnes fatebuntur: quippe ex his æstimare liceat quid primis sæculis Ecclesia senserit, cum priscus canonum obtineret vigor; oportetque omninò immota esse ea, quæ corruptissimis quoque temporibus, ac profligatâ disciplinâ, suo tamen pondere steterint.

(u) *Literatis personis.* Doctor Christianissimus, cui dispensationes *sine causâ* irritæ omninò videbantur, sæpe dicit viros literatos certis legibus non teneri, quibus cæteri omnes tenentur; nec immeritò. Nam nulli dubium esse debet dispensationes tum concedi oportere, cum hoc jubet publica utilitas, itaque oportere viros literatos, qui publicis utilitatibus inserviunt, à multis legibus esse immunes, ut lectioni & meditationi quàm plurimùm incumbant. Quapropter in iis quoque Monasteriis, in quibus viget severior disciplina, doctos à nonnullis regulæ præceptis Superiores absolvunt. Verumtamen hoc doctiores admonitos volo: cum ad remissorem disciplinam proclivia sint hominum ingenia, & dispensatione facilè abutantur, sibi ut nimium indulgeant; hanc cuique votis omnibus expetendam esse à Deo, quam habuit Gerson omni doctrinâ pretiosiore veram pietatem, quâ, ut oportet, & quantum oportet, dispensatione uti discant.



CAPUT XVII.

Dispensationes sine causâ ; Canon Lugdunensis in earum gratiam à PETRO DE MARCA citatus, an id efficiat.

QUAM autem ex Bernardi Gersonisque temporibus projecta, ac prolapsa sint omnia, vel ex eo patet, quod dispensationes etiam, *sine causâ* valere tam multi sentiant, quorum autoritas apud cordatiores nulla est.

Omninò enim, quæ ratione constituta sunt, quæ publicâ utilitate, non debent sine ratione, sine publicâ utilitate laxari; tales autem sunt leges; non ergò sine ratione, sine publicâ utilitate laxari possunt.

Ligant ergò potius quam solvunt, illæ nunc à multis tanto studio celebratæ dispensationes *sine causâ*: ligant, inquam, non modò impetrantem, sed etiam dantem: & cum Dominus incipiet rationem ponere cum servis suis, & egredietur illud ab altâ CHRISTI Sede: *Redde rationem villicationis tuæ*. Cælest. non credo valebit illud postremis demum temporibus natum: *Pro arbitrio feci*. Meminisse enim oportebat sancti Cælestini dicentis: *Dominentur nobis regula, non regulis dominemur*.
 Matt. xvij. 24.
 Luc xvj. 2.
 Cælest. cp. 1. ad Illiric. Ep. coll. Holst. part. 1.

Præpositis Ecclesiæ dominantur regulæ, primùm, cùm eas exequentur; deinde cùm certâ ratione solvunt. At profectò regulis dominantur, cùm pro arbitrio solvi à se posse confidunt.

Vir illustrissimus Petrus de Marca satis sibi disciplinæ cavisse videtur, si dispensationem *sine causâ* diceret, in his, quæ vel jura tertii, vel statum publicum ledunt, nec licitam esse, nec validam; alioquin absque crimine suscipi & concedi: tanquam status publicus non statim ledatur, aut verò ullo modo possit consistere, solutis etiam *sine causâ* legibus.

Profert ille quidem Lugdunense * Concilium sub Gregorio X. quod, inquit, ad Romani Pontificis arbitrium retulit, *estimare quem modum beneficii sui esse velit*: ex quo infert licere summo Pontifici *sine causâ* cognitione aliquem canonibus solvere, dummodò status publicus non ledatur. Quò etiam refert nomen beneficii, eoque significari vult, *gratiam ex merâ Principis liberalitate collatam*. Sed profectò hanc gratiam & liberalitatem meram, in exequentibus canonibus, Ecclesiæ Traditio non agnoscit.

Ego verò diligentius expensum vellem illud, *estimare*, quid sit. Non enim, quod infert, *sine causâ* cognitione aliquem canonibus solvere; sed considerare, ponderare, quæ sit mens canonum, & quatenus boni publici inter sit eos temperari certis & extraordinariis casibus, pensatâ eâ, quam Ivo noster celebrat, *honestâ vel utili compensatione* unde existat illa, quam ipse Ivo memorat, *provida dispensatio*; aut, ut idem definit, *autoritate præfidentium diligenter deliberata dispensatio*; quæ Synodus Lugdunensis, *estimandi* voce, complexa est.

Cæterum ille canon Lugdunensis agit de iis, qui plures dignitates & Ecclesias ex dispensatione obtinent; quod unum vel maximè, certâ atque optimâ causâ fieri oportere, & omnia jura clamant, nec ipse Marca inficietur.

Iv. Carn. præf. Decr.

CAPUT XVIII.

*De dispensationibus sine causâ, sententia Cardinalium sub PAULO III.
Concilii Tridentini decreta memoranda.*

DE dispensationibus sine causâ, ac merâ Papæ voluntate factis, optimum esset legi, altèque animis infigi ea, quæ egregii Cardinales, Gasparus Contarenus, Joannes Petrus Theatinus, postea Paulus IV. Jacobus Sadoletus, Reginaldus Polus, unâ cum Episcopis ac Theologis suo avo maximis, ad Paulum III. edidère anno 1538. cum ejus Pontificis jussu de emendandâ Ecclesiâ tractarent. Primum illud: *Principium malorum inde fuisse, quòd nonnulli Pontifices prurientes auribus, ut inquit Apostolus Paulus, concervaverunt sibi magistros ad desideria sua, non ut ab iis discerent, quid facere deberent, sed ut eorum studio & calliditate ratio inveniretur, quâ liceret id quod libèret.* Tum illud: *Principatum omnem sequitur adulatio, sicut umbra corpus, difficillimusque semper fuit aditus veritatis ad aures Principum: quâ Doctorum adulantium fallaciâ contigerit, ut voluntas Pontificis qualiscumque ca fuerit, sit regula, quâ ejus operationes & actiones dirigantur: ex quo procul dubio efficitur, ut quidquid libeat, idem etiam liceat: subdunt: Ex eo fonte, sancte Pater, tanquam ex equo Trojano, irrupere in Ecclesiam Dei tot abusus, & tam gravissimi morbi, quibus nunc conspiciamus eam ad desperationem ferè salutis laborasse, & manasse harum rerum famam ad infideles usque.* Denique illud: *Nec putemus nobis licere dispensare in legibus, nisi urgenti de causâ & necessariâ. Nulla namque perniciosior consuetudo in quavis Republicâ induci potest, quàm hæc legum inobservantia, quas sanctas majores nostri esse voluerunt, eorumque potestatem venerandam & Divinam appellaverunt.*

Non vacat commemorare quæ de dispensationum atque indulgentiarum abusu viri gravissimi protulerunt; quorum summa est, dispensationes nullâ necessitate factas, solvendis legibus, ac dissipandæ Ecclesiæ esse comparatas.

Hinc illud gravissimum atque sanctissimum de dispensationibus moderandis Concilii Tridentini decretum: *Sicuri publicè expedit, legis vinculum quandoque relaxare, ut plenius evenientibus casibus, & necessitatibus pro communi utilitate satisfiat; sic frequentius legem solvere, exemploque potius quàm certo personarum rerumque delectu, petentibus indulgere, nihil aliud est, quàm unicuique ad leges transgrediendas aditum aperire. Quapropter stiant universi, sacratissimos Canones exactè ab omnibus, & quoad ejus fieri poterit, indistinctè observandos. Quod si urgens justaque ratio, & major quandoque utilitas postulaverint, cum aliquibus dispensandum esse; id, causâ cognitâ, ac summâ maturitate, atque gratis à quibuscumque ad quos dispensatio pertinebit, erit præstandum; aliterque facta dispensatio subreptitiâ censetur.*

Conf.
delect. Car-
din. &c. de
emen. Eccl.
Paul iij. c-
xib. an.
1538. vid.
Sleid. com.
lib. xij. fol.
151. edit.
1556.

Conc.
Trid. Sess.
xxv. de re-
form. cap.
xviiij. p. 216.

Ib. c. x. j.
p. 917.

Hâc lege confitemur ex eodem Concilio, in omnibus morum decretis *Sedis Apostolicæ auctoritatem saluam & esse & intelligi*, quod avos nostros ita commovebat, ut vel eâ causâ Synodum Tridentinam admittere recusarent; cùm negarent à Papâ relaxari posse Synodorum universalium decreta, nisi ipsæ Synodi permisissent.

At recte æstimanti sufficere potest, quod *nisi justâ & urgente ratione, causaque cognitâ, ac summâ maturitate, & gratis facta sit dispensatio, subreptitia*; adeoque irrita & nulla habeatur.

Hæc pœna decernitur, non adversus dispensantes, sed adversus impetrantes: quo fit, ut in ejusmodi dispensationibus irritandis, non semper recurri debeat ad ipsum dispensationis autorem. At debet impetrans conscientiam primùm adhibere judicem, atque illud apud se reputare, retrahenda, imò etiam persæpe punienda Divino judicio, quæ humano judicio intacta fuerint.

C A P U T XIX.

Natura ipsa dispensationis ex sancto SYMMACHO & sancto GELASIO, Romanis Pontificibus. Hinc dispensationes sine causâ evertuntur.

HUJUS verò doctrinæ de dispensationibus, fons radixque est ipsa dispensationis natura, & vox. Non enim dispensare est relaxare & solvere, quod jam animo conceptum habent; sed distribuere, regere, administrare pro locorum, temporumque ac rerum rationibus; ex quo interdum juris relaxatio consequatur: unde quod Græci, *ὁικονομίαν* nostri dispensationem vocant.

Atque hæc quidem vox *dispensationis* & res ipsa, est ex juris mente perfecta juris interpretatio, in causis extraordinariis & necessariis, quas ipsa lex exceptura fuisse præsumitur, si animo prævidisset.

* Viennensem.

** Arelatensis.

Symm.

ep. xij. T.

iv. Conc. p. 1312. & Spicil. T. v.

p. 583.

Quâ de re extat brevis illa quidem, sed aurea quam Dacherius Lucas, vir doctissimus ac religiosissimus edidit, sancti Papæ Symmachi epistola ad Avitum *: (x) *Licet*, inquit, *confusionem Provinciae* ** à prædecessore nostro sanctæ memoriæ Anastasio Episcopo, præter Ecclesiæ consuetudinem, & antiquæ prædecessorum nostrorum statuta, factam esse dixerimus, & non esse tolerandam; attamen si ea quæ fecit, rationabiliter fecisse fraternitas tua docuerit, gaudebimus nihil esse ab eo contra canones attentatum; quia quod fit

(x) *Ad Avitum.* Avitus Viennensis ab Anastasio Papâ per subreptionem impetraverat concedi sibi ordinationes quorundam Episcoporum, qui antea Metropolitica jurisdictione Arelatensis Ecclesiæ regebantur. De eâ re, Æonius Arelatensis relationem misit ad Symmachum, qui quidem decretum Anastasii rescidit, quod nempe *confusionem Provinciae* faceret & antiqua statuta violaret. Tum Avitus graviter conquestus est hanc causam à Sede Apostolicâ, inaudita parte, fuisse judicatam. Hujus querelis respondet Symmachus in eâ epistolâ. Vid. Symm. epist. 1. ij. ix. x. &c.

præter regulam, modo sit EX IUXTA CAUSA, non infringit regulam, quam sola pervicacia & antiquitatis contemptus ledit. Nam quamvis à Patribus statuta diligenti observatione & observanti diligentia sunt custodienda, nihilominus propter aliquod bonum de rigore legis aliquid relaxatur; quod & ipsa lex cavisset, si prævidisset; & sæpe crudele esset insistere legi, cum observantia ejus esse præjudicialis Ecclesiæ videtur; quoniam leges eâ intentione latae sunt ut proficiant, non ut noceant. Quâ unâ epistolâ diligens lector omnia nostra firmata comperiet.

Præluxerat sancti Gelasii autoritas, quæ in dispensationibus necessariis, adhibita consideratione diligenti, decreta metiri, librare, temperare jubet. (γ) Atque hæc illa est ἐπιμελὴς ratio, unde ortæ dispensationes; librando, meriendo, considerando, æstimando. Quam proinde ἐπιμελὴς qui liberalitate merâ, ac pro libitu, sine certâ gravique ratione administrari posse credat, cum sit ipsa summa ratio, profectò desipiat. Ex quo sequitur in dispensationibus, quæ sine causâ esse dicantur, ipsam dispensationis rationem ac nomen everti. Hæc verò usque adeò certa esse credimus, ut ea qui semel animo perceperit, nullomodo negare possit.

Gelas.ep.
ix.ad Episc.
Lucan. c. 1.
T.iv.Conc.
p. 1188.

C A P U T X X.

An autor Anonymus tractatus de libertatibus, ad tertiam propositionem Declarationis Gallicanæ rectum aliquid, aut ad rem dixerit.

NUNC erit facillimum ex dictis aperire, quæ de libertatibus Gallicanis, autor Anonymus, vel perperam vel extra rem, & inani operâ, toto volumine dissevit, & præsertim ad caput tertium Gallicanæ Declarationis.

Quo loco statim illud occurrit: *Potestatis usum, non potestatem ipsam summi Pontificis moderandam censent illustrissimi Antistites.* Ac paulò post: *Sed videtur, quemadmodum potestatem, ita potestatis usum, solus, qui concessit, posse moderari, nisi eam facultatem alteri permiserit.* Denique: *Scimus equidem inesse Apostolica Sedi rerum spiritualium plenam potestatem, ut habet secunda proposito; sed à quo possit illius potestatis usus impediri ac ligari, à quo habemus?* Dissimulat Scripturæ locos, quibus supremam ipsam, atque omnino indeclinabilem autoritatem in ipsâ Ecclesiæ consensione esse positam, nostri ostendunt: dissimulat constantissimam Ecclesiæ Catholicæ, Sedisque Apostolicæ eâ de re Traditionem: dissimulat locos innumerabiles, quibus ipsi Romani Pontifices adversus canones se nihil posse prædicant.

Anon.de
libert. &c.
lib. vj. c. 1.
n. 1.

(γ) *Temperare jubet.* Præclara est illa Gelasii epistola, in quâ, quamvis disciplinam non multum relaxet, sed remittat pauli per Ecclesiasticis promotionibus antiquitus intervalla præfixa, ne nimirum ministris viduentur Ecclesiæ, sæpe tamen dicit se invitum, & cogente temporum necessitate, aliquid de Paternorum canonum severitate remittere.

Hæc ergò expendere, non unâ interrogatiunculâ solvere, ac velut diffilare oportebat.

Quod Declaratio Gallicana non ipsam Pontificiam potestatem, sed illius usum moderandum esse docet, à Majoribus sumptum; quorum locos toto hoc opere sæpe referimus. Concedimus enim in jure quidem Ecclesiastico, Papam nihil non posse, cum necessitas id postulârit. Quis sit autem in his modus, præscribunt canones *totius mundi reverentiâ consecrati*; quod jam non ad potestatem illam in se, sed ad usum pertinet. Id si expendisset autor, Gallicanos Patres, ut diligentissimè & accuratissimè ex Majorum sententiâ locutos, laudâset; non inanibus vexâset cavellationibus & quæstio-

Ib. n. 2. 3. Dispensationes necessarias esse docet Anonymus. Quis enim id nescit; aut quis negat? Quæ sit illarum ratio aut modus, quod ad rem pertinebat, levissimè transilit. Nempe illud unum volebat, notare Gallos, ut qui assidue dispensationes implorarent, tanquàm in reliquo Orbe Christiano plus canones obtinerent.

Ib. n. 4. Litem mover Anonymus Episcopis Gallis, quòd instituta commendent à Regno & Ecclesiâ Gallicanâ recepta: quasi fraus aliqua in illis verbis lateat; nisi fortè, inquit, Regnum & Ecclesia copulativè sumantur, quod magis crediderim; quasi verò aliter sumi possint.

Ibid. Metuere se fingit Anonymus, ne probari videantur *abusus contra jura Ecclesiæ à Magistratibus inducti*. At Patres Gallicani studiosissimè monent statuta, & consuetudines, quæ pro legibus obtinere debeant, eas esse, quæ Apostolica Sedis & Ecclesiarum consensione firmentur: quo nihil est cla-

Ib. n. 5. 7. riùs. Quare Anonymus nihil hîc habuit, quod objiceret, nisi istud: *Opera autem pretium esset statuta ejusmodi & consuetudines percensere. . . alioquin nequaquam tollitur suspicio, ne, sub honestorum verborum specie, occultetur animus sanctæ Sedis decreta propriis rationibus accommodandi*: quid igitur? Gallicanos Antistites non generales regulas exponere, quod in animo habebant; sed omnia statuta, consuetudines omnes, percensere oportebat; ac nisi statim canones omnes compilarent, omnes probatas consuetudines recenserent, suspicari licebit eos, decreta sanctæ Sedis ad suas voluntates accommodare velle. Quid aut ineptiùs, aut malevolentius fingi potuit?

Ib. lib. x. At illud etiam graviùs, quod alibi scribit Anonymus: *Possent etiam fortasse aliquis suspicari illustrissimos Antistites Gallicanos, has quoque libertates, seu verius servitutes probâsse verbis illis tertiæ propositionis: VALERE ETIAM REGULAS, MORES ET INSTITUTA A REGNO, ET ECCLESIA GALLICANA RECEPTA*. Quasi metuendum sit, ne Antistites Gallicani omnia Fevreti, (2)

(2) Fevreti.] Carolus FEVRET in Curiâ Divionensi Patronus, librum multis nominibus æstimandum edidit, cui titulum fecit: *Traité de l'abus & du vrai sujet des appellations qualifiées du nom d'abus*. Quanquam in illo libro quædam sint fortè reprehendenda, certe laudandum est auctoris Consilium, qui tractaturus de variis quæ per tempora extiterunt inter

Puteani

Puteani (aa), omnia ab antecessoribus rejecta toties, probasse videantur, eo quod non Ecclesiam tantum sed etiam Regnum nominarint.

Has postquam gravissimas in tot ac tantos Antistites suspensiones iniecit, excusare voluit, dum subdit, id non præsumentum. Tunc id tantum? Ibid.
At Illustrissimi Præsules non præsumptionibus, sed apertissimis, verbis has suspensiones propulsarunt, diserteque expresserunt, commendari à se *statuta sancta Sedis & Ecclesiarum consensione firmata.*

Cur ergo Regnum pariter & Ecclesiam appellarunt? Quærant imperiti; non quærent, qui sciunt Ecclesiam in Regno esse, Regni paci consulere, Regni tutelâ ac defensione uti.

Jam secundo capite quærit Anonymus *de autoritate summi Pontificis in Ecclesiam Gallicanam.* Quis enim hanc negat? Aut quid necesse erat operam in his perdere autorem Declarationis Gallicanæ amplam discussionem pollicitum? An non enim satis clarè Gallicani Antistites eam autoritatem agnoverant? Ibid. lib. vj. c. ij.

Quæ deinde non pertractat Anonymus? Tanquam enim ea esset Gallicana Declaratio, quæ omnia commoveret, incipit agere de immediatâ jurisdictione Papæ in foro externo, interno; de causis Romæ judicandis; de ordine judiciario; deque citationibus, & probationibus; de exigendis subsidiis; de jure summi Pontificis circa beneficia; & quid non? Quâ in tractatione quis commemoret, quot vera falsis, quot certa dubiis miscuerit? Quàm nihil à novellis antiqua discreverit? Quàm parùm adverterit vera quoque & certa, quem habeant modum? Sed hæc ad discussionem Gallicanæ Declarationis minimè profectura, si pertractare aggredimur; nempe huc omnia jura transcribi oportebit. Ib. c. iij. & seq.

Unum est quod autorem volo esse monitum. Si quidem id sperat se futurum Gallis, ut arbitraria jura, & omnia Curia scita pro lege habeant; ne agat ratiociniis è cerebro sumptis, ut facere amat, sed autoritatibus & canonibus: ne confecta omnia putet, si Scholasticos tantum Canonistasve nominet, si denique Gallos aliquos; quâ in re victoriam plerumque collo-

Ecclesiasticam & civilem potestatem controversiis, maximo labore, summâque diligentia, non tantum curiosâ multa congestit; sed & maximè utilia.

(aa) Puteani.) Petrus DUPUY, vir inter Gallos de Ecclesiâ deque Republicâ optimè meritus, multos libros scripsit plurimâ doctrinâ conspicuos. Is an. 1638. unâ cum fratre suo Jacobo, publici juris fecit librum, cui titulus est: *Traité des droits & Libertés de l'Eglise Gallicane*; eique libro alterum adjunxit sub hoc titulo: *Preuves des libertés de l'Eglise Gallicane*. In illo altero libro, varia monumenta collegerat ex Tabulariis Franciæ & suprema Curia Parisiensis, ex collectionibus canonum, actis Conciliorum, Capitularibus & decretis Regum Galliæ, ac demum ex historiis. Sed statim atque excusus est ille liber, hunc Nuncius Apostolicus proscribi petiit; & quidem, illius impulsu, Consilium Regium eodem anno cavit edicto ne venderetur; quia nempe excusus fuerat nullo Regiæ Majestatis privilegio munitus. Anno autem 1639. Episcopi numero XIX. hunc librum, latâ sententiâ, proscripserunt; non quod Regni jura simul proscripta esse vellent, & Ecclesiæ Gallicanæ Libertates, sed quod in eo quædam nimia, quædam etiam parùm accurata reprehendebant. Itaque fratres DUPUY opus suum ad incudem retraxerunt, quod, multis monumentis auctum, Theologis retractandum commiserunt; sicque iterum prodit an. 1651. cum Regis privilegio. Demum integrum opus recusum est an. 1731. nonnullis tractatibus hæcenus ineditis locupletius, & majori quàm antea diligentia recognitum.

cat, pro se afferat & laudet. Neque enim nos fugit multos etiam Gallos in posterioris ævi adulationem abreptos. Scholasticos, Canonistasve in honore habemus, suo quidem loco: sed nemo graviter feret, si Patres anteponimus; si ad Ecclesiasticas origines convertimus oculos, quas posterioris ævi scriptores, multis literarum præfidiis, ut omittam reliqua, destitutos, non satis explorasse constat.

Ib. n. 6. 7. Absurdissimum illud est, quod ad illimitatum Pontificiæ potestatis usum, referre videatur insignem de exemptionibus sancti Bernardi locum: *Sic facitendo*, inquit Bernardus, *probat is vos habere plenitudinem potestatis, sed iustitia fortè non ita. Facitis hoc, quia potestis; sed utrum hoc debeatis questio est.* Subdit Anonymus: Adeò certum habebat sanctus ille Abbas Pontificem in Christianos omnes etiam laicos jurisdictionem immediatam habere: quod quidè nemo negat; sed summæ potestati adhibendum eum, quem dicimus modum sanctus Bernardus docet, dum in his plenitudinem deesse iustitiæ, quò modestiùs, eò efficaciùs ostendit; dùm etiam illud subdit: *Vides quam verus sit sermo ille; OMNIA MIHI LICENT, SED NON OMNIA EXPEDIUNT. Quid si fortè non licet! Ignosce mihi; non facile adducor licitum consentire, quod tot illicita parturit.* Hæc Bernardus docet, cujus auctoritatem venerandam Gallis meritò prædicat Anonymus. Sic extraordinaria & arbitraria inter illicita reputat. Hanc Eugenio III. proponit regulam.

C A P U T XXI.

Autor Anonymus libro I. nihil agit; à scopo questionis aberrare se docet.

NUNC percurramus ab ipso initio ingens opus, ac paucis ostendimus autorem Anonymum, in discutiendâ Declaratione Gallicanâ, nihil ferè aliud quam vana, & extra rem atque aliena sectatum. Et libro quidem I. multa ludit de definitione libertatum Ecclesiæ Gallicanæ: quo loco de Justelli, Leschasserii, Marçæ, Puteanorum, aliorumque definitionibus quærit. At quid hæc ad Gallicanæ Declarationis discussionem pertinebant? Habebat in manibus Declarationem ipsam, quâ profectò quid vellent Gallicani Præsules satis perspicuè demonstrabant.

Anon. lib. iv. c. 1. Et ille quidem ait propositionem primam de Regum potestate, nihil ad Vid. sup. libertatem Ecclesiæ pertinere; quod confutavimus. part. 1. integra. Ut secundam propositionem quæ de Conciliorum potestate agit, à libertatibus separet, Illustrissimum virum Petrum de Marca laudat; cui loco satisfecimus; & Conciliorum supremam potestatem libertatis Ecclesiasticæ Sup. hoc fundamentum diximus. lib. c. xv. Anon. lib. vij. c. 1. n. 1. Propositionem quartam discussurus, quæ ad fidèi quæstiones definiendas pertinet, hunc librum sic aggreditur: *Putaveram hactenus libertates Ecclesiæ Gallicanæ nullatenus ad fidem pertinere: quasi nihil omninò pertineat ad Ecclesiasticam libertatem quo pacto doceatur fides, quidve ibi vel maximè Ecclesiæ consensus valeat.*

Quòd si ad strictiorem sensum Ecclesiasticam libertatem placebat accipi, adverteret autor id quod ab ipso scriptum est : *Frequentius apud Gallos libertatis significatio ea esse dicitur, quæ, juxta Concilium Ephesinum, canone ultimo, in observandis canonibus, & conservandâ cuique Ecclesiæ suâ jurisdictione consistit.*

Ib. lib. I.
c. ij. n. 12.

Hæc ergò si quærebat, quæ frequentiora apud Gallos confitetur, ac libertatem Gallicanam ad illa jura revocabat : habebat in manibus, & in ipsâ Declaratione, quam discutiendam susceperat, claram eorum jurium definitionem. Nempe Gallicani Patres ea obtinere volunt, quæ totius mundi reverentiâ consecrantur ; quæ in Regno & Ecclesiâ Gallicanâ recepta sunt ; quæ Sedis Apostolicæ & Ecclesiarum consensione firmata. Quin illud aggredieris ? Quid Marcam, Launoium, Chopinum, Puteanos sollicitas ? Quin Clerum Gallicanum, quem discutiendum polliceris, ipsum per se loquentem oppugnas ? Nempe hæc Cleri doctrina invicta erat ; nihil metuebat argumentationes, aut si verum amamus dicere, cavillationes tuas : hinc ad aliena digrederis, & extra lineam ludis.

Atque is, qui veram & claram à Clero Gallicano prolatam libertatum definitionem prætermittit, alia Declarationis verba aucupatur : *Conventus Parisiensis*, inquit, *libertatum Ecclesiæ Gallicanæ fundamenta sacris canonibus & Petri Traditione niti, jam in ipso limine declarat, ut tanquam certum supponere liceat, Ecclesiam Gallicanam suas libertates in antiqui juris observatione constituere.* Ac deinde nos oppugnat ; tanquam novella jura inter nos recepta à libertatum notione arceamus : neque saltem cogitat quid sit illud niti. Vel ipsa Declarationis verba perpendat : *Ecclesiæ Gallicanæ decreta & libertates à Majoribus nostris tanto studio propugnatas, earumque fundamenta sacris canonibus & Patrum Traditione nixa.* En, vir optime, fundamenta libertatum dicimus : quò collimandum sit docemus : non proinde novella jura apud nos recepta spernimus : id tantùm volumus, ne extraordinariis atque arbitrariis imperiis Ecclesiæ gubernentur, in eoque reponimus Ecclesiasticam libertatem.

Ib. c. iij.
n. 13. vid.
Decl. præf.

Quare, quæ autor Anonymus de antiqui juris insufficientiâ ad constituendas libertates Gallicanas toto ferè libro I. studiosissimè quærit, supervacanea sunt. Neque propiùs rem est quod de origine Gallicanarum libertatum cum Marcâ disceptat. Non enim Petrum Marcam, atque, ut uno ictu omnia incidamus, non Joannem Launoium, non Edmundum Richerium, non Carolum Fevretum, non tractatum de juribus & libertatibus Gallicanis ; non ejus probationes, non alios in quibus confutandis toto ferè opere desudat Anonymus, Clerus Gallicanus tuendos susceperat. Si quid ad rem pertinens de sancti Ludovici Pragmaticâ-Sanctione dixit, suo loco expendimus.

Ib. c. iij.
& seq. usq.
ad xij.

Ib. c. xv.
Sup. hoc
lib. c. ix.

At postquàm autores, de quibus non agitur, fatis à se confutatos putat, ipse quæstionem aggredi velle se simulat capite XVI. sub hoc titulo : *Vera origo & progressus libertatum Ecclesiæ Gallicanæ.* Quis non hîc existimet rem ferio agendam ? At autor nihil aliud quam ludit. Summa est in lugendo schismate, post Gregorium XI. exortas esse libertates Gallicanas ; quippe cum utrique Pontifices *Beneficiariis gravissima onera imponerent, beneficio-*

Anon. ib.
c. xvj.
Ib. n. 2.

rum collationem sibi reservarent, multaque contra disciplinam antiquam committerent. Tum à Clero Regiam opem imploratam, adductamque in medium libertatem Ecclesia contra Pontificum exactiones ac beneficiorum reservationes, tanquam antiquis moribus, & canonibus contrarias, ac sensim contra cetera omnia quæ nimis gravia videbantur. Hinc invasisse animos studium quoddam libranda Pontificia autoritatis, ne ultra positos sibi à CHRISTO limites in præjudicium Cleri ac Regni produceretur. Hanc ille narrat fabulam; quasi nusquam antea adversus extraordinaria & arbitraria mandata etiam Pontificia, recepti canones allegati essent; atque id fieri cœpisset in lugendo schismate sub Carolo VI. ætate ac mente debili, ut autor commemorat. Cæterum probationes nullæ: autor Anonymus de tripode pronunciat.

Ib. n. 3.
& seq.

Ib. n. 9.

Vid. Traité de la juridict. Ecclésiast. & auct. du Clerg. 1673. T. I. part. I. tit. 11. c. ix. p. 761.

Exinde memorat Pragmaticam-Sanctionem 1438. sub Carolo VII. olim à Gallis habitam ut arcem libertatis; abrogatam deinde illam, & factum Concordatum sub Leone X. & Francisco I. Gallicanam Ecclesiam adversus Pontificia mandata sæculari tutelâ usam, in miseriorem servitutem incidisse, Pragmaticam-Sanctionem iudicibus sæcularibus ad opprimendam & fere extinguendam jurisdictionem Ecclesiasticam viam stravisse: quod etiam acta Cleri anno 1673. edita doceant.

Et quidem acta ab eo laudata docent Regios Magistratus, post Pragmaticam-Sanctionem, jura Ecclesiastica acrius invasisse, inductis etiam illis appellationibus, quæ ab *abusu* vocentur: non quod Pragmatica-Sanctio quidquam tale dixerit; sed quod Magistratus Regis Pragmaticæ-Sanctionis tutelam sibi commissam, ad omnia Ecclesiastica extenderent. Quæ ut vera sint, (bb) non nisi invidiosissimè ac malevolentissimo animo adversus De-

(bb) quæ ut vera sint &c.) Non dicit D. BOSSUET ea omnia, quæ de appellationibus ab *abusu* scripta sunt à D. CHARLAS, vera esse, & meritò non dicit. Nam ille autor parum diligens, quanquam de Tripode semper pronunciet, sæpe miscet vera falsis, & dubia ac incerta non nunquam pro definitis & certis venditat, sperans faciles se lectores habiturum. Veruntamen falsum est inductas fuisse appellationes ab *abusu* occasione Pragmaticæ-Sanctionis; cum à Carolo VII. ad Ludovicum XII. & Franciscum I. quo tempore viguit Pragmatica, vix pauca exempla reperiantur hujusmodi appellationum. Tunc enim, in causis merè Ecclesiasticis, solam fere noverant appellationem ad Concilium generale; nisi quod erat *recusus ad Regem in casu infractionis Pragmaticæ*, ut sancit Carolus VII. edicto an. 1453. At verò postquam Bononiæ concordata inita sunt inter Leonem X. & Franciscum I. tunc appellationes ab *abusu* frequentissimæ fuerunt; & Carolus FEVRET luculenter probavit, *Traité de l'abus*, &c. Lib. I. cap. ij. n. 4. hunc verum esse & genuinum fontem, unde postea tot manarunt appellationes ab *abusu*. Utrum autem laici iudices, cum has appellationes ratas esse jubent, potestatem usurpent Ecclesiasticam, quæstio est; sed hæc non est nostri instituti. Tamen observandum priscis temporibus has appellationes in usu non fuisse, eò quod Concilia, quæ semper erant aut coacta aut mox cogenda, faciliè poterant Clericorum lites componere & dirimere. Verum ex quo Concilia nulla celebrantur, necesse est recurri interdum ad Regem cum potestas Ecclesiastica abutitur notoriè suâ jurisdictione. Bened. in repet. Clem. I. de offic. ordin. Rex enim Ecclesiasticæ disciplinæ sui Regni est, ipso Regio jure, protector & defensor; ac præterea eos omnes ex suis subditis tueri debet, qui abusu cuiuscumque potestatis, etiam Ecclesiasticæ opprimerentur. Illi autem, qui appellant ab *abusu*, probare debent abusum quidem esse in eo iudicio de quo appellant, & iudicem Ecclesiasticum, aut à sacris canonibus multum deviasse, aut usitatum in Regno disciplinari proferipisse, aut demùm de eâ re judicasse quæ non esset suæ jurisdictionis. Quisquis se his finibus continet, tutus erit ab omni culpa; cum id tantum agat, ne innocens indefensus condemnetur.

clarationem Gallicanam adducuntur : tanquam illa Declaratio secularis potestatis invasiones prober. Interim de tuendis canonibus receptis, *Sedisque Apostolica & Ecclesiarum consensione firmatis*, in quo ea Declaratio veram libertatem collocat, altum ubique silentium. Sic ab Anonymo promittitur Declarationis ampla discussio : summa ipsa rei omittitur ; vana & aliena copiosissimè pertractantur.

C A P U T XXII.

Anonymi liber II. primum multa agit extra rem : tùm in eundem sensum nobiscum congruit.

PO S T E A quàm ex Anonymi libro primo constitit ab universo quæstionis statu aberrasse eum, cætera expediemus promptius.

Libro ergò II. hic impositus est titulus : *De justitiâ libertatum Ecclesia Gallicana*. At sub egregio titulo, quid ad rem dixerit, videamus.

Statim quidem profertur duplicem à se tractandam quæstionem : alteram, *De facultate retinenda antiquæ disciplina Canonice* ; alteram, *An jus sit examinandi novas leges, easque repudiandi, si cum utilitate conjunctæ non sint*. Ac primo loco demonstrat, interdum necesse antiquis legibus derogari, quod nemo nostrum negaverat. Postea adversus Marcam disceptat, an vis legum ab acceptatione pendeat. Quæ utcumque se habent, nihil ad quæstionem. Non enim necesse est de omni lege quærere generatim, sed an Ecclesia ita sit à Christo constituta, ut suprema ejus & indeclinabilis autoritas in ipsa consensione sit posita ; quod ita se habere toto hoc opere firmavimus ; ac generalem illam de acceptationis vi quæstionem omittimus.

Quæ deinde pertractat autor, nihilo magis ad Declarationem Gallicanam pertinere, ipsi capitum tituli indicabunt : nisi quod capite XII. & ultimo id quærît : *Quæ sint vera justitiâ libertatum Ecclesia Gallicana fundamenta* ? Quo loco hæc scribit : *Nihil differre Gallicanam nationem à cæteris in acceptandis vel recusandis legibus Ecclesiasticis : siquidem nulli non licet legum executioni supersedere, si vel annuat Ecclesia, vel pensatis rerum, locorum ac personarum conditionibus, injustum sit ejus mandatis ad literam servire*. Ac deinde clariùs : *Si sine causâ repudiata sint à Gallis constitutiones* (Pontificiæ, de quibus hîc agit) *ab aliis receptæ, non nisi ob tacitum Ecclesiæ consensum, ab inobedientia peccato immunes sunt*. Si autem is erat in Galliâ rerum status, ut ei, sicut cæteris Provinciis Orbis Christiani, leges illæ non convenirent ; iure naturali & ipsa legislatoris intentione, ab earum executione liberi extiterunt : nec enim nocet disciplina diversitas, dum eam exigit morum dissimilitudo. Quo concessò, quid erat quòd cùm Petro de Marca tantopere litigaret ? Nequæ enim vir illustrissimus contendebat, ut à Gallis novellæ leges sine causâ repudiarentur ; sed ideò certè, si non convenirent. Cæterùm, si Anonymus nihil hîc agit aliud, quàm ut Gallicana libertas naturali etiam lege asseratur, ac cæteræ Christianæ gentes communi nobiscum libertate gau-

Anon.
Præf. lib. ij.

Ib. à c.
ij. ad ix.

Ib. c. xij.
n. 4.

Ib. n. 5.

deant, non invidemus. In repudiandis noxiis, Ecclesiamve aut Rempublicam turbaturis legibus, sui qui que ritus moresque; quos si probat Anonymus, nã ille iniquè agit, qui solos Gallos ut Apostolicæ Sedi suspectos infectatur.

CAPUT XXIII.

De reliquis libris à III. usque ad XII. & ultimum uno verbo transigitur: ostenditur quòd in toto opere vix tertia pars ad confutandam Declarationem spectet.

JAM de reliquis Anonymi libris rem uno verbo conficimus: ac de libro quidem III. perspicua res est. Primùm enim quod in libertatibus explicandis, canonibus potiùs, quàm exemplis, ac si exemplis, probatis duntaxat agendum; nihil erat necesse, ut nos singulari capite autor commoneat. Quæ deinde toto libro de Gregorio Turonensi & Hincmaro narrat, ad curiosa; quæ de Petro de Marca, de Joanne Launoio, de Edmundo Richerio, de Puteano tractat, ad aliena; quæ adversus Episcopos Gallicanos anno 1681. Parisiis congregatos impotenter agit, ad facta particularia referimus. Declarationis Gallicanæ doctrinam, quam unam hic tuemur, his minimè tangi res ipsa clamat. Pauca quæ de Joanne Gersone, atque aliis Parisiensibus Theologis rem propiùs spectent, suo loco pertractavimus.

Libros Anonymi IV. V. VI. VII. ad rem pertinere fatemur; toto tamen libro V. ubi est *comparatio summi Pontificis cum Concilio generali*, ab ipso quæstionis statu aberratur: cùm autor profiteatur loqui se de Concilio, à quo absit Pontifex; falsoque supponat Declarationem Gallicanâ nihil aliud agi, quod est falsissimum, & rem suo loco ostendimus: hîc tantum admonemus, quod jam suprà demonstratum est, librum sanè VI. quo Cœtus Gallicani propositio III. expenditur, unum habere caput I. atque illud fallacissimum, quod ad Declarationem faciat.

Jam librum VIII. *De origine Jurisdictionis Ecclesiastica*, quo Episcopalem à Papâ, non à Christo deducit libro nostro VIII. expendimus; atque ibidem docuimus, quam pauca hîc dicat Anonymus quæ ad rem conducant. Quatuor postremos libros; IX. quo Richerius; X. quo Puteanus, libri de libertatibus Gallicanis, ac probationum volumina duo; XI. quo Petrus de Marca ac Stephanus Balusius; XII. quo appellationes *ab abusu*, Marca quoque ac Carolus Fevretus iis patrocinantibus oppugnantur, ad Declarationem Cleri Gallicani nihil pertinere constat, præter paucissima, quæ suis notamus locis. Reliqua partim contemnimus, partim ab instituto nostro aliena, alijs tractanda relinquimus. Ac si quæ sint quæ vera Gallicana jura lædant, speramus è Gallis vindicem non defuturum. Nec defunt in ingenti opere, quæ etiam probemus, ac tantùm validiora ac moderatiora esse cupiamus. Sanè constat illam tanto hiatus promissam Declarationis discussionem ejusmodi esse, ut vix tertia pars ad eam confutandam saltem collimârit.

Hæc igitur sunt quæ universum hunc tractatum, non satis solidum aut Theologicum probent. Illud neque Theologicum, neque Christianum, quod autor modestiam professus, scire, non docere, ac de Gallis ubique falsa comminisci; si quæ etiam, ut in rebus humanis, vera mala sunt, ea non medicâ aut leni manu tractare, sed animo hostili infectari & exprobrare videatur. Quæ nos partim contemnimus, partim ubi ad rem nostram pertinere visa sunt suo loco confutavimus.

CAPUT XXIV.

An autor Anonymus Gallicanas libertates odiosas meritò esse dixerit.

Libertatis nomen, quo perduelles & pessimus quisque abutuntur, suspectum evasisse legitimis potestatibus, etiam Ecclesiasticis docet Anonymus; in eoque initio totius operis fundamentum jacit. Addit hujus nominis auctam invidiam, quod aut nunquam, aut fere nunquam allegatur Ecclesia Gallicana libertas nisi adversus summum Pontificem; quasi supremus Ecclesie Pastor & Pater amantissimus, tyranni loco à Christianissimâ illa gente haberetur; quod est, non jam in Gallos, sed in ipsos Romanos Pontifices invidiosissimè & insidiosissimè dictum. Cum enim tot ac tanta contigisse constet, quibus Romanos tiam Pontifices, non modo à Gallis, sed etiam ab aliis, summâ cum reverentiâ, absit verbo invidia, cohiberi oportuerit; an illi omnes ex Anonymi sententiâ pro tyrannis habebuntur? An verò ignorat, adhibitis legibus coerceri oportuisse etiam patriam potestatem? Neque illud verum est, quod est ab eodem Anonymo dictum, de iis qui Pragmaticâ-Sanctione sancti Ludovici utantur: *Odiosum poni principium; cum Romani Pontifices ab antiquâ disciplinâ primùm recessisse supponantur, ut beneficiorum collationem usurparent, tantosque in eo fuisse abusos, ut sanctissimus Rex eos suis edictis cohibere coactus sit.* Hæc à viro erudito dici potuisse miramur, cum è contra certissimum sit, ut suprâ ostendimus, Romanos Pontifices diutissimè omnium Canonibus servisse, atque in Ecclesiasticâ disciplinâ perstitisse. Cui etiam sarcindæ tam firma jecerunt fundamenta, ut cum postremis sæculis extra lineas proflirent, non aliundè ipsis fuerit adhibendus modus, quàm ex propriis suisque Canonibus: neque id piis Christianisque Regibus indecorum, ut eos modestissimè ad sua & antiqua revocarent. Id quidem Galli docent, qui de libertatibus accuratè scribunt. Quò quidem liquidò constat, Romanos Pontifices Ecclesiasticæ libertatis, hoc est, canonicæ disciplinæ, autores potiùs ac primos defensores, quàm primos oppugnatores, atque, ut ita dixerim, violatores extitisse; pessimoque animo actum ab Anonymo, qui contrariam sententiam nobis exprobrârit.

Quid illud, quod objicit: *Si quis consideret quæ hodie geruntur in Galliâ, libertates Gallicanas non ineptè definierit, oppressionem Jurisdictionis Eccle-*

Anon. lib.
I. c. I. n.
I. 2.

Ib. c. xv.
n. 2.

Sup. hoc
lib. c. iiij.
& seq.

Anon.
lib. I. c. xliij.
n. 64.

siastica à laicâ , & depressionem autoritatis Romani Pontificis à Clero Gallicano. Quàm infenso , quàm amarulento animo dictum ! Quàm ad Declarationem nostram parùm attinet ! An quia Clerus Gallicanus vetera retinet ac renovat ; ideo Pontificiam opprimit potestatem ; cùm potiùs ea doceat , quibus maximè constet , sitque invictissima. De Laicis quòd Anonymus queritur , pridem intelligimus quàm hostili animo ista tractentur à multis , qui regni Gallicani splendorem ac pacem molestè ferant. Nos autem queri juvat , cùm decet & prodest : remedia enim , non dissidia quærimus. Id quidem confidentissimè profiteamur , nusquam veriùs ac sanctiùs libertates veras ac germanas fuisse tractatas : nusquam luculentiùs falsas ac spurias fuisse rejectas , quam in Declaratione nostrâ , ubi disciplinæ ratio in iis collocatur , quæ Sedis Apostolicæ & Ecclesiarum consensione firmata sunt.

Quis ergò jam ferat auctoris Anonymi haud invidiosam minùs , quam ludicram definitionem libertatum ? *Vocantur* , inquit , *non incongruè libertates* Ib. n. 7. *Ecclesiæ Gallicanæ , arbitrium ex antiquis Ecclesiæ decretis retinendi , & ex novis admittendi ea , quæ videntur utilia.* Quem impugnat aut quem irridet vir lepidissimus ? An soli Galli sunt , qui ex antiquis , novellisque ea retinent , quæ usu probata , publicæ utilitati , pacique congruant ? Quin ipse docuit eà Ib. lib. ij. in re omnium gentium æquam esse libertatem : sed quoquo modo Gallos c. j. ij. xij. derisos atque invidiosissimè traductos oportuit.





DEFENSIO DECLARATIONIS
CLERI GALLICANI,
DE ECCLESIASTICA POTESTATE.

COROLLARIUM.

Quòd doctrinâ nostrâ Primatus Romanus non obscuratur sed
illustratur & confirmatur.

I.

Regimen Ecclesiasticum in duobus positum ; docendâ fide ; administrandâ disciplinâ : Mennæ Patriarchæ dictum in Constantinopolitanâ Synodo : hæc duo à nobis illustrari.



A M exacto opere gloriari libet in Domino , non modò vindicatam Declarationis Gallicanæ , Majorumque doctrinam ; sed etiam , quod ab initio polliciti sumus , adversus hæreticos , schismaticos , & quoscumque obtretractores , Primatum Romanum ac Sedis Apostolicæ Majestatem , optimâ & exquisitissimâ ratione à nobis propugnatam , confirmatam , illustratamque fuisse. Id ita conficimus. Ea est optima & exquisitissima ratio tuendi & illustrandi Romani Primatûs ac Paparûs , quæ cùm absurda , incommoda , invisa , ad hæc inania fugiat , maxima , plenissima , ac sufficientissima æque docet. Talis autem est ea doctrina , quam , Galli præsertim , tuemur. Nostra ergo doctrina Papatum Romanum ,

Tome II.

P p

Vid. sup.
in disert.
præv.

optimâ & exquisitissimâ ratione confirmat & illustrat. Istud argumentum cum pertractavero, perorabo. Res autem planissimè conficietur paucis; cum ad id intelligendum non nova promere, sed antedicta repetere, & mente complecti oporteat.

Conc.
Const. sub
Menn. act.
1. T. v Cœc.
p. 47.

Ut autem procedamus clariùs, præmittimus Ecclesiasticum Regimen; cujus Romanus Pontifex Caput sit, duobus contineri. Primum, docendâ fide; tum regendâ disciplinâ. Hæc igitur sunt, quæ in Sede Romanâ eminere debeant; hæc sunt quæ de illâ Sede, sancta etiam Orientalis Ecclesia, & sacer ille Mennas Constantinopolitanus Antistes, in Constantinopolitanâ Synodo prædicabat his verbis: *Non mirum, si sua sequitur magna & Apostolica Sedes, sacras sanctiones sanctarum Ecclesiarum inviolatas conservando, & quæ recte sunt fidei defendendo, & his qui peccaverunt clementem veniam tribuendo.*

Vid. lib. 1.
sect. 1. c. 1.

Quibus quidem ea duo, quæ protulimus, paulùm inverso ordine continentur; utri à Romanâ Sede recta doceatur fides, regaturque disciplina; quæ duobus item constat; servandis canonibus, atque ubi necesse sit, relaxandis: quod ad veniam, sive indulgentiam, atque ad eam, quam vocamus, dispensationem pertinet. Hæc ergo Apostolica, Pontificia, ac verè Romana sunt; hæc à nobis illustrari, confirmarique luce clariùs ostendemus. Nam de directâ, indirectâve temporalium potestate nihil hîc ultrâ dixerimus; quippe quam Ecclesiæ Catholicæ, Sedique Apostolicæ minimè profuturam, plerique ultrò fateantur. Satis enim illi quidem, Davidem armis pastoritiis expeditiorem ac fortiorem futurum, alienis armis gravari & impediri, potius quàm ornari intelligunt.

I I.

De fide: in quot absurda adversarii se induant, è re Ecclesiasticâ esse ea refecari; ac primùm in antiquis.

PRIMUM igitur, ad fidem quod attinet; à nobis tribuuntur Romanæ Sedi, ac Romano Pontifici, quæ, remotis incommodis, sive absurdis, tum etiam invisis, denique inanibus; maxima & ad fidem docendam sufficientissima sint. Ea sic ordine colligimus.

Et quidem, qui à nostrâ abhorrent sententiâ, incommoda & absurda multa sectantur, quæ nos fugimus: incommoda, inquam, & absurda sectantur; primùm, in antiquâ Traditione explicandâ, deinde etiam in explicandis postremæ ætatis decretis ac dogmatibus.

Antiqua memoramus, quæ octo primorum Conciliorum tempore, hoc est, octo ferè primis sæculis comprehensa, usque ad Photium, & Græcorum inchoatum schisma. In his, si, quæ falsa dixerint adversarii, commemorare vellemus, totum opus replicare oporteret: quæ autem apertè absurda sint hæc notamus.

Imprimis Episcopos in fidei quæstionibus finiendis Romano Pontifici consultores, non condecernentes & conjudices assedissee, aut in Romani Pon-

tificis autoritate, potiùs quàm in ipsâ consensione vim positam; quæ si quis tueri velit, tot absurda dixerit, quot argumenta solvat.

Quidenim absurdius, quàm Nicanos illos Patres sancto Sylvestro tantùm consultores datos; aut ut suum symbolum assererent, illius expectâsse sententiam; aut in ejus sententiâ intellexisse vim positam, non quòd omnes per Orbem Domini Sacerdotes, in eandem consentirent fidem?

Vid. Cóc.
Nican. T.
ij. Conc.

Quid autem Constantinopolitani Patres? An sancto Damaso consultores dati, qui in diversâ Orbis parte collecti edebant Symbolum; non autem id agebant, ut Occidentis Orientisque consensu, fides vera constaret?

Vid. Cóc.
C. P. i. ib.

Item quàm absurdum est, ut sancti Cælestini ac sancti Leonis de Nestorio & Eutychete judicia, vel non totâ Sedis Apostolicæ autoritate lata, quemadmodum Bellarminus; vel certè cùm cæteris, pro summâ & irretractabili fidei regulâ fuisse habita; & tamen ad examen æquè ac aliorum privatam, publicamve sententiam revocata dicamus?

Bell. lib.
ij. de Conc.
aut. c. xix.
Sup. lib.
vij. c. xvij.
Sup. ib.
cap. xxiv.
xxx. xxxij.
Ib. c. xvij.

Idem de sancti Agathonis, sanctique Gregorii II. atque Adriani I. deque Nicolai I. & Adriani II. decretalibus epistolis esto iudicium; quæ & totâ autoritate prolata, & tamen examinata rursus, nec sine Synodicâ cognitione probata sunt.

An etiâ placebit absurdum illud, elucidationis tantùm, non etiam autoritatis causâ, factum istud examen, definitiones editas, dicta anathemata, ac de novo quæsitum, rectene an secus, Romani Pontifices dixerint, docuerint, judicârint?

Jam in uno Honorii facto, quot absurda congerunt? Vel pro privato Doctore egisse, cùm trium Patriarcharum consultationibus responderet; vel recte dixisse, quem vera falsaque juxta improbantem, sexta Synodus æquè ac cæteros hæresis condemnavit; vel falsata esse sanctæ Synodi acta; falsata, inquam, toto Orbe vulgata, toto Orbe infcio, Legatis Apostolicæ Sedis, qui gestis interfuerant, consentientibus, nec mussitantibus; falsatas quoque Leonis II. epistolas, quæ acta firmentur; dolosque Græcorum ad extremam usque Latinitatis oram pervasisse, omnibus obdormientibus, sive potiùs emortuis? Hæc omninò dicenda sunt, ac præfractè tuenda, adversam sententiam defensuris.

Ib. c. xxj.
& seq. usq.
ad xxvij.
vid. quoq.
diff. præv.
n. lii. &
seq.

Quid quòd nec ista profuerint: cùm vel si sit ab omni errato purus Honorius, sufficiat tamen tantùm ejus erratum, aut à sextâ Synodo credi potuisse; aut si sextæ Synodi acta falsata sint, sufficiat id quoque, pro veris fuisse habita; totamque Ecclesiam in id consensisse, ut tribus Patriarchis pro officio rescribens erraverit Honorius.

An verò quia ista assidè vexantur in scholis, & vanis distinctiunculis eluduntur, ideo viros graves ad ea cogi oportet? Non ea cogitanda quæ Orientalibus Occidentalibusque schismaticis, ad nos utique, si Deus dederit, reversuris, suaderi possint? Non pudet denique in his causæ Catholicæ collocare summam, quæ doctis irrita, scholæque altercantis ludibria; non docentis sapientisque responsa habeantur.

Vel de Vigilio quid dicent? Egissene perperam sanctam Synodum V. quæ ipso verante, nedum absente, de tribus capitulis quæstionem habuerit, quæque hæresis condemnârit Ibæ epistolam, quam idem Vigilius, *Constituto* ad

Ib. c. xx.

omnes Ecclesias edito , comprobârit ? Ac si Synodus V. egit perperam , cur ejus judicium secuti Pontifices , Pelagii duo , & ipse Gregorius non reprehenderunt , sed ut legitimum comprobârunt ?

Hæc ergo tot ac tanta egisse Episcopos Romano Pontifici tantum consultores datos ? Aut si ab adversariis extorquemus , fuisse judices , inferiores licet , etiam Concilio habito ; quâ factum , ut Concilio habito , de Romani Pontificis judicio toties judicarent ?

Sup. lib.
x. c. iij. &
seq.

Ib. c. vj.

Bell. lib.
iv. de R. P.
c. vij. sup.
lib. ix. c. iv.

Quid Cyprianus ? Quid Firmilianus , totque Africani & Asiani Patres ? Nonne sancti Stephani Papæ rebaptizationem vetantis , decreto per omnes Ecclesias divulgato , factis etiam Conciliis obstitit ? An & illud placebit , pro indifferentibus hæc habita ; quæ cum Apostolicâ Traditione constarent , tamen à diversâ parte , apertissimis Scripturarum testimoniis adversa haberentur ? An eò decurremus : quod Stephanus ageret pro privato Doctore , qui , teste Augustino , pro officio præceperat ? Aut , ut ait Bellarminus , *quod noluerit rem de fide facere* , is , qui dissentientes communione abstinere ; & hi tamen ab ipso quoque Augustino excusantur , quod in ambigua re Ecclesiæ universalis sententiam expectarent , non scilicet elucidationis causâ , sed autoritatis ? Aut forte contumaces , quibus cum æqua & sufficientia Romani Pontificis judicia non satisfacerent ; superflua ex Ecclesiæ totius autoritate remedia , tanquam ægris , ac desperatis concederentur ? Hæc de Martyribus cogitari ! Hæc sancto Augustino probari ! In his summam fidei adversus hæreticos collocari potuisse !

Sup. ib.
c. xiiij. &
seq.

Leon. ep.
ad Theod.
xciiij. alias
lxiij. sup.
lib. vij. c.
xviij.

Simp.
ep. iv. ad
Zen. Tom.
iv. Conc.
p. 1072. Sup.
lib. ix. cap.
xiv.

Decl. Gall.
c. iv.

Omnino enim aut ista ruenda sunt , aut causa deferenda. An ergo Catholicos non pudeat talibus præsidis nixam , non privatorum Doctorum , sed universalis Ecclesiæ causam esse ? Absit hoc dedecus ab Ecclesiæ Catholicæ Majestate.

Cætera omittimus , quibus post decreta Romanorum Pontificum , viros etiam sanctos , nationesque integras Catholicas toties hæsitasse constat , Romanis Pontificibus non ægrè ferentibus. Nondum hæc novitia in mentem venerant. Hærebat animis antiqua Traditio à beato Leone Papâ , à beato Simplicio , post illum tertio , explicata : fixa esse , quæ Apostolico ministerio definita essent ; *cum ea* (Deus scilicet) *UNIVERSÆ FRATERNITATIS FIRMA-RET ASSENSU* : stare inconcussam , quod *Apostolicis manibus* , sed *cum Ecclesiæ UNIVESALIS ASSENSU* constabilitum esset. Quid autem aliud jam Galli postulant , qui Pontificia decreta summâ quidem & indeclinabili autoritate constare profitentur : sed , *cum Ecclesiæ consensus accesserit* ? Quæ totidem verba à sanctis Pontificibus dicta , nunc pro novis ac suspectis haberi , omni absurdo absurdus est.



III.

De posterioris ætatis monumentis, quæ Constantiensem Synodum antecesserunt, adversarii quot absurda congesserint.

POST QUAM Orientales à Sedis Apostolicæ communionē sejuncti sunt, in Occidente ferè solo remansit Ecclesia. Quâ in Ecclesiæ parte Romani Pontificis potestatem, non modò summi Primatûs ratione valuisse constat; sed eò etiam, quòd à priscis temporibus, Romanus Episcopus Occidentali Ecclesiæ peculiari titulo præfideret. Et tamen antiquam de Ecclesiæ Catholicæ summâ & irretractabili autoritate doctrinam, non modò integram remansisse, sed etiam occasione datâ, ab ipsâ Ecclesiâ in Constantiensi Concilio definitam esse, luce meridianâ est clariùs.

Quo loco adversarii ad incommoda illa & absurda coguntur: nostram sententiam occasione magni illius post Gregorium XI. schismatis natam esse; cùm etiam oblitteratis, quod absit, antiquæ Ecclesiæ monumentis, hæc ante Gregorium XI. ex novellâ quoque ætate prodantur.

A Papâ ad Concilium sæpe appellâsse Anglos; appellâsse Gallos; appellâsse Franciscanos certum est: nihil eâ gratiâ à Romanis Pontificibus reprehensos; quibus certò constet, Conciliarem autoritatem absque controversiâ habitam esse potiore.

Ad hæc Clementis V. tempore, cùm is in eo esset, ut Viennense generale Concilium celebraret; Guillelmum Durandum Episcopum Mimatensem, ejus ævi virum maximum, ejusdem Pontificis jussu, de Concilio celebrando tractantem hæc scripsisse: quòd Ecclesia *in capite & membris* à sacro Concilio *reformanda sit*: quòd *non nova* à Pontifice, *sine Concilio* decerni oporteret. Quòd *quovis decennio* generale Concilium celebrandum esset: celebr. &c.

Addimus, subortâ postea quæstione, de paupertate CHRISTI à Joanne XXII. propositiones duas hæreticas judicatas, editâ decretali, cùm *inter nonnullos*: hinc ei objectam decretalem, *exiit*: quâ Nicolaus III. contraria determinâset: ac denique hunc nodum à viris eâ ætate præcipuis fuisse solutum, quòd Romanum Pontificem, etiam determinando circa fidem & mores, errare contingeret: quòd ejus responsa adversa Scripturæ, nullius momenti sint: denique quòd unius Pontificis determinata, etiam circa fidem, à successoribus immutari possint: quæ nunc pro erroneis aut schismaticis haberi, nihil aliud esset, quàm prodere omnibus sædam in Dogmatibus tradendis levitatem, & inconstantiam.

Quid quòd ipse Joannes XXII. decretali, *quia quorundam* cùm fratres Minores objicerent, contrarium ejus quod ipse definisset ab ejus antecessoribus definitum; primum quidem id negat: tùm, si vel maxime id fecissent, totum illud respondet esse irritum. Sed verba placet ponere: *Procul dubio* inquit, *falsa asserunt dicendo, prædecessores nostros definivisse talia, & adhuc sic loquentes, dum per talia Constitutiones nostras impugnare satagunt*, Conf-

Sup. lib.
x. c. xxv.

Sup. lib. vij.
c. xxxvij.
vid. dissert.
præv. n. l.
Durand.
de Conc.
&c.

Dissert.
præv. num.
xlviij. xlvij.
Extrav.
Cum inter
nonnullos
tit. xiv. de
verb. signif.
c. iv. sext.
Decr. lib. v.
tit. xij. de
verb. signif.
c. iij. Exist.
Sup. lib.
ix. c. xliij.
Extr. Quia
quorundam
de verb. sig-
nif. c. v. §. Ex
p. amissis.

titutiones illas , quibus se adjuvant , ostendunt (si eorum falsa assertiones veræ existerent) FORE INVALIDAS , ERRONEAS ET INFIRMAS. Nunc autem , si Deo placet , erronea erunt atque schismatica , quæ is Pontifex editâ decretali docuit.

Huc etiam pertinet , quod Joannis XXII. decretalem supra memoratam ,
 Gloss. in *Cum inter nonnullos* ; quamquàm est definitio de fide, Glossa quidem Romana
 Clement. tolli cupit, remque in medio relinqui ut liberam. At sanctus Antoninus, po-
 Fxvi. lib. testatis Pontificiæ assertor eximius , ideò pro certo firmoque decreto haberi
 v. tit. xj. vult , quòd per Prælatos & Doctores *acceptata , approbata & examinata fue-*
 de verb sig- rit : quæ Declarationi Gallicanæ aut genuina sunt , aut etiam fortiora &
 nis. c. j. §. Proinde, explicata clariùs. Sic antiqua Traditio in postremis quoque sæculis manet; sic
 Anton. Sedis Apostolicæ studiofissimi Pontificias definitiones , Prælatorum & Doc-
 SumTheol. torum , non modo *acceptationi , & approbationi , sed etiam examinationi*
 part. iv. lib. subdunt. Nunc ea subito sunt erronea & schismatica.

§. xxviij. p. Hæc igitur XIII. XIV. XV. sæculo dicta , facta , edita sunt : nec mirum ; cùm
 208. Gratiani dictis congruant , quæ omnium manibus terebantur. His nempe
 Grat. dist. constabat , *Orbem Urbi etiam autoritate esse majorem ; si enim autoritas qua-*
 xcij. cap. ritur , *Orbis major est Urbe* , Dist. xciii. legimus ; hoc est , glossâ interpre-
 xxiv. cx tante : *Statuta Concilii præjudicare statutis Papæ , si contradicerent*. Nunc
 Hieron. T. salva sunt omnia , si Orbis extensivè quidem , non autem intensivè major es-
 iv. ep. c. j. ad se dicatur : quasi de extensione , non de ipso pondere autoritatis ageretur.

T. ij. epist. Neque minùs clarum erat in Gratiani dictis vulgaribusque Glossis , quæ-
 lxxxv. ad dam statuta Papalia *fuisse contra Evangelium* ; quasdam epistolas *decretales* ;
 Evagr. quædam responsa authentica , *Evangelicis præceptis , Evangelicæ & Aposto-*
 Grat. ib. *licæ veritati penitus esse adversa*. Nunc eas sanctiones , ea responsa , ea de-
 Dissert. creta , privata esse somniant ; Pontificemque pro officio consultum etiam ab
 præv. n. l. j. Ecclesiis , tamen pro privato Doctore respondisse. At Melchior Canus Gra-
 Caus. tianum accensebat iis , qui Pontificiam infallibilitatem negasse videantur ;
 xxxij. quæst. nunc , credo , damnabitur , quem jûris Pontificii fontem , Romani Pontifices
 vij. c. xvij. esse voluerunt.

His igitur constat quàm falso dixerint , opiniones , quæ Pontificiæ infalli-
 Diff. præv. bilitati & superioritati derogent , fœdi illius post Gregorium XI. schismatis
 loc. cit. esse ferus ; cùm eam doctrinam per manus traditam , ad extrema quoque
 sæcula devenisse , tot acta demonstrent. Quo etiam factum est , ut Ecclesia
 schismati provisura , œcumenicam Synodum imploraret , non ut eam , cui
 extraordinaria potestas in schismate daretur ; sed ut eam , à quâ , & in quâ
 solent gesta etiam Romanorum Pontificum quæcumque pertractari , decerni , &
 Sup. lib. *judicari*. En quàm consuetum esset illud remedium , quod nunc extraordina-
 v. c. ix. ap- rium , & schismati proprium esse contendunt. En quid Synodis liceat in quæ-
 pell. Card. rumque gesta Romanorum Pontificum.

Greg. apud
 Rain. Tom.
 xvij. ann.
 1408. n. 9.



I V.

In Constantiensi Synodo nihil novum; sed antiqua in rei judicatae auctoritatem necessariâ causâ transiisse: id qui negent in quot absurda cogantur.

NU N c postea quàm omnium sæculorum Traditione constitit, vim Ecclesiæ supremam & indeclinabilem in ipsâ consensione esse positam; intuendum sanè, quomodo datâ occasione causâque necessariâ, tanta res Constantiæ in rem judicatam transferit.

Qui id iudicium incauti aspernantur, incredibile est in quot, quantaque sese manifestò conijciant incommoda.

Ac primùm quidem, ut sanctæ Synodî mentem obscurent, sic verba torquent, ut *quilibet, quâcumque dignitate, etiam Papali*, præditus, sit tantum Papa dubius: tum, ut *cujuslibet Concilii generalis legitime congregati* nomine, intelligatur Concilium in schismate habitum: denique, ut ad causam schismatis, Concilii auctoritas constringatur, quam Patres non tantum ad *schisma*, sed etiam *ad fidem & ad reformationem in capite & in membris* patere definiant.

Hæc igitur ludibria vim illatam Synodo tam apertè clamant, ut Turrecremata hujus Glossæ autor, id ipse fateatur: clarissimèque patuit ex gestis, Constantiensem, eamque secutam Basileensem Synodum, non modò potestatem sibi vindicasse in Papam etiam certum; sed etiam exercuisse, Romanis Pontificibus Martino V. & Eugenio IV. consentientibus, imò exsequentibus.

Ex quo infirmantur ea quæ de Constantiensium decretorum fluxâ auctoritate commenti sunt.

Primùm enim constitit à ducentis Patribus communi consensu, sessionum IV. & V. canones, de quibus agitur, fuisse conditos; Synodicoque decreto, non modò celeberrimas Orbis Academias, prælucente Parisiensi, omnesque Religiosos Ordines; verum etiam longè maximam Ecclesiæ Catholicæ partem adhæsisse; tum horum Canonum conditores eos fuisse, qui primi omnium extinguendo schismati manum adroverint, qui ceteros à schismate redeuntes in sinum susceperint, qui hæreticos Wiclefum, Hussum, aliosque compresserint: ut profectò pudere debeat aspernari; imò fœdis erroris ac schismatis notis tantum infamare cœtum, vel si etiam, quod absit, pro œcumenicâ Synodo non valeret.

Cùm id negare nemo possit, tùm verò Constantiensem Synodum pro œcumenicâ jam inde ab initio valuisse, sessionumque IV. & V. canones Conciliariter factos, totâque Ecclesiâ approbatos, tot actis Martini V. Eugenii IV. Pii II. probavimus; tot deinde decretis Senensis, Papiensis, Basileensis Florentinique œcumenicorum Conciliorum; ac profectò Basileensis, dum etiam ab Eugenio pro legitimo œcumenicoque Concilio habebatur, ut id in dubium revocari, nihil aliud sit, quàm contemnendis Synodis viam

Dissert.
præv. num.
xxxviii. &
seq. lib. v.
c. ij. & seq.
Cœc. Const.
Tom. xij.
Conc.

Turrec.
Resp. ad
Basil. part.
ij. n. 2. &
4. T. xiiij.
Conc. pag.
171. 1712.
Vic. lib. v.
& vj.
Sup. lib.
v. c. xxj. &
pass. tot. lib.

Ib. cap.
xlix. xxxj.
Ib. c. xiv.
& seq. &
tot. lib. vj.

pandere , tot retrò Pontificibus illudere ; ut unus Papa , summâ semperque indeclinabili autoritate polleat , Conciliis , ipsis Pontificibus , totique Ecclesiæ eam auctoritatem detrahere ; uno verbo fidem evertere.

Sup. lib. vj. Jam quod aiunt Constantienses Canones in Florentinâ Lateranensique
c. ix. x. xj. Synodis antiquatos : primùm quidem satis constitit , ne nominatos quidem ,

Lib. vij. in Florentinâ Synodo , etiam Basileenses premerentur ; atque interim Græci
xxvij. Latini que ipseque Eugenius IV. dictis factisque firmarent , summam tractandæ fidei auctoritatem , non in solo Papâ , sed in Ecclesiæ consensione esse positam.

Lib. vj. De Lateranensi verò sub Leone X. Synodo , quod aiunt ; tantùm abest ,
c. xvij. ut Constantienses canones abrogârit , ut ne Basileenses quidem , nisi post secundam dissolutionem , hoc est , post Sessionem XXIV. anteriores verò Sessiones , præsertim usque ad XVI. integras reliquerit , quibus certè Sessioni-

Ib. c. j. ij. bus Constantienses Canones tot decretis , atque Eugenii IV. non modò con-

Ib. c. iij. sensione & approbatione , sed etiam executione atque obedientiâ firmati sunt.

iv. Omnino enim Eugenius , & Synodum dissolverat , & continuatam damnaverat ; & tamen ad obedientiam Sessionis V. Constantiensis auctoritate adactus , Basileensibus hæsit ; decreta sua rescidit , edito diplomate. An verax ac rectè decernens ? Confecta ergò res est ; an errans ? Haud minùs confecta res ; erroremque semel passus , frustra deinde infallibilitatem obtenderis.

Declar. Quo ex loco duo sunt : primùm , ut Constantienses Canones , invictâ
Gall. c. ij. auctoritate ; tum ut in Pontificem certum quoque & indubium , qualis erat Eugenius , valeant ; stentque omnino Synodi Constantiensis & sensus , & auctoritas ; neque jam revocari possint in dubium ea , quæ Patres Gallicani suâ Declaratione complexi sunt.



V.

Constantienses Canones postremis quoque Romanis Pontificibus intactos, quàm absurdum à privatis configi: quàm item absurdum ea, quæ Tridentina Synodus, ac nostra etiam ætas tuta esse censuerit, repente damnari, & de Papæ autoritate postulari plura, quàm ipse DUVALLIUS aliique Romanæ Sedis studiosissimi poposcerint.

QUÆ cum ita sint, si quid Romani Pontifices contra Constantiensium canonum auctoritatem moliti essent, irritum caderet; ut pote tot anterioribus firmisque decretis contrarium. Nunc autem certum est, nihil ab ullo Romano Pontifice, contra eos canones gestum esse: imò tota Constantiensis Synodus, æquè ac cæteræ Concilii generalis titulo insignita, in editione Romanâ Pauli V. jussu prodit. Unus Binius tanto Concilio ausus est hanc notam apponere: *Concilium Constantiense ex parte approbatum*, nullis Ecclesiasticis gestis, nullâ auctoritate nixus; uno, scilicet Bellarmino, præeunte. Quæ si privatis liceant, nihil est quod Theologi adversus hæreticos, Conciliorum œcumenicorum fixa & irrevocabilia decreta jactemus.

Tantumque abest, ut Constantienses canones, ullo Ecclesiæ decreto læsi sint, ut Patres nostros eam fidem professos, Synodus Tridentina ac Pius II. susceperint: ex eâ doctrinâ suos canones, ipsamque adeò fidei professionem temperaverint, diligentissimèque caverint, ne ea doctrina vel in speciem læderetur. Quæ si jam jaceant, nempe nihil in Ecclesiâ firmum fixumque est; Dogmata quoque, quod absit, temporibus serviunt; omnisque Ecclesiastica prostrata est auctoritas.

Jam illud quis non doleat, tot Ecclesiæ lumina, Alliacensem Cardinalem, Gersonem, pium illum Dionysium, sanctissimi Carthusiani Ordinis decus, Tostatum Abulensem Hispaniæ lumen, cæteros innumerabiles, ipsumque Adrianum VI. nusquam hætenus reprehensive; imò summâ cum laude nominatos; quin ipsam Parisiensem Academiam studiorum decus ac lucem repente damnari? Quid Turrecrematam? Quid sanctum Antoninum? Quid alios tot ac tantos eximios potestatis Pontificiæ defensores commorem, qui ultimum fidei robur in communi Ecclesiæ auctoritate collocarunt, qui in fidei negotio rebusque universam Ecclesiam tangentibus, Concilium Papæ prævalere docuerunt? Quid autem hæc memorem? Cum ipsum Turrecrematam; Turrecrematam illum, quo capite tot illa absurda & nimia profluxerunt, planè & apertè docuisse constet, fieri posse ut *Papa errorem definiat solenniter, & à Christianis asserat tenendum tanquam Catholicum*. Ergo Eugenii IV. tempore, cum summa omnia peterent, ab hoc tamē temperabant, ne mortalis unus infallibilis haberetur. An in eos quoque censura sæviat, novisque nova semper superstrui placet? Quid verò privatos memorare libet, cum ipsas Synodos, earumque sacrosancta decreta sùs que deque habita lugeamus?

Sup. lib.
v. cap. j. &
pass. & lib.
vi.

Bin. T.
vij. part. ij.
pag. 1134.
Beil. de
Conc. cap.
ij.

Dissert.
præv. num.
xiv.

Ibid. n.
xij. & seq.
usq. ad xxxj.

Turrecr.
summ. de
Eccles. lib.
iv. part. ij.
c. xvj. fol.
388. edit.
Ven. 1560.

Bell. de
Conc. aut.
c. xvij. de
R.P. lib. iv.
c. ij.

Ibid. &
Suar. de fid.
disp. v. sect.
viii. n. 4.
Tapp. orat.
Theol. iij.

Wig. Stap.
&c. pall.

Vinc. Lir.
comm. j.

cap. iij. T.

vij. Bibl.

Pat. p. 250.

Dissert.
n. xvij. &

seq. Duval.

Elench. p.

9. 68. 105.

& in Tract.

de R.P. &c.

part. iv. qu.

vij. p. 582.

ib. part. ij.

quæst. i. p.

210.

An quia Bellarminus suam de Pontificiâ superioritate sententiam, *ferè de fide*; Parisiensem, Adrianique VI. de infallibilitate sententiam, *videri sibi erroneam*, atque *hæresi proximam* dixerit, nova ac trepida privati Doctoris censura; atque illud *videri*, pro certâ firmâque Ecclesiæ Catholicæ fide habeatur: aut quia alii *nunc* de fide esse dixerint, eorum sententiam pro certâ autoritate teneamus; ac *nunc* illud habeamus illius loco, *quod ubique*, *quod semper*; quam Catholicæ fidei tesseram, cum Vincentio Lirinensi omnes Catholici celebrarunt? Absit hæc ab Ecclesiæ Catholicæ gravitate ac majestate levitas.

Quid Andreas Duvallius? Nonne cum Edmundum Richerium & Simonem Vigorium adortus est; Parisienses Doctores à parte Conciliorum *generallium stetisse*, atque ad eâ *ultimam analysim fidei retulisse* confiteretur; nonne summi muneris loco postulat, ut non ea doctrina de fide habeatur? Nonne ipse palam edixit sententiam, quæ Concilium Papæ anteponat, neque esse hæreticam, neque erroneam, neque temerariam? Pontificiam verò infallibilitatem, quàm apertè, quàm clarè non *videri de fide*, dixit? Neque tantùm dixit, sed argumentis probavit non esse de fide, & contraria argumenta studiosissimè solvit. Hæc cùm anno 1612. 1614. 1636. doceret ac scriberet, tamen Pontificiæ dignitatis acerrimus vindex Romæ quoque est habitus. Hunc Cardinalis Ubaldinus Sedis Apostolicæ Nuncius præcipuè fovit. Notæ in Urbe sunt, ac Doctorum inter manus ubique versantur ejusdem Cardinalis literæ, quibus id conscribitur; constatque Duvallii adversus Richerium libros, Româ probante, Româ instigante, compositos & editos. Nunc adversarii Romam incendunt atrocibus dictis, ut quæ nostrâ ætate pro indifferentibus habuit, acri censurâ configat. Quo operæ pretio? An ut novitia hæc repente de fide fiant, ipseque jam Duvallius dignitatis Apostolicæ proditor habeatur? Absurdum. Imò si hæc fierent, quod illi contendunt, nihil aliud ageretur, quàm ut novum experimentum novumque monumentum extaret publicum, Pontificem falli posse.

V I.

De Pontificum lapsibus agnitis vel prævisis; deque Conciliorum congregandorum causâ quam vana & absurda dicta sint.

AN TI QUORUM Pontificum lapsus alios negant; quàm inani operâ res ipsa docet: alios, etiam corpori juris insertos confitentur; sed Romanos Pontifices non eo animo egisse, ut docerent universalem Ecclesiam, neque pro Cathedrâ dixisse contendunt. Quâ quidem in responsione miris se involvunt ambagibus; primum enim ea errata vidimus, quæ ad universalem Ecclesiam ederentur: tum absurdum illud est, Romanum Pontificem jussu universim confirmare fratres, officio fungi, cùm universos docet, non autem cùm singulos; imò cùm ritè consultus responderet Ecclesiis aut religiosis Cœtibus; atqui eo ritu consultos Stephanum II. Gregorium II.

Cælestinum III. Innocentium III. aliosque, egregios licet Pontifices, falsa & erronea respondisse in confesso est. Ergò Apostolico officio confirmandi fratres defuisse constat; eò quidem magis, quò viam salutis quærentibus, cùm certa & infallibilia possent, dubia & errori obnoxia rescripta miserunt.

Jam illud toties dictum à Doctoribus ipsoque Augustino; dictum ab ipsis Pontificibus; ipsoque Gelasio, Innocentio III. Joanne XXII. cæteris; dictum ad ipsos Pontifices in Conciliis sedentes; si quidem ipsi prava defini-
Sup. n. iij. & lib. ix. c. xvij. xix. xxvj. xxvij. xlv.
 rent, nihil id veritati, nihil Ecclesiæ nociturum; an elevari putant, cùm responderint: non id tanquam dubios, ut ipsa verba præferunt; *sed per impossibile* voluisse dictum: quem verò non pudeat, doctrinæ Catholicæ summam, ad hæc minuta & subtilia deduci?

Denique illud quàm invictum inconcussumque est: frustra convocari generales Synodos, si tota definiendæ veritatis ratio in uno Pontifice constat? Quo uno argumento attoniti, ac veluti palabundi in diversa fugiunt: sed undique præcipitia, neque quidquam perfugii est.

Hi nempe respondent consultores dari judicaturò Papæ. Consultores verò ei qui jam judicasset, ut de sancto Cælestino, de sancto Leone, de sancto Agathone aliisque certum: consultores ei, qui tam longè abesset, qui Legatos mitteret, non ad se relatores, aut suam expectaturos sententiam, sed statim cum Patribus judicatu-
Sup. lib. viij. c. xj.
 ros: consultores eos, qui profectò non consultatoriam, sed decretoriam sententiam promerent. An non pudet Episcopos toto Orbe convocatos, non aliò loco esse, quàm Academi-
 as ac Theologicas Facultates, consultatoria decreta proferentes?

At fortè illud meliùs: convocari Synodos elucidandæ rei? Cur ergò non tractatus, & elucidationes, sed definitiones, sed anathemata, sed judicia & decreta jam irretractabilia produnt?

Denique decurrunt ad illud: convocatas Synodos, quâcumque in quæstione, non ex necessitate ad solvenda dubia; sed ex abundanti, ad frangendos contumaces. Frangendos verò, an potiùs adjuvandos; si post infallibile, ut illi quidem volunt, Pontificis judicium, quæstio innovetur? Vel enim illusoria deliberatio est, ludibriumque sit de re jam confectâ quærere; vel vera seriâque habetur quæstio. Jam dubitante Synodo, non modò contumaces, sed etiam modesti, probique dubitare coguntur.

His victi alii, neque quidquam aliud habentes, quod Concilio tribuerent; respondent, Papam quidem per sese esse infallibilem: sed congregata Synodo, ad totam Synodum infallibilitatem transmitti; nec jam Papæ fas judicare soli. Quæ primùm nec sibi constant: absurdum enim est à Papæ, convocatâ Synodo, abdicatam innatam potestatem: neque quæstionem solvunt; & remanet quæstio, cur operosa moliantur, cum prompta & expedita suppetant. Denique qualis Papa in adunatâ Ecclesiâ, talis in diffusâ est: neque enim habet aliud adunata Ecclesiâ, quàm ut toto Orbe diffusam præsentet. Quare quæ in adunatâ virtus, ejus profectò radicem in diffusâ esse oportet.

Quæ cùm ita sint, quæstionem nostram ipsâ Conciliorum convocatione finitam contendimus. Compendiosa sanè & explorata demonstratio, quæ in ipso Concilii nomine continetur.

V I I.

*Quàm grave sit Ecclesiæ Catholicæ causam in tot absurdis collocari ;
cùm præsertim ea invidiosissima sint.*

HÆc igitur absurda sunt , in quæ , nosque seque , totamque Eccle-
siam , quantum in ipsis est , conjectum eunt. Quis autem non videt ,
quàm eadem invidiosa sint , summam Ecclesiæ ac fidei , uni homini summo
quàmvis , summæque dignitate prædito , sed mortali tamen , ne quid dicam
amplius , permittendam ; convocari Episcopos ac viduari Ecclesias , ut
unum audiant ; rem per se tantam , tam incredibilem , atque huc usque
pro dubiâ saltem habitam , pro certo Ecclesiæ fundamento collocari ; deni-
que ut id fiat , everti formulam ab Apostolicâ usque ætate firmissimam ,
nempe illam ; *Visum est* , non Petro ; sed *Spiritui Sancto & nobis*. Quanta
autem audent , qui Petro negata , Petri successoribus tribuunt.

Atque hanc Apostolici Concilii formam sanctus Cælestinus , & sancta V.
Synodus ad omnia deinde Concilia pertinere putant. Unde VII. Synodus :
Dominus Deus noster nos Sacerdotii Principes , beneficio suo undique convoca-
vit , quatenus Deificæ Catholicæ Ecclesiæ Traditio , communi decreto recipiat
firmitatem. Et VIII. Synodus , quâ nulla sanctæ Sedi obedientior extitit :
Sanctissimi Vicarii Senioris Romæ , & nos qui reliquarum Sedium Vicarii su-
*mus , hac omnia dissolvimus ** , gratiâ Domini nostri JESU CHRISTI , qui dedit
nobis summi Sacerdotii potestatem justè & congruè ligandi & solvendi. En quî
Papæ consultores atque Vicarii habeantur. Tum illud : *Spiritus enim san-*
ctus , qui locutus est in Sanctâ Romanâ Ecclesiâ , credimus , quod & in nostris
Ecclesiis locutus extiterit. Meminerant enim illud : *Visum est Spiritui Sancto*
& nobis : quæ Legati Apostolici pronis animis suscepere , atque adjecere in-
super ad Imperatorem : *Sanctissimus Papa nos famulos suos direxit in hanc*
urbem , ad manifestationem veri & justî judicii in conspectu imperii vestri ,
& sanctæ universalis Synodi ; ita ut non habeant , (Photiani scilicet) vocem
appellationis vel repedationis ; sed quemadmodum jam judicati sunt & de-
jecti , in sæculum maneat. En in quo vim summam collocarent ; cùm sci-
licet capiti universa se Ecclesia conjunxisset ; quam modestiam omni elatione
firmiorem qui infringere satagunt , Sedis Apostolicæ Principatum extol-
lunt in speciem , re ipsâ deprimunt , invidiamque tantum non veram auto-
ritatem conciliant.



V I I I.

Hæc absurda & invidiosa etiam esse inania, neque prohiberi posse quin ad Ecclesiæ consensum necessario recurratur: ex Cathedrâ pronuntiari quid sit.

AT illa importuna, nimia, invidiosa sectati, nec sic proficiunt: huc enim illis res redit, ut quantumbibet judicante Pontifice, tamen ad ultimum fidei stabiliendæ robur consensus Ecclesiæ requiratur; quod ita conficimus.

Sanè qui Pontificem ut Pontificem errare posse negant, non eandem ineunt viam; neque omnes conveniunt, illud *pro Cathedrâ pronuntiare*, quid sit. Turrecremata sic docet: *Si Romanus Pontifex efficitur hæreticus, ipso facto quo cadit à fide Petri, cadit à Cathedrâ & Sede Petri, ejusque judicium non esset judicium Apostolicæ Sedis.* Quid ergo? Repetendum, donec verum pronuntiet. Unde autem vera dixisse constabit, nisi cum Ecclesia consenserit? Turrecr. sum. de Ecclef. lib. ij. cap. cxij. fol. 260. mal. 258.

Nihil horum refugimus: placet non imputari Sedi Apostolicæ, si quid erit noxium, si quid erroneum, si quid alienum; quæ sanctus Antoninus paulo enucleatius explicare visus est. Is quidem sic distinxit: *Papam ut personam particularem, ex motu proprio agentem errare posse in fide: at Papam ut personam publicam errare non posse.* Personam autem publicam sic interpretatur, *utentem consilio & requirentem adjutorium universalis Ecclesiæ, quæ non habet maculam neque rugam.* Anton. sum. Theol. part. iij. c. iij. §. iv. p. 418. vcl.

Sit ergo Pontifex ex officio interpres Ecclesiæ quoties avita & Ecclesiæ tradita interpres artulerit, toties à Cathedrâ dixerit; toties Pontificem, personamque agat publicam: privatus habeatur Doctor, teste Antonino, cum *ex motu proprio* in fidei negotiis egerit.

Hinc idem Antoninus Pontificiam definitionem valere quidem dicit summâ & ultimâ firmitate; sed *acceptatam, examinatam, approbatam*, quemadmodum mox retulimus: ut cum varii varia, de eo quod sit pro Cathedrâ dictum, attulerint, certissimum signum sit pro Cathedrâ esse dictum, cum Ecclesiæ consensus accesserit. Sur. 5. iij. & Ant. part. iv. &c.

Decorum magnificumque Pontifici, ut pari ferè loco, atque Concilia generalia habeatur. Certum est apud Catholicos Concilia generalia infallibilia esse; at cum dubitari possit, Conciliumne aliquod generale sit, id ex Ecclesiæ consensione repetatur; ita certum firmumque, si velint, habeatur, Pontificem pro Cathedrâ docentem esse infallibilem; at cum dubitari possit, an pro Cathedrâ dixerit, adhibitis omnibus conditionibus, ultima nora accessera sit Pontificis ex Cathedrâ docentis, cum Ecclesiæ Catholicæ consensus accesserit.

Id si Romæ placeat, pacique profuturum sit, haud equidem contradixerim; sed alia Bellarmino ac Duvallo placent. Placet quippe Pontificem, quoties adhibita formulâ aliquid Ecclesiæ proposuerit, saltem cum anathemate,

Dissert.
p. xv. n. xxj.

esse infallibilem. An vel sic Ecclesie consensum excludent? Non sanè Andreas Duvallius, cujus verba alio loco relata adversus Richerium disputantur, audivimus.

Bellar.
lib. iv. de
R. P. cap.
vij. sup. lib.
vii. c. xx.

Ibid.

Neque verò Bellarminus, tamen si in speciem asperior summâ ipsa discrepat. Is enim, qui dixerit, *Definitiones de fide præcipuè pendere ex Traditione Apostolicâ & consensu Ecclesiarum; ut autem cognoscatur, quæ sit totius Ecclesie sententia, & quam Traditionem servant Ecclesia, non esse aliam meliorem rationem, quàm ut convenient Episcopi ex omnibus Provinciis, & quisque referat Ecclesia sua consuetudinem*, addit, necessaria videri Concilia; quia nonnulli aperte dicunt, summum Pontificem potuisse errare: quorum nullam rationem haberi oporteret, nisi aut vera, aut saltem probabilia dicerent.

Quare quidquid illud est, quod Bellarminus dixerit, Parisensium sententiam sibi videri erroneam, atque hæresi proximam; sanè intellexit suum illud, videri, minimè prohibere quominus ea sententia adeò probabilis videatur, ut in celebrandis Conciliis & quæstionibus summâ & indeclinabili autoritate finiendis, ejus rationem haberi necesse sit.

Neque aliud, si satis attendimus, Patres Gallicani voluerunt. Hic enim patere volumus Gallicanæ Declarationis arcanum; Gallicanos Patres non id edixisse, ne Romanus Pontifex infallibilis haberetur, de quo in scholis tantæ rixæ sint. Procul has scholæ voces rixasque habuerunt; non id Episcopale suumque æstimârunt. Ad praxim maxime respicere placuit; atque illud pro certo figere, utcumque scholastica ac subtilis quæstio, se habeat, tamen convenire inter omnes Catholicos, Pontificium decretum non haberi pro irreformabili, neque ultimum robur esse consecutum, nisi Ecclesie consensus accesserit. Quo Dogmate constituto, tota infallibilitatis quæstio, speculativas inter, vanasque quæstiones, habeatur.

Sup. lib.
x. integ.

Hunc in sensum si accipi placet Gallicanam Declarationem, non ipsi Gallicani Patres, credo, refugient. Ego verò toto hoc tractatu id egi, ne tantoperè pro eâ infallibilitate litigent, quæ dubia saltem (pro dubiâ enim habemus in fidei negotio, quæ fide certa non sit) nunquam conciliare possit Pontificiis decretis certam & indeclinabilem auctoritatem; ut & illud omittam, nimis incredibile & absurdum videri, infallibilitatem, tantum munus à CHRISTO Pontifici traditum, necdum Ecclesie revelatum fuisse. Interim quæ Sedis Apostolicæ Majestatem decerent, & certâ Traditione constarent, asserui clariùs, quàm ut in dubium revocari possint. Nempe in Sede Apostolicâ semper vivere, ac victurum Petrum fidei Principem; neque successionem ejus unquam à fide abrumpendam, & Catholicam fidem ad finem usque sæculi, non aliam quàm Romanam futuram: ex quâ fide quoties Romanus Præsul dixerit, tunc ex Cathedrâ dictum videri. Atque his confido, me talem exhibuisse Papatum, qui refecatis dubiis, incommodis, invidiosis omnibus, ad hæc inanibus; sanctus & sanus, omnibus gratus, venerandusque habeatur; præterea tam sit ad fidem stabiliendam sufficiens, ut neque Duvallius, neque Bellarminus, quantumlibet infensus, atroxque esse videatur, aliam postulent sufficientiam.

I X.

De regendâ disciplinâ discrepantes in speciem sententias summâ ipsâ convenire. DUVALLIS loci. Item locus Anonymi, qui de Gallicanis libertatibus scripsit.

JAM ergo magna & Apostolica Sedes, ex Declaratione Gallicanâ, secundum Mennam, circa fidem obtinuit, quod suum est; nempe ut eam tueretur; quod est præcipuum Ecclesiastici regiminis officium. De altero, quod ad servandos dispensandosque canones spectat, audiamus.

Hic verò, sat scio, nihil difficultatis occurret, si quæ in confesso sint advertantur: namque Ecclesiam, & canone regi, & canones interdum relaxari oportere constat; neque quis diffitetur.

At enim forte id postulant, ut Papa pro plenitudine potestatis, supra omnia Concilia in omnibus, pro arbitrio dispensare possit. At non ita Antoninus; tamen enim negat Papæ à Concilio præfigi posse legem, id tamen addit: *Dico quòd in concernentibus universalem statum Ecclesiæ, non potest Papa disponere contra statutum Concilii, si statuendo decoloraretur status Ecclesiæ.* Ita Turrecremata; ita omnes etiam Pontificiæ potestatis studiosissimi confitentur.

Quid Duvallius? quæstione, an sit absoluta Ecclesiæ Monarchia, hæc habet: *Non potest suprema illa potestas (Romani Pontificis) statum Ecclesiasticum in toto, aut in parte minnere, nedum evertere: verbi gratiâ; uni eisdemque sexcenta beneficia conferre: pueros ad Episcopatum promoverè; ritus etiam generaliter per Ecclesiam ab omni ævo inviolabiliter observatos abolere, &c. sic enim Ecclesia dignitas & splendor maxime minneretur, & ad certissimum exitium devolveretur.*

Enumerant Theologi Canonistæque canones longe plurimos quos Romanus Pontifex rescindere nequeat: verbi causâ, canonem *late sententiæ* (a) adversus percussores Clericorum; quod, eo rescisso, Ecclesiasticus status decolorari videretur: quasi non alii sint innumerabiles, quibus conculcatis honos Ecclesiæ deflorescat magis.

Quin addit Duvallius, Benedicto XIII. meritò *denegatam obedientiam*, non modò quòd schismaticus esset, sed quòd de Ecclesiasticis beneficiis, contra jus fasque, in detrimentum Ecclesiæ statuere præsumeret. En quot canones Romanæ potentie invictos esse constet. Quid eos qui non universam, sed tamen singulares possident Ecclesias? An Romanus Pontifex abolere, & alios canones pro arbitrio statuere potest? Anonymus libertatum Gallicanarum oppugnator audiat. Is uno verbo rem conficit; sic namque decernit: *Nihil differre Gallicanam nationem à ceteris, in acceptandis, vel recusandis legibus Ecclesiasticis; siquidem nulli non licet legum executioni super-*

(a) *Late sententiæ*) excommunicatio non est diversa ab eâ quam canonistæ vocant, *ipso jure*, & ipso facto. Vid. Eveill. Trait. de l'excom. cap. XII. p. 117.


Anon. *sedere, si vel annuat Ecclesia, vel pensatis rerum, locorum ac personarum*
tract. de li- *conditionibus, injustum sit ejus mandatis ad literam servire. En quid de*
bert. Gallie. *abolendis statutis veteribus, novisque inducendis sanciant, qui nos ve-*
lib. ij. cap. *xatos volunt.*

xij. n. 4. *An autem supersedere tantum, non verò novam legem in totum res-*
sup lib. xj. *puere liceat, sequentia demonstrabunt: Si is erat in Galliâ rerum status;*
c. xxij. *ut ei sicut cæteris Provinciis Orbis Christiani, leges illæ non convenirent, jure*
Ib. n. 3. *naturali & ipsâ Legislatoris intentione, ab earum executione liberi extiterunt.*
Quid Gallos exagitant libertatum defensores, si cæteræ gentes, alio sub
titulo, aliove ritu, idem jus observent & exerçant?

At enim, inquires, se tuos Galli putant non modò naturali jure, aut
intentione Pontificis, sed etiam Concilii generalis autoritate superiori?
Quid autem? An ideo in nos Vaticanâ ab arce fulmina detonabunt, quòd
Concili generalis decreto legem naturalem, ac Pontificis intentionem con-
gruere rati, omnia in unum conjungimus, ac disciplinæ Ecclesiasticæ
servire cogimus?

Conc. *Nempe, inquit, in Pontificem canonum everforem, à Concilio pro*
Const. sess. *potestate, animadverti posse dicitis. Quo enim pertinebat Concilii Const-*
v. *antiensis allegatus canon? Nonne ut constaret Pontificem Concilio contuma-*
citer inobedientem, debite puniendum? Jam ergò non nos Galli; sed tanta
Synodus, pacis Ecclesiasticæ instauratrix vapulat.

Dion. *At enim Constantiense Concilium de dubio Pontifice interpretandum*
Carth. de *erat. Absurdum. Fac tamen, ut mollioribus auribus parceremus, vim Con-*
ant. Pap. *cilii illatam, tortaque ejus verba. Quid deinde proficiunt? Nempe osten-*
ec. part. i. *dimus, scandalosum, & contumacem, ut pote jam hæresis suspectum, pro*
art. xxiv. *dubio, imò pro nullo Pontifice haberi ab optimis, ac Pontificiæ potestatis*
fol. 342. *studiofissimis Doctoribus. Quid quòd mitiores ne sententiâ quidem, si rectè*
vers. Dried. *advertatur, sed verbis tantum ab aliis discrepant? Hoc ergò peccamus,*
de litt. err. *quòd Parisiense, imò Concilii Constantiensis simplicitate magis quàm*
Christ. dist. *aliorum ambagibus, ac sublitate delectamur? Certè bonus & æquus Pon-*
xl. cap. vj. *tifex nihil metuit ab illis extraordinarijs casibus, qui vix mille annis eve-*
Beil. Rosel. *niant, uti ex Joanne Majore discimus. Sed tamen mortalem tantâ pote-*
& alij pass. *state præditum, tot tentationibus obnoxium, tantâ adulatione circumda-*
tum, aliquo canonum metu coerceri oportet.



X.

Sedis Apostolicæ majestas & potestas.

Hic subit admirari Romanam potestatem uniendæ Ecclesiæ natam ; unde perducamur ad æternam charitatem , quâ in Deo unum sumus. Petrus ergo & Petri successor , ne inter se dissentiant Ecclesiæ , communis Traditionis interpres ; ne incertis motibus fluitent , communium canonum executor , Sede Apostolicâ autore , vel probante confectos custodit & vindicat. Hæc habens & exercens Apostolica Sedes , tantâ antiquitus autoritate viguit , ut postea , fidens dixerim , imminuta magis quam aucta esse videatur.

En ille Leo Magnus ex Patrum Traditione influentem in omnium animos edit epistolam ; * Imperatorem adversum nactus , ad Ephesinam generalem Synodum invitus , nec suo loco positus , cogitur , nec auditur. Itaque antiqua condemnatur fides. At ille latrocinalem Synodum valere non est passus ; Imperatoriâ potestate fretum Alexandrinum Dioscorum fregit ; ad instaurandam cognitionem Imperatorem perpulit ; Chalcedonenſis Synodi autor , ac deinde executor , ad constabiliendam communem Ecclesiæ fidem , invictâ potentiâ stetit.

Eâdem exequendi autoritate freti , Gelasius , ac deinde secuti Romani Pontifices , adversus Imperatores , ac Regiæ urbis Antistites , in Chalcedonenſem Synodum rebellantes , nullâ novâ Synodo indigere se professi , tantâ egere confidentiâ , tantâque vi , ut Imperatores totamque Orientalem Ecclesiam , ad condemnandos perduelles , solâ jam Sedis Apostolicæ autoritate perpulerint.

Quid ubi nulla Synodus intervenit ? Ecclesiarum consensione freti , haud minus fiducialiter egerunt ; Pelagianos nullo loco consistere passi sunt ; ac superbis ne illud quidem solatium reliquerunt , ut ab œcumenicâ Synodo damnati viderentur. Quis autem Pontifex posteriotæ ætate , quâ nonnullis potestate aucti videntur , tantâ autoritate tanta gessit ? Tanta potest , autore & executore Petro , capiti connexa Ecclesiarum fides !

An ideo putamus infirmam Sedis Apostolicæ autoritatem , quia Ecclesiarum consensum postulamus ? Imò firmiorem. Id enim tantum tribuimus Ecclesiis , ut agnoscant * , ut sentiant , an communis Interpres , satis ex communi Traditione dixerit ; in eâ acquiescant ** , (b) in eâ Spiritus Sancti

* ad Flavianum.

* examine.
** Judicium ostendit fuagentes.

(b) *Ut agnoscant , ut sentiant . . . acquiescant.*) Multoties audi vi quosdâ palam dicere , doctrinam Ecclesiæ Gallicanæ à D. BOSSUET , in illo tractatu , non tam suis nervis instrui , quàm quibusdâ veluti integumentis involvi. Credo equidem eos , qui talibus calumniis yirum maximum insectantur , Gallicanam doctrinam non habere satis cognitam , & penitus ignorare quibus nervis instructa esse debeat Theologica oratio. Hæc enim nisi nescirent , non redarguerent D. BOSSUET , qui , cum nitidius quàm quisquam antea Gallicanæ doctrinæ capita proponit , validius defendit , accuratioribus argumentis confirmat , tum temperat diligentissimè ab illis decretis apertè nimis , quibus plurimum delectantur multi neo-

magisterium collocatum, neque unquam defuturum certâ fide credant.

Nec minus invicti fuerunt Romani Pontifices, cùm canones ab Ecclesiis, Sede Apostolicâ, sive autore, sive probante, susceptos vindicarunt. His Constantinopolitanos Præsules alta spirantes, & Principum gratiâ ferocientes, & à Nestorianis, Acacianisque usque temporibus, Ecclesiæ graves, tanquam in schisma erupturos animo providerent, quâ gravitate poterant, coercebant; Orientali Ecclesiæ, quæ novæ Romæ faveret, Nicænos canones opponebant; invictos se rati, quandiu, ut ipsi profitebantur secundum canonum regulas paternorum rem gererent.

* I.
* * An- Itaque eorum tanta vis fuit, ut Agapetus * Papa exul (c), & supplex
thimum. Constantinopolitanum Præsulem ** (d) ad pristinam Trapezuntinam Sedem, contra canones dimissam, amandaret; ab hac quoque dejiceret, nisi rectam profiteretur fidem; ejus sociis certis conditionibus veniam indulgeret: ex quo illud, quod hujus corollarii initio posuimus: *Magna & Apostolica*
Conc. *Sedes antiquum obtinet, rectam fidem tuens; sanctarum Ecclesiarum Sanctio-*
C. P. sub *nes servans; ubi oportuerit indulgentiâ utens.*
Memn.vid.
sup. n. 1. *Interim cum Episcopis rectam fidem & regulam secutis æquo propemodum jure agebant. Eulogius Alexandrinus Episcopus scripserat se sancti Gregorii Papæ jussa capessere. At ille ea verba, ac jussionis vocem procul à se amolitus, hæc ait: Quod verbum jussionis peto à meo auditu remove: loco enim mihi fratres estis; moribus patres. Non ergo jussi, sed qua utilia visa sunt, indicavi.*
Mag. indic.
1. lib. viij. *An non ergo ille se superiorem sentiebat? Id hæretici, id imperiti jac-*
epist. xxx. *tent: non enim intelligunt quænam à Domino constituta sit Ecclesiastica*
T. ij. pag. *potestatis ratio ac vis. At Gregorius tam modestus, quàm fortis intelligebat: Nam quod, inquit *, se dicit Sedi Apostolica subjici, si qua culpa in*
919. al. lib. *terici scriptores; ratus nimirum, nefas esse viro Theologo illos transgredi terminos quos*
vij. ep. xax. *posuerunt patres nostri. Quod autem hic Ecclesiis tribuere videatur hoc tantum, ut agnos-*
* Byz: *cant, ut sentiant an Papa ex communi Traditione dixerit, & sic acquiescant, nulla esse potest*
cenus Pri- *difficultas iis, qui hunc tractatum attentè, non cursim legerunt. Nam D. Bossuet non semel*
mas. *docuit in toto suo opere, etiam in hoc Corollario, Ecclesias nunquam agnoscere Papæ doc-*
1d. lib. *trinam, nisi prius factò examine in illam inquisiverint; & in ejus doctrinâ tum acquiescere*
ix. ep. lxx. *solitas, postquàm de illâ cum autoritate decreverint & judicaverint: quæ rotis iterata, hic*
p. 976. al. *etiam iterari non erat necesse. Hæc dicta sint in malevolos ac indoctos tanti viri obirec-*
lib. vij. ep. *tatores.*
xxv. *(c) Exul.] Non erat exul Agapetus, quanquam non omninò suâ sponte Romam reliquerat. Hoc enim tantum memorat Liberatus Brev. cap. ij. Agapetum gravibus minis Theo-*
dati Gothorum Regis territum, pro conciliandâ pace, Legationem ad Imperatorem Justinianum suscepisse.
(d) Constantinopolitanum Præsulem &c.] Anthimus Eutychianus, Trapezuntinus Episcopus, studio & favore Theodoræ Augustæ, post obitum Epiphaniî C. P. in ejus locum suffectus est, consensu etiam Imperatoris, cui ille, multa dissimulando, se esse Catholicum persuasera; ita ut Justinianus ejus ordinationem ab Agapeto, tunc Constantinopoli degenti, approbari cuperet. At Agapetus nec Anthimum videre voluit, neque cum eo colloqui; quod causa fuit cur Imperator illum interrogaret de duabus in Christo naturis. Tunc Anthimum deprehensum Eutychianum Justinianus in exilium misit, & Agapetus Mennam magni Monasterii Abbatem, Patriarcham consecravit. Vid. Anast. vit. Agap. Tom. iv. Conc. p. 1787. & epist. Agap. ad Pet. Hieros. Tom. v. p. 47.

terici scriptores; ratus nimirum, nefas esse viro Theologo illos transgredi terminos quos posuerunt patres nostri. Quod autem hic Ecclesiis tribuere videatur hoc tantum, ut agnoscant, ut sentiant an Papa ex communi Traditione dixerit, & sic acquiescant, nulla esse potest difficultas iis, qui hunc tractatum attentè, non cursim legerunt. Nam D. Bossuet non semel docuit in toto suo opere, etiam in hoc Corollario, Ecclesias nunquam agnoscere Papæ doctrinam, nisi prius factò examine in illam inquisiverint; & in ejus doctrinâ tum acquiescere solitas, postquàm de illâ cum autoritate decreverint & judicaverint: quæ rotis iterata, hic etiam iterari non erat necesse. Hæc dicta sint in malevolos ac indoctos tanti viri obirec-

tatores.

(c) Exul.] Non erat exul Agapetus, quanquam non omninò suâ sponte Romam reliquerat. Hoc enim tantum memorat Liberatus Brev. cap. ij. Agapetum gravibus minis Theodati Gothorum Regis territum, pro conciliandâ pace, Legationem ad Imperatorem Justinianum suscepisse.

(d) Constantinopolitanum Præsulem &c.] Anthimus Eutychianus, Trapezuntinus Episcopus, studio & favore Theodoræ Augustæ, post obitum Epiphaniî C. P. in ejus locum suffectus est, consensu etiam Imperatoris, cui ille, multa dissimulando, se esse Catholicum persuasera; ita ut Justinianus ejus ordinationem ab Agapeto, tunc Constantinopoli degenti, approbari cuperet. At Agapetus nec Anthimum videre voluit, neque cum eo colloqui; quod causa fuit cur Imperator illum interrogaret de duabus in Christo naturis. Tunc Anthimum deprehensum Eutychianum Justinianus in exilium misit, & Agapetus Mennam magni Monasterii Abbatem, Patriarcham consecravit. Vid. Anast. vit. Agap. Tom. iv. Conc. p. 1787. & epist. Agap. ad Pet. Hieros. Tom. v. p. 47.

Episcopis invenitur, nescio quis ei Episcopus subiectus non sit: cum verò culpa non exigit, omnes secundum rationem humilitatis aequales sunt. Quam communem regulam omnibus Præpositis esse voluit: Sit, inquit, rector bene agentibus per humilitatem socius; contra delinquentium vitia per zelum iustitiæ erectus, ut & bonis in nullo se præferat, & cum pravorum culpa exigit, potestatem protinus sui prioratûs agnoscat. Quod ille multis exemplis, Scripturarumque testimoniis prosecutus; sic denique concludit: Summus itaque locus bene regitur, cum is qui præst, vitiis potius quàm fratribus dominatur. Itaque ille Gregorius, tam humilis, tam modestus, tam æquo cum cæteris jure usus, summâ potestate Constantinopolitanorum Præsulum superbiam contudit, acta Synodica per Sedem Apostolicam dissoluta, cassataque memorat, (e) & antecessoris eâ de re sententiam vindicat: neque ullus unquam Pontifex majore constantiâ Apostolicam auctoritatem exercuit. Quid ita? Quia canones, quia prisca consuetudines, quia omnium fratrum jura æquè ac sua servabat, ut vidimus.

Id. Reg.
Past. part.
ij. c. vj. l.
p. 20 22.

Lib. ix.
ep. xij. al.
lib. vij. ep.
l. iv. pass.
in ejusd. ep.

Sup. lib.
xj. c. xij.

X I.

Quàm fædam Ecclesiastici regiminis Pontificiæque potestatis ideam adversarii, ac præsertim autor Anonymus proferant, quàmque hæreticis faveant, dum Papatui favere velle videntur.

AT autor Anonymus qui de Gallicanis libertatibus scripsit, aliam Paparûs ideam informavit. Libro enim VI. quo caput III. Gallicanæ Declarationis aggreditur, id agit, ut quia Romanus Pontifex, omnium fidelium Pastor etiâ immediatus habeatur, omnia pro arbitrio ad se trahere possit, nullis obstrictus canonum, vel avitæ probatæque consuetudinis vinculis. Ac primùm quidem eos affert locos, quibus universa Ecclesia, atque etiam Gallicana Romano Pontifici subiecta sit, quod nemo nostrum negat. Atque id ille sensit. Subdit verò: *Hæc quidem ita in communi dicta negantur à nemine, quia nemini sunt incommoda; sed cum ad praxim deducenda sunt, auctoritas Concilii generalis, libertas Ecclesiæ, canones & similia opponuntur: quasi verò illa excepta intelligantur in verbis CHRISTI, aut etiam in declarationibus solennibus*.*

Anon. de
libert. &c.
tot. lib. vj.

Ib. c. ij.
* quibus
Episcopi
Papæ obedien-
tiam
profiteban-
tur.

Eò ergò nos adigit, ut non modò ex solennibus obedientiæ Romano Pontifici præstandæ declarationibus, sed etiam ex CHRISTI verbis ad omnia extraordinaria & arbitraria teneamur: ut, quia CHRISTUS generalibus verbis Petro dixerit, *quodcumque ligaveris, quodcumque solveris*; jam neque Ecclesiæ libertatem, neque canones, neque Concilia generalia allegare liceat.

(e) *Acta Synodica . . . dissoluta memorat;*] nempe Constantinopolitani Concilii an. 585. quæ Pelagius II. Gregorii antecessor ideo reiecit, quod Joannes, dictus *j-junator*, C. P. Antistes se *Episcopum universalem* appellasset. Miror sanctissimum Patriarcham Mennam illo superbo nomine ubique appellari in Concilio C. P. an. 536.

Sup. tot. Sanè ille prævidit obstitura sibi primorum sæculorum tot ac tanta docu-
 lib. xj. menta, quibus Romanus Pontifex, antecessorum quoque autoritate, cano-
 Ibid. c. nibus servire jubeatur: quæ nos libro XI. executi sumus. Quo loco id etiam
 vij. vid. ostendimus, promissam sanè obedienciam, sed secundum canones, & jure
 quoq. lib. servato; cui etiam professioni, Romanorum Pontificum antiqua professio
 ix. c. xxj. responderet. Ar Anonymus, ne prisca illa Traditio, verborum CHRISTI
 interpret sibi objici possit, commento illo cavet quod jam confuta-
 vimus.

Diff. Præ- Ergone, inquires, nulla tunc canonum relaxatio; imò aliqua, non pro-
 num. lxxx. miscua; extorta necessitate, non ad libitum proflua; provida & modesta;
 lxxxj. non quæ se super omnia jura superferret. Hæc ad XI. usque sæculum per-
 lxxxij. manasse; hæc omnium cordariorum, præsertim verò Gallorum animis in-
 Vid. lib. hæsisse; hæc in Concilio Constanriensi stabilita esse; hæc paulò anre Con-
 xj. c. xvj. stantienſe Concilium, à Durando Mimatenſi, Clemente V. jubente, scripta
 xvij. xvij. esse vidimus. Ille per dispensationes & exemptiones, impunem regnare
 xix. licentiam, ac perdita esse omnia conclamabat; ille per Synodos generales
 Sup. lib. his adhiberi modum, utque Ecclesia Romana, non omnia ad se traheret,
 vij. cap. ne omnia perderet, postulabat. Cætera alibi memorata, ac præsertim egre-
 xxxvij. giam illam, jubente Paulo III. de reformandâ Ecclesiâ summorum virorum
 Durand. consultationem, atque ipsa decreta Tridentina prætermittimus. Quidnam
 de mod. ce. ergò illud esse dicemus, quo potestatis Pontificiæ, secundum Anonymum,
 leb. Con. totus sese fulgor explicuit? An cum non jam ferè tutandis canonibus, sed
 & c. vid. dif. exemptionibus, dispensationibus, reservationibus, denique extraordina-
 fert. n. l. riis arbitrariisq. mandatis & imperiis eminere cœpit autoritas, cum Papa
 Sup. lib. longè positus, tot capitula, tot Monasteria, de quibus ne cogitare quidem
 xj. c. xvij. vacat, immediatè regenda suscipit, proprios arcet Episcopos, atque ab iis
 suum quoque Clerum avellit; cum Episcopalem jurisdictionem in Mona-
 chos atque in mulieres effundit, aut effusam tutatur; cum deniquè Ro-
 mana Curia Episcopos veluti adversos habere, in tot exemptis præsidium
 ac firmamentum, ponere voluisse visa est? Hiccinè ille est Ecclesiæ Ro-
 manæ fulgor explicitus? An fumus porius? At nos ex illo fumo dari lucem
 voris omnibus supplicamus. Id in Concilio Tridentino, pro remporum
 quidem necessitate, inchoatum Ecclesiæ gratulamur; certoque statuimus,
 nunquam Ecclesiæ Catholicæ, nunquam Sedi Apostolicæ suam dignitatem
 constitutam, nisi defensis canonibus, adscitisque Episcopis, quos ipse CHRI-
 STUS adjutores dederit.



XII.

Quam falsò asserant Gallicanà Declaratione contentam doctrinam dissidiorum occasione proditam aut innovatam: Cleri Facultatisque Parisiensis antiqua monumenta replicantur: nova etiam produntur: quædam Gallis malevolentissimè ab Anonymo objecta refelluntur: votum auctoris ejusdemque erga Ecclesiam Catholicam Sedemque Apostolicam devotus animus.

JAM luce est clarius pessimè objectum Gallis, quòd de Sede Apostolicà; male sentiant, cujus dignitatem confirmare & illustrare non cessant. Sed quandoquidem autor Anonymus tractatu de libertatibus Gallicanis, eà de re mendacissimè ac malevolentissimè scripsit, non feremus Christianissimi Regni impunè violari Majestatem.

Ac primum grave illud est, quòd semel atque iterum inculcat, à Bonifaciani dissidii tempore, Gallorum in Sedem Apostolicam studia refrixisse: cum, ut cætera omittamus, id etiam imperitissimis rei historici notum sit, post ea dissidia, sub Benedicto XI. & Clemente V. aliisque Pontificibus, Curiam Pontificiam translatam ad Gallias, atque Avenione toto fere sæculo residentem, cum Gallicano Regno conjunctissimam, ejus obsequiis floruisse. Sed nos insulsiſſimum commentum jam confutavimus.

At Anonymus graviora protulit. Nempe & id scribere ausus: quæ à Gallicis scriptoribus de Romani Pontificis autoritate proferuntur, *avutum ac ferè ingenitum* testari illius nationis erga ~~sanctam~~ *sedem* studium magis fortè quàm modernorum affectum; tanquam ab eo studio moderni desciverint. Postea: *Quòd Galli aliquibus schismaticorum nomine suspecti sunt, aut inimicorum esse invidiam aut politicorum minas. . . . aut fortè justum piorum metum; ne si crescat Pontificiorum mandatorum neglectus, in contemptum transeat, qui à schismate solet non longè abesse: quasi jam Gallis solenne sit Pontificia mandata negligere. Gravius & acerbius illud: Ferè pœnitere Galliam, quòd olim sanctam Sedem tantà reverentiâ prosecuta fuerit, tantà humilitate audierit, tanto zelo defenderit.* At illud dirum & abominandum de Gallicanis etiam Antistitibus dictum: *Frustra Antistites Gallicani auctoritati Pontificiæ gravissimum vulnus illaturi honorificâ præfatiunculâ ferrum occultant: ut parùm esse videatur, quòd Romano Pontifici adversentur, nisi etiam blandientium ac venerantium specie, parricidiales manus inferant.* Quo argumento? Quâ probatione? Nullâ: nisi quòd avitam, Ecclesiæ Catholicæ Sedique Apostolicæ salutarem, certè tot retrò sæculis, à studiosissimis Sedis Apostolicæ defensoribus pro innoxia habitam, sententiam, nullâ cujusquam offensione proponunt.

Et quidem toto Anonymi tractatu sparsum illud: *priscas illas de Ecclesiæ Catholicæ & Conciliorum generalium auctoritate sententias, in Galliâ tunc esse prolatas, cum Reges à Romano Pontifice dissiderent.* In his igitur

Anon.
lib. i. c. xvj.
n. 2. lib. iij.
c. ix. n. 3.
Sup. lib.
iij. c. xxiij.
xxiv. xxv.
lib. iv. cap.
xxij. lib. x.
c. xxv.
Anon.
lib. vj. c. ij.
n. 1. 2.

Id. lib.
xj. Præf.

Id. lib. vij.
c. i. n. 3.
Id. lib. iij.
c. vij. n. 9.
10. lib. viij.
præf. n. 1.
ib. c. vij.
n. ij. lib. ix.
c. x. n. 3. 4.
in conclus.
oper. n. 13.
& pass.

Gallos *Aula desiderijs obsecutos, atque alicujus spei vel timoris impulsu esse permotos; quin ipsos Episcopos Gallicanos anno 1682. odiosam & importunam objecisse doctrinam, ut summum Pontificem ab executione Lugdunensis de Regalia (f) canonis detererent.* Sed hæc quàm falsa sint, quàmque iniquo animo exprobrata, alia Ecclesiæ Gallicanæ acta testantur.

Sup. lib.
vj. c. xxj.

Vetusta omittimus; posteriorum sæculorum exempla proferimus. Nullum sanè erat Christianissimo Regno cum Martino V. dissidium, cum sacra facultas Joannem Sarrazinum, qui Conciliarium statutorum vigorem in summo Pontifice reponeret, repellebat & ad ista adigebat; quòd *tota auctoritas dans vigorem statutis Conciliaribus, residet, non in solo Pontifice, sed principaliter in Ecclesiâ Catholicâ, & Spiritu Sancto.*

Ib. c. xxiij.

Nullum erat dissidium cum Romanis Pontificibus, eo tempore quo eadem Facultas ad hæc Lutheranos compellebat, ut Ecclesiæ Catholicæ & Conciliorum generalium determinationes absolutè admitterent; decreta verò Romanorum Pontificum ita, *si ab Ecclesiâ recepta & approbatæ* essent.

Ibid.

Nullum erat dissidium, cum editis adversùs Lutherum articulis, Ecclesiasticam potestatem exponere aggressi, Pontifici quidem suam; at ut errare non posset, non nisi Ecclesiæ Catholicæ & Conciliis generalibus tribuebant.

Dispræ.
n. xiv.

Nullum erat dissidium, cum toti Orbi Christiano Tridenti collecto, atque ipsi Pio IV. testatum volebant, se in Constantiensibus, iisque conjunctis Basileensibus decretis persistere, ac porrò perstituros, neque laturos unquam, ut sacrosancta decreta ullâ vel ambigüâ formulâ læderentur.

Proc. verb.
de la Châ-
bre Ecclesi.
1614. du
Mardi 30.
Decemb.
Mem. du
Clerg. T. I.
p. 198. ed.
1673.

Recentiora ac nostri sæculi exempla postulas? Nullum erat dissidium anno 1614. cum gravis illa extitit de tertii Ordinis articulo, ac Regum supremâ auctoritate dissensio: & tamen in actis Ordinis Ecclesiastici conscriptum legimus: lecto articulo Patribus visum, *eo articulo sterni viam ad schisma; ac fieri ut civiles Ordines nullâ auctoritate, nec potestate legitimâ de verbo Dei judicent, decernantque quid illi congruat; damnent ac ligent conscientias; quæ auctoritas Concilio generali & Ecclesiæ universæ spirituali potestati reservata est.* Quo etiam die pomeridiano conventu iteratum, *hujus questionis judicium Concilio œcumenico reservatum.*

At enim, inquires, non hîc tractabant quæstionem, neque Conciliarem

(f) *De Regaliâ.*] Adeo inconsultè quæstiones tractat D. CHARLAS, ut illa ferè omnia, quibus Cleri Gallicani causam conclamaram vult esse, in hujus causæ præsidium nullo labore adduci possint. Sic est canon XII. Sess. XV. Concilii Lugdunensis, quem allegat. In eo enim canone, illi tantùm qui *Regalia . . . de novo usu pare conantes, bona Ecclesiarum . . . vacantium occupare presumunt . . . excommunicationis sententiæ subjiciuntur.* Deinde additur: *Qui autem ab ipsâ Ecclesiâ . . . fundatione, vel ex antiqua consuetudine jura sibi hujusmodi vindicant, ab ullo abusu sic prudenter abstineant . . . quod ea quæ non pertinent ad fructus . . . non usurpent, nec bona cetera . . . dilabi permittant, sed in bono statu conservent.* Tom. XI. Conc. p. 982. 983. Atqui hæc firmant, nedum infirmant *Regalia* quæ sunt ex antiquâ consuetudine. Porro P. SIRMOND Jesuita & Petrus DUPUY multis & validissimis argumentis probaverunt ex antiquâ consuetudine esse *Regaliæ* jura quæ sibi Reges Galliæ vindicant; qui etiam credunt his juribus usos fuissè primæ stirpis Reges. Ergo pessimè à D. CHARLAS allegatur canon ille Lugdunensis.

potestatem cum Pontificiâ comparabant. Rectè. Tantò ergò magis, quæ animis erant insita, nullo contentionis studio proferebant; arduam quæstionem, summâque inter Catholicos dissensione agitaram, ubi etiam de Papæ autoritate quæreretur, *Concilio œcumenico*, sive ut explicitiùs in superiori congregatione dictum erat, nec jam repetere necessarium, *Concilio œcumenico & Ecclesiæ Catholicæ potestati* reservabant; de fidei quæstionibus terminandis communem Cleri consensum simplici animo testabantur; sancti & Orthodoxi mirificas laudes à Paulo V. summo Pontifice, Brevi speciali edito, referebant.

Nullum erat diffidium anno 1625. cùm Clerus Gallicanus Stephani Louytori Decani Nannetenſis, Apostolicæ Sedis autoritate prolatam sententiam adversùs Episcopum Leonensem, declaratione editâ, impiam, sacrilegam, nullam esse censuit: (g) accepto deinde nuncio declarationem à summo Pontifice esse abrogatam, Regi Christianissimo totius Cleri nomine supplicavit: si res pacificè neque Romæ, neque in Galliâ componi posset, *permitteret Nationale Concilium, ut consuleretur quid factu opus esset, & ut Concilium œcumenicum peteretur.* Concessum à Rege, cum Legato actum, missum Romam * commonitorium, allatumque imprimis, *non potuisse à Papâ contra tot Episcopos decerni, nisi illis auditis, datâque commissione in partibus, juxta concordata & privilegia Ecclesiæ Gallicanæ; ab Episcopis Gallicanis postulatum Nationale Concilium; ac nisi Breve Apostolicum premeretur, daturos ibi operam, ne quid libertates & privilegia Ecclesiæ Gallicanæ detrimenti caperent.* Quid plura? Pressum Breve; Louytorius à sententiâ destitit; Leonensi Episcopo satisfecit.

Nullum erat diffidium anno 1650. cùm occasione viri Illustrissimi Renati de Rieux de Sourdeac, Episcopi Leonensis à Commisſariis Apostolicis depositi, atque aliorum Commisſariorum sententiâ (h) restituti, veritus est

Ib. T. I.
part. I. tit.
I. c. I. n.
14. 15. vid.
recueil des
piec. con-
cer. l'Hist.
de Louis
xiiij. T. iv.
pag. 3. o. &
seq.

* Ad
Oratorem
Regium.
Ib. n. 26.

Ib. n. 37.
41.

(g) *Nullam esse censuit.* Rem ut gesta est narrabimus. Summus Pontifex Doctores GALLEMANT & DUVAL ac P. DE BERULÆ Congregationis Oratorii Præpositum generalem, tam in spiritualibus quàm in temporalibus, præfecerat omnibus Monasteriis Monialium Carmelitarum in Galliâ constitutis. Plurimi autem Episcopi intercesserant, ne Bullæ & Brevia Apostolica eâ de re missa executioni darentur, quos inter D. DE RIEUX Episcopus Leonensis exixe contendebat, Episcoporum autoritatem in Moniales eam esse, quam Papa nullo decreto, nullâ Bullâ posset convellere. Itaque Moniales Carmelitas Morlæenses suæ Diocesis, quæ ultrò Episcopali suæ jurisdictioni se submiserant, transtulit primum in domum suam Episcopalem, & inde in castellum Brestix. Verùm D. DE LOUYTRE delegatus à Cardinalibus DE LA ROCHE-FOUCAULT & DE LA VALETTE, ut in eâ causâ Papæ nomine judex esset, venit Leonam; ibique, latâ sententiâ, jussit Moniales anathemate innodari, Ecclesiam Cathedralē Leonensem interdici, & ipsum Episcopum ab omni ministerio Episcopali suspendi, nisi intra decem dies dictas Moniales ad Papæ obedientiam reducere conaretur. At Clerus Gallicanus indignè ferens D. DE LOUYTRE hæc tam multa tantæque nullo jure fuisse molitum, illud egit, quod hic à D. BOSSUET narratur.

(h) *Commisſariorum sententiâ.* Reus Majestatis postulatus fuerat D. DE RIEUX Episcopus Leonensis; eò quòd operâ suâ & consiliis favisset Mariæ Medicæ Regis matri è Regno fugienti, ipse apud Belgas absque Regis licentiâ esset commoratus, quo tempore rerum non parvam conturbationem in Regno creaverat Regina matris & Galtonis fratris Regis fuga. Quapropter de Sede suâ dejectus est an. 1635. judicio DD. DE BARRAULT Archiepiscopi Arelatenſis, BOUTHILLIER Turonensis Coadjutoris, DE NOAILLES Fortipolenſis, DE HARLAY DE SANCY Macloviensis Episcoporum, quos Urbanus VIII. Commisſarios in

Clerus ne Provinciarum juri & canonico ordini noceretur. Itaque solenni protestatione editâ, & Nuncio rite intimatâ, id egerunt, ut *Episcoporum judicia, congregatis in Synodo Provincia Patribus, salvo jure appellationum ad Romanam Sedem antiquâ canonum autoritate reservarentur; neve Apostolicis literis ullum sibi præjudicium fieri possit; neve trahantur eadem in exemplum, quo quisquam sibi putet contra salutarium reverentiam regularum temerè quid licere.* Sic cavebant ne adversus canones extraordinaria & arbitraria mandata valere putarentur.

Sup. lib. vj. c. xxvj. Nullum erat dissidium anno 1656. cum sacræ Facultatis jussu, postulanti-
bus ac probantibus Episcopis, in ordinario ac frequenti confessu Lutetiæ congregatis, è Francisci Guillovii Thesi hæc præsertim eruta sunt: *Concilia ad melius convocari; in his, à Pontifice auditis Episcoporum sententiis ac judiciis pro suâ autoritate certoque & infallibili charismate, verbum fidei pronunciari.* Substitutum illud: *Episcoporum jurisdictionem esse juris divini, & esse immediatè à CHRISTO, eosque in Conciliis generalibus verè esse judices; atque in his ex eorum judicio summum Pontificem pronunciare.*

Denique nullum erat dissidium, cum per eadem ferè tempora tot adversus Jansenium acta confecta sunt, laudarique à Romanis etiam Pontificibus Episcopi Gallicani; cum tamen prisca disciplinæ Traditionisque memores, Pontificias Constitutiones ita admitterent exequendasque mandarent, ut à se factâ deliberatione, datoque judicio, acceptatas & interpretatas, ut ex actis publicis fusc docuimus.

Sup. lib. x. c. xvij. xvij.

Anon. lib. viij. præf.

Ib. c. viij. n. 1. 2.

Sup. lib. viij. c. xiv. & pass. tot. lib. & seq.

Memorat Anonymus lib. viii. inculcari frequenter ab Episcopis Gallicanis, jurisdictionem Episcoporum ita esse de jure Divino, ut eam à sanctâ Sede neutiqum accipiant; eo fine, ut summum Pontificem à proferendo circa controversiam de Regaliâ judicio deterrent; aut si quid pronunciaret, minoris videretur esse autoritatis. Tum in eodem libro hæc habet: *Abstinnissemus ab hujus questionis tractatione, non solum propter ejus difficultatem, sed etiam quia, cum sacrum hunc Ordinem maximè veneremur, displicent nobis quæcumque venerationem illam possunt quâvis occasione imminuere: nisi animadvertissemus Illustrissimos Episcopos Parisiis congregatos suam in Deum jurisdictionem referre tum maximè conatos, cum justis summi Pontificis decretis repugnabant.* Quis ferat derisorem, reverentiæ specie, talia exprobrantem? Qui si Ecclesiæ Gallicanæ & sacræ Facultatis acta toties publicata & à nobis relata, amico animo perlegisset; profectò fateretur, jurisdictionem Episcopalem, nullo non tempore, ut à CHRISTO immediatè perfectam, apud nos prædicatam; neque nostrâ aut avorum memoriâ unquam contigisse, ut quis-

hac causâ delegaverat. Quievit quidem D. DE RIEUX, quandiu vixit Cardinalis DE RICHLIEU, quem in illo negotio sibi adversarium sentiebat, & cujus non immeritò ultricem potentiam ulteriùs experiri verebatur: Gallicani verò Præsules, licet ferrent ægerimè hoc judicium, cum injustum, tum nullo ordine canonico latum, iisdem de causis siluerunt. Sed mortuo Cardinale, Episcopus Leonensis, interjectâ appellatione, postulavit ut Innocentius X. judicium in se latum juberet retractari; qui Pontifex an. 1646. septem Episcopis causam retractandam & supremâ autoritate judicandam commisit; atque tunc demum Episcopus Leonensis innocens omnium sententiis absolutus est. Vid. Mem. du Clerg. Gall. Christ. Hist. de Louis le juste aut. Dupl.

quam hominum contrariam sententiam impunè propugnaret. Quæ nunc, si Deo placet, vir amicissimus & erga Episcopalem Ordinem obsequentissimus, adversus Pontificem comparata esse prædicat.

Hæc quidem sunt iniquissima; hoc vero absurdissimum, quòd appellationes ad Concilium generale factas eo nomine elevat, quòd, *occasione dissidiorum, vel schismatis, natum sit genus illud appellationum, tum si Papa negaret, quod ex parte Regis rogaretur, aut vellet contra ipsum ejusque subditos procedere.* Quis enim appellaret, nisi aliquod existeret gravamen aut dissidium? An appellatum vellet ab eo qui omnia largiretur? Cæterùm de illis appellationibus, quàm schismate antiquiores sint, quàmque non tantùm à Gallis, sed etiam ab aliis frequentatæ suo loco ostendimus. Hic quidem commonere volumus, quàm non modò iniqua, sed etiam insulsa autor Anonymus contra Gallos scripserit.

Anon.
lib. vj. c. 1.
n. 2.

Sup. lib.
v. c. vij. ix.
lib. x. cap.
xxij. xxiv.
& seq.

Cujus etiam generis illud est quod passim exprobrat de dispensationibus apud Gallos maximè frequentatis: quasi alibi canones purè obtineant; nullæ translationes; nulla pluralitas; nullæ commendæ sint; uni tantùm Galliarum in dispensandis gratis desudet Curia? An quia non quemadmodùm illi laicorum invasiones assidue impropèrant, ita nos ad invidiam usque objicimus, oppressam ab Inquisitoribus ordinariam potestatem; erepta Episcopis de fide judicia, quibus maximè Episcopatus constat; Ecclesiasticos redditus, per gravissimas pensiones, easque resignabiles in frustra concisos, ac beneficiariis nudum propemodùm relictum titulum; aliaque hujus generis innumèrabilia, à quibus puri sumus, ideò disciplinam apud nos profligatam confiteri oportet; florere apud eos, quos inter extraordinaria & arbitraria imperia sine more modoque vigent? Et quidem utinam omnes prophetarent? Cæterùm si gloriari oportet, id dicam, quod exteros audimus sæpe memorantes: nullum esse Regnum, in quo magis religio floreat, quam hoc Christianissimum; nullum, in quo sit Clerus doctior, sanctius Sacerdotium, Monastica disciplina castior ac severior, morum doctrina purior, Scripturarum & antiquitatum ferventius studium; nullam denique gentem, quæ accuratam disciplinam, si quis id fortiter aggressus sit, æquiore animo passura videatur.

Anon.
lib. vj. c. 1.
n. 2. & alib.
pass.

Desinant ergò nos incessere calumniis, tanquam ea, quam Galli tuemur, doctrina è dissidiis orta sit. Cogitent potiùs nostrâ memoriâ, aulicis artibus pressam; ultrò postea erumpere; ac faciliè promi, quod est pectori insitum. Faxit autem Deus, ediscant Ecclesiæ regendæ Principes, Ecclesiasticum regimen, non aulæ statibus ac motibus; sed æternâ veritate ac Patrum Traditione niti oportere.

Denique quod objiciunt, cæterarum gentium consensione nos premi, ac posse à Pontifice securè damuari Galliam, decreto ex nostris quoque Dogmatibus totius Ecclesiæ consensu valituro; tanquàm Ecclesia Gallicana, tanta Ecclesiæ pars, eaque florentissima nihil sit. His quidem objectis, inscitiam, hostilemque animum, non modò adversus Galliam, sed etiam adversus Ec-

clesiam universam produnt. Nempe dum Rex optimus, ac pietate major quam armis, tot egregiis ac immortalibus titulis, id etiam addit, ipso regnante, excisam hæresim in Galliis, tum ipsam Galliam, sub tam pio Principe erroris aut schismatis damnari posse confidunt. Sed frustra sunt. Non ita œcumenici Constantiensis Concilii jacebit autoritas: non ita Ecclesia Catholica repente mutatur; nec per cæteras gentes, usque adeo prostratam veritatem arbitramur, ut ejus apud se tot vetusta, tot recentia monumenta obliterari sinant. Quod si tanta quæstio, tantis Catholicorum altercationibus nobilis, in quâ Conciliaris, Papalisque autoritatis summa vertitur, jam finienda est, non sine œcumenico Concilio eam finiri posse sentiunt: aderit omnium sæculorum firma Traditio: evigilabunt sui memores Episcopi; ac Spiritus Sanctus veritatem vindicabit.

Illud etiam exprobrant, gratam hæreticis esse eam, quam Episcopi Gallicani de Concilii autoritate Declarationem ediderunt. At nos contra experimur, obstinatis hæreticis eam esse molestissimam, quâ calumniandi causas detractas esse sentiant. Qui verò modestiores sunt, ac pacatiores, hos in Ecclesiam Catholicam, Sedemque Apostolicam propensiores evadere, toti Ecclesiæ gratulamur.

Act. x. 12. His ergo intelligimus Petrum ab alto vocari, quemadmodum olim in Actis, ut comedit *quadrupedia & serpentina terræ & volatilia cæli*; mundaque æque ac immunda in sinum congerat, in corpus trajiciat, unitati servet, aut reddat.

Jam qui Declarationem Gallicanam veram quidem esse, sed tamen præposteram objiunt, neque Ecclesiasticæ rei conducere, ut ultrò Catholicis nova & contentiosa tractent; hos quidem confutavimus; neque iterare piger, à nobis non nova proferri, sed à Majoribus quæsita, imò etiam definita, quæ Catholicæ Ecclesiæ, Sedisque Apostolicæ æquitatem dignitatemque commendent,

Dissert.
præv. n. vij.
vij. ix. x. xj

De Regaliâ, cujus gratiâ Declarationem Gallicanam exortam esse volunt, alii dixerint. Ego hoc tantum: extensam fortè nullo malo animo, sed ex prætenso, ac dudum præconcepto jure; Regaliâ haud tantam esse rem, propter quam jusque fasque videretur, ex Apostolicâ Sede tantos intentari metus, tanquam omnia ruerent.

Quod aiunt, Declaratione provisâ esse remedia, si quid gravius immineret; arcanorum inscius quid dicam? Neque viri graves fortè succenseant, si tot inter minas, Christianissimo Regno, ex avitis consuetisque Dogmatibus, aliquid præsidii compareretur; quæ præsidia qui Gallis erepta esse velint, cogitent evenire posse ea tempora, quibus ipsis Ecclesiæque, ac Sedi Apostolicæ necessaria esse videantur.

Nunc postquam de susceptâ quæstione dicta sunt omnia; de me uno verbo dicam. Ac primum, Deo teste, profiteor, eum esse me, qui Sedi Apostolicæ ac Pontificiæ Majestati impensissimè faveam; & confido fore ut, si qui bono animo hæc quærant, id sentiant; Sedi Apostolicæ suæ & antiquæ

& tuta, humilis pacificusque reddo; hostibus, ne per aliena & falsa eam oderint, consulo; Catholicis hominibus, ne utrimque fortè sint nimii, vera & æqua præmonstrare satago; Gallos meos, ac præsertim Episcopos, nonnullis suspectos, tanquam Sedi Apostolicæ aliquid detractum velint, ab eâ contumeliâ vindico; tuta ab illis esse omnia, priscis exemplis monumentisque probo; Petrum has super aquas tutum incedere, neque frustra trepidare moneo & hortor; utcumque est, securus hanc causam ad CHRISTI tribunal perfero. Si Sedes Apostolica utrique parti, æquo jure consulens, silere interim edixerit, polliceor paritum; denique ad supremum usque halitum, in Ecclesiæ Catholicæ, Romanæque & Apostolicæ Sedis, in eâque sedentis Romani Pontificis potestate esse me, futurumque profiteor. Ita me Deus fulvum velit; ita me Petrus; ita me Pater sanctissimus habeat oviculam ad ejus pedes pro pace Ecclesiasticâ suspirantem; sub quo incurvari peto altitudinem sæculi frustra intumescens, Turcicamque barbariem, hæreticamque & schismaticam, quocumque loco, vel se exerit, vel latet, superbiam; atque id supplico ab his nostris abesse temporibus, ut hæc tam antiqua, tam sana, audens dixerim, tam pacifica, tam modesta, ferre non possint.

F I N I S .

THE HISTORY OF THE
CITY OF BOSTON
FROM THE FIRST SETTLEMENT
TO THE PRESENT TIME
BY
JOHN HUTCHINGS
OF THE BARRISTER AT LAW
IN THE SUPREME COURT OF JUDICATURE
IN NEW ENGLAND
AND
OF THE BARRISTER AT LAW
IN THE SUPREME COURT OF JUDICATURE
IN GREAT BRITAIN
AND IRELAND
IN THE YEAR 1780
LONDON: Printed by J. DODD, in Pall-mall.

APPENDIX
A D
DEFENSIONEM DECLARATIONIS
CLERI GALLICANI
D E
ECCLESIASTICA POTESTATE
AN. 1682.

APPENDIX

A D


DEPARTMENT OF AGRICULTURE

CLERICAL GALLICIAN

D E

PROFESSIONAL POTESTATE

1883



PRÆFATIO AUTORIS.



OSTEA quàm edita est CLERI GALLICANI de Ecclesiasticâ Potestate Declaratio, multa adversus eam scripta prodierunt. Ac primùm divulgati Libelli duo, quorum alteri titulus: Ad Illustrissimos & Reverendissimos Galliæ Episcopos, Disquisitio Theologico-Juridica super Declaratione Cleri Gallicani, factâ Parisiis 19. Martii 1682. Alter inscribitur: Doctrina quam de Primatu, Autoritate & Infallibilitate Romanorum Pontificum tradiderunt Lovanienses Sacræ Theologiæ Magistri, ac Professores tam veteres quàm recentiores &c. Declarationi Cleri Gallicani de Ecclesiasticâ Potestate nupèr editæ opposita. Uterque Anonymus. Ab utroque Cleri Gallicani Declaratio non tantùm impugnatur, verùm etiam proscribitur, ut quæ faveat hæreticis, Romanum Pontificem dignitate Primatûs, Divinâ ei ordinatione constituti, exuat, & Sedem Apostolicam labefacter; quin etiam exsuscitet Wiclefi errores, à Constantiensi Concilio condemnatos. Miram rem, ut quod Synodus Constantiensis de supremâ Conciliorum autoritate sanxerit, in Wiclefo ipsa proscripserit! Ceterùm NICOLAUS DU BOIS, Sacrarum Literarum in Universitate Lovaniensi Professor Primarius, se disquisitionis Autorem professus, alias scriptiunculas sparsit, ut si non vi ac pondere, nos numero saltem premere velle videatur. Atque hac apud vicinos

Doctr. Lov.
Præf.

Disq. art.
iv. p. 21.
22.

Doct. Lo-
van. in fine.

* Zelepe-
ch. mi.

Cenf. Arch.
Strigon.
vid. in
vind. M. j.
Scot. Par.

Disquis.
Att. ix. p.
44

*Belgas, magnis acta sunt clamoribus. Sic enim Autores illi de summâ Catholicæ Fidei agi vociferantur; quasi hæ quæstiones in Ecclesiâ nunc primùm audiantur, non autem à multis sæculis, nullo erroris, nullo Schismatis metu pertractata fuerint. Verùm ex longinquo gravioris belli metus; nec jam disquisitio aut tractatio, sed censura. Nempe Illustrissimus GEORGIUS * Strigonensis Archiepiscopus, ac Regni Hungariæ Primus, ostentatâ primùm Conciliî Nationalis autoritate (credo ut Clero Gallicano parem Cleri Hungarici auctoritatem opponeret) ipse interim, dum præfata Synodus suo tempore celebretur, cum quinque fortasse vel sex Episcopis, non est veritus tot Gallicanorum Episcoporum, ipsiusque adeò Ecclesiæ Gallicanæ decreta configere, propositiones interdicere, proscribere, prohibere; ut quæ Christianis auribus absurdæ, ac planè detestabiles, atque à Satanæ ministris disseminatæ, blandæ pietatis specie schismaticum virus instillent: etiam eam, si Deo placet, ut jam cæteras omittamus, quæ Regiam potestatem à depositionis sententiis tutam illæsamque præstat; etiam eam quæ Canonibus moderandum Apostolicæ auctoritatis usum proficitur. Sic omnia subvertuntur: nec tantùm Majestas Regia, verùm etiam Ecclesiastica libertas omnis è medio tollitur; nec jam Canone, sed ad nutum regitur Ecclesia, ac Majorum scita tot Romanorum Pontificum decretis firmata evanescunt. Sic innocui Galli avitas Libertates, avitam doctrinam, publica Ecclesiæ Regnorumque jura, absque ullâ cujusquam contumeliâ, ullâve censurâ propugnantes, indignis proscinduntur modis. Frustra Canonum, frustra Patrum implorant opem. Ecce enim ille Disquisitor ab Episcopis Gallicanis, minimè fuisse discussos Patres ac Canones, ad quos in hæc Declaratione fit relatio; sed simpliciter allegantibus creditum sibi persuadet. Qui si sacro Cœtui, totque privatis Conventibus per quatuor menses habitis adfuisset; si differentes audisset Illustrissimos Archiepiscopos Parisiensem & Rhemensem, sacri Cœtus Præsides, totque alios Episcopos doctrinæ atque eloquentiæ laude conspicuos, eos verò maximè, qui ad id negotium deputati, Tornacensem (a) dico, Meldensem, reliquos omnes Sacræ Theolo-*

(a) Tornacensem.] D. Guilbertus DE CHOISEUIL DU PLESSIS-PRASLIN Convenensis, deinde Tornacensis Episcopus, pietatis studio & plurimæ doctrinæ laude clarissimus, scripsit de religione multa commentaria, & de potestate Ecclesiastica egregiam epistolam ad D. STEYAERT Lovaniensem Doctorem, quæ virum demonstrant in rebus Theologicis versatissimum. Et quanquam illa non superessent hujus viri monumenta, satis esset ad ejus gloriam sempiternam illa gratissima & doctissima relatio an. 1682. coram amplissimo Cleri Gallicani cœtu habita, quam hic laudat D. ROSSUËR, quamque nos, diu expectatam, demùm publici juris facimus. Vid. nostram Præfationem.

giæ Facultatis Parisiensis Doctores, atque in sacrâ doctrinâ versatissimos; qui quidem, non nisi perpensis Sacræ Scripturæ Patrumque omnium locis, atque Ecclesiasticis ab ipsâ Christianitatis origine gestis evolutis dixere sententiam: adhibitis quoque aliis secundi Ordinis deputatis, Parisiensibus Doctoribus & omni eruditione præstantibus viris; hos, inquam, si audisset, ipsumque adeò Tornacensem Episcopum, tantâ pietatis ac doctrinæ laude celebratum, ad universum Cœtum sua & Collegarum sensa referentem; non profectò hæc unquam incauta & temeraria de Gallicanorum Episcoporum supinâ credulitate profudisset.

Interim, cùm alii subinde adversus Gallicanam Declarationem tractatus, in Italiâ, in Germaniâ, in Hispaniâ ederentur, Emmanuel etiam SCHELSTRATUS (b) nova acta produceret, eaque se relecturum arcana jactaret, quibus Basileensia simul & Constantiensia decreta statim conciderent; viri boni gravesque Gallicanos Episcopos Doctoresque hortabantur, ne avitam doctrinam, quâ prisca Ecclesiæ jura ac dogmata continentur, indefensam relinquerent; neque modò confutarent recentiores istos, qui plerumque, levi operâ, nihil aliud quàm Turrecrematæ, Cajetani, Bellarminique aliquot argumenta repetebant, verùm etiam rem totam ab origine panderent, atque Ecclesiastica monumenta proferrent, quibus Clerus Gallicanus, tantâ doctrinæ pietatisque famâ conspicuus, Declarationem suam munitam credidisset.

Ego qui Deputatis ascriptus, publicis privatisque Conventibus interfui, nec tantùm audiui religiosissimos Episcopos, sed etiam quæcunque insigniora, ac memoratu digniora dicerentur, diligenter exscripsi, atque ipsius Episcopi Tornacensis, doctissimam juxta atque eloquentissimam relationem gestis insertam attentè perlegi; præcipua hic momenta percurram, ut intelligat Christianus Orbis, à Clero Gallicano nihil novi prolatum; sed vetustam atque constantem Scholæ Parisiensis totiusque adeò Ecclesiæ Gallicanæ, imò & universæ sententiam repetitam; eamque à Scripturarum fonte, atque Aposto-

(b) Emmanuel Schelstratus. J. Vaticanæ Bibliothecæ Præfectus, antiquitatis Ecclesiasticæ habitus est investigator industrius & diligens. Is cùm vidit Gallicanam Declarationem eo imprimis commendari quòd niteretur Constantiensibus decretis, statim vetustos quosdam codices Concilii Constantiensis, à se hinc inde exquisitos, sibi que optimæ notæ viros, vulgavit, ut concusso Declarationis fundamento, ipsa Declaratio rueret. Sed præterquam quòd, & horum Mss. *à Sévigné* licet suspicari, & Schelstratus non satis probat acta Constantiensia antea vulgata, à Basileensibus fuisse adulterata; dici potest parva esse & nullius momenti ea quæ in hodiernis codicibus notat ut mutila & interpolata. Vid. Lib. v. Adi quoque dissertationem Gallicam, cui titulus est: *Éclaircissement sur les Conciles généraux*, &c. quâ D. ARNAULD exagitat & egregiè confutat Schelstrati absurdas cavillationes.

Divisio
Operis in
duas Par-
tes.

licâ Traditione manantem. Atque ea me dicturum confido, quæ planè sufficiant ut hæc duo probentur: Primum doctrinam Gallicanam verè Catholicam esse, & ab omni censurâ ac notâ liberam: tum eam doctrinam absolutè esse veram; ac si censura adhibenda sit, adversam sententiam eâ animadversione dignam. Addam Corollarium, quo clarum perspectumque sit, Primatum Beati Petri, & Romanæ Sedis, doctrinâ Gallicanâ non modò non obscuratum, verùm etiam illustratum, confirmatumque esse; tum censores nostros ad eum Primatum propugnandum, falsa & dubia cum certis æquè congerentes, id omnino efficere, ut eam penitus doctrinam convellant, quam se præ cæteris tueri gloriantur.

Consul. xij.
p. 69.

Speramus autem Lovanienses, viros doctos ac pios, cum hæc legerint, non modò ab iniquâ censurâ temperaturos esse, verùm etiam nobiscum ultrò consensuros; certè coercituros, si quidem id valeant, Professorem suum NICOLAUM DU BOIS, qui cum alia multa, tum illud præsertim æquè impotenter ac imperitè scribit: Excommunicatos nos esse, aut saltem in periculo ad cautelam (c) absolvendos. Romanos quoque & Italos credimus, si jam liberas voces, Christianas tamen ac modestas, atque ab ipsâ antiquitate depromptas audire sustineant, non adeò exarsuros: Pontificem certè, cujus Majestatem in terris maximam, Majorum more tanto studio, tantâ religione ac fide colimus, faciliè intellecturum, quàm sincero cultu Sedem Apostolicam prosequamur; quippe quam invictam & immotam, non cecâ pietate, aut humanis ratiociniis, sed manifestissimâ veritate, ac traditionis robore, & Canonum haud minùs autoritate, quàm moderatione præstemus. Neque verò velimus, quod Catholici omnes, summique Pontifices meritò perhorrescant, Ecclesiæ, tanti corporis imbecille esse Caput, ipsum scilicet Romanum Pontificem; sed firmissimum, valentissimum Conciliorum autorem, Principem, executorem, Canonum custodem, atque ubi res postulet, æquum interpretem, & dispensatorem providum, imò etiam conditorem, fidei & Traditionis toto Orbe terrarum assertorem à Christo institutum; denique adversùs contumaces quosque, sive Episcopos, sive alios, in Christi nomine, contemptæ Ecclesiæ præsentem vindicem. Quæ cum in Romano Pontifice, ut à Chri-

(c) *Ad Cautelam.*] D. DUBOIS verba referam. Timendum vobis est, inquit, ne incideritis in excommunicationem; & consequenter debetis petere absolutionem, ad minimum eam quam Canonista vocant AD CAUTELAM.

sto profecta, veneremur; nihil quidquam ab ejus Sede metuimus, sed ad Ecclesiae pacem cessura omnia, Deo autore, confidimus. Nos enim hic non nostra argumenta, sed Majorum testimonia & acta referemus; eaque integra & tota, ne fraudi & insidiis locus esse possit. Placuit enim in tantà re perspicuitati potius quàm brevitati consuli; & acta quidem recensemus, non Cleri Gallicani, aut Universitatis Parisiensis (quanquam & hæc quoque, ut quæ cum Ecclesiae Catholicae, sedisque Apostolicae traditione conjuncta sint) sed ipsius Ecclesiae: neque illa recondita aut latentia; sed quæ in omnium sint manibus, imò quæ ab adversariis lecta, allegata, exscripta sint; sed tantà occupatione animorum, ut interdum non legisse, sed cursim transiluisse videantur. Quæ si quis attenderit, rem confectam, judicatam, definitam dabimus Majorum sententiis; neque, uti faciunt qui contra sentiunt, Conciliaria Decreta cum Pontificiis, vel etiam Conciliaria cum Conciliaribus; Constantiensia scilicet, cum Florentinis aut Lateranensibus collidemus, quod hæretici rideant; sed quæ ad summam attinent, omnia coalescere, atque uni omnino formæ reddi demonstrabimus; unde existit illa dogmatum consensio, ac planè unitas, in cujus amorem admirationemque hostes Ecclesiae, vel inviti rapiantur. Quòd si quid quæstionis supersit, fateantur omnes amicè disceptari pertractarique debere, uti inter fratres decet, qui non sua protervè tueantur, sed communi studio in unius matris Ecclesiae autoritate acquiescant.

Cæterùm eam secuti sumus scribendi rationem, quæ maximè perspicua sit. Ipsam orationem, licèt per se continuam, in capita distinximus; probationes atque documenta in sua quæque loca contulimus; præfixà summà juvamus memoriam, rerumque seriem indicamus. His quidem sublevare conamur attentum diligentemque lectorem. Nam qui tantas res claras perspectasque esse volunt, etiamsi mentis aciem nec adhibere curent, atque oculos tantùm hæc illacque circumferant, hos non modò ab hæc tractatione, sed etiam ab omni Theologicà graviorique re alienos esse decernimus.

Verbis autem utimur vulgatissimis atque notissimis, nihil scilicet veriti fastidiosas aures, quæ nihil nisi ex Tulliano Terentianovè penu depromptum admittant, hujus eloquii plerumque imperitissimi. Nos profectò, ut non sumus eorum numero, qui Theologicam veritatem nonnisi horridà incultaque ac scholasticà ora-

tionem explicari posse putant ; sic ab iis abhorremus , qui ne id quidem æquo animo patiantur , novas res , novis designari vocabus. Itaque Investituras , Hominium , Feudos , aliaque hujusmodi tanquam venena horrent ; at dum refugium Infallibilitatem , Superioritatem , ejusdemque generis in Scholâ receptas usitatasque voces , in eos se verborum circuitus induunt , unde evolvere se non possit oratio. Sed hæc satis superque. Jam Cleri Gallicani acta referamus.





A P P E N D I X
AD DEFENSIONEM DECLARATIONIS
CLERI GALLICANI
D E
ECCLESIASTICA POTESTATE.

In quâ probatur DECLARATIONEM GALLICANAM
ab omni censurâ esse liberam, & eam Romani
Pontificis auctoritati nihil nocere.

L I B E R P R I M U S.

Id probatur ex professione fidei, & Doctorum Catholicorum
nobiscum sentientium auctoritate.

C A P U T P R I M U M.

*Cujus sit generis ea questio quam tractamus? Nullum hîc patere locum ad nos vel
hæreseos, vel erroris in fide incusandos: professio fidei à PIO IV. edita ex Con-
cilii Tridentini mente, ut vera & sufficiens regula proponitur: articuli Pari-
sienses anni 1542. adversus LUTHERUM huic præluxerunt, ejusdemque sunt
spiritus.*



SOLET Ecclesia Catholica exortis erroribus statim opponere
plenam ac luculentam veritatis à Deo revelatæ declarationem,
quâ nodum ipsum difficultatis expediat. Unde illud Beati Au-
gustini. *Dicatur ergò verum, maximè ubi aliqua questio, ut dica-*
tur, impellit. Sic sacræ doctrinæ inserviunt omnia, & per hæreses quoque

Tom. II. Append.

B

Aug. lib.
ij. de don.
persev.
Tom. x. c.
xvj. n. 40.
p. 843.

Ibid. cap.
xx. p. 851.

Vinc. Li-
rin. comm
j. c. xxxij.
Tom. vij.
Bib. Pat. p.
259.

Decr. dist.
lxxxij. cap.
error.

Fel. III.
ep. j. ad
Aca. To. n.
iv. conc.
p. 1051.

Vid. Pii
IV. fid.
prof.

Decl. Gall.
præf. &
cap j. & ij.

Ecclesia proficit. *Didicimus enim*, ut præclare idem S. Augustinus addit, *singulas quasque hæreses intulisse Ecclesiæ proprias quæstiones, contra quas diligentius defenderetur Scriptura Divina, quam si nulla talis necessitas cogeret. Quâ diligentia fit illud, quod ait Vincentius Lirinensis, ut intelligatur illustrius, quod antea obscurius credebatur. Quare, cum postremis hisce temporibus Lutherani, & alii Christianæ & Catholicæ unitatis æque ac veritatis hostes, Sedem Apostolicam tantâ insaniâ oppugnârint, necesse planè erat ut Ecclesia Catholica, plenâ & clarâ fidei professione, errorem elideret. Non quòd illi primi de Petri Primatu quæstionem moverint; nam Wiclefistæ & Hussitæ jam, & antea Valdenses & Photiani seu Græci in eam petram impegerant. Sed cum hæretici hujus temporis in sacro-sanctam potestatem vehementissimè debacchentur, ipsa veritas postulabat ut, quâ perspicuitate ac plenitudine Ecclesia Catholica cæteros articulos Luthero & Calvino adversos proponebat; veram quoque & antiquam de Primatu Petri, ejusque successorum Romanorum Pontificum profiteretur fidem. Huc enim vel maximè pertinebat illud à jure desumptum, & in hoc argumento sæpè considerandum: *Error cui non resistitur, approbatur; & veritas* (maximè lacescita & impetita) *cum minimè defensatur, opprimitur.* Quod à Felice III. in causâ fidei primò pronuntiatum, ac deinde in iisdem causis ab ejus successoribus, & ab omnibus Doctoribus magno consensu frequentatum est.*

Hinc Pius IV. post Concilium Tridentinum plenam fidei professionem edidit, quâ omnes articuli à novis hæreticis oppugnati ad sacræ Synodi mentem exponantur. De Sede verò Apostolicâ hæc habet: *Sanctam, Catholicam & Apostolicam Ecclesiam Romanam, omnium Ecclesiarum matrem ac magistram agnosco, Romanoque Pontifici Beati Petri Apostolorum Principis successori, ac JESU CHRISTI Vicario veram obedientiam spondeo ac juro.* Hæc fide, qui intra Ecclesiam sunt, ad Ecclesiæ dignitates ipsasque adeò Episcopales cathedras promoventur: hæc fide qui extra sunt, ad Ecclesiæ Catholicæ castra revocantur. Si quid ultra ad fidei plenitudinem exigitur, decipitur Ecclesia; decipiuntur hæretici ad Ecclesiam quotidie hæc fide redeuntes, & Catholica veritas à Catholicis quoque Pontificibus proditur. Hæc verò sunt de quibus nulla inter Catholicos controversia esse possit. Hæc stante fidei summâ, cætera, quæ deinde incurrunt, jam non in fide, sed in quæstione sunt posita, inter Catholicos pacifico animo disceptanda. Quare Clerus Gallicanus ea, ut tibi certa, ut Ecclesiæ Gallicanæ familiaria, ut Ecclesiæ universæ utilia, ut ab ipsâ antiquitate deprompta, non ut eâdem fide credenda proponit. Habent hoc maxima quæque etiam mysteria, ut cum de summâ constet, de modo tamen innoxie, imò etiam utiliter disputetur. Sic de modo exponendæ Apostolicæ potestatis, cum de re apud omnes constet, amico & fraterno animo quærere nos oportet.

Hanc verò fidei Catholicæ summam à Clero Gallicano fundamenti loco sincerè esse positam, nemo negaverit; cum Romanos Pontifices *Petri successores, Christi Vicarios* ubiquè prædicent; cum *Primatum Beati Petri, ejusque successorum Romanorum Pontificum, à Christo institutum, iisque debitam ab omnibus Christianis obedientiam*, atque in iisdem, utpotè *Christi Vicariis, rerum spiritualium plenam potestatem agnoscant.*

Quod in fidei professione est scriptum : *Sanctam, Catholicam & Apostolicam Romanam Ecclesiam*, omnium Ecclesiarum matrem ac magistram esse, quidam ipsam universalem Ecclesiam intelligunt; quæ proinde propriè, ac strictè, ut aiunt, *Catholica* sit, quæ verè *Apostolica*, quòd Apostolicâ successionem gaudeat; quæ *omnium Ecclesiarum* particularium, uti omnium fidelium *magistra & mater* meritò apelletur, quæ & Romana sit, vel maximè quòd Sedem Romanam ac Petri cathedram Principem fidei & Caput communionis agnoscat.

Alii Romanæ, Catholicæ, & Apostolicæ Ecclesiæ nomine, designatam volunt Sedem ipsam Romanam à Petro & Paulo fundatam, verèque Apostolicam; Catholicam quoque, eo sensu, quòd *ab eâ in omnes venerandæ communionis jura dimanent*: omnium Ecclesiarum matrem ac magistram, quæ nos lacte alit doctrinæ salutaris, eamque tradat quâ vivamus omnes, Romanam fidem. Quis hæc non fateatur? Quis pro his non fundat sanguinem? Et utrumque sensum, ut summâ & sententiâ unum, suâ Declaratione complexi Patres Gallicani, *Sedis Apostolica in quâ fides predicatur, & unitas servatur Ecclesiæ, venerandam omnibus gentibus majestatem* colunt; & *in fidei quoque questionibus præcipuas Summi Pontificis esse partes, ejusque decreta ad omnes & singulas Ecclesias pertinere* profitentur. Quid plura postulas? Non præcipuum, inquis, sed *solam* atque in se omnia continentem ejus auctoritatem necesse est agnoscamus; & *ab ipso ut capite..... accipere Patres in Conciliis Œcumenicis congruatos, quòd sine errore recta decident*. Hanc fidei summam esse prædicas, quâ eversâ omnia quatiantur? Addis tu quidem ad fidem Ecclesiæ: nova profers: nos refugimus: nos à Spiritu Sancto doceri credimus in Synodis Œcumenicis Domini Sacerdotes; quòdque recta decident, non à Summo Pontifice accipere; sed à Spiritu Sancto, quo autore dicant illud Apostolicum: *Visum est Spiritui Sancto & nobis*; sed à Christo Doctore à quo audierint: *Ego vobiscum sum*. Hæc tu interpretaris pessimè, ut nos quidem credimus. Verùm ea quæstio tantisper in suspenso sit, interim id audias velim. Sanè non ignorabant Summi Pontifices, in Ecclesiâ Catholica, de his rebus maximas esse quæstiones, nec verba deerant quibus multiplices nodos amputarent. Hæc omiserunt: Romano Pontifici veram deberi obedientiam decreverunt: id profitendæ fidei sufficere censuerunt.

Majores quidem nostri jam idem senserant. Anno enim 1542. posteaquàm Lutheranæ pestis in hoc quoque Christianissimum Regnum grassari cœpit, Doctores Parisienses, collectâ Facultate, hos articulos edidèrunt.

XVIII. *Tenetur quilibet Christianus firmiter credere unam esse universalem Ecclesiam, in terris visibilem, quæ in fide & moribus errare non potest, cui omnes fideles, in iis quæ sunt fidei & morum obedire astringuntur.*

XXII. *Certum est Concilium generale legitime congregatum, universalem representans Ecclesiam, in fidei & morum determinationibus errare non posse.*

XXIII. *Nec minùs certum est unum esse Jure Divino Romanum in Ecclesiâ Christi militante Pontificem, cui omnes Christiani parere tenentur.*

Hæc fidei tessera ab Episcopis & Ecclesiis omnibus Gallicanis tradita, Regiâ quoque auctoritate *, atque omnium Ordinum consensu excepta, di-

Ep. Conc.
Agu lei-an.
381. tom.
ij. p. 999.

Decl. Gall.
Præf. &
cap. iv.

Cens. Stri-
gon. vid.
Doct. Lov.
p. I. & 90.

Act. xv.
18. Matr.
xxviiij. 20.

D'Argen-
trè coll.
jud. &c.
tom. j. p.
413. & ap.
Dried. om.
ij. fol. 171.

* Francis-
ci I.

vulgata & custodita est. Vides quàm diversis verbis de Ecclesiâ ac Synodis Œcumenicis, deque Summo Pontifice egerint : *Ecclesiam & Synodos errare non posse* dicunt : at *Summo Pontifici Jure Divino ab omnibus Christianis esse parendum*. Hæc sine consilio ita distincta scilicet ? Neutiquam. Non condebant, sed tradebant fidem ; quæ cuique competerent, non ex privatis opinionibus, sed ex communi omnium sensu tribuebant. Sic factum, ut iisdem quoque verbis Romanus Pontifex Pius IV. Sedis suæ auctoritatem astrueret, & quidem cætera omitteret, nihil verò aliud jure Divino, quàm *veram obedientiam* postularet.

At illa obedientia, inquis, omnimodam superioritatem, atque ipsam adeò infallibilitatem infert. Iterùm atque iterùm admoneo, ad communem fidem addis tua : ad ea quæ consequi putas, longâ nos & dubiâ, imò etiam falsâ argumentatione deducis ; atque id ex tuis quoque rationibus efficiam clarè. An enim contendes obediendum nemini, qui non sit infallibilis ; non Episcopo, non Synodo Provinciali, non Nationali, non Legato Apostolico, non denique ipsi Pontifici, nisi de fide *ex Cathedrâ* decernenti ? Absurdum. Nullumne ergò discrimen inter Papam & alios ? Certè maximum. Nam aliis suis quisque grex ; Papæ omnes obedire oportet ; & id signanter ipsa fidei professio ab omnibus poscit. Quid, si quis jam dixerit, eò quòd Romano Pontifici Jure Divino ab omnibus obedientia vera deberi fide Catholicâ credatur, quidquid ille scripserit, edixerit, jusserit, quocunque in negotio, in jure, in facto, in Ecclesiâ, in Republicâ, nihil nisi obediendum esse ; neque unquam obrepi posse, aut mala suaderi, occupatissimo licèt ; sed standum ubique jubentis voluntati, in eoque veram repositam esse pietatem ? Infaniat, inquis. Certè. Ergò illi obedientiæ tam justæ, tam necessariæ, sua quoque adhibenda cautio est. Quænam illa sit ; quousque pateat ; quid Concilia ; quid Canones ; quid ipsi Romani Pontifices ; quid denique Scriptura & Scripturæ interpres Traditio poscat ; quoniam ambigua res est, pacificè & amicè quærere ; non statim omnia clamoribus miscere nos deceat. Atque interim certum est à Pio IV. Pontifice confessionem fidei requirente, ea selecta esse verba, quæ quæstiones omnes in Scholis quidem Catholicis utrinque disputatas, relinquant integras ; quæ autem ad fidem spectent, apertè & sine ullâ tergiversatione decident.



CAPUT II.

De PII IV. professione diligentius quæritur: in Synodo Tridentinâ consultò omiſſa quæ inter Catholicos controversa eſſent: PALAVICINUS Cardinalis teſtis adducitur: de Florentinâ formulâ, quòd ROMANUS PONTIFEX REGAT UNIVERSALEM ECCLESIAM, Tridenti in medium allatâ, atque omiſſa, ne noſtra ſententia vel ſub dubio leſa videretur: Claudii SANCTESII, & CAROLI Cardinalis LOTHARINGIÆ epistolæ: PII IV. reſponſum egregium: Ea tantum in Concilio Tridentino deſinienda, in quæ omnes Catholici conſpirarent.

NEQUE verò mirum eſt in professione orthodoxæ fidei à Pio IV. prætermiſſa eſſe illa, quæ inter Catholicos controversa eſſent; cùm eam professionem ex Concilii Tridentini decretis, & ad eorum mentem eſſe à ſe editam ipſe teſtetur. Cui quidem Concilio, atteſtante Palavicino (a) è Societate Jeſu Cardinali, illius Synodi nobili Hiſtorico, idque centum in locis, nihil fuit antiquius, quàm ut à controversis in Eccleſiâ Catholicâ quæſtionibus abſtineret; quod quidem vel ſtudioſiſſimè, in eâ quam tractamus quæſtione, factum eſſe idem Hiſtoricus profitetur. Scribit enim ſic, Joanne Giattino, ejuſdem Societatis interprete: *Potiffima Legatorum* (Pontificiorum) *cavio fuit*, ne dum ageretur de rebus unde videbantur vincula poſſe injici manibus Pontificiis, impingeretur in ſeditioſam quæſtionem de prerogativâ inter ipſum & Concilium. Hæc autem ad Pii IV. Pontificatum pertinent; cùm poſtea, eodem Pontifice, de Sacramento Ordinis ageretur, infarentque permulti, Hiſpani præſertim, quibus ſe noſtri adjungebant, deſiniendum eſſe Jurisdictionem Episcopalem à Chriſto immediatè eſſe perfectam, Legati poſtulabant; ut quemadmodum de Episcopis, ita etiam de Papâ vera exponeretur fides, & jam aliqui Canones noſtris propoſiti erant. Tum Cardinalis Lotharingus ad ſe Paleotum (b) accivit, eique ſignificavit ſe

Palavicin.
Hiſt. Conc.
Trid. Lib.
xix. cap. xj.
p. 113. edit.
Antwerp.
1673.

Pal. ib. cap.
xij. p. 127.

(a) *Palavicino.*] Is ſcriptor Italus ſanè elegans hiſtoriam Concilii Tridentini ſcribere aggreſſus eſt, ut hiſtoriæ FRA-PAOLO mendaciſſimæ; (hanc enim notam non ſemel injicit) ſuam ſincerioſorem opponeret. Multis videtur Palavicinus, in tractandis controverſis prolixior & à partium ſtudio non tam expeditus quam decet hiſtoricum. Sæpe FRA-PAOLO multa peccantem caſtigat optimè; interdum in leviffimos errores, ſi tamen errores ſunt, cenſoriam ſeveritatem exercet. Cæterùm valde utilis eſt Palavicini hiſtoria. Non enim FRA-PAOLO is eſt, cui nos in omnibus credere oporteat, ut neque alii quidam hiſtorici, qui in exſcribendis rebus Concilii Tridentini, ipſo FRA-PAOLO indiligentiores fuerunt. P. LE COURAYER in ſuis notis ad hiſtoriam FRA-PAOLO nonnunquam Palavicinum reprehendit immeritum.

(b) *Paleotum.*] PALEOTI Jurif-conſultus nobilis, in Concilio Tridentino de Romanâ ſede optime meritus, à Pio IV. ad Cardinalatum evectus eſt. Multos habemus PALEOTI libros piè doctèque ſcriptos, & imprimis tractatum cui titulum fecit, *de bono ſenectutis*. Hujus viri laudum pars eſt non minima, quòd familiaris fuerit SS. Carolo Boromæo, Philip-po Neræo, & ſerè omnibus, qui hoc ſæculo ſanctitatis & doctri-næ gloriâ floruerunt.

non potuisse, quantâvis adhibitâ diligentia, suos & Episcopos & Theologos, (Gallicanos scilicet, quorum ipse dux antesignanus esset) adducere ad decretum illud canonesque acceptandos, quod imprimis non admittebant ea verba, INESSE POTESTATEM SUMMO PONTIFICI REGENDI ECCLESIAM UNIVERSALEM, cum illa officerent sententia neganti eum esse superiorem Concilio; ac proinde, loco ECCLESIAM UNIVERSALEM, ponendum esse, OMNES FIDELES ET OMNES ECCLESIAS.

Ibid. Neque tamen nostri ignorabant ea verba à Concilio Florentino, Græcis quoque approbantibus, in decreto unionis esse edita, atque optimo sensu, neque ipsis repugnante intelligi posse, uti postea videbimus. Sed cum in diversam sententiam ab adversariis ea verba traherentur, nostri Episcopi ac Theologi summo consensu vehementissimè refugiebant. Adèd verebantur ne, vel ambiguï verbis, ab antiquâ atque animis penitus infixâ doctrinâ discedere viderentur. Quorum sententia à Paleoto perlata ad Legatos & ad Pium IV. statim perscripta est. Neque ita multo post Regis Christianissimi Oratores, Legatos Pontificios eâ de re conveniunt. Quid autem egerint narrat Lanfocius unus Oratorum, duabus epistolis ad Lislum Romæ Legatum. Sed præstat audire ipsum Cardinalem ita referentem.

Lett. de
Lanf. &c.
mem. pour
le Conc. de
Trente p.
379-381.

Pal. loc.
cit. cap.
xiv. p. 131.

Tum, inquit Ferrerius (Oratorum unus) quasi pro certissimo posuit, Concilium supra Romanum Pontificem esse; religionem & Ecclesiam Gallicanam non modò id sentire, sed profiteri, & jurejurando affirmare, tanquam articulum necessarium; idque jure optimo ex Constantiensis Concilii autoritate: præscribi quidem sibi in mandatis regiis, ne hujusmodi controversiam excitarent, sed simul ne liberum sinerent aditum cuilibet verbo, quod illi ipsorum religioni opponeretur; ac propterea hujus rei declarationem à se retardatam fuisse, donec ab ipso tempore ac negotio cogerentur. Ad hæc verò Legati, Pontificiam quidem supra Concilium autoritatem efferre; Concilii Constantiensis decreta interpretari; apertè significare se minimè à proposito discessuros. Cæterum in speciem ista; cum & viderimus, quàm in eum scopulum impingere vererentur; & certum sit ea verba, quæ nostros movebant, in Synodi decretis consultò prætermissa esse.

Ib. cap. xv.
p. 136.

Neque id sine conscientia Pii IV. factum esse; cum ex se perspicuum est; tum si quis addubitet, idem Historicus memorat. Eo namque teste, Pius IV. eâ de re monitus ita rescripsit, ut quanquam rationibus Florentinum decretum tuebatur, subderet tamen, ubi arduitas in eo quoque ostenderetur sine dissidio insuperabilis: satis futurum Pontifici, si nec de sua, nec de Episcoporum potestate quicquam exprimeretur, ILLIS TANTUM EDITIS DEFINITIONIBUS, IN QUAS PATRES UNANIMI CONSENSU CONSPIRARENT. Quominus admirère, in fidei professione non esse appositam illam formulam ab eo Pontifice, qui ab eâ quoque in Synodi Tridentinæ decretis abstinere voluerit.

Cæterum quod Pius IV. scripsit, ut eæ definitiones ederentur, in quas Patres, unanimi consensu conspirarent, id verò tantâ Sede, tantoque Pontifice dignissimum fuit. Neque enim in fidei decretis, quid privati quique seorsim sentiant; sed quid communis Traditio omnes doceat, attendendum est. Quarè Pius IV. non agit pugnaciter, neque ea sibi tribuenda contendit; quæ multi privato sensu, sed quæ omnes communi fide tribuerent, atque

à formulâ Florentinâ , rectâ licet , si benè intelligatur , sed tamen dubiâ , Gallis in tantâ re omnem ambiguitatem recusantibus , temperandum putat.

Quid autem Gallos nostros ad eam formulam Tridenti omittendam , moverit , unus , omnium quotquot in ea Synodo aderant Parisiensium Theologorum doctissimus & sanctissimus Claudius Sanctesius (c) , postea Ebroidensis Episcopus , fidei Catholicæ adversus Lutheranos & Calvinistas , scriptis quoque editis , defensor egregius , lucidissimè demonstrabit. Is enim ad Claudium Espenæum (d) Doctorem item Parisiensem , virum eâ ætate doctrinæ ac pietatis laude commendatissimum , hæc scribebat 15. Junii 1563. quo tempore hæc Tridenti maximè tractarentur : *Rogo ut rescribas an placeat Papam definiri & appellari PASTOREM UNIVERSALIS ECCLESIAE , HABENTEM PLENAM POTESTATEM REGENDI ET PASCENDI UNIVERSALEM ECCLESIAM. Neque hic ignoramus nonnullos Romanos Pontifices ita locutos esse , & id recto sensu dici posse ; sed questio est , an in Concilio tam celebri , quàm istud est , determinari possit absque periculo , ne , quod aliquos velle videmus , hæc verba trahantur in eam sententiam quâ Concilium Papa subjicit.* Vides apertè non modò quid nostri refugerint , sed etiam à quo postea Tridentina Synodus , Romano Pontifice autore , temperarit.

Et eam quidem formulam ex Florentinâ Synodo sumptam in eadem epistolâ testatur Sanctesius. (Sed nostri , Basileensi Synodo addicti , Synodum Florentinam eò factam putabant , ut *Romani Pontifices non Concilio tantum , sed etiam omni reformatione superiores essent.*

Atque in hac sententiâ cum cæteris Episcopis Cardinalem etiam Lotharingum (e) fuisse , docet ea epistola , quam his temporibus ad Bertoneum suum

(c) *Claudius Sanctesius* , quem *hereticorum flagellum* vulgò appellabant , inter omnes sui ævi controversistas , cum doctrinæ ubertate , tum argumentorum vi ac pondere primas tenuit. Libros edidit sanè multos & eruditos ; sed præ cæteris commendationem habet apud omnes ille tractatus què scriptis de Eucharistiâ. Interea dolemus præcui huius viri splendorem non levibus maculis & ignominiiis aspersum fuisse. Is enim *Lige* furoribus agitur & excæcatus laudavit scelestum facinus , quo *Jacobus CLEMENT* Henrico III. necem intulit : ipse hunc regem , atque adeò Henricum Magnum omnibus maledictis lacéravit , tantâ pertinaciâ , ut , nisi Cardinalis Borbonius & nonnulli Episcopi Henricum Magnum delinivissent , hic capitis pœnam in se constitutam tulisset ; pro quâ , in carcerem perpetuum coniectus , ibi non multò post diem obiit supremum. Vid. Thuan. Hist. Lib. Ij.

(d) *Espenæum* ,] qui cum Sanctesio erat in famularu Cardinalis Lotharingi , ea laus singularis commendat , quòd animi lenitatem , à quâ tum abhorrebant Sorbonici Doctores studiosissimè coluerit. Dicunt quidem Espenæum hæreticis plus æquo favisse in triûni Ordinum comitiis Aureliæ habitis , & in Pisiaco colloquio ; quia nempe , multis vociferantibus cogendos esse vi & armis hæreticos , ille , quantum potuit , obstitit. Veruntamen hæc duo conjuncta habuit , integerrimi Catholici veram pietatem , & miram hanc morum amœnitatem , quam rarius docti assequuntur. Ut in vitâ , sic fuit in oratione dulcis ac lenis ; neque ullus est illius ævi scriptor , qui lectores æquè delectet sermonis elegantia & suavitate.

(e) *Cardinalem Lotharingum*] Principem magnificum & munificum quis non novit ? Hunc Romani vocabant *Papam Ultramontanum* ; quippe qui eum viderent divitiis abundantem , insuper suâ autoritate omnia apud Gallos posse. Erat in eo viro multâ sermonis comitas & affabilitas ; sed ferocitas & arrogantia , si qui forte ipsi obstitissent. Eloquentiæ laude celebrabatur & in administrandis negotiis multâ solertiâ. Aduit Concilio Tridentino , Gallicæ doctrinæ primùm defensor egregius ; deinde factus remissior , non intercessit ut ne conderentur plurima decreta Regis & Regni iuribus contraria. Hæretici , quos vehementer exagitabat , eum accusabant (utinam non verè) quòd in se uno multorum Archiepiscoporum , Episcoporum & Abbatiarum reditus congestisset , quibus affectaret opulentiam prope Regiam , quæ Apostolorum successorum minus digna videretur. Et quidem in

Mem. pour
le Conc. de
Trent. p.
442.

Lett. du
Card. de
Lorr. à Bret.
son Sec. ib.
p. 556.

Secretarium, tum Romæ Cardinalis nomine agentem, dedit. Quâ quidem epistolâ hæc summo Pontifici suo nomine significanda scribit: *Quòd ad illum titulum spectat quem Summo Pontifici ex Florentinâ formulâ dare satagunt; se quidem Gallum; neque inficiari velle se in Parisiensi Universitate educatum, in quâ doceatur Concilii auctoritatem Pontificiâ superiorem esse, atque hæresis notentur qui contrâ sentiant, & totam Galliam in Concilii Constantiensis, ut Ecumenici, decreta omnia consentire, Basileensem sequi, Florentinam, neque Ecumenicam, neque legitimam habere; certumque Gallis mortem pati potius quàm se ab eâ sententiâ dimoveri sinant. Quare abstinendum jam esse ab iis vocabulis, ac Theologos quidem ad cælum usque vocem sublaturus: regni privilegia hæc veritate niti; ita subverti omnia, si contraria sententia statuatur: expectare verò ut Gallorum ullus Antistitum in id consentiat, stultum, errorem esse. Oratores quoque regios solenni contestatione questuros, ac Schismatis initium imminere.*

Quibus omnibus liquet quo tum loco res essent, & nostros quidem omnes, in antiquâ Parisiensis Academia, totiusque adeò Ecclesiæ Gallicanæ sententiâ publicè perstitisse; idque Pio IV. renunciatum esse; atque adeò abfuisse nostros ab illo decreto probando, quòd Pontificiam superioritatem adstrueret, ut Florentinam quoque formulam, quâ illam adstrui quibusdam videretur, omitti vellent; Pontificem verò in ea omnia ita consensisse, ut ab eâ formulâ, non modò in Synodo Tridentinâ, verùm etiam in edendâ fidei professione consulto abstineret.

CAPUT III.

Circa Florentinam formulam solennis distinctio: quòd Romanus Pontifex regat universalem Ecclesiam DISTRIBUTIVE, non COLLECTIVE: de eâ distinctione ANDRÆ DUVALLII locus: ea distinctio non merè Scholastica, sed à Concilio Constantiensi MARTINO V. expressè approbante, deprompta.

UT autem plenius intelligatur rectus ille bonusque sensus, quem in Florentinâ formulâ nostri etiam agnoscerent, placet interpretem, haud fanè suspectum adhibere, Andream Duvallium, qui inter Theologos Parisienses antiquæ sententiæ abolendæ primus autor extiterit, ac *Duvallistas* suo nomine fecerit. Is verò refert Eugenii IV. ac Synodi Florentinæ verba in decreto unionis quibus definitur: *Romano Pontifici, ut Christi Vicario, Petri successor, totius Ecclesiæ Capiti, omnium Christianorum Patri, ac Doctori, pascendi, regendi, gubernandi, universalem Ecclesiam plenam potesta-*

Tom. xiiij.
Conc. post
Sess. xxv.
Conc. Flor.
p. 515.

Tridentino, cùm res eo devenisset ut canon brevi condendus videretur, quo caveretur ne quis deinceps plurima Beneficia possideret, dixit statim Lotharingus se uno Rhemenfis Archiepiscopatu fore contentum. Sed hoc, sive propositum, sive, ut multi volebant promissum, nunquam ille explevit.

rem à Christo esse traditam. Sic autem interpretatur: Satis, inquit, constat Concilium Florentinum, auctoritatem Papæ supra Concilium non definivisse. Nam etsi definiat eum esse Christi Vicarium, totius Ecclesiæ Caput, & à Christo illi traditam potestatem regendi universalem Ecclesiam; HOC TAMEN NEMO EORUM QUI CONTRA SENTIUNT NEGAT. Illius enim potestatem in Ecclesiam universalem, ubique locorum diffusam admittunt, & omnium Christianorum Patrem & Doctorem eum agnoscunt; sed contendunt Concilium non propterea definivisse eum in Ecclesiam universalem, quatenus est LEGITIMÈ CONGREGATA, ET EST IN CONCILIO ALIQUO GENERALITER PER SUOS PRÆLATO: UNITA ET CONSENTIENS, potestatem habere. Tunc enim, inquiunt, Ecclesia universalis est totum quoddam, in quamlibet sui partem, etiam præcipuam, qualis est Romana Ecclesia, auctoritatem habens: ideòque cum nomen hoc (universalis Ecclesia) dupliciter sumatur, DISTRIBUTIVÈ quidem pro omnibus Ecclesiis per Orbem diffusis, & COLLECTIVÈ, id est pro Concilio generali; priori modo, aiunt, Concilium Florentinum definivisse Summum Pontificem in Ecclesiam universalem habere auctoritatem, non tamen posteriori. Perspicuè ille quidem, ut solet. Cæterùm illa distinctio distributivè, collectivè, ne vana ac nimis Scholastica videatur, eam adversus Wiclefum Synodus Constantiensis & Martinus V. totaque Ecclesia Catholica docuit.

Duv. tract.
de sup. R.
P. aut. part.
iv. quæst.
vij.

Sic certè statuit Sessio VIII. Constantiensis Concilium: sic repetitum legimus decretali, inter cunctas, quam contra Wiclefum, Sacro Concilio Constantiensi approbante, Martinus V. edidit, Propositio Wiclefi XLI. *Non est de necessitate salutis credere Romanam Ecclesiam esse supremam inter alias Ecclesias. Error est, si per Romanam Ecclesiam intelligat universalem Ecclesiam, aut Concilium generale, aut pro quanto negaret Primatum Summi Pontificis super alias Ecclesias particulares.* En illud distributivè à Concilio Constantiensi & Martino V. disertè probatum: en quo sensu tanta Synodus, tantusque Pontifex decernant Pontificiam potestatem in Ecclesiâ primam & supremam esse; hoc est ita supremam, non quòd sit super omnem conjunctim & collectivè, ut aiunt, Ecclesiam; sed quòd sit super omnes Ecclesias particulares separatim ac distributivè sumptas. Hæc tamen, si placeat, non urgeamus adhuc totis viribus: sit tantisper in suspenso quæstio, an Pontifex adunatæ, & ex toto Orbe collectæ Ecclesiæ obediat, an imperet: Concilii Constantiensis decreta taceamus, & illam à Concilio in Pontifices, etiam in fidei causis assertam potestatem. Certè Concilium Florentinum in decreto unionis eâ voce utitur, quæ utrique sententiæ possit accommodari; aded ab alterutrâ condemnandâ abhorrebat.

Tom. xij.
Conc. pag.
265.

Atqui illud est unionis decretum, quo Constantiensia & Basileensia decreta penitus elisa esse, & Cajetanus & Bellarminus postea, & nunc Lovanienfes alique inclamant. Nos ultima decreti verba, quæ nobis favent, consultò prætermittimus, & in alium rejicimus locum: ea tantùm promissimus, quibus nos maximè urgeri putant, atque in his ipsis verbis à nostrâ sententiâ condemnandâ studiosissimè temperatum fuisse luce clarius, atque ipso Duvallio fatente, intuemur.

Doct. Lov.
& Dilq.

Quid ad hæc responderi possit haud equidem intelligo. Certè enim decreta Constantiensia præcesserant, & Florentini Concilii tempore Basileense

habebatur, & de potestate Concilii supra Papam, vel Papæ supra Concilium, summâ utrinque contentione agebatur, & eâ disputatione omnia personabant: an Romanus Pontifex ita toti præesset Ecclesiæ, ut adunatâ quoque & collectâ superior esset: an ita, ut omnibus quidem particularibus præstaret Ecclesiis, sed in unum congregatis, & generale Concilium facientibus obediret? Quid ergo quæstione ortâ factum oportuit, si decidi placebat? An non Florentinis & Eugenio IV. idonea verba suppetebant, quibus alteri parti omne præcluderetur effugium? Cur ergo adhibent communes utrique parti voces? Nempè rem in integro saltem relinqui volebant, quodque in confesso esset Pontifici asserebant: summam illam in Concilio potestatem omittebant, quam si ipsi, vel maxime admitterent, neque Græcis unquam, neque reliquæ Ecclesiæ probaturi essent.

Et tamen illa etiam in Florentino Concilio inter utramque sententiam librata, ac temperata verba, postquam Pontificiæ superioritatis assertores ea sibi planè favere jactârunt, non modò Episcopi ac Theologi Gallicani, verùm etiam tota Synodus Tridentina, & ipse Pius IV. cùm in Synodi decretis, tum in fidei professione omissa voluere: ne scilicet parum veritati confulerent, si cuiquam videri possent, definire voluisse ea, quæ in Scholis utrinque disputata, non satis firma, constansque Traditio attulisset.

Quod quidem divino planè consilio factum esse constat. Cùm enim hæ duæ formulæ, illa Florentina scilicet, & ista Pii IV. re ac summâ conveniant, eundemque Primatum alia aliis verbis, ambæ tamen pariter ac sufficientissimè prædicent, sanè oportebat anteferri eam, quæ cùm hæreticos æquè convelleret, Catholicis aptior, congruentiorque haberetur; ut quemadmodum veritas, ita etiam pax & charitas in Ecclesiâ Catholicâ coleretur.

Neque nostros quidquam amplius flagitasse Palavicinus refert. Tametsi enim post Constantienses Canones sententiam suam ad fidem pertinere crederent, simul intelligebant, aliud esse quod ipsis videretur, aliud quod toti Ecclesiæ Catholicæ definiendum putarent. Quare fovere pacem & Catholicos omnes charitate complecti æquum arbitrabantur. Quæ quidem secuti eorum successores, in hâc postremâ Declaratione, simul & avitam sententiam Ecclesiæ Catholicæ, ne quid jam dicamus ampliùs, utilem defenderunt, & ab omni prorsùs censurâ temperârunt.

At in eos tam doctos, tam modestos, tam paci Catholicæ consulentes; Strigoniensis Archiepiscopus, aculeatâ censurâ gladium stringit; eorum articulos absurdos, detestabiles, schismaticosque pronuntiat, ut eam doctrinam, quam visam, agnitam, inculcatam, tot Pontifices, tot Synodi intactam saltem illasamque reliquerint, unus ille audacior, validiorque conficiat.



CAPUT IV.

Ex antiè dictis probatur Cleri Gallicani Declarationem jam in tuto esse, nondum licèt prolatis probationibus: LEONIS X. in Concilio Lateranensi & adversùs LUTHERUM acta, nihil ad rem facere, Tridenti acta, & PII IV. professio probant.

VIDE interim, lector candide, quantum è jure nostro decedamus. Nondum quæstionis arcana referamus: quid Eugenius IV. à Synodo Basileenſi postulareſt; in quibus convenirent, in quo diſſiderent; quid poſteà addiderint, & quæ jam à nobis extorquere velint Pontificiæ potèſtatis immodici, atque improvidi, eoque jam nomine, non ſatis idonei deſenſores; hæc nondum explicamus; probationes noſtras, inſtrumenta cauſæ, Conſtantienſia decreta Seſſionum IV. & V. nondum producimus: illa, inquam, decreta quibus Patres totaque univerſalis Synodus *declariant, ſtatuunt, deſiniunt* Conciliis Œcumenicis quibuſcumque potèſtatem à Chriſto immediatè datam eam, cui etiam Papa *obedire teneatur*. Neque tantum in cauſâ ſchiſmatis, quam tractabant; *ſed etiam in iis quæ pertinent ad fidem & ad reformationem Eccleſiæ in capite & in membris*; hoc eſt, in omnibus cauſis, quæ generales eſſent, quæ ad ſtatum univerſalis Eccleſiæ pertinerent, & maximè in fide, quæ ſit omnium fundamentum. Hæc nondum urgemus; nec dum aſſerimus, uti proſectò, Deo dante, luce clariùs faciemus, Conſtantienſis Concilii, motà quæſtione, ſenſum perſpicuum, judicium firmum, certam & inconcuſſam autoritatem: nondum proferimus decreta Pontificum Martini V. ipſius Eugenii IV. ac Pii II. aut Concilii etiam Florentini, quibus Conſtantienſes Canones apertiſſimè comprobentur. Decretum unionis tantum, eamque decreti, quæ maximè nobis objici ſoleat partem exponimus; & jam ab omni cenſurâ, ab omni periculo tuti ſumus. Tanta cauſæ viſ & veritas ineſt!

Nondum, inquis, tuti. Nam etiamſi à Florentinis Tridentiniſque decretis, ac Pii IV. profeſſione tuti, ad Leonem X. & Lateranenſia ſub eo decreta hæreatis neceſſe eſt. Pontificiam namque ſuperioritatem à Concilio Lateranenſi aſſertam Bellarminus & alii contendunt; & Suarez noſtram de Pontificiâ inſalubilitate ſententiam à Leone X. in Luthero damnatam, & quidem hæreſis, confidenter affirmat. Hæc quidem diſpungemus ſtatim; & quàm trepida Bellarminus, quàm vana Suarez dixerit oſtendemus. Interim quærimus annon ea omnia Tridentina Synodus, & Pius IV. tenerent? Si tranſacta, conſecta, deſinita res erat, cur omitti placuit? Nam proſectò Lutherus eam quæſtionem moverat, & à Leone X. ritè damnatus ad Synodum univerſalem provocaverat; & Conſtantienſe Concilium obtendebat, & Pariſienſes auxilio advocabat. Id quoque cenſores noſtri objiciunt, quaſi neceſſe ſit à nobis rejici ea omnia quibus ſycophanta perditiffimus abuſus eſt. Ergo contemnimus Theologicas Facultates, quas fruſtra appellavit; & Epiſcopalem au-

Vid. tom.
xij. Conc.

Bell. lib. ij.
de Conc.
aut c. xvj.
& paſſ.
Suar. de fid.
Diſp. v.
Sect. viij.
n. 5.

Diſp. art.
ix. pag. 45.
Doct. L. v.
art. xj. p. 5.
69.

toritatem, quam in Archiepiscopo Moguntino, & Papalem quoque, quam in Leone X. implorabat. An quia inipurus nebulo sacra omnia nomina ordine invocavit, ut aufu sacrilego omnia conculcaret, nos Catholici antiquam Traditionem & judiciorum Ecclesiasticorum ordinem evertemus? Sed profectò id verum; si contra fidem Ecclesiæ traditam, atque in legitimo Concilio definitam homo audacissimus aliquid attentarit, id in Tridentinâ Synodo, id in professione fidei quæ Luthero opponeretur, non dissimulatum, sed vindicatum oportebat. Tunc enim vel maximè valebat illud: *Error cui non resistitur, approbatur*; & illud Augustini: *Dicatur ergò verum, maximè ubi aliqua questio ut dicatur impellit*. Cur ergò hîc tanta Synodus, tantusque Pontifex conticescunt? An ut Gallis parcerent, Catholicam veritatem, agnitam ab Ecclesiâ, ac certâ sententiâ definitam, Luthero prodidêre? Id velint scilicet Ecclesiæ hostes: id Frater ille Paulus Soavis (f) pro magno comparârit: ille, inquam, Calvinista cucullatus, & Catholici nominis specie, non modò Synodi Tridentinæ, verum etiam fidei Catholicæ infectator. Procul verò hæc à piis. Nempè ea omnia, quæ nobis objectantur, Tridentini Patres & ipse Pius IV. ommissa voluêre, quòd ea omnia vel intellecta esse perperam, vel pro fidei decretis frustrâ venditari judicarent.

Atque hæc suo loco fusiùs exequemur; neque Lateranensibus nostra impugnari, sed asseri potius, quàm feriò dicimus, tam perspicuè demonstrabimus; & anteriores Synodos, anteriores Pontifices, qui nostra confirmant, innumerabiles proferemus. Interim, ex his quæ diximus, satis superque constat, quæ Synodi, quique Pontifices, post exortam eam quam tractamus quæstionem de Pontificiâ potestate, adversùs hæreticos & schismaticos decreverint, definiverint, fidei professionem ediderint, ab iis ita voces esse temperatas, ut nostram sententiam auditam, cognitam, totâque Ecclesiâ personantem, ab omni censurâ illâsam relinquerent.

(f) *Frater Paulus Soavis.*] Is est FRA-PAOLO, aded hæreticis amicus, ut lætaretur, si quando audiret prosperum quid illis contigisse, interim gemeret, quòd sibi non liceret eorum dogmata palam profiteri. Sane D. BOSSUET in eum acerbior videri posset, nisi ii qui ejus causam defendendam susceperunt, hîc expressos veris coloribus hujus Servitæ mores non obscurè faterentur. Et quidem P. LE COURAYER in vitâ FRA-PAOLO historiâ Concilii Tridentini præfixâ, docet, illum quàm impenissimè hæreticis fuisse & defendisse illam, quam vocant *religionum tolerantiam*: quâ re plus nocuit fidei, quam nocuisset, si apertè ad partes Reformatorum se junxisset.



CAPUT V.

Parisiensium Doctorum veneranda autoritas : horum antesignani
 PETRUS DE ALLIACO *Cameracensis Cardinalis*, & JOANNES
 DE GERSONE *Parisiensis Ecclesiæ & Universitatis Cancellarius*,
viri omni doctrinæ ac pietatis laude cumulati : hujus rei
multi testes : de JOANNE GERSONE Professoris Lovaniensis
castiganda audacia.

QUI tot Synodorum, totque Pontificum autoritate contemptâ, nihil jam in nos nisi censuras meditantur, cogitare oporteret quantâ viro-
 rum illustrium copiâ, quanto præsidio fulciamur. Ac, ne jam prisca sæ-
 cula replicemus, satis constat à Constantiensis, imò etiam Pisani primi Con-
 ciliî * temporibus, re scilicet discussâ, & in quæstionem vocatâ, multis
 jam sæculis eam sententiam, quæ in generalibus atque etiam in fidei nego-
 tiis Conciliorum autoritatem Pontificiæ anteferreret, doctissimis quibusque
 & sanctissimis viris placuisse, ut quæ & Scripturæ autoritate niteretur, &
 vetustissimâ Traditione constaret, & à Concilio Constantiensi factò decreto
 approbata esset.

* Habiti
 an. 1409.

Possumus commemorare scriptores egregios, qui hæc summâ gravitate
 defenderint, imprimis Parisienses, & eorum antesignanos Petrum de Allia-
 to Cameracensem Cardinalem, & Joannem Gersonem, quorum sententiam
 nullus ignorat : sed qui viri fuerint non omnes æquè sciunt.

Petrus Alliacensis (g) is est, qui obscuro genere oriundus, ex tenuissimâ
 re, Parisiis Theologiæ Doctor, Regii Navarrici Collegii Magister, Universi-
 tatis Cancellarius, tum Cameracensis Episcopus, ad Pisanum Concilium Bur-
 gundi Ducis nomine Legatus, à Joanne XXIII. Cardinalis factus, Conciliî
 Constantiensis, totiusque Ecclesiæ lux, & optimi cujusque consilii autor, rebus
 ibi præclare gestis, extincto schismate, Wiclefianâ Hussitanâque hæresibus
 ejus maximè operâ debellatis, à Martino V. Legatus in Galliam * missus,
 piè sancteque obiit **. Dictus *aquila Gallie*, & *hæreticorum malleus indefes-*
sus, & à Bellarmino quoque, non sine laude inter scriptores Ecclesiasticos
 recensitus, nec minùs pietatis, Christianæque prudentiæ, quàm doctrinæ
 laude commendatus.

* Sive pe-
 tius in Ger-
 maniam.
 vid. ejus vi-
 tæ histo-
 riam.

** Ave-
 nione.

Joannes Charlierius, à natali vico in Rhemenfi tractu de Gersone dictus,
 Petri de Alliaco discipulus, & in Cancellarii Parisiensis officio successor;
 vir doctus ac pius à Bellarmino appellatus, omnium hæresum infectator,
 difficillimis Ecclesiæ Reipublicæque temporibus, dum factio Burgundica totâ
 Galliâ defæviret, impiamque doctrinam Joannis Parvi (h) de occidendis

Bell. de
 Scrip. Eccl-
 an. 1410.

Vid. ej.
 vit. in edit.
 D. Dup.

Bell. loc.
 cit.

(g) *Petrus Alliacensis.*] Vide ejus vitam ante Gersonis opera edit. D. DUPIN, arque etiam
 apud Labb. act. Conc. Pis. & Const. Compendiosè quidem Alliacensis historia hic narra-
 tur à D. BOSSUET; sed adeò accuratè ut nihil nobis addendum supersit.

(h) *Joannis Parvi.*] D. FLEURY, & ille qui ejus historiam Ecclesiasticam supplevit,

tyrannis in Ecclesiam induceret, Regiæ Majestatis, atque familiæ, ad hæc Catholicæ veritatis invictissimus propugnator, *Doctoris Christianissimi* nomine est illustratus: qui postea in Concilio Constantiensi Caroli VI. Christianissimi Regis, Ecclesiæ Gallicanæ, & Academiæ Parisiensis Legatus, sacrique Conventus pars maxima fuit: denique tam sanctè vixit ac scripsit, ut dignus haberetur, qui omni suaviore unguento, *de Imitatione Christi* (i) libellum edidisset. Cæterum vera ejus scripta sanctitatem æquè ac doctrinam spirant, veræque pietatis non modò scientiam, sed etiam sensum gustumque præ se ferunt, atque ejus instaurandæ incredibile studium. Nec sine

Inedit. D.
Dup. tom.
j. & iij.
Six. Sen-
nens. Bibl.
sanct. lib.
iv. p. 333.

Theop.
Rayn. Man-
tissa &c. p.
391.

magno emolumento leguntur præsertim illa: *De simplificatione cordis: De probatione spirituum: De examinatione doctrinarum*; quibus permotus Sixtus Senensis (k), hæc de Gerson scribit: *Is, inquit, ita Scholasticas subtilitates dulcibus Theologia mystica affectibus miscuit temperavitque, ut addubitandum sit an eruditione pietatem, vel pietate eruditionem superaverit.* Eâ Gerson apud omnes exultatione fuit. Demum vir maximus atque sanctissimus in pio officio docendi Catechismi, Lugduni obiit, ubi ejus memoria in benedictione est, & *in odoris compositionem*; adeò ut, post indiculum Sanctorum Lugdunensium, *inter pios Lugdunenses non vindicatos, ut sui sæculi omnium judicio rarum lumen*, miris cum laudibus à Theophilo Raynaldo Jesuitâ (l) referatur.

Extant de eodem Gerson ab Episcopo Basileensi ad Clerum Lugdunensem, ejusdemque Cleri ad Episcopum Basileensem anno 1504. conscriptæ epistolæ, quæ testentur Caroli VIII. ejusque Confessarii Laurentii Burelli Carmelitæ, ac postea Sistaricensis Episcopi operâ, *erectum esse in divi Joannis Gersonis decus & laudem, devotum sacellum, ubi super altare ejus imago depicta est, magnusque populi concursus pro obtinendâ ope divinâ affluit, & plurimi se adjuvari Beati Gersonis precibus prædicant & testantur*: quibus motus Andræas Saussæus Tullensis Episcopus, in Martyrologio Gallicano, de Gerson ad 4. Idus Julii hæc habet: *Sed & beatitudinis famam ac cultum, Lugduni præsertim, ubi piam efflavit animam, communi omnium ferè suffragio obtinuit.* Quo loco multa de Gersonis virtutibus miraculisque refert. Sed hujus viri postea anno 1643. detectum sepulchrum, ejus

Vit. Gerf.
p. 171.

Vid. hoc
Martyr.

Joannem Parvum addunt Franciscanorum familiæ, quod falsum esse firmis rationibus probat P. LE MERCIER ipse Franciscanus. Ut ut sit; Joannes Parvus primùm pro doctrinâ Gallicanâ de extinguendò schismate pugnaverat, & aliquid existimationis sibi comparaverat, quam deinde ipse violavit, libro edito, quo hanc propositionem defendit: Aurelianensem Ducem justè à sicariis quos apposuerat Dux Burgundionum fuisse occisum. Hanc doctrinam Synodus Constantiensis hæreticam judicavit & damnavit. Haud scio utrum quisquam ante Joannem Parvum hanc parricidalem doctrinam in Ecclesiam intulerit.

(i) *De imitatione Christi.* Vide dissertationem D. DUPIN, cui titulus est *Gersoniana* cap. iij. ant. op. Gerf. p. 53. & ejusdem Bibl. Eccles. xv. sæc. De eâ controversiâ potest dici: *Adhuc sub iudice lis est.*

(k) *Sixtus Senensis* ex judaismo ad fidem conversus, ac Prædicatorum familiæ addictus; autor est libri cui titulum fecit, *Bibliotheca facta*. In eo libro exponit auctores Sacrorum librorum & de horum interpretibus fert iudicium; multasque præterea quæstiones tractat. Laudandum sanè propositum; sed operi multa desunt. Nam Sixtus in sacrâ criticâ erat parùm exercitatus.

(l) *Theophilo Raynaldo Jesuitâ,* nullus fuit altero sæculo fecundior, ut satis probant xx. volum. in-fol. ab eo scripta de rebus ut plurimum extraordinariis, quæque admisit vasiâ admodum & multiplici eruditione. Stilum habet facilem, sed mordacem.

celeberrimæ sanctitatis ac priscorum miraculorum, novis quoque additis, memoriam renovavit. Scripsit historiam *Stephanus* Piney Lugdunensis; & *Alphonso* Ludovico Richelio Cardinali, Lugdunensi Archiepiscopo inscripsit. Quæ non eò dicimus, ut inter Sanctos publicâ religione invocandos Gersonem appellemus, nondum à sanctâ Sede Apostolicâ vindicatum; sed ut tanti viri piam memoriam commendemus.

At eam invadit *Nicolaus Dubois* (m) Professor Lovaniensis, atque etiam Gersonem miræ simplicitatis virum & Christianæ paupertatis, si quis fuit unquam, amantissimum, *Vertumnum*, *faventis auræ sectatorem*, ac *Beneficiorum appetentem*, haud minùs imperitè, quàm ineptè scripsit; eòque processit amentix ac stuporis, ut vitio quoque Gersoni vertat, quòd *exosus factus omnibus*, è *Galliâ in exilium pulsus*, ipsi quoque *serenissimo-Burgundiæ Duci*, contra quem in *Synodo Constantiensi declamaverat*, *invisus fuerit*. Hæc de Gersonem nostro *Nicolaus Dubois*, melior profectò *Burgundus*, quàm *Theologus*; qui non ferat in *Œcumenico Concilio* perorantem Gersonem adversùs serenissimum ipsius Ducem *Joannem Audacem*, *Ludovici Aurelianensis* cæde manantem, qui necem infandam horrendâ hæresi tueretur. Hæc scribere non puduit *Theologiæ Professore*, atque insuper sancto viro exprobrare exilia pro Catholicâ fide toleratâ, à nefario Duce, qui Regis sui conculcatâ Majestate, fratrisque ejus fuso sanguine, rerum in Galliâ potiretur.

Hæc de *Alliacensi* ejusque discipulo Gersonem dicenda habebamus. Neque quod quidam objiciunt, eorum auctoritatem infringi putamus, quòd *Schismatis* tempore scripserint. Imò verò eò firmari potius, quòd scripserint mortâ quæstione; quòd *re discussâ & eliquatâ*, ut ait *Augustinus*, *atque ad plenarii Concilii auctoritatem roburque perductâ*; denique quòd ei doctrinæ schisma quoque ipsum tam tetrum, tamque inveteratum cesserit.

Ant. Gers.
op. p. 189.

Pars j. re-
fut. art. iv.
n. 15. 16. 17.

Aug. lib. ij.
de bapt. c.
iv. n. 5. c.
ix. p. 98.

(m) *Nicolaus Dubois*] hæc de Gersonem dicit loc. cit. n. 17. *Dum ubique auram quam sibi putat favere sectatur, & sæpè conqueritur quod ipsi de Beneficiis Ecclesiasticis abundantius non provideatur, factus est exosus omnibus, è Galliâ in exilium pulsus; ipsi quoque serenissimo Burgundiæ Duci, contra quem in Concilio declamaverat, aliisque Germaniæ Principibus invisus &c.* Gersonem antea levitatis arguerat, eo quòd postquam *Benedictum XIII.* pro vero ac legitimo Pontifice coluerat, deinde ad parres *Alexandri V.* transierat. Quâ in re *D. Dubois* prodit se accusatorem temerarium & falsum, aut certè virum historiæ hujus sæculi omninò ignarum. Etenim *Gallia* arque adeò *Gerson Benedictum XIII.* coluit pro Pontifice usque ad *Concilium Pisanum*, in quo *Concilio Benedictus* loco motus est, eique suffectus *Alexander V.* quem statim *Gallia & Gerson* susceperunt. Sed quandoquidem de *D. Dubois* sermo incidit, non erit ingratum lectoribus, si de ejus ingenio pauca delibaverimus. Autor libelli cui titulus est, *Histoire de l'intrusion du Sr Dubois dans la chaire de l'Ecriture Sainte qu'il professe dans l'Université de Louvain & de la manière dont il s'acquitte de cet emploi, &c.* *Colog. 1685.* hominem depingit acrem, violentum, omnibus negotiis sese immiscentem, eaque turbantem, de se ipso magna sentientem, in iis quæ semel imbibit, absurdis licèt, pertinentem, cæterùm indoctum, & eo uno aliquantulam famam consecutum, quòd confidenter magis quàm doctè lectiones suas publicas recitare, & scriptiunculas multas, facili labore factas & malè digestas, in vulgus spargere consuevissèt. Quòd si ejus ipsos libros adimus, ex eis virum cognoscimus multa conantem ut se eximat de mediocrium autorum turbâ ignobili; sed frustra desudantem, nempe non adjutum doctrinâ & ingenio: quæstiones leviter & quasi nugatoriè tractantem; desunt enim animi viresque ad altius rimandum: in omni re impetu magis quàm ratione differentem: semper nimium; de se nunquam diffidentem: demum sua non retractanda oracula, tanquam de tripode pronuntiantem. Vocatur à *D. Bossuet* autor crassissimus *Diff. præv. n. xxvj.* neque eum pluris facit *D. ARNAULD.* Ad nostræ præfat.

Hos verò post Sanctos Patres & post sacratissimas Œcumenicas Synodos Pisanam & Constantiensem, hos, inquam, schola Parisiensis suæ sententiæ duces habuit; neque illos quidem, ut nonnulli jactant, in hoc argumento suspectos; imò verò Apostolicæ Sedis ac Pontificiæ majestatis contra Wiclefum & Hussum studiosissimos defensores; atque extincto schismate instauratores egregios; ut quæ de Conciliorum autoritate dixerint, amore veritatis, tuendæque fidei, ac instaurandæ Ecclesiasticæ disciplinæ studio dixisse constet.

CAPUT VI.

An, ut quibusdam videtur, quæstio de Superioritate à quæstione de Infallibilitate, secundum ALLIACENSEM, & GERSONEM, separari possit? Refertur caput, Si Papa, aliique ex decreto Gratiani loci & glossæ celebres, quæ Parisiensibus præluxerunt: hinc pro certo assumptum, Papam etiam ut Papam, esse fallibilem.

Bell. de
Conc. aut.
lib. ij. cap.
xiv.

AT fortè Romano Pontifici, non ut supremam illam in Concilia generalia potestatem, ita etiam infallibilitatem detrahebant. Video enim qui has quæstiones separandas putent. Verùm autores nostri ne id cogitabant quidem; imò non aliâ magis ratione Synodum universalem ipso Papâ superiorem putabant, quàm quòd hic *deviabilis* sive *fallibilis*; illa *indeviabilis* & *infallibilis* esset. Vel ut alio modo ex eorum sanè verbis exponit Bellarminus, summam & absolutam potestatem in Ecclesiâ ponebant, ut in *regulante*, quia *Ecclesia est regulare* (n) & *dirigere Papam*, cum ipsa non possit errare, *Papa autem possit*. Quare alteram quæstionem, vel teste Bellarmino, ab alterâ suspendebant, nedum seungi posse suspicarentur.

Dist. xcij.
cap. xxiv.
Hier. tom.
iv. epist. cj.
al. tom. ij.
sp. lxxxv.

Atque illi quidem multa ex Scripturis, multa ex antiquitate testimonia & exempla referebant, quibus Ecclesiæ, adeòque Concilii eam representantis autoritas potior haberetur. Multa repetebant ex Decreto Gratiani & glossis, quibus rebus tum plurimùm utebantur. Memorabatur imprimis caput, *legimus*, quod est Hieronymi: ex quo capite hæc verba promebant: *Si autoritas queritur, Orbis major est Urbe*. Scio responderi & alicubi in decreto ad marginem adscriptum: *major extensivè, non intensivè*: dignam Turrecrematæ subtilitate distinctiunculam. Cæterùm qualiscumque est, huic loco non congruit; quærebatur enim, non quis multitudine aut quantitate, sed quis autoritate præstaret. Favet glossa ad verbum, *major est*, & est hic argumentum, quòd *statuta Concilii præjudicant statuto Papa, si contradicant*. Quem textum unâ cum glossâ suâ Petrus de Alliaco & alii Parisienses vehementissimè inculcabant. Sed inter omnia argumenta illud imprimis

(n) *Regulare*] est id quod Græcis *καταναλίσκειν*, ad regulam dirigere, ad normam examinare; præceptis adstringere.

urgebant;

urgebant : *deviabilem* , nempe Pontificem , *indeviabili* , nempe Ecclesiæ atque Concilio postponi oportere.

Porro locutio hæc *deviabilis* & *indeviabilis* , adeò usitata nostris , à capite , *Si Papa* duxit exordium. Sic autem habet caput illud apud Gratianum : *Si Papa sua & fraterna salutis negligens deprehenditur inutilis , & remissus in operibus suis , & insuper à bono taciturnus , (quod magis officit sibi , & omnibus) nihilominus innumerabiles populos catervatim secum ducit , primo mancipio gehenna , cum ipso plagis multis in æternum vapulatu- ros , hujus culpas isthic redarguere præsumat mortalium nullus ; quia cunctos ipse judicaturus , à nemine est judicandus , nisi deprehendatur à fide devius*. Hinc nimirum illud *deviabile* in Summo Pontifice , quod ab Ecclesiâ *indeviabili* necessariò *reguletur*.

Neque verò cogitabant distinctionem illam , essetne *deviabilis* , ut privata persona , an etiam ut Pontifex , vel ut Melchior Canus loquitur , *errore personali* , an *judiciali* : hæc nondum cogitabant. Pontificem simpliciter nullâ reservatione , exceptione nullâ , posse esse à *fide devium* fatebantur.

Imò Gratianus etiam , ut Pontificem & errorem *judiciali* à *fide deviare* posse apertè supponit , cùm de decretalium auctoritate multa locutus , hæc addit : *Hoc autem intelligendum est de illis sanctionibus vel decretalibus epistolis , in quibus nec præcedentium Patrum decretis , nec Evangelicis præceptis aliquid contrarium invenitur*. Quo loco victus Melchior Canus , Gratianum accenset iis qui Pontificiam infallibilitatem negare videantur.

Affert quidem Gratianus (o) hîc probationem infirmam , & Anastasii II. decretalem immeritò erroris insinuat ; sed affert alio loco Gregorii II. decretum authenticum , de quo meritò pronuntiet : *Illud Gregorii sacris Canonibus , imò & Evangelica & Apostolica doctrine penitus invenitur adversum* (p).

Extat etiam aliud à Gratiano relatum Pelagii II. constitutum , de quo Gregorius Magnus hæc habet : *Quod mihi durum & incompetens videtur* : ad quæ verba glossa apertè dicit : *Ille constitutio fuit iniqua* ; & ad verbum , *durum* : *Statutum Pelagii fuit contra Evangelium* (q).

Hoc autem Statutum Pelagii II. esse , ejus qui Gregorium proximè antecedit , probat eadem glossa ex capite , *multorum* , quod est ejusdem Gregorii Magni.

Hos Gratiani locos excutere hîc non est animus , sed tantùm explicare paucis quæ nostri pro *deviabilitate* , ut vocabant , Papæ , etiam circa fidem atque Evangelicam veritatem , argumenta ducerent à jure communi , communibusque glossis , & communi sententiâ ; atque ab eo etiam Canonum

Dist. xl.
cap. vi.

Melch.
C. n. de loc.
Theol. lib.
vj. cap. v. ij.

Dist. xix.
cap. vij.

Can lib.
vj. cap. j.

Caus. xxxij.
quæst. vij.
cap. xvij.

Dist. xxxj.
cap. j. ante
trien.

Caus. xxvij.
quæst. ij.
cap. xi.

(o) Gratianus] hoc loco recenset inter *decretales* , *Patrum decretis & Evangelicis præceptis contrarias* , hanc Anastasii II. decretalem multo judicio multâque prudentiâ factam , quâ discernit , eos quos Acacius ordinaverat ritè fungi acceptis officiis debere ; quia nimirum minister malè bonæ ministrando sibi tantùm nocet.

(p) *Adversum*.] Bonifacius Germaniæ Apostolus hoc à Gregorio II. responsum tulerat : *Si mulier infirmitate correpta non valuerit debitum viri reddere... vir si se non poterit continere , nubat magis*. Hanc epistolam Greg. reperies quoque tom. vj. Conc. pag. 1448.

(q) *Contra Evangelium*.] Pelagius II. vetuerat ne Ecclesiarum Sicilia Subdiaconi , qui sacris nondum initiati nupserant , illatenus suis uxoribus miscerentur. Nemo nescit continentiam , non nisi serò per totam Ecclesiam Subdiaconibus fuisse imperatam.

collectore, quem tum potissimum non modò nostri, sed tota etiam schola, neque tantum Canonistæ, sed etiam Theologi autorem sequebantur.

CAPUT VII.

Quo sensu explicarent illud: Rogavi pro te, ut non deficiat fides tua, Luc. xxij. 32. Eà de re glossa notabilis, quâ maximè utebantur: S. THOMÆ, S. BONAVENTURÆ & NICOLAI LYRANI loci. PETRI DE ALLIACO locus insignis: GERSONIS sententiæ.

NEQVE ullo modo movebantur hâc pollicitatione Christi ad Petrum, *Rogavi pro te, ut non deficiat fides tua.* Vulgaris enim erat interpretatio, hâc Christi pollicita referens, non ad fidem Petri aut Romani Pontificis etiam de fide decernentis, sed ad fidem Ecclesiæ Catholicæ, quæ Petri diceretur, quòd eam primus Petrus præ cæteris, ac pro cæteris prædicâisset, maximè cum diceret communi Apostolorum nomine: *Tu es Christus filius Dei vivi.*

Matt. xvj.
16.

Caus. xxiv.
q. j. cap. ix.

Hanc interpretationem firmabat glossa notabilis in caput, à rectâ, quod est in Decretò Gratiani, quæ sic habet ad verbum, *novitatibus: Quæro de quâ Ecclesia intelligas, quod hîc dicitur quòd Ecclesia errare non potest? Si de ipso Papâ qui Ecclesia dicitur? Sed certum est quòd Papa errare potest. Responde: ipsa congregatio fidelium hîc dicitur Ecclesia, & talis Ecclesia non potest non esse nam ipse Dominus orat pro Ecclesiâ: EGO PRO TE ROGAVI UT NON DEFICIAT FIDES TUA, & voluntate labiorum suorum non fraudabitur.* Clarum est ubi intelligat non defecturam fidem: in Ecclesiâ Catholicâ scilicet, non in ipso Papâ, qui errare possit. Loqui autem de Papâ ut est publica persona, vel ex eo patet, quòd de Papâ loquatur, ut est aliquo modo Ecclesia, quod Papæ, ut privata est persona, nullo modo congruit.

Nonnulli hâc promissa Christi referebant ad Ecclesiam Romanam, etiam peculiarem à Petro fundatam; in eâque fidem Petri, hoc est fidem à Petro prædicatam, defecturam negabant.

Utrumque verò sensum antiquiores etiam Scholastici docuerant, imprimis S. Thomas dum ait: *Universalis Ecclesia fides non potest deficere, Domino dicente ROGAVI PRO TE, UT NON DEFICIAT FIDES TUA.*

De Fide autem particularis Ecclesiæ Romanæ nunquam defecturâ, idem hâc scripserat, Commentario in Matthæum. *Quamvis aliæ Ecclesiæ vituperari possunt per hæreticos, Ecclesia tamen Romana non fuit ab hæreticis depravata, quia supra Petrum erat fundata. Unde in urbe Constantinopoli fuerunt hæretici, & labor Apostolorum amissus erat. Sola Petri Ecclesia inviolata permansit. Unde Luca XXII. EGO ROGAVI PRO TE, UT NON DEFICIAT FIDES TUA: & hoc non solum refertur ad Ecclesiam Petri, sed ad fidem Petri, & ad totam Occidentalem Ecclesiam.*

Comm. in
Matt. cap.
xvj.

Congruit antè dictis S. Bonaventuræ interpretatio in hæc verba : *ROGAVI PRO TE, &c. Hic rogavit Dominus, non ut Petrus non caderet, sed ut non deficeret; quia quamvis ceciderit, resurrexit. Vel potest illud referri ad Ecclesiam Petri, pro cuius fide rogavit Dominus secundum illud: NON PRO EIS TANTUM ROGO, SED ET PRO EIS QUI CREDITURI SUNT PER VERBUM EORUM IN ME, & hæc Ecclesia, quæ designatur per Petri naviculam, licet concutiat, tamen non naufragatur.* En hîc refert precationem, sive pollicitationem Christi, vel ad ipsum præcisè Petrum, vel ad universalem Ecclesiam.

His favebat Nicolaus de Lyra (r), quem nostri multùm sequebantur in eundem locum Luc. XXII. *Ex hoc patet fidem non deficere usque ad finem mundi, potissimè in Ecclesiâ Romanâ, quæ à Petro post Christum fundata est.*

Cum ergò nostri intelligerent precationem Christi sic accipi passim ab interpretibus suo ævo celeberrimis, ut ad Petri Ecclesiam referatur, cogitabant non defecturam fidem in eâ Ecclesiâ, cuius Petrus Princeps ac fundator fuisset; non autem proinde ejus successores errare & deviare non posse; tanquam necesse esset iis errantibus, ruere Ecclesiam, eorumque culpam nullo aliunde auxilio refarciri.

Atque ex his omnibus Petrus de Alliaco sua illa deprompsit, quæ tractatu de autoritate Ecclesiæ, per Concilii tempus Constantiæ edito docuit: non esse, scilicet in Papâ, tantam plenitudinem potestatis, quanta est in Concilio, quia confirmatio in fide, de quâ dicitur, quòd Ecclesia non potest errare, juxta illud: PETRE ROGAVI PRO TE, UT NON DEFICIAT FIDES TUA, illa non est in Papâ; quia hoc non est dictum de fide personali Petri, cùm ipse erraverit, sed de fide Ecclesiæ, de quâ dicitur: ET PORTÆ INFERI NON PRÆVALEBUNT ADVERSUS EAM, scilicet Ecclesiam. Non enim dictum est adversus te, scilicet Petrum. Concluditque sic: Igitur speciale privilegium est & singularis Ecclesiæ autoritas, quòd non potest errare in fide.

Neque dicas loqui eum de fide personali Petri, hoc est de fide Petri, ut est privata persona; non autem de fide Petri, ut est Summus Pontifex, edito decreto declarans veritatem. Non enim ea tum animo cogitabant. Certè Alliacenensis ab eis procul aberat, cùm fidei personali Petri quæ deficere posset, opponeret eam quæ deficere non posset fidem, non Petri pro potestate decernentis, sed universalis Ecclesiæ.

Cæterùm nihil est dubium quin Alliacenensis, cùm Papæ fidem deficere posse docet, agat de Papâ decernente & judicante. Eò enim clarè pertinet tota argumentorum series ac vis. Cujus rei gratiâ allegat glossam illam superà memoratam: *Quòd statutum Concilii præjudicet statuto Papæ.* Quâ quidem in glossâ certissimum est opponi, non privatam Papæ personam ejusdem personæ publicæ; sed statuta statutis, decreta decretis, & ubique spectari personam publicam.

Hinc doctissimus Cardinalis hæc subdit: *Hoc privilegium (quòd Ecclesia errare non possit in fide) aliqui extendunt ad Romanam Ecclesiam; aliqui*

Bonav. T. ij. exp. in Eval. g. Luc. cap. xxi.

Joan. xvij. 20.

Lyr. in gloss. ord. tom. v. ad c. xx j. Luc.

Tract. de aut. &c. part. iij. c. j. inter op. Gerf. T. ij. pag. 949.

Matt. xvj. 18.

Sup. c. vj.

Tract. de aut. &c. loc. mox cit.

(r) Nicolaus de Lyra] è Franciscanorum familiâ, multa scripsit xiv. sæculo, & imprimis glossam in omnem Scripturam, brevem quidem; sed concinnam, quam sæpè jam editam, feu ardentius ejusdem familiæ Theologus nobilis, & quidam alii Doctores Parisienses cum glossâ ordinariâ rursus ediderunt Venetiis an. 1603.

ad Concilium generale, aliqui verò restringunt ad auctoritatem universalis Ecclesie; sed non potest extendi ad Papam, ut dictum est. Quo excludere intendit Papam, sive ut privatam personam, sive ut judicantem: alioqui nihil agit.

Quo autem sensu per ea tempora aliqui, præsertim ex Canonistis, rei Theologicæ imperitissimis, de Concilio dubitarent, non est nunc quærendi locus; neque item requirendum quo sensu Ecclesiam Romanam particularem à Papâ distinguerent. Id constat, pro certo habuisse Cardinalem, quocumque sensu diceretur fidem Ecclesiæ minimè defecturam, id quidem ad
Ibid. c. iv. Papam, sive ut privatam personam, sive ut decernentem, pertinere non posse.

Unde statim infert: *Papam posse ab universali Ecclesiâ, vel à generali Concilio eam representante in multis casibus judicari & condemnari; & ab eo ad Concilium in multis casibus posse appellari, videlicet in casibus Ecclesiæ destructionem tangentibus.* Addit: *Aliter, sequeretur ipsum Christum.... Ecclesiæ caput.... eam non perfectè sufficienter ordinasse.... in casu quo Papa per hæresim manifestam, & tyrannidem apertam, aut aliud notorium crimen conaretur eam subvertere, & nemo ei dicere posset: cur ita facis? PER VIAM JURIS EIDEM RESISTENDO, ID EST AB EO APPELLANDO, eum accusando, & per Concilium judicando, &c.*

Ipsa appellationis vox satis profectò indicat hîc intelligi Papam etiam judicario ordine procedentem, adedque pro Papâ agentem. Quò etiam pertinent quæ idem Alliacenſis non suo tantùm, sed etiam totius Facultatis nomine, Avenione dixerat coram Clemente VII. *In causis fidei à Papâ ad Concilium appellari posse.* Quæ nos alio loco apriùs referemus.

Consentanea magistro scribit Gerson, cujus hæc sunt dicta: *Non reperitur in terris altera talis infallibilis regula, nisi generale Concilium legitime congregatum. In causis fidei non habetur in terrâ judex infallibilis, vel qui non sit deviabilis à fide, de lege communi, præter ipsam Ecclesiam universalem, vel Concilium generale eam representans. In causis fidei nulla determinatio judicialis Episcopi, imò nec Papæ solius, præcisè ut est Episcopi vel Papæ, ligat fideles ad credendum quòd ita sit de veritate fidei.* Ac pro certo statuebat Papam errare posse, *sententiando contra fidem.* Unde passim infert Alliacenſis, *indeviabilem potestatem, Concilii scilicet, deviabili, Papæ scilicet anteferri oportere.*

Hæc igitur docentes eos complectebantur omnes, nedum cuiquam suspecti essent; cùm nempe constaret hæc ex Gratiano, Gratianique glossis vulgaribus atque omnino ex communi tritaque sententiâ esse deprompta; quodque longè est maximum, tantæ firmitudinis ut iis quoque Constantiensia decreta niterentur.

Sacra namque Synodus, cùm Pontifici Concilium anteposit, causam quâ anteponatur, primam ponit fidem; fidei ut capiti adjungit cætera: *In fide;* inquit, *in Schismate, in Reformatione generali:* quâ doctrinâ positâ, nostri nullum relictum putabant Pontificiæ infallibilitati locum; cùm nec ullum viderent adedò veritati inimicum, qui *infallibili*, hoc est ipsi veritati ali-quid anteferebat. Sed hæc suo loco fusiùs. Nunc enim non ipsam quæstionem

Vid. in app.
tom. j. Gers.

Gers. de
exam. doct.
conf. j. T. j.
p. 8. tract.
an liceat in
caus. fid. ap-
pell. à Papâ.
T. ij. prop.
ij. & iv. p.
307.

Conc.
Const. Sess.
iv. v. t. xij.

exponimus, sed quid Alliacenſem Cardinalem, & ejus diſcipulum Gerſonem, atque horum ſententiam ſecutos Pariſienſes, totamque aded Academi-
miam, de Eccleſiaſtica poteſtate atque infallibilitate docuiſſe conſtet.

CAPUT VIII.

Scholam Pariſienſem in ALLIACENSIS & GERSONIS ſententiâ perſitiſſe, toti Orbi notum: eam ſententiam egregii viri ubique docuerunt: cur Pariſienſium doctrina dicta ſit?

NEQUE ſola Pariſienſis Academia in eâ ſententiâ ſtetit, ſed etiam Con-
lonienſis, Erfordienſis, Viennienſis Academia in Germaniâ nobiles, Cra-
covienſis etiam, & Bononienſis, ipſa quoque Lovanienſis, & aliâ denique,
quarum ſuo loco acta referemus.

Scholam Pariſienſem omnium celeberrimam ſemper in eâ ſententiâ per-
ſitiſſe annales noſtri, & ipſa geſta probant, ſuo poſteâ ordine recensenda.
Unde noſtri Doctores Jacobus Almaïnus (f) & Joannes Major (t) ſub
Ludovico XII. & Francisco I. Scriptores nobiles hæc habent: Almaïnus qui-
dem: *Concluſio eſt quam tenent omnes Doctores Pariſienſes & Galli, quòd*
poteſtas Papa eſt ſubjecta poteſtati Concilii; & hanc vocat, reſolutionem Scholæ
Pariſienſis & Eccleſiæ Gallicanæ. Hanc probat eâ maximè ratione, quâ Ger-
ſonem uſum fuiſſe vidimus: quòd poteſtas quæ eſt in ſuppoſito *deviabi-*
lis, debet dirigi ſecundum poteſtatem indeviabilem: Pontificia ſcilicet per Con-
ciliarem. Hæc Almaïnus. Quid Major? Poſtquam eandem ſententiam pro-
bavit, hæc addit: *Et noſtra Facultas à diebus Concilii Conſtantiienſis, in quâ*
plures exercitatos habebis Theologos quàm in duobus vel tribus Regnis, ſic hanc
partem fovet, quòd nulli licuit aſſerere oppoſitum probabile, & qui tenuerit, in
campo revocare cogitur. Nota verba, à diebus Concilii Conſtantiienſis non licuit:
hoc eſt non licuit, poſtquam expreſſè diſcuſſa res eſt; ſed antea quoque,
Major & alii præceſſiſſe Traditionem docent.

Hos libros Almaïnus & Major juſſu Facultatis ediderunt. Hæc verò cùm
docerent, & toti Eccleſiæ teſtarentur, nulli tum everſa omnia, & pericli-
tari fidem, ac doctrinam illam *planè deteſtabilem ac Schiſmaticam* inclama-
bant. Neque ſe Romani Pontifices commovère, aut libros ullâ notâ cenſuè-

(f) *Jacobus Almaïnus*] Doctor Pariſienſis celeberrimus, juſſus eſt à ſacrâ Facultate cauſam
orare Ludovici XII. adverſus Julium II. Pontificem, qui tam impotenter quàm injuſtè de
arce Vaticanâ in Regem & Regnum detonabat. Deinde idem Almaïnus, juſſu etiam Facul-
tatis, contra Cajetanum defendit doctrinam Scholæ Pariſienſis de poriori Conciliorum Ec-
cumenicorum poteſtate. Vid. D. Dup: xvj. ſæc.

(t) *Joannes Major*] Scotus, in Univerſitate Pariſienſi, multis libris ediſis, clâravit. Lauda-
tur ejus commentarius in Magiſtrum ſententiarum, quem uberiori, quàm quiſquam antea,
eruditione ornavit. Scripſit præterea *expoſitionem literalem in Evang. Matt. comment. in iv.*
Evangelistas, & multos tractatus de rebus controverſis. Almaïnus, quem Major habuerat diſ-
cipulum, prior è vivis exceſſit. Vid. Dup. loc. jam cit.

Alm. de
pot. Eccl. &
Laic. cap.
xviij. in app.
T. ij. Gerſ.
p. 1070.

Maj. de
aur. Conc.
ſup. Pap.
ſol. arg. Caj.
ib. p. 1144.

re dignos, quippe qui intelligerent hæc verè esse decreta sacratissimæ ac probatissimæ Facultatis.

Pigh. lib.
vj. de Hie-
rarch. c. ij.

Placet considerare quid de nostræ Facultatis sententiâ exteri quoque exscripserint. Primus Albertus Pighius (u) dum adversus Constantiensia & Basileensia decreta pleno ore invehitur, hæc subdit: *Horum decretorum autoritatem asseruit Joannes ille Gerson Cancellarius Parisiensis, quem in hodiernum usque diem universa illa Schola sequitur.* Hæc scribebat anno 1538. is qui de Pontificiâ potestate, tam inaudita scripsit, ut eo nomine ferè ab omnibus contemnatur; neque tamen Scholam Parisiensem in Gersonis sententiâ tantâ consensione permanentem ullâ notâ fugillare ausus, Gersonem etiam *doctum ac pium* vocat.

Bell. &
Lab. de
script. Eccl.

Martinus Azpilcueta Navarrus, Regno scilicet Navarrico oriundus divini humanique juris consultissimus (x), postquam Salmanticæ & Conimbricæ docuit, Romam profectus est, Summisque Pontificibus Pio V. Gregorio XIII. & Sixto V. charus, Romæ multa scripsit atque edidit. Is in caput, novit, de judiciis hæc habet: *Non est consilium in presentiâ definire cui principalis potestas Ecclesiastica fuerit à Christo collata, an Ecclesiæ toti, an verò ipsi Petro, propter illam discordiam maximam Romanorum ac Parisiensium; Romanorum Curialium certè aut privatorum Doctorum, non profectò Pontificum, à quibus nostra firmata docebimus.* Pergit: *Illi (Romani scilicet) tenent Petro & successoribus datam esse hanc potestatem, atque idèò Papam esse Concilio superiorem: hi verò, quibus Joannes Gerson adhaeret, docent datam esse toti Ecclesiæ, licet exercendam per unum; atque adèò in aliquibus saltem casibus Concilium esse supra Papam: quarum illa (scilicet Romanorum) placuisse videtur Sancto Thomæ, & Thomæ de Vio: altera verò placuit Panormitano (y), qui pro Parisiensibus est, quem FREQUENTIUS nostri sequuntur, quem mordicus tuetur Jacobus Almainus è Sorbonâ Theologus, & Joannes Major, capite XVIII. in Matthæum, qui idem facit; aiens, Romæ neminem permitti tenere Parisiensem*

(u) *Albertus Pighius*] vir multæ eruditionis, nullius judicii, opinionum Ultramontanarum, etiam absurdissimarum, defensor immodicus, earum quæ Curiam Romanam non æquè tangunt, assertor ultra omnem modum temerarius, multa scripsit de rebus controversis adeò incautè, ut jam amplectatur hæreticorum errores, jam in errores contrarios impingat; quod quidem rectè annotavit Teoph. Raynald. lib. de bon. & mal. n. 453. Idem Pighius quæstiones de gratiâ & prædestinatione sic tractat, ut Augustinum impugnet, Pelagio faveat apertissimè. Neque solus Calvinus Pighium vocat Pelagianum opusc. de grat. & lib. arbitr. sed & Doctores Lovanienses in suâ censurâ an. 1587. hunc accensent fautoribus & collegis Pelagianorum, sive, ut aiunt Doctores Duacenses in suâ etiam censurâ, discipulis Fausti Reienus. Cardinalis Bona Pighii libros cautè legendos esse admonet; quia, dum ille hæreticorum syrtis studiosius evitat, offendit scopulos oppositos. Vid. narrat. chron. caus. Mich. Baii pag. 192. tom. ij. oper. Baii edit. 1696. & tractatum Gallicum cui titulus est: *S. Augustin justifié de Calvinisme*, ad calcem epistolarum Principis DE CONTY ad P. DESCHAMPS Jesuitam an. 1689.

(x) *Navarrus*... *Divini humanique juris consultissimus*] quidem; sed Theologiæ moralis doctor commodissimus, cœli pandit iter facillimum; & ea causa est cur ille à neotericis disciplinæ laxioris magistris tot tantisque ornatur laudibus.

(y) *Panormitano.*] Is est Nicolaus TUDESCHI Catanensis, Jurisconsultus celeberrimus, primùm Abbas Catanensis, deinde Panormitanus Archiepiscopus, qui fuit Synodi Basileensis pars maxima, & quem D. BOSSUET sæpè, in eo tractatu, meritis laudibus celebrat. Allegatur vulgò apud Juris-consultos sub nomine Panormitani, aut Nicolai Abbatis.

& Panormitani sententiam, nec rursus Academiam illam Parisiensem pati ut contraria opinio asseratur in eâ. Iterum, de pœnitentiâ utramque opinionem Italorum & Gallorum pari refert æquitate: Itali & Galli diversa sentientes, æquè Catholici, nulloque discrimine habebantur.

Dist. iij.

Adeò autem hæc de Gallis sententia toto Orbe permanavit, ut Franciscus de Victoria (z) Hispanus scripserit: *Notandum quòd de comparatione potestatis Papæ duplex est sententia: altera Sancti Thomæ & sequacium multorum, & aliorum Doctorum tam in Theologiâ, quàm in jure Canonico; quòd Papa est supra Concilium: altera communis est sententia Parisiensium, & multorum etiam Doctorum in Theologiâ & Canonibus, ut Panormitani & aliorum contraria, quòd Concilium est supra Papam.*

Vict. relect.
iv de pot.
Pap. &
Conc.

Neque verò soli Galli hanc sententiam scriptis editis propugnârunt. Nempe & Navarrum dicentem audivimus eandem sententiam secutum celebrem illum Nicolaum Catanensem Archiepiscopum Panormitanum, *Lucernam juris dictum*; quem pro Conciliorum etiam in Pontificem supremâ potestate multa scribentem, & Concilio Basileensi semper inhærentem, adeòque à Felice Basileæ electo, Cardinalem factum, Bellarminus tamen laudatum potius quàm condemnatum velit: adeò non semper illam sententiam hostili animo infectantur qui eam vel maximè reprehendunt.

Labb. de
script. Eccl.
Bell. de
Conc. aur.
lib. ij. c. xiv.

Panormitano in Italiâ præluxisse Panormitani magistrum Franciscum Zabarellam (a a) Cardinalem Florentinum, virum maximum, Bellarminus fatetur. Accedit è Germaniâ Nicolaus Cusanus (b b) postea Cardinalis. Prodiit ex Hispaniâ Alphonsus Tostatus (c c) Episcopus Abulensis, tantâ doctrinæ opinione, ut Bellarmino miraculum fuerit, tot scilicet scriptis editis, brevissimo tempore, cum non vixerit nisi quadraginta annos: de quo meritò dictum sit, eodem Bellarmino teste: *Hic stupor est mundi*, nec minùs sanctitate clarus habebatur, ut idem Bellarminus memorat. Is in libro, qui dicitur, *Defensorium*, fusè probat, à Christo institutum tribunal superius Papâ; nempe Concilium, quod Papam corrigere & judicare possit, non solum in fide, sed etiam in aliis casibus; solumque illud tribunal id habere ut errare non possit; Papam autem errare posse, etiam in damnandâ heresi. Quem librum Bellarminus cautè legendum monet, propter hanc sententiam; sed alii libri

Bell. de
script. Eccl.
an. 1410.

Ibid. an.
1440.

Tost. tom.
xij. defenf.
part. ij. cap.
xxx. lxi.
lxx. &c.

(z) *Franciscus de Victoria*] sic dictus ab urbe Regni Navarrici Victoriâ, in quâ natus est: audivit discipulus in Universitate Parisiensi, in Salmanticensi magister docuit. Multus est in hujus viri laudes Bellarm. quem vide.

(a a) *Franciscum Zabarellam*] Patavinum Joannes XXIII. Florentinum Archiepiscopum, mox Cardinalem fecit. Is in Concilio Constantiensi plurimum valuit autoritate & consilio, & ipse suator fuit dejectionis Joannis XXIII. Scripsit multa in decretales & clementinas. Dum Constantiæ esset, librum edidit de *Schismate*, qui liber, inquit Bellarminus de script. Eccles. an. 1410. in indice librorum prohibitorum... prohibitus est, donec corrigatur.

(b b) *Nicolaus Cusanus*] Brixinensis Episcopus, deinde Cardinalis, disciplinæ Ecclesiasticæ studiosissimus fuit, & in Theologiâ non parùm doctus. Nunc apud omnes celebratur eo de libello, cui titulus est: *Conjectura de novissimis diebus*. Sed multa alia scripsit, quæ parvi facere non licet, imprimis tractatum de Sacerdotii & Conciliorum generalium autoritate, sive de concordia Catholicâ: optimum librum; quidquid contra allatret Bellarminus de script. Eccles. an. 1440.

(c c) *Alphonsus Tostatus*] scripsit commentaria copiosissima in Scripturam, quæ implent xj. vol. in fol. & plurima opuscula duobus vol. Erat Tostatus magni ingenii vir, erat armense doctrinæ, & multæ in scribendo facilitatis.

ejusdem sunt spiritûs, neque hujus scripti tantique viri autoritas, uno Bel-
larmini verbulo infringi queat.

Hic cæteros scriptores recensere non est animus. Nimia nos copia op-
primeret, & multi alii suo loco proferentur. Hic quidem placuit appellare
eos, qui in omnium ferè ore versarentur, quibus Alphonsum de Castro (dd)
Hispanum, Patrum nostrorum memoriâ è Minorum Ordine Theologum
nobilem, & à nostro Feuardentio, ejusdem Ordinis, editum in lucem, Bel-
larminus accenset.

Bell. de R.
P. l. iv. c. ij.
vid. Alph.
de cast. l. j.
contr. hæc.
cap. ij. &
seq.

Hinc liquidò patet, quam Parisiensium sententiam vocant, non ideò Pa-
risiensibus attributam, quòd in eâ tuendâ singulares essent, sed quòd eam
singulari studio & eruditione tuerentur: cæterum in omnibus Ecclesiis vul-
gatissimam extitisse, & à scriptoribus pietate ac doctrinâ præstantissimis ubi-
que terrarum publicè, & cum laude esse defensam, nedum suspecta fuerit.

C A P U T IX.

DIONYSIUS CARTHUSIANUS adducitur: ejus exemplum probat;
eos qui per eam ætatem Pontificiæ autoritati vel maximè fave-
bant, summâ ipsâ in Parisiensium sententiam convenisse: Eccle-
siæ soli eamque repræsentanti Concilio generali ab eo Doctore
tributa infallibilitas: locus, ROGAVI PRO TE, &c. Luc.
XXII. 32. cum eâ doctrinâ facile conciliatus.

DIONYSII Carthusiani (ee) autoritas in hâc quæstione maximi erit
ponderis, cum propter singularem viri gravitatem, tum quòd ejus
exemplo constitutum sit omnibus, multos ubique terrarum scriptores gra-
vissimos, qui à Parisiensium sententiâ abhorreere videantur, summâ tamen
ipsâ in eam egregiè consensisse.

Odor.
Rain. tom.
xvij.

Dionys.
Carth. edit.
Col. 1532.
tom. j. fol.
327. tract.
de aut. Pap.
& Conc.
Ib. part. j.
art. xxvij.
fol. 340.
vers.

Is igitur paulò post Basileense Concilium sub Nicolao V. Eugenii IV.
successore floruit, sanctitatis nomine ab Odorico Rainaldo commendatus.
Atque eo quidem tempore Basileensis Concilii quæstio de superioritate,
Doctorum omnium sermonibus celebris habebatur; eratque Dionysius hic
unus omnium, qui Papæ superioritatem, in Ecclesiam etiam congregatam,
vehementissimè tueretur; edito in eam rem libro, de autoritate Papæ &
Concilii generalis. Is tamen articulo, cui titulus, Determinatio difficultatis
præcipuæ, an scilicet Papa sit super Concilium, an è contra, habet: Arbitror
respondendum, quòd ibi sit excedens, & excessum; id est, quòd in aliquibus, puta

(dd) Alphonsus de Castro] Theologum doctissimum, Historicum mediocrem commen-
dat, præ cæteris ejus opusculis, liber adversus hæreses, quo eas quidem omnes confutat; sed
illas præcipuè quas ultima ætas peperit. Vix ullum reperies controversiarum scriptorem, qui
ad hujus auctoris brevem perspicuitatem accedat.

(ee) Dionysii Carthusiani.] Is, RICHEL nomine, innumera scripsit opuscula, levi quidem
stilo & sine ullo acumine. Vid. Dup. xv. sæc.

in his quæ propriè ac directè spectant ad forum generalis Concilii, & propter quorum determinationem, seu expeditionem, illud celebratur, in his inquam, Concilium videtur esse super Papam, ita quòd Concilium dando voces seu vota, est liberum, nec Papa potestatem coercitivam habet super illud in hujusmodi causis, magisque standum est determinationi, seu ordinationi Concilii generalis, quàm Papæ. En quo loco sit Concilii autoritas, in his causis propter quorum determinationem celebratur.

Quænam autem illæ causæ sint, quanquam obscurum non est, tamen à pio viro disertè explicatur. Porro, inquit, hæ causæ sunt, *extirpatio hæreticæ pravitatis ac schismatis, declaratio fidei, atque editio symboli ejus, universalis reformatio Ecclesiæ in capite & in membris ejus.* Hæc quidem ipsissima sunt quæ Clerus Gallicanus ex Concilio Constantiensi reperenda censuit. Pergit Carthusianus: *Itaque in expeditione istorum, major dicitur potestas Concilii generalis quàm Papæ, quoniam Christus promisit Ecclesiæ, seu Concilio ipsam representanti, infallibilem directionem & gloriosam assistentiam incessantem; ita quòd errare non potest in fide, neque in his quæ ad bonos mores pertinent, eò quòd, in talium determinatione, regatur immediatè à Spiritu Sancto. Unde & Papa in talibus tenetur stare determinationi Ecclesiæ, seu statutis Concilii, tanquam ordinationi ac sententia Spiritûs Sancti.* CUMQUE PAPA POSSIT ERRARE IN FIDE ET MORIBUS AC CÆTERIS QUÆ SUNT DE NECES- SITATE SALUTIS, EJUS JUDICIO NON VIDETUR ULTIMATE, AC CERTITU- DINALITER STANDUM IN ISTIS, CUM NON SIT INFALLIBILIS REGULA, NEQUE INDEVIABILE FUNDAMENTUM. Quid clarius? At cùm Concilio tantà tribuat, Pontificis tamen superioritati nihil se derogasse putat; quoniam, *infallibilis ista directio à Spiritu Sancto, non videtur pertinere ad majoritatem potestatis ac jurisdictionis presidentialis; sed potius est supernaturale donum Spiritûs Sancti, actuale magis quàm habituale; idcirco ex hoc non satis probatur potestas Ecclesiæ esse super potestatem Papæ, sed quòd major sit gratia atque perfectio universalis Ecclesiæ.* Denique sic concludit: *Præterea cùm Papa constitutus sit totius Ecclesiæ summus generalisque custos, Pastor & Pontifex, fideique defensor, ac præcipuarum difficultatum Ecclesiæ determinator, non sic ad generale Concilium pertinet hæreses & schismata extirpare, totius Ecclesiæ reformationi intendere, fidem declarare ac fidei symbolum edere, quin etiam hæc ipsa ad Papam, ratione sui officii directè pertineant. Idcirco neque ex his satis ostenditur, quòd potestas Concilii sit, absolute loquendo, major potestate Papali, sed quantum ad aliquid; quoniam hæc certius, seu expeditius fiunt per generale Concilium, quàm per Papam dumtaxat, eò quòd majoris gratiæ atque subsidii promissio sit facta Ecclesiæ quàm Papæ.*

Tum postquam protulit locum Sancti Thomæ 2.^æ, 2.^æ, q. I. art. X. determinantis, quòd ad Papæ auctoritatem pertinet editio symboli, hæc addit: *Sed contra hæc quidam objiciunt, quòd cum Papa possit errare, non potest quis ejus determinationi atque sententiæ, absque omni formidine tam actuali quàm habituali assentire; sed determinationi Ecclesiæ, quæ errare non potest, certitudinaliter statui.* Idcirco ad generale Concilium pertinere videtur ULTIMA DECISIO credendorum, quod verum reor. En quæ pii doctique viri sententia sit; additque: *Nihilominus ad auctoritatem Papæ pertinet istud; quamvis per-*

Tom. II. Append.

E

Ibid. art.
xxxj. fol.
341. vers.

Ibid.

Ibid.

Dionys.
ibid. art.
xxxij. fol.
342.

Ibid.

sona, cui tanta auctoritas concessa est, sit similis aliis, mortalis & fragilis, atque peccabilis: idcirco sententia ejus, secundum quod à tali personâ procedit, non ita certitudinaliter statuitur, sicut sententia universalis Ecclesiæ non errantis, ad quam etiam pertinet declarare editionem symboli à Summo Pontifice factam, esse idoneam. En quo sensu, & suam tueatur & Sancti Thomæ exponat sententiam.

Idem. in
Evang. Luc.
enarrat.
art. xlviii.
p. 259. vers.
edit. Par.
an. 1536.

His cum apertissimè doceat Papam in judicando de fide, esse fallibilem, locum illum de Petri nunquam defecturâ fide sic interpretatur ex communi sententiâ. *Quoniam Petro specialiter fuit committenda Ecclesia. Unde quod dicitur, UT NON DEFICIAT FIDES TUA, exponitur, ut non deficiat fides Ecclesiæ tibi committenda; sicque ex verbis his sumitur argumentum, quod fides Romanæ Ecclesiæ, quam in eâ Petrus plantavit, sit usque in finem sæculi duratura. Hæc scripsit in celebrem Evangelii locum Luc. XXII. 32. quo exemplo constat hæc duo à Doctoribus in Romanæ dignitatis cultum propensissimis conciliari solita; & Romanum Pontificem, etiam de fide judicantem, posse deficere; & tamen Ecclesiæ Romanæ fidem nunquam defecturam.*

CAPUT X.

Idem DYONISIUS CARTHUSIANUS exponit quâ auctoritate in aliis præter fidem causis, Romanus Pontifex à Concilio judicari possit.

Dyon. Cart.
de auct. Pap.
&c. part. j.
art. xxxv.
fol. 342.
vers.

HIS expositis, idem autor quærit quomodò Papa, quem Ecclesiâ totâ, etiam collectâ & adunatâ, superiorem esse vult, ab eâ deponi ac judicari possit, non tantum hæresis, sed etiam aliarum culparum causâ. Quem nodum sic solvit: *Dicendum quod Papa, secundum quod talis, ut puta in quantum Summus Ecclesiæ Pastor & Pontifex, non est à Concilio generali sententialiter judicandus, aut per depositionem puniendus, quia, ut talis, est Superior & Prelatus, ac Judex Ecclesiæ; sed in quantum esset intolerabiliter vitiosus, seu criminofus, sic esset inferior, & Concilium haberet super eum potestatem ac jurisdictionem à Christo, à quo immediatè claves accepit Ecclesiæ, quam repræsentat Concilium, cui etiam Christus dedit potestatem Ecclesiæ, abjiciendi membrum scandalizans, infectivum, ac putridum. Sic ergò generale Concilium potestatem & jurisdictionem habet in Papam, in quantum Papa, ratione culpæ, inferior redditur ipso Concilio: imò insuper, & in quantum Papa consideratur ut membrum, filiusque Ecclesiæ; putâ ut determinata persona fidelis, seu unus Christianus viator, peccabilis, & in quantum talis est, dicitur ei à Concilio lex præfigi, ne suâ potestate abutatur, sed debitè dirigatur. Concluditque sic: Ex his patet ad objecta solutio. Par enim potestatem non habet in parem, in quantum est talis, id est æqualis, sed ut aliquemodò extat inferior. Similiter minor non ligat, nec absolvit majorem secundum quod major est,*

Ibid.

sed in quantum est quodammodo minor. Sic nec Judex judicatur ut judex, sed ut publicè reus. Hæc ille. Tum, si Doctorum insignium, qualis erat S. Thomas, objiceretur autoritas, eam quidem commodâ, quantum poterat, interpretatione mollebat; sed interim hæc erat prompta responsio: Ista ex præfato scribimus Doctore, non quia nunc sic prorsus tenendum est, præsertim propter generalis Concilii Constantiensis ad oppositum determinationem, cujus autoritas major est, quàm cujuscumque Doctoris Catholici.

Ibid. lib. iij.
art. xix. fol.
370. vers.

CAPUT XI.

*De Lovaniensi Facultate: eam cum Parisiensi & Colonienſi circa
Constantienſem Baſileenſemque doctrinam conſenſiſſe: NICOLAI
DUBOIS Profeſſoris Lovaniensis vana argumenta.*

TOT egregiis toto Orbe terrarum appellatis Doctoribus, juvat de Lovaniensibus singularem habere quæstionem, cum propter eximium ejus Facultatis splendorem ac famam, tum quod adversarii, quæ ad eam Facultatem attinent, haud plenâ fide ac diligentia tradiderunt.

Et quidem Nicolaus Dubois, rerum quoque suarum ac suæ Facultatis ignarus, id agit, ut ea Facultas jam inde ab initio suæ foundationis, eam credatur amplexa sententiam, quæ extra schismatis causam Concilio Pontificem anteponat: quam quidem sententiam hauserit ab Universitate Parisiensi & Colonienſi, à quibus originem duxit. Sed hæc quàm falsa sint, luce clarius est.

Disq. art.
x. n. 132. &
ſeq. p. 47.

Ac primum, certum est Universitatem Lovaniensem, post Constantienſe Concilium, Baſileenſis Concilii tempore, fuiſſe conditam. Quin ipſe Nicolaus Dubois profitetur, qui Lovanii in Theologicâ Facultate gradum ſuſciperet, ante annum 1439. fuiſſe neminem; quo tempore maximè inter Eugenium IV. & Baſileenſe Concilium efferbuiſſe diſſidia nemo neſcit. Neque minùs liquet, non modò Universitatem Parisienſem, ſed etiam totam Eccleſiam Gallicanam Baſileenſi Concilio adhæſiſſe, quod D. Dubois & ipſe teſtatur. Quid autem Universitas Colonienſis per idem tempus ſenſerit, hæc declarat ad Theodorum Colonienſem Archiepiſcopum anno 1438. edita reſponſio. Prima propoſitio: *Eccleſia ſynodaliter congregata habet ſupremam juriſdiſtictionem in terris, cui omne membrum Eccleſiæ, cujuscumque dignitatis fuerit, etiam Papalis, obedire tenetur, quam nemo ſine ipſius Eccleſiæ Synodali conſenſu diſſolvere aut transferre poteſt.* In ſecundâ propoſitione legitur: *Quòd omnes obedire tenentur Chriſto, ſuæque ſponſæ Eccleſiæ, in quâ prima præſidentia eſt Sedis Apoſtolicæ ſuper omnes alias Eccleſias particulares, & ſedes inferiores, NON SUPER TOTAM UNIVERSALEM PRÆLATÆ.* Cætera ejusdem ſunt ſpiritus. Atque hæc doctrina eſt, quam à Parisienſibus & Colonienſibus fundatoribus ſuis, Academia Lovaniensis anno 1438. hoc eſt in

Ibid.

* De Bacheinstein.

Æn. Sylv. de gest. Basil. lib. j. p. 37.

ipso foundationis initio hauserit. Unde Æneas Sylvius hæc memorat (ff) de Lovanienſibus ab Amedæo Lugdunenſi Archiepiſcopo, Regio Oratore, viro omnium conſenſu doctiſſimo atque ſanctiſſimo ad Ludovicum * Romanum Protonotarium dicta: *Viros omnium doctiſſimos concluſiones noſtras impugnare video, quæ certæ & veriſſimæ ſunt, & ab illis qui nunc eas reproban, alias approbatæ. Nec nos fugit Ludovicum Protonotarium hæc veritates Lovanii ac Colonia prædicâſſe, eaſque illinc univerſalis ſtudii autoritate firmatas reportâſſe: quare ſi ipſe nunc mutatus eſt, veritas tamen non eſt mutata.* Quid ad hæc Ludovicus à tanto Pontifice compellatus? Pergit hiſtoricus: *Quo finiente illicò Ludovicus aſurgens: Verum eſt, ait, illas me apportâſſe veritates, vos tamen eas fidei veritates nuncupatis, quæ adjectio mihi ſubdubia eſt.* Hæc ille de Baſileenſibus illis concluſionibus, quibus Conciliorum potior autoritas aſſeritur. Cæterùm id tantùm ſubdubitare ſe dicit, hæc veritates an fide certæ ſint: veritates eſſe ſaltem Theologicâ demonſtratione certas, atque à ſe prædicatas, Coloniaque & Lovanii univerſalis ſtudii autoritate firmatas, nec ipſe diffitetur.

Hæc tacet Nicolas Dubois: quæ nihil ad rem faciant ſtudioſè colligit. At enim ſic objicit: anno 1448. Nicolao V. Eugenii IV. ſucceſſori Univerſitas Lovaniensis declaravit ſe ipſi & Eugenio, ut legitimis Pontificibus adhæſiſſe, Legatis Baſileenſibus nequicquam contraria ſuadentibus. Verum; ſed hoc nihil ad doctrinam Concilii Baſileenſis, quam ſecuti Galli, Germanique, haud mirùs Eugenio IV. licèt depoſito, adhæſere. Neque propterea Concilio poteſtatem deſuiſſe dicebant; ſed an eâ in Eugenio juſtè ac neceſſariò uſi eſſent ambigebant, & ne ſchiſma fieret verebantur. Acta ſuo loco referenda rem clariùs demonſtrabunt. Interim Profeſſor multa pollicitus, nihil tamen attulit, quo ſuos Lovanienses à Concilii ſuperioritate abhorruſſe comprobaret: nos certa adduximus, quibus in eam apertè conſenſiſſe, conſtet.

(ff) *Memorat.*] Rem ut acta eſt, ex ipſo Sylvio paucis narrabimus. Cùm Baſileenſes id quàm maximè contenderent, ut Eugenius merito deponendus videretur, editis octo concluſionibus, probare conati ſunt eum eſſe conrumacem & in errore pertinacem; quippe qui, quamquam ſæpè monitus, nequaquam à propoſito diſſolvendæ Synodi detereretur. Ab eâ ſententiâ Panormitanus abſceſſit, & dixit: ſe quidem credere Papam Concilio Ecumenico ſubmitti oportere; ſed hanc ſuam opinionem haberi non poſſe pro certo fidei dogmate; cùm expreſſè non legeretur in ſymbolo, neque etiam in determinationibus Eccleſiæ. Tunc Amedæus de Talanc Archiepiſcopus Lugdunenſis Panormitani ſententiam longâ oratione confutavit, quam ſententiam Ludovicus de Bacheinstein Protonotarius defendendam ſuſcepit; æque indè gravis exorta eſt inter Patres altercatio, quâ factum eſt ut, à ſe inviſem diviſi, plerique diſcederent.



evacuare intendo impossibilitatem errandi quam alii asserunt. Quo quidem se demonstrat, nullâ tuendæ causæ quam suscepit necessitate adactum, ad hanc tamen sententiam deditâ operâ declarandam, solo veritatis amore adductum esse.

Bull. Pii.
ij. retract.
tom. xij.
Conc. pag.
1407.

Labbe. de
script. Eccl.

Neque verò eam sententiam Pontifex retractavit, uti profectò, si erroneam putasset, facere debuisset. Nam ideò Pius II. qui se Basileæ, cùm Synodo privatus interesset, errasse credebatur solenni retractatione sua scripta confixit: *Hæc enim scripta*, ait, *fortasse scandalum parient. Qui hæc scripserunt, inquit, in Beati Petri Cathedrâ sedit. . . . nec invenitur mutasse propositum: qui eum elegerunt, & in summo Apostolatûs vertice collocarunt, ab iis scripta ejus approbata videntur. . . . Cogimur itaque Beatum Augustinum imitari.* Nihil simile Adrianus; suæque scripta adedò non retractavit, ut potius Romæ, statim atque Pontifex factus est, edenda curaret, anno videlicet 1527. cùm anno 1521. Pontifex esset creatus. Nempe si ipse, aut alius Pontifex in fidei quæstione determinandâ defecisset, non ideò Petri fidem & Ecclesiam Romanam defecturam putabat. Imò metuebat, ne illi errandi impossibilitati, quam privatus Doctor olim improbaverat, vel Pontifex factus favisse videretur.

Doct. Lov.
art. l. p. 59.

Hic Lovaniensis Anonymus, in doctrinâ Lovaniensium mira refert sub hoc titulo: *Discutitur doctrina Adriani Papæ VI.* Summa est: non hic egisse Adrianum de Pontificiâ definitione ex Cathedrâ; sed de judicio super difficultatibus, quæ in facto occurrunt, donec si res sit ad fidem & mores tendens, pleniori examine ex Cathedrâ definiatur. Quid autem illud est, nisi in gravi ludere, sibi que ipsi illudere? An loquitur de difficultatibus quæ in facto occurrant, qui de fide, de hæresi tam apertis verbis agit? Quodnam verò examen plenius? Quam decisionem narras, post eam quâ de fide determinatum est; quâ Pontifex aliquid publicè docuerit, declaraverit, ab omnibus teneri mandaverit? Quæ verba Adriani Lovaniensem nostrum referre & exscribere puduit, quòd iis statim perlectis, ejus responsio evanescat.

Ibid.

At enim, inquit Joannes Viggers ab Anonymo laudatus, non id postulabat ea, quam Adrianus solvebat, difficultas, ut de Pontificiorum decretorum infallibilitate disputaret; cùm de Gregorii facto dumtaxat ageretur. Certè; idque monet vel ipse Adrianus, sed hæc à se dicta, quòd illam aliquorum de errandi impossibilitate sententiam, deditâ operâ, evacuata vellet, neque in asserendis his vanis, certè dubiis sedis Apostolicæ privilegiis, veræ pietatis partem ullam reponeret.

Ibid.

Peigit tamen Lovaniensis noster: *At Adrianus asserit certum esse quòd Pontifex possit errare: hoc si intelligeret de Pontificè, ut desinente & proponente toti Ecclesiæ aliquid fide credendum, neutiquam est certum: tibi quidem forsitan; sed ipsi Adriano est certum.* At è contra, inquis, id nedum certum sit, manifestè est falsum, ejusque oppositum adeo certum ut ab aliquibus habeatur de fide. Quid ad nos, si ab aliquibus? Non ab Adriano quidem, qui eam sententiam evacuare intendit. Quare non Melchior Canus, quantumvis acerrimus Pontificiæ infallibilitatis assertor, non ipse Bellarminus, ut Lovanienses illi, tergiversandum putant. Verùm Adrianum VI. nominatim accensent iis, qui Pontificiam infallibilitatem non agnoscunt: neque

Melch.
Can. lib. iv.
cap. j. Bell.
de R. P. lib.
iv. cap. ij.
Bell. de
script. Eccl.
an. 1500.

edò feciùs Bellarminus, *virum optimum & doctissimum* appellat, qui merito *doctrinæ & pietatis*, ex humili domo in tantam dignitatem conscenderit.

Jam verò Nicolaus Dubois, postquàm Adriani verba retulit de Romano Pontifice ita affirmantis: *Potest errare, hæresim per suam decretalem asserendo*; respondet: *Distinguo, si de potentiâ Metaphysicâ loquatur Adrianus, etiam hoc transeat.* Quàm doctè! Erant scilicet qui assererent Pontificem nec *Metaphysicè* loquendo aut de potentiâ absolutâ errare potuisse; eaque erat *errandi impossibilitas*, quam Adrianus evacuare intendebat. Et pulchrè *transeat*, nam si Professori bilem moveris, fortè asserturus est Romanum Pontificem, nec potentiâ Metaphysicâ errare potuisse.

Quæ addit, quoniam non ad explicandum, sed ad confutandum Adrianum pertinent, hujus loci non sunt. Pudet tamen interim Adrianum tantum virum à Professore Lovaniensi temeritatis fuisse incusatum. At subdit Adrianum Pontificem factum, ea quæ hîc scripserat revocâsse; nempe, inquit, docuerat Confirmationis Sacramentum ex delegatione Pontificiâ, non posse conferri à simplice Sacerdote. Quid tum postea? *Pontifex factus etiam ipsemet ejusmodi commissionem dedit*; quod pater Farvaquez ex Palavicino probat. Quid ad nos? Id certè quærimus, an illam *impossibilitatem errandi*, quam nunc Lovanienses quidam veluti pro fidei fundamento ponere velle videantur, cùm privatus Doctor *evacuare intendisset*, saltem Pontifex factus, constabilitam, ac sua anteriora retractata vellet. Neque ab eo scopo aberrare oportebat Theologiæ Professore. Verùm hominem equidem vidi neminem qui, quæ ad rem non faciunt, in exiguo quamvis libello, majore studio colligat & congerat.

Quare certum omnino est Adrianum IV. eorum de quibus agimus nihil retractare voluisse. Quid jam Lovanienses quidam vociferantur in nos, perditâ omnia & conclamata esse, *ac de summâ rei Christianæ agi, cùm de infallibili supremâque Pontificis in universam Ecclesiam auctoritate agitur*? Neque intelligunt nos quidem peti ab ipsis per Adriani latus: nec nisi conculcato tanto Pontifice, doctissimo pariter atque sanctissimo, & quod pudente debeat, in se beneficentissimo, suæque Facultatis ornamento, Clerum Gallicanum oppugnari potuisse.

Quare Lovanienses ac Duacenos pios & doctos, quos oppidò diligimus & colimus, aliosque viros bonos, etiam atque etiam obsecramus, ut cogitent, tantine illa sit Summi Pontificis aut superioritas, aut etiam infallibilitas, à tot tantisque viris Catholicâ fide ac pace florentibus impugnata, ut in eâ summam rei Christianæ, aut firmissimam nostræ contra Lutheranos defensionis arcem, aut Sedis Apostolicæ majestatem vimque Ecclesiæ, ac decus Israël collocent. Nos certè alia, Deo danter, minùs licet inflata verbis, re illustriora, meliora utilitate, atque auctoritate firmiora promemus.

Pars j. re-
fut. arg. & c.
art. xv. n.
159. p. 82.

Ibid. n.
156. 157.
160.

Farvac.
opusc. de
Conf. quæst.
iv. Palav.
lib. ix. cap.
vij. n. 11. 12.



CAPUT XIII.

An sit verisimile Parisiensium doctrinam post ADRIANUM VI. à Lovaniensibus condemnatam? Lovaniensium erga Adrianum reverentia singularis.

ETIAMSI post Adrianum Facultas Lovanienſis ejuſque Doctores, à priſcis inſtitutis deflexiſſent, non propterea Pariſienſes vituperandi, aut etiam condemnandi, ſed potiùs laudandi eſſent, qui in antiquâ ſententiâ perſitiſſent; atque ambæ Facultates pacem colerent, & à cenſurâ mutuâ temperarent. Sanè Pariſienſes & Lovanienſes ſeſe mutuò ſuſpexerunt, atque ſuſpiciunt; & ea quæ jam inde ab initio interceſſit animorum mira conjunctio, nullo unquam factò dictoque violata eſt.

Vid. poſt.
tom. iij.
Joâ. Dried.
fol. 170.

Prima Facultas Lovanienſis anno 1519. certa doctrinæ Lutheranæ capita cenſurâ notavit: ſecuta Pariſienſis anno 1521. concordibus animis atque ſententiis. Rurſùs prima Facultas Pariſienſis in eundem Lutherum & alios hæreticos, Franciſco Rege jubente, anno 1542. articulos edidit: ſecuta Lovanienſis anno 1544. jubente Carolo V. viſos Lovanienſibus Pariſienſes articulos, atque eodem ſpiritu in eundem ſcopum collimatum fuiſſe, & temporis ratio, & accurata utrorumque lectio facilè comprobabit: adeoque nihil fuit quod Lovanienſes in Pariſienſium articulis improbarent, ut ſimul fuerint editi & excuſi in Joannis Driedonis operibus, accurante editionem Ruaro Tappero Academiæ Lovanienſis Cancellario, ac ſacræ Theologiæ Professore, quippe cùm conjunctos oporteret articulos utriuſque Facultatis, ut concordia in Lutherum de Catholicâ fide teſtimonia.

Lat. Def.
cenſ. Lov.
admon. &
epiſt. de-
dic.

Utramque Facultatem, in tradendâ de Romani Pontificis poteſtate doctrinâ minimè diſſenſiſſe multa perſuadent; imprimis ſumma Facultatis Lovanienſis reverentia in Adrianum IV. quem in Pariſienſium fuiſſe ſententiâ, Bellarmino etiam teſte, jam diximus. Primùm enim quo tempore illa edita eſt Lovanienſis Facultatis in Lutherum cenſura, totum id Adriani, tum Cardinalis Derthuſani, judicio factum. Id Jacobus Latomus major, cùm pro eâ cenſurâ ſcriberet, in præfatione luculenter expoſuit; & cenſuræ præfixa ejuſdem Cardinalis epiſtola teſtatur, de quâ quidem Latonus ita eſt præfaſus: *Sufficere debuit judicium Reverendiſſimi Cardinalis Dertuſenſis, cujus probitas & ſapientia, non modò præclaris libris editis, ſed & maximis rebus Orbi nota eſt*; ut propterea diceret non videri neceſſarium articulorum reddere rationem. Ex quo intelligitur quàm probarent Adriani libros. Atque is annis poſt duobus ad Petri Cathedram eſt evectus: ac facilè intelligi poſteſt, quanto honore proſecuti ſint Pontificem, qui non modò Cardinalem, verùm etiam privatum tantopere ſuſpexiſſent.

Edidit poſteà Joannes Driedo ſacræ Theologiæ Profeſſor apud Lovanienſes anno 1533. librum *de Eccleſiaſtiſſis Scripturis & dogmatibus*; neque ita multò poſt librum *de captivitate & redemptione generis humani*: in cujus præfatione

præfatione Adrianum VI. miro affectu celebrat: *Observandissimus*, inquit, Vid. hanc præf. *meus in studiis Theologicis præceptor, qui me in filium eruditionis susceperat, & præficiens mihi pileum magisterii in Theologiam imposuit anno nativitatis Domini 1512. die 17. mensis Augusti; qui & usque in tempus fermè illud Lovanii resederat, totius nostræ Academiæ lumen & decus, postea illius nominis Pontifex VI.* Ex quibus intelligimus quanto amori & honori fuerit Lovanienfibus, quem nunc Nicolaus Dubois apertè contemnit. Sed jam Lovanienfes, qui circa Adriani tempora scripserint, Theologos audiamus, quandoquidem eorum nobis tanto ambitu objicitur autoritas.

Pars j. refut. &c. ait. xv. p. 79. &c. pass.

CAPUT XIV.

JACOBI LATOMI, *Doct̃oris Lovanienf̃is, sententiã.*

PRIMUS ab autore Anonymo *doctrina Lovanienfium* designatur Jacobus Latomus, qui pro Pontificiâ infallibilitate scripserit, libro *de Primatu Romani-Pontificis adversus Lutherum*. Ego verò summâ diligentiam, nulloque partium studio, quippe cui liceret etiam adverfantem repudiare Latomum, ejus libros, ac maximè eos ipsos quos objiciunt excutio locos; & quidem de Primatu multa reperio, de infallibilitate ne unum quidem verbum. Quis autem ferat istos de Primatu tanta testimonia congerentes, quasi quis Primatum ullâ ex parte labefactatum, ac non potiùs omni ope constabilitum velit? Dic tu aliquando de infallibilitate, quandoquidem in eâ placet summam fidei collocari. Sed ipsum per se audire Latomum præstabilius est, posteaquàm constituerimus quo loco, cùm id scriberet, Lutheri res essent. Fuerat autem à Leone X. hæreseos condemnatus. Sic ergò habet Latomus: *Nec valet, si dicatur judicium finale, in rebus fidei, esse apud generale Concilium, à quo nondum est hæresis Lutherana judicata & damnata: ergò non est ab omnibus pro hæresi habenda & vitanda: non inquam, valet; quia Lutherus non habet unam aliquam hæsim particularem novam, & quæ priùs non fuerit; sed habet hæses olim in Conciliis damnatas, Valdensium, Wiclefistarum & Hussitarum, & similium, in quibus non est opus novâ sententiâ, sed antiqua sufficit.... Dato etiam quòd novam hæsim fecisset, non tamen opus esset Synodo ad ejus damnationem, ut apertè probant verba Augustini, (nota illa scilicet quibus Augustinus ostendit sine Synodo factum Pelagianis esse competens sufficiensque judicium) (h h) quo judicio facto,*

Lat. de var. quæst. tit. An Prim. R. P. sit à Christo edit. Lov. 1550. fol. 88. 89.

(h h) Competens sufficiensque judicium] latum fuisse in causâ Pelagianorum, Augustinus his rationibus probat: 1°. quia dudum damnata fuerat illa hæresis à Patribus, qui, inquit, inopia eorum dogmata tanta manifestatione subvertunt, ut quæ contra eos (Pelaginos) manifestiora dicamus, rix nos invenire possimus. 2°. Quia manifestus error. Aut verò congregatione Synodi opus erat ut aperta perniciēs damnaretur? 3°. Quia multæ hæses absque Concilio olim fuerant damnatæ. Quasi nulla hæresis aliquando sine Synodi congregatione damnata sit. 4°. Demum, quia Pelagiani Concilium flagitabant, non quòd eo opus esse crederent; sed quòd sui causâ Orbem commororum vellent. Istorum superbia.... hanc etiam gloriam captare intelligitur, ut propter illos Orientis & Occidentis Synodus congregetur. Orbem quippe Catholicum, quo-

Tom. II. Append.

F

Aug. lib. iv.
ad Bonif.
rom. x. p.
492.

subjungit Latomus ex Augustino : *Ad sententia executionem procedendum est adversus hæreticos. Aliud est enim judicium sufficientissimum , aliud sufficiens. Sufficiens est enim , quando debito ordine per judicem competentem exercetur : sufficientissimum verò , quando non solum per judicem competentem , sed per judicem supremum ceteris paribus sententia fertur. Hæc verba video ab Anonymo prætermissa , quæ maximè ad rem faciant. Pergit deinde Latomus : Igitur non ingrediendo difficultatem , an Papa sit supra Concilium , vel è converso ; satis est præsentì proposito , quòd hæresis Lutherana à Sede Apostolicâ damnata est. Nemo enim , nisi nimium contentiosus , negabit Apostolicam sedem esse judicem competentem , cum cautum sit Canonibus , causas fidei ad Sedem Apostolicam esse referendas.*

Quæ omnia si candidè & sincerè , uti Theologum decebat , Anonymus protulisset , nemo non statim videret judicium Sedis Apostolicæ non proponi à Latomo , tanquam *finale* (de quo tamen judicio præcisè in objectione agebatur) aut tanquam infallibile , aut etiam *supremum* , quod tum ab ipso maximè dici oporteret , si tale esse sentiret : sed contrà proponi judicium illud Sedis Apostolicæ , ut *competens* , quod etiam inferiori judici convenire possit , utque *sufficiens* , ad sententiæ scilicet , ut ipse hîc dixit Latomus , *executionem* : Concilii verò , ut quod esset *sufficientissimum & supremum*. Quæ utcumque se habent , certè cum Pontificiâ infallibilitate stare non possunt , cum post infallibile judicium , nihil ulterius , aut superius à quoquam desiderari possit. Quod verò Latomus scribit hæc à se dici , *non ingrediendo questionem , an Papa sit supra Concilium , vel è converso* ; ita videtur intelligere , quemadmodum à Carthusiano dictum vidimus : nempe ita ut Papa , licet Synodo absolutè superior , ei tamen tanquam potiori luce donatæ in fidei negotio credere teneatur. Quem sensum aliis quoque superioritatis Pontificiæ defensoribus placuisse ostendemus. Cæterum de questionibus fidei nobiscum sentit Latomus , qui Pontificio judicio Conciliare judicium tanto discrimine anteponit , quique *pro supremum* , ac proinde *finale* , de quo agebatur , sententiæ Pontificiæ in se considerata detrahit , cum ei tribuat tantum ut sit *sufficiens & competens* , & quidem id tribuat , opponendo *ad supremum sufficientissimum*.

Quomodo autem Latomus intelligat *sufficiens* illud , quod non sit *finale* , neque *sufficientissimum & supremum* , responderet , credo , id quod jam indicavimus : *sufficiens* esse ad id quod volebat , nempe ad sententiam exequendam. Nos autem quid sit illud apud Augustinum *sufficiens & competens* , Deo dante , exponemus. Hîc quidem Latomi dicta à nobis referri , non autem præstari oportet.

Doct. Lov.
p. 4. s. Lat.
adv. Tynd.
lib. iij. tit.
ult. fol. 194.
vers.

Profert Anonymus alium Latomi locum ex Libro III. adversus Tyndalum (ii) titulo ultimo : *De autoritate & Prælaturâ Romani Pontificis super*

niam , Deo e'is resistente , pervertere nequeunt , saltem commovere conantur. Memorat alibi Augustinus , Pelagii causam , quocumque ad examen juridicum perducta esset , Episcoporum & Synodorum sententiâ fuisse condemnatam. Vid. imprimis lib. de gest. Pelag.

(ii) *Tyndalum.*] Is novæ Reformationis Doctor novum Testamentum in vernaculam suam linguam Anglicam infidelissimè transtulit. Deinde hæresis postularus Bruxellis , ibi vivus combustus est. Erat illi vis quædam ingenii , sed nimium vehementis & mordacis. Vid. Du Larr. hist. Angl. tom. j. pag. 313.

Ecclesiam & quodlibet membrum ejus. Hæc autem exscribit verba : *Quibus bene pepensis, apparet sano intellectui, quod non justè Romani Pontificis auctoritati contradicatur negando eum esse supremum & ordinarium judicem omnium & singulorum Christianorum, in fide, Sacramentis & aliis omnibus.* Quo loco videtur Pontificiæ auctoritati dare supremum illud, quod antea denegaverat. Hæc ut concilientur, neque inducatur Latomus adversus se ipsum indecorè pugnans, proferenda erant alia, quæ Anonymus prætermisit. Sunt autem ejusmodi : *Non itaque rationabiliter dubitari potest, nec nisi impudenter negari hoc : Romanus Pontifex est ORDINARIUS JUDEX SUPREMUS super unumquemque Christianum, & quodlibet PARTICULARE CONCILIUM Ecclesiæ Catholicæ ; quidquid sit de universali Concilio plenario & totâ Ecclesiâ simul congregatâ.* Hic Latomus exponit, quo sensu voluerit, Papam supremum esse judicem : duplici videlicet sensu : alter est, ut sit *supremus super unumquemque Christianum & quodlibet particulare Concilium* ; quem sensum vidimus esse Concilii Constantiensis & Martini V. alter est, ut sit *supremus ordinarius* ; quæ verba sunt Latomi ; hoc est *inter ordinarios supremus* ; qui ordinariè semperque sedeat, & judicet ; cùm Synodi universales, non nisi ex certâ causâ, & extra ordinem habeantur, quorum proinde auctoritatem, cùm de ordinariis tantum agat Latomus, expressè reliquit integram. An verò hæc omnia dissimulari oportebat, premique nos ad invidiam usque auctoritate Lovaniensium, quorum clarissima quæque dicta omisisses ?

Id. de var.
quæst. fol.
87.

Tertio loco proponit Anonymus Jacobi Latomi responsionem quandam adversus Lutherum ita objicientem : *Concilium Constantiense determinavit Concilium esse supra Papam, cujus tamen auctoritas à multis contemnitur.* Unde Lutherus concludebat sic : *Via nobis facta est enervandi auctoritatem Conciliorum : nam ut dicunt, si in uno articulo errasseprehenditur, jam tota ejus vacillat auctoritas.* Quâ in objectione solvendâ haud mediocriter Latomus laborabat. Revera enim Cajetanus adversus Almainum nostrum ea recens scripserat, quibus Constantiensis decreti auctoritatem elevarer, neque ipse, neque alii Catholici cogitabant quem hæreticorum calumniis aditum aperirent. At Jacobus Latomus, qui neque Catholicos accusare, præsertim Cajetanum tanti nominis Cardinalem, neque quæstionis aliò traducendæ occasionem Luthero præbere vellet, multis agit, ut is quocunque modo victus esse, ac perperam objecisse Concilium Constantiense videretur. Quare ait primum à Luthero non posse adhiberi ejus Concilii auctoritatem, cujus decreta in Wiclefum lata ipse contemneret. Tum addit non propterea vacillare Synodi auctoritatem, etiamsi in uno obscuriore articulo defecisset, quod tamen Latomus minimè fatebatur Synodo contigisse. Negabat enim à Luthero vera relata esse Concilii verba, aut extare Concilii Constantiensis tale decretum, quod loqueretur universaliter de quâlibet Synodo universali Papæ anteponendâ. Quæ quidem & alia multa Latomus, dum miserè nimis metuit, ne quid Lutherus bene objecisse videatur, inficiatur contra gestorum fidem. Neque illud melius, quod negabat Concilium, quo tempore ista decreta condiderat, fuisse Œcumenicum, cùm nihilo magis Œcumenicum esset, cùm ea ederet adversus Wi-

Doct. Lov.
art. ij. pag.
69. 70. Lat.
de Prim.
&c. cap. iv.
fol. 81. 82.

Vid. Cai.
adv. Alm.

Concil.
Const. Sess.
v. ij.

clefsum decreta, quæ contra Lutherum Latomus tuebatur. Sed hæc aliàs. Id modò ad rem nostram pertinet, quòd Latomus dum posteriora Constantiensia anterioribus opponit, illud decretum affert, quo adversùs Wiclefsum statuitur: *Papam habere supremam auctoritatem in Ecclesiâ, quod inquit Latomus, non stat simul cum eo, quòd Concilium sit superius Papâ.* Addit factâ in Concilio Papæ electione, *supremam auctoritatem jam esse in electo; & concludit, quòd, quamvis Ecclesia sit major simpliciter quàm Papa, putâ perfectione gratiæ, & amplitudine virtutum, tamen potestate jurisdictionis unus peccator potest esse major multis justis, & Papa major toto residuo Ecclesiæ corpore.* Ubi vox potest esse, non est affirmantis, sed ejus qui demonstrare velit, quoquomodo se res habeat, Lutheri argumentum non ita esse efficax ac ille jactabat.

Utrumque est, hæc duò apud Latomum vidimus: & nunc Papam Concilio superiorem, & alibi Concilium in fide superius, cujus quippe judicium sit *sufficientissimum & supremum*, cum Papæ judicium sit tantum *sufficiens & competens*. Hic si Anonymus Latomum suum Latomo repugnare velit, absolvet nos profectò ab ejus viri auctoritate, qui à se ipso dissentiat. Sin autem velit Latomum sapientem esse virum, qui iisdem semper placitis vestigiisque insistat, Latomum cum Latomo conciliabit ita, ut postremum hoc de Concilii judicio *sufficientissimo & supremo* ad fidei negotium pertinere dicat. Cæterum non Concilium propterea absolutè superius esse, cum Papâ inferius esse possit, convocatione ipsâ, aliisque rebus gravissimis, quas Latomus ad rem suam minimè facientes, haud pertractare velit. Atque hanc sententiam non modò Dionysius Carthusianus suprâ memoratus, sed etiam Turrecremata & alii Eugenianarum partium, in Eugenii etiam aulâ propugnabant, ut statim demonstrabimus. Quæ cum ita sint, Latomum in infallibilitatis quæstione apertè faventem, in aliis quæstionibus non adversum habemus: cum id non agamus, ut semper, sed ut certis tantum casibus, iisque gravissimis & extraordinariis, in Constantiensi decreto designatis, ad Concilium recurratur. Quòd autem auctoritatem decreti Constantiensis Jacobus Latomus infregerit, ne Lutherus bene argumentatus esse videatur, parùm certè curamus, & Constantienses Canones à Latomo non satis consideratos esse ostendemus, & melioribus argumentis, non quidem uti Latomus, inficiando quæ certa sunt, Lutheri audaciam retundemus.

C A P U T X V.

JOANNIS DRIEDONIS *Lovanienfis sententia, de fide Petri nusquam defecturâ.*

EQUIDEM intelligo fore quàm plurimos, qui nos in Jacobi Latomi explicandâ sententiâ plus laborasse sentiant, quàm ejus viri, docti licet, auctoritas postulabat. Atque iisdem gravius succenscebunt, quòd in exponendo Joanne Driedone, multò plus operæ collocaturi sumus. Sed cum,

ea quæ dicemus, non modò ad intelligendos Lovanienſes articulos, ſed etiam ad hujus quæſtionis ſtatum animo informandum, multum opis allatura ſint; labori non parcimus, ut ea elucidentur; ſperamuſque futurum, ut lectores operæ in eâ poſitæ non pœniteat.

Joannes Driedo, quod ipſe gloriatur, Adriani VI. diſcipulus, anno 1533. opus edidit *De Eccleſiaſticis Scripturis & dogmatibus*, ex cujus operis libro IV. capite III. parte II. & III. Anonymus multa tranſcribit, pleraque inſincera, quod lectorem monemus, ut ipſe perpendat, ſi rem tanti eſſe putet; pleraque extra rem. Sed nos quæ ad rem conferant diligentiffimè ſeligemus.

Doct. Lov.
art. I. pag.
10. 11.

Igitur ex IV. libro memorato, poſtquam Anonymus ſuo more, de Primatu multa deſcripſit; hæc de Driedone ſubdit: *Deinde*, inquit, *parte tertiâ ejusdem capituli, pergens ad demonſtrandam Romani Pontificis infallibilitatem, &c.* Atqui Driedo de eâ ne unum quidem verbum, ſed nimirum de Primatu quæſtione abſolutâ, alteram quæſtionem, quæ una ad rem noſtram faciat, exponit hiſ verbis: *Jam opera pretium conſiderare, quemadmodum ſit accipienda ſententia, ex Scripturis docens, fidem ad conſummationem ſæculi non deficere unquam à Petri Cathedrâ ſeu Eccleſiâ Petri.* Hic ergò videamus an Driedo, vel ſemel dixerit, ita eam accipiendam eſſe ſententiam, ut Romanus Pontifex Petri ſucceſſor, ſive ut perſona privata, ſive ut perſona publica, ſit infallibilis.

Ibid.

Et quidem Driedo quæſtionem ſoluturus, triplicem ponit intellectum hujus ſententiæ, quòd fides Petri nunquam deficiat. *Sciendum eſt*, inquit, *quod verbum Chriſti patrem rogantis pro Petro, poteſt concipi ſub triplici intellectu: vel primùm pro eo ut fides nunquam deficiat à corde Pontificis univerſalis Eccleſiæ, nec videlicet à perſonâ Petri, nec à perſonâ Pontificis... vel ſecundò ut fides nunquam deficiat à generali Cathedrâ, à Sede, ab univerſali Eccleſiâ, ſeu ovibus ipſius Petri... vel tertio, ut fides non deficiat unquam à propriâ Sede, vel diœceſi, quam Petrus peculiariter paſcendam, dirigendam & gubernandam ſuſcepit.* Hic nota diviſionem quam Driedo ut adæquatam ponit: an fides ſit defeſtura à perſonâ Pontificis, an ab Eccleſiâ univerſali quam regendam habuit, an à diœceſi quam peculiariter regendam ſuſcepit. Perſonam autem Pontificis indiſtinctè ponit, nulloque diſcrimine, an conſiderare velit, ut perſonam privatam, an ut perſonam publicam; ſed de Pontifice, quamcumque perſonam gerat, ſimul ac generatim quæſtionem inſtituit: neque Pontificem, ut privatam perſonam opponit Pontifici ut publicæ perſonæ, ſed perſonam Pontificis generatim ſumptam; opponit Eccleſiæ univerſali, ac diœceſi Romanæ. Quâ diviſione factâ, triplicique poſito ſenſu, triplicem etiam proponit quæſtionem; ac primam, de Pontifice Petri ſucceſſore hiſ verbis expedit: *Primus intellectus* (de fide non deficiente in corde & perſonâ Pontificis,) *videtur eſſe extra intentionem Salvatoris.* Id probat, quia conſequens eſſet, omnes ſucceſſores Petri ad perſeverantiam fidei eſſe prædeſtinatos, quod falſum eſſe ſupponit.

Ibid.

Absoluto primo verborum Chriſti intellectu, qui extra intentionem Salvatoris eſſet, jam ſe Driedo convertit ad duos intellectus, quos à Chriſtò intentos eſſe docet: & ſecundum intellectum, de Cathedrâ & Eccleſiâ uni-

Matr.
xxviiij. 20.
Ib. xvj. 18.

versali Petri, hoc est, ipsâ Ecclesiâ Catholicâ, sic aggreditur: *Secundus intellectus*, inquit, *est fide tenendus propter verbum Salvatoris: EGO VOBISCUM SUM USQUE AD CONSUMMATIONEM SÆCULI: & PORTÆ INFERI NON PRÆVALEBUNT ADVERSUS EAM. Ex quibus*, inquit, *consequens est Christum permanentem cum Episcopatu, & Ecclesiâ, & Sede Petri, usque in consummationem sæculi. Hoc autem non est sic consequens de Episcopatibus, seu Ecclesiis aliorum Apostolorum, deficientibus jam à fide suis ipsorum gregibus.*

Patet ergò de secundo intellectu: nempe de fide esse, Petri Episcopatum seu Ecclesiam nunquam defecturam; quòd ille Episcopatus & Ecclesia Petri nihil aliud sit, quàm ipsa Ecclesia Catholica: quâ in re, ipse Petrus multùm differt à cæteris Apostolis; quòd hi singularem Ecclesiarum duces, totum gregem amittere, Petrus verò toti præpositus, non magis possit oves suas omnes amittere, quàm Christus; cùm Christus nullas habeat, quæ non etiam Petri sint sub Pastore Christo. Qui sensus planus est, & fide absolutè certus, ut meritò Driedo docet.

Dried. loc.
cit.

Jam ad tertium intellectum: an fides sit defectura in peculiari Ecclesiâ & diœcesi Petri, sic procedit: *Aliud potest intelligi Ecclesia seu Cathedra Petri, aliud Ecclesia seu diœcesis Romana. Siquidem Ecclesia seu diœcesis Romana potest intelligi esse destructa, permanente Cathedrâ Petri, que est Cathedra universalis Ecclesie. Unde & tertium intellectum pertinaciter hæretici refellunt. Ac paulò post: Fuerunt jam olim & alii, qui non pertinaciter, sed quasi probabiliter, sententiam defendere voluerunt, ex Scripturis nobis incertum esse, an diœcesis Romana deficiat unquam à fide, & idcirco esse temerarium asserere alteram partem quasi articulum fidei, cùm neutra sit ex Scripturis necessariò consequens; neque uspiam revelatum sit, quòd omnes Christiani à Turcâ non expellentur unquam à Romanâ diœcesi. En tertius intellectus, quem ab aliquibus, etiam non hæreticis, rejectum esse dicit. Atqui hunc intellectum confirmaturus ipse, primùm affert contraria argumenta, & addit: Hæc & similia sunt, ex quibus hæretici & alii quidam nimium pertinaciter (k k) arbitrantur stultum & temerarium esse, si quis doceat Ecclesiam Romanam super alias Ecclesias presidentem, sic à Christo esse privilegiatam, ut ab eâ non deficiat unquam, neque fides neque Primatus Pontificalis.*

Vides profectò quod quærat: ac primùm nihil jam de Pontifice, sive ut privato Doctore, sive ut docente ex Cathedrâ. Quæ ad personam pertinent, jam expedita sunt. Deinde nihil etiam de universali Ecclesiâ, cujus fidem deficere non posse, ex antè dictis constitit; sed quærit illud tantùm, an fides & cum fide Primatus, in diœcesi Petri ejusque successorum, unquam interire possit.

Affert postea probationes, quæ nihil ad nos attinent; cùm non hic inquiramus rectene probaverit, sed quid concluderit. Concludit autem sic allatis Patrum testimoniis: *Non temerè igitur, sed piâ fide cum Patribus nostris prædecessoribus credimus, quòd fides & Primatus Ecclesie & Sedes seu Cathedra Petri, claves Regni cælorum, potestas ligandi & solvendi, sunt à diœcesi Romanâ inseparabiles; & quòd Deo providente, & Beato Petro opem*

{ k k } Nimium pertinaciter.] Mox dixit Driedo hæc doceri non pertinaciter. Ergò ille purgantia loquitur.

ferente, Romanus Episcopus, seu populus sub Romanâ diœcesi non deficiet unquam totus à fide.

Atque ut semel elucescat, ad quem scopum collimaverit, hæc ejus verba audienda sunt: *Defecit Hierosolymitana Ecclesia, cui Jacobus præsedet; deficit Achaia, ubi Andreas; Asia, ubi Joannes; India, ubi Thomas; Persis, ubi Judas; Æthiopia, ubi Matthæus; Græcia, ubi Paulus: Romana Sedes hæcenus manet in fide Christi erecta.* Quæ quidem Anonymum docere debuissent, quid Driedo aversetur; nempe id; si quis diceret, Romanam Ecclesiam, etiam particularem, aliis similem esse, quæ cùm Episcopo ipsâque Episcopali sede à fide penitùs excideret, fieretque Cathedra jam erroris, aut schismatis. Id quidem Driedo docuit nunquam Romæ eventurum, quod nos ultrò amplectimur; atque insuper addimus: quantumcumque in Romam fremerent inferorum portæ, ac sacræ urbis, quod absit, fundamenta concuterent, non propterea prævalituras contra Petri Cathedram; sed eam semel à Christo Ecclesiæ Catholicæ datam, integram permanсурam, Sedique Sacrosanctæ, modo quo sciverit, provisorum Deum, neque futurum unquam ut ipsa Pontificum, qui Petri loco sint, successio ac series, à verâ fide avellatur; quod quidem & Driedo sensit, & omnes Catholici consentunt.

Dried. ibid.
vid. Doct.
Lov. art. j.
pag. 12.

Quod autem Driedo nunquam futurum docet, ut in urbe Româ, in Romanâ diœcesi, in Romano solo, fides & Primatus intereant, id quidem non video, ut in nos intorqueri possit. Neque enim Clerus Gallicanus somniavit fore ut Romana Ecclesia particularis, seu Romana diœcesis cum Episcopo & plebe suâ penitùs intercidat, populusque Romanus totus cum suo Pontifice à fide abruptatur, & Primatus Ecclesiæ aliò transferatur, quæ hîc Joannes Driedo adversus quosdam, ut ait, Catholicos, explicanda, probanda, tuenda suscepit. Neque verò id ullo modo pertinet ad Concilii Constantiensis decreta, quæ Clerus Gallicanus suâ Declaratione complexus est; neque eam quæstionem Synodus Constantiensis, vel leviter attigit. Neque si quis Pontifex suo officio malè functus aliquid contra fidem, etiam decreto facto docuerit, ideò populum totum, atque Ecclesiam totam particularem Romanam cum eo defecturam consequens est: cùm nec Joanni XXII. hæresim prædicanti crediderit; ac nihilo magis etiam deficiente, uti tum res erant (11), creditura fuisse videretur. Neque verò ille Pontificis, etiam contumacis, quantumcumque defectus, urbi Romæ, Romanæque diœcesi fraudi esse posset, ut propterea Petri Sedes loco moveretur, & Primatus aliò traduceretur; sed pravum Pontificem statim amoveri, aliumque ab Ecclesiâ substitui oportere, qui tamen haud secius federet Romæ, uti Pisis primum atque iterùm Constantiæ decretum factumque est. Quare immeritò quidem moderni Lovanienses, ista Driedonis, nihil sibi profutura, jactant.

Id verò ad nostram quæstionem facit, quòd ille enumerans quæ ad interpretationem spectent divinæ pollicitationis hujus: *Rogavi pro te, ut non*

(11) *Uti tum res erant,*] Populus Romanus suis insensus Pontificibus, qui Avenione degabant, erat propensior ad Papæ decretum, etiam optimum respuendum, ne illi addictus, quam ad malum recipiendum, ut in illo colendo studiosus videretur.

deficiat fides tua, eum sensum prætermisit, quo diceretur fides etiam in Pontificis corde deficiens, in ejus tamen, non modò Ecclesiâ illâ universali, aut etiam diœcesi particulari, Romanâ scilicet, sed etiam decretis permanens semper: quem sensum & prætermisit, & dominicis promissis contineri non posse intellexit.

Rogo enim ad quam tripartitæ divisionis partem pertinere velint eum sensum quem venditant? An ad fidem quæ personæ Pontificis insit? An ad eam quæ universæ Ecclesiæ? An ad eam quæ Romanæ diœcesi? Non quidem ad fidem primo modo consideratam. Is enim est modus, quo fides deficere possit, in corde scilicet & personâ Pontificis: isti autem quærunt eam fidem quæ deficere nequeat: Non ad eam quæ deficere non posse credatur, Ecclesiæ Catholicæ, seu diœcesis Romanæ fidem: aliud enim est in Pontificis sive privatâ, sive publicâ personâ; aliud in Ecclesiâ universâ, aut in diœcesi Romanâ deficere non posse fidem. Nempe hæc duo sunt, quæ promissa à Domino fuisse Driedo asserit; ut ab Ecclesiâ Catholicâ nunquam avellatur fides; ut à diœcesi Romanâ, non fides, non Petri Cathedra, Primatusque Apostolicus: quæ profectò stare vidimus, quidquid evenierit uni vel alteri Romano Pontifici, eorumque fidei.

Neque verò Driedo hîc cogitavit fidei declarationem publicam & authenticam, quæ in Romano Pontifice labefactari non possit. Nec mirum: cum enim hîc fidem interpretetur, non externam fidei declarationem, sed ipsam intus fidem, quâ in Christum creditur, ad eum profectò sensum, nuda illa & externa fidei declaratio minimè pertinebat; certumque omnino erat Christi promissione minimè comprehendi omnes Petri successores, cum eos infideles esse posse constaret. Quare haud immeritò illa nunquam defecturâ fides, à Driedone redigitur ad Ecclesiæ Catholicæ, aut ad peculiaris Ecclesiæ Romanæ fidem; quoniam Ecclesia Catholica & peculiaris Romana omnium Ecclesiarum caput, infideles esse non possint.

Sic igitur patet eum ab Adriani magistri sententiâ non recessisse, neque ab iis interpretationibus, quas ab antiquis glossis autoribusque depromptas, Petro Alliacenfi, ac Dionysio Carthusiensi aliisque probatas esse vidimus.

Dried. ib. Doct. Lov. art. j. p. 18. At enim existimavit, inquires, in Romanâ Sede hæcenus nullum sedisse hæresiarcham, qui docendo definierit aliquid fidei nostræ repugnans, neque hæresim ullam illinc sumpsisse initium.

At quod factum non sit hæcenus, ille quidem dicit; an continuò dixerit, nihil unquam tale evenire posse, demonstrandum tibi erat. Certè multa mala, quæ nondum evenierint, evenire posse Driedo confirmat. Neque enim dicit fidem in alicujus Romani Pontificis corde defecisse; sed dicit tamen expressè, ne id unquam fieret, Christum non fuisse pollicitum. Neque aut unquam factum esse, ut aliquis in eâ Sede contumaci animo hæresim docuerit, sed planè id fieri posse asserit; & tum nimirum, si contumax fuerit, deponendum esse, vel declarandum propter contumaciam ab Ecclesiâ fuisse depositum (mm), à tempore ex quo talia docere aut predicare cœperit. An

Dried. ib. cap. iv. fol. 240.

(mm) *Declarandum.... depositum.*] Driedo cum plerisque horum temporum Theologis, existimabat omnem hæreticum contumacem esse, ipso facto, de suâ dignitate dejectum autem

autem quod ille contumax crediderit, docuerit, prædicaverit, etiam pertinaciter sub anathematis pœnâ, quo nunc omnia redigunt, definire non possit, Driedo ne quæsit quidem: aded absonum & à Christi pollicitis alienum visum est.

At inquires, dixit totum id quod docuerit de diœcesi Romanâ indefectibili, Petri & successorum ejus privilegium esse. Certè & quidem maximum, quodd ei diœcesi præfecti sunt, quam nunquam à fide abrumpi posse arbitretur. Magna gregis dignitas, quæ in Pastorem redundet.

At enim, ea dignitas gregi convenit ratione Pastoris. Respondeo non ratione Pastoris hujus, vel illius, in cujus corde vel prædicatione fides deficere possit, teste Driedone, sed ratione *dignitatis pastoralis*, ut jam ipse dicebat: ratione *Primatus Petri* in eâ Ecclesiâ divinâ ordinatione collocati. Hinc enim efficitur, ut neque illa Ecclesia, neque Episcopatus ejus à fide penitus avellatur unquam, ne in eâ scilicet, unâ cum ipsâ fide Primatus intercidat.

Driedonem secuti sunt Lovanienfes alii, eodemque sensu commendârunt Petri non defecturam fidem, ut Judocus Ravestein Tiletanus, in doctrinâ Lovanensium relatus: qui sanè, quamquam Pontificiæ infallibilitati favebat, & Romanos Pontifices ab aliquot Historicis erroris incusatos, ab eâ notâ vindicandos putabat, non in eo tamen præcisè vim Cathedræ ac fidei Romanæ reponebat, sed in eo maximè, quodd *ut etiam concederetur, aliquos Pontifices Romanos privato errore laborasse, semper tamen ipsa fidei veritas in successione*, tanquam fidissimâ veritatis conservatrice, permanfisse verissimè diceretur; quandò errorem prædecessoris, succedens Pontifex continuò emendasset.

Doct. Lov.
art. j. pag.
13. 14.

Jocod. Rave-
stein. apol.
cont. Illir.
cap. x.

C A P U T XVI.

Articuli Lovaniensis Facultatis anni 1544. ex præcedente doctrinâ explicantur, & cum Parisiensibus anni 1542. conferuntur:
Cathedra Petri nunquam defectura.

HÆc certa & firma, atque à Driedone sunt præclarè explicata, ex quibus secuti Lovanienfes, articulos composuerunt eos, quos aliquot annis post Driedonem mortuum, anno videlicet 1544. die 6. Decembris, Carolo V. jubente, ediderunt.

tum, & sententiâ Synodi hoc præstari tantum, ut declararetur hæreticum fuisse depositum à tempore à quo capit esse contumax: unde sic concludebat: *Papa, si primum fuerit occultus hæreticus pertinax ad unum diem... deinde de hæresi resipiscens, mox pœniteat, seipsum debet depositum reputare & renuntiare Papatui; quia debet intelligere se jure divino fuisse privatam.* Tom. iv. de libert. Christ. cap. xiv. conf. ix. fol. 40. vers. Docent iidem Theologi peccare graviter eos hæreticos, qui sic ipso facto dejecti, ordinationes nihilominus, & alia prisci sui officii munia obeunt; valere tamen eas ordinationes. Quam doctrinam exponimus tantum. Hanc enim aut explicare aut confutare nostri non est instituti.

Tom. II. Append.

G

Art. Lov.
post tom.
iiij. D. ied.
p. 170. 171.

XXI. *Firmâ fide tenendum est, unam esse in terris veram atque Catholicam Christi Ecclesiam, eamque visibilem, quæ ab Apostolis fundata, in hanc usque nostram ætatem perdurans, retinet & suscipit quidquid de fide & religionis tradidit, tradit, & traditura est Cathedra Petri, super quam ita à Christo suo sponso est edificata, ut in iis quæ fidei sunt & religionis errare non possit.*

XXV. *Certâ fide tenenda sunt, non solum quæ in Scripturis expressè sunt tradita, sed etiam quæ per Traditionem Ecclesiæ Catholica credenda accepimus, & quæ definita sunt super fidei & morum negotiis, per Cathedram Petri, vel per Concilia generalia legitime congregata.*

Quid sit Cathedra Petri, Driedo exposuit: hoc est primo loco, Cathedra universalis illa, Ecclesia scilicet Catholica, Primatu Petri gaudens, in quâ nullo modo defecturam fidem, ut de fide absolutè; ac secundo loco, Cathedra particularis, seu diœcesis Romana, in quâ etiam, ut Romana est, non defecturam fidem, *piâ sanctâque fide atque ex fidei pietate* crederet.

Quare nec à Cathedræ quidem particularis illius, quæ nunc Romæ Deo autore constituta est, perpetuâ Traditione certoque & constanti dogmate aberrandum esse pervulgata jam erat sententia, quam tunc Lovanienſes ex hujus viri apud se & doctrinæ ac pietatis laude florentis sensu, in suos articulos tranſtulère.

Sic certâ fide tenendum esse docent, quod *Cathedra Petri*, Ecclesia universalis, Petro ut capiti adunata, definiat: articulo XXV. Quod autem ibidem disjunctivè dicunt, *Cathedram Petri, vel Concilia generalia*, nempe significant non esse necesse semper ab Ecclesiâ congregatâ, & Concilio generali judicium proferri; sed valere omnino quæcumque Ecclesia Catholica, universalis illa, & semper inconcussa Petri Cathedra protulerit, sive expressè per se, in Œcumenicâ Synodo pronuntians, sive autore Romano Pontifice, & in ejus decreta consentiens. Atque hoc certè erat quod aliis verbis, articuli Parisienses superiùs relati dixerant: nempe articulo XVIII. *Ecclesiam universalem errare non posse*: item articulo XXII. *Concilium generale Ecclesiam universalem representans errare non posse*; cujus quidem Ecclesiæ Catholicæ nomine, Parisienses, Petrum etiam qui caput sit, ejusque Cathedram comprehendunt; quemadmodum Lovanienſes Cathedræ Petri nomine universalem etiam Ecclesiam complectuntur, uti jam vidimus certissimis rationibus à Driedone esse confectum. Ita illud quòd Concilium universale, sive illud, quòd Cathedra Petri certò & absolutè errare non possit, unum idemque est, Ecclesia scilicet Catholica; quandoquidem Pontifici ex Traditione definienti, non desit Ecclesia consentiens, & rursùs Concilio judicanti adsit Pontifex, convocandi, agendi, decernendi autor, ex cujus utriusque complexu existat illud, sub quo captivari omnem intellectum oporteat, Spiritûs Sancti judicium.

Neque propterea Cathedram universalem Petri ab ejus Cathedrâ particulari, quæ nunc Christo providente Romæ est, ullo modo sejungimus; neque refugimus; imò complectimur quod iidem Lovanienſes de Cathedrâ singulari Petri credendum proponunt: nempe Ecclesiam ita *super eam à Christo esse fundatam, ut errare non possit*; cùm id profectò constet toti

Art. Lov.
xxj.

Ecclesiæ, hoc est, capiti & membris, fide & charitate connexis, à Christo esse promissum.

Suscipimus etiam cum Lovanienſibus *quidquid de fide & religione tradidit, tradit & traditura est Cathedra Petri*, etiam illa singularis, hoc est profectò, non quod unus fortè Pontifex; sed quod ipsa Pontificum successio & series & Ecclesiæ Romanæ Ecclesiarum matris, perpetua & constans & firma professio, pro certo fidei dogmate tenuerit, docuerit, prædicarit; cum jam professi simus eam seriem, ac successionem nunquam à fide abrumpendam; ac si quid unquam, quod absit, erroris irrepperit, Deo adjuvante, forè ut, vel Sedes Romana per se ipsa respuat, vel tota Ecclesia Catholica pro capite connixa restituat.

Ibid.

Sup. c. xv.

Hæc summatim & breviter, nondum ut planè explicemus, atque argumentis probemus; sed ut interim doceamus Parisiensis matris & Lovanienſis filiæ, ab initio ad postrema usque tempora, unam & cohærentem esse sententiam. Neque ambæ de Summo Pontifice diversa docent, cum & Parisienses docuerint, *unum esse jure divino Romanum Pontificem, cui omnes obedire tenentur*; & Lovanienſes jam relatis articulis hos quoque interponant.

XXIII. *Unus est Ecclesiæ Summus Pastor, cui omnes obedire tenentur, ad cuius iudicium controversiæ quæ super fide & religione existunt sunt referendæ.*

D'Arg.&c.
tom. i. p.
413. & post
tom. iij.
Dried. pag.
171. vers.

XXIV. *Summam hanc præposituram primus omnium gessit Sanctus Petrus, verus Christi in terris Vicarius, & totius familiæ ejus Pastor: post Petrum verò, ex Christi institutione, omnes deinceps Pontifices, Petri in Cathedrâ successores.*

Vides in articulis Lovanienſibus, cum Romanus Pontifex nominatur, ei attribui ut obediatur, & ad eum quæstiones fidei referantur, ut summam in Ecclesiâ præposituram gerat; quæ ab omnibus Catholicis admittuntur. Cum ad eam devenitur auctoritatem, quæ errare non possit, jam non ipsum Pontificem, sed *Cathedram Petri & generale Concilium* nominari: quæ quidem rectè an secùs distinguantur, nondum est disceptandi locus. Certè hîc distincta accuratè esse & à Joanne Driedone sumpta perspicuum est, atque hæc ad fidem Catholicam pertinentia, Lovanienſes æquè ac Parisienses meritò hæreticis opponenda esse censuerunt: haud ita veritati rei que Ecclesiasticæ consulturi, si opponerent ea quæ etiam inter Catholicos variare non ignorabant.

Neque abludebant aut ipse Driedo, aut reliqui Lovanienſes Magistri ab Adriani sui sententiâ, cujus apud ipsos tanta erat auctoritas. Dicturus enim Adrianus, etiam in fidei determinationibus, errare posse Pontificem, sic præfatus erat: *Si per Ecclesiam Romanam intelligatur caput ejus, putà Pontifex, certum est quòd possit errare: ne scilicet dicere videretur, in Ecclesiâ Romanâ sive universali, sive particulari statim defecturam fidem, si in Pontifice defecisset.*

Sup. cap.
xij.

Quòd si obstinatè volunt per articulos Lovanienſes damnatam esse doctrinam quæ Pontifici quoque infallibilitatem detraheret, ergò non modo Lutherum, aliosque hæreticos, quod sibi proposuerant, verùm etiam Adrianum VI. Jacobum Latomum, & Joannem Driedonem sui temporis viros

maximos, ac suæ scholæ lumina condemnârunt: gratissimum facturi Lutheranis, suæque censuræ elevaturi auctoritatem, quòd certa cum incertis æquè confudissent, & sanctissimorum virorum doctrinam cum infandâ hæresi unâ sententiâ reprobâssent.

Neque Ruardus Tapperus post illos articulos scribens, Joannem Driedonem in his damnatum approbâssent, cum ejus librorum editionem accuraret: neque postea Joannes Viggers, id quod jam audivimus, cum de Adriano VI. tractaremus, diceret, *ab aliquibus haberi de fide*, quòd Pontifex sit infallibilis: neque tam contemptum *aliquibus* tantum de fide esse diceret, quòd sua Facultas condemnatura Lutherum in suos articulos retulisset.

Vid. Doct. Eundem Viggerum postea audiemus de eâdem infallibilitate dicentem, Lov. art. j. *communiter* hanc teneri, & contrariam sententiam judicari *improbabilem*. Improbabilem verò tantum, quam sua Facultas unâ cum Lutheri erroribus proscripsisset? Nemo id sanus dixerit, adeòque Lovanienses aliò spectâsse, eò nempe quòd vidimus, quod & nos rationibus adstruximus necessariis.

CAPUT XVII.

JOANNIS DRIEDONIS *sententia de superioritate Papæ cum Parisiensi sententiâ congruit: horum reverentia in Summæ Pontificem: locus MAJORIS.*

PERIQUE eorum qui Papam Concilio anteponunt, sic agunt ut Parisienses non rejiciant, sed ut eos, summâ ipsâ secuti, verborum magnificentia vicisse videantur, ut illi inflatus tantum, nostri simplicius candidiusque dixerint. Id, in hac quæstione imprimis intellectu necessarium, vel unus Driedo maximè comprobabit. Atque is quidem primâ fronte à nostris vehementissimè discrepare videtur; quippe qui doceat Papam, *ex jure divino habere quòd à nemine possit judicari, aut condemnari, neque ullam communitatem esse cui subjiciatur, neque subjici Concilio ut superiori, & habenti sublimiorem potestatem supra ipsum.*

Dried. T. iv. de Libert. Christ. lib. j. c. ix. pag. 31.

At qui rem penitus inspexerit, facile comperiet Driedonem eorum esse numero, quos diximus à Parisiensibus abhorrire viros, summâ tamen ipsâ, atque aliis verbis cum ipsis consentire.

Idem. de script. &c. lib. iv. c. iv. fol. 240. vid. Doct. Lov. art. ij. pag. 72.

Et primum quidem docet Papam, *in causis fidei & Schismatis personam ejus tangentis* (nn), *subjici judicio universalis Ecclesiæ.... & si contumax fuerit deponendum; vel certe declarandum ab Ecclesiâ fuisse depositum*: quæ in idem recidunt. Ergò ex tribus casibus, quibus Parisienses Concilium Constantiense secuti, Papam Synodo subjiciunt, fidei, schismatis & re-

(nn) *Schismatis personam ejus tangentis.*] Loquitur hic Driedo de eo schismate, quod Paparum crearet multiplex electio, tum cum nosci non possent quis Papa esset, quis verò anti-Papa.

formationis generalis in capite & in membris, jam profectò in duobus, Driedone teste, Papa subjectus est. Nunc de tertio casu, reformationis scilicet, quid idem autor sentiat audiamus.

Ac statim quidem occurrit ille locus ab Anonymo Lovaniensi indignis mutilatus modis, quem nos integrum referemus: *Concilium generale, quamvis neque potest neque debet plenitudinem Papalis potestatis à Christo commissam Petro & successoribus ejus tollere, aut diminueri; sed de illâ gratias agere Deo qui dedit talem potestatem hominibus: potest tamen, pro edificatione Ecclesie, USUM ILLIUS POTESTATIS LIMITARE CERTIS LEGIBUS ET STATUTIS, quibus ipse Papa debet acquiescere, nimirum subiectus aequitati naturali ac divini juris.* Quæ sunt manifestè à Gerson sumpta. Sic enim ait Gerson: *Ecclesia vel generale Concilium, quamvis non potest tollere plenitudinem potestatis Papalis, à Christo supernaturaliter & misericorditer collatæ, potest tamen ejus USUM LIMITARE, CERTIS REGULIS ET LEGIBUS, in edificationem Ecclesie; & in hoc est totius Ecclesie reformationis stabile fundamentum.* Neque verò nostri quidquam aliud volunt, cùm Papam in negotio generalis reformationis subesse Concilio, ex Constantiensi Canone decernunt. Quare in reformationis casu, quod jam quærebamus, assentitur Driedo Parisiensibus, Pontificiam potestatem Conciliari potestate, limitari & temperari posse.

Atque hujus quidem loci primam partem, ea scilicet verba quæ Pontifici superioritatem omnimodam asserere videbantur, tanquam absolutè dicta essent, Anonymus protulit: sustulit verò ea, quæ *usum limitarent* atque temperarent, ut profectò pudeat Theologiæ Professore in allegandis Theologis tam infideliter esse versatum.

Neque minùs fallaciter alios Driedonis locos retulit. Gravis ea est quæstio, & à Canonistis in utramque partem pertractata, quibus causis Pontifex à Concilio generali judicari possit. Et quidem qui Pontificiæ potestati favere velle videntur, unam hæresis causam memorant propter quam Papa indubius ab Ecclesiâ judicetur. Hos Driedo sequi visus est, cùm dixerit, *Papam notoriè hæreticum, vel de hæresi suspectum & diffamatum judicari quidem posse; sed eo tantum casu, si videlicet sit notoriè hæreticus, vel de hæresi suspectus & diffamatus.* Quem locum Anonymus urget rectè; sed sequentia dissimulat: *Rationabiliter autem presumitur suspectus de hæresi, quando ipse adeò notoriè & incorrigibiliter scandalizat Ecclesiam, ut vita ejus sit Ecclesie tanquam exemplum, & doctrina hæresis, seu fidei prorsus à Christo aliena.*

Nec mirum hæc sensisse, secutum alios Canonistas multos, & glossam illam celebrem in caput, Si Papa: *Certè credo quòd si notorium est crimen quodcumque, & inde scandalisatur Ecclesia, & incorrigibilis sit, quod inde possit accusari: nam contumacia dicitur hæresis.*

Jam de indubitato Pontifice hæc Driedo dicit magnificis sanè verbis: *Ecclesia quandiu tenetur habere Papam, pro indubitato Papâ, debet ipsum ut Vicarium Christi, custodem suum & Pastorem nominare, & ipsum juxta Apostoli doctrinam, VELUT SENIOREM non increpare, sed obsecrare ut patrem, & honorare ut dominum: quæ quidem Anonymus statim arripuit, sed sequentia prætermisit: Nihilominus tamen hujusmodi Vicarius, Ecclesie sponsus si fuerit frigidus, maleficiatus, & adulter, adeoque sit ad generationem filio-*

Doct. Lov.
ib. Dried.
de Libert.
Christ lib.
j. cap. xiv.
conf. ix. fol.
40. vers.

Gers. T. j.
pag. 419.

Dried. loc.
cit. fol. 40.

Doct. Lov.
art. ij. pag.
72.

Dist. xl.
c. vj. Dried.
loc. cit.

I. Tim. v.
1.

rum spiritualium inhabilis, ut nihil sibi sit cura de sponsâ Ecclesiâ, potius generans filios spurios Satana, jam existimari potest de hæresi suspectus; atque ita rationabiliter Ecclesia potest dubitare, an persona illa sit indubitatus Papa, sicuti rationabiliter tum dubitare potest, an sit pertinax hæreticus.

Dried.
loc. cit.

Hæc Driedo: ex quibus infert, contra ejusmodi Papam valere ea omnia, quæ in Concilio Constantiensi contra dubios Pontifices scandalosos acta essent; atque hæc copiosissimè exequitur & probat, quæ lector, si tanti res est, ab ipso autore repetat.

Hæc postquam Driedo dixit, totum illud caput concludit his verbis: *Ex his diligenter consideratis perspicuum esse potest, quonam modo Concilium universalis Ecclesia est supra Papam, & è contrario Papa supra Concilium. Sic mutuo sese exsuperant, sed diverso respectu: quæ ita conciliantur, ut Pontifex in ordinario regimine, & ordinariis casibus, Concilium verò in extraordinariis, quæ à Driedone commemorata sunt, antecellat. Neque verò nostri, Cameracensis & Gerson & alii omnes aliter intelligunt. Unde Joannes Major noster Pontificem ait esse superiorem regulariter in ordinario regimine: Concilium autem casualiter certâ causâ, certis casibus; & addit: Hic modus cuilibet sapienti Pontifici debet esse gravior, licet dicamus Concilium esse casualiter super Pontificem & posse eum corrigere. Cum hoc enim dicimus Papam ex institutione Christi non esse deponibilem, nisi gravissimâ causâ; quæ vix ter contigit mille annis.*

Maj. de
aut. Conc.
sup. Pap.
&c. in app.
T. ij. Gers.
pag. 1139.
1140. &
tract. de
Eccl. ibid.
pag. 1145.

Cur autem isti casus tam rari prævidentur, an necessariâ ratione, an pravo animo, ac maledicendi libidine? Non jam à nostris, sed etiam à Driedone & aliis omnibus quærere te oportet. Respondebunt sanè Ecclesiam æternitatis suæ pariter atque infirmitatis humanæ consciam, Canones condidisse, quorum operâ, adversus insolitos etiam & extraordinarios casus certa remedia compararet: eò verò Canones Constantienses esse institutos, eosque à Driedone Lovanienfi ita esse intellectos, ut nemo Parisiensium graviora & fortiora dixerit.

Clerus verò Gallicanus ne ea quidem attigit; sed tantum Constantienses Canones asseruit tanquam disciplinæ Ecclesiasticæ & reformationis omnis certissimum ac necessarium fundamentum. Quare adeò Driedo nobis non est opponendus, qui aut nostra damnaverit, aut iis contraria sanxerit, ut potius eum ulterius quoque progressum esse videamus.

C A P U T XVIII.

Alii DRIEDONIS loci excutiuntur. Iterum de Cathedræ Petri autoritate, ex eodem scriptore.

EX his facile est reliqua intelligere quæ ex Driedone in hunc locum adducuntur.

Doct. Lov.
att. II. p. 72.
Dried. de

Obijcitur istud, quod decreta Constantiensia exponens, Concilii auctoritatem in Papam, ad hæresis vel schismatis casum redigere videatur. *Papa*, inquit,

*in causis fidei & Schismatis personam suam tangentis atque concernentis, subji-
citur judicio universalis Ecclesie. Quamobrem si ipse fieret hæreticus aut schis-
maticus, aut argumentis probabilibus de his suspectus esset, ab Ecclesiâ....
monendus.... judicandus.... deponendus.... vel depositus.... declarandus. Cui
loco addit Anonymus, sicut antè jam exposuerat libro de libertate Christia-
nâ: ne id quidem cogitans, librum de libertate Christianâ esse ultimum opus
Joannis Driedonis, cui componendo sit immortalis, ut vel præfatio testa-
tur. Id gravius quod sequentia tacet: Quamvis Primatus Papæ SUPER OM-
NES PARTICULARES ECCLESIAS sit constitutus jure divino, non hinc tamen
oportet consequens esse eundem Papam in causis propriis jus divinum concer-
nentibus, non esse subiectum potestati universalis Ecclesie. Ubi 1º. notandum
illud: Papæ Primatum jure divino constitutum, non super universalem Ec-
clesiam, sed super omnes particulares Ecclesias, quod ex Constantiensibus de-
ductum fontibus, Driedo ubique inculcat, ut legenti patebit. Tum illud:
Nihilò secius Papam esse judicandum ab universali Ecclesiâ, in causis propriis
jus divinum concernentibus. Quod quidem latiùs patet, quàm hæresis, vel
schisma, & jura tantùm positiva excipere videtur (o o). Quæ hîc generatim
dicta, Driedo in libris de libertate Christianâ fusiùs, postea uti vidimus, &
diligentiùs exequitur.*

script. &c.
lib. iv. cap.
iv. fol. 240.

Objicitur & locus hic: *Quemadmodum Romana Ecclesia, in quâ residet
Apostoli Petri successor, est omnibus Ecclesiis prælata, ad quam fidei magistram
& matrem, omnes majores totius Ecclesie causa recurrunt, sumentes terminum,
seu finem juxta sententiam ejusdem Ecclesie, cujus vis & potestas Ecclesiastica
est in Pontifice ejusdem Ecclesie; ita & Romana Ecclesia sententia prævalet
omnibus sententiis aliarum Ecclesiarum, à Romanâ Ecclesiâ discrepantium, par-
ticularium scilicet, uti mox audivimus ab ipso interpretatum, non autem
universalium etiam in Synodo collectarum. Neque tamen in omnibus casibus
ad Œcumenicam Synodum recurri necesse est: rectè enim ait Driedo, majores
etiam causas sumere terminum seu finem juxta sententiam ejusdem Ecclesie
Romane, regulariter scilicet & in ordinario regimine, in ordinariis casibus,
non certè in extraordinariis, ut jam vidimus, in libro de libertate Christianâ
ab hoc autore unâ cum Parisiensibus summo consensu fuisse traditum.*

Id. ibid.
Doct. Lov.
pag. 71.

In Romanâ etiam Ecclesiâ fidèi quæstiones haud secùs atque aliæ regu-
lariter finem accipiunt, cum sit plerùmque tanta consensio, ut ad Synodum
Œcumenicam non necessariò recurratur: quæ omnia ex antedictis clara &
aperta sunt, & in sequentibus clariùs elucescent.

Diximus etiam ita esse Ecclesiam Catholicam constitutam, ut in capite
suo, in Petri scilicet Cathedrâ singulari prævalere, & insidere non sinat
hæresim, quâ per contumax propositum à fide abrumpatur penitùs, adeo-


(o o) Jura tantùm positiva excipere videtur. Id ut intelligatur, sciendum est hoc ab om-
nibus ferè hujus ætatis Theologis ac Canonistis pro axiomate fuisse positum: iis legibus quæ
essent juris positivi Papam non teneri, proindeque eum, violatarum hujusmodi legum
quantumvis reum, non idcirco posse ad judicium vocari. Quo posito, multa, eaque ab-
surdæ concludebant, quibus supremum Papæ dominatum & ejus infallibilitatem statuere
conarentur, de quibus dicere nobis non est animus, cum jam hæc sint à D. BOSSUET toto
illo opere studiosissimè confutata. Hoc tantùm lectores admonitos volumus, ex illo axio-
mate, velut ex equo Trojano, manasse Ultramontanorum opiniones, cum falsissimas,
cum ab urdissimas.

que omnem Ecclesiam à certo & constanti Ecclesiæ Romanæ dogmate discrepantem à fide alienam & schismaticam esse.

Et quidem certum est, quod ait Driedo, Ecclesiæ Romanæ particularis illius *vim & potestatem Ecclesiasticam in suo Pontifice esse*. Neque enim Ecclesia Romana per se aut absolvit aut ligat; sed Pontifici Romano, Petri successori, id juris à Christo concessum est. Si tamen, quod absit, fides in Pontificis alicujus corde, aut etiam doctrinâ, prædicatione, decreto, vel ad contumaciam usque defecerit (quod ne fieret negat Driedo, uti vidimus, à Christo esse promissum) non propterea Ecclesia Romana vim suam ac potestatem amitteret; nihilo profectò magis quàm, Pontifice mortuo, amittit; cùm semper superfit in Ecclesiâ semen, quo vis illa excitetur, seu potius explicetur, & Ecclesia Romana mater Ecclesiarum neque à fide aberrumpatur, neque Primatu excidat.

Atque hæc erant quæ de Jacobo Latomo, & Joanne Driedone Lovaniensibus, pro lectoris expectatione, fortasse nimia, pro Lovaniensium articulorum intellectu, congrua, pro ipsius quæstionis summâ explicandâ & constituendo statu, necessaria diceremus. Quæ omnia, Deo dante, progressu orationis haud mediocriter illustranda, & confirmanda esse confidimus. De aliis Lovaniensibus ætate posterioribus, quæ ratio postulaverit, loco suo exponemus.





A P P E N D I X
AD DEFENSIONEM DECLARATIONIS
CLERI GALLICANI
D E
ECCLESIASTICA POTESTATE.

L I B E R S E C U N D U S.

Quòd DECLARATIO GALLICANA ab omni censurâ sit
immunis probatur ex Autoribus Parisiensium
sententiæ adversantibus.

C A P U T P R I M U M.

JOANNES À TURRECREMATÂ *Pontificiæ potestatis sub EUGENIO
IV. defensor præcipuus, in fidei quæstionibus Concilii autorita-
tem Papæ auctoritati anteponebat: communis erat tum illa sen-
tentia: Bulla, Deus novit, sub EUGENII nomine edita.*



IC quærimus an antiquiores Scholastici & Canonistæ qui
Conciliorum superioritati vehementissimè omnium adversan-
tur, à nobis omnino diversa senserint, & an in quibus dis-
sentiant, pari immodestiâ cum recentioribus sævierint? Eu-
genii IV. certè tempore, quo maxime efferbuit illa conten-
tio, è Fratrum Prædicatorum Ordine Joannes à Turrecre-
matâ (a) sacri Palatii Apostolici Magister extitit: acris ingenii vir, quem

(a) Joannes à Turrecrematâ] sive TORQUEMADO, sic dictus ab oppidulo veteris Castellæ
Tom. II. Append.

Turrec.
apol. seu
resp. ad Bas.
rom. xij.
Conc. pag.
1701.

Dist. xix.

Eugenius ipse unum Basileensibus vel maximè opposuit, & de se bene meritissimum evexit ad purpuram. Is ergò, cùm Papam Concilio superiorem vehementissimè assereret, tamen in apologiâ, sive responsione pro Eugenio IV. quam cum ipsis Basileensibus coram Pontifice tractans, ejusdem Pontificis jussu, vivâ voce primùm, deinde etiam scripto protulit, hæc habet: *Si talis casus contingeret, quòd Patres universi in Synodo universali convenientes unanimiter, aliquam definitionem fidei facerent, cui sola persona Papæ contradiceret, dicerem, quòd judicio Synodi standum esset & non persona Papæ. Judicium enim tantorum Patrum universalis unius Synodi, in materiâ fidei, meritò præferendum videtur judicio unius hominis: in quo casu optimè venit ista glossa in caput Anastasius XIX. quòd QUANDO DE FIDE AGITUR, PAPA TENETUR REQUIRERE CONCILIUM EPISCOPORUM; quòd intelligendum est quando casus est valde dubius, & Synodus convocari poterit, & tuac Synodus major est Papâ, non quidem potestate jurisdictionis, sed autoritate discretivi judicii & amplitudine cognitionis.*

Quid sit judicium discretivum, Canonistarum & Theologorum ejus avi sensu, facilè intelliget, qui apud ipsos passim legerit duplicem clavem (b), alteram discretionis ac scientiæ, quâ verum à falso discernitur, alteram, jurisdictionis ac potestatis, cùm aliquid pro potestate & sub pœnâ decernitur. Porro decretum illud, seu judicium juridicum, maximè in rebus fidei, discretivo judicio (c) niti constat. Neque enim quis de fide decernat aliud, quàm quod discretionem & scientiâ verum esse perspexerit. Quare Turrecremata certum erat, Concilii autoritatem, quocumque tandem nomine appellandam, Papæ autoritati omnino anteponendam esse.

Turr. ib.
pag. 1701.
1702.

Quid si Papa esset contumax? Nam id quoque prævidit. Audi quid post relata verba statim subdiderit: *Ubi autem id ita eveniret, inquit, quòd talibus quæ ad fidem pertinere tota Synodus, per aperitissima testimonia Sacra Scriptura aut Sanctorum Patrum doctrinam, unanimiter declararet, Papa acquiescere, OBEDIRE, & stare nollit, sed contumaciter contradiceret, talibus Torquemada, in quo natus est, scholasticâ subtilitate haud scio an parem habuerit. Ejus præreæ dicendi genus asperum est, seu potius ferreum ac penè barbarum. Erat in hodierno jure canonico non parùm versatus, in antiquâ Ecclesiæ disciplinâ & in doctrinâ Patrum non admodum doctus.*

(b) *Duplicem clavem.*] Ad S. Antoninum de eâ re fusè differentem Sum. Theol. part. iv. tit. xij. cap. xij. de errore Fraticellorum. Vid. etiam Jacobat. Pet. de Monte, Rosel. & fere omnes neotericos Canonistas.

(c) *Discretivo judicio, &c.*] Non decet virum Theologum omnino esse inexpertem harum argutiolarum, quibus illius avi Canonistæ & Theologi sua scripta obscurare amabant. Illos plebs admirari solet, eò quòd sententias, ex sese tenues & exiles, verbis ab usu communi remotioribus circumvestiunt & obnubilant, docti nimirum barbariem quamdam loquendi, non vim & pondus argumentorum. Satis equidem scio ipsam barbariem bona ingenia aliquando aluisse; sed neque hoc ignoro sæcula quædam fuisse, puta Turrecremata, S. Antonini & aliorum, subtilium dialecticorum adeo feracia, ut ab omnibus pene argumentum dicendi genus ipso bono ingenio satius haberetur; unde accidit, ut, cùm eorum temporum scripta plena sint subtilitatum atque adeò rerum inanum, difficile omnino sit excerpere ex his, si quid forte inest boni. Illud porro est observandum, illos scriptores tum maximè à simplicitate abhorre, cùm seipsos non intelligentes, alios suâ loquacitate veluti obruere & obrundere student. In illis autoribus, ea vulgo non saniora quæ illi dicunt simpliciter. Est enim simplicitas bonæ mentis, & ipsius veritatis quæsi nativus lepos. Quapropter ubi eos videas argutis oblitos, verborumque ambagibus irretitos, certum signum est non magnam re jacturam facturum, si eorum paginas rotas prætermiseris.

apertè ad fidem Catholicam pertinere declaratis, jam utpote hæreticus, subiectus veniret Concilio, sicut quilibet alius à fide devius. Vides apertissimè Papam in fidei quæstione à Synodi sententiâ contumaciter discrepantem; neque eò feciû à sanctâ Synodo, Papâ contradicente, supremo iudicio quæstionem definitam, & in Papam pro potestate animadversum, & Synodi stare sententiam. Hæc Turrecremata, cum is Pontificiæ autoritati, quanta excogitare posset maxima, à Christo attributa esse vellet, ipso Pontifice audiente & approbante, dixit, & jubente perscripsit.

Neque verò tum quisquam eâ de re ambigebat. Idem enim docet eâdem ætate Petrus de Monte (d), Episcopus Brixienfis, jurisconsultus nobilis, & Eugenianarum partium studiosissimus: nempe ubi agitur de fide & schismatis causâ, etiam indubium Pontificem à Synodo deponi posse, ac si contrariatur sententia Papæ sententiæ Concilii, potius standum esse sententiæ Concilii. Quin etiam edita est tum Eugenii IV. nomine, Bulla, *Deus novit*, à Turrecrematâ, ut videtur, dictata: adeò cum ejus scriptis, sensus, spiritus, ipsa denique verba conveniunt. Ibi, quantumcumque Pontificiam potestatem in immensum extollerent, sic tamen dicebant: *Si Papa vel Legatus ejusdem nolet disponere aliqua, contra Concilium affectaret; Papæ sententia, vel ejus Legati personam Pontificis representantis, non Concilii voluntas sequenda foret; cum super omnia Concilia Papa habeat potestatem; NISI FORTE QUÆ STATUENDA FORENT, CATHOLICAM FIDEM RESPICERENT, vel si non fierent, statum universalis Ecclesiæ principaliter perturbarent; quia tunc CONCILII SENTENTIA ESSET POTIUS ATTENDENDA.*

Petr. de
Mont. trac.
de Monar.
in app. ij.
Conc. Labb.
Bull. Eug.
IV. tom. xij.
Conc. pag.
537.

Ibid.

Video nunc plerisque eos qui Conciliis Pontifices anteponant, ita animatos esse, ut Pontificiam autoritatem, eam quæ Concilio antecellat, in fidei quæstionibus maximè eminere putent. At contrà Eugenii tempore, quo exarsit maximè illa de Conciliorum autoritate dissensio; cum Pontificem Synodo in omnibus anteferrent, generalia negotia, ac præcipuè fidei, excepta volebant: in iis Concilium prævalere, ut certum supponebant.

Qui tamen si rogarentur an propterea Concilio Papam subjicerent, (mirum & incredibile) præfractè negabant. Nam tunc *Synodum majorem esse Papâ, non potestate jurisdictionis, sed autoritate discretivi judicii, & amplitudine cognitionis* audivimus: & licet reverâ sit ipso Papâ minor, majorem tamen dici, sed diverso respectu; quòd Papa cum per hæresim à Papatu cadat, factus est omni fideli minor. Et alia hujusmodi ex anterioribus Canonistis & glossis, subtiliora quàm solidiora jactant. Quæ si ad fidem pertinere pugnantius velis, ac Pontificem re subiectum, & in ordinem à Synodo redactum, verbis tamen superiorem dici; næ tu ad minuta & levia, Christianæ doctrinæ gravitatem autoritatemque deducis.

Turr. ib.
pag. 1701.

(d) *Petrus de Monte*] Venerus, loco obscuro natus, plurimâ doctrinâ floruit. Charus fuit Eugenio IV. à quo factus est primùm Protonotarius Apostolicus, deinde an. 1442. Brixie Episcopus. Vid. Ital. sacr. tom. iv. pag. 754. Reperies in alterâ appendice Conc. Labb. tractatum Petri de Monte, de *Monarchiâ*.

CAPUT II.

Alii TURRECREMATÆ loci de Concilii potiori autoritate in materia fidei; quòdque Summus Pontifex erronea solenniter definire possit. De Pontificiâ infallibilitate ludibria & cavillationes.

HÆC quidem sunt, quibus Turrecremata cum Basileenfibus agens, superioritatem Pontificiam tuebatur. Nec minùs memoratu digna sunt, quæ jam Cardinalis edidit ingenti opere, cui titulus est, *Summa de Ecclesia*.

Turr. sum.
edit. Venet.
1560. fol.
352. vers.

Hic, libro III. capite LXIV. quæstionem proponit. *Cujus judicio standum sit, si in Concilio universali contingat Patres a Papa vel ejus Legato dissentire: quo loco varios casus ponit, sed hunc præcipuum, quo prædicta contrarietas sit in materia fidei nondum definita, sed quæ noviter per Concilium veniret definienda: Tunc, inquit, in tali casu ponitur ista conclusio, quod magis regulariter standum foret judicio Patrum totius Concilii, quam judicio Romani Pontificis.*

Miraris Turrecrematæ conclusionem: audi probationes, imprimis verò
 Ibid. fol. hanc, quòd ut *Bernardus* (e) dicit (Canonista quidam) quæ major superbia, 353.
 quam quòd unus homo toti congregationi judicium suum præferat, tanquam ipse solus habeat Spiritum Dei? Propter quod *Archidiaconus* (f) approbans glossam præfati capituli, *Anastasius*, dicit: periculosum esset fidei nostram committere arbitrio unius hominis. Hæc ait de Papâ, eo casu, quo materia fidei noviter definienda veniret per Concilium; quæ immane quantum discrepant ab iis quæ nunc jactari audimus: nempe quòd Papæ sententia totius Concilii sententiæ anteponenda sit, & quòd in Conciliis Œcumenicis Patres à Papâ habeant ut recta decident.

Doct. Lov.

Quod autem Turrecremata dixerat, Concilii sententiam anteponendam esse magis regulariter, sic explicat, quia, inquit, non esset impossibile, quòd quandoque unus homo & max. me Papa, multiplici respectu, in aliquâ materiâ melius sentiret cæteris omnibus. At profectò si crederet Papam, vel solum, in materiâ fidei, de quâ agit, esse infallibilem, & ab eo accipere Patres ut rectè decident, neque Papam conferre debuisset cum alio quovis, neque verò sic dicere: impossibile non est quòd Papa melius sentiat cæteris omnibus; sed è contra: impossibile est quin Papa melius sentiat quàm cæteri omnes, à quo quippe habent cæteri omnes ut recta decident.

Neque valet distinctio discretivi ac definitivi judicii. Planè enim quem

(e) *Bernardus*] Compostellæ, qui tertius numeratur decretalium collector, vixit xiiij. sæculo. Is de talium priores libros commentariis illustravit, quinque libris quæstiones addidit, ac præterea quorundam aliorum librorum autor ipse est.

(f) *Archidiaconus*] Bononiensis (Gud.) *Basius*, qui Gratiani Decretum commentatus est, vulgò allegatur sub eo nomine, *Archidiaconus*, ut *Joannes Antonius de S. GEORGE*, Præpositus Mediolanensis, ac deinde Cardinalis *Alexandrinus*, alter Decreti commentator sub illo nomine, *Præpositus*. V. d. Douj. Hist. Jur. Can. part. ij. cap. xxij.

neceſſe ſit in definitivo iudicio, eundem in diſcretivo quoque ſentire melius, neceſſe eſt. Cum niſi priùs *diſcreverit*, verumque à falſo ſubtiliſſimè ſeparaverit, vera definire non poſſit.

Pergit Turrecremata: *Quando talis controverſia in materia fidei orta eſſet inter Papam & Patres Concilii* (nempe de quâ non ita perſpicuum eſt utri melius ſentiant, nec omnino videtur impoſſibile unum melius ſentire cæteris, eſſi id quoque certò non conſtet) tunc, licet *universitas Patrum ſequenda eſſet*, utpote iudicio diſcretionis præeminentior & ſuperior, nihilominùs nihil videretur conciliariter concludendum, quouſque concorditer Papa & Patres in unam ſimul convenirent conſuſionem & ſententiam.

Id quidem omnino intelligi patet de dubiis ac maximè ambiguis. Nam ita dicentem audivimus: Quòd in iis quæ ad fidem pertinere TOTA SYNODUS, per apertiſſima teſtimonia Sacra Scriptura aut Sanctorum Patrum doctrinam, unanimiter declararet, Papa Concilio obedire teneretur, ac repugnans condemnandus, deponendusque eſſet.

Vid. ſup.
cap. j.

Utcumque eſt, qui in ſolâ conſenſione Pontificis cum Concilii Patribus vim certam definiendi reponit, & quandiù diſſentiunt, rem totam in ſuſpenſo eſſe decernit, rogo bonâ fide, ecquid de Pontificiâ infallibilitate cogitet? Niſi fortè infallibilem, ſecluſo Concilio, ſtatim, eo congregato, ſua infallibilitas deferit, vacatque tum illud: *Non deficiat fides tua*, &: *Confirma fratres tuos*; quæ quis ſanus dixerit?

Ac ne de Turrecremata ſententiâ ampliùs litigetur, quid in eodem opere dixerit, audiamus. Exponere agreditur detegendæ pertinaciæ viginti modos: quo loco ſic ait: *Decimus ſeptimus modus convincendi ſpecialiter Papam de pertinaciâ in hæreticâ pravitate eſt, ſi errorem deſinit ſolenniter, & à Chriſtianis aſſerit tanquam Catholicum eſſe tenendum*; quo quid eſt clarius?

Turr. I. iv.
part. ij. c.
xvj. fol. 388.

Hæc libro IV. docet connexa & apta cum iis quæ libro II. ſcripſerat: *Ad iſtam objectionem, cum arguitur de Papâ factò hæretico, & definiente pro hæreſi ſua, dupliciter reſpondetur: quidam enim volunt dicere, quòd caſus non eſt poſſibilis quoad hoc, quòd Papa poſſit definire hæreſim. Dicunt enim quòd in hoc caſu Deus non permitteret eum definire hæreſim, aut aliquid contra fidem, ſed cum prohiberet. Hæc ſibi ex aliorum mente objicit. At ipſe paulò poſt: Nobis autem aliter videtur dicendum. Ergò rejicit eos qui negant à Romano Pontifice, dictâ ſententiâ, hæreſim definiri poſſe.*

Id. lib. ij.
cap. cxij.
fol. 260.
mal. 278.

Quomodò autem hæc congruant cum iis quæ hoc loco & alibi paſſim inculcat: Sedem Apoſtolicam, atque etiam Romanum Pontificem in decretis fidei eſſe infallibilem, ſic explicat: *Nobis autem aliter videtur dicendum; videlicet quòd ratio illa non ſit ad propoſitum noſtrum; quia ſi Romanus Pontifex eſſiſſetur hæreticus, ipſo factò quo cadit à fidē Petri, cadit à cathedrâ & ſede Petri, & per conſequens, iudicium quod faceret talis hæreticus, non eſſet iudicium Apoſtolicæ Sedis; imò nec iudicium alicujus autoritatis eſſe dicendum aut momenti; quia cum per hæreſim cecidiſſet à pralatione, per conſequens autoritate iudicandi privatus eſſet.*

Eò autem proceſſit, ut diceret per occultam quoque ac tantum interiorē hæreſim, Papam ſtatim, ipſo factò, loco cadere, tanquam à Deo depoſitum. Quo quidem facilè tuetur id quod ſæpe dixerat: *Romani Pontificis*

Id. lib. iv.
cap. xvij.
xx. xx. &
p. ill. vid.

lib. ij. cap. *judicium, in iis quæ fidei sunt, errare non posse.* Non quia Romanus Pontifex, datâ sententiâ, errorem definire non possit, sed quòd definiendo, imò verò etiam credendo, definat esse Pontifex: quo jure omni Episcopo infallibilitatem facilè adscribemus, si cum eodem Turrecrematâ semel dicimus, qui prava credat & definiat, eum non jam Episcopum esse, ipso scilicet errore dejectum; imò fideles omnes hæreticos esse posse negabimus, cum hæresi fideles esse desinent.

Hæc quidem omnes, fat scio, vana & nugatoria esse dicent; sed habemus interim claram Turrecrematæ sententiâ, quòd Romanus Pontifex non modò errare in fide, sed etiam errorem, prolato judicio, solenniter definire possit. Cæterum haud me fugit, quàm parum sibi interdum constare videatur: nobis ipsa fluctuatio ac variatio sufficit. Certè Turrecrematæ perpendi operosius & conciliari dicta, tanti non est.

CAPUT III.

ANTONII DE ROSELLIS *ejusdem ævi Canonistæ* EUGENIANARUM *partium sententia.*

Anton. de
Ros. Mo-
nar. part. iij.
c. vij. Gold.
tom. j. pag.
252.

FLOREBAT per eandem ætatem Antonius de Rosellis (g) Aretinus, Consiliarius Pontificius ac Cæsareus, ejusdem ævi Canonista nobilis, Eugenianarum partium, qui tamen in libro de Monarchiâ hæc habet: *Credo quòd si Papa statueret contra fidem, vel bonum universalis Ecclesiæ, vel in casibus, in quibus sibi non licet, & in quibus Concilium est supra Papam, quòd, licet ab iis statutis non posset appellari, quòd saltem poterit in talibus querelari ad Concilium, & ad ipsum habere recursum, cum sit superius per supra dicta.* Tum: *Solius Papæ judicium submittitur judicio Concilii universalis in his casibus, in causâ fidei, schismatis, & ubi agitur de bono universalis Ecclesiæ; & ita postremò statuit diebus meis generale Constantiense Concilium.*

Ibid. cap.
xxvij. pag.
446.

Ibid. pag.
443.

Et ille quidem tradit: *Si Papa manibus propriis infinita homicidia commississet, à nullo posse judicari.* Item: *Si commississet millies simoniam.* Denique in uno casu hæreseos Papam à Concilio judicari posse dicit, reprehenditque Cardinalem Florentinum aliter sentientem; sed confestim addit: *Quod item est in omni delicto scandalizante Ecclesiam, ut Papa possit pro ipso à Concilio judicari, quando monitus, stat incorrigibilis, & in suâ obstinatione persistat. Nam talis contumacia dicitur hæresis;* quod quidem est à nostrorum sensu discrepare verbis, re ac sententiâ convenire.

(g) Antonius de Rosellis] Eugenii IV. in Concilio Basileensi strenuus defensor, se deinde addixit Imperatori, cui fuit à secretis. Dionysius SIMON Bibl. jur. can. & civ. dicit Rosellum, amaro in Pontificem animo propter denegatam sibi Cardinalatûs dignitatem, scripsisse tractatum de Monarchiâ. Quòd si ita est, ruit argumentum hîc à D. BOSSUET ex Rosellis testimonio depromptum. Sed ne ei Dionysio SIMON assentiamur id verat, quod Rosellis, quem is fingit in Pontifices malevolum, eo ipso in libro, Pontificiam auctoritatem supra omnem modum amplificat & exaggerat.

Cùmque apertè doceat à Papâ, etiam lato iudicio ac statuto edito, doceri posse hæresim, cogitur dicere ea verba, *ne deficiat fides tua*, referri non ad Pontificem ut privatam personam, non ad Pontificem etiam de fide decernentem, sed ad Ecclesiam: *Concilium, id est Ecclesia & collectio fidelium errare non potest. Nam oravit Redemptor noster pro Ecclesiâ, NE DEFICERET FIDES SUA, dum Christus dixit: EGO, PETRE, PRO TE ROGAVI, UT NON DEFICIAT FIDES TUA.*

Undè paulò antè dixerat: *Concilium Africanum.... non dimisit ista pericula decidenda Summo Pontifici soli; sed voluit Concilium generale adhiberi.* Et paulò pòst: *Nam ut dicit Archidiaconus, periculosum foret fidei causam unius hominis iudicio relinquere.* Non igitur excogitabat Papam solitariè decernentem, sed Papam cum Concilio, sive cum Ecclesiâ, pro. cuius fide oravit Christus, esse infallibilem.

Hæc scribebant sub Eugenio IV. flagrantibus dissidiis, qui ei erant addicissimi, ab eoque opibus ac dignitatibus augebantur.

Dionysium Carthusianum, Pontificiæ licèt potestatis studiosissimum, sub Nicolao V. Eugenii successore, eadem sensisse vidimus; ut communem eam fuisse sententiam certo certius sit.

CAPUT IV.

Sanctus ANTONINUS Archiepiscopus Florentinus, an bona fide relatus ab Anonymo autore, qui de libertatibus Gallicanis scripsit.

PER eadem ferè tempora floruit Sanctus Antoninus è Prædicatorum Ordine Archiepiscopus Florentinus, quem autor tractatûs *de libertatibus*, veluti præcipuum Pontificiæ potestatis atque infallibilitatis assertorem laudat. Et quidem nihil clarius videtur esse verbis illis, quæ idem Anonymus (h) profert: *Papa in his quæ pertinent ad fidem, errare non potest, scilicet ut Papa in determinando, etiamsi ut particularis & privata persona. Quem*

Antonin.
sum.Theol.
part. iv. tit.
viii. cap. iij.
parag. v.
p. 138. edit.
Ven. 1582.
& Anon. de
libert. lib.
vij. c. xiiij.
n. 11.

(h) *Anonymus*] ille est Antonius CHARLAS Conforanus, qui sub celeberrimo Episcopo D. CAULET Seminarium Pamiense rexerat, vir quidem plurimæ doctrinæ, sed nimium deditus scholasticis subtilitatibus, quibus fucum eis faciat, qui quæstiones, quas ipse tractat, prius non attigerunt. Tractatus quo libertates Gallicanas oppugnat totum implet in 4º non mediocris ponderis, sed, ut verum dicam, levis armaturæ. Nam in eo totus est CHARLAS ut argumenta Bellarmini iteret. Difficultates sic solvit, ut eas aut magnâ ex parte dissimulet, aut omnino prætermittat, aut vanis distinctiunculis extenuet ac declinet. In opinionibus absurdior, in mendaciis abundantior, in altercando commotior, in objurando Præsules Gallicanos dicacior, semper contumeliosior & maledicentior quàm virum doctum & gravem Theologum decet, imò quam Christianum. Multi cùm viderent hunc tractatum nonnullâ eruditione & colore quodam Theologico tinctum, primum sibi persuaserunt Daguirrei ferum esse; sed ubi senserunt autorem maledicum, acerbum, jurgiosum, irâ impotentem, facile intellexerunt, omnino alienum ab illis moribus candidissimum Daguirreum tale opus nunquam scripsisse. Vide toto hoc tractatu quid de libro D. CHARLAS senserit D. BOSSUET. Adâ etiam, si lubet, nostram præfat.

tamen locum cùm totum proferemus, liquidò apparebit nihil nocere nobis. Sed priùs Antonini universam doctrinam considerare placet.

Anton. p.
410. Primùm ergo, Summæ Tomo III. sive tertiâ parte titulo XXIII. de Conciliis universalibus capite I. sic ait : *Basileense Concilium congregatum prius canonicè, sed post dissolutionem ejus, seu mutationem, per Eugenium Papam IV. anno 1437. factum est Conciliabulum.* Ergo anteriora Basileensia ante hanc dissolutionem, sive potiùs translationem, pro canonicè actis habet Antoninus ; licèt in his actis Constantiensia decreta firmentur, ut suo loco videbimus.

Ibid. pag.
415. 416. Capitulo II. paragrapho 6. probandum suscipit, quòd *Concilia generalia non possint præfigere legem Papæ*, quo loco superiorem Conciliis Papæ potestatem videtur agnoscere. Sed addit : *In concernentibus fidem, Concilium est supra Papam* : ac paulò post : *Item dico quòd, in concernentibus universalem statum Ecclesiæ, non potest Papa disponere contra Statutum generalis Concilii, si statuendo decoloraretur status ipsius Ecclesiæ.* Hæc igitur sunt quæ restringant Antonini propositionem, quòd *Concilia generalia non possint præfigere legem Papæ.*

Eodem Capitulo, paragrapho 7. quærit *quando Concilium dicatur legitime congregatum.* Quo loco hæc habet : *Ubi Papa esset hæreticus, vel de hæresi suspectus ; tunc ad eum non spectare videtur potestas congregandi Concilium.* En ergò casus ab ipso Antonino admissus, quo Concilium sine Papâ non modò congregetur, sed etiam de fide judicet.

Ibid. pag.
417. Capitulo III. vehementissimè favere videtur potestati Papæ, ac probandum suscipit : *Quòd non liceat appellare à Pontifice Romano ad ipsius successorem vel generale Concilium, & quòd sentire quòd à Romano Pontifice possit ad quemcumque appellari, est hæreticum manifestè.* Interim ex antecedentibus constat obtemperandum non esse, si contra Concilii auctoritatem ea statueret, quibus *Ecclesiæ decoloraretur status.* Sic qui tanto studio appellare verant, rationem tamen ineunt, quâ decreta Pontificia in universalibus causis cassa habeantur.

Ibid. pag.
418. Ibidem, parapho 4. duas objectiones proponit ; 2^a. est ejusmodi : *Contingere posset, quòd Papa hæreticus esset, & vellet hæretica statuta condere ; quòd si contingeret, deficeret fides Petri, quia non esset qui in hoc casu posset resistere, nec teneretur Ecclesiæ hæreticis statatis ejus obedire. Videtur ergò in hoc casu saltem, licitum esse ad aliquem appellare. Ad illud dicendum sicut priùs, quòd licèt ut persona singularis ex motu proprio agens errare posset in fide, sicut scribitur de Leone, contra quem Hilarius Pictaviensis ad Concilium generale venit ; tamen utens consilio & requirens adjutorium universalis Ecclesiæ, Deo ordinante, qui dicit : EGO ROGAVI PRO TE, &c. non potest errare. Nec potest esse quòd universalis Ecclesiæ accipiat aliquid tanquam Catholicum, quòd est hæreticum, quia Ecclesiæ universalis, quæ est sponsa, & erit semper, & est non habens maculam neque rugam.* En secundùm Antoninum, quid sit Pontificem errare posse in fide, ut personam singularem. Non enim hîc intelligendus est Pontifex publicum & Apostolicum officium exequens, quod nunc volunt, sed Pontifex ex motu proprio agens. Quid sit autem Pontifex agens ut Pontifex, idem Antoninus exponit ; nempe ut sit Pontifex utens consilio

consilio & requirens adiutorium universalis Ecclesiæ, cujus proinde sententiam Ecclesia universalis accipiat. Quo sensu omnes cum Antonino profitemur Pontificem, ut Pontificem, errare non posse, atque omnino constat in eo esse vim, secundum Antoninum, quod Ecclesia universalis errare non possit, atque ut sponsa semper sit, non habens maculam neque rugam.

Id ipsum liquidò constat Summæ IV. parte titulo XII. capite IV. de errore Fraticellorum, paragrapho 28. quo loco Fraticellis Joannis XXII. decretalem ut hæreticam, & Nicolai III. decretis contrariam insimulantibus sic respondet: *Sed ipsi pessimi homines sunt, hæretici veri, quia asserunt contra determinationem Catholicam factam per Ecclesiam & Joannem XXII. & omnes successores ejus, veros Catholicos Summos Pontifices, & omnes alios Prelatos Ecclesiæ & Doctores utriusque (juris scilicet) & Magistros plurimos in Theologiam cujuscunque Religionis, acceptatam, examinatum, & approbatam ut verissimam.* Quo loco demonstrat quod si verum Apostolicum & jam irreformabile Pontificium judicium; nempe illud, quod à Papâ prolatum, ab universali Ecclesiâ acceptatum, examinatum, approbatumque sit. Sic ergò ex Antonini mente, Pontifex docens, ut Pontifex atque ut persona publica, five, ut nunc loquuntur, *ex Cathedrà*, est Pontifex, ut vidimus utens consilio & adiutorio universalis Ecclesiæ, quæ errare non potest; atque ex ejus sententiâ ita pronuntians, ut ejus sententiam acceptatam & examinatum, ipsa Ecclesia approbet: quod est certissimum.

Ex his clarè patet, quo sensu dixerit Papam errare non posse *ut Papam*, etiamsi errare possit *ut particularis & privata persona*. Quem locum Anonymus non tantopere venditasset, si quid esset Papa, ut Papa, quid Papa ut persona particularis & privata ex aliis Sancti Antonini locis scrutari voluisset.

Quin etiam eum locum, quem affert non legit integrum: sic autem habet parte IV. titulo VIII. capite III. paragrapho 5. *Fides universalis Ecclesiæ non potest deficere, dicente Domino Petro, EGO PRO TE ROGAVI; & quantum quidem ad personam Petri intelligitur de defectu finali, ut scilicet, quod non periret persistendo in negationis peccato: quantum autem ad Ecclesiam, quæ intelligitur in fide Petri simpliciter verum, quia non potest Ecclesiæ fides deficere. Ratio quare Ecclesiæ fides in generali deficere non potest est, quia divinâ Providentiâ Ecclesia regitur, scilicet à Spiritu Sancto eam dirigente ut non erret, & licet Papa in particulari errare possit, ut in judicialibus, in quibus proceditur per informationem; aliàs in his quæ pertinent ad fidem errare non potest, scilicet ut Papa in determinando, etiamsi ut particularis & privata persona (possit).*

Quæ cum antè dictis mirè congruunt, patetque Ecclesiam eam esse, quæ directâ à Spiritu Sancto errare non possit; Papam ex Ecclesiæ nomine & sensu pronuntiantem, errare non posse. Quod autem ex Ecclesiæ sensu pronuntiaverit, certum & ultimum argumentum esse, si Ecclesia Papæ sententiam examinatum acceptet & approbet.

Jam quod Antoninus ait in prædicto paragrapho 4. capite III. titulo XXIII. tertiæ partis, nequidem à Papâ hæretico appellari posse, nihil habet difficultatis. Hujus enim rei causa est, ut ait Antoninus, quod alioquin Eccle-

sua satis per se valet, ut non teneatur hæreticis ejus statuti obedire. Quæ docent in his omnibus, quæ adversus appellationes à Papâ, tanto conatu agunt, de verbis potiùs quàm de ipsâ re agi, atque Antoninum summâ ipsâ nobiscum consentire. Jam quod de Leone & Hilario Pictaviensi scribit, Lector eruditus viro sanctissimo condonabit (i), atque horum temporum inficiam & ἀνιστορίαν agnosceret.

CAPUT V.

THOMAS A VIO, *Cardinalis CAJETANUS Pontificiam infallibilitatem asserit, nullâ in adversarios censuræ notâ: primus omnium docuit erroneam esse sententiam quæ superioritatem Concilio assignet, cui repugnat TURRECREMATA & CAJETANI tempore DOMINICUS JACOBATIUS Cardinalis.*

Cajetan.
in 2. 2. S.
Thom. 9.
j. art. x.

AT initio anteaacti sæculi Thomas à Vio Cajetanus (k) ex Prædicatorum Ordine, vir acris ingenii, argumentandi arte magis, quod apud omnes constat, quàm Ecclesiasticæ antiquitatis scientiâ pollens, Pontificiæ superioritatis acerrimus propugnator, atque ad Cardinalatum evectus fuit; quo Duce hæc sententia incrementum aliquod sumpsisse visa est. Atque is Pontificiam quidem infallibilitatem asseruit, sed nullâ unquam quod sciam, adhibita censuræ notâ. In Summam Sancti Thomæ, hæc ejus est conclusio: *Determinare finaliter quæ fidei sunt, pertinet ad auctoritatem Summi Pontificis, hoc quidam non admittunt.* Planè eo more modoque, quo dissentientes scholasticorum opiniones refert. Hæc de eâ quæstionis parte quæ jam gravissima habetur.

(i) *Lector.... condonabit.*] Veniam pro Antonino precatur D. BOSSERT, quamquàm mirum sit hæc tam obvia Antonino, historię tripartitæ sanè longæ auctori, fuisse ignota. Nos autem hic pauca delibabimus de utriusque Hilarii historiâ. Pictaviensis Hilarius, qui è vivis excefferat an. circiter 80, antequàm Leo Apostolicam sedem conscenderet, describit fragm. vj. pag. 1336. edit. Bened. eam epistolam, quâ Liberius, jam Arianâ societate pollutus, Arianorum Episcoporum opem apud Imperatorem implorabat, quò ipse ab exilio revocaretur & in pristinam sedem restitueretur; quam epistolam ter Hilarius interpolat anathematibus à Liberio. Illa anathemata non ab ipso Hilario scripta, sed à nesci quo hic addita multi suspicantur. De quâ controversiâ consule D. DE TILLEMONT & P. Bened. Quod autem spectat Hilarium Arelatensem, hunc Leo communionis suæ alienum declaravit, & Metropolitica in Viennensem provinciam jurisdictione privavit, insuper vetuit ne ordinationi cujusquam Episcopi interesset. Vid. D. DE TILLEMONT tom. xv. p. 80. Tam severe, ne dicam, tam iniquæ sententiæ, nihil præter pacificas lusingas & patientiam Hilarius opposuit. Caterùm nunquam Leo erroris est postulatus; nunquam alteruter Hilarius contra Leonem aut Liberium ad Concilium generale venit: nunquam denique Concilium generale celebratum est contra Leonem, aut contra Liberium.

(k) *Thomas à Vio, Cajetanus*] dictus, ab urbe Neapolitani regni Caietâ, in quâ natus est, primus auctor fuit Julio ij. ut Lateranensè Concilium indiceret, sicque obviam irer Imperatori & Regi Gallorum, qui, convocatâ à Cardinalibus generali Synodo Pisânâ, ipsi Julio non parum nociuri videbantur. Pro quâ mercede à Leone X. Julii proximo successore ad Cardinalatum evectus est Cajetanus. Is securis Pontificibus charus, quorum omnia jura, inania etiam & falsa, acriter defendebat, ab illis sæpe in Legationem missus est, & maximis rebus præpositus.

Quoad superioritatem asperior. Parisiensium sententiam *erroneam* iudicabat; sed neque ipse satis unquam se expedire visus; neque ita censuerant, quod sciam, qui ante eum scripserant; neque ejusdem ætatis scriptores sequebantur. Certè Turrecremata, quo tempore maximè contentio ferebuit, cùm de Pontificiâ superioritate diceret, adversam sententiam *erroris & impietatis* accusabat; non tamen absolute, sed ad eum præcisè sensum, qui cum Basileenfibus controversus esset: *Juxta intelligentiam*, ait, *quam de eo prædicant verbis & factis Basileenses, secundum quam prosecutus sum responsionem istam*. Et rursus: *Ad illam intelligentiam, quam Basileenses verbis factisque prædicant*; quod semper inculcat. Non ergò absolute damnabat erroris, sed ad sensum Basileensium, qui Conciliarem superioritatem extendebant, ad Concilii translationem irritandam, & suam sententiam fide Catholicâ certam esse definiebant, & contrariam hæresim judicabant, & Eugenium IV. eâ causâ deponebant; quod quidem Turrecrematæ videbatur *presumptio maxima, & execrabilis temeritas, tali intelligentiâ datâ, definire decretum illud* (Constantienfè scilicet) *veritatem esse Catholica fidei*. Ergò Turrecremata rem ipsam quidem, pro suâ sententiâ refellit; at interim non rem, sed rei asserendæ modum, præsumptionis, erroris, impietatis accusat. Sic Cajetani antecessores in ipso contentionis articulo se gerebant.

Turr.apol.
adv. Bas.
tom. xiiij.
Conc. pag.
1709. 1712.

Quod attinet ad eos qui eâdem ætate scriberent; eâ certè ætate ac sub Leone X. & doctrinâ & gratiâ & autoritate florebat Dominicus Jacobatius Cardinalis, is quem summis rebus eo tempore præfectum, & à Summo Pontifice profecto Boloniam, ut cum Francisco I. de pace ageret, Romæ Vicarium relictum esse comperimus. Is autem de Concilio ingens opus conscripsit, quod Christophorus Jacobatius*, item Cardinalis, jam indicto Concilio Tridentino Paulo III. inscripsit; placitura procul dubio, certè haud improbanda Pontifici suæ dignitatis retinentissimo oblaturus. Atque hic quidem scriptor Pontificiam superioritatem pro virili, factis argumentis, & undique conquisitis autoritatibus propugnat; sed diversam opinionem refert ut probabilem, nedum censurâ premat. *Probabiliter*, inquit, *videtur argui, quòd claves fuerunt datæ Ecclesiæ*. Hæc aliorum sententiâ est; suam anteponit sic: *Non teneo quòd plenitudo potestatis non sit in solo Papâ, sed in Ecclesiâ tanquam in fundamento, & in Papâ tanquam in principali ministro*. En quantâ modestiâ cardinem ipsum difficultatis attingit. Non averfatur, non horret. Tantùm, inquit, *non teneo*; cùm aliam sententiam probabilem diceret, & suum illud *fortè*, & *videtur*, semper inculcat. Sic duas sententias discrepantes, ut Catholicas refert; Gersonem, Cameracensem, Florentinum, Panormitanum, æquè cum Felino (1) Brixienfè, & aliis suæ sententiæ asseclis laudat; & id alii quoque passim præstant: adeò tum odia obsoleverant, & diversas inter sententias pax Christiana coaluerat (m).

* Prioris Jacobatii fratris filius.

Jacob. de
Conc. lib. v.
p. 201. in ij.
app. Conc.
Labbe.
Id. lib. iv.
pag. 143.

(1) *Felino*. Is operi Petri de Monte, de *Monarchiâ* multa addidit, quæ reperies in edit. à Philippo Labbeo adornatâ. Vid. Labbe. alteram append. Conc.

(m) *Coaluerat*.] Jacobatii æquitas maxime enitescit lib. x. in quo hanc quæstionem tractandam suscipit: *Utrum Papæ an Concilii potior sit autoritas*. Quamquam pro Papæ potiori autoritate stet, tamen, ne semel quidem, in adversæ sententiæ defensores acerbus est. Utinam sic pacificè omnes in Ecclesiâ disceptarentur controversiæ, tunc profectò utiliores & Christianis digniores! Sed fit plerumque ut qui causâ cadunt, cùm argumenta defint, censuris saltem in adversarios temerè jactis, sese defendere videantur.

CAPUT VI.

*Idem JACOBATIUS Cardinalis Pontificiæ superioritatis assertor,
in infallibilitatis questione quid sentiat.*

Id. lib. vj.
pag. 238.

Ibid. pag.
240.

Ibid. &
pag. 329.

Ibid.

Ib. lib. ix.
pag. 389.

Ibid. pag.
390.

QUANQUAM autem Jacobatius Pontificiæ superioritati omnino favebat, hæc tamen docuit, de fidei quæstionibus: *Si sumus in causâ fidei, & Papa vult aliquid statuere contra fidem, standum est potius sententiæ Concilii.* Et alibi pro certo supponit, quòd, *quando Papa est hæreticus, potest accusari & declarari depositus, quòd fieri non posset, si in iis staretur sententiæ ejus, potius quàm totius Concilii, quia semper se tueretur ex suâ sententiâ.* Papam pro potestate agentem videmus, qui se contra Concilium suâ sententiâ tueatur; ac pro hæresi contra Concilium dicat sententiam, ab ipso Concilio dissolvendam. Item alio loco: *Si loquimur in causâ fidei, super articulo emergenti nondum definito, & loquimur in judicio discretivo, in dubio videretur regulariter potius standum judicio universalis Concilii contra Papam solum contrarium sentientem; & laudat sententiam Archidiaconi nobilis Jurisconsulti dicentis: Quòd periculosum esset fidem nostram committere arbitrio unius hominis.* Alios quoque Doctores nominat idem sentientes, quia, inquit, *in his quæ concernunt fidem, Papa debet stare judicio Concilii.*

Quo loco & id docet, quamquam *in dubiis fidem concernentibus*, plenius ac certiùs Sancti Spiritus lumen Concilio affulgeat; tamen *in arduo ac maximo* dubio, decisionem Concilii à Papâ posse suspendi. Suspendi certè, non tamen contra Concilii sententiam aliquid definiri, quod procul dubio infallibili conveniret. Cæterum idem Cardinalis, si res certa claraque Patribus, & sacro Concilio videatur, nullo modo dubitat, quin statim quæstio decidatur, & Papa reluctans à Concilio deponatur: *Alioquin, inquit, videretur sequi unum magnum inconveniens, quòd Papa esset hæreticus, & non posset propter hæresim à Papatu amoveri, si ipse nollet in se ipsum sententiam ferre.*

Quod quidem valere contendit de quâcumque agatur hæresi, sive illa jam damnata sit, sive non; cum hoc tamen discrimine, quòd Papa professus obstinatè jam damnatam hæresim, statim depositus declaretur. *Si verò, inquit, lapsus est in hæresim nondum damnatam, & est in Papatu, quia nondum judicatum est per Concilium de crimine, tunc nullus eum judicat, nec potest in eum sententiam ferre (n), quia non habet superiorem; & cum ipse sit caput Concilii, non judicatur à Concilio. Sed si postquam Concilium cognovit de crimine, & judicavit esse hæresim, non respiscit, tunc dicet illi: te ipsum*

(n) *Sententiam ferre.*] Pleique tunc temporis Canonistæ credebant Papam sui ipsius unicuique iudicem, a Papatu nullo Ecclesiæ decreto amoveri unquam posse: unde concludebant Papam etiam hæreticum tolerandum fore, nisi ipse *in se sententiam ferret.* Jacobatius, qui negat Ecclesiæ jus esse amovendi Papam, ne dicere cogatur tolerandum eum esse, hæreticum licet, qui *in se sententiam ferre* nollet, addit, quod non minus absurdum falsumque est, Ecclesiæ esse declarare talem Papam à Deo jam amotum fuisse. Hanc doctrinam ubique inculcat Jacobatius.

cre tuo judica. Quod si facere noluerit, Concilium eum declarabit hæreticum & depositum, ut supra dictum est.

Statum quæstionis adverte: agitur de articulo fidei nondum declarato: eam doctrinam tuetur Pontifex: quæ hæresis accusetur: eâ de re Synodus convocata est: adest Papa, & quidem repugnans Patribus: at illi, invito eo, de qualitate, ut aiunt, criminis judicant, & veram hæresim esse declarant, & tenet Concilii sententia; eoque res recidit, ut Papa, Concilio repugnans, quàm honorificentissimo ritu deponatur. Inclament censores nostri, non id posse fieri, imò *habere Patres a Papâ ut recta decident, & solius Pontificis judicium, unanimi totius Synodi suffragio esse potentius ac prævalere*; ac nisi id credatur, *de Pontificis Primatu, de fide actum esse*. At contrarium scribunt duo Cardinales; at Romæ; at ad Paulum III. at horum opus à duobus Jesuitis, Philippo Labbeo & Gabriele Cossartio, quos honoris causâ nomino, in ipsâ Conciliorum editione novissimâ publicatur. Duo Cardinales Pontificiæ majestatis strenui defensores, ei à Patribus abundè satisfactum putant, si Patres multa præfati, multaque adhortati Papam ejiciant.

Doct. Lov.
art. j. pag.
i. 54.

Hæc quidem Jacobatius emollire velle videtur, quòd Patres id faciant, non *ordinando*, sed *exequendo*; quod tamen plus esse quàm ordinare idem docet. Unde, inquit, *virtualiter magis est sententia executionis quàm pronuntiationis, quia modicum refert hoc casu, utrum Concilium provideat ut Cardinales ab eo recedant, & alium eligant, & ipsum tradant curiæ seculari, an pronuntiet & exequatur; quia exequendo plus facit in effectu quàm pronuntiando.*

Jacob. lib.
ix. p. 389.

Hæc quidem efficiunt ut, Canonistarum quoque sententiâ, vel eorum qui Romano Pontifici vel maximè favere velle videantur, nostræ sententiæ summa in tuto sit; cùm ii quidem nobiscum de re consentiant, de eo uno laborent, ut subjectionis in Papâ, ac potestatis in Concilio nomine amputato, ipsa res maneat: quod quidem, ut non præfractè refugimus, ita in his minutiis rem Theologicam collocandam minimè confitemur.

C A P U T VII.

De fide PETRI nunquam defecturâ, ejusdem Cardinalis loci.

EX his Jacobatii sententiis facilè intelligi potest, quid de Pontificiâ infallibilitate senserit. Licet enim & eam sententiam aliquando referat, & in eam interim perpendere videatur, nihil tamen disertè asserit (o). Et

(o) *Nihil diserte asserit.*] Pace D. Bossuët dixerim, Jacobatium mihi visum Pontificiæ infallibilitatis assertorem disertissimum, qui non modo dicit, *Papam vel tollere Constitutionem, FREQUENS, in Concilio Constantiensi editam: item, Papam Constitutionem antiquam à Concilio editam, & novam edere, fortè sibi favorabili, Pontificibus pro tempore: atque iterum: Si (Papa) de nudâ voluntate & potestatis ista statueret, se credere servandam fore sententiam Papæ; sed etiam millies iterat non simile Papam posse errare.* Itaque verba in textu allegata hoc mihi tantum persuasit Jacobatium incertum & varium fluctuasse. Nec mirum. Qui enim inter Ultra-

Id. lib. vj. pag. 239. quidem id docet: Papæ, qui *Ecclesia caput est*, *versimiliter magis assistere Spiritum Sanctum, ex quo assumpsit eum in Vicarium*. En quàm modestè dixerit *versimiliter*, sed cùm sit incerta res, Concilii sententiam meritò antepōnit.

Lib. ix. p. 421. Quin etiam eum locum *Rogavi pro te, ut non deficiat fides tua*; ad glossæ suprà relatæ sensum passim interpretatur, & ad Ecclesiæ fidem referre solet. *Ecclesia*, inquit, *non potest errare quia Christus oravit pro eâ ne deficeret*. Alibi: *Ex crimine scandaloso Papæ non perit universalis Ecclesia, quæ nunquam potest errare, & pro quâ Christus oravit*. Item: *Ecclesia semper eadem, & illibata fide tenet, quæ non potest errare, ut ibi dicitur dicente Salvatore nostro: EGO PRO TE ROGAVI, UT NON DEFICIAT FIDES TUA*.

Lib. vj. p. 242. Atque ex eâdem glossâ fidem intelligit eam, quâ intus quoque credamus: unde probat nunquam deficere posse fidem Petri, pro quâ Christus rogavit; quia semper remanet, & si non in Petro, sed tamen in aliis, ea fides, putâ in B. Virgine tempore Passionis Dominicæ, ut ostenderetur, inquit, quod non possêt deficere fides, pro quâ Christus oravit. Quo exemplo scriptores posterioris ævi frequenter utuntur, non quod velint fidem in aliis omnibus penitus defecisse, sed ut designent eam in quâ non defecisse certissimum sit.

Ibid. pag. 238. Probat etiam Jacobatius sententiam ea verba interpretantium *de fide Petri*, id est, *de fide Ecclesiæ ei specialiter commissæ*, Romanæ scilicet, quàm superiùs explicantem Driedonem audimus; atque his interpretationibus contrariæ nobis sententiæ fundamenta convelli vidimus.

CAPUT VIII.

BELLARMINI iudicium: ab illo Concilii Lateranensis autoritas trepidè profertur de sententiâ superioritatem Synodis vindicante: ejusdem censuræ titubantes.

Lib. lib. ij. de Conc. aut. c. xvij. NUNC Bellarminus prodeat, unus omnium nobis infensissimus, quem etiam recentiores vel maximè secuti sunt. Duplex quæstio est, an Papa superior, an infallibilis. Bellarminus de primâ sic: *Summus Pontifex simpliciter & absolutè est supra universalem Ecclesiam, & supra Concilium generale, ita ut nullum in terris supra se iudicium agnoscat. Hæc etiam est ferè de fide*. Quid hoc monstri est? Quod est ferè de fide, totum de fide non est.

Placet enim analytico ordine, & subtili enucleatione resolvere ad sua principia illud, ferè de fide. Vel enim ad primam Dei revelationem refert, vel ad Ecclesiæ consequentem declarationem, ut sensus sit, ferè de fide, quod Deus ferè revelaverit, vel ferè de fide, quod ferè Ecclesia definiverit. At-

Doctiores sunt, nonnunquam incerti & mutabiles, à se ipsis discrepant, &, nescio quo naturali impulsu, veritati adstipulantur. Aded difficile est errorem æqualiter & perpetuò defendere. Constantia & stabilitas unius veritatis laus est.

quî quod neque Deus planè revelaverit neque Ecclesia planè definiverit, nullo modo de fide esse constat: neque enim ex parte fides, sed ex toto plenoque & perfectò est.

Vel aliquem demonstra, non modò ex antiquitate illâ gravi & sobriâ, aut ex Theologicis Falcutatibus doctis illis celebratisque, sed etiam ex recentioribus privatisque Doctoribus alicujus nominis, qui, ante te, censuræ loco usurpârît illud tuum, *ferè de fide*. Hoc quidem probat condemnandi animum inesse, non causam.

Ut autem intelligamus quid sit illud, *ferè de fide*, videamus oportet quid maximè Bellarminus urgeat; nempe Concilii Lateranensis sub Leone X. decretum, ubi dicitur: *Romanum Pontificem super omnia Concilia auctoritatem habere*. Quæ ubi protulit Bellarminus, hæc subdit: *Ad hunc locum (Concilii Lateranensis) nihil potest responderi, nisi, vel non fuisse Concilium generale, vel non fuisse ab Ecclesiâ receptum, vel non definivisse hoc tanquam de fide*.

Has tres propositiones sigillatim probat. Sic primam: *Sed non fuisse generale vix dici potest*. O certam auctoritatem & ineluctabilem! ô claram decisionem firmamque censuram! *Ferè de fide: & vix dici potest*.

Secundam responsionem, an fuerit receptum Concilium illud, nihil moror. Si enim constaret & verè esse Œcumenicum, & rem definivisse tanquam de fide, omnino recipiendum esset. Sed jam Œcumenicum fuisse, ipso Bellarmino teste, non constat.

De tertio quid dicat audiamus: *Quod Concilium hoc rem istam non definierit propriè, ut decretum fide Catholicâ tenendum, dubium est*. Deus immortalis! Hoccine erat, cur nunc perdita omnia conclamarent?

Pergit porrò: *Et ideo non sunt propriè hæretici qui contrarium sentiunt, sed à temeritate magnâ excusari non possunt*. De temeritate postea videbimus, interim à graviore censurâ, ab hæresi, ab errore, ipso Bellarmino iudice, absoluti sumus, nostraque omnino fides, quidquid vociferentur, in tuto est.

Quid autem illud est, *propriè hæretici*, certè, si rem æquo animo disceptaret, nullo modo hæreticos pronuntiaret; cùm nec ipse quidem affirmare ausit à Leone X. rem esse definitam tanquam de fide; sed nimium pigebat absolvere, quos apertè condemnare non poterat.

Jam verò videamus, *vix* illud Bellarmini quid sit. Lateranense Concilium sub Leone X. *non fuisse generale vix dici potest*. Quid ita? *Nam etsi fuerunt*, inquit, *Episcopi paucissimi (nam ad centum non pervenerunt) tamen Concilium patebat omnibus, & omnes vocati fuerant*. Quid tum? Cùm, præter Italos, vix ulli convenirent, Galli universi apertissimè repugnarent. Et quidem vocati Romam; sed à quo? A Julio II. (p) hoste infensissimo, flagrantibus non modò simultatibus, sed etiam bellis, ac postea à Leone X.

(p) A Julio II.] Julianus Ruverus, qui Galliæ amicitiam diu coluerat illi bellum indixit, stat in atque artibus, largitionibus, promissionibus ad Pontificatum evehctus est. Hunc tradunt Historici quietis impatientem, novis rebus semper studentem, fidei datæ parum tenacem, novas turbas, nova bella undique accersentem; denique boni Imperatoris famam, quam boni Papæ gloriam pluris facientem. Nullâ unquam oblivione delebuntur ea, quæ in Ludovicum xj. & Joannem d'ALBRET Galliæ & Navarræ Reges multa machinatus est, tam violentè quæ in quæ. Hic dicit D. BOSSUET bellum Gallis a Julio fuisse illatum. Nos addimus ex Historicis, Papam illum, qui fidelium communis Pater haberi vellet, vidisse tandem, id quod votis omnibus exposcere videbatur, totam Italiani, iis armis quæ ipse commoverat, devastatam.

Bull. Leon.
X. in Conc.
Later. Sess.
xj. T. xiv.
pag. 321.
Bell. loc.
cit.

* Apud
Melinianũ.
an. 1515.

rebus necdum bene compositis. Eo temporum articulo citati Galli, qui Romã in Lateranenſi Palatio de ſuis libertatibus, deque Pragmaticã-ſanctio-
ne, ſuã tum diſciplinã arce, liberẽ ſcilicet & æquo jure diſceptare poſſent:
Italiã interim tot bellis, tot incurſionibus impeditã, ut nullum aditum pa-
tere ſibi Gallicani Epiſcopi iterum atque iterum haud immeritò quererentur.
Cum res eo loco eſſent, inter Leonem X. & Franciſcum I. magnã tum
victoriã à Gallis reportatã *, repente tranſactum eſt, & loco Pragmaticæ in-
ductum Concordatum. Quo pacto fœdere, quid Pragmatica fieret, Fran-
ciſcus non curabat; neque nunc cujuſquam intereſt, an Lateranenſe illud
ſit Œcumenicum. Sed tamen pro certo Œcumenico haberi, Bellarmini cun-
ctatio & fluctuatio non finit. Cum etiam in editione Romanã, in ipſo Tomi
IV. capite, quo cætera Concilia generalia recensentur, hoc Lateranenſe
Concilium extra lineam ac reliquorum ordinem, alio caractere (q) ſit po-
ſitum. Sed nos de Concilio iſto Lateranenſi ſuo loco diſſeremus plenius,
docebimusque hæc omnia neque ad fidem pertinere; quippe quæ in tranſ-
curſu, non in ipſã definitione dicta ſint; ac ne quidem ad quæſtionem,
cum Papam ſuperiorem faciant non omnimodis, ſed iis in rebus de quibus
non agitur. Hæc, inquam, ſuo loco oſtendemus. Nunc ipſum Bellarminum
relinquimus, eique omnia trepidè cunctanterque dixiſſe ſufficiat.

C A P U T I X.

BELLARMINI circa Pontificiam infallibilitatem cenſura æque
anceps: vis notarum ex MELCHIORE CANO.

Bell. de R.
P. l. iv. c. ij.

Id. de
ſcript. Eccl.

Melch.
Can. de loc.
Theol. lib.
v. cap. v.
p. 224. ed.
Lug. 1704.

JAM Bellarminus de hãc Pariſienſium ſententiã, Pontificem, etiam ut Pon-
tificem, poſſe docere hæreſim, ſic pronuntiat: *Hæc opinio non eſt propriè hæ-
retica, nam adhuc videmus ab Eccleſiã tolerari qui illam ſententiam ſequun-
tur; tamen videtur omnino erronea & hæreſi proxima.* Tolerari verò, quàm
totã Eccleſiã auditam, nuſquam damnatam, à tot viris, teſte Bellarmino,
doctis ſanctiſque deſenſam, eodem Bellarmino teſte; *Adrianus quoque VI.
Pontifex optimus atque doctiſſimus*, Patrum noſtrorum memoriã in celeberrimã
Lovaniënſi Academiã docuerit, propugnaverit, ac factus Pontifex in
ipſã Orbis luce, Romæ ediderit: hanc toleratam vocas, non probam pro-
cul dubio Catholicamque ſententiam. Nempe, inquit, *videtur omnino erro-
nea; & quod idem cum erroneo eſt, hæreſi proxima.* Gravis cenſura. Non
hîc ferè de fide, verùm omnino erronea, id eſt, omnino contra fidem; hoc
enim ſonat erronei vox: ſed *videtur*, inquit. Audio. Bellarmini opinio eſt,
& valet illud Melchioris Cani cenſurarum notas æquã lance trutinantis: *Ver-
bum VIDETUR judiciorum infirmat certitudinem*; neque tantùm Sanctus Tho-

(q) *Alio caractere, &c.*] Annotandus eſt etiam Concilii Lateranenſis titulus ab edito-
ribus Romanis ſic deſcriptus: *Concilium noviſſimum.* Neque illi quidquam addunt, quo ſigni-
ficent ſe illud Concilium habere pro Œcumenico.

mas,

mas, sed etiam alii *verbo*, VIDEATUR, *uti solent, cum res non est plana ac definita*. Illud ergo Bellarmini ex opinione est, non ex certo firmoque iudicio. Et quod de Sancto Thomâ Canus, id ego de Bellarmino dixerim: *Cum dixit, VIDERI, hoc ipsum sensisse, quod dixerit videri modo, non etiam oportere*. At nunc illud *videri* Bellarmini, Lovanienses quidam & Dominus Strigonienſis in firmam fixamque sententiam vertunt, & de fide Catholica desperatum esse clamant: illud VIDEATUR paucorum annorum circulo, tanta incrementa cœpit.

Id. lib. viij.
cap. v. pag.
321.

CAPUT X.

SUAREZ *Parisiensium de superioritate sententiam relinquit integram: ipse suam de infallibilitate censuram infringit, falsa que ex*
LEONE X. *adversus LUTHERUM refert.*

POST Bellarminum ex eadem Societate Suarez prodeat, ac de duplici quæſtione noſtrâ dicat. De superioritate sic: *Quando Pontifex ſolum ad- eſt in Concilio per Legatos, ſine inſtructione particulari, & totum Concilium aliquid definit cum Legatis, eſt grave dubium an tale Concilium poſſit errare.... Nam in hoc ſunt opiniones inter Catholicos. Pariſienſes enim & alii, qui credunt tale Concilium eſſe ſupra Pontificem, conſequenter aſſerunt ejus definitionem eſſe infallibilem, quia eſt à ſupremâ poteſtate, & illud Concilium univerſalem Eccleſiam repræſentat. Contrarium verò docet Cajetanus & alii.... quia veriſſimum eſt Papam eſſe ſupra tale Concilium.... Ego autem breviter cenſeo Concilium illud non eſſe regulam fidei, quia ſaltem ejus autoritas infallibilis eſt ſub opinione*. Vides celeberrimum Jeſuitam, qui totam de Concilii ſuperioritate quæſtionem, quæque huic ſunt conſentanea, *ſub opinione* relinquit inter Catholicos variante; & quidem ipſe contra Pariſienſes ſentit, ſed nullâ vel leviſſimâ cenſurâ.

Suar. de
fid. diſp. v.
ſect. vij.
n. 11.

De Pontificiâ infallibilitate decernit gravius: *Veritas, inquit, Catholica eſt Pontificem definientem ex Cathedrâ eſſe regulam fidei, quæ errare non po- reſt.... Ita docent HOC TEMPORE omnes Catholici Doctores, & cenſeo eſſe rem de fide certam*. CENSEO: opinionis res eſt. Non ita de his loquimur, quæ verè pertinent ad Eccleſiæ Catholicæ fidem. Non hîc cenſeo, ſed credo; nec ego, ſed omnes. Et meritò ita Suarez loquitur, qui, cum *omnes* ait ita credere, ſed *hoc tempore*, anteriore certè tempore non ita creditum eſſe ſenſit. Non ergò notum illud obtinuit: *Quod ubique, quod ſemper*; quam quidem conſenſionem ſtabiliendæ fidei eſſe neceſſariam, cum Vincentio Lyrinenſi, omnes Catholici profitentur.

Id. ſect.
viii. n. 4.

Vin. Lyr.
in loc. ſep.
cit.

Sed quid demùm eſt, *hoc tempore*? A quanto tempore? A ducentis annis? At Cardinalis Cameracenſis, at Gerſon, at Toſtatus, at Almaînus, at Major, at alii innumerabiles tum in Eccleſiâ floruerunt. A centum annis ante Suarem? At, ut alios prætermittam, Adrianus VI. ſanctiſſimus ac doc-

tissimus, ac præterea Summus Pontifex, Patrum nostrorum memoriâ, non ita sentiebat. Vide illud, *hoc tempore*, quàm angustos habeat limites.

At fortè aliquod iudicium Ecclesiasticum intervenit, quo factum sit ut jam nostro tempore id omnes credant, cùm antea non crederent? Nullum. Laudat Suarez Concilium Lateranense, sub Leone X. & ejusdem Leonis X. Bullam in Lutherum, & quidem planè & confidenter, ut rem certam; cùm de Concilio Lateranensi etiam Bellarminum hæsitare videamus. Bullæ in Lutherum Suarez verba ne quidem profert ulla. Affirmat quidem Lutheri propositionem XXIV^{am}, quòd hanc veritatem negaret, à Leone damnatam, & quidem præcisè ut hæreticam; XXIII^{am}, voluit dicere, nam XXIV^a, de Conciliis agit, non de Romano Pontifice. Mendum fortasse sit. Jam ad rem ipsam. Quæ Suarez hîc ut certa supponit, falsa omnia. Falsum autem more Scholæ, nullâ contumeliâ, & cum honore viri dictum volo. Falsum ergò talem fuisse Lutheri propositionem; falsum eam ut hæreticam esse damnatam; & quidem de hoc nulla dubitatio, cùm ex Lutheri allatis articulis, ne unum quidem verbum Leo absolutè condemnaverit, sed respectivè tantùm. *Hos*, inquit, *articulos respectivè hæreticos, aut scandalosos, aut falsos, aut piarum aurium offensivos*, &c. quod bis terque inculcat, ne dubites.

Bull. Leon.
X. cont.
Luth. tom.
Conc. xiv.
pag. 390.

Ib. p. 393. Sed & Lutheri propositio immane quantum à nostris abhorreat. Sic Lutherus: *Si Papa, cum magnâ parte Ecclesiæ, sic vel sic sentiret, nec etiam erraret, adhuc non est peccatum aut hæresis contrarium sentire; præsertim in re non necessariâ ad salutem, donec fuerit per Concilium universale alterum reprobatum, alterum approbatum.*

Quâ quidem in propositione impudens Hæresiarcha multa peccabat, illud verò maximè, quòd universim Sedis Apostolicæ, etiam rectè judicantis decreta de fide, usque ad Concilii generalis sententiam suspendebat. Id enim multis modis falsum hæreticumque est (r), & à nostrâ Facultate, & ab omnibus Catholicis sæpè damnatum. Nam quædam tam clara sunt, ut statim indicasse sufficiat, qualia erant illa Lutheri immania, quibus ipsum Missæ Sacrificium, adorandum Corpus Domini JESU CHRISTI, à tot sæculis frequentatum, impiè conculcabat, aliaque ejusmodi, ab universali Ecclesiâ recepta, palam aspernabatur: quæ quidem violâsse, vel ante Pontificium decretum, si tam impium est; Romano quoque Pontifice ab excelsâ Petri Sede reclamante, quàm nefarium? Tum illud certum est apud Catholicos

(r) *Falsum hæreticumque est.*] Quamquàm Lutheri propositio xxij. fortè benignâ interpretatione molliri possêt, nos tamen assentimur D. BOSSUET, & hanc propositionem, in Lutheri quidem scriptis, falsam omnino esse credimus & hæreticam. Ille enim tum cùm appellabat, nolebat Concilii judicio liare. *Frustra* igitur, ut optime annotat Leo X. Lutherus *Concilii auxilium implorabat, qui illi se non credere palam profiteretur.* Et quidem sic ipse loquitur Lutherus propositione xxiv. *Via nobis facta est enervandi autoritatem Conciliorum, & liberè contradicendi eorum gestis, & judicandi eorum decreta, & libenter confitendi quidquid verum videtur, sive probatum fuerit, sive reprobatum à quocumque Concilio.* Ergò Lutheri appellatio mera ludificatio erat, quâ tereret interea tempus. At verò Ecclesiâ Gallicana, ut sæpe observavit D. BOSSUET, credit quidem appellari posse ab iis Pontificiis decretis, ad quæ consensus Ecclesiæ nondum accesserit, ita tamen ut appellantes se toti permittant iudicio Synodi Œcumenicæ, cujus autoritatem supremam & infallibilem, quam negabat Lutherus, Universitas Parisiensis & Clerus Gallicanus semper venerati sunt.

omnes, nostrique assidue inculcant, non tantum Concilium, sed Catholicam Ecclesiam absolute infallibilem esse, etiam absque Concilio. Sic enim Gerson & nostri : *Infallibilem esse Ecclesiam, & Concilium generale illam representans*. Si enim Concilio tanta vis, quod eam representet, ipsam, ipsam inquam, quantâ veritatis certitudine ac luce præditam esse oportet! Quæ Clerus Gallicanus secutus, Pontificis decretum non præcisè Concilio, *sed Ecclesiæ consensu accedente, irreformabile* recognoscit. Hæc quia Lutherus intelligere nolebat, suoque more omnia etiam optima pervertebat, ac, totâ Ecclesiâ ejus hæreses detestante, sub Synodi nomine, non lucem, sed moras tempusque fallendi quærebat, omni profectò anathemate dignus erat.

Decl. Cler.
Gall. c. iv.

Jam æquus lector judicet, an hæc Lutheri impia & nefanda, cum piorum Parisiensium doctrinâ confundi à Suarè debuerint. Sed profectò si id quod vult factum est, si doctrina Pontificiæ infallibilitati contraria, in Luthero jam à Leone damnata est, Suarez causâ cadit. Rogo enim, an Leonis X. censuram pro ultimo judicio habeat, an non? Si pro ultimo judicio non habet; ergò causâ cadit, qui sententiam à Romano Pontifice de fide latam valere non putat. Si autem valuit, exinde jam certè, & à Leonis decreto cœperit *hoc tempus*, quo omnes jam sentire secum Suarez affirmat. Quid ergò Adriani VI. ejus successoris libri Romæ recuduntur, ac pars Lutherani dogmatis, sub Romani Pontificis nomine excitatur? An fortè post Adrianum rem repente determinavit Ecclesia? An in Concilio Tridentino? An in professione Pii IV. post Tridentinum Concilium? Imò deditâ operâ à censurâ temperatum, resque in integro relictas luce clariùs vidimus. Quin igitur Suarez cogitabat, si vel maximè Parisienses in Luthero Leo damnare voluisset, quàm id parum valeret, quod à Tridentinâ Synodo, & à Pio IV. in ipsâ fidei professione fuerit prætermisum. An aliqua postea decreta extiterunt? Nulla. Quid igitur? Sine Ecclesiæ novâ definitione, nova lux affulsit omnibus, qui *hoc tempore* tecum sentiant? Id quidem gratis dicitur. Reponent alii contentione, metu, assentatione factum, ut ita consentirent; & Religiosos plurimos, eorumque nunc antesignanos tot privilegiis auctos, hanc vicem rependisse. Alii respondebunt illos sensu populari ductos esse, quo & rebus sanctis quoquo modo favere, & hæreticis quàm vehementissimè repugnare pium putant. Quid nostra? Id liquet nihil esse certæ causæ, Theologicæ quidem, cur à priorè sæculo discrepe-



CAPUT XI.

ANDRÆAS DUVALLIUS *Parisiensium de superioritate Conciliorum sententiam, & Parisiensis Facultatis esse agnoscit, & ab omni hæresis, erroris atque etiam temeritatis notâ absolvit. Pontificiam infallibilitatem non esse de fide, non modò asserit, sed etiam optimis argumentis probat.*

ANDRÆAM Duvallium, doctum virum, à Parisiensium sententiâ deflexisse, contrariamque sententiam studiosissimè in Scholam induxisse nemo nescit. At ille Edmundi Richerii vehementissimus insectator (f), in his duabus quæstionibus ab omni censurâ utramque partem absolvit.

Duvall.
Elench. p.
9.

Posteaquàm editus est ejusdem Richerii libellus de Ecclesiasticâ & politicâ potestate, statim Duvallii responsio prodit, sub hoc titulo: *Libelli de Ecclesiasticâ & politicâ potestate Elenchus, pro supremâ Romani Pontificis in Ecclesiam autoritate, autore Andream Duvallio 1612. cum approbatione Doctorum.* Quo in libro hæc leguntur: *Ex quo satis cuivis constare potest eum (Edmundum scilicet Richerium) nondum abjecisse erroneam illam opinionem quam in Scholâ Dominicanorum Parisiensem, coram illustrissimo Cardinale Perronio, nuper impudentissimè professus est. DE FIDE EST CONCILIUM ESSE SUPRA PAPAM. Cujus falsitas à magno illo Cardinale, validis rationibus, in amplissimis illis Comitibus demonstrata est. Etsi enim Parisiensis Academia stet à partibus Conciliorum generalium, non tamen propterea unitatem cum ceteris Academiis discindit, neque earum Doctores pro devii à fide habet, aut unquam habuit.* Postea: *Etsi Academia Parisiensis infallibilitatem in decernendo ad Concilium generale solum referat, ab eo tamen nunquam abesse debet Pontifex. Denique: Etsi Parisienses ad Concilium generale ultimam fidei*

Id. p. 68.

Id. p. 105.

(f) Edmundi Richerii vehementissimus insectator] & antiquæ Sorbonæ hostis infestissimus Duvallius; totus in eo est ut fraudibus ac fallaciis Richerium & Vigorium adoriatur. Sed tam temerarius quàm acerbis accusator, tot probra jacit, tot miscet falsa veris, tot dicit denique quæ verisimilia non sint, ut sibi ipse detrahat fidem. Solent plerumque adversarii intimas cogitationes rimari, argumenta diducere, consilia & agendi causas aperire, eò ut illos apud plebem faciat reos saltem fingendo, cùm id non possit probando. Exemplo sit locus ille quem hic allegat D. BOSSUET. Claudius BERTIN, cùm an. 1611. disputaret in hanc conclusionem Fratrum Prædicatorum: *in nullo casu Concilium est supra Papam*, adfuit illi Edmundus Richerius gravis adstipulator; unde concludit Duvallius Richerium tunc statuisse pro fidei certo dogmate, in nullo casu Papam esse supra Concilium. Sed hoc non dicebat Claudius BERTIN, neque hoc dixit unquam Richerius. Hanc enim propositionem nimis vagam: *De fide est in nullo casu Papam esse supra Concilium*, sic circumscribebat Richerius, ut assereret tantùm id quod semper docuit Facultas Parisiensis, nempe de fide esse Papam Concilio subijci in iis saltem casibus à Constantiensi & Ecumenicâ Synodo definitis; proindeque hæreticam esse thesım Dominicanorum, quæ definitionem Concilii Constantiensis, quam etiam tum allegabat Claudius BERTIN, apertissimè convelleret. Richerium igitur Duvallius accusat fallaciter, qui de ejus propositione hanc partem detrahit quâ proba est ut certa, eamque mutilam objicit, ut omnibus temeraria & censuræ digna videri possit.

analysim referant, non tamen propterea potestatem de fide decernendi Pontifici unquam ademerunt, & meritò.

Vides primùm de sententiâ Academiæ nostræ, nondum à quoquam fuisse dubitatum, quemadmodum postea, gliscente ut fit audaciâ, factum est. Vides secundò quid erroneum Duvallius in Richerio reputaret, non certè doctrinam ejus, sed quod eam esse de fide contenderet. Summum id erat quod tunc à nostrâ Facultate peteretur.

Idem Andræas Duvallius edidit postea tractatum de *Supremâ Romanorum Pontificum potestate, adversus Vigorium Jurisconsultum*. Quo tractatu, quæstione, *utrum de fide sit Concilium esse supra Papam, & utrum Concilium Œcumenicum sit supra Pontificem, vel è contra*; apertè docet neutram harum opinionum esse de fide. Tum: *Neutra, inquit, harum opinionum hæretica est, neutra erronea & temeraria, saltem temeritate opinionis*. Denique: *Sententia pugnantium pro Conciliis non est hæretica & erronea, & in ratione opinionis temeraria*. Illud in ratione opinionis Duvallius addidit, ut à temeritate opinionem ipsam, non autem opinantes, quos ipse impugnabat, absolvere videretur. Sed quidquid sit de Duvallio, ejusque adversariis, ipsam opinionem ab eo etiam à temeritate prorsus absolutam esse satis superque est.

De infallibilitate sic habet: *Statuenda nobis est hæc conclusio.... etiamsi de fide non videatur, saltem non ita evidenter constet Summum Pontificem, seorsum à Concilio, privilegio infallibilitatis, licet agat ut Pontifex, gaudere, id tamen absolutè certum est & indubitatum*. Ejus quidem sententiâ, cujus quisque eam quam voluerit habeat rationem, non ipsâ Ecclesiæ fide.

Neque tantum dixit non esse de fide; Verùm etiam probat: primùm, quia nullibi id tanquam de fide expressè definitum extat: Secundò, quòd Doctores contrariæ sententiæ, *Alliacensis, Gerson, Almainus, Major, Cusanus, Adrianus VI. & alii, neque in hac parte, neque in ullâ aliâ ab Ecclesiâ sunt conacmnati*; & postea: *Nusquam in Ecclesiâ illius hæresis suspectos, convictos aut accusatos fuisse legimus*. Tertiò solvit Scripturarum & Canonum textus, quibus id maximè docetur esse de fide, maximè verò illum locum Matthæi XVI. *Tu es Petrus*, & Lucæ XXII. *Ego rogavi*. Et illum Joannis XXI. *Pasce oves meas*; ex quibus, inquit, sequitur non ita constare de fide esse, Summum Pontificem, etiamsi agat ut Pontifex, privilegio infallibilitatis gaudere. Quare Lovanienfes hodiernos, qui Duvallium toties nobis objiciunt, ejus modestiam neminem condemnantis imitari par esset.

Id. de sup.
&c. part. iv.
quæst. vij.
viii. p. 438.
542. 550.
582.

Id. ibid.
part. ij.
quæst. j. p.
210. malè
102.

Ibid.

Ibid. pag.
211.

Ibid. pag.
213.

Disq. art.
x. n. 143.
Pars j. re-
fut. arg. art.
xiv. n. 139.
& pass. & in
Doct. Lov.



CAPUT XII.

DOMINICUS A SANCTA TRINITATE, *Carmelita discalceatus*; libro *Romæ recens excuso*, docet Pontificiam infallibilitatem aut superioritatem nullo Ecclesiæ decreto clarè definitam: quid illud sit, cum privati Doctores aliquid de fide esse dicunt, quoad se, non quoad nos?

Dominic.
S. Trin. Bib.
Theol. rom.
iiij. lib. iiij.
sect. iv. c.
xvj. n. 54.

Id etiam perpendi velim quod, hoc ferè tempore, Romæ excusum est. Extat enim liber inscriptus: *Bibliotheca Theologica autore Fratre Dominico à Sanctissimâ Trinitate Carmelitâ discalceato Provincia Parisiensis*. Is de infallibilitate, postquàm eam & certam esse, & ad fidem etiam pertinere, suâ quidem sententiâ, multis egit, hæc addit: *Nota me dixisse hanc nostram sententiam esse de fide quoad se. Si enim sermo sit de illâ quoad nos, id non ausim affirmare, cum nullibi expressè aut clarè definita, omnibusque fidelibus ad credendum proposita reperiatur: unde ab hæresi formali excusari possunt ac debent omnes Doctores Catholici qui contrarium docent*. Hic quædam observari velim, quæ aliis quoque autoribus exponendis conducere videantur.

Primò, ab hoc autore apertè dici, nihil eâ de re clarè aut expressè definitum.

Secundò, inde colligi Florentina decreta, atque etiam antiquiora Lugdunensia, quæ in eam rem ab adversariis adducuntur, non haberi clara expressaque.

Tertiò, quòd ille autor rem illam *in se* putet ad fidem pertinere, hoc est reverà à Deo esse revelatam, etiamsi Ecclesia nondum ut talem agnoverit: hanc quidem ipsius esse sententiam, quam sequi vel non sequi sit liberum; quemadmodum est liberum Physicam prædeterminationem, aliasque huic cognatas sententias, aut eis contrarias, de gratiâ opiniones tueri; tametsi sibi mutuo alii apertum Lutheranismum, alii merum putumque semi-Pelagianismum objiciant.

Quartò, his constat immeritò vociferari Lovanienfes quosdam de summâ fidei reique Christianæ agi; cum de liberâ saltem, nec in fidei Canonem vendicatâ doctrinâ agatur; eaque res à multis jam sæculis, inter Catholicos innoxie pertractata ac disputata fuerit.

Quintò, neque fieri potest, si tanta res sit quantam volunt, ex quâ fasus Ecclesiæ pendeat, ita dissimulanter ab Ecclesiâ actum esse, ut de eâ disputari in utramque partem tot sæculis permetteret; imò verò expressè ac deliberatè à censurâ temperaret, uti in his quæstionibus à Florentinâ, Lateranenâ, Tridentinâ Synodis Pique IV. professione factum esse constat.

Pacian.
Barcil. Epif.

Sextò, nihil enim mirum de rebus, quamvis maximis, nullam interponi expressam Ecclesiæ definitionem, antequàm in controversiam adducantur; cum Ecclesia non soleat ultrò movere quæstiones, verumque sit illud quod ait Pacianus: *Nostri nihil ultrò disputavêre Majores*: Sed motâ quæ-

atione tam multis sæculis, si res quidem ad fidem reverâ pertinet, tantique est momenti quanti esse volunt, tum verò tacuisse ac dissimulâsse, aut nihil expressum clarumque dixisse, neque etiam dicere voluisse, nihil esset aliud quàm veritatem prodidisse, atque omnino rediret illud: *Error*) aperte defensus) cui non resistitur, approbatur; & veritas quæ non defensatur opprimitur.

ep. iij. tom.
iv. Bibl. Pat.
pag. 309.

Fel. iij. ep.
ad Acac. C.
P. tom. iv.
Conc. pag.
1051.

Hæc Censores nostros & omnes viros bonos considerare volumus, atque ad exponendam Carmelitæ nostri, de Papæ superioritate, sententiam pergitur. Hæc autem sic se habet: *Quamvis Andreas Duvalius, tractatu de disciplinâ Ecclesiæ existimet istam sententiam non esse de fide, non desunt tamen alii Doctores qui contrarium assurgent, illamque fuisse definitam in Conciliis Constantiensi & Florentino sub Eugenio IV. & Lateranensi sub Leone X. Verùm quidquid sit, an in præfatis Conciliis sufficiens quoad nos, vel adeò expressa de autoritate, Papæ supra Concilium habeatur definitio, ut oppositum statim pro hæretico teneri debeat, de quo disputant aliqui Doctores; duo in hæc re certa esse puto. Primò, quòd Concilio generali Summus Pontifex absolute suâ autoritate præcellat: secundò, quòd hæc sententia, si sermo sit de definitione Ecclesiæ, videatur magis ab eâ definita in præfatis Conciliis quàm opposita. Quæ quàm incerta & vana sint omnes intelligunt. Certè in iis ab omni censurâ temperandum, ac veritatem pacificè, ut inter Catholicos, inquirendam, luce est clarius.*

Dominic.
&c. loc. cit.
sect. v. c. xj.

Quòd autem cum Florentinâ ac Lateranensi Synodis, Constantiensem quoque pro Papæ superioritate, hic autor, multos alios secutus, adducat, fatis ostendit quàm hæc omnia oscitanter legant.

CAPUT XIII.

Recentiorum Lovaniensium aliorumque sententia, ipso progressu immodestior & aperte nimia.

DE antiquioribus Lovaniensibus, totâque adeò Lovanensi Facultate diximus, eosque nobiscum summâ ipsâ convenire ostendimus. Posteriores Lovanienses ab Anonymo relati, etiam si diversa à Parisiensibus senserint, an propterea in fidem peccâsse eos, & omnia evertisse crediderint; inquirendum restat.

Atque Anonymus quidem ex Ruaro Tappero (t) multa profert. Ego ab eo autore, ut Pontificiam infallibilitatem esse defensam fateor, ita contrariam sententiam, ullâ censurâ notatam esse nego. Ait enim: *An Romanus Pontifex falli possit in suâ sententiâ, quando cognoscit circa fidem & mores... ab annis 150. captum est controversi & disputari. A tempore enim Constantiensis Concilii & Basileensis, Doctores quidam apud solum Concilium*

Tapp. orat.
Theol. iij.
Doct. Lov.
art. j. pag.
6. 7.

(t) Tappero] (Ruaro) doctrinæ laus tribuitur. Hunc Carolus V. Imperator Legatum misit ad Concilium Tridentinum.

Œcumenicum docent esse infallibilis sententia privilegium: veteres verò scriptores, Petro & Romano Pontifici.... hoc privilegium... tradunt.... ut verisimilius sit, eorum iudicio, quòd nec Concilio generali id conveniat, nisi nomine Petri, ejusque cathedræ autoritate & quasi commissione. Nova certè illa est ac Sanctis Patribus inaudita commissio. Sed si Tapperi doctrinam laudare non possumus, certè laudamus modestiam. Audis enim quàm timidè dixerit, *verisimilius*. At nunc, nisi dicamus solam Papæ sententiam omnibus prævalere Conciliis, ab eoque habere Concilia ut recta deciderent, perditæ omnia & conclamata sunt. Tantùm ab eo absunt, ut eorum quos laudant, modestiam affectentur.

Wigg. de
R. P. dub.
v. n. 177.
Doct. Lov.
pag. 39.

Cæteros Lovanienſes, qui Patrum nostrorum ætate vixerunt, à censurâ ferè temperasse comperio. Refertur ab Anonymo Joannes Wiggers, postremis temporibus pro Pontificiâ infallibilitate pugnans, atque hic: *Tenetur, inquit, communiter à Catholicis, ita ut opposita sententia habeatur improbabilis.* Mentem ejus audio: censuram non audio. *Improbabilis*, in Scholâ vox innocua, quæ utrinque jactatur. *Communiter*, quid importet, infra explicabimus: certè à censurâ procul abest. Alibi idem Wiggers ait: *Pontificem, ut Pontificem, errasse unquam manifestè falsum; & oppositum ita certum, ut ab aliquibus habeatur de fide.* Audi ab aliquibus. Hæc Anonymus doctrinæ Lovanienſium autor, ex Joanne Wiggers protulit, subditque: *Siquidem de fide est, nullum omnino Pontificem, ut talem, errasse, definiendo aliquid contra fidem.* At testis quem adduxeras, tantùm ab aliquibus haberi de fide dixerat, tu autem absolutè de fide esse decernis. Sic ubi non ratione, sed impetu agitur, sine more modoque verba exasperantur, exacuuntur iræ. Quod heri *improbabile* tantùm, hodie exitiosum schismaticumque habetur; quod heri ab aliquibus timidè, id omnino Ecclesiæ limine arcendum hodie proponitur.

Stapl. re-
lect. Schol.
contr. iij. q.
iv. art. unic.
Doct. Lov.
pag. 29.

Quid verò Stapletonus (u) de eâdem quæstione relatus in doctrinâ Lovanienſium? *Vera, inquit, sententia est Romanum Pontificem de fide decernentem, hæreticum dogma non posse tradere. Hæc veritas est nunc apud Catholicos certa & recepta.* Audis nunc. Sic modò à Suare audivimus, *omnes hoc tempore.* Nos autem ibi diximus, quàm illud, *hoc tempore*, infringat illud, *omnes*; addidimusque quàm sit debile, cum rem 200. annis saltem liberam ac dubiam, nullo interposito Ecclesiæ decreto, repentè Theologi de fide facere volunt: quasi in eorum manu atque sententiâ fides Ecclesiæ verteretur. Nunc ad Lovanienſes redeamus.

Wig. de
Conc. dub.
iij. n. 75.
Doct. Lov.
pag. 29.

De superioritate graviùs, quàm de infallibilitate statuunt. Joannes enim Wiggers: *Quòd Papa sit Concilio superior, conclusio certò tenenda, utpote fidei proxima, & que ab omnibus penè communiter teneatur.*

Quid sit illud, *fidei proximum*, decretum scilicet ad arbitrium, nota ad libitum, ac nullâ certâ ratione prolata, jam suprà diximus. Quod autem hîc addit, *ab omnibus penè communiter*, dubii, vacillantis, neque quid dicat certò statuentis oratio est.

(u) Stapletonus] (Thomas) Anglus, Doctor Duacensis, multis editis libris de rebus controversis notus, paulò notior factus est, eo quòd pertinaciter intercessit illi censuræ gravi & accuratæ, quâ Facultas Duacensis Lessii doctrinam condemnavit.

Graviùs

Gravius Stapletonus : *Dicere quòd generale Concilium sit supra Papam, opinio planè est erronea, qualem hæretici sustinerent.* At is, Bellarmino ipso asperior, nimîa ac præposterâ asseveratione sibi fidem detrahit. Quod enim Bellarminus, *ferè de fide*, is ita de fide censet, ut contrarium sit erroneum; & addit immodicè sæviens, *quale hæretici sustinerent* : tot Sanctis doctisque viris non modò insuper habitis, sed etiam cum hæreticorum sæce permixtis. Et Bellarminus quidem de superioritate Papæ leviùs, gravius de infallibilitate decernit; illi enim superioritas est *ferè de fide* : de infallibilitate opinio negans, *videtur erronea & hæresi proxima.* Contra Lovanienses isti de superioritate asperiùs, de infallibilitate leviùs, statuerunt; Adriani, credo, sui memores, cujus contra infallibilitatem expressa sententia, vel erat notior, vel auctoritate gravior habebatur. Utcumque est, varios illos animorum motus, nullâ exactâ certâque ratione firmatos, procul à fidei rectitudine amoliri nos oportet.

Quare nec moveri debeat qui viderit Scholasticos posterioris ævi, ex quo maximè cum Lutheranis decertari cœptum est, dum ab iis quàm maximè dissentire, & Pontificiam majestatem tantis eorum conviciis oppugnatam, quàm maximè amplificare atque exaggerare pium putant; alia aliis, quasi certatim addidisse. Passim enim eos videas Catholicis nostræ sententiæ defensoribus imputare, quòd non satis à Luthero aliisque pestibus abhorreant. Ita dum metuunt, ne non satis credantur abhorre à Luthero, aut ejus asseclis, id agunt ut non modò Lutherum, sed etiam alii alios supergressi esse videantur. Quare cum quis dixerit, *ferè de fide*; alius omnino esse de fide addet : cum quis, *aliquibus de fide*; superveniat qui *absolutè de fide esse* decernat. *Videtur erroneum*, ait ille; existent qui *erroneum planè* statim pronuntient. Ita antiquiores modestiores fuère; verùm crescente, ut fit motu, recentiores, Christianus Lupus (x) Lovaniensis, quem alioquin honoris causâ nominatum volo, Anonymus, Nicolaus Dubois; aliique adeò exarserunt, ut sibi quoque fidem demant. Dominus verò Strigonien- sis suum illud, *detestabile & schismaticum*, totis intentat viribus. Quin etiam ex Italiâ extitit Nicolaus Cevoli (y) Comes Patricius Romanus, qui as-
ferat : *Propositiones Cleri Gallicani, ad unam omnes, ex institutionibus Calvi-*

Stapl. Con-
trov. vj. q.
iij. Doct.
Lov. art. ij.
p. 62.

Cevoli
Antig. &c.
pag. 184. &c
seq.

(x) *Christianus Lupus*] seu Wolf, Yprensis Ordinis Eremitarum S. Augustini, vir plurimæ doctrinæ & exquisiti judicii, in hoc uno reprehendus esse videtur, quod cum sit in opiniones Ultramontanas propensior, quæstiones quæ vulgò ab Ultramontanis defenduntur, non eo animo sedato lenique tractat, quo cæteras solet.

(y) *Nicolaus Cevoli*] suo libro titulum hunc magnificum juxta & ridiculum fecit : *Antigraphum ad Clerici Gallicani de Ecclesiasticâ potestate Declarationem, optimo, maximo, summoque Pontifici, Christi Vicario Innocentio XI. Urbis & Orbis Domino, cælorum, terrarum, inferorumque janitori unico, fideique oraculo infallibili, humiliter dicat, consecrat, præsentat Nicolaus Cevoli ex Marchionibus de Carretto, &c.* Placet hic exscribere viri sagacissimi D. ARNAULD de illo libro judicium. *J'ai lu l'ANTIGRAPHUM, inquit. VICIT PRÆSENTIA FAMAM; c'est-à-dire que je l'ai trouvé bien plus sot & plus impertinent que l'on ne me l'avoit dit. Ce sont de continuelles solécismes & barbarismes. CLERICI GALLICANI n'est pas une faute d'impression, comme on le pourroit croire : il est par tout de même. Il n'a pas cru qu'il y eut d'autre mot Latin pour signifier le Clergé de France que CLERICUS GALLICANUS.... en vérité, le meilleur conseil qu'on pourroit donner aux Romains seroit de mettre ce livre dans l'index, en l'appellant au moins LIBER INSULSUS; car il ne leur peut faire que de la honte; & le Gazetier d'Hol-*

ni esse desumptas, ac planè hæreticales: Episcopos, qui ipsas firmaverunt, ut hæreticos & schismaticos, non solum esse extra Ecclesiam, sed etiam ipso facto caruisse jurisdictione Episcopali, & ab omni communione evitandos esse; imò & comburendos. Cujus quidem viri intemperias ne memoratu quidem dignas esse censerem, nisi ipse cùm argumentis nihil probet, certò argumento esset, supra omnem modum moremque inflari & exaggerari omnia, ubi falsa pietas zelusque præposterus imperitos animos occupârunt.

CAPUT XIV.

Quanta sit Scholasticorum autoritas, ex MELCHIORE CANO constituitur, atque hinc efficitur ab omni nos erroris notâ esse liberos.

QUÆRET aliquis, an recentiores qui hoc sæculo scripserint, contemnamus, cùm ab eorum autoritate discedimus. Equidem contemno neminem, & à Prophetâ admonitus, ita *veritatem* quæro, ut *pacem* colere cum omnibus velim. Cæterum id apertè incunctanterque profiteor, fore ut in gravissimos errores impingat, qui non omnia sæcula totamque Traditionis feriem mente complexus, recentioribus se addixerit: sed hæc aliàs. Nunc, ne quid arroganter dicere videar, Melchior Canus (2), Scholasticis certè haud iniquus, prodeat in medium, qui de Scholasticorum autoritate decernat.

Sunt autem ab eo constituta quædam quæ gradatim Geometrico ferè more, à nobis explicari debent, non quidem eo ordine quo sunt ab ipso tradita, cùm ille hæc toto opere, prout instituti sui ratio postulabat, hæc & illac fuderit; nos autem aliò spectare oporteat.

Jam ergò ante omnia ponatur divisio, quæ statum quæstionis aperiat, nempe hæc: aliud esse Scholæ opinionem communem, aliud Scholæ placitum, decretum, sive, ut alibi vocat, dogma firmumque judicium: quæ divisio apud Melchiorum Canum ubique diffusa invenitur, maximè verò libro VIII. quo reprehendit quosdam qui errent *in eo, quòd Scholæ opiniones à certis constantibusque decretis non separant.* Hoc autem etiam ad communes Scholæ opiniones pertinere sequentia docent: *Non disputo nunc,*

Melch.
Can. lib.
viij. cap. v.
pag. 320.
329.

lande s'en est déjà raillé par une sanglante ironie, en disant qu'il est si bien fait & si plein de bonnes raisons, qu'il persuadera tout le monde. . . . L'Auteur se vante d'avoir réponse de Rome, touchant l'estime que l'on y fait de son Livre, & il dit qu'il s'en va l'augmenter de la moitié; c'est qu'il le va encore faire plus impertinent. Si on ne le connoissoit point, & qu'il n'y eut pas mis son nom, on auroit lieu de soupçonner que ce ne fut un Huguenot malicieux qui l'auroit fait pour se moquer de la Cour de Rome. ARNAULD Lett. ccxiv. Tom. iij. pag. 376. 377.

(2) Melchior Canus] Ordinis Prædicatorum, ac deinde Canariæ insulæ Episcopus, Scholasticorum elegantior; scripsit tractatum *de locis Theologicis*, qui ex omni parte absolutus videri posset, nisi autor sæpius à proposito digrederetur, & nisi toties se jactaret de suâ eloquentiâ, eo fere modo quo Tullius passim iterat hæc verba: *Me Consules.*

Schola communis opinio verane an falsa sit ; sed id ago.... Scholasticas opiniones oportere à decretis sejungere.

Divisionem sequuntur definitiones duæ. Opinio versatur in his quæ non pertinent ad fidem : decreta verò in his quæ ad fidem pertinent. Hæc perspicua ex sese , ex iis quæ sequuntur patebunt clariùs. His ergò positis propositiones explicandæ.

PRIMA : nihil necesse esse sequi plurimorum opinionem , neque etiam communem , neque etiam omnium : quæ propositio tres habet partes.

Quoad plurimos attinet : *In Scholasticâ , inquit , disputatione , plurimum autoritas Theologum obnuere non debet , sed si paucos viros , modò graves , secum habeat , poterit sanè adversus plurimos stare : non enim numero hæc judicantur , sed pondere.* Ibid. c. iv. pag. 317.

De communi opinione non Scholasticorum tantùm , sed etiam Patrum , ita decernit : *Si non quævis illorum (Patrum scilicet) etiam in re gravi , communis opinio fideles astringit , sed firmum constansque judicium ; ecquid de recentioribus Scholæ Theologis dicere nos oportet , quos veteres illi longè , & vita merito , & Scripturarum usu , & autoritatis pondere superârunt ?* Ibid. c. v. pag. 320.

Quare eodem loco quæstionem illam tractans : *An Matrimonium sine Ecclesiæ ministro contractum , sit verè & propriè Sacramentum , cùm ille pro ministro pugnet , ac Sacramentum esse neget , sibi quidem objicit Doctorum multitudinem ab ipsius sententiâ abhorrentem ; tum hæc responsione se tuetur : Ostendam ergo primùm opinionem illam communem esse , non Scholæ dogma firmumque judicium. Ac paulò post : Si Thomista omnes cum Scotistis existant , si cum antiquis juniores velint contra me pugnare , tamen superior sim necesse est. Non enim , quemadmodum nonnulli putant , omnia sunt in Theologorum autoritate : est quadam tamen ita perspicua veritas , ut eam infirmare nulla res possit.* Ibid. pag. 323. 324.

Idem tamen in re gravi temerarium esse docet ab omnium omnino consensione recedere. Sic enim loquitur : *Ex autorum omnium Scholasticorum , communi sententiâ in re quidem gravi , usque adeò probabilia sumuntur argumenta , ut illis refragari TEMERARIUM sit. Vide quid efficiat , ubi de opinione agitur. Concors sententia Theologorum omnium efficit scilicet probabile argumentum tantùm , quod contemnere sine temeritate non possis : sed ita , si sit omnium in re quidem gravi , concors sententia.* Ibid. c. iv. pag. 317.

Hæc ille de opinione : sed quâ notâ internosci possit , ab opinione decretum sic exequitur.

SECUNDA PROPOSITIO. Cùm ex definitione decretum versetur in his quæ pertinent ad fidem , opinionis nota est , ubi non adscribitur illud , *hæreticum , erroneum , aut , id firmiter Catholicis amplectendum , aut aliquid simile ; sed id quoque oportet ex certo judicio , non ex opinione dicatur.* Ibid. c. v. pag. 324.

Nam

TERTIA PROPOSITIO est : an aliquid sit de fide , ad quæstionem & opinionem pertinere potest. Unde emergit

QUARTA PROPOSITIO : certa nota est aliquid tradi , ut quod sit verè de fide , neque in quæstione & opinione versetur , *si expressè & propriè à*

fidelibus firmiter credendum, aut tanquam dogma fidei Catholica accipiendum dicatur, vel aliis similibus verbis, aliquid esse Evangelio doctrinæ Apostolorum contrariam. Dicatur: dicatur, inquam, non ex opinione, sed certo & firmiter decreto: Ergò & illud de fide est, hæreticum est, erroneum est, ex opinione dici potest; neque tum quæstio statim transfertur ad scholæ decretum, sed intra opinionis lineam continetur. Exemplum affert: Licet enim Durandi (a a) opinio reprobetur, cap. gaudemus, de divortiis: sed qui dixit: VERUM ABSOLUM HOC VIDETUR ET INIMICUM FIDEI CHRISTIANÆ (quæ verba sunt decretalis) is noluit hæreseos illum condemnare; verbum enim VIDETUR, iudiciorum infirmat certitudinem.

Ibid. vid.
decr. Greg.
ix. lib. iv.
tit. ix. cap.
viii.

Can. lib.
viii. cap. v.
pag. 321.

Quod hîc de Conciliorum summique Pontificis sententiâ dixit, alibi ad privatos Doctores meritò confert; ac jam audivimus ita de Beato Thomâ differentem: Cum dixerit, VIDERI hoc ipsum sensisse; quòd dixerit VIDERI modo, non etiam oportere.

Quare quos audimus dicentes, existimo, censeo, videtur esse de fide, vel mihi, vel aliquibus est de fide, quæ in hac quæstione, etiam posterioris ævi Doctorem pars longè est maxima, eos, autore Cano, ex opinione, non ex certo firmoque iudicio dixisse scito; & cum res opinionis sit, valere nimirum ea, quæ de opinione diximus.

Non tamen sufficit, ut aliqui, vel multi, vel unius ætatis etiam plurimi, majore fortè confidentiâ, quàm doctrinâ absolutè certoque dicant, de fide est, erroneum est, hæreticum est; sed

Ib. cap. iv.
pag. 318.

Ib. lib. xij.
cap. vi. pag.
492.

QUINTA & ultima PROPOSITIO, quam ex Cano depromimus, hæc est: Concordem omnium Theologorum Scholæ, de fide aut moribus sententiam contemnere, si hæresis non est, at hæresi proximum est. Et alibi apud eundem: Si Scholastici Theologi aliquam itidem conclusionem firmam & stabilem uno ore omnes statuerint, atque ut certum Theologiæ decretum fidelibus amplectendum constanter & perpetuò docuerint, illam ut Catholicam veritatem fideles sanè amplectemur.

Vides quæ certa, fixaque & inviolata Theologiæ decreta sint, in ea consentire debere firmam stabilemque ac perpetuam Scholasticorum omnium, non ex opinione, sed ex certo firmoque iudicio profectam sententiam. Quæ ex re confirmatur id quod sæpè diximus: qui ita concludunt, nunc, vel, hoc tempore omnes Scholastici ita sentiunt; ab his suam quoque enervari statim, infirmarique conclusionem: ut exindè constet id, quod statuunt, ad hæresim aut errorem in fide minimè pertinere posse; cum vel hinc, ipsis quoque testibus, Traditionem certam ab eorum sententiâ abesse constet. Fides enim non est temporum, ut aiebat ille præclare, sed Evangeliorum.

Quæ quidem à me dicta sunt, ut sæpè monui, eo rerum statu, quo nulum novum interpositum est Ecclesiæ decretum, ad antiquam Traditionem

(a a) Durandi. Is est Episcopus ille Mimatensis Canonistarum xij. sæculi facile princeps, qui Speculator dictus est, edito nempe libro, cui titulum fecerat: Speculum juris. De illo egregio Canonistâ jam alibi diximus. Sed hîc observandum est Durandi nomen, in allegatâ decretali nusquam reperiri, & hanc esse damnatam propositionem: Quia Pagani circa plures insimul feminas affectum dividunt conjugalem, utrum post conversionem omnes, aut quam ex omnibus volunt retinere valeant, non immerito dubitatur.

clarius & expressius declarandam. Qui enim in quæstionibus, quales nostræ sunt, quæ à trecentis ferè annis inter Catholicos agitentur, nullâ ejusmodi auctoritate ducti, ad novas censuras repente profiliunt, eorum profectò numero sunt, quos dicebat Canus, *de rebus gravissimis temeritate quadam, repente quasi vento incitato, ferre sententiam*: qui quidem quò vehementius alios condemnarint, eò profectò luculentius, non in illis hæresim vel errorem, sed in seipsis temeritatem, incitiamque produnt.

Ib. lib. viij.
cap. v. pag.
320

Quare his positis, omni ratione pervicimus, nos ab omni ejusmodi censurâ planè absolutos esse. Quadruplici enim veluti gradu tuti invictique consistimus. Primus est: tantum abest ut motâ quæstione concors fuerit adversum nos ac perpetua & stabilis Scholasticorum omnium sententia, ut attemptâ quidem universâ temporum serie, non tantum autorum gravitate, verum etiam número, superiores simus: neque tantum privatos Doctores innumerabiles, verum etiam Theologicas Facultates multas easque celeberrimas, decreto quoque facto, consentientes habeamus. Hoc primum. Alterum: tantum abest ut motâ quæstione, Ecclesia congregata, ipsique Pontifices, judicium interposuerint suum, ut potiùs consultò à judicando saltem temperarint, resque integras reliquerint. Tertium: ex eo consequens est, ut si privati Doctores posterioris ævi, consultò tacente Ecclesiâ, censorias notas vel maximè adhibuissent, non nisi temerariæ præcipientesque haberi possent. Postremum: nequidem id fecerunt, certo judicio concordique sententiâ; sed his planè verbis, quæ opinionem, non autem firmum decretum indicent.

Jam verò cum certa pro nobis, atque omni auctoritate firmata, Synodi Constantiensis decreta proferemus, quinta quæstio erit: quo illi loco sint, qui tantæ auctoritati contradicant? Sed eam quæstionem ad aliam hujus operis partem reservamus. Hic nos tutos esse probasse sufficiat.

Cæterum cum Melchioris Cani proferimus auctoritatem, non propterea omnia, quæ hæc tractando, magnificè de Scholasticis Doctoribus edixerit, à nobis comprobata esse volumus, quale est illud: *Scholæ auctoritate res plurimas ab Ecclesiâ esse definitas*; cum potiùs videatur dicere debuisse, perpetuæ Traditionis auctoritate definitas fuisse: cujus Traditionis Scholæ doctrina, pars aliqua haud quidem contemnenda fuerit. Neque magis probamus illud: *Omnes simul Scholæ Theologos, uti retulimus, errare non posse...* quòd eorum error, error esset Ecclesiæ, utpote, cum ad decernendum hujusmodi res, non alios Ecclesiâ quàm Theologorum oculos habeat, qui si fallerentur, totum Ecclesiæ corpus, in suo facerent errore versari. Quasi Episcopi, veri Ecclesiæ Doctores à Christo instituti, nihil ipsi per sese sapiant & intelligant; aut Scholastici tantum, non autem vel maximè, qui in publicâ Ecclesiæ Cathedrâ, verbum divinum catechismusque tradant, audiendi sint: quæ & alia quo sensu probanda, vel intelligenda sint, in medio relinquimus. Id unum contendimus, ut illius quoque, qui Scholasticis plurimum tribuat, calculo, à quorundam Scholasticorum censuris tuti & illæsi simus.

Ibid. cap.
v. p. 319.

Ib. liv. xij.
cap. vj. pag.
493.

CAPUT XV.

Aliæ notæ : quæ ad fidem pertinent paucis diluuntur : sapiens hæresim , malè sonans , periculosum in fide quid sit : schismaticum à D. STRIGONIENSI inustum , sed ne hujus quidem nominis significatione perspectâ.

Gerf. T. j.
edit. Dup.
pag. 22. 23.

Gabr. Biel
in iv. sent.
dist. xiiij. q.
ij. art. iij.
dub. j.

Can. lib.
xij. cap. xj.

Vid. D'Ar.
gentrè &c.
Vern. def.
&c. p. 247.

NOSTER quidem Gerson , quo autore à nostrâ Facultate multas , easque accuratas , & ad regulam exactas censuras esse editas , omnes consentiunt , de censurarum notis , multis libris agit. Sed in eo libro maxime , cui est titulus , *Declaratio veritatum quæ credi debeant*. Quo loco post hæretici , erroneique notas , docet , propositionem quæ hæresim sapiat definiri posse eam , *ex cujus concessione , coassumpto aliquo , quod non potest rationabiliter negari , sequitur hæresis*. Talis esse videretur hæc propositio : *Gregorius Magnus non fuit Pâpa*. Assumpto enim eo , quod non fide quidem sed aliunde certissimum est : *Gregorius Magnus rite fuit electus in Papam* ; sequeretur eum qui canonicè in Papam sit electus , non esse Papam , quod esset hæreticum. Unde existit illud , *Ja ienis hæresim* , in eâ propositione , *Gregorius Magnus non fuit Papa* ; quam definitionem à Gabriele Biel (bb) Gerson deprompsit integram. Totum verò illud , *sapiens hæresim* , à nostrâ sententiâ excluditur , cum illud *coassumptum* , quod licet non fide certum , alioqui evidens per se sit , nequidem fingendo excogitare quis valeat.

Malè sonans in fide , quantum capio , haud facillè secernas , ab eo quod *sapit hæresim* , sive errorem ; sed ut id quod *sapit hæresim* ad gustum quemdam , ita id quod *malè sonat* , magis refertur ad aures : quòd cum subtiliter apud te pensitaveris , in idem recidere facillè comperies ; quamquam *malè sonans* à Melchiorre Cano confunditur cum eo , quod sit *plurimum aurium offensivum* , de quo dicemus postea.

Neque ab iis multum distat istud quod *periculosum in fide* dicitur : cujus quidem notæ insigne exemplum habemus in censurâ nostrâ Facultatis XXIV. Maii 1664. Erat hæc Vernantii propositio : *Si Papa non est infallibilis in Scripturis interpretandis , nostra fidei professio mutanda est , neque dicendum amplius , nos Sanctam Ecclesiam Catholicam & Romanam credere*. Quæ propositio , quoniam eâ quæ fide certa essent , cum incertis dubiisque implicabat ,

(bb) Biel] Canonicus regularis in libros Magistri sententiarum commentaria scripsit non aspernanda , & docuit in Universitate Tubingensi ab Eberardo Comite Wurtembergensi an. 1477. instituta. Diximus in nostris notis Gallicis hunc docuisse in Universitate Turingensi , errorem nempe secuti D. Dupin , quem hic emendarum volumus. In textu quoque D. Bossuet levis error iirepsit ; sive sit ille ipsius D. Bossuet , sive , quod nos credimus , amanuensis. Dicitur enim hanc definitionem à Gabriele Biel Gersonem deprompsisse ; cum potius fuisset dicendum eam Gabrielem Biel à Gersonem deprompsisse. Nam vix natus erat Biel , quando Gerson diem supremum obiit , an. 1429. Vid. Dup. xv. sæc.

remque fidei solâ opinione fundabat, ipsa fides in periculum vocabatur; quippe quæ cum opinione in ejusdem calus consortium trahi posset. Atque id sacra Facultas cum intelligeret præclare pronunciavit: *Hæc propositio est falsa, temeraria, scandalosa, periculosa in fide.* Quam censuram incurrunt nunc, qui Primatûs fidem totamque Ecclesiæ Catholicæ autoritatem, cum eâ quam imbiberunt opinione, connectunt.

Jam profligatis iis quæ nostram fidem incusent, facile efficiemus, ut illo schismatici elogio, quod Dominus Strigonienſis iratus effudit, nihil quidquam sit inanius. Et quidem doctrinam nostram, contra potestatem indirectam, non modò Perronius Cardinalis, sed etiam, eodem teste Perronio, ipse Bellarminus hujus potestatis propugnator acerrimus, absolvit ab anathemate. *Cæterum*, ait Perronius, *ipse Bellarminus monet id quod de Pontificis in temporalia potestate indirectâ docet, non à se haberi ut fidei doctrinam, aut sub pœnâ anathematis & excommunicationis à fidelibus tenendam. Quare hæc omnia communioni Ecclesiasticæ sancienda impedimento esse non possunt; certissimèque constat à Domino Strigonienſi inustam schismatis notam, ne illius quidem definitione perspectâ.*

Repl. de
Duperr. p.
545. edit.
1622.

Primum enim schisma separationem sonat; quare schismatis nomen sponte corruiſit, ubi nulla separatio est. Atqui Clerus Gallicanus, neque se à quoquam, neque quemquam à se separat: ergò schismatis nomen, ipsâ nominis significatione statim vacat. Si autem vacabat in nos, necessariò recidebat in autorem; cum procul dubio sit ipse reus schismatis, qui pacificis ac fratribus schismatis crimen intentat. At enim ejus nomine respondebunt: Vos Galli nondum schismatici, sed propositiones vestræ schismaticum virus instillant. Quo pacto? Ideò certè quia ad separationem inducunt. At quâ in re? In doctrinâ scilicet, cum res doctrinæ sit. An ergo docemus rem à communi omnium fide abhorrentem? Id si ita est, jam non schisma, sed hæresis aut error est, quod cum nec ipse dixerit, certè schismatis nomen, nullâ re nixum, inane esse docet. An fortè schismatici sumus, quòd de doctrinâ non necessariâ litigamus? Atqui ne litigamus quidem; nostra proponimus; ab omni contumeliâ & censurâ temperamus.

Ecclesiæ antiquitûs aliæ alias Scripturas admittebant: non easdem omnes. Erant qui epistolam ad Hæbræos, erant qui Apocalypsim respuerent, & in iis quidem à Romanâ Ecclesiâ dissentirent: nullum tamen erat schisma, quod innocuè & citra cujusquam injuriam dissiderent, neque alii alios condemnarent; quæ longè profectò gravioris momenti, quàm hæc nostra erant.

Nostri certè Episcopi neminem condemnârunt. Si verò schismatici sunt ideò, quòd non laturi esse videantur, apud nos doceri suis decretis contraria; jam sunt schismatici, qui in aliis regionibus nostra proscribunt, aut verò condemnata ea esse, demonstrare oportet. Quod tu si crederes, non jam schismaticos, sed hæreticos nos diceres.

Summa sit. Duo sunt quæ in Declaratione Gallicanâ proponuntur: alterum communis omnium fides de Primatu Petri: alterum sententia Parisiensium & Ecclesiæ Gallicanæ, quam à Synodo Constantienſi, & antiquâ Traditione manâsse arbitramur. Sanè cum fidem proponere aggredimur, ea tantum producimus, quæ omnes Catholici uno ore suscipiunt. Neque verò


Cenf.
Strig. in
vind. Scol.
&c.

aliter egit Dominus Strigoniensis, in eâ quam cum ipsâ censurâ edidit fidei professione solenni. *Profitemur*, inquit, *atque spondemus Sanctæ Romanæ Ecclesiæ, quæ unica est, perpetuò adhesuros, neque ab ejus institutis, totius Orbis consensu approbatis, ubique florentibus ac dilatatis, quovis prætexu discessuros.* Non ergò privatas sententias adducat oportet, qui fidem profitetur, sed quæ totius Orbis consensu approbata, ubique florentia ac dilatata sint.

At dices: quid ergò additis alia? Addimus quæ utilia Ecclesiæ, quæ familiaria nobis, quæ posteris profutura: addimus quæ Primatum ipsum, atque amplitudinem Romani Pontificis firment, invictamque & in animos suavius influentem præstent; sed ea asserentes, condemnamus neminem; veritatem pariter pacemque diligimus.

Exploso schismatici titulo, *illud absurdum & detestabile* Domini Strigoniensis, quippe quod plus irarum, quàm censurarum habeat, omittimus. Nihil enim videtur dixisse, qui cùm nihil perspicuum haberet dicendum, vagâ confusâque sententiâ detestabilem esse doctrinam effutiit eam, quam fidei repugnare nec ipse diceret.





A P P E N D I X
AD DEFENSIONEM DECLARATIONIS
CLERI GALLICANI
D E
ECCLESIASTICA POTESTATE.

L I B E R T E R T I U S.

Quòd DECLARATIO GALLICANA ab omni censurâ immunis
sit ex ipso statu quæstionis demonstratur.

C A P U T P R I M U M.

*Aversarii falsa imputant Parisiensibus, ac pessimè constituunt statum
quæstionis: Anonymus autor tractatûs DE LIBERTATIBUS EC-
CLESIAE GALLICANÆ: Papæ suprema potestas & Monarchia
Ecclesiastica à GERSONE, & aliis Parisiensibus agnita: Con-
stantiensis Concilii loci à CAJETANO & alis objecti: an recursus
ad Concilium in extraordinariis casibus supremam Papæ impe-
diat in ordinariis casibus potestatem?*



NIMADVERTI eos, qui antiquam Parisiensium sententiam,
eique congruam Cleri Gallicani Declarationem censoriis con-
figunt notis, id facere ex conceptis de hoc dogmate falsis
opinionibus, quos proinde, constituto statu quæstionis, facile
refellemus.

Atque ille quidem, qui de libertatibus Gallicanis, scripsit
Anonymus, quæstionem de Conciliorum potiore potestate ita constituit:
Tom. II. Append.

Anon. de
libert. &c.
lib. v. c. v.

M

vj. xj. xv.
xvj. & pass.

Sed quæstio est, penes quem sit suprema potestas, an penes Episcopos sine Summo Pontifice, an penes Summum Pontificem sine Episcopis, dum invicem distinguuntur. Quare toto libro V. quo hanc quæstionem tractat, ubique proficitur agere se de Concilio, à quo Summus Pontifex ejusque Legati absint. At profectò constat non in eo positam quæstionem: an Papa Concilio sub- sit ei, quod sine ipso congregetur: quæ specialis est controversia tractata ab Orientalibus, tempore Concilii V. congregati sine Vigilio (a); sed an Pontificis decreta de fide, aliisque hujus generis rebus, ea sint quæ à Synodo retractari possint, atque interdum debeant, & an congregato, ut nunc ordinariè Canones jubent, ejus autoritate Concilio, ipsius, an Patrum ac sacri confectis sententiæ prævaleat.

In eodem errore versatus est Emmanuël Schellstratus ac cæteri passim, qui intelligunt, ejus tantum à nobis asseri Concilii potestatem, quod seorsim à Papâ fiat. Quo uno clarum est, à toto quæstionis statu aberrare eos, eorumque argumenta, censuras, tractationes universas in irritum cadere.

Sanè apud omnes constat, certis quidem in casibus extraordinariis, Concilium absque Papâ congregari posse; idque non modò in schismatis casu, si Papa sit dubius, sed etiam extra schisma, si sit hæreticus, si derentus, si mente captus, si apertè simoniacus; si ea moliatùr quibus universam pefunder Ecclesiam, aliis denique in casibus, *qui dilationem remedii non pa-*

Id. c. v.
n. 13.

(a) *Congregati sine Vigilio.*] Binius in notis quas addidit Concilio V. affirmat quidem, non verò probat *Vigilium Papam hanc Synodum autoritate Pontificiâ indixisse.* Quapropter opæ pretium esse duximus hîc narrare per summa capita Vigili cum Patribus Synodi V. celebrem controversiam. D. DE MARCA de Concord. &c. lib. v. cap. xij. n. 10. rem leviter attingit his verbis: *De quæstione propositâ decernere quinta Synodus sibi liberum esse duxit, etiam absente Pontifice;* sed in eâ dissertatione quam edidit Labbeus Tom. v. Conc. pag. 595. ille hæc ordine explicat & probat: 1°. tantum abfuisse à mente Virgilio ut ipse statim approbaret trium capitulorum damnationem, ut è contrâ tulerit graviter edictum quod de eâ quæstione sanciverat Justinianus, conquestusque fuerit de Episcopis qui edicto consenserant: 2°. existimasse eum tali condemnatione condemnatum iri ipsum Chalcedonense Concilium, quod in scripta Theodoretî non animadverterat, & Iba epistolam approbasse videbatur: 3°. evocatum Constantinopolim ab Imperatore Vigilium, qui causam trium capitulorum unâ cum Orientalibus Episcopis disceptaret: 4°. cum Orientales eò maxime intenderent ut quoquo modo edictum subscriberetur, omnem de eâ re collationem repudiatam fuisse à Vigilio, qui etiam comminatus est à suâ communione alienos fore eos, qui edictum subscriberent: his comminationibus iratum fuisse Justinianum & commotum populum, ita ut ipse Vigilius coactus fuerit clam fugere Chalcedonem: 5°. inde factum esse ut Imperator, remoto edicto discussionem hujus causæ integræ futuræ Synodo permiserit: Vigilium hoc sibi placere significasse, datâ epistolâ ad Eutychium Patriarcham C. Pm, sed tamen petiisse ut Synodus in Italiâ haberetur: jussisse autem Imperatorem ut Episcopi convenirent Constantinopolim: 6°. Synodo congregatâ, Vigilium, qui promiserat in suis ad Eutychium literis, se Synodo adfuturum, ei adesse noluisse multis de causis; sed præcipuè quia paucissimi secum erant Episcopi Occidentales: interea scripsisse eum ad Imperatorem suum *Constitutum*, quo copiosè suam de tribus capitulis sententiam explicabat, simulque contendeat, has quæstiones post Chalcedonense Concilium retractari non oportere: 7°. hanc controversiam nihilominus disceptatam fuisse & decisam à Concilio, & Vigilium ab Imperatore in exilium pulsus, eò quòd Synodica definitioni consentire nolisset: 8°. denique post sex menses tria capitula à Vigilio fuisse damnata, decretali etiam editâ ad Eutychium, in quâ sic loquitur: *Quæ verò aut à me aut ab aliis ad defensionem trium capitulorum facta, presentis hujus scripti nostri definitione evacuavimus.* ibid. pag. 602. Ex quibus duo concludimus: primum, non tantum invito, sed etiam contradicente Papâ, quæstionem à Synodo habitam fuisse & definitam: alterum, Synodi Œcumenicæ judicium adeò valuisse, ut ipse Papa, quantumvis repugnans, ei demum consensisset.

terentur, quos casus evenire posse, Theologi, Canonistæque omnes, & ipse etiam agnoscit Anonymus; atque iis in casibus, Papæ Concilium anteponi oportere nemo diffitetur. Quorsum enim attineret Concilium absque Papâ fieri, nisi autoritas Concilii prævaleret? Rursus autem confitemur generale Concilium absque Papâ congregatum, nisi id ipsa necessitas expresserit, ipso jure esse nullum; ut iis de rebus litigasse, nihil aliud sit, quam operam ludere, & aliis invidiam constare voluisse.

Sunt alia quæ nobis imputent æquè falsa. Primùm negari à nobis, eam quâ Romanus Pontifex Christo autore gaudeat supremam in Ecclesiâ potestatem, ac Monarchicum Ecclesiæ Romanæ statum, sive, ut Patrum magis utamur vocibus, illam perfectissimam unitatem, in quam Ecclesiæ administrandæ ratio tendere ex Christi instituto debeat. Hoc primùm nobis imputant: tum illud ex eo profluens, nullum à nobis poni controversiis oborturis finem, nisi Concilio generali congregato, totoque Orbe commoto, quod cùm sit difficillimum, ac sæpe ne possibile quidem, hinc dari hæreticis grassandi, & omnia perturbandi locum. Denique addunt, si fieri possit, id quod Parisienses asserunt, Romanum Pontificem de fide decernentem aliquando falli, etiam fieri posse, ut quæ Catholica fides & Ecclesia est, non eadem semper Romana fides & Ecclesia sit. Ea verò esse quibus maximè moveantur, & quibus Libros impleant, qui bonâ fide agat, nemo negaverit. Atqui ea ne objicerent quidem, si vel statum quæstionis cogitare vellent.

Supremum enim illud, ut inde ordiamur, ex Concilio maximè Constantiensi repetendum putant. Vel Cajetanum audi contra nostros disputantem. Statim fundamenti loco ponit illud, in Constantiensi Synodo per Martinum V. ita definitum: *Papa supremam habet auctoritatem in Ecclesiâ Dei.* Cui est geminum illud, ab eadem Synodo in Wiclefo damnatum, & à Martino V. approbante Synodo repetitum: *Non est de necessitate salutis credere Romanam Ecclesiam esse supremam inter alias Ecclesias.* Idem urgent omnes, & eo maximè argumento Nicolaus Dubois Declarationem Gallorum oppugnat.

Optimè interim, quòd ex eâ Synodo maximè argumentantur, quàm maximè autorem secuti sumus. Neque immeritò ex eâ Synodo supremæ auctoritatis vocem ac titulum constabilitum volunt, qui in eâ Synodo primùm appareat. Res enim ipsa antiqua; sed prima, quod sciam, Synodus Constantiensis fuit, quæ supremæ auctoritatis adhibitâ voce, Romanæ Ecclesiæ Primatum commendaret. Hinc nostrum postulat, ut ex eâ Synodo, supremum illud interpretemur, in quâ primùm fuerit summâ auctoritate proditum. Hic jam adversarios trepidare videas. Satis enim sciunt Synodum Constantiensem eam esse, quæ apud ipsos malè audiat, quòd Conciliorum faveat auctoritati; sed profectò necesse est, vel omnia jura conturbent, vel eo utantur iudice quem ipsi elegerint.

Nos, inquit, non protulimus Sessionum IV. & V. decreta, quæ Concilium Pontifici anteponunt: nondum enim omnes obedienciæ convenerant. At nihilo magis convenerant Sessione VIII. cùm illud in Wiclefo damnatum est: *Romana Ecclesia non est suprema inter alias Ecclesias.* Una tum

Cajetan.
de aut. Pap.
cap. j. post
tom. iij.
comm. in
summ. S.
Thom. p.
6.

Bull. Mart.
v. inter cum-
clas tom.
xij. Conc.
pag. 265.
Disq. art.
iv. pag. 21

convenerat Joannis XXIII. obedientia, quæ Sessionum IV. & V. edidit cano-
nes, quos pertimescitis. Certè sanctam Synodum tam citò à sententiâ dis-
cessisse, atque à Sessione V. ad Sessionem VIII. tantam rerum esse conversio-
nem factam, nec vos ipsi creditis. Ergò suprema illa autoritas Pontifici at-
tributa, cum eâ quàm Constantienses Conciliis asserunt autoritate, non re-
pugnat. Illud tamen omittamus: Sessionum IV. & V. decreta in alium lo-
cum differamus. At certè adversarii non negabunt in Sessione V. ita intel-
ligendam esse supremæ autoritatis vocem, ut Sessione VIII. explicata est;
atqui in Sessione VIII. ita explicatum est supremam esse Ecclesiam Roma-
nam, ipsumque Pontificem, *quatenus Primatum habet super omnes Ecclesias
particulares*. At fortè Cajetanus ne eum quidem locum, tametsi est à Marti-
no V. apertè comprobatus, proferre voluerit: obscurus, ambiguus, nimis-
que Conciliaris est ille locus. Audiamus ergò tandem quid ex Martino V.
prolatum voluerit. Nempè id in Bullâ *inter cunctas*, sacro Constantiensi
Concilio approbante editum: *Quòd Papa canonice electus... sit Successor Bea-
ti Petri, habens supremam autoritatem in Ecclesiâ Dei*. At ne illud quidem
cogitas, *supremam dixisse in Ecclesiâ Dei*. Tu continuò inferis: ergò super
omnem Ecclesiam, etiam congregatam. Statum quæstionis, & ipsa quæ
laudâsti verba mutas. Nos autem fatemur, supremam *in Ecclesiâ*, non
totâ Ecclesiâ, etiam congregatâ, superiorem; sive quod idem est & in Con-
cilio Basileenfi positum: *Papa in Ecclesiâ major, non tamen totâ Ecclesiâ
major*.

Cajet. loc.
cit. cap. vij.

At enim Cajetanus ita philosophatur: Non est ille supremus etiam in
Ecclesiâ, qui supra se agnoscit aliquam in Ecclesiâ potestatem, cui subdit:
Atqui Parisienses talem Papam faciunt, qui Conciliari potestati subdit, non
ergò Papalem, sed Conciliarem supremam faciunt potestatem. Cui argu-
mento facilè respondemus, utramque supremam esse diverso respectu: su-
premam alteram, nempe Pontificiam, tanquam ordinariam; supremam al-
teram, nempe Conciliarem, extraordinariis in casibus, ac rarò eventuris:
quam distinctionem, ne ea quidem, quâ plurimùm Cajetanus utitur, Phi-
losophiâ respuat. At enim supremi vocem strictissimè vult acceptam, etiam
in Constantiensi, quod laudat decreto; siquidem id fingit, omnes Concilii
Patres, quidquid antea cogitârint, edixerint, sanxerint; Martinum verò
V. quidquid audierit, approbaverit, exscripserit, oblitum esse penitus. Rectè.
Sin autem non ita est, ipse profectò Cajetanus est nimius, & suprema Papæ
potestas, ex Constantiensi quo utitur decreto, mitiùs intelligenda est.

Gerf. de
potest. Eccl.
conf. x. T.
ij. p. 239.
& concl. ij.
pag. 239.
256.

Vis Monarchiæ vocem? Nostri ultrò amplectuntur, & apertè Gerson:
*Plenitudo potestatis Ecclesiastica... à Christo collata est, supernaturaliter Petro
sicut Vicario suo & Monarchæ primo, pro se & successoribus usque in finem sæ-
culi; & postea pro absurdo habet, regimem Ecclesiasticum non esse Monar-
chicum, & habere multiplex caput: quod quidem, inquit, est apertè hereti-
cum; & tractatu celebri, de auferibilitate Pape, postquam humanas Mo-
narchias in Aristocratias aliquando converti posse memoravit, ut olim in
Republicâ Romanâ factum est, addit: Non sic de Ecclesiâ Christi, quæ in
uno Monarcha supremo... fundata est à Christo... & oppositum sentientes...
errant in fide... contra articulum illum, ET UNAM SANCTAM ECCLESIAM.*

Id. tract.
de aufer.
Pap consul.
viij. ibid. p.
213.

Quod factum esse docet, ut non schisma fieret, sed reductio ad unum supremum; & idem ipse, nostrique semper inculcant. Neque eò secius ipse, & alii iisdem in locis, Concilii superioritatem ex Constantiensibus decretis vel maximè propugnant. Quare totum illud de supremâ potestate, deque Monarchiâ statu, extra quæstionem est, & nobis invidiosè objectum.

At enim Richerius hanc Monarchiam odit (b), & ubique insectatur, & Aristocratiam Ecclesiasticam laudat. Non ille quidem absolute, sed Monarchicum esse Ecclesiæ statum suo sensu profitetur. Verùm utcumque est, ipse viderit: non Clerus Gallicanus tutandum eum suscepit: Gersonem potius & Parisienses tueretur. Sed ne ipsos quidem, nisi quatenus antiquæ Traditioni, & Synodo Constantiensi consentiunt. At, inquis, non est supremus Romanus Pontifex, si semper ab eo ad Concilium recurratur: & hoc nobis imputas extra quæstionem. Ad certos enim casus, eosque extraordinarios atque generales, quibus Ecclesia tota concutitur, sese ipsa redigit Constantiensis Synodus, quam sequimur ducem. Eo vero prætextu continuo sollicitari Ecclesiam, ac Christianum Orbem commoveri, Sedisque Apostolicæ auctoritatem, in ordinario etiam regimine & quocumque casu dato, à Concilii auctoritate suspensam, adeoque impeditam semper, & invalidam teneri, ac nomen nudum esse, pejus omnibus malis odimus. Neque eò magis probamus Pontifici etiam delinquenti, aut delinquere viso semper intentari Concilii generalis auctoritatem, ac sub Concilii nomine schismati præberi fomitem. Gerson enim & alii inculcant assidue, valere Concilii auctoritatem ad Papam judicandum certis casibus, iisque ita extraordinariis, ut vix mille annis, bis aut ter eveniant: quibus tamen haud secus ac quotidianis casibus in antecessum provideri, stabilitâ Concilii auctoritate necesse sit, quòd scilicet Ecclesiæ ipsi in æternum duraturæ, mille anni sint tanquam dies unus; totque tentationes expertam ac tantis præliis præparatam, vigilare sibi que cavere oporteat.

Gers. de
pot. Eccl.
loc. cit.

Neque ex eo quòd Constantiensis Synodus Papam subesse Concilio velit, etiam in negotio reformationis generalis, ideò probamus reformationem eam quam sine Papâ aggredi vellent. Nam Cameracensem audimus, ita concionantem in ipso Constantiensi Concilio: *Manifestum est quòd Ecclesia fuit multipliciter deformata, indiguitque & nunc maximè indiget, ut in fide & in moribus reformetur* (explicatâ fide scilicet, ejectis hæreticis, purgatisque moribus) *Sed nunc membris Ecclesia separatis à capite, per tetrum illud schisma, & Apostolico dispensatore & direttore carentibus, nequaquam be-*

Vid. Per.
Alliat. int.
op. Gers.

(b) *Richerius hanc Monarchiam odit.*] Hoc quidem est falsissimum & à Richerii adversariis calumniosè dictum. Nam Richerius nunquam in eâ re vel tantisper discessit à doctrinâ Majorum Scholæ Parisiensis, atque adeò Gersonis, qui tradiderunt statum Monarchicum Ecclesiæ regimine aristocratico & democratico temperari; quod etiam firmis rationibus comprobavit Petrus Alliaccensis, tractatu de Ecclesiâ, Concilio generali & Romano Pontifice Constantiæ edito. Vid. App. tom. ij. operum Gers. pag. 945. Neque desunt hodie qui suspicentur Richerium, quasi ille hanc doctrinam oderit, sive quia Richerius aprioribus quandoque verbis utebatur, sive quia ejus adversariorum nomina illustria pro certo judicio apud multos valent. Cæterum quisquis attentè legerit hujus Doctoris defensiones, virum hunc cognoscet, cum priscæ doctrinæ retinentissimum, tum disserendi industriâ omnibus Theologis utilissimum.

ne fieri posse speratur. Quod quidem secuta Synodus Constantiensis, reformationem distulit, & electionem Pontificis expectavit.

CAPUT II.

Falsò imputari Parisiensibus, quòd saltem in fidei causis, recursus ad Concilium semper sit necessarius.

Disq. art.
viii. n. 107.
108. 109.
110. & seq.
pag. 38. 39.
vid. etiam
part. refut.
&c. pag. 78.

AT illud ineluctabile esse putant, quòd, saltem in fidei causis, recursus ad Concilium semper sit necessarius, si Papam negemus esse infallibilem. Quà unâ doctrinâ prævalere hæreses, cùm in ea incidunt tempora, quibus Concilium vix ac ne vix quidem congregari possit. Hoc adversarii omnes ad unum inclamant; sed hæc omnia frustra sunt. Jam enim Lutherum omni anathemate persecuti sumus, quòd ad generale Concilium omnia fidei decreta suspenderet; & nostra Facultas eamdem doctrinam in Milleterio condemnavit atrocibus notis: quam censuram integram suo loco referemus. Neque obscurum est Gersonem & alios, id non tantùm Concilio generali, & congregatæ Ecclesiæ, sed etiam ubique diffusæ tribuisse, ut errare non possit; nec mirum, cùm Concilium ipsum eò sit infallibile, quòd Ecclesiam repræsentet: quo fit ut Ecclesiam per se esse infallibilem negare nequeat, qui vel intelligat repræsentare quid sit. Denique pestiferam doctrinam Clerus Gallicanus, novissimâ illâ, quam totis studiis impugnant Declaratione, confixit, dum sine Concilio quoque Ecclesiæ consensum valere professus est. Sed illum quem laudamus, Ecclesiæ consensum irridet Nicolaus Dubois, dum ea verba tractat Declarationis Gallicanæ, *nisi Ecclesiæ consensus accesserit.* Sic enim interrogat: *Cujus Ecclesiæ? An universalis omniumque Prælatorum & Episcoporum, etiam Capitulum, tam Cathedralium quàm Collegiatorum?* Ut ludit vir suavis, sibi quæ & aliis offundit nebulas! Pergit porro: *An omnium Episcoporum totius Orbis etiam Japonum, Indiarum, & aliorum apud infideles, vel hæreticos latitantium? Quandonam tandem hic habebitur? Dum expectabitur ab aliquibus aliorum consensus, ex his forsitan mortui erunt plures, qui forte consenserint, sed de quorum consensu non constet authenticè. Illorum igitur qui successerint novus consensus erit expectandus.... An majoris partis.... Facti quæstio inextricabilis, quia unde scietur, quòd illi quos consensisse constabit authenticè, majorem partem Ecclesiæ constituunt. Quin Episcoporum labori ac sumptibus parcit vir providus: Quanta, inquit, singulis Episcopis molestia, & sumptus, ut ex toto Orbe, ab omnibus Ecclesiis vel saltem majori earum parte obtineant authenticam consensûs demonstrationem? Metuit etiam Galliæ ab iis, qui prætendunt Pontificias Bullas de Janfeniano negotio, non esse receptas: Satisque, inquit, ipsis erit si negent? quia.... illi incumbit probatio, qui affirmat, non qui negat. Hæc tamen & alia, quæ operosè & anxie vir bonus congerit, eo fundamento nituntur, quòd consensus, nisi certâ con-*

sentientium omnium, per peculiare instrumentum, testificatione constare non possit; quòd cùm sponte & uno veluti flatu corruat, tum omnis machina concidat necesse est, & inanes terriculæ, uti illa in nubibus efficta monstra, evanescunt.

Paribus argumentis si quis adoriatur nostrum autorem, rogetque aliqua lex recepta, an obsoleta sit? Credo, plebiscitum requireret, quo ipsi quidem constet plebem decreto facto legi obstitisse, aut verò consensisse: vel quandoquidem plebi subditæ non est datum abrogare legem à Principe latam, nisi aliquo modo Princeps consenserit, noster hæsitabit quoad de abrogatâ lege diploma Principis afferatur: totumque illud, quo de explicito & implicito, interpretativoque consensu, Theologi, Philosophi, Jurisconsulti fanciunt ad unum omnes, futurum est irritum. Hos in re tam feriâ ludos agunt.

Neque cogitant consensum publicum non eo constare, quòd aliquod de illo extet commune & publicum instrumentum. Quin illud est persæpe multò validissimum, ut in omnibus Imperiis, ita in Imperio Christi, quod nullo peculiari instrumento consignatum, sed omnium inscriptum mentibus, omnium sermone usuque celebratum. Atque illud in Ecclesiâ plerumque contingere, & ex sese perspicuum est, & suo loco fusiùs exequemur, & vel nunc satis liquet de decretis Pontificiis nullam dubitationem esse posse, receptane sint an non? Quis enim nesciat nullis missis Nuntiis, nullis perlatis literis, de Janseniano negotio Diplomata ubique obtinere, cùm neminem obstrepere ac reclamare audiamus? Quod cùm sit, tunc Concilium non est necessarium. Sic enim suâ sponte per pronos animos, ab altâ Sede Petri, vera doctrina prolabitur, ac Romano Pontifice omnium explicante doctrinam & sententiam, nihil necesse est, ut congregatâ Synodo, ipsa per se tota quid censeat Ecclesia eloquatur. Denique quocumque modo fiat, ut Ecclesia consentiat, transacta planè res est. Neque enim fieri potest unquam ut Ecclesia Spiritu veritatis instructa, non repugnet errori. Sic res Janseniana processit. Sed hoc quoque suo loco. Interim, satis constat totum illud tantoperè à Disquisitore, aliisque jactatum, de sumptibus atque laboribus, deque Nuntiis ac litteris quocumque mittendis, ludicrum vanumque esse.

CAPUT III.

*Quòd si unus vel alter Romanus Pontifex in decreto fidei aberraret;
nihil fidei Romanæ, nihil Romanæ Cathedræ Sedique
Apostolicæ noceretur.*

JAM si eveniret illud, quòd absit, ut à Romano Pontifice quæstionem fidei malè judicante, reliqua Ecclesia dissentire cogeretur, non propterea fides & Ecclesia Romana interiret, aut vera Ecclesia fidesque Roma-

Sup. lib. j.
cap. xv.

na esse defineret. Id jam docuimus, cùm de Joanne Driedone loqueremur: quo loco constituimus, Romanam, hoc est Petri non defecturam fidem eam esse, quæ à Petro primo, per successorum seriem ad nos devoluta jam coaluit. Neque verò Romana fides in solo aliquo Pontifice est; alioquin intereunte Pontifice, Romana interiret fides. At etiam vacante Sede, Romana fides viget, vigeretque profectò, etiamsi Pontifex plusquàm mortuus, quocumque tandem modo, à fide deficeret; & in infando illo schismate, quo quadraginta ferè annorum spatio non erat in Ecclesiâ Pontifex, nisi dubius, ac proinde nullus, si Bellarmino aliisque credimus, haud propterea minus Romana fides, Romana Ecclesia sterit. Unde Joannes à Turrecrematâ, Dominicus Jacobatius & alii Canonistæ, sive antiquiores, sive posteriores, suo quodam modo Sedem Apostolicam & Romanam fidem ab ipso Pontifice sejungunt; & ipse Turrecremata scripsit: *Si vel maximè Eugenius IV. Synodi Basileenfis Sessiones primas confirmare voluisset, Sedem Apostolicam passuram non fuisse*, quæ quidem, an, & quatenus rectè distinxerit, alibi inquiremus. Hinc profectò clarè perficimus, etiam eorum auctoritate qui Romano Pontifici maximè favere velint, eos à Sede suâ certo quodam modo ita esse distinctos, ut vel iis labentibus, Sedes immota stare possit, quod huic loco sufficit.

Turr. de
Eccl. lib. ij.
cap. c.

C A P U T I V.

Adversarii quæstionem de superioritate Papæ ad vana redigunt; casus hæresis evertit eorum generales regulas. CAJETANI argutiæ recitantur.

REPULIMUS ea quæ Parisiensibus falsa imputantur, sed odia profectò omnia, quibus hanc sententiam prosequuntur necesse est ut concidant, cùm ea viderimus, quæ ipsi, vel tanquam necessaria, vel tanquam probabilia consentiunt.

Placet primùm audire quid illi velint, qui vehementissimi omnium fuerint. Hi dicent statim, Papam supra omnia Concilia esse; nullo casu à sibi subiectis judicari; neque enim duas potestates supremas esse posse; contrariam sententiam erroneam esse. Ita Cajetanus, primus omnium, quod sciam, erronei affixâ notâ, satis confidenter (quippe quem nec alii sequerentur) sed ipsum tanta dicentem audiamus. Statim hæret ad Canonem, *si Papa*, & ad illud, *nisi fuerit à fide devius*. Tunc enim accusari, damnari, deponi Pontificem, velit, nolit confitetur. At forsitan declarativè tantùm, non autem destitutivè, ut aiunt: Papam enim volunt per hæresim ipso jure cadere à Papatu, ac declaratione tantùm opus esse. Hæc alii, non ipse Cajetanus; atque omnino asserit non id divino jure, non humano esse cautum. Sic denique statuit: *Papa hæreticus non est ipso facto depositus, sed deponendus*. Sagacis enim ingenii vir satis intelligebat ad quam Pontificii

Caj. de
comp. Pap.
& Conc.
loc. cit. &
pass.

Dist. xl.
cap. vj.

Caj. ibid.
cap. xvij.
xviij. & seq.
pag. 19. &
19q.

status

Statu ac publicæ securitatis perniciem pertineret illud, *ipso facto depositus*. Statim enim, hæresis mentione factâ, contemni impunè Pontificem à quocunque privato, & ejus acta haberi nulla & irrita, & totam concuti Ecclesiam: quæ Gerson intuens docebat, *Papam non cessare ipso facto, quo cadat in hæresim, sicut nec alius Episcopus, propter incertitudinem Ecclesiasticæ politie*. Neque erat quod ad notorietatem recurrerent. Primùm enim de ipsâ notorietate luditur, periculosissimumque est notorietate agere, nisi ipsa notorietas certo supremoque judicio declaretur. Tum si ad notorietatem solam, animadversio necessaria redigitur, maximum erat periculum, permitti Ecclesiam hæretico Pontifici, certa in fidem, licet nondum notoria machinanti. Quo in genere, quæ occultiora, ea periculosiora sunt. Quare nec Canon, *si Papa*, in notoriâ tantùm hæresi Papam judicari vult, sed generatim, *si sit à fide devius*, honorique ac securitati ipsius Pontificis datur, ut nonnisi à Concilio generali judicandus veniat. His quidem rationibus victus Cajetanus assensit. At illâ interim præclara quam animo informaverat, Pontificatûs idea effluebat. *Magna enim*, inquit, *restat ambiguitas quomodo & à quo judicabitur Papa deponendus.... cum Judex in quantum Judex, sit superior eo qui judicatur*. Magna certè & inextricabilis difficultas. Videamus quomodo se expediat. Primùm refert à quibusdam dici, quòd licet absolute, *Papa non habeat superiorem in terris Ecclesiam, ipse tamen, in casu hæresis, habet superiorem in terris Ecclesiam universalem, & sanè, inquit, est via communis*. Verùm eam ipse rejicit, malè sibi metuens, ne scilicet ex illo casu pulsus in alium, nullo loco possit consistere. Neque enim Christus peculiare quidquam, universali Ecclesiæ tribuit in solo hæresis casu; atque omnino tota illa de perfectissimâ, hoc est, in omni casu supremâ & absolutâ Pontificis Monarchiâ, tota, inquam, illa Cajetani idea ac regula perit, si vel in uno casu hæresis, fallit. Attamen sic elabitur: *Possè dici quòd Papa nec simpliciter, nec in casu hæresis habet superiorem in terris, sed subest potestati ministeriali universalis Ecclesiæ, quoad solam depositionem*. At interim extorquetur vel ab invito illud, *subest*; neque efficiet ullâ arte Cajetanus, eum qui, ut deponatur, subest, non etiam subesse, ut vincatur & ut judicetur. Neque item efficiet, ut is qui habeat judicem, non habeat superiorem. Quis autem negaverit *ministerialem* esse Ecclesiæ potestatem? Respectu Christi certè; Papæ quidem respectu, ministerialem esse, quâ Papa judicetur ac deponatur; nec si millies dixerit Cajetanus, omnesque argutias exhauserit, ulli persuadebit.

Gers. tract.
an liceat ap-
pellare à Pa-
pâ tom. ij.
pag. 305.

Caj. de
comp. &c.
cap. xx.

Ibid.

Ibid.

Ibid.

Sanè operæ pretium est intueri ut se torqueat, dum potestatem illam ministerialem exponit. Ait enim potestatem illam, quâ Papa deponitur, tripliciter considerari posse. *Tria enim*, inquit, *inveniuntur in Papâ; scilicet Papatus, persona quæ est Papa, putà Petrus, & conjunctio utriusque.... ex quâ conjunctiōe resultat Petrus Papa*. His positis subdit: *Et quoniam amotio Papæ, sive per renuntiationem, sive per depositionem, sive per ejectionem non est corruptio Papatus, nec Petri, sed conjunctiōis Papatus & Petri; idcirco diligentissimè & cautissimè oportet pro regulâ habere ante mentis oculos, cum de amotione Papæ tractatur, quòd non requiritur potestas superior Papæ, sed superior conjunctiōe inter Petrum & Papatum*.

Tom. II. Append.

N

Hæc Cajetanus operosissimè tribus exequitur prolixissimis capitibus XX. XXI. & XXII. Quâ sanè doctrinâ facilè demonstraveris, ne Nestorium quidem, exempli gratiâ, ab Ephesino Concilio, tanquam superiore fuisse depositum. Quis enim non videat depositionem eam non esse corruptionem Episcopatus, qui sanè in Ecclesiâ Catholicâ manet integer; neque etiam Nestorii, qui incolumis superest; sed conjunctionis Episcopatus cum Nestorio: atque adeò Concilii Ephesini potestatem non esse superiorem Episcopo Nestorio, sed *superiorem conjunctione* inter Nestorium & Episcopatum: quæ quàm vana & absurda sint omnes intelligunt.

Ibid. cap. xxj. Quare & illud vanum est, quòd *illa potestas* quâ Papa hæreticus depositur, licet minor Papatu, habet tamen vim coactivam, non super Petrum Papam, sed super conjunctionem Papatus & Petri.... in causâ hæresis, ita quòd *illa potestas* relata ad Papam est ministerialis, relata ad conjunctionem Petri & Papatus in fieri vel dissolvi, subiecto existente disposito, est autoritativa.

Huc denique recidunt qui paradoxa fingunt, ut altiora quàm ipse Christus de Christi Vicario meditentur. Quæ Cajetanus, ut ipse profitetur, ex intimo Philosophiæ sensu quantumvis deprompserit, omnemque Scholasticæ suæ artem excusserit, non tamen perfecit ut ad hæc inania, Theologiæ gravitas, ne dicam, fidei redigatur autoritas.

CAPUT V.

SUARIS labores aquè irriti circa depositionem Papæ in hæresim lapsi.

Suar. de
fid. disp. x.
sect. vj. n.
9. VIDIT Suarez Cajetani mirum in modum laborantis conatus irritos. Hic, inquit, Cajetanus mirè se vexat, ne cogatur admittere in casu etiam hæresis Concilium stare super Pontificem. Et ille quidem assentitur Cajetano neganti casum ullum esse, quo certus & indubitatus Pontifex superiorem agnoscat, & ad illud recurrit: in casu hæresis, Pontificem ipso facto depositum esse. Ne tamen in illa quæ jam relata sunt, incurrat incommoda, illud, ipso facto, non valere dicit, nisi post Ecclesiæ declarationem. At jam illa omnia redeunt: si Papa accusandus, citandus, judicandus veniat, ergò habet superiorem; ac prohibere nemo potest, quin illa, quam Suarez postulat declaratio Ecclesiæ, non sit illius judicantis actus.

Ibid. n. 10. Id quidem sentit vir sagax. Cæterum sic se expedit: Quando Ecclesia Papam hæreticum deponeret, non ipsa tanquam superior, sed ex consensione Christi Domini juridice declararet eum hæreticum esse, atque adeò prorsus indignum Pontificis dignitate, tumque ipso facto immediatè deponeretur à Christo. Quid sit autem illud, consensione Christi Domini, hæreticum adeoque indignum declarare, & quæ tandem illa sit Christi Domini consensio? Specialisne ea, an generalis, & quatenus nobis comperta sit, exponat qui potest. Certè quæ in Ecclesiâ rectè legitimèque, fiunt Christi, non dico con-

ensione, sed autoritate fieri confitemur, & eatenus Christus verè in Ecclesiâ est per suum Spiritum omnia administrans. Cæterum *immediatè* hoc fieri, id est, nullâ interpositâ Ecclesiæ autoritate, nec Suarez dixerit, ut profectò ipse, haud minùs quàm Cajetanus sese inani operâ vexâsse videatur.

At enim Suarez ait: ut, in electione Papæ, electores non conferunt ei potestatem, sed personam designant, cui Christus conferat; ita qui deponunt, personam designant, cui Christus abroget potestatem: neque absimilia dixerat Cajetanus; sed hæc nihil ad nos. Id certè quærimus, an non Ecclesia aliquam exerceat jurisdictionem super eum quem citet, quem convincat, quem declarat inhabilem, ac potestate destitutum. Verba quærunt illi; nos rem ipsam intuemur. Certè electores Papæ, genus aliquod jurisdictionis exercent in electum, quippe qui eidem Papatum conferant, cujus detrectantis excusationes admittere, si justæ videantur, vel si iniquæ, respuere, atque ad onus suscipiendum cogere omnino possint. Sed utut sit, jus illud in privatum exercent: non enim electus verè perfectèque est Pontifex, antequam saltem acceptaverit: in depositione verò potestas exercetur in certum Pontificem, qui proinde non ut homo privatus, sed jam ut Pontifex judicanti subsit, ac proinde aliquo in casu, nempe in casu hæresis, inferior habeatur.

Ibid.

Huc accedit quòd non tantum certò hæreticum, sed etiam suspectum, & diffamatum judicare, adeoque vel damnare, vel absolvere debeat Ecclesia, ut & Joannem Driedonem dicentem audivimus & doctissimi quique consentunt, propter ingens fidei periculum. Unde glossa in caput, *si Papa*, dist. XL. verbo, *à fide*, sic habet: *Hic specialiter fit mentio de hæresi, ideò quia etsi occulta esset hæresis, Papa de illâ posset accusari, sed non de alio occulto crimine*: Quo casu nec recurri possit ad illud: Papam ipso facto esse depositum. Neque enim suspectus de occultâ hæresi, aut etiam diffamatus, ipso jure est depositus; sed venit accusandus, convincendus, deponendus, si contumax esse judicetur & *incorrigibilis*. Neque verò hæc commemoramus quòd illud, *declarativè*, aut *destitutivè* deponi Pontificem magni ad fidem Catholicam momenti esse putemus. Ea namque omnia, cum in idem re ipsâ redeant, habemus promiscuè; quanquam nostra, ut planiora ac simpliciora, præferimus. Neque placet per verborum circuitus & ambages in ea recidere, à quibus primâ specie abhorreere videaris.



CAPUT VI.

CAJETANI ac SUARIS *absurda effugia, non nisi aliis absurdioribus evitari posse. ALBERTI PIGHII sententia, quod Papa, nec ut privatus, fieri possit hæreticus: alii quoque casus, quibus Papa Concilio habetur inferior.*

Pigh. assert.
Hierarch. Eccl.
lib. vj. cap.
xiv. xvj.

AT enim obijciunt unum casum afferri à nobis, hæreseos scilicet. Esto interim habeamus unum; alii enim plures ultrò se ingerent, & tamen ille unus sufficit ad evertendam eam, quam de fide esse vellent omnimodam, & quocumque in casu absolutam Romani Pontificis potestatem. Id egregiè sensit Albertus Pighius Campensis, & Cajetanum irrisit, falsa & inania, ac verba potiùs quàm argumenta proferentem. Sic enim arguit virum: *Hoc vide, quo pacto non sit evidens repugnantia; posse Ecclesiam, aut Concilium deponere Papam hæreticum, & tamen nullo umquam casu super ipsum auctoritatem habere. Planè contradictionem implicat ut Judex non sit supra reum, atque eum in quem profert damnationis sententiam.* Accumulat alia quæ de positionis sententiam præcedant; reum citare, examini subdere, ut ad interrogata respondeat cogere, *quæ sine coactivâ potestate non possint fieri.* Neque Cajetani responsiones prætermittit. Nihil, inquit, *prodest hic subterfugere, & latebras & diverticula quarere, dicendo Ecclesiam aut Concilium in hæresis casu ex ministeriali illâ potestate habere vim coactivam, non quidem super Clementem, & Julium, sed super conjunctionem Papalis auctoritatis cum illis, idque non simpliciter, sed in solo casu hæresis. Nugari enim est istud, & non ad rem respondere.* Et urget nullo casu subditum fieri posse Concilio eum, quem absolutè supremum, Conciliisque omnibus superiorem Christus constituerit; nullamque aliam huic reperit difficultati expediendæ viam, quam suum illud, oppidò nimium & absurdum: Papam hæreticum esse non posse, nequidem ut privatum.

Ita cùm adversarii alii in angustias redigantur, alii vana & ridenda, alii nimia & apertè absurda excogitare cogantur, nobis certè hæc effugere omnia, & in avitâ sententiâ planâ & simplice permanere licet.

Ibid. cap.
xviij.

Idem Albertus Pighius quærit, post Canonistas atque Theologos omnes, quid fieret si Papa captivus, si perpetuâ mentis alienatione teneretur. Tunc enim Concilium sine Pontifice congregari posse, & de ipso decernere passim asserbant & necessarium videbatur. At ille ideæ, quam informaverat, superioritatis intentus, in captivitatis casu expectandum esse asserit; cùm tamen ea tam diuturna esse queat, ut Ecclesiæ provideri necesse sit: de mentis alienatione; ut à XV. seculis numquam evenierit, *ita nec futurum umquam esse confidit.* Quæ cùm optantis potiùs quàm disputantis sint, en alios præter hæresim casus, quibus Concilium supremâ auctoritate, ac sine Pontifice, de Pontifice decernere, reique Ecclesiasticæ providere debeat.

Albertus Pighius unum esse ejusmodi casum admittit, cùm est dubia in-

certaque Pontificis electio. At miror cur eum casum, ut alios, possibilem esse non neget. Qui enim absurdus est, aut Ecclesiæ periculosus, hæreticum esse Pontificem, aut diutissimè captivum, aut mente captum, quàm ita dubium, ut longà annorum serie, nec agnosci certò possit, etiam à rectè quærentibus? Interim grassantur hæreses per Ecclesiam, nullo gubernatore certo, Petri navicula fluctuat, atque in eâ navigantes hæc illacque jactantur: quod in infando illo Schismate sæculi XIV. factum esse constat. Id antequam contigisset, si à Pighio quæreretur, an fieri posset, ex illis ideis præclaris, quod numquam hætenus tot antè elapsis sæculis factum esset, nec fieri posse confideret. Sed casus improvidos, ac si quæ mortalibus mala evenire possint, non nisi experientiâ magistrâ discimus.

Respondent alii his improvisis casibus, si occurrerint, Deum provisorum, neque tam sollicitè quærendum nobis, quid tum factò opus esset. Quis autem hoc neget Ecclesiæ suæ provisorum Deum? Sed planè provisorum intelligimus, non novâ in terris constitutâ potestate. Quare eam potestatem, quâ provideri possit servari integram, non pessumdari evertique oportet.

CAPUT VII.

Papam etiam certum, non modò hæreticum, sed & absque hæresi, schismaticum fieri posse DUVALLIUS docet ex TURRECREMATA & CAJETANO Cardinalibus, eumque Ecclesiæ autoritate statim deiciendum.

ITERUM tertium quartumve casum habemus, quo Concilium de Papâ iudicet, & quidem se nesciente, universalis Ecclesiæ autoritate collectum; casum nempe schismatis. Neque hîc tantum reponimus eum schismatis casum, quo ex dubiâ electione dubius esset Pontifex, ut in illo sædo schismate XIV. sæculi; sed etiam quò certus Pontifex fiat schismaticus.

Id autem ne dubites posse contingere, triplicem hujus rei casum Andreas Duvallius non suspectus autor, ex Turrecrematâ & Cajetano Cardinalibus, non item suspectis, adducet: *li*, inquit, *dignitatis Pontificiæ acerrimi propugnatores affirmant Papam posse esse schismaticum in his casibus: Primò, si se à communione totius Ecclesiæ, & omnium Episcoporum, ob aliquam causam injustam separet, & solum cum quibusdam sibi coherentibus communicare velit..... Secundò, si nolle amplius officio Pontificis fungi, nec tamen subesse ei qui pro se eligeretur, sed se schismaticorum conventiculis adjungeret. Tertiò, aiunt quidam, si antiquos Ecclesiæ ritus & consuetudines ab Apostolicâ Traditione manantes immutare vellet.* Tunc schismaticus, nec minùs quàm hæreticus deiciendus esset. Quâ potestate? An recens à Christo creatâ & constitutâ? An ipsi Ecclesiæ jam inde ab initio conceditâ, exponant, si possunt, qui omnem Ecclesiæ potestatem in unum Papam con-

Duv. de
sup. R. P.
potest. part.
iiij. quæst.
ix. p. 433.

cludunt, eumque in omni casu superiorem esse volunt? Nos verò hos casus non studiosè conquirimus, neque ultrò ingerimus huic quæstioni; sed ex Duvallio & aliis non suspectis autoribus, ut huic loco necessarios inferimus.

CAPUT VIII.

*De Concilii autoritate, quâ Papâ teneatur in fidei causis :
DUVALII locus.*

Id. part.
iv. quæst.
vj. p. 525.

Dom. Soto
in iv. sent.
dist. xx. q.
j. art. iv.
Duv. loc.
cit. p. 531.
& seq.

ADDAMUS aliam ex Duvallio quæstionem: an Concilium legitimo modo coactum & legitimo modo procedens, Papâ per Legatos præsentante, in iis, quæ ex unanimi Legatorum ac Patrum consensione de fide decreta sint, ante confirmationem sit infallibile, quamvis Pontifex nullam hujus decreti instructionem dederit? Negat Bellarminus & moderni quidam Lovanienses, ex suis regulis; quòd nimirum doceant, à Papâ Patres accipere, quòd rectâ decident, neque posse à Papâ infallibilitatem suam transferri in Legatos. At Duvallius tale Concilium infallibile esse concludit cum Soto & aliis; quòd nempe in eo sit tota Ecclesia repræsentata: hoc est, eodem interpretante Duvallio, ipsamet Ecclesia secundum autoritatem definiendi legesque condendi, quæ falli non possit; utpotè COLUMNA ET FIRMAMENTUM VERITATIS. Concilium namque Œcumenicum legitime coactum, & legitimo modo procedens, non à Pontifice, sed à Spiritu Sancto sibi assistente suam infallibilitatem habere ex vi ordinationis & promissionis Christi, quâ promisit & statuit se Spiritumque suum Ecclesie jugiter affuturum.... Quare teneri Pontificem talis Concilii tam in fide quàm in moribus, sententiæ consentire & stare, non quasi sit inferior Concilio, eique tanquam superiori obediens, sed ut obediens veritati per Spiritum Sanctum revelatæ. Hic oppidò vides, qui Pontificiæ potestati præ aliis favere se jactant, nihil aliud quærere, quàm veborum officinas, & ut verbis minuant quod ipsâ re fatentur. Ecce enim Duvallius confitetur talis Concilii decretis teneri Papam, quod est res ipsa quam nos quoque dicimus. Ergone Concilio obediens erit tanquam superiori? Cave dixeris: abominandam vocem! Sed dicas obedire ipsi veritati per Spiritum Sanctum revelatæ. Quasi nos turba fidelium Conciliis aliter obediamus, quàm quòd certâ fide credimus, per illa Concilia veritatem cui paremus, à Spiritu Sancto esse revelatam.

Utrumque est, licet per Duvallium credere Patres in Conciliis non accipere à Papâ, sed à Spiritu Sancto, ut rectâ decident; eamque vim talis decreti esse, ut ei decreto se nesciente facto, ipse Pontifex consentire & stare teneatur. Tanta Ecclesiæ consentienti ad fidem explicandam inest autoritas.

Atqui eam autoritatem non facit Papæ infallibilitas, quam reverâ in Legatos transmittere non potest; sed Ecclesiæ totius, non ab ipso Pontifice

profecta, sed à Christo collata; quæ cum Duvallius concesserit, si ab ipso quaratur, an non etiam possit, dissentientibus Legatis, valere decretum, haud faciliè videtur se expedire posse. Legati enim ipsi non sunt infallibiles, quibus adhærere Synodus teneatur, sed tota Synodus id à Christo habet, adeoque decretum præsentibus Legatis, non tamen necessariò consentientibus, fieri & stare posset: alioquin nec sufficeret formula Tridentina, *Sacrofancta Œcumenica & generalis Tridentina Synodus, in Spiritu Sancto legitime congregata, præsentibus in eâ Sedis Apostolica Legatis, statuit, decernit, definit, &c.* nisi etiam *consentientibus* adscripisset.

Quid autem tali decreto, ex sententiâ Duvallii, facto, confirmatio addat, alia difficultas alibi extricanda. Hic certè sufficit tale Concilium necessariò confirmandum à Pontifice, qui ejus auctoritati stare teneatur.

CAPUT IX.

Propter quæ scelera in Pontificem animadverti possit; Canonistas ferè omnes, non iisdem licèt verbis, in eamdem rerum summam convenire.

MEMORATUM à nobis est sub Eugenio IV. ab ipsi obedientibus, summâ contentione animorum fuisse agitatam, propter quæ scelera Pontifex indubitatus accusari ac judicari posset. Ac passim consentiebant, numquam id fieri posse, nisi propter unam hæresis causam. Cæterum non eò feciùs in varias sententias abierunt. Pars enim aiebat Papam si *scandalosus & incorrigibilis* videatur, de hæresi suspectum, neque jam indubitatum esse Pontificem: quo jure assererebatur in eum animadverti posse, extremâ etiam sententiâ, eâ glossâ nixi, quod *contumacia sit hæresis*. Hæc docebant in ipsâ Eugenii curiâ Ludovicus Romanus, Antonius Rossellis, aliique complures quos quidem, cum de Dionysio Carthusiano & Joanne Driedone ageremus, faciliè ostendimus summâ ipsâ consentire cum iis, qui de Papâ scandaloso gravissîma dicerent.

At pars alia, quæ magis Pontifici gratificari videbatur, haud multò leviora proferebat. Nam etsi Pontificem *notoriè* etiam, & *contumaciter* scandalosum, deponi posse negabat; at invito eo colligi Synodum à Cardinalibus; at Cardinalibus deficientibus, Patres ultrò convenire posse; at moneri Pontificem; at corripì; at si cogentes Synodum impedire velit, impunè contemni: quin etiam, si excommunicet, pro schismatico haberi; quippe qui cum Catholicis Episcopis, legitimâque Synodo communicare teneatur, ac deinde deponi. At si Ecclesiasticam pervertat disciplinam, si Clerum vili pendere, si latâ sententiâ Canonem de percussoribus Clericorum tollere, si alia facere, unde Ecclesiæ status decolorari videatur, si hæreticos à pœnis hæreticorum in præjudicium officii sanctæ Inquisitionis absolvere, si dispensationes noxias concedere aggrediatur, repugnantibus Cano-

Gloss. in
cap. Si Pa-
pa dist. xl.

Duv. loc.
cit. part. j.
q. ij. p. 88.
Jacob. lib.
v. vij. ix.
pass. vid. in
alter. app.
Labb.

nibus, non modò non parendum esse, neque iniqua mandata, aut injustissimas excommunicationes admittendas esse; verùm etiam contra eum brachium sæculare implorari, ac vim vi pelli posse consentiebant. Hæc passim Jacobatius; hæc deinde Duvallius; hæc alii omnes, quorum proinde certas constantesque sententias referre pigeat; ut profectò Pontifici quoque præstet, coram Synodo semel æquo jure agere, ac legitimum judicium expectari, quàm hæc extraordinaria pati à subjectis, omnibusque risui ac contemptui esse, ac nihilo fecius loco dejici, & declarari schismaticum, si excommunicatione tueri se pergat. Et hæc tamen sunt, propter quæ hodie omnia concuti, atque everti clament; imò verò non hæc, sed longè leviora, cùm ne hæc quidem, passim à Canonistis firmata, Clerus Gallicanus proferat.

Quæ cùm apud me reputo, subit admirari quantum in homines possit inanis verborum sonus, qui cùm audierint Synodum Papâ superiorem esse statim reclamabunt, ac si fortè ea vox in Buccam venerit, erroneum dicent: iidem, si per alia verba, ac veluti per circuitum molliorem in eadem venias, sedati pacatique admittent: At profectò non efficient, ut erroneum sit planis ac simplicibus verbis explicare mentem, atque eum, qui sit Judex, appellare superiorem.

Quod verò Conciliis Œcumenicis datam universim à Christo immediatè potestatem nolunt, haud equidem intelligo, quo pacto stare possit cum iis, quæ ipsi asserunt. Nam ultrò consentitur, meritò à Concilio Constantensi pronuntiatum esse, potestatem Conciliis à Christo immediatè datam, his certè casibus; si Papa sit hæreticus, vel schismaticus, vel dubius. At ego lubens quæsi vero quo loco Christus in illis speciatim casibus eam potestatem Synodo immediatè contulerit? Certè in Scripturis nullam invenimus à Christo in Ecclesiæ Ministros sive dispersos sive congregatos collatam potestatem, nisi ubi dicit: *Quodcumque ligaveritis: quodcumque solveritis, &c. &: Si Ecclesiam non audierit, &c. &: Qui vos audit, me audit*, aliaque ejus generis: quæ qui dixerit ad hæretici, aut schismatici, aut omninò dubii Pontificis casum meritò pertinere, rideatur. Certum est ergò intelligi hæc universim dicta, neque aliter pertinere ad illos speciatim casus, nisi quòd universim dictis, hos quoque speciales casus comprehendi necesse sit.

Quæ ratio Cardinalem Jacobatium de superioritate tractantem movit usque adèd, ut statim exclamaret: *Profectò iste passus mihi valdè est difficilis; quia si concludam nullam potestatem clavium datam esse Ecclesiæ, quomodò poterimus dicere, quòd Ecclesiæ & Concilium judicet de titulo Papatûs, quia sine Jurisdictione non rectè quis judicat*. Ac reverâ, Synodus quo jure judicet de Papatu litigantes? Pontificem hæreticum, quo jure deponit, seu declarat depositum? Quo jure tot aliis in casibus ab ipso Jacobatio probatis, invito Pontifice, Synodus seipsa colligit, ut delinquentem moneat atque corripiat: à quo eam omnem subitò accipit potestatem, si nullam à Christo immediatè potestatem Jurisdictionis accipit? An fortè à Pontifice in ipsum Pontificem? At revocare posset positivo tantùm jure concessam, cujus dominum esse volunt. An fortè quòd scriptum sit: *Hæreticum devota*; quam id haud magis ad Pontificem spectat, quàm ad quoscumque alios? Sed etiam scriptum est, *ut subtrahatis vos ab omni fratre ambulante inordinatè*: neque

Tit. iij. ro.
ij. Theff.
ij. 6.

neque tantum de hæreticis; verum etiam de fornicariis, avaris, ebriosis, cæterisque scriptum est, *cum hujusmodi nec cibum sumere*; ut si hæc & similia in certis casibus videantur dare Episcopis aliquam potestatem, ea ad alios casus æquo jure trahatur. Non alia tamen hujus causæ præsidia apud doctissimos invenias; nisi fortè addas rationem naturalem & jus naturale defensionis, & ipsam necessitatem, & alia ejusmodi; quæ utcumque se habeant, certè patere longiùs quàm ad schisma & hæresim alii contenderint. Quare nulla solutio est, nisi nobiscum agnoveris, & generatim traditam à Christo potestatem esse, & hujus administrandæ rationem à Patrum Traditione esse repetendam.

I. Cor. v.
11.

C A P U T X.

De infallibilitate, positis quæ necessariò conceduntur, nullam superesse veram difficultatem: unum ALBERTUM PIGHIUM consentanea dixisse, sed nova, & inaudita, & ferè ab omnibus spreta, in quæ tamen adversarii necessariò deducuntur, si sua cohærenter tueri veline.

ERGÒ jam sola occurrit de infallibilitate difficultas, & illud: *Rogavi pro te, ne deficiat fides tua*, ne alii cribrentur, & in areâ ventilentur: *Confirma fratres tuos petrae firmitate*: & illud: *Super hanc petram edificabo Ecclesiam meam, & porta inferi non prævalebunt adversus eam*; ideò, inquiunt, quia ædificata est super illam petram. Quæ si ita valent, ut Pontificiæ infallibilitatis propugnatores urgent, Pontificem per se petram, ipsâ Ecclesiâ per eam sustentatâ firmiorem esse necesse sit; neque rem aliter se habere contendunt. Verum id refugit animus. Quæ proinde petra, ipsâ Ecclesiâ per eam sustentatâ sit firmior, expendamus. Atque ego hîc si Scripturam penitus, per avitam ac perpetuam Traditionem explicare cœpero, agam præposterè, qui in ipso limine totum ædificium collocare aggrediar. Placet ergò ad ipsum recurrere quæstionis fontem, & quæ inter Catholicos certa sint memorare. Ac profectò certum est, ferè omnium consensu, præter Albertum Pighium, nec memoratu dignum; certum, inquam, errorem à Pontifice, non modò intus credi, sed etiam palam doceri ac prædicari posse, quod Joannem XXII. fecisse satis constat: & quod Joanni XXII. non contigit, certum est prædicari posse usque adeò contumaciter, ut ejus perviciæ causâ, ut hæreticum & infidelem deponi necesse sit. At id Ecclesiæ evenire posse, ut sit hæretica & infidelis, nemo; nisi impius & hæreticus ausit asserere. Ergò absurdissimum est non esse Ecclesiam Romano Pontifice firmiorem. Tum Ecclesiam errare non posse certâ & Catholicâ fide ab omnibus creditur, & apertè est in Apostolico Symbolo pronuntiatum, quo Papa ipse salvus est: *Credo in Spiritum Sanctum, Sanctam Ecclesiam Catholicam*. De Pontifice, quatenus separatim, etiam ut Pontifex, sententiam dicit, inter Sanctos & Catholicos adhuc litigatur. Partim asserunt, partim dubitant,

Luc. xxij.
32.
Matt. xvj.
18.

partim negant, & ab Ecclesiâ ipsâ post motam quæstionem à tot jam sæculis saltem suspensa sententia est. Falsum ergò & commentitium, ne quid dicam gravius, majorem esse in Pontifice quàm in ipsâ Ecclesiâ firmitudinem; imò verò absurdum in Ecclesiâ non esse majorem, quæ certiore auctoritate & Traditione constet. Hæc interim ex communi omnium sententiâ; nunc rem funditus excutere liceat.

Aug. de
corrupt. &
grat. c. viij.
n. 17. tom.
x. pag. 759.
Cajetan.
comm.

Jam illud, *Rogavi pro te, ut non deficiat fides tua*, certum est intelligi de ipsâ interiori fide, quâ Christo corde creditur. Notum illud Augustini: *Quando rogavit pro Petro, ne fides ejus deficeret, quid aliud rogavit, nisi ut haberet in fide liberrimam, fortissimam, invictissimam, perseverantissimam voluntatem?* Ita deinde sentiunt omnes interpretes: ipse Cajetanus in Lucam XXII. 32. **UT NON DEFICIAT FIDES TUA**; *non dicit, ut non deficiat charitas tua: non dicit ut non deficiat confessio fidei tue; sed fides tua, quæ est in corde.* Ergò ista promissio nemini convenit, nisi ei in cujus corde certum sit numquam defecturam fidem. Non autem talis est Romanus Pontifex: non ergò profectò hæc ei promissio convenit; neque hîc distingui potest inter personam privatam & publicam; tanquam Romanus Pontifex saltem quæstionem fidei judicaturus, infidelis aut hæreticus in corde esse non possit. Neque enim id ei tribuere audent; sed eò se tuerent quòd Deus ab infideli veritatem extorqueat, ut à Caiphâ Prophetiam, ab asinâ Balaam vocem: quæ exempla non conveniunt ei qui intus sit fidelis. Ergò nec asserere audent, Romano Pontifici promissum à Christo, ut publicam personam agens, fide non careat. Quare interpretes aliud quævisse videmus, in quo fides non deficeret: nempe vel ipsum Petrum, quem in fide confirmatum esse constat; vel sub Petri nomine ac figurâ, Ecclesiam universalem, Romanamve peculiarem, ut Ecclesiæ universalis caput. Hæ enim solæ sunt quæ, ipsâ intus inhabitante fide ex Christi promissio, eâ carere non posse credant. Quo uno omnis adversariorum argumentatio statim corrui. Quin ipse Duvallius apertè jam edixit ad illum de Petro locum responderi posse: *Christum rogando pro Petro, pro Ecclesiâ universali in eo representata rogasse*; atque hanc responsionem eatenus probat, ut ab omni erroris notâ eximatur, quod hîc nobis sufficit.

Duv. de
sup. R. P.
pot. part.
iv. q. viij.
p. 211. edit.
1614.

Hic respondere solent, in Christi promissione seu precatone illâ singulari, respectu quidem Petri fidem ipsam intelligi, quâ intus creditur; at in successoribus saltem intelligi fidei professionem quâ Fratres confirmantur. Quæ responsio non satis sibi constat; variumque hoc & arbitrium ad arbitraria nos & incerta deducet; quique ita interpretantur, semel loco moti, & à literæ quam tueri velle videbantur simplicitate dejecti, ad alia atque alia facilè propelluntur. Quare ne stare quidem possunt in ipsâ, quæ Romano Pontifici promissa à Christo fuerit, fidei professione, ut fratres confirmet: tanquam ei officio Romanus Pontifex deesse non possit. Ecce enim fatentur à Summo Pontifice doceri posse & prædicari hæresim ad contumaciam usque, cujus contumaciæ nomine, vel sit ipso jure depositus, vel saltem deponendus. Audivimus confitentes uno ore omnes, & Canon, *scilicet Papa*, id clarè efficit, atque in Petri Ecclesiâ, hoc est in Romanâ, omnium Ecclesiarum matre ac Magistrâ, prædicare Petri fidem, ad personam publicam & ad officium confirmandi fratres procul dubio pertinebat. Cui

tamen officio deesse posse Pontificem necesse est fateare. An fortè placeat id, quòd Romanus Pontifex hæresim ultrò docere ac prædicare possit, consultus pro Pontificii officii debito, non possit? Quanquam id absurdum est (nullâ in Christi verbis consultationis vel minimâ mentione) vim in consultatione facere; tamen, ne tu quidem illud, quo refugis, diù tueare.

Adfunt enim mihi Melchior Canus, Bellarminus Cardinalis, Odoricus Rainaldus, & alii Pontificiæ infallibilitatis defensores, qui te ab hac arce deiciant. Omnes enim consitentur non deesse responsa Romanorum Pontificum, etiam in corpore Juris, quæ cum Ecclesiæ Traditione, & Evangelicâ veritate stare omninò non possint. Res enim in confesso est; atque hos secutus Nicolaus Dubois, hæc novissimè scripsit: *Aliquando super casibus propositis aliqui (Pontifices) rescripserunt, secundum opinionem illorum tempore probabilem.* Quid est, *rescripserunt*? Consulti responderunt, hoc enim est rescriptum. Unde omnia penè jura conflata sunt. At opinionem probabilem vocat certissimè falsam, & Evangelio repugnantem. Sic enim refert: *Stephanus II. anno circiter 752. in responsis capite II. dixerat: si quis se in conjugio copulaverit, & uni eorum contigerit, ut debitum reddere non possit, non liceat eos separare; nec pro aliâ infirmitate, excepto si Dæmonii infirmitas, aut lepra macula supervenerit.* Addit Disquisitor: *Hoc responsum de dissolutione quoad vinculum docti intelligunt.* Ergò rescriptum docti intelligunt eo profectò sensu, qui cum Evangelio stare non possit.

Disq. art.
j. n. 7.

Ib. n. 9.
Resp. Step.
ij. cap. ij.
T. ij. Conc.
Gall. pag.
14.

Quid memorem alia ejusdem Papæ responsa, atque imprimis illud: *Si quis in vino, propterea quòd aquam non inveniebat, omninò periclitantem infantem baptizavit, nulla ei adscribitur culpa. Infantes sic permaneant in ipso baptismo.* Quo responso & baptizans in errore firmatur, & infans Christiano baptismo caret. Quid illud Gregorii II. ad Sancti Bonifacii Moguntini interrogata respondentis, *ut novum conjugium permittatur viro, si mulier infirmitate correpta non valuerit debitum reddere.* Quam responsonem idem Gregorius vocat *Apostolici vigoris doctrinam*, eamque traditam per Beatum Petrum, à quo & Apostolatûs & Episcopatus principium exiit. Quæ verba præ se ferunt Pontificii responsi plenam auctoritatem, & tamen responsum illud, ut Gratiani verbis utar, *Evangelicæ & Apostolicæ doctrinæ penitus invenitur adversum.* Nec illud quisquam diffitetur. Quid quod Cælestinus III. matrimonii vinculum inter Christianos, superveniente alterutrius infidelitate, solverat, errore manifesto contra Evangelium; unde ejus decretalem vetustis insertam collectionibus Innocentius III. reprobavit.

Ejusd. ep.
ix. tom. j.
Conc. Gall.
pag. 519.
520.

Dist. xxxij.
quæst. vij.
Vid. decr.
Greg. ix. lib.
iv. tit. xix.
de divort. c.
vij. quanto.

Possem hîc commemorare Liberium, possem Honorium, possem alios; sed huic loco ista sufficiant. Nempè hæc in confesso sunt, atque à Bellarmino, & aliis quoque qui recens contra nos insurgunt, id extorquemus, ut Romani Pontifices pro officio consulti, falsa, ac sanæ doctrinæ adversa responderint; nempè iniquunt, eatenus probabilia, necdum ab Ecclesiâ definita sectati. Tanquam non id eis officii incumberet, ut doctrinis peregrinis & apertè falsis fallacem illam vanæ probabilitatis speciem ac larvam detraherent.

Neque Bellarminum juvat decantatum illud: Romanum Pontificem pro privato Doctore ista docuisse. Certè enim constat, ab iis qui interrogabant

fuisse consultum, non ut virum doctum, sed ut eum qui Apostolicæ cathedræ præsideret. Quo casu respondisse pro privato Doctore manifesto ludibrio, nihil aliud erat, quàm Apostolico officio defuisse.

Neque pluris valet quod jactant, responsa ista esse particularia, ad homines scilicet, vel ad Ecclesias singulares, non ea quæ universam spectent Ecclesiam. Etenim ad officium confirmandi fratres procul dubio pertinebat, ut Romani Pontifices, non tantùm ad ea responderent quæ universam Ecclesiam, sed etiam ad ea quæ spectarent singulares Ecclesias; imò etiam ad ea quæ privatos homines, de salutis negotio consulentes eum, quem proposuit Deus, non tantùm omnibus, sed etiam singulis.

Ea tamen omittamus: veniamus ad id in quo vim collocant: nempè id fieri non posse, ut Romanus Pontifex declarandæ fidei officio desit, cùm res in eo vertatur cardine, ut toti Ecclesiæ proponenda sit fides. Ad id ergò redigis illud, *confirma fratres tuos*. At quanquam erat præstabilius hunc locum semel omittere, quàm ei tot alienas neque à Christo judicatas infarcire sententias, accipio conditionem, & contendo rem ipsam, ex iis quæ concessa sunt, jam esse confectam. Casum enim ponamus hunc: quæstio de fide instituitur, ad eam definiendam Concilium generale convenit. Quid hîc Turrecremata, quid Jacobarius, alique Pontificiæ autoritatis vehemētissimi defensores dixerint, recordemur. Id scilicet, tùm fieri posse ut Papa à Concilio dissentiat, & quidem ad finem usque, & invito eo Concilium definiat, & Pontificis judicium sententiamque spernat, & valeat Concilii decretum, & ab ipso Concilio Pontifex deponatur. An fortè tum vacat officium confirmans fratres? Absit; sed Pontifex in ipso definiendo fidei cardine, suo officio planissimè defuerit.

An fortè dices, non esse tunc necessarium Papæ officium, cùm Concilium adsit, à quo suppleri possit? Quamquam illud vanum est, nec licet Christi verba urgere, aut omittere ad arbitrium, admittamus tamen. Hîc in promptu mihi est respondere illud, non quidem semper adesse Concilium, sed semper adesse Ecclesiam, semper Spiritum Sanctum, qui quocumque ritu prolata à Papâ sententiam, si ea quidem falsa sit, prævalere vetet.

At instant, & id validissimum putant, obedire oportere decernenti Pontifici, cùm non adsit Concilium, quo ejus sententia dissolvatur; adeòque si tunc erraret Pontifex, tota cogeretur (id quidem mirum) Ecclesia in errorem. Jam ergò sit ut vis: sit firmum fixumque, ut nullo casu liceat Pontificia jussa detrectare. At non id ipse dicebas, cùm alia tractaremus. Obedire certè Romano Pontifici dicebas necessarium, cum hac exceptione, nisi contra divina præcepta, contra Canones summè necessarios, contra publicam Ecclesiæ tranquillitatem aliquid edixerit. At quantò æquior erit excusatio, si contra ipsam fidem? At enim id possibile non est: assertionem tuam audio, probationem requiro, volvis nos in circulum, uno verbo principium petis: Papæ obediendum est in fidei negotio, quia est infallibilis: infallibilis est, quia obediendum ei est in fidei negotio. Nos clarè decreta ejus de fide eandem ac reliqua habere exceptionem, nempè hanc; nisi quid contra Dei leges ac Traditionem edixerit, sin tale quid edixerit, catenus obediendum, ut ne scandala fiant, ut Concilii judicium mo-

destè expectetur, efficaciterque requiratur; non sanè ut pro certis fixisque incerta ac suspensa habeantur.

Id alio quoque modo confici potest. Quæro Pontifex hæreticus & professus hæresim, ac sic ipso jure, ut passim aiunt, depositus; eone privilegio gaudet, ut non possit eam quam profitetur hæresim decreto facto statuere? Si respondes non posse; ingens privilegium tu mihi narras Pontificis ipso jure dejecti. Quodd si posse responderis, eò quòd Pontificis jam hæresim professi sententia nulla sit, utpotè ab eo profecta qui sit jure quidem, etsi nondùm effectu depositus, tùm ego respondebo, si hæresim ipso statim decreto prodat, non eò magis tale Decretum valiturum fore; imò quæcumque ejusmodi sunt, quocumque tempore, modoque prolata, statim vacuâ autoritate esse, ac ne ad cathedram quidem pertinere; nedùm ab Episcopis promulgentur, aut illis ea, quæ ex fide est, obedientia præbeatur.

Ergò, inquis, non Concilium tantùm, sed singulos Episcopos Papæ judices facis. Egone? Haud equidem magis ac tu, cùm Pontifici, canones solventi, simoniam exercenti, contra Dei jussa præcipienti, in necessariâ causâ, quandocumque occurrerit, Concilium neganti, ac sibi repugnantes sine discrimine excommunicanti parèndum esse negas: suspendi enim rem eo casu, ex certâ & necessariâ causâ, non autem Pontificem sine Concilio Œcumenicò judicari, tecum certè dicimus. At interim, inquires, qui disenserit pelletur pro hæretico: at ille qui in aliis à te comprobatis casibus non obedierit, pelletur pro contumace & rebeli. Rectène an secus, quæstio erit, eaque, si tanta res sit, à totâ Ecclesiâ judicanda. At fides, inquires, subortâ quæstione, non potest esse in suspensio. Quasi verò, te faciente, in suspensio non sit aliquatenus, antequàm ab ipso Papâ sententiâ proferatur.

Quid hîc sequi debes? Nempe id quod Augustinus habet in quæstione de hæreticis rebaptizandis: vetustæ consuetudinis robore ac Traditione teneri ac sustentari Ecclesiam, quoad, expensâ sententiâ, quæstio finiatur. Rectum id & probum. Sed nos quoque eo utamur. Certè nihil omnino objicere potes, quod non in te statim invictò robore refundamus & retorqueamus. Quæ mihi cogitanti atque animo, ut par est, sæpè revolventi, unus semper visus est Albertus Pighius, ut falsa & absurda, ita consentanea & apta dixisse. Posteaquam enim semel statuit illud, *ne deficiat fides tua*, & de verâ fide, quam non modò profitemur; sed etiam habemus intus, & de omnibus ac singulis Petri successoribus esse dictum; consequenter sibi dicendum esse vidit, eorum neminem hæreticum unquam esse potuisse aut deinceps esse posse. Et ille quidem caput, *si Papa*, primùm haud multi facit, à privato autore Sancto Bonifacio depromptum: tum eam capitis partem, quâ dicitur non esse Papam judicandum, *nisi esset à fide devius*, conditionalem esse ait, quâ Bonifacius significet, *non se credere quod ita esse possit; sed si fortè esset*. Quo responso miros triumphos agit, & ineluctabilem aliis Pontificiæ superioritatis assertoribus difficultatem unum evasisse se gloriatur, uti jam vidimus. Neque enim eludi posse Concilii superioritatem in judicando Pontifice, nisi semel posito casum hæresis in ipsum

Pigh. lib.
vj. cap. xiv.
xxv)

non posse cadere, eumque hæreticum, quin etiam nec mente captum esse non posse; ut profectò mirum sit, cur non eodem impetu impeccabilem fecerit, unoque responso omnia incommoda propulsaverit. Hæc ille omnium primus, & contra omnium mentem, ut ipse profitetur: *Non sum enim nescius, inquit, in ipso statim limine exclamatueros quosdam per se malè affectos hierarchiæ Ecclesiasticæ, adulari hîc nos Romanis Pontificibus, & ex hominibus Deos facere, qui negamus eos posse fieri hæreticos, quod concedit Schola Canonistarum universa, ex capite, SI PAPA: quod & Theologi omnes quicumque hac de re prodiderunt & scripserunt aliquid.* En quæ statim proferant talium assertores, per se malè affectos hierarchiæ, qui hæc adulatoria magis, quàm vera suspicentur. Eam verò sententiam Bellarminus & Suarez probabilitatis ac pietatis nomine amplectuntur, adeò probabilitati ac pietati parum officere putant, ab omnibus quotquot sunt Canonisti & Theologi dissensisse.

Melch.
Can. lib. vj.
cap. xxij.

Cæteri verò infallibilitatis Pontificiæ defensores passim cum Melchiore Cano, Alberti Pighii *novam opinionem aspernantur*, & caput, *Si Papa*, aliosque ejusdem sensûs nativâ ac propriâ significatione & omnium scriptorum consensione confirmant; qui tamen cùm à Pighio discedunt, sua labefactant. Maximo enim argumento est eos omnes à verâ Christi sententiâ aberrasse, cùm eum ipsum contemptum & solitarium relinquant, qui omnium congruentissima atque aptissima in medium attulerit.

Urgebit enim ille & à Christo fidem ipsam, non fidei professionem tantùm esse promissam; & *confirma fratres tuos* dictum latissimè de toto Pontificali munere; circa quæstiones fidei exequendo, non de eo tantùm quo toti Ecclesiæ aliquid proponatur; ac, si vel in uno vacillet promissa fides, in toto vacillare, & semel admisâ interpretatione arbitrariâ, vim omnem hujus textus solutam, atque aliis patere januam quâ sua quoque introducant.

Hîc, si ratione victi, ad Conciliorum, Patrum, ipsorumque Pontificum Traditionem se conferant, id quidem facere & nobis gestit animus; sed cohibendus est impetus, nec placet alteri loco ponere, quæ suo reservantur. Satis erit ex iis quæ ipsi adversarii concesserunt, atque omninò ex ipso quæstionis statu, ostendisse, nihil nos premi locis Evangelicis quos urgebant, iisque rationibus quas invictas putabant: quin, nostram doctrinam, undecumque aggrediantur, in tuto esse positam, atque adversarios ad vana & ludicra referentes magnum fidei mysterium, omninò frustrâ esse, neque immeritò dixisse Duvallium, nullos esse Scripturæ locos, nulla Ecclesiæ decreta, quibus Pontificia, sive superioritas, sive infallibilitas demonstratur.

Duv. part.
iv. q. vij.
vij.



CAPUT XI.

Ex his consequi Romanos Pontifices in hac quæstione non se commoturos, cujus rei multa sunt argumenta: primum, ex Declarationibus Sacræ Facultatis anno 1663. toto Regno promulgatis, ipsis Pontificibus nihil conquerentibus.

QUÆ cùm ita sint, Romani Pontifices ad tam exilia redigi fidei quæstionem haud sese omnino commoveri sinent; fremant multi licet, impetu magis, ut vidimus, quam ratione incitati, in Articulos Gallicanos, ut Sedis Apostolicæ censuram provocent. Non illa à priscâ gravitate discedet, aut innocuam sententiam, post tot sæcula condemnabit. Cujus quidem rei duo hîc argumenta proferemus. Ac primum. Plus viginti anni sunt ex quo editæ fuere declarationes Facultatis Parisiensis, facta apud Regem super quibusdam propositionibus, quas nonnulli voluerunt adscribere eidem Facultati, die 8^a. Maii 1663.

Vid. ap.
D'Argentr.

1°. Non esse doctrinam Facultatis, quòd Summus Pontifex aliquam in temporalia Regis Christianissimi auctoritatem habeat: imò Facultatem semper obstinisse, etiam iis, qui indirectam tantummodo esse illam auctoritatem voluerunt.

2°. Esse doctrinam Facultatis ejusdem, quòd Rex Christianissimus nullum omninò agnoscit, nec habet in temporalibus superiorem, præter Deum; eamque suam esse antiquam doctrinam, à quâ nunquam recessura est.

3°. Doctrinam Facultatis esse, quòd subditi fidem & obedientiam Regi Christianissimo ita debent, ut ab iis nullo prætextu dispensari possint.

4°. Doctrinam Facultatis esse, non probare, nec unquam probasse propositiones ullas Regis Christianissimi auctoritati, aut germanis Ecclesiæ Gallicanæ libertatibus, & receptis in Regno Canonibus contrarias: verbi gratia: quòd Summus Pontifex possit deponere Episcopos, adversus eosdem Canones.

5°. Doctrinam Facultatis non esse quòd Summus Pontifex sit suprâ Concilium Œcumenicum.

6°. Non esse doctrinam vel dogma Facultatis, quòd Summus Pontifex; nullo accedente Ecclesiæ consensu sit infallibilis.

Hi sex articuli continebant ea, quæ Regi Christianissimo declaranda erant, ex parte Facultatis per os illustrissimi Domini Archiepiscopi Parisiensis designati, cum amplissimo comitatu Magistrorum ejusdem.

Quæ cùm à deputatis, juxta decretum pridie in Congregatione generali factum, deliberata essent, eadem die 8. mensis, illustrissimus Parisiensis Archiepiscopus designatus Harduinus de Perefixe, easdem declarationes pronuntiavit apud Christianissimum Regem nostrum Ludovicum XIV. cùm secum adessent quàmplurimi Sacræ Facultatis Theologia Doctores, secundum quod statutum fuerat in Conventu ejusdem Facultatis.

Hæ declarationes Sacræ Facultatis, re ac sententiâ planè conveniunt cum Declaratione Cleri Gallicani. Et quidem quod attinet ad Regiam potestatem.

tem, ab omni depositionis metu absolvendam, nulla est difficultas, neque verò obstat quòd duæ postremæ declarationes in negativam formam conscriptæ fuerint: *Non est doctrina Facultatis quòd Summus Pontifex sit supra Concilium*, aut, *sit infallibilis, nullo accedente Ecclesiæ consensu*. Hâc enim negativâ formâ Sacra Facultas sufficienter declarabat, quàm graviter ferret has propositiones adscribi sibi, quemadmodum ipse titulus à nobis relatus præferebat. Et quidem adeò graviter tulit, ut id ipsi Regi per tantum Archiepiscopum, ejus Præceptorem, Facultatis Doctorem, ac Sorbonæ Proviforem, magno cum comitatu publicè declararet.

Neque verò ita mentem declaravit suam, ut utramque quæstionis partem indifferentem haberet; quod ut fieret ita pronuntiandum esset: *Non esse doctrinam Facultatis Pontificem superiorem esse*: neque item *ejus doctrinam esse, non esse superiorem*; sed unam duntaxat partem averfata Facultas, nempe quod Pontifex superior esset, significavit se maximè metuiffe ne alteri parti favisse videretur. Idem de infallibilitate dicendum est.

Quis autem ferat tam gravem Magistrorum Theologiæ cœtum, ac tam celebrem Facultatem tanto studio amoliri à se, non dicam quæ fide certa sint, aut cum fide conjuncta, aut quocumque modo, necessariò propugnanda; verùm etiam ea quæ usquequaque tuta & innocua essent? Fac enim Facultatem declarare sic: *Non est doctrina Facultatis Ecclesiam esse infallibilem*; impium erit & hæreticum, cum id averfetur, quod fide certum est. Fac autem declarare sic, exempli gratiâ: *Non est doctrina Facultatis gratiam per se efficacem stare cum libero arbitrio, verâque & activâ indifferentiâ*: absurdum erit tanto studio avertere à se, quod sit usquequaque tutum & innocuum.

Quare quocumque sensu Sacræ Facultatis declarationes accipias, certum omninò erit eam propulsare à se aliquid voluisse, quod sibi vitio dari intelligeret & indecorum sibi esse arbitraretur. Certè, quod nemo negare possit, id pro explorato habebat, non esse à Catholicis necessariò propugnanda quæ à se amoveret; adeòque saltem doctrinam quæ Pontificiam superioritatem, ac infallibilitatem negaret, ab omni censurâ esse liberam, quod ad hanc quæstionem sufficit.

Imò verò id sufficit ut pro certo asseratur, quòd nemo sanus, rebus ut sunt constitutis, inficiari possit; Pontificium judicium in rebus fidei non posse absolutè esse supremum, cum dubia infallibilitas id habere non possit. Quin etiam quid sit dubia infallibilitas, ne quidem intelligi potest. Quo enim pertinet infallibilem esse, qui non certò infallibilis agnoscatur? Nam Christus tale munus in Ecclesiâ suâ ordinarium nemini concesserit, nisi Ecclesiæ profuturum; atqui profuturum non est, quod non ipsi Ecclesiæ reveletur, vel non ita reveletur ut à Conciliis atque à Pontificibus, morâ saltem quæstione, agnoscere ac definiri queat. Quòd enim non fuerit ita revelatum, involutum potius quàm revelatum dixerim. Liceat ergò dicere reputari à Facultate ut nullum, quod ab eâdem saltem ut dubium asseratur. Quæ cum vera omninò sint, tum illud profectò certissimum, Articulos Facultatis, uti nos diximus, cum Cleri Gallicani Articulis re ac sententiâ convenire; quanquam Episcopi in tantum congregati cœtum, tantoque succincti Presbyterio,

sui

fui officii esse duxerint, ut mentem rotundiùs ac simpliciùs promerent.

Atque ea doctrina erat, quam perferri Facultas suo nomine vellet ad Christianissimum Regem, ab eo Archiepiscopo, quo Præceptore, religionis prima elementa hauserat: ut eò magis hæreret memoriæ, quò splendidiùs, tanti quoque Præfulis ac regiæ urbis futuri Pontificis interventu, relata, atque autoritate confirmata erant.

Nemo verò nescit illustrissimum Archiepiscopum Sedis Apostolicæ studiosissimum fuisse, ut profectò nihil unquam asferre vellet tanto discipulo, quod à Sedis Apostolicæ maiestàte ac verâ pietate abhorreret.

Eæ declarationes sunt postea ad Parlamentum perlata à Decano & Syndico, aliisque Doctoribus nostræ Facultatis in eam rem accersitis, summoque omnium plausu acceptæ, Curia quoque actis insertæ sunt, atque ad omnia deindè tribunalia transmissæ, vetitumque, ne quid contrarium doceretur. Quod Senatusconsultum 30. Maii 1663. gravissimâ autoritate perscriptum est.

Denique declarationes eadem à Christianissimo Rege ad omnia Parlamenta missæ, edicto edito 4. Augusti 1663. vetitumque item, ne quid contrarium doceretur gravi interminatione, eâque formulâ, quâ Regia auctoritas maximè explicetur.

Quæ tam solenni ritu toto Regno pervulgata ac promulgata, neque Alexander VII. tùm in Cathedrâ Petri sedens, neque secuti Summi Pontifices unquam improbârunt, aut eâ de re questi sunt, cùm idem Alexander VII. censuras Facultatis aliquas consecutas, dato diplomate, improbârit. Illud quidem diploma ejusmodi est, ut formâ in Regno receptâ & consuetâ neque in Galliam transmissum, neque omnino sit cognitum, quod quidem per sese est maximum; sed illud multò majus ac certius, quòd Sacræ Facultatis declarationes sollemnissimo ritu promulgatas, Romani nullo decreto læsas, sed prorsùs intactas esse voluerint: quo argumento certi sumus, à Sede Apostolicâ doctrinam nostram haberi saltem, ut eam quæ nullâ censurâ notari ac prohiberi possit.

C A P U T X I I.

EXPOSITIO DOCTRINÆ CATHOLICÆ *Illustrissimi ac Reverendissimi Domini MELDENSIS Episcopi in medium adducitur: duo INNOCENTII XI. Brevia ad eam approbandam: his consentiens PERRONII Cardinalis locus.*

IDEM comprobamus altero argumento, & Innocentii XI. hodie sedentis gravissimâ autoritate. Jam non modò toti Regno, sed toti Orbi Christiano notus est libellus Illustrissimi ac Reverendissimi Domini Meldensis Episcopi, Serenissimi Delphini Præceptoris, cui titulus: *Expositio Doctrinæ Catholicae* anno 1671. Gallicè editus, non modo in Latinam linguam, verùm etiam in Germanicam, Anglicanam, Hibernicam, Belgicam denique ac Italicam versus, quæ Italica versio Romæ est edita anno 1678. typis Con-

gregationis de propagandâ fide, ejusque Congregationis Cardinalibus summâ cum operis commendatione inscriptus: item cum approbatione summorum virorum Michaëlis Angeli Riccii, & Laurentii Brancati de Laureâ, postea Ecclesiæ Romanæ Cardinalium ac Stephani Gradi Abbatis, viri doctissimi ac facundissimi, Bibliothecæ Vaticanæ præfetti: item cum approbatione & permissione Raymundi Capisucchii, tunc sacri Palatii Magistri, nunc Sanctæ Romanæ Ecclesiæ amplissimi Cardinalis, qui omnes, cum in Congregatione sancti Officii, sive generalis Inquisitionis, præcipuis muneribus fungerentur, hujus libri doctrinam miris laudibus extulerunt. Antecesserat per literas, iisdem cum laudibus, approbatio ipsius Cardinalis Bona, quem nominasse, laudasse est, Sigismundi Chigii item Cardinalis atque Hyacinthi Libelli, tum Sacri Palatii Magistri, ac postea Archiepiscopi Avenionensis, cujus memoria in benedictione est, virorum ornatissimorum approbatio. Quas approbationes videre est in eâ editione libelli, quæ anno 1679. præfixâ autoris admonitione, adornata est. Sed omnem commendationem exsuperat Breve Apostolicum Innocentii XI. ad eundem Episcopum in hæc verba scriptum, quod in eâdem editione visitur: *Venerabilis frater, salutem & Apostolicam benedictionem. Libellus de Catholica fidei expositione, à fraternitate tuâ compositus, nobisque oblatus, eâ doctrinâ eâque methodo ac prudentiâ scriptus est, ut perspicuâ brevitate legentes doceat, & extorquere possit etiam ab invitis Catholica veritatis confessionem. Itaque non solum à nobis commendari, sed ab omnibus legi atque in pretio haberi meretur. Ex eo sanè non mediocres in orthodoxæ fidei propagationem, qua nos præcipuè cura intentos ac sollicitos habet, utilitates redundaturas, Deo bene juvante, confidimus; ac vetus interim nostra de tuâ virtute ac pietate opinio comprobatur, &c. Quæ nemo pius bonusque sine summâ animi voluptate legerit; adeò Apostolicam pariter gravitatem ac pietatem spirant. Datum 4. Janu. 1679.*

Vid. ant.
lib. expof.

Cum autem utilissimi libelli autor articulos fidei, pro instituto secrevisset ab eâ doctrinâ, quam vel omnino falsam, vel non eâdem fide certam, hæretici Ecclesiæ Catholicæ tanquam ejus dogma necessarium imputarent, devenit ad eum locum, quo de sede Apostolicâ vera Ecclesiæ fides exponenda esset. Eam autem ita exposuit, ut hæc stabiliret tantum: nempe, *Ecclesiam unitate nixam, tuenda ac firmanda unitati Primatum S. Petri à Christo institutum, sedemque Apostolicam hujus unitatis centrum ac radicem esse, ac propterea Petri successoribus deberi obedientiam eam, quam Concilia ac Patres semper agnoverint.*

Exp. art.
xxj.

Hæc erant quæ certâ fide stabilita esse vellet; hoc est, ea tantum in quæ omnes Catholici consentirent. Quibus explicatis D. Meldenfis etiam hoc addidit: *Quod attinet ad ea de quibus in scholis varia sunt ac discrepantes sententiæ, etsi Ministri ea Catholica Ecclesiâ imputare solent, ut Pontificia potestati invidiam consent, nihil attinet hic commemorari, cum de fide Catholicâ non sint. Sufficit agnoscere Caput à Deo institutum, ad gregem universum in viâ Domini gubernandum.*

Ibid.

Vides quid sufficere D. Meldenfis dixerit, quid deinde Romani Doctores, atque etiam Cardinales, & ipse etiam summus Pontifex approbarit: nempe, id sufficere de quo omnes consentiant; alia, de quibus in scholis disputatur, sive superioritatem, sive infallibilitatem spectent, sive illam

directam vel indirectam in temporalibus potestatem, non esse necessaria; atque id Nationes omnes Christianæ, dum huic libro applaudunt, & ipse Innocentius XI. confitetur.

Nec mirum ita esse quæstionem à doctissimo Antistite constitutam, aut his comprehensam finibus ab omnibus Catholicis, ipsoque adeò summo Pontifice comprobata; cum pridem Pius IV. ac Tridentina Synodus, & ante, Florentina & Eugenius IV. alique Pontifices, in eo voluerint fidem collocatam, de quo omnes convenirent.

Quare qui Controversias optimè tradiderunt, iisdem finibus quæstionem circumscriptam volunt. Notum illud doctissimi Cardinalis Perronii in epistolâ ad Casaubonum, Apologiæ præfixâ: *Ecclesiam Romanam radicem Episcopalis unitatis & Ecclesiastica communionis esse.... eique ab omni antiquitate delatum esse Primatum, & præfecturam earum rerum quæ ad religionem & Ecclesiam pertinerent, idque unum esse quod Ecclesia postulet ab iis, qui ejus communionem amplectantur: quâ tesserâ secernat societatem suam à Græcis eorumque affectis, qui se à visibili ac ministeriali Ecclesia Capite ab aliquot sæculis segregarunt.*

Duperr.
repl. &c.
ep. à Casaub.

Ex his doctissimi Cardinalis verbis discimus id quidem ab omnibus agnoscendum esse, quo Ecclesia ab hæreticis secernatur, non autem id quo Scholæ Doctores à se mutuò differant. Atque id vir maximus luculentius postea exponit his verbis: *Quæstio de autoritate Papæ inter Catholicos agitata sive in spiritualibus, respectu Conciliorum Œcumenicorum, sive in temporalibus, respectu jurisdictionum secularium, quatenus saluti animarum obsunt, non est quæstio ejusmodi, quæ res complectatur ab alterutrâ parte inter articulos fidei recensitas, aut quæ ab iis exigantur qui ad Ecclesiam redeunt; ita ut alii alios pro hæreticis habeant, aut à se mutuo quoad communionis vinculum separentur. Quare ea omnia communioni Ecclesiasticæ sarciendæ impedimento esse non possunt; cum hujus conditionis sint, ut quamcumque partem serenissimus Rex amplectatur, hand eò secius ab utrâque parte jus & nomen Catholici obtineat. Quare ex doctissimi Cardinalis verbis, erroris, hæreseos atque omnino anathematis & excommunicationis metus, quocumque prætextu, procul abest ab iis opinionibus; reique essent Ecclesiæ violatæ pacis, qui eas sub excommunicationis metu prohibendas putarent.*

Ib. lib. iv.
pag. 745.

Quæ cum animadvertisset D. Meldensis Episcopus, eas opiniones, & omnibus notas, atque à præstantissimis Controversiarum autoribus designatas, ad Catholicam fidem pertinere meritò negat; quod iterum atque iterum inculcandum putavit in eâ monitione, quam supra memoravimus post Innocentii XI. approbationem suæ Expositioni esse præfixam. Sic autem in eâ legitur: *Neque miretur quis, tam facile approbatam Meldensis Episcopi Expositionem eam, quæ autoritatem sedis Apostolicæ divinâ institutione concessam, iis in rebus collocaret, de quibus schola Catholica omnes consentirent. Nihil enim eget Cathedra Petri concertationibus nostris; quodque in eâ Catholici omnes unanimi consensione venerantur, planè sufficit ad eam tuendam potestatem, quam sedes Apostolica ad ædificationem, non autem ad destructionem accepit. Vides iterum atque iterum quid sufficere edoceat. At hanc monitionem, uti diximus, Expositioni præfixam, cum idem Episcopus Innocentio XI. obtulisset, hoc tulit responsum: *Venerabilis frater, salutem & Apostolicam bene-**

Expos.
avert. edit.
1679.

Vid. ant.
expof.

ditionem. Accepimus libellum de Catholicâ fidei expositione, quem, piâ, elegantî, sapientique ad hæreticos in viam salutis reducendos, oratione auctum, reddi nobis curavit fraternitas tua, & quidem lubenti animo confirmamus uberes laudes quas tibi de præclaro opere meritò tribuimus, & susceptas spes copiosè fructus exinde in Ecclesiam profecturi &c. Datum Romæ 12. Jul. 1679.

Quæ cum sacro cœtui D. Meldensis Episcopus rogatus legeret, pietatem incomparabilem, charitatem ac prudentiam singularem Sancti Pontificis miris laudibus commendabat, quod, quantum in ipso esset, omnes difficultates remotas esse vellet, quibus oves perditas laborare, atque ex grege suo aberrare intelligeret.

Nempè cum alia multa vera & utilia Summus Pontifex iterum atque iterum approbabat, tum illud imprimis, Sedis Apostolicæ majestatem in his rebus esse positam, de quibus Catholici consentirent; idque ad ejus Sedis faciendam potestatem sufficere testatus, ex eâ *Expositione* uberes fructus expectabat.

Neque falsus animo est: nam innumerabiles hæretici hâc Expositione, seu potius sancti Pontificis autoritate victi, ad unitatem redierunt, & redire porro pergunt: adeò necessarium erat cum in omnibus articulis, tum in hunc maxime, quem hæretici omnium invidiosissime proponebant, id clarè doceri, quod Ecclesia Catholica ut necessarium pariter, ac sufficiens postularet. Hoc enim factò, Catholicam doctrinam ex omni parte splendentem, nullo fastu turgidam, ubique moderatam, atque inter prærupta & extrema tutò incidentem, agnitam dilexerunt eique adhæserunt.

Jam si rescinderentur ea, & alia requirerentur, quàm quæ summi Pontifices, & maxime Pius IV. & ipse Innocentius XI. postulavit, quid aliud eveniret, quàm ut tot hominum millia deceptos se esse ab Ecclesiâ Catholicâ quererentur, atque eorum, quod absit, vacillaret fides; cæterorum verò odia concitarentur ea, quæ cum nullâ responsione lenire possemus, infelices animæ perderentur, & Sedis Apostolicæ, quam firmam & inconcussam esse oportet, labasceret autoritas; Sedisque ejusdem majestate indignum videretur, negare fidem in eo esse reponendam, in quo Catholici omnes uno ore consenserunt?

C A P U T XIII.

Explosâ hæreseos, erroris, ac schismatis notâ, aliæ notæ excutuntur: articulos Gallicanos neque esse temerarios, neque scandalosos, neque piarum aurium offensivos: vera pietas cum veritate & Traditione conjuncta: Censuræ vagæ & inconditæ: sancti Ambrosii locus: Prima Pars concluditur.

EXFLOSIS hæreseos, erroris ac schismatis, quas quidam inultas nobis volunt, notis, supervacaneum videri posset de aliis notis dicere; cum facile intelligatur ex dictis, Cleri Gallicani Declarationem tantâ autoritate nimiam, nihil immodestè aut contumeliosè asserentem, nihil novi Christianis

auribus asserentem, neque temerariam, neque scandalosam, neque piarum aurium offensivam esse. Ne tamen aliquid omittere videamur, has quoque perpendamus notas.

Non deerunt fortè rerum Ecclesiasticarum imperiti, qui Patres Gallicanos eo nomine temeritatis accusent, quòd de primæ Sedis autoritate, & quidem nullâ necessitate, statuere ac judicare videantur.

At illi, si qui sunt, Theologiam ne primo quidem, ut aiunt, limine salutarunt. Solet enim Theologia de Deo, divinisque personis, atque aliis fidei Christianæ mysteriis quæ tradita sunt, dicere summâ cum reverentiâ Divini Numinis. Eodem planè ritu de Sede Apostolicâ tractat, neque ullam sibi vindicat in ejus jura autoritatem, cum ea, quæ de ipsâ sint tradita exequitur & exponit. Ita Clerus Gallicanus magnum unitatis, pacisque mysterium in Sede Apostolicâ collocatum, cum omnibus Catholicis impensè veneratur: quâ in re à Christo constituta sit ejus autoritas, ne aliena, ne prava, ne invidiosa affingantur, summâ cum reverentiâ ex Patrum Traditione declarat.

Temerarium passim Theologi definiunt, quod novè, insolenter & audaciter nullâ Doctorum autoritate dicitur; quæ multum à nostris abesse ipsi adversarii consentunt, cum gravissimos nostræ sententiæ defensores nominent. At verò quantò magis ab omni temeritatis crimine nostros articulos eximemus, cum probationibus expeditis Conciliorum atque Pontificum decretis niti ostendemus? *Est & ea*, inquit Canus, *temeraria propositio, quæ in doctrinâ fidei, cum celebris Universitatis communi decreto ac definitione pugnat. Quamquam enim circumferuntur articuli Parisienses, qui non sunt fidei articuli omnes, quoniam ne hanc quidem vel longissimè tangunt; sed ejus Academiæ tamen de fide & religione fixa constantiaque decreta semper Christi Ecclesia suspexit; qui verò contempserunt, inaniaque & levia ac pro nihilo existimaverunt, omnes ad unum periclitati sunt.* Quâ regulâ non profectò nos, sed ii sunt temerarii vel maxime, qui nos Parisiensis Academiæ defensores exosi, etiam temeritatis, quodque est gravius, erroris ac schismatis accusant.

Melch.
Can. lib. xij.
cap. ij.

An forsitan temerè allata sunt in medium, quæ tractari necessitas nulla coegbat? Verùm aliud est nova sine necessitate quærere, aliud vetera & ab antiquis sæpè tractata, atque ab ipsis Synodis Constantiensi & aliis, summâ necessitate quæsitæ & decisa retinere. Cur autem ea repeterent Gallicani Patres, in præfatione Declarationis atque in epistolâ ad Episcopos scriptâ, causas idoneas protulerunt, quas æqua posteritas probatura sit, neque jam improbent ii, qui necessariam doctrinam omni arte opprimi atque obliterari pridem ingemiscebant.

Neque fas erat Cleri deputatis omittere ea, cum illis mandatum esset Ecclesiæ Gallicanæ antiquas & canonicas libertates asserere, quarum fundamenta ac summa his articulis continentur.

Sane quâ modestiâ viros Ecclesiasticos esse oportet, Lovaniensium quorundam gravibus querelis ac Domini Strigonienensis éensurâ moveremur, si assereremus nova. Cæterum, cum ea asseramus quæ saltem à trecentis annis toti Ecclesiæ nota, à Conciliis & Pontificibus, ut nos quidem credimus, approbata, ut autem etiam adversarii consentunt, & res ipsa docet, sine ullâ censurâ relicta sunt; non nos profectò; sed iniqui censores temeritatis incurrunt notam: quod quidem à censoribus nostris consideratum volumus,

Sanè id advertant quod dicimus : non enim dicimus non posse universim reprobati, nisi ea quæ Ecclesia expresse condemnavit ; sed , cùm rebus pensatis , sæpè & consultò noluit aliquid condemnare , nemo jam nisi temerè condemnare potest. Ecclesia enim perspexit non esse condemnationi locum.

Quæ ratio ostendit procul abesse à nobis scandali aut offensæ pietatis suspitionem. Quod enim Ecclesia à tot sæculis æquis auribus pacatoque animo audiat , id repentè scandalo aut offensionem vertere , nihil aliud est , quàm commovere turbas , & perturbare pacem Ecclesiasticam.

Ibid.

De pietate quod obijciunt , placet audire Melchiorem Canum , cùm illud tractaret quod sit piarum aurium offensivum. Ibi verò demonstrandum aggredditur , *Ecclesiam propositionum absonarum consonarumque judicium in vulgi auribus minimè collocasse*. Quo loco hæc habet : *Hic si abusus reprehendas , qui in imaginibus & colendis & ornandis , in sacellis , templis , Monasteriis , sepulchrorum monumentis , sempiternisque memoriis condendis invaluerunt plurimi , si afirmes in ejusmodi interdum , vel potius nimium sæpè , plus vanitatem valere , quàm religionem , diabolus quam Christum ; hi fortasse dicent , te Lutheranis opinionibus occupatum , intolerabiles sonos fundere ; adeò in optima quaque vulgus inconditum , falsâ pietate , vanitatem , aut etiam superstitionem inducit*. Pergit : *Non est igitur habenda ratio vulgi promiscuè imbecillis , perturbati , imprudentis ; sed prudentis , sinceri , pii , incorrupti ; nec Theologia modò requirenda est , sed pietas & prudentia*.

Neque nos fugit quanta sæpè pars turbæ sint , qui etiam se peritos ac Theologos videri volunt ; atque ut cætera taceamus , quot videmus , qui Luthero & Calvino per nimia & extrema repugnare pium putant , à quorum sententiâ nos alienissimos esse ultrò profiteamur ? Non enim si quid privati aliqui Doctores adversus Lutheranos urgendum putârunt , id nos statim ut fidei decretum amplecti oporteat ; sed nempe , ut dicebat olim sanctus Cælestinus Papa : *Sufficere credimus quod Apostolicæ sedis nos scripta docuerunt* ; scilicet Pii IV. professionem , quâ planè perfectèque hæretici condemnentur ; atque id gravioribus Theologis ac doctoribus , Cardinali Perronio , eumque secuto Meldensi Episcopo , ac tot Cardinalibus Romanisque Prælatis , ipsique adeò Sancto Pontifici Innocentio XI. placuisse gaudemus in Domino , totique Ecclesiæ gratulamur. Ulteriora extorquere non suadet vera pietas. Ut enim nihil à fide demi , ita nihil addi fidei debet ; rei que animarum sunt , qui plus ab hæreticis postulârunt , quàm communi omnium fide requiratur. Neque minùs absurdum est aliud à Catholicis Doctoribus extorquere velle , nisi fortè aliam fidem in Ecclesiâ docemus , aut tuemur in scholis , aliam contra hæreticos propugnamus.

Pietatis verò nomine ad aliud nos cogi , nec ipsa sinat pietas. Vera enim pietas non cæco affectu , sed Majorum autoritate ac Traditionis regulâ ducitur. Quæ ab his aberrant finibus , sine more modoque crescunt , veramque pietatem falsis & alienis , ex arbitrariâ pietate superstructis , obscurant & offuscant. Hæc arbitraria pietas multis persuasit sancti Petri successores , non tantùm ex officio sanctos , sed etiam vitâ necessariè pios esse ; ut grave haberet bonus Otho Frisingensis , vir alioqui doctus & diligens de Joanne etiam XII. dici : *Sic reprehensibiliter eum vixisse & super hoc ab Episcopis aliisque subditis suis conventum fuisse ; cui rei , inquit , durum videtur fidem*

Oth. Fris.
lib. vj. cap.
xxij.

accommodare ; quia Romana Ecclesia hoc speciale privilegium Sacerdotibus suis adscribere solet , quòd meritis Petri supra firmam petram fundati , nulla eos vel porta Inferorum , vel turbo tempestatum ad exitialem ruinam involvat. Quæ ab Ennodio (c) Ticinensi deprompta , ac pro tempore laudata , Gregorius VII. quantum potuerat , confirmaverat , novo genere pietatis , quo vel negare manifesta , vel infanda , non tantum tacere , verum etiam probare cogeremur.

Vid. tom.
iv. Conc.
pag. 1340.

At , inquit Baronius in hunc Othonis locum , non tanta nos vindicamus , ut esse non possit , quin sædus turpisque moribus irrepit vel irrumpat in sedem illam ; fide autem impius nullo modo. Quasi magis illud ad pietatem pertineat , ut nullus fide impius Pontifex esse possit , aut transire cogamur ad illam ferè ab omnibus explosam , & Canonistis omnibus , Theologis omnibus repugnantem Alberti Pighii sententiam , nullum Pontificem hæreticum esse posse. Hæccine ergò est pietas , omnibus ac singulis Pontificibus , quasi sub Christi nomine (quis enim tanquam ex proprio nomine audeat) ista polliceri , ut , si quid , occulto Dei iudicio , vel tale contingit , vel aliquando contingat , tum labascere incipiat , vanâ scilicet expectatione delusa , infirmorum fides , ac ipsa quoque Christi promissâ vacillare putet. Atque hanc pietatem Bellarmino quoque & Suari placuisse vidimus. Neque , ista referentes , viros doctos ultrò lacessimus , aut eorum pietati detractum volumus quidquam , quorum alioqui (Deus testis est) favemus laudibus. Id tantum advertimus viris etiam maximis contigisse , ut vana saperent , quoties cæcis illis , quos pios vocare volunt , affectibus aliquid indulserunt.

Bar. an.
863. tom.x.
pag. 777.

Piget commemorare quot opinionum monstra ejusmodi pietas in Ecclesiam induxerit. Hinc enim etiam illud quo totus Orbis circumsonat : Pontificem utriusque potestatis apicem tenere , Regna ac diademata dare ac detrachere , Orbis Dominum etiam in temporalibus , ac Monarcham esse Christi Regis Vicarium , sive Viceregem , in Regnis & Imperiis omnia posse ; neque tantum indirectè , sed directè ; falli Bellarminum indirectâ potestate contentum , neque postulantem ut ea tanquam de fide certa credantur ; hæc enim omnia de fide esse , & qui negent esse hæreticos ; neque propterea quidquam iniqui Regibus & Imperiis metuendum , cum is à quo pendent , neque errare , neque quidquam injusti moliri possit. Neque satisfaciet nobis , si eum , qui recens hæc scripserit , Marchionem , in rebus quidem Theologicis ineptum , impèritumque esse dicant. Ecce enim Nicolaus Dubois , Theologiæ Professor primarius , nos seriò & graviter ad hujus viri tractationem remittit , eumque cum honore nominat. Idem D. Dubois ait non posse constare Romano Pontifici summam illam potestatem , à Florentinâ Synodo in decreto unionis attributam , nisi potestas etiam indirecta tribuatur : quin , illâ eversâ , eam partem decreti stare omninò non posse. Quare & D. Strigoniensis , illum Declarationis Gal-

Coroll.
Antigr.

(c) Ennodio.] Is ipsâ experienciâ doctus vanas esse mundi hujus illecebras , relictâ seculari militiâ in sacram adscriptus est & inter Diaconos relatus. Ille est Ennodius , qui in celebri suâ apologiâ pro Symmacho docet : Papam à nemine posse judicari : beatum Petrum . . . perennem meritum dotem cum hæreditariâ innocentia misisse ad posteros suos (id est successores :) denique eum sanctum esse , quem apex tantæ dignitatis attollit. Huic Ennodio , qui deinceps Ticinensis Episcopus fuit , Ultramontani plus obsequuntur quàm cuiquam ex sanctis Patribus. Ejus opera Jacobus Sirmundus congeffit & edidit. Vid. de Ennodio D. DE FLEURY. Lib. xxx. & seq.

licanæ Articulum, quo potestas indirecta rejicitur, cum reliquis articulis; ut æquè detestabilem, æquè schismaticum damnat.

Neque verò placet indirectæ potestatis nomine, ac mutato tantùm vocabulo res eadem, idem jugum imperiis impositum: neque probare possumus pietatem illam, quæ priscis inaudita sæculis, conciliandis Christianis, ac propagando Evangelio, publicæ denique paci inimica, invidiosis æquè ac inani-bus titulis Petri Cathedram oneret, eamque doctrinam reducere molitur, quæ quoties exequenda prodiit, toties Orbem Christianum infandis bellis & cædibus cruentavit.

Neque etiam placent, pietatis licèt nomine venditata, quæ passim apud Canonistas legimus: *Posse Pontificem omnia in Orbe terrarum: posse quacumque Deus possit, excepto peccato; neminem ab eo rogare posse, quid ita facis? Legibus & statutis omnibus & generalibus Conciliis posse eum contravenire legitime*; & alia ejusmodi, Pontificibus bonis modestisque, æquè ac nobis exosa. Hæc ipsi Canonistæ, puto, erubescant, nisi interpretatione molliantur. At pietas non est, inflare & exaggerare verbis Petri privilegia, tanquam exigua sint, quæ per se sunt maxima; eaque comminisci, quæ cum interpretatione rectâ evanescant atque effluant, malevolis interim calumniandi ansam præbeant, tendant laqueos imperitis, audaciores ad extraordinaria quæque contra regulam postulanda, aut etiam per obreptionem impetranda incitent, atque ita censuram Canonum ac vim disciplinæ resolvant, ejusdemque instaurandæ spem omnem incidant. Cæterùm cum talia nullus unquam docuerit Pontifex neque unquam comprobârit, id unum à nobis scilicèt vera pietas postulat, ut admiremur gravissimam, sapientissimam atque à Deo protectam Sedem, quæ tantâ etiam assentatione circumdata modum tenuerit. Interim cum hæc nimia, pietas incompressa suaserit, certum nobis est nullam pietatem agnoscere, nisi cum veritate & Traditione conjunctam.

Ambr. de
fide lib. j. c.
xviij. al.
viii. tom.
ij. p. 467.

Hæc erant quæ de particularibus censuris dicenda habebamus, quantum earum vim intelligere possumus, ex Doctorum scriptis; quæ arbitrariæ inani tantùm strepitu teneant imbecilles animos, nulloque certo titulo, nullâ certâ ratione, tantùm anathemata crepent, atque intentare non cessent. Eas ut veritate contemnimus, ita charitate refugimus, qui veritatem pacemque diligamus; atque interim opponimus illud Ambrosii: *Fucum faciunt, qui non audent explicare quod sentiunt, censoriè*. A sede certè Apostolicâ, quæ & paci consulere, & antiqua revolvere, & posteritatem respicere, & omnia sæcula mente complecti soleat, nihil tale metuemus; præsertim posteaquàm, uti jam facere aggredimur, nostra à Conciliis & Romanis Pontificibus expressè & sæpe probata esse demonstraverimus. Nam hætenus iniquâ certè conditione luctamur, qui tantùm ictus declinamus, nondum arma expeditimus. Nunc, cum probationes nostras allaturi simus, nostra jam liberior decurret ac lætior, ac veluti scopulos & fyrtes prætervecta, plenis jam velis oratio navigabit.

ADMONITIO EDITORIS.

In plerisque manuscriptis codicibus hujus *Defensionis*, quos omnes diligenter evolvimus; reperimus post cap. xxxiv. lib. ix. caput unum integrum ab ipso autore deletum. Nam vir eliquatissimi judicii, postquam acta S. Eusebii à Mombritorio relata diligentius introspexit, facile intellexit ea illa esse, quæ, aut nullius, aut infirmæ admodum autoritatis apud doctos haberentur. Quapropter statueramus obsequi D. BOSSUET voluntati, & caput illud omnino omittere; sed ne quis queri posset de omisso illo capite, quod etiam extat in editione hujus operis an. 1730. illud ad calcem hujus appendicis adjecimus.

EUSEBII Romani Presbyteri ac Martyris acta referuntur.

TUNC Eusebius Romanus Presbyter martyrium passus est, cujus memoriam XIV. Augusti cum Ecclesiâ Romanâ agimus; quo die in Martyrologio Romano celebratur.

Hujus acta Baronius in Annalibus paucis refert: in notis ad Martyrologii diem XIV. Augusti remittit ad Boninum Mombritorium Mediolanensem, ex quo ejusdem Eusebii uberiora acta promamus. Bar. tom. iij. n. 357.

Sed quandoquidem Mombritus in paucorum est manibus, non pigebit antiqua S. Eusebii acta memorare, prout ea ex illustrissimi Archiepiscopi Rhenensis * excuso codice diligenter exscripsimus. Is igitur sic habet Tom. I. p. 515. *Tempore quo Liberius de exilio revocatus fuerat à Constantio Augusto heretico, in eodem tantum dogmate, ut non baptizaret populum, sed unâ communione contaminaret plebem, Eusebius Presbyter urbis Romæ cepit declarare Liberium hereticum & amicum Constantii; cumque multi in sanctâ confessione & Catholicâ fide vitarent communionem Liberii per Eusebii Presbyteri doctrinam, occupantur Ecclesia à Liberio; ejicitur Felix de Episcopatu, subrogatur Liberius, tenetur Eusebius Presbyter, & quod in domo suâ, quam ipse construxerat, populum congregaret, & quia plebem sanctam exhortabatur. Tunc Constantius Imperator aggreditur cum Libcrio Eusebium Presbyterum, dicens: Tu solus Christianus es in urbe Româ? Eusebius Presbyter respondit: sic confidimus in Domino, quia fideles nos inveniet Christus, sicut & baptizati sumus, & benedictionem, quam à beato Julio suscepimus, tenemus. Libcrius dixit: Nos cujus fungimur vice; nonne Julii antecessoris nostri? Eusebius Presbyter dixit: si perseverasses in fide quam in persecutione primò tenere visus fueras. Liberius dixit presente Augusto: tam contumacem me existimas? Eusebius dixit, res ipsa te docet & declarat. Imperator Constantius dixit: & quid est inter fidem & fidem? Eusebius Presbyter respondit: quantum ad nos peccatores, integrè tenentes fuimus: quantum ad vos, insania Diaboli & invidia superstitionis vestre, ut Felicem Episcopum, quem vos non tenuistis Catholicum, & Dominum JESUM CHRISTUM invocantem, purum Sacerdotem ab omnibus declaratum, in damnationis causam exilio direxistis; qui tamen in prædiali suo orationibus vacat. Et quidem jussu tuo Christianis occisionem & necem præcepisti inferri, maxime Clericis, Presbyteris & Diaconis. Tunc iratus Constantius sub rogatu Liberii inclusit Eusebium Presbyterum in quodam cubiculo domus sue, quod humile erat, in latitudine pedes quatuor; & ibi multis diebus in oratione constanter perseve-*

Tom. II. Append.

Q

* Le Teller.

Vid. hæc act. ap. Baluz. Miscell. tom. ij. p. 141. 142.

rans, inclusus tamen post menses septem dormitionem accepit 19. Kalendas Septembris : cuius corpus collegerunt Gregorius & Orosius Presbyteri & parentes ejus, & sepelierunt in cryptâ juxta corpus B. Xisti Martyris & Episcopi in viâ Appiâ, in cimeterio Callixti ; ubi & titulum ipsius scribentes, posuerunt pro commemoratione ejus : EUSEBIO HOMINI DEI. In eodem tempore auditum est à Constantio Imperatore, quod Gregorius & Orosius Presbyteri collegissent corpus Eusebii Presbyteri, & in eâdem cryptâ vivum precepit includi Gregorium. Tunc Orosius Presbyter collegit semivivum B. Gregorium noctu occultè, propter Constantium Augustum, & emissio spiritu, sepelivit eum juxta corpus S. Eusebii Presbyteri ; qui etiam Orosius hæc gesta scripsit. Ab eodem die intra Ecclesias, jussu Constantii Imperatoris, quisquis inventus fuisset non sic confiteri & participare sicut Liberius, indiscussus gladio puniretur. Quapropter in plateis, & in vicis, & in Ecclesiis, sive in balneis gladio trucidabantur, persequentè Constantio Christianos unâ cum Liberio. Mortuo autem Liberio, levatur Damasus, qui voce publicâ damnavit Liberium factâ Synodo cum Episcopis viginti octo & Presbyteris viginti quinque, & cessavit persecutio ; non tamen multum tempus, donante Domino JESU CHRISTO, qui vivit & regnat in sæcula sæculorum. Amen.

Huc usque acta, ubi innatâ simplicitate, ipsa se prodit antiquitas ; & quibus ejus generis actorum aliquis inest gustus, hoc sapiunt. Tum Usuardus Monachus & Ado Viennensis hæc acta viderunt, ex quorum quippe verbis, brevem illam, quam suis Martyrologiis inferant, S. Eusebii contexunt historiam. Cæterum id quod hîc de Damaso in fine actorum scriptum est, quod voce publicâ damnavit Liberium factâ Synodo, ad Damasi Pontificatum referendum non est : pridem enim Liberius resipuerat ; sed hæc fecit Damasus tum Presbyter, ac, deficiente Liberio, Synodum fieri procuravit ; innuuntque obiter acta, eum qui hæc fecerit, meritò Liberio subrogatum fuisse.

Quod autem in his actis, ut & in vitâ Liberii, scriptum est de rebaptizatione ab Arianis factâ, non debet movere doctos, qui apud Ambrosium de Auxentio legerint : *Cur igitur rebaptizandos Auxentius fideles populos putat, baptizatos in nomine Trinitatis, cum Apostolus dicat : UNA FIDES, UNUM BAPTISMA.* Hoc igitur Liberius reservavit, ne Romani rebaptizari cogerentur. Quid autem egerit, quàm à rectæ fidei defensione defecerit, quam persecutionem moverit adversus fratres, quos confirmare in fide jubebatur, satis patet ex actis.

Ambr.
Serm. cont.
Aux. post
epist. xxj.
class. j. n.
37. tom. ij.
pag. 874.
Ephes. iv. 5.

Finis Appendicis.

I N D E X

*Titulorum seriesque Materiarum quæ in Defensione Declarationis
Cleri Gallicani an. 1682. continentur.*

T O M U S P R I M U S.

- P** RÆFATIO. Pagina j.
CLERI Gallicani de Ecclesiasticâ potestate Declaratio. xlv.
- EPISTOLA Conventus Cleri Gallicani ad universos Ecclesiæ Gallicanæ Præsules. xlix.
- EDIT du Roy sur la Déclaration faite par le Clergé de France de ses sentimens touchant la puissance Ecclesiastique. liij.
- GALLIA Orthodoxa, sive vindiciæ Scholæ Parisiensis totiusque Cleri Gallicani adversus nonnullos. Pag. 1
- De causis & fundamentis hujus operis prævia & Theologica Dissertatio. ibid.
- I. An tacere oporteat Gallos, erroris ac schismatis ab illustrissimo Rocaberto & aliis, apud Summum Pontificem accusatos. ibid.
- II. Duo libelli memorantur, unâ cum censurâ illustrissimi Archiepiscopi Strigoniensis. 2
- III. Eminentissimi Cardinalis Daguirrei sententia. 3
- IV. Reverendissimus Pater Tyrsus Gonzales. 4
- V. Illustrissimus Rocabertus Archiepiscopus Valentinus omnium immitissimus. 5
- VI. Gallicanam Declarationem immeritò impugnatam, tanquam esset decretum fidei, ex actis demonstratur. 7
- VII. Hinc quæstio, an licuerit accusare Gallos, & an ipsos oporteat tueri innocentiam. 8
- VIII. Defensio justa & necessaria ubi de fide agitur. ibid.
- IX. Nec ferendum Gallis obijci Jansenismum. 9
- X. Duæ aliæ causæ edendæ defensionis: prima ne lædatur Apostolica Sedes, quæ Gallis nullum errorem imputavit. ibid.
- XI. Ludovici Magni læsa pietas defendenda fidelibus Gallis. 11
- XII. Summâ modestiâ causam hanc esse tractandam: Divisio hujus operis in tres partes. ibid.
- XIII. Facultatis Theologicæ Parisiensis clara & certa Sententia, ex nostris juxta & exteris Doctoribus agnita: Pighius Navarrus, Franciscus de Victoriâ memorantur. 12
- XIV. In Concilio palam declarata Gallicana Sententia, nemine improbante, nec repugnante ipso Pontifice. 14
- XV. Petri de Marca de vetere Sorbonâ locus. ibid.
- XVI. Gallicana Sententia post Constantiensia tempora viguit: nec tantum in dissidiis, sed in altissimâ pace, contra *Galliæ vindicatæ* autorem. 15
- XVII. Andreas Duvallius in Facultate Parisiensi primus innovandi autor, antiquam ultrò Sententiam agnoscit. ibid.
- XVIII. Ex eodem Duvallio, in Sententiâ Gallicanâ circa Conciliorum potiorum potestatem, nulla hæresis, nullus error, nulla temeritas. 16
- XIX. Idem Duvallius Patrum & Conciliorum etiam Florentini & Lateranensis solvit auctoritates. 17
- XX. Idem infallibilitatem Pontificiam de fide non esse multis probationibus conficit. ib.
- XXI. Inde concludit Duvallius definitiones Pontificias per sese non esse de fide, ac requiri acceptationem sive consensum Ecclesiæ. 18
- XXII. Duvallii Doctrina de confirmatione Conciliorum, deque iis per sese, etiam adversus Papam, valituris in fide negotio. ibid.
- XXIII. Casus hæresis, schismatis, alii ex Duvallio memorantur: in his, quantum Concilia valeant in ipsum Pontificem, ex Turre-crematâ, Cajetano & aliis statuit. 20
- XXIV. Quam multi insignes viri præter Gallos hanc Sententiam doceant: Panormitanus, Zabarella, Tostatus. 21
- XXV. De Tostato candida Cardinalis Daguirrei confessio. 22

- XXVI. Alphonfus à Castro. *ibid.*
 XXVII. Adrianus VI. & Joannes Driedo Lovanienſes. *ibid.*
 XXVIII. De Adriano VI. cur privatim dicendum : unus rem totam conficit : ejus jam Pontificis recuſus Romæ liber retractatione nullâ. 23
 XXIX. Vana reſponſa autoris doctrinæ Lovanienſium. 24
 XXX. Nicolai Dubois Lovanienſis ludibria. 26
 XXXI. Autoris tractatûs de libertatibus Gallicanis ſubtilita nec minis vana reſponſa. *ib.*
 XXXII. Gallæ vindictæ Autor. 27
 XXXIII. Pater Thyriſus Gonzalez. 29
 XXXIV. Eminentiffimus & doctiffimus Daguireus. 30
 XXXV. Doctorem Lovanienſium & factis & dictis in Adrianum VI. obſervantia ſingularis. 31
 XXXVI. Ex Adriani ſententiâ & temporum notis demonſtratur Florentina, Lateranenſia, Tridentina decreta fruſtrâ objici. 32
 XXXVII. Non ſinantur poteſtatis Pontificiæ vehementiſſimi defenſores, qui ſummâ ipſâ Pariſienſium tuentur ſententiam. 33
 XXXVIII. De Concilio Conſtantienſi : qui approbatum negant, ipſi ſe ſuis telis conficiunt. 34
 XXXIX. Objeſtio de Obedientiis nondum adunatis Seſſ. IV. & V. ſpontè corruiſit duobus factis conſtitutis : primum, à Concilio Conſtantienſi ſtatim aſſumptum Concilii œcumenici titulum & jus. *ibid.*
 XL. Alterum factum, Martinum V. tunc Cardinalem his Synodi initiis adhæſiſſe. 35
 XLI. Aliud factum additur : quod pars Eccleſiæ, quæ Concilium Conſtantienſe inchoavit, non fuerit tantum pars tertia ; ſed duabus aliis etiam adunatis longè ſuperior. *ibid.*
 XLII. Conſtantienſis Synodus à Romanis Pontificibus optimæ noræ Synodis accenſita : privata Binionæ editionis nota quàm nulla & temeraria, quàm Sedi Apoſtolicæ contumelioſa : nihil proficere qui de ejus Synodi confirmatione litigant. 36
 XLIII. Concilii Baſileenſis initia legitima & certa Bellarmini & Rainaldus agnoſcunt, etiam Lateranenſe Concilium : ejuſdem Bellarmini ſuſſugia ex Duvallio confutata. 38
 XLIV. Ex Ludovici Alamandi beatificatione argumentum : item ex Amadei VI. Sabaudæ Ducis famâ ſanctitatis, Odorico Rainaldo utroque in negotio teſte. 39
 XLV. Ex Concilio Conſtantienſi ac Baſileenſibus initiis quid dicendum putemus. 41
 XLVI. Ante Conſtantienſe Concilium Joannis XXII. de ſuorum Anteceſſorum autoritate arque infaſhilitate ſententia in conſtitutione : *quia quorundam.* 42
 XLVII. Hujus temporis Scriptor à Rainaldo in eam rem adductus quid ſenſerit : quâ occasione proferitur caput *ſunt quidam.* 45. quæſt. 1. 43
 XLVIII. Jacobi ſanctæ Priſcæ Cardinalis, poſtèa Benedicti XII. conſona eadem de re ſententia. 44
 XLIX. Probatum de fide actum in his determinationibus, & tamen eas legitime corrigi potuiſſe : eâ de re gloſſa notabilis, & Bellarmini ſententiâ. 46
 L. Speculatoris, id eſt, Guillelmi Durandi Epiſcopi Mimatenſis liber de Conciliis, juſſu Clementis V. editus, & quid ex eo conſequatur. 47
 LI. Hinc etiam de ſenſu Concilii Lugdunenſis II. judicati poteſt. 49
 LII. Locus Gratiani de Decretalium autoritate : alius locus de Gregorii II Decretali ab eodem Gratiano reprehenſa erroris contra Evangelium. *ibid.*
 LIII. Pelagii II. Decretalis ab eodem Gratiano ex Gregorio Magno reprehenſa, ex ipſâ etiam Gloſſâ contra Evangelium. 50
 LIV. Honorii res : eum erroris excuſari non poſſe, licet ex Cathedrâ pronuntiantem. 51
 LV. De falſatis actis Binii ex Baronio conſecta narratio. 52
 LVI. Actio falſi à Chriſtiano Lupo depulſa quàm certis probationibus. *ibid.*
 LVII. Ex actis Concilii Hiſpanici Toletani XIV. quæſtio de falſo clare absoluitur. 53
 LVIII. Ex eodem Concilio Decreta à Romanis Pontificibus approbata, non niſi conſenſione factoque examine recipiuntur. *ibid.*
 LIX. In fidei quæſtionibus Conciliorum generalium potior autoritas demonſtratur ex Conciliorum Actis, ac primum ex Concilio III. & IV. 54
 LX. Bellarmini & Baronii altercatio de Decretali ſancti Leonis epiſtolâ in Concilio IV. ritè examinatâ. 55
 LXI. Definitio S. Leonis, ipſo etiam teſte, non niſi ex Eccleſiæ conſenſu vim habet irtractabilem. *ibid.*

- LXII. Concilii VI. & VII. acta: VII. Synodi definitio ac summa autoritas consensione constans. 56
- LXIII. Concilii VIII. eadem praxis: duo ejus decreta. 57
- LXIV. Bellarmini sententia de Synodali examine: Christiani Lupi aliorumque cavillationes: an in Conciliis de fide dubitatum, cum de Pontificiis decretis quærent. *ib.*
- LXV. S. Basilii locus, atque in eum Christiani Lupi contumeliæ. 58
- LXVI. Alius S. Basilii de S. Damasi decretis locus. 59
- LXVII. Contentio de rebaptizatione inter S. Stephanum & S. Cyprianum: quæstiones involvendæ rei factæ ab hac disputatione secernuntur. *ibid.*
- LXVIII. In hac controversiâ, quid certum sit, ex Bellarmino statuitur. 60
- LXIX. Gall. vindicatæ & tractatus de libertatibus Autores quid respondeant: an Cyprianus, ut in rebaptizatione, ita in Romani Pontificis autoritate errasse memoretur: Augustini locus. *ibid.*
- LXX. An Stephanus excommunicaverit, an totâ suâ autoritate decreverit, frustra quæritur: cum ad eam excusationem nec Firmilianus, nec Cyprianus, nec ipse Augustinus refugerint. 61
- LXXI. An infallibilitati Pontificiæ detraxisse sit illud veniale peccatum, cujus Cyprianum Augustinus accusat. 62
- LXXII. Nihil ad rem facit quæreret: an Cyprianus & alii respuerint necne. *ibid.*
- LXXIII. Cavillatio. 63
- LXXIV. Bellarmini sententiæ duæ partes: prima Stephanum potuisse, nec tamen voluisse rem de fide facere, an Augustino congrua? *ibid.*
- LXXV. Secunda pars Bellarminianæ sententiæ, à Cypriano non fuisse peccatum saltem mortaliter. 64
- LXXVI. Quo pacto intelligendum id quod dicit Augustinus à Cypriano expectatam Concilii generalis sententiam: forma antiqui regiminis jam inde ab origine, etiam sub persecutionibus. 65
- LXXVII. Vanæ & inanes quæstionculæ de consensu Ecclesiæ, ipsâ regiminis Ecclesiastici formâ concidunt. 68
- LXXVIII. Solennis acceptatio Decretorum Pontificiorum quàm usitata & quàm necessaria: Romani Pontificis officium & autoritas ex Janseniano negotio ostenduntur. 69
- LXXIX. Innocentii IV. locus: Concilio provincialis sub Paschali II. clara autoritas. 70
- LXXX. Anonymi tractatus de Libertatibus Gallicanis circa Sedis Apostolicæ auctoritatem fœda & improbanda commenta. 71
- LXXXI. Prolatæ in anterioribus verbis in Sedem Apostolicam contumeliæ refelluntur. 72
- LXXXII. An ferendum Papæ & Ecclesiæ potestatem primis temporibus religatam & alia consecranea dici ab eodem Autore? 73
- LXXXIII. Gallicana sententia per se stat, si aliena & afficta demantur: ac primum de hæreticis non nisi Conciliari auctoritate damnandis. *ibid.*
- LXXXIV. Aliud imputatum de Synodis generalibus absque Papâ congregatis: Turcocrema loci insignes pro sententiâ Parisiensium. 74
- LXXXV. Aliud imputatum: de Romanâ fide ac Sede Apostolicâ: Innocentii III. profertur locus: alii loci insignes in memoriam revocantur. 75
- LXXXVI. SS. Monachorum ex Concilio Lateranensi depromptus locus: item S. Augustini ad Bonifacium Papam. 76
- LXXXVII. An hæc sentientes fidem in suspensio teneant, aut arma inobedientibus subministrent. 77
- LXXXVIII. Ex his potissimum adversariorum argumentum eliditur. *ibid.*
- LXXXIX. Hæc in opinione, non in fide esse posita controversiarum Doctores profitentur: ac primum Cardinalis Perronius. 78
- XC. Walemburgii fratres in Germaniâ Episcopi celebres atque ab iis citati Scriptores clarissimi. 79
- XCI. Idem fratres quomodo Bellarminum à Gretsero explicatum prodant. 80
- XCII. Idem Gretserus aliique ab iisdem Walemburgiis citati. *ibid.*
- XCIII. Innocentii XI. Brevia Apostolica duo. 81
- XCIV. Inquisitionis Hispanicæ Decreta ab eminentissimo Cardinale Daguirreo & P. Thyro prolata, Cardinalis Perronii auctoritate confixa. 83
- XCV. Regum Hispaniæ Philippi I. & Caroli V. Augusti exemplo Hispaniæ Inquisitio retunditur. 85
- XCVI. Summa argumenti: de Orientali Ecclesiâ & Concilio Florentino pauca. 86
- XCVII. Adversariorum ultima responsio: ex hac argumentum & conclusio operis. 87

DEFENSIO Declarationis Cleri Gallicani de Ecclesiasticâ potestate PARS PRIMA. Quâ de Imperii in temporalibus supremâ potestate differitur. 89

LIBER PRIMUS.

SECTIO PRIMA.

EX statu quæstionis, reique novitate, deponendorum Regum directâ & indirectâ potestas confutatur ad caput primum Gallicanæ Declarationis. *ibid.*

CAPUT PRIMUM. Refertur caput I. Gallicanæ Declarationis. *ibid.*

CAP. II. Contrarium articulum ponunt adversarii. Status quæstionis: ex hoc intolerabilia incommoda; neque magis tolerabilior indirecta quàm directâ potestas, cum solis verbis differant: huic primo capiti Declarationis Gallicanæ, contrariam declarationem totidem verbis opponit autor Anonymus doctrinæ Lovanicum, quem alii adversarii sequuntur, & indirectam potestatem asserunt: quæ sententia quàm falsa sit, statim intelliget, qui vel statum quæstionis adverterit. 90

CAP. III. Horrenda atque ipsis adversariis detestanda necessario consequuntur, à quibusdam admittuntur; nec nisi extirpatâ radice refecantur: HENRICI *Borbonti Condæi* Principis oratio ad LUDOVICUM XIII. 95

CAP. IV. Sententia Gallorum; ex *Censurâ* SANCTARELLI, quæ integra refertur. 97

CAP. V. Quædam in SANCTARELLI doctrinam, atque in censuram notæ: articuli Facultatis toto Regno vulgati: Censura MALLAGULÆ. 98

CAP. VI. Hujus sententiæ novitas in SANCTARELLO notata à sacrâ Facultate: Scripturæ silentium: auctoris Anonymi qui scripsit de libertatibus in Scripturæ locos glossæ. 99

CAP. VII. Primus Regum deponendorum auctor GREGORIUS VII. undecimo exeunte sæculo: Orbis universus eâ novitate commotus: explicatum obiter, quo sensu negarent, excommunicari posse Reges. 101

CAP. VIII. Quæ GREGORIUS VII. hujus rei exempla & documenta protulit, rei novitatem probant. 104

CAP. IX. De Gregorii Decretorum autoritate in Ecclesiâ dubitatum, neque ipse sibi confitit. 106

CAP. X. GREGORIUS VII. nimia & nova sectatur: initia Regiæ potestatis superbiæ ac diabolo assignat, repugnante Scripturâ;

neque tantum Pattum, sed totius humani generis traditione. 108

CAP. XI. Aliæ GREGORII VII. novitates: Novum excommunicationis genus, quo victoriam ab HENRICO IV. exercitu arceat: nova doctrina de omnium Pontificum Romanorum sanctitate. 110

CAP. XII. Quâ occasione GREGORIUS VII. Regum depositionem aggressus sit: Quove Imperii ac Regnorum statu: Quam universalis Monarchiæ etiam temporalis idcam animo informaret: Ejus mores, ingenium, & in omnia Regna variæ molitiones; ac 1^o. in Imperium Romano-Germanicum, in Galliam, in Angliam, in Daniam; de iisque quæri, nihil imminutâ Sedis Apostolicæ Majestate. 112

CAP. XIII. De Hispaniâ & Sardinia quid GREGORIUS VII. decreverit. 115

CAP. XIV. De Hungariâ: de aliis Regnis ac Provinciis, quibus causis impulsus, Pontificiæ ditioni se ultro subjecerint: Arbitraria jura etiam in infideles Principes protenduntur. 118

CAP. XV. Regna infidelium, quo jure concessa BELLARMINUS aliique defenderint: hæc, & alia de Regibus deponendis gesta, nullo religionis periculo impugnari posse. 120

CAP. XVI. Ipsam quæstionem aggredimur: hæc tractatio bifariam distributa: quinque propositiones ordine comprobandæ. 123

SECTIO SECUNDA.

Quâ expenduntur Scripturæ loci, & Patrum traditiones illustrantur, ad caput primum Gallicanæ Declarationis. 125

CAP. I. PRIMA PROPOSITIO probatur: quòd Regia seu suprema civilis potestas jam inde ab initio sit legitima, etiam inter infideles. *ibid.*

CAP. II. SECUNDA PROPOSITIO, quòd Regia & suprema potestas etiam inter infideles sit à Deo; Reges Sacro-sancti: juratum per eorum salutem: religio in Principes: TERTULLIANI loci. 126

CAP. III. Quo sensu suprema civilis potestas sit à Deo, quodve discrimen Sacerdotium inter & Imperium. 127

CAP. IV. TERTIA PROPOSITIO: quòd Regia ac suprema potestas nulli alteri potestati Dei ordinatione subjecta: omnium gentium in eam rem consensus: Druidæ, Augures, alii ejusmodi frustra advocati ad

- præsidium indirectæ potestatis. 129
- CAP. V. Ex tribus primis propositionibus *Collarium* : quod sine verâ religione , veroque Sacerdotio , civile regimen perfectum , ac seipso consistens , atque in rebus suis ab omni aliâ potestate absolutum : an in eo jure aliquid immutatum per Legale aut per Christianum Sacerdotium , quartâ & quintâ propositione quæritur. 131
- CAP. VI. QUARTA PROPOSITIO : Per institutionem Sacerdotii Legalis nihil immutatum in Regiâ ac summâ potestate ; nihil ad eam deponendam juris Sacerdotibus attributum : probatur ex *Deuteronomio* , Regumque libris. 133
- CAP. VII. An unctio Regum , eorumque designatio per SAMUELEM interdum ac Prophetas facta , in ordinandis civilibus aliquid Sacerdotibus juris attribuit ? De Concilio Sanhedrin BARONII sententia expenditur. 134
- CAP. VIII. BELLARMINI argumentum ex *Deuteronomio* loco. 136
- CAP. IX. Quæ antè dicta sunt , Judæorum historiâ recensitâ , luculentius explicantur : Judæorum Regum , etiam ad Idola cogentium , inviolata Majestas : Reges Assyrii , Medi , Persæ , pari cultu observati : erga eos egregia , ALEXANDRI Magni tempore , Judæorum fides : JOSEPHI locus : eadem obedientia in ALEXANDRUM & Græcos Syriæ Reges. 137
- CAP. X. Recidivum sub Machabæis Imperium peculiari Dei instinctu à MATHATHIA inchoatum , à filiis stabilitum : Romani ac Cæsares eodem jure , Christo approbante , regnârunt. 140
- CAP. XI. An ATHALIÆ cæsæ exemplum his obsit. 142
- CAP. XII. De OZIA propter lepram ejecto. 143
- CAP. XIII. QUINTA PROPOSITIO : Neque per institutionem Christiani Sacerdotii quidquam fuit immutatum in regnandi jure : id probare aggredimur ex Evangelicis Scripturis : explicatur potestas quam Christus Apostolis tradiderit. 146
- CAP. XIV. Locus Evangelii : *Reddite quæ sunt Cæsaris Cæsari*. 148
- CAP. XV. Prævisis malis quæ ab impiis Regibus Ecclesiæ essent eventura , quæ Christus & Apostoli auxilia reliquerint ; & an aliqua præter patientiam. 149
- CAP. XVI. An generali præcepto obediendi Regibus , Christus & Apostoli aliquam exceptionem attulerint , & quam ? 150
- CAP. XVII. Adversariorum cflugia : distinguunt tempora infirmæ & adolescentis , à temporibus robustæ , & jam prævalentis Ecclesiæ : an hæc Christianis digna ? 151
- CAP. XVIII. An eludi possit locus Evangelii : *Regnum meum non est de hoc mundo*. 153
- CAP. XIX. An ad rem pertineat ille ab adversariis objectus locus : *data est mihi omnis potestas in cælo & in terrâ* , & ille locus , *Rex Regum*. 154
- CAP. XX. Locus Evangelii : *quis me constituit judicem super vos ?* 155
- CAP. XXI. Respondetur ad objecta Capituli XVII. an impii Reges ab Ecclesiâ impuniti , si tuti à depositione habentur. 156
- CAP. XXII. De excommunicationis effectu : an privet temporalibus : quid sit illud : *sit tibi sicut Ethnicus & Publicanus* : Interdicta de vitandis excommunicatis in literis Apostolicis contenta expenduntur. 158
- CAP. XXIII. Alius excommunicationis effectus : *tradi Satanae ad interitum carnis* : argumentum pro nostrâ sententiâ ductum ex memoratis in Scripturâ excommunicationis effectibus. 160
- CAP. XXIV. Objectum ex interdicto de vitandis excommunicatis , per exceptionem morales , quam vocant , sive civilis necessitatis , ex omnium Theologorum doctrinâ solvitur : eâ in re GREGORII VII. tempore manifestus error , nunc communi consensu refutatus. 161
- CAP. XXV. Eiusdem interdicti vis diligentius quæritur : probatur Evangelicis Apostolicisque literis , quod exceptionem necessariæ causæ admittat , neque ab obsequiis Regum arceat. *ibid.*
- CAP. XXVI. Idem probatur ex Sanctis Patribus. 163
- CAP. XXVII. Idem probatur ex HINCMMARI insigni responsione ad HADRIANUM II. ventantem ne cum CARO LO Calvo Rege communicaret. 165
- CAP. XXVIII. Idem efficitur ex GREGORIO VII. decretis. 166
- CAP. XXIX. Idem probatur ex secuta Pontificum omnium , atque Ecclesiæ praxi : insigne exemplum sub GREGORIO IX. ac FRIDERICO II. Imperatore : huic præstitum obsequium , negatâ interim mensâ & osculo. 168
- CAP. XXX. Sancti THOMÆ locus : Canon Constantiensis : item Lateranensis Concordato insertus : quo sensu Reges ex-

- communicari non possint : dictorum in hoc interdictum recapitulatio; atque hinc firmum argumentum. 169
- CAP. XXXI. Ambas potestates Ecclesiasticam & civilem, in suo quamque ordine esse primas, ac sub uno Deo proximè collocatas, Scripturis ac Patrum traditione demonstratur. TERTULLIANI locus. 171
- CAP. XXXII. Aliæ Patrum autoritates : an his satisfiat dicendo Principes in temporalibus, non minùs soli Deo subesse, cum ejus Vicario subsint. 173
- CAP. XXXIII. An ut ambæ potestates inter se ordinatæ sint, unam alteri subdī necesse sit : Sancti GELASII aliorumque Pontificum doctrina. 174
- CAP. XXXIV. Cur hæ potestates tantâ providentia distinctæ sint : sanctus GELASIUS duas causas affert, quæ indirectâ potestate tolluntur. 176
- CAP. XXXV. Ambarum potestatum separatio ac societas ex sancti GELASII doctrinâ explicatur : BELLARMINI comparatio : S. GREGORII Nazianzeni locus ab eo objectus. 177
- CAP. XXXVI. Canon, OMNES objicitur & solvitur. 179
- CAP. XXXVII. Objicitur à BELLARMINO Apostoli locus de iudiciis ab Ecclesiâ constitutis : JEREMIÆ locus : duo gladii, Regale Sacerdotium : allegoria alia & accommodatitia : dictorum in hoc libro recapitulatio. 180

LIBER SECUNDUS.

- Quo Patrum testimonia & exempla afferuntur usque ad GREGORIUM VII. 185
- CAP. I. Ordo & distributio tractationis hujus, primùm in duo tempora : tum in duas quæstiones : Prima quæstio de Regibus propter scelera reprehensis : An deponendi visi sint ? Patrum doctrina & exempla in persecutione, & tribus primis sæculis : An Christianorum obedientia ex imbecillitate Ecclesiæ & eorum temporum ratione prodierit. *ibid.*
- CAP. II. Quartum sæculum. JULIANUS Apostata : An Ecclesia tum invalida fuerit ? S. GREGORII Nazianzeni locus : Item S. AUGUSTINI, S. THOMÆ responsio ad locum AUGUSTINI, non satis cognito rerum sub JULIANO statu. 188
- CAP. III. A paganis Regibus, atque ab Apostatâ JULIANO transitus ad hæreticos : CONSTANTIUS Arianus, Catholicæque Ecclesiæ persecutor : an imbecillitate factum, quòd HILARIUS, ATHANASIVS, LUCIFER Calaritanus, alii, indirectam potestatem ne quidem intentarent. 192
- CAP. IV. Quarti Ecclesiæ sæculi reliqua exempla proferuntur : VALENS hæreticus & persecutor : Sancti BASILII, aliorumque Sanctorum sensus : JUSTINÆ Arianæ, VALENTINIANI II. nomine, Catholicos insectanti, Sanctus AMBROSIVS viribus prævalens, quo usque repugnari posse putat : quid idem comminatus sit GRATIANO & VALENTINIANO, si Sacra Paganorum restituerent. 197
- CAP. V. Sancti AMBROSII cum THEODOSIO gesta : an AMBROSIVS aliquid temporalis potestatis attigerit, ut BELLARMINO visum; an vel de eo cogitaverit ? Aliud AMBROSII erga eundem THEODOSIVM post incensam Synagoga. 199
- CAP. V. Quinti sæculi exempla : ARCADIUS, ac de eo GREGORII VII. verba : Burgundiones : Visigothi : Vandali : THEODORICUS Ostrogothus ; HUNERICUS Vandalus : ODOACER Herulus ; ZENO Imperator. 203
- CAP. VII. ANASTASIVS Imperator hæreticus, persecutor, anathemate nominatim in Oriente, & à Romano quoque Pontifice in Occidente damnatus, Ecclesiæ peculiari Sacramento obligatus, Regno eâ conditione suscepto : ejus deponendi mira opportunitas : sancti Pontifices GELASIUS, SYMMACHUS, HORMISDAS ne id quidem cogitaverunt. 205
- CAP. VIII. Sexti ac septimi sæculi exempla : sancti GREGORII MAGNI ad MAURICIVM epistola memorabilis : in eam BARONII nota : Quædam de Pontificum subjectione erga Principes. 208
- CAP. IX. Privilegia ab eodem sancto GREGORIO concessa expenduntur. Imprecatoriæ formulæ eo ævo familiares : Gregoriana formula ad alia privilegia non transit. 209
- CAP. X. Sancti MAXIMI Monachi & Confessoris locus de Monothelitis Imperatoribus. 211
- CAP. XI. Octavi sæculi exempla : Iconoclastæ Imperatores : ac primùm LEO Isaurus : de eo BELLARMINI argumentum ex BARONIO solvitur : quæ hæc sunt demonstranda proponuntur. 212
- CAP. XII. An Græci Historici à BARONIO & BELLARMINO in GREGORII II, ac LEONIS Isauri

- Isauri rebus adducti, atque ab eis relata gesta indirectæ potestati faveant. 213
- CAP. XIII. GREGORIUM II. nihil in Imperatorem hæreticum movisse, imò eâ occasione aliquid molientibus obtituisse, ex ejus gestis, epistolis, doctrinâ demonstratur. 216
- CAP. XIV. An GREGORIUS II. imbecillitate virium, ab indirectâ potestate exercendâ, vel saltem ostendendâ temperârit. 217
- CAP. XV. GREGORIUS II. confiteri pergit nullam esse suam in rebus civilibus potestatem. 218
- CAP. XVI. De GREGORII II. gestis Latini Historici proferuntur, PAULUS Diaconus & ANASTASIUS Bibliothecarius: Ex his demonstratur, nihil ab eo, nisi pro tuendo Imperio gestum, etiam post anathema Imperatori dictum. 219
- CAP. XVII. Cur Græci illud de tributis GREGORIO II. objecerint? Id utcumque se habet an nostræ sententiæ roceat? 221
- CAP. XVIII. De GREGORIO III. GREGORII II. successore, ejusque erga LEONEM Isaurum & CONSTANTINUM Copronymum ejus filium, obsequio: De ejus Pontificis duplici legatione ad CAROLUM Martellum, quarum alteram BARONIUS GREGORIO II. assignavit. 223
- CAP. XIX. ZACHARIAS in obsequio perstitit: STEPHANUS II. pro Imperio conatus omnia, non nisi necessitate ad Francos refugit: ad eos translatum Imperium sub LEONE III. cum Græci Imperatores ad fidem Catholicam rediissent. 225
- CAP. XX. An valeant allatæ à BARONIO causæ, cur CONSTANTINO IRENE filio, Catholico Imperatori, Imperium restituendum non fuerit: HADRIANI I. locus nihil ad rem: recapitulatio dictorum de Iconoclastis Imperatoribus: de fide illis servandâ Orientalis Ecclesiæ sensus: illi Imperatores in coronatione iurjurandum dederant de tuendis Ecclesiæ dogmatibus ac ritibus: ex his argumentum. 227
- CAP. XXI. Noni sæculi exempla: LUDOVICI VII Imperatoris depositio: hæc & inde secuta, impia, irrita, nulla, malè intellecta, nihil ad rem, nobisque potius favent quàm adversariis: an expectata, ad restituendum LUDOVICUM, GREGORII IV. auctoritas. 229
- CAP. XXII. LOTHARII Junioris excommunicatio, propter VALDRADAM, nullâ unquam depositionis mentione. 132
- CAP. XXIII. ADRIANUS II. CAROLUM Calvum à LOTHARII mortui Regno deterret excommunicatione: quàm grave Francis visum fuerit terrenis rebus immiscuisse se Pontificem, nihil de depositione cogitantem: HINC MARI locus. 233
- CAP. XXIV. Eodem nono sæculo STEPHANI V. epistola ad BASILIUM Imperatorem de finibus utriusque Potestatis. 234
- CAP. XXV. Eodem sæculo FULCONIS Rheimensis locus à PERRONIO objectus. 235
- CAP. XXVI. ATTO Vercellensis, BURCHARDUS Vormatiensis, decimi sæculi autores proferuntur. 236
- CAP. XXVII. Eodem sæculo decimo ROBERTUS Francorum Rex excommunicatus, nullâ depositionis mentione. 237
- CAP. XXVIII. Undecimi Sæculi exempla & testimonia sub LEONE IX. & VICTORE II. paulò ante GREGORIUM VII. PETRI DAMIANI ejusdem GREGORII VII. familiarissimi locus à BARONIO reprehensus. *ibid.*
- CAP. XXIX. Ejusdem PETRI DAMIANI sub ALEXANDRO II. proximo GREGORII VII. antecessore, insignis locus, quo docet utraq; potestates, & discretas esse, & supremas & socias. 239
- CAP. XXX. Gesta sub ALEXANDRO II. & GREGORIO VII. usque ad inceptum annum 1076. dictorum in hoc libro circà primam quæstionem summa & conclusio. 240
- CAP. XXXI. An valeat id quod PERRONIUS Cardinalis ad antiquitatis exempla responderit. 242
- CAP. XXXII. An ejusdem PERRONII Cardinalis distinctio valeat, Paganos inter Principes & Christianos, aut Ecclesiæ fidem juratos: Romanum Imperium pridem Christianum, alia Christiana Regna: nec dum tamen memorata potestas Reges deponendi. 243
- CAP. XXXIII. Altera Quæstio: an nullo quoque interveniente peccato, propter Ecclesiasticam utilitatem, Reges deponendi visi sint ab Ecclesiasticâ potestate? CHILDERICUS Regum Merovingianorum ultimus Cap. alius. 15. q. 6. ex GREGORIO VII. Glossa in illud caput: Majorum de eo capite sententia. 244
- CAP. XXXIV. Rei sub ZACHARIA gesta scæries: Regni Francici status: evictum hæc nihil ad nostram quæstionem pertinere. 246
- CAP. XXXV. Clariùs demonstratur hæc, ut-

- cumque se habent, nihil ad rem facere. 249
- CAP. XXXVI. Quæritur quo jure facta sit translatio Imperii Occidentalis ad Francos: duo præmittuntur status Imperii: tum in Pontificibus & sacro Ordine jura duplicis generis distinguuntur: Romanus Pontifex labente Imperio caput civitatis habitus. 252
- CAP. XXXVII. Res gesta à Romanâ civitate: Principibus Francis oblati Consularatus, Patriciatus delatus, concessum Imperium, autore seu adjutore Romano Pontifice, ut Capite civitatis: testimonia Historicorum. 254
- CAP. XXXVIII. Quo jure Romana civitas ad Francorum Principum tutelam confugerit, ac postea illis Imperium dedit. 257
- CAP. XXXIX. CAROLUS CALVUS à Romanâ Civitate Imperator, à Regni Proceribus Rex Italiæ designatur. 259
- CAP. XL. Gesta sub reliquis Carolinis Principibus: eâ stirpe extinctâ, turbæ: OTHO I. Imperator: Imperii translatio ad Germanos sub OTHONE III. Qualis memoretur à BARONIO: Quæ omnia nihil ad nos. 260
- CAP. XLI. In transferendo Imperio ad Germanos, teste BARONIO, consensus intervenit Romanæ civitatis: quæ tamen omnia, & inde secuta nihil ad nos. 262
- CAP. XLII. Decretum Episcoporum de Lotharii Regno post Fontanellidensem pugnam, an ad rem faciat? 264
- CAP. XLIII. An meritiò objectum à BARONIO id quod est à Carolo Calvo in proclamatione adversus VENILONEM positum. 265
- CAP. XLIV. Argumentum ex Regum consecratione repetitum solvitur: LUDOVICI II. Imperatoris, LOTHARII I. filii, Epistola ad BASILIUM Imperatorem Orientis. 266
- LIBER TERTIUS.
- Quo à GREGORII VII. tempore res extra Concilia Œcumenica gesta referuntur ad CAPUT PRIMUM GALLICANÆ DECLARATIONIS. 269
- CAP. I. An GREGORII VII. ac secutis decretis ita res confecta sit, ut de eâ ambigere Catholicis non liceat: contrarium statuitur certis exemplis & Catholicorum omnium consensione: MELCHIOR CANUS, BELLARMINUS, RAINALDUS, PERRONIOS testes adducuntur. *ibid.*
- CAP. II. Gesta sub GREGORIO VII. primumque ejus de HENRICO deposito decretum. 272
- CAP. III. De Gregoriani Decreti autoritate quæritur: paucis repetuntur quæ de ejus novitate dicta sunt. 274
- CAP. IV. Qui GREGORIO VII. HENRICUM deponenti adhæserint, eos falso fundamento nixos, falso nempe intellectu interdicti de vitandis excommunicatis, idque jam in confesso esse: Sancti GEBHARDI & aliorum ejus ævi in eam rem sententiæ. 275
- CAP. V. Quod nunquam de potestate Reges deponendi canon conditus fuerit, nunquam edita professio, nunquam eâ de re pronuntiatum, ac nequidem unquam quæsitum: inceptum à factis quæ deinde ad jus tracta sint. 278
- CAP. VI. Quod multi in Germaniâ Orthodoxi etiam Episcopi à GREGORIO VII. sententiâ discrepârint: exemplum Trevirensis Ecclesiæ, ac BRUNONIS Archiepiscopi, Imperatori deposito omnia jura servantis, etiam ea quæ ad designandos Episcopos antiquitus data essent. 280
- CAP. VII. Sanctus OTHO Bambergensis, sanctus ERMINOLDUS Abbas: designationes Episcoporum ab Imperatore deposito factæ, ab Orthodoxis Ecclesiis petitiæ & admittæ: quid in iis sedes Apostolica & Concilium Romanum improbant. 282
- CAP. VIII. LEODIENSIS Ecclesiæ egregium testimonium: LEODIENSES an fuerint schismatici: an in suâ epistolâ falsum aliquid docuerint: cur pro eâ doctrinâ veniam petierint, cum in communionem recepti sunt. 285
- CAP. IX. Quod hæc decreta GREGORII VII. aliorumque Pontificum, nullo deliberante aut approbante Concilio, tum pessimo exemplo & infelicibus auspiciis facta sint. 287
- CAP. X. PHILIPPUS I. Francorum Rex excommunicatus, nullâ unquam depositionis mentione. 289
- CAP. XI. Loci quidam IVONIS Carnotensis per summam inscitiam objecti solvuntur: Corona Regia Regi restituenda in his locis quid sit? IVONEM cum aliis omnibus Francis in obsequio perstitisse: GUILLELMI Malmesburiensis locus. 291
- CAP. XII. De investituris inter PASCHALEM II.

- & HENRICUM V. Imperatorem : excommunicationes à Conciliis latæ : depositio in Rhemenſi Concilio à ſolo Papâ : facta compositio in Lateranenſi I. generali ſub CALIXTO II. revocatæ deſiſitionis , aut Regis rehabilitati nullâ mentione. 293
- CAP. XIII. Sanctorum Patrum ejus ævi , ANSELMI Cantuarienſis , IVONIS Carnotenſis , BERNARDI Claravallenſis de Imperatorum deſiſitione ſilentium : Locus ANSELMI probantis VALERANUM , HENRICO IV. deſiſito , ut Regi adhærentem. 296
- CAP. XIV. IVONIS Carnotenſis loci quidam expenduntur : exempla memorantur : horum occasione de Regaliæ cauſâ , atque initâ per Episcopos Gallicos compositio , actum : de GRATIANI Decreto quædam afferuntur. 298
- CAP. XV. BERNARDUS Claravallenſis Abbas : ſub INNOCENTIO II. ſchiſma ingens extinctum : Libri de Conſideratione ad EUGENIUM III. 299
- CAP. XVI. Ejusdem BERNARDI allegoria de duobus gladiis : quid ad eam Majores noſtri reſponderint obiter indicatur. 302
- CAP. XVII. HUGONIS DE SANCTO VICTORE locus ab adverſariis objectus. 304
- CAP. XVIII. FRIDERICI I. res : duplex diſſidium : primum cum ADRIANO IV. quid ſit beneficium , quid coronam dare ex ADRIANI reſponſo ? Varius ADRIANUS : ejus decretum de Inſulis. 306
- CAP. XIX. Alterum FRIDERICI I. diſſidium cum ALEXANDRO III. Excommunicatur , deponitur , nec minus agnoſcitur pro Imperatore , etiam à Papâ : excommunicatio , res ſeria , deſiſito pro nihilo habetur. 308
- CAP. XX. HENRICI VI. FRIDERICI filii excommunicatio ſine deſiſitione per CÆLESTINUM III. Item PHILIPPI AUGUSTI Regis Francorum , ob repudiatam uxorem per INNOCENTIUM III. Item deſiſito OTHONIS IV. Imperatoris per eundem INNOCENTIUM : bella atrocia , harum deſiſitionum appendix. 309
- CAP. XXI. Poſt Imperatores hætenus deſiſitos , primus aliorum Regum , JOANNES SINE TERRA Anglus , ab INNOCENTIO III. deſiſitus , Regno ſedi Apoſtolice tradito reſtitutus ; quæ ſedi Apoſtolice odio & contemptui vertunt. 310
- CAP. XXII. Refertur caput , *Novit* , extra. *de judiciis* : hujus edendi occaſio : nihil

- ad rem : interpretatio neceſſaria. 312
- CAP. XXIII. BONIFACII VIII. cum PHILIPPO III. PULCHRO , Francorum Rege diſſidium : acta BONIFACII reſciſſa à CLEMENTE V. Rex omneſque Regni Ordines , Regni in temporalibus tuerentur independen-
tiam. 313
- CAP. XXIV. Bullæ , *Auſculta fili* , & , *Unam ſanctam* ; expenduntur. 318
- CAP. XXV. Reliqua BONIFACII diſſidii acta : Gallicana intacta : BONIFACIANA à ſucceſſoribus antiquata. 321
- CAP. XXVI. JOANNIS XXII. ſucceſſorumque acta adverſus LUDOVICUM BAVARUM Imperatorem ſummatim reſeruntur , nec ad noſtram quæſtionem pertinere oſtenduntur. 323
- CAP. XXVII. De Navariz Regno Hiſpanis tradito : item de JOANNA ALBRETANA , hæreſis crimine , ſub privationis pœnâ Romanâ à Pio IV. evocatâ , quod Galli improbârunt ac prohibuerint. 324
- CAP. XXVIII. SIXTI V. & GREGORII XIV. decreta in HENRICUM IV. Navariz , ac poſtea Francorum & Navariz Regem , quoad temporalia nullo loco habita : à CLEMENTE VIII. abſolutio eidem HENRICO IV. nullâ rehabilitationis mentione , ut Regi impertitur : obiter notatur , qui adverſus Declarationem Gallicanam de Libertatibus Gallicanis ſcripſit Anonymus. 326

LIBER QUARTUS.

- Quo à GREGORII VII. temporibus res in Conciliis Œcumenicis geſtæ reſeruntur ad
CAPUT PRIMUM GALLICANÆ DECLARATIONIS. 329
- CAP. I. Canon XXVII. Concilii Lateranenſis III. ſub ALEXANDRO III. quo pœnæ temporales adverſus hæreticos decernuntur : ibi diſtinctio notabilis , eorum quæ Eccleſia per ſe , & eorum quæ gerat Principum adjuta Conſtitutionibus : hinc lux huic & aliis ejusdem generis ſecutis Canonibus : his decretis Principum conſenſus intervenire ſolitus : hinc quoque certa illis autoritas. *ibid.*
- CAP. II. Concilii Lateranenſis IV. Canon III. ſub INNOCENTIO III. quod ad pœnas temporales attinet , ejus eſt generis , in quo Eccleſia conſenſu & Conſtitutionibus Principum adjuvatur : Principes facilè comprobabant quæ adverſus hæreticos ab Ec-

- clesiâ sancirentur. 331
- CAP. III. Antiquorum Imperatorum leges, quibus Ecclesiâ juvabatur ad pœnas temporales adversus hæreticos, in Conciliis Lateranensibus III. & IV. decernendas. 333
- CAP. IV. Ex historiis demonstratur quæ de feudis aliisque temporalibus, Ecclesiasticâ autoritate gererentur, Principum concessione & consensione valuisse. 334
- CAP. V. Ecclesiastica potestas multa sibi vindicavit civilia: sacra bella religionis causâ, sive Cruciatæ: aliæ ejusmodi occasiones: S. LUDOVICI de PHILIPPO AUGUSTO avo insigne testimonium: tacitæ consensionis exceptio utrique ordini ad sua jura explicanda necessaria est: utriusque potestatis sancta societas: PETRI DAMIANI repetitur locus. 336
- CAP. VI. De FRIDERICO II. deposito: sub GREGORIO IX. acta: excommunicatus, deinde depositus, à S. LUDOVICO & Gallis pro Imperatore est habitus: Concilium Œcumenicum à Gallis requisitum, à GREGORIO IX. Romam convocatum. 338
- CAP. VII. Quæ sub INNOCENTIO IV. GREGORII IX. successore gesta: Concilium Lugdunense II. in eo acta; atque ex his & ante dictis, argumenta contra nos. 341
- CAP. VIII. Solutio objectorum præcedentis Capituli: duo quædam notatu digna: Depositio edita, SACRO PRÆSENTE CONCILIO, non SACRO APPROBANTE CONCILIO, ut solet. 342
- CAP. IX. De statu Imperii Romano-Germanici quædam quæ ad objectorum solutionem spectant. 343
- CAP. X. Constantiensis & Basileensis decreta: SIGISMUNDI Imperatoris in Synodo Constantiensi Imperiale decretum: ejusdem Imperatoris de Romano-Germanici Imperii Principibus declaratio. 346
- CAP. XI. Concilium Lateranense V. sub JULIO II. De Concilii Tridentini decreto Sessionis XXV. capite XIX. de Reformatione: Quid nostri etiam Curix Romanæ adductissimi senserint. 350
- CAP. XII. Nostri sæculi gesta ultimo loco reservata: dissidium Venetum sub PAULO V. HENRICI IV. MAGNI operâ compositum. 351
- CAP. XIII. Cardinalis BELLARMINI libri adversus BARCLÆUM: Senatûs decretum, antiquis ejusdem Senatûs decretis congruum, quæ sacra Facultas suscepit: Regii Consilii decretum: PERRONII Cardinalis opera. 354
- CAP. XIV. Conventus Ordinum Regni 1614. Articulus propositus à tertii Ordinis deputatis: cur Clerus obstitit, adjunctâ nobilitate: PERRONII Cardinalis oratio quatenus à Clero probata: an hæc novissimæ Cleri Gallicani Declarationi noceant? 358
- CAP. XV. In PERRONII Cardinalis oratione ad tertium Ordinem annotata quædam: ejus dicta consutantur: acta laudantur: hujus controversiæ finis. 356
- CAP. XVI. Censura SANCTARELLI. An Cardinalis PERRONIUS jure metueret, ne Ecclesiâ errâsse videretur, si censurâ notata esset illa de deponendis Regibus sententia. 359
- CAP. XVII. Recapitulatio dictorum ad Caput I. Gallicanæ Declarationis de temporalis potestatis supremâ autoritate: an quod Cardinalis PERRONIUS objecit, nostram sententiam Romani Pontifices pro erroneâ habuerint? An ab ullis Conciliis damnata sit? An aliquis ex eâ adversus Ecclesiæ autoritatem metus? 360
- CAP. XVIII. De Regibus propter hæresim & apostasiam deponendis: cur atate postremâ multi Reges consenserint? Cur Scholastici Doctores? Cur ab eâ sententiâ discedamus? 363
- CAP. XIX. Anonymi auctoris, qui tractatum DE LIBERTATIBUS ECCLESIAE GALLICANÆ edidit, liber IV. ex antedictis confutatur. 365
- CAP. XX. Reliqua Anonymi argumenta soluta paucis: ac primum quæ ad Scripturam. 368
- CAP. XXI. Argumenta Anonymi deprompta ex antiquitate: tum ex Scholasticis & Canonistis. 369
- CAP. XXII. Anonymi argumenta ex consensu Regum & Sanctorum exemplis. 371
- CAP. XXIII. De Anglicanâ controversiâ: conclusio tractationis ad Caput I. Declarationis Gallicanæ: doctrinam hanc Ecclesiæ Catholicæ ornamento, aliam invidiæ esse. 374

PARS SECUNDA.

In quâ de Conciliis Constantiensi & Basileensi & consecratis agit. 381

LIBER QUINTUS.

De Concilio Constantiensi ad Caput secundum.

- dum GALLICANÆ DECLARATIONIS. *ibid.*
- CAP. I. Refertur Declarationis Caput II. hujus libri scopus: Synodum Constantiensem sedi Apostolicæ nunquam infensam aut suspectam fuisse. *ibid.*
- CAP. II. Constantiensis Concilii laudata decreta, ex Sessionibus IV. & V. referuntur: censores nostros, atque etiam ipsum autorem tractatus DE LIBERTATIBUS ECCLESIAE GALLICANÆ, nec Synodi verba attendisse; nedum intellexerint. 383
- CAP. III. Ordo disputationis hujus: Censores nostri tria obijciunt: primum quidem de textu; alterum de sensu ac mente; posterum de autoritate decretorum Constantiensium. 386
- CAP. IV. NOVUM EMMANUELIS SCHELSTRATI de textus falsatione commentum. 387
- CAP. V. SCHELSTRATI, de falsatâ sessione IV. Constantiensi fabula confutatur: probitas Patrum Basileensium omnium scriptorum consensu asseritur: B. LUDOVICI ALAMANDI, ejus cætus Principis, eximia sanctitas. 389
- CAP. VI. Sessionis V. quâ potissimum utimur, lectionem, neque in dubium revocari posse, neque unquam in dubium revocari. 393
- CAP. VII. Ad sensum Constantiensium canonum constituendum præmittitur brevis historia schismatis: ex ipso schismate fidei periculum, Sedis Apostolicæ contemptus, morum corruptela, ac necessaria reformatio. 395
- CAP. VIII. Tria schismati quæsitâ remedia: Concilium Œcumenicum necessarium: Ecclesia Gallicana ab ODORICO RAINALDO, Wiclefisini accusata, propter subtractam simul obedientiam & Annatas. 398
- CAP. IX. Nullum remedium nisi in Concilio generalium superiore potestate: an ea sit agnita in causâ schismatis tantum; an ideo collata ad schismatis causam, quod in aliis quoque causis prævalere solet? 400
- CAP. X. Concilium Pisanum ab utriusque obedientiæ Cardinalibus convocatum, quo jure? Ejus Concilii acta. 402
- CAP. XI. Confirmatur assertum illud: quòd processus Ecclesiæ Catholicæ & Pisani Concilii, superiore Conciliorum, etiam extra schisma in summis quibusque negotiis, autoritate nitatur: quibus fundamentis Concilii Pisani decreta nitantur. 404
- CAP. XII. An sine temeritate Concilii Pisani autoritas rejici possit. 407
- CAP. XIII. Ad Constantiense Concilium devenitur: ejus causâ atque initia referuntur: rerum series usque ad sessionem V. hinc confutari qui ad schismatis tempus decreta restringunt. 410
- CAP. XIV. Vana suffugia, ex ipso Concilii scopo ac verbis confutantur. 412
- CAP. XV. Ex sessione VIII. Concilii Constantiensis, sessionis V. sensus asseritur. 415
- CAP. XVI. Mens sessionis V. ex capite FREQUENS, & ex capite SI VERO, sessionis XXXIX. demonstratur. 417
- CAP. XVII. Idem demonstratur ex aliis capitibus sessionis XXXIX. SCHELSTRATI & aliorum suffugia praecluduntur. 419
- CAP. XVIII. Idem demonstratur ex sessione XL. & octodecimum propositis reformationis articulis. 420
- CAP. XIX. Recapitulatio eorum quæ de mente Concilii dicta sunt: solutio obceptorum cap. III. 422
- CAP. XX. Sessionibus IV. & V. æquè ac reliquis Concilii Œcumenici autoritas constat: an valeat BELLARMINI responsio, eorum sessionum decreta, à Florentinâ & Lateranensi Synodis antiquata? 423
- CAP. XXI. An Sessionum IV. & V. dubia sit autoritas, quod duæ obedientiæ defuerint? An JOANNIS XXIII. obedientia tertia pars Ecclesiæ fuerit? An JOANNES XXIII. aut alii Sessionibus IV. & V. contradixerint? JOANNIS TURRECREMATÆ & JOANNIS GERSONIS loci. 424
- CAP. XXII. Quòd inter Catholicos certum sit, Concilium Constantiense jam inde ab initio, & ante adunatas obedientias fuisse Œcumenicum: Bulla *Inter cunctas* à MARTINO V. sacro approbante Concilio, edita Constantiæ. 427
- CAP. XXIII. An novæ Concilii convocationes, GREGORII & BENEDICTI obedientiis Constantiam advenientibus, pacis studio factæ, antecedentium sessionum auctoritatem infringant? Ac primum de suscepto GREGORIO, sessione XIV. 428
- CAP. XXIV. Exemplum singularis in ejusdem schismatis casu indulgentiæ & condescensûs. 430
- CAP. XXV. De Sessionibus XXII. XXVI. XXXV. quibus Aragonenses, Navarrici & Castellani suscepti sunt. 432
- CAP. XXVI. Ex ipsâ rerum serie antedicta confirmantur. 433

- CAP. XXVII. Antiquæ Ecclesiæ exemplis Concilii Constantiensis œconomia asseritur. 436
- CAP. XXVIII. Objectio ex defectu confirmationis petita dissolvitur. 437
- CAP. XXIX. An sessionum IV. & V. decreta iis accenseri debeant, quæ MARTINUS V. ut CONCILIARITER facta, confirmavit. 439
- CAP. XXX. BELLARMINI sensus exploditur: an sessionum IV. & V. decreta sine examine debito processerint. 440
- CAP. XXXI. An illa formula, *Sacro approbante Concilio*, Papam Concilio superiorem probet. 442
- CAP. XXXII. Prædicta responsa de dubio Pontifice etsi valeant, non tamen adversarios expeditos esse, ac Parisiensium ex Constantiensis canone vigere sententiam. 444
- CAP. XXXIII. EMMANUELIS SCHELSTRATI objecta, à codicibus manuscriptis petita, solvuntur circa sessionem IV. 448
- CAP. XXXIV. Quæ in SCHELSTRATI Manuscriptis sessionem V. spectent. 449
- CAP. XXXV. FRANCISCI ZABARELLÆ Cardinalis Florentini doctrina de superiori etiam in reformationis negotio Concilii potestate: Corollarium de dissensionibus Constantiensibus à SCHELSTRATO memoratis. 451
- CAP. XXXVI. Alia SCHELSTRATI ex manuscriptis codicibus objecta solvuntur: an aliquid contra nos concludatur ex eo quod reformatio ad id tempus dilata sit, quo Papa electus esset. 454
- CAP. XXXVII. Alia objectio SCHELSTRATI circa sessionem XIV. Concilii Constantiensis. 456
- CAP. XXXVIII. Postrema objectio SCHELSTRATI, de sublato decimo-tertio reformationis articulo. Bulla Martini V. de non appellando ad Concilium, suum in locum remittitur. 458
- CAP. XXXIX. Confirmatio argumentorum pro autoritate Constantiensis Concilii: multa in eandem rem MARTINI V. & EUGENII IV. acta usque ad Basileense Concilium. *ibid.*
- CAP. I. Duo dissidia Basileensia distinguuntur: res in primo dissidio gestæ. *ibid.*
- CAP. II. Ex antedictis, Constantiensia dogmata confirmantur. 463
- CAP. III. Confirmantur argumenta capitis præcedentis: insigne EUGENII IV. ad universos fideles diploma refertur. 470
- CAP. IV. TURRECREMATÆ & RAINALDI aliorumque suffugia. 471
- CAP. V. De secundo Basileensi dissidio: quid ab initio reconciliatæ gratiæ, usque ad secundi dissidii initium, à Synodo gestum sit per biennium. 474
- CAP. VI. Quid per idem tempus ab EUGENIO IV. sit gestum. 476
- CAP. VII. Dissidii causa ex gestis: quæstio proponitur, an Constantiensia decreta revocata in publicum? 479
- CAP. VIII. Ex actis ab EUGENIO IV. adversus Basileenses in Ferraricensi quoque seu Florentino Concilio editis probatur priora Basileensia, quibus Constantiensia confirmantur, integrâ autoritate esse. 481
- CAP. IX. Decretalis, *Moyse*, in Synodo Florentinâ edita, priora Basileensia & Constantientia decreta firmat. 482
- CAP. X. An decretum unionis Florentiæ editum, Constantiensia decreta antiquarit. 485
- CAP. XI. De vero sensu eorum verborum decreti unionis: QUEMADMODUM ETIAM IN GESTIS ŒCUMENICORUM CONCILIORUM CONTINETUR. 487
- CAP. XII. An Constantiensibus decretis, & Conciliari potestati noceat, quòd Ecclesiæ pars maxima, ac præsertim Galli, EUGENIO Basileæ damnato ac deposito obedirent. 490
- CAP. XIII. Nobilissimas Universitates, propter Constantiensium canonum autoritatem, Basileensi Synodo adhæsisse. 493
- CAP. XIV. Mors EUGENII IV. NICOLAUS V. succedit: pax composita, immotis decretis Constantiensibus: Concilii Basileensis antesignani, abdicato tantum FELICE, nullâ doctrinæ retractatione, pro Orthodoxis habiti. 495
- CAP. XV. Quæstio de translatione, qualis habita in Basileensi & secutis Synodis: de Constantiensibus decretis nullum superesse dubium: JOANNIS DE PARADISO Carthusiani locus de rebus Basileensibus. 498
- CAP. XVI. PETRI Meldensis Episcopi ad EUGENIUM IV. CAROLI VII. nomine, gesta Legatio: an ODORICO RAINALDO eam

LIBER SEXTUS.

De Basileensi, aliisque secutis Synodis ac gestis, quibus Constantiensia decreta confirmantur. 463

- objicienti proſit? 501
CAP. XVII. Bulla retractationis PRI II. ad Colonienſem Academiam Conſtantiensia decreta confirmat, Baſileenſia tantum poſteriora damnat. 502
CAP. XVIII. An Lateranenſi Synodo, ſub LEONE X. Conſtantiensia decreta abrogentur? quantis autoritatibus hæc firma ſint: cur Patres Gallicani priora Baſileenſia geſta in Declaratione ſua exprimenda non putaverint. 505
CAP. XIX. An Conſtantiensibus decretis nixa ſententia ad fidem Catholicam pertineat? 507
CAP. XX. An ea, quam vocant Pariſienſium ſententiam, occaſione ſchiſmatis exorta ſit: acta in JOANNEM DE MONTESONO anno 1387. 510
CAP. XXI. Facultatis articuli adverſus JOANNEM SARRAZINUM Prædicatorem, paulo poſt Conſtantiensẽ Concilium, ac MARTINO V. ſedente. 512
CAP. XXII. Pergit Facultas Pariſienſis cohibere Mendicantes poſt Baſileenſe diſſidium ac pacem: Facultas in priſcã ſententiã: decreta, vigente Pragmaticã-ſauſtione. 514
CAP. XXIII. Poſt abolitam Pragmaticam-ſanctionem, eadem doctrina apud noſtros. 516
CAP. XXIV. Acta Pariſis apud Prædicatores, EDMUNDO RICHERIO Syndico, anno 1611. 518
CAP. XXV. EDMUNDI RICHERII liber de *Eccleſiaſtica & Politicã poteſtate* & aulicæ artes: acta Facultatis: Epiſcopales cenſuræ: quo fundamento nixæ: de priſcã ſententiã nihil motum. 520
CAP. XXVI. Acta Facultatis adverſus MARCUM ANTONIUM DE DOMINIS & THEOPHILUM MILLETERIUM: item de LUDOVICO CELLOTIO ac FRANCISCO GUIBLOVIO. 522
CAP. XXVII. Articuli Facultatis ad LUDOVICUM MAGNUM allati: Cenſuræ VERNANTII & GUIMENII: ALEXANDRI VII. Bulla: Propoſitio Strigoniensis, ejuſque cenſura. 526
CAP. XXVIII. An ſententia de potiore Concilii poteſtate, Regum juribus ac poteſtati noceat: THOMÆ CORCELLÆI reſpoſum: Propoſitio JOANNIS HUSSII in Conſtantiensẽ Concilio condemnata. 530

TOMUS SECUNDUS.

- PARS TERTIA.** De Pariſienſium ſententiã ab ipſã Chriſtianitatis origine repetendã. *Pagina 1*
LIBER SEPTIMUS. Conciliorum generalium Traditio. *ibid.*
CAP. I. Infallibilitas quibus verbis ab antiquis explicetur ubi ſita ſit quæritur. *ibid.*
CAP. II. Sententia Pariſienſium res inter judicatas reponenda ex dictis de Concilio Conſtantiensẽ. 2
CAP. III. Alia modernorum quorundam cavillatio confutatur, oftenditurque ex ipſis Concilii Conſtantiensis verbis ac geſtis, Papam non modò teneri Conciliaribus de fide decretis jam factis, ſed etiam in quærendo & tractando, in Concilii poteſtate eſſe. 3
CAP. IV. Aliæ cavillationes: Papam ſubjici quidem Concilio in fidei quæſtionibus, ſed tantum poſtquã ſe illi ſponte ſubmiſit, tum eſſe quidem illum per ſeſe infallibilem, ſi non adſit Concilium, ſed præſente Concilio, jam illi ſubefſe. 4
CAP. V. An Concilii Conſtantiensis judicium antiquã Traditione nitatur: præmittimus quædam ex VINCENTIO LIRINENSIS de Eccleſiæ Catholicæ toto Orbe diffuſæ autoritate: hinc valere Concilia œcumenica: duplex ratio agnoſcendæ Eccleſiaſticæ conſenſionis ac finiendarum fidei quæſtionum; altera per Concilia œcumenica; altera ſine Conciliis œcumenicis: utraque ſuo ordine tractanda ſuſcipitur: à primã ordimur; atque octo primorum Conciliorum generalium Traditionem ac praxim explicare incipimus. 5
CAP. VI. Concilium Apoſtolicum Hieroſolymis habitum de legalibus, ut omnium Conciliorum generalium forma proponitur: perpenditur illud: *Viſum eſt Spiritui ſancto & nobis*: vis Spiritus in ipſã conſenſione poſita: in eam rem egregiæ Concilii V. ac S. CÆLESTINI Papæ in Concilio III. autoritates. 7
CAP. VII. Concilii Nicæni primi Decreta adverſus Arianos ipſã Patrum conſenſione valuerunt, nullo ante geſtam, nullo poſt geſtam Synodum Sedis Apoſtolicæ ſpeciali decreto: in eo Concilio ipſius conſenſionis autoritate tres præcipuæ finitæ quæſtiones: ad Sedem Apoſtolicam communis decreti executio pertinet. 10

CAP. VIII. Constantinopolitana prima Synodus secunda generalis in medium adducitur : ex eâ demonstratur quæstiones fidei sola Ecclesiarum consensione finitas. 12

CAP. IX. Ad Ephesinam Synodum devenimus : referuntur ea quæ Synodum præcesserunt , demonstraturque à S. CÆLESTINO Papâ totâ Sedis Apostolicæ autoritate in NESTORII hæresim ac personam pronuntiatum fuisse : an tale iudicium pro irreformabili sit habitum ? Quæstio ex actis potè dissolvenda. 13

CAP. X. Dicta à CÆLESTINO Papâ de fide , totâ Sedis Apostolicæ autoritate sententia , Concilii universalis mentione & convocatione suspenditur : id canonicè & ordine factum omnes Episcopi & Papa ipse confitetur. 14

CAP. XI. Acta Synodi Ephesinæ recensentur : ejus actio I. probat Synodus omnia quæ à CÆLESTINO decreta essent in suspenso manere usque ad Synodi sententiam : quæ de fide gesta sunt referuntur , ostenditurque prolatum à Papâ iudicium ad examen legitimum fuisse revocatum. 15

CAP. XII. Continuatio actionis primæ Concilii Ephesini : quæ circa NESTORII personam à CÆLESTINO Papâ decreta essent , ad Synodale examen & ipsa revocantur , nec nisi quæstione habitâ comprobantur. 17

CAP. XIII. Gesta actionis II. quibus præcedentia comprobantur : quid sit *confirmare* decreta stylo Ecclesiastico ex gestis demonstratur : in Synodi examine atque iudicio quæstionis finem , non modò sacra Synodus , sed etiam Legati Apostolici atque etiam ipse Papa CÆLESTINUS agnoscunt. 18

CAP. XIV. Ephesinæ Synodi praxis quâ doctrinâ nitatur ? Episcoporum autoritas in Apostolis instituta : iis omnibus fidei depositum in commune traditum & communî curâ custodiendum : Apostolici in Hieroselymis Concilii autoritas in secutis Conciliis : hæc ex CÆLESTINI epistolâ Ephesi lectâ , quâ confutantur ii , qui docendi autoritatem à Papâ in Episcopos manare contendunt. 21

CAP. XV. Chalcedonenfis Concilii IV. generalis acta proponuntur : referuntur ea quæ antecesserint : ex his demonstratur , etiam in fidei causis , post Romani Pontificis iudicium , à totâ Ecclesiâ ipsoque Romano Pontifice plenius ac majus jam-

que irrefragabile iudicium expectari. 22

CAP. XVI. In Chalcedonenfi Concilio duo ad rem faciunt ; alterum DIOSCORI Patriarchæ Alexandrini ; alterum examen epistolæ LEONIS : hinc de DIOSCORO : demonstratur in causis quæ universalem Ecclesiam spectant , in ipsâ consensione vim summam & indeclinabilem esse repositam. 24

CAP. XVII. Alterum Caput in Synodo Chalcedonenfi tractatum , de expositâ fide : S. LEONIS epistola non nisi facto examine comprobata : Gallorum & Italarum ante Chalcedonense Concilium de recipiendâ LEONIS epistolâ literæ ejusdem spiritus referuntur : decretum Apostolicæ Sedis , non nisi consensione Ecclesiarum , irtractabile fieri Christiani omnes & ipse LEO confitentur. 26

CAP. XVIII. Adversariorum effugia : BEL-LARMINUS & BARONIUS diversa sectantur : aliorum cavillationes : de THEODORETO in sedem restituto agitur , ex eoque facto nostra sententia confirmatur. 28

CAP. XIX. Concilium V. generale , seu Constantinopolitanum II. in medium adducitur : in eo referuntur III. & IV. Synodi acta jam à nobis recensita , & clarè docetur Romanorum Pontificum , ut & aliorum scripta , non nisi inquisitione faciâ à Synodis probari : unde trium simul Synodorum Œcumenicarum autoritas nostram sententiam firmat. 32

CAP. XX. Synodus V. invitato ac repugnante VIGILIO Papâ habetur : ejusdem VIGILII *constitutum* solvit : IRENEUS epistolam , ipsius sententiâ ab hæresi absolutam , impiam & hæreticam judicat : à Romanis Pontificibus comprobatur. 33

CAP. XXI. In Synodo VI. generali , quæ Constantinopolitana est III. causa HONORII Papæ per Synodum condemnati : tria suffugia proponuntur : quæstiones aliquot ex actis suo ordine resolvendæ : brevis Monothelitarum historia præmittitur. 35

CAP. XXII. HONORIUS CYRI Alexandrini & SERGII Constantinopolitani scripta dogmatica , in sextâ Synodo condemnata , directè probat : SOPHRONI Hierosolymitani ab eâdem sextâ Synodo atque ab omnibus Orthodoxis comprobata improbat : ejus Legatos à veritate deterret : consultus à tribus Patriarchis prava rescribit : ejus literæ toto Oriente vulgatæ : his Monothelitarum præcipuè nitebantur : an hæc privato Doctore scripserit ? Ex epistolæ

dogmaticæ

- dogmaticæ* habentur, hoc est decretales : *dogmatica* nomen explicatur : confutantur *sufugia*. 36
- CAP. XXIII. BELLARMINI ac BARONII *sufugium*, quòd hæc HONORIUS dispensatoriè pacis gratiâ scripserit, quoad rem exactius definiret : id ipsius HONORII verbis confutatur, doceturque HONORIUM cum Monothelitis à Romanis Pontificibus, ac præsertim à S. MARTINO, presso licet nomine, condemnatum. 39
- CAP. XXIV. De Synodo VI. generali : ea post Romanorum Pontificum, atque imperio S. MARTINI exquisitissimas definitiones est habita : in eâ de S. AGATHONIS totiusque Occidentalis Synodi literis ritè deliberatur : quo sensu Synodus suscipiat quæ à S. AGATHONE de Sede Apostolicâ prædicantur. 41
- CAP. XXV. Sextæ Synodi in HONORIUM dicta sententia : ejus sententiæ frequens repetitio : cur Synodus eum damnatum voluerit, quem Romani Pontifices excusare videantur. 42
- CAP. XXVI. Actio falsi intentata Synodalibus gestis, ac duabus LEONIS II. epistolis, temeraria & absurda, repugnantibus omnibus scriptoribus actisque publicis. 44
- CAP. XXVII. Potissimum argumentum falsitatis ex AGATHONIS epistolâ ductum : quàm vanum illud sit : AGATHO & LEO II. inter se componuntur : etsi HONORIUS de fide prava docuerit, haud minus Ecclesiæ Romanæ permanere inconcussam fidem. 48
- CAP. XXVIII. Quæstio de HONORIO concluditur, atque utcumque illius res se habent, invictum manet ex his petatum argumentum. 51
- CAP. XXIX. Patres Toletani Concilii XIV. Synodum VI. pro Œcumenicâ non habent, eò quòd Hispani ad eam vocati non essent, neque eam probant nisi facto examine, tametsi à Leone II. probatam constitisset. 52
- CAP. XXX. Synodus Nicæna II. seu generalis VII. more antecedentium Synodorum, de ADRIANI I. literis quæstionem habet : locus egregius, quo eadem Synodus docet vim illam ineluctabilem, in Ecclesiæ Catholicæ consensione esse positam. 53
- CAP. XXXI. Galli Synodum VII. seu Nicænam II. ADRIANO Præsidente habitam, pro Œcumenicâ non habent, eò quòd ad *Tom. II.*
- illam nec ipsi, nec alii Occidentales vocati essent : egregius eâ de re Jacobi STRUMUNDI locus : Romanorum Pontificum de Gallis sententia. 54
- CAP. XXXII. Synodus VIII. generalis Constantinopolitana IV. æquè ac cæteræ de Romanorum Pontificum judiciis judicat : traditam sibi à Christo, ut & Romanæ Ecclesiæ, ligandi ac solvendi potestatem agnoscit & exercet : post Synodi iudicium, nulla jam appellatio, nulla alia spes est. 57
- CAP. XXXIII. Concluditur argumentum ab VIII. primorum Conciliorum autoritate repetitum : eorum acta adversarii nec considerasse videntur : S. GELASII & S. GREGORII locus de irretractabili Ecclesiasticorum iudiciorum autoritate. 58
- CAP. XXXIV. Alia Concilia generalia memorantur : in iis perstitit antiqua Traditio, ut summæ quæstiones ad Concilia generalia referrentur, nec Pontifex decerneret, nisi *sacro approbante Concilio* : referuntur quatuor prima Lateranensia Œcumenica Concilia, sub CALIXTO II. INNOCENTIO II. ALEXANDRO III. INNOCENTIO III. & Lugdunensè primum sub INNOCENTIO IV. 59
- CAP. XXXV. Concilium generale Lugdunensè II. sub GREGORIO X. de reconciliandis Græcis : hujus acta præcipua referuntur. 61
- CAP. XXXVI. Decretum Concilii Lugdunensis II. de Papæ autoritate producit : ostenditur nihil favere adversariis. 62
- CAP. XXXVII. Idem ex Græcorum in Basileensi & Florentinâ Synodis doctrinâ, EUGENIIQUE Papæ ac Latinorum consensu ostenditur. 64
- CAP. XXXVIII. Viennensè Concilium sub CLEMENTE V. ejus ævi scriptor nobilis GUILLELMUS *Mimatenfis* Episcopus, *speculator* dictus, à Papâ jussus de habendo Concilio scribere, quid senserit. 66
- CAP. XXXIX. Lateranensis Synodus sub JULIO II. ex eâ Conciliorum necessitas & autoritas. 63
- CAP. XL. Post Lutheranam pestem, Concilii generalis habendî necessitas ab omnibus, adeoque à Romanis Pontificibus agnoscitur : eâ re Concilium Tridentinum convocatur. 69

LIBER OCTAVUS.

Solvuntur objectiones quædam, ac præfer-

- tim illa quæ ex Conciliorum confirmatio-
ne petitur, ad idem Caput IV. *Gallicanæ
Declarationis.* 71
- CAP. I. Objectio de confirmatis à Romano
Pontifice Synodis generalibus proponitur:
hujus dissolvendæ ratio atque ordo expli-
catur. *ibid.*
- CAP. II. Quid sit *confirmare* Ecclesiastico
stylo, & quid autoritatis invehat: *confr-
mari* decreta non modò ab æqualibus, sed
etiam ab inferioribus passim: tum spe-
ciatim explicatum non modò à Romanis
Pontificibus Conciliaria decreta, sed &
à Conciliis etiam particularibus Romano-
rum Pontificum decreta *confirmari.* 72
- CAP. III. Quid in *confirmandis* Conciliis ges-
tum sit: Nicæna, Constantinopolitana,
Ephesina Synodus: nihil in his de illâ
quam quærimus *confirmatione* actum: de
Ariminensi Synodo: de epistolis EUTHE-
RII & HELLADII ad SIXTUM III. adver-
sus Ephesina decreta: Christiani LUPI va-
næ notæ. 75
- CAP. IV. De Ephesino Latrocinio: quid LEO
egerit: ut ultimam sententiam futuræ uni-
versali Synodo reservârit. 78
- CAP. V. A Chalcedonenſi Synodo nullam in
fidei negotiis *confirmationem* petitam: cu-
jusmodi sit ea quam S. LEO ultrò dederit.
79
- CAP. VI. Quintum, sextum, Septimum, oc-
tavum Concilium. 80
- CAP. VII. Reliquæ Synodi usque ad Triden-
t nam. 82
- CAP. VIII. De canonibus Conciliorum ge-
neralium à Sede Apostolicâ *confirmatis* vel
infirmatis: Constantinopolitani canones,
præsertim III. Chalcedonenses, ac præser-
tim XXVIII. 83
- CAP. IX. Recapitulatio eorum quæ de *confr-
matione* ex Conciliorum actis dicta sunt:
hinc confutantur allati à quibusdam recen-
tioribus Pontificiæ *confirmationis* effectus:
Ecclesiæ consensus quatenus ultima Syno-
di benè gestæ testificatio: S. GELASII lo-
cus. 86
- CAP. X. Andreæ DUVALII de *confirmatione*
sententia confutatur; nempe quòd ante
eam Conciliorum anathemata valeant, tan-
tum sub spe ratihabitionis futuræ: Con-
cilii VIII locus egregius. 87
- CAP. XI. Ex antedictis resolvitur illud duo-
decim sæculis inauditum; quòd Episcopi
jurisdictionem omnem à Papâ mutuentur;
quodque Papæ assistant ut Consiliarii tan-
tùm, non ut judices. 88
- CAP. XII. Quo sensu dictum sit ab antiquis,
à PETRO & per PETRUM esse Episcopa-
tum: S. AUGUSTINI locus. 89
- CAP. XIII. Patres ante AUGUSTINUM: alii
AUGUSTINI loci: Traditio sequentis æta-
tis. 91
- CAP. XIV. Cleri Gallicani ab antiquâ Tra-
ditione ducta sententia: Conventus gene-
ralis an. 1655. adversus Joannem BAGO-
TIUM acta memorantur. 94
- CAP. XV. Autoris Anonymi de jurisdictione
Episcopali à summo Pontifice prosectâ va-
næ commentationes: S. GREGORII loci:
BELLARMINI objectio: S. FELICIS III. lo-
cus. 97
- CAP. XVI. Loci S. Joannis CHRYSOSTOMI à
novissimo autore Anonymo objecti. 100
- CAP. XVII. Alius CHRYSOSTOMI locus in
Acta Apostolorum. 102
- CAP. XVIII. S. AUGUSTINI locus ab eodem
Anonymo objectus contra Conciliorum au-
toritatem indeclinabilem. 104
- CAP. XIX. Alii loci AUGUSTINI ab eodem
objecti: an Papa Ecclesiam Catholicam
representet. 106
- CAP. XX. Repetuntur & urgentur quæ pro
Parisensium sententiâ ab autoritate & con-
vocatione Conciliorum generalium dicta
sunt: confutantur vana suffugia: BELLAR-
MINI etiam responsionibus antedicta fir-
mantur. 107

LIBER NONUS.

De quæstionibus præsertim fidei, extra Con-
cilia generalia, per consensum Ecclesiæ
definitis. 113

CAP. I. Consensionis universalis vis & auto-
ritas ante omne judicium Ecclesiasticum:
multo major, cum Romani Pontificis de-
creta, nullo reclamante, obtinent. *ibid.*

CAP. II. Locus AUGUSTINI de Pelagianis,
causa si ita est: quænam illæ causæ sint,
quæ sine Synodis finitæ intelligantur: duo
Aëtorum loci comparantur: causæ Pela-
gianæ status ex AUGUSTINO: *sufficiens ju-
diciu*m eidem AUGUSTINO quid sit: CA-
PREOLI Cartaginensis locus: Concilii Ephe-
sini de Pelagianis decretum. 115

CAP. III. Quæ causæ sine Synodo finiri pos-
sint, quæ finiri non possint ex S. AUGUS-
TINO & quæstione rebaptizationis osten-
ditur. 119

- CAP. IV.** S. STEPHANI Papæ contra rebaptizationem decretum, totâ Sedis Apostolicæ autoritate factum, & tamen Concilii generalis sententiam meritò expectatam: S. AUGUSTINI loci. 120
- CAP. V.** Non tantum pertinaces, sed Sancti, post Papale decretum aliud quid desiderant. 121
- CAP. VI.** Quæstionem rebaptizationis à CYPRIANO & asseclis inter adiaphora non fuisse repositam. 122
- CAP. VII.** An AUGUSTINUS aliique Patres eam quæstionem inter adiaphora habuerint? 123
- CAP. VIII.** Quid objiciant qui hæc referunt inter adiaphora? FIRMILIANI & BASILII loci. 125
- CAP. IX.** Quæ sit illa *Synodus* universalis quam in hac quæstione AUGUSTINUS memoret? Nicænam eam esse; sed utcumque sit, nostra immota esse. 127
- CAP. X.** Non tantum fidei causa, sed etiam aliæ quæ universalem spectarent Ecclesiam, ab universali Concilio retractandæ, nec nisi *consensione Orbis* finitæ esse creduntur: causa CÆCILIANI: S. AUGUSTINI locus. 128
- CAP. XI.** Causa S. Joannis CHRYSOSTOMI. 129
- CAP. XII.** Decreta adversus Origenistas: THEOPHILUS Alexandrinus S. ANASTASIUM Papam præit, ac Romam ipsam liberat: in consensione vis posita: S. HIERONYMI loci. 130
- CAP. XIII.** Turbæ post Chalcedonensem Synodum: de iis seorsim per encyclicas epistolas Ecclesiæ consuluntur: responsa mittuntur: communi consensione quæstiones finiuntur. 131
- CAP. XIV.** S. SIMPLICII Papæ locus de decretis Apostolicis irrefragabilibus Ecclesiæ universalis assensu. 132
- CAP. XV.** S. GELASII locus in epistolâ ad Episcopos Dardaniæ. 133
- CAP. XVI.** Propositio, *unus Trinitatis crucifixus*, à Scythis Monachis Constantino- poli agitur: Monachi HORMISDAM consulendi pergunt: professio JUSTINIANI, eadem de re Romanum Pontificem consulentis, pro ejus infallibilitate objicitur. 134
- CAP. XVII.** Viri boni sanctique consulendos docent per Orbem terrarum Episcopos: quæstionis finem ab Ecclesiæ universalis autoritate expectandum. 136
- CAP. XVIII.** S. HORMISDÆ epistola ad Possessorum, quâ Scythæ Monachi condemnantur: illi Ecclesiæ Catholicæ sententiam expectant: eorum propositio vincit: non nisi Ecclesiæ universalis consensione quæstioni finis imponitur. 137
- CAP. XIX.** Formula consulendi Romani Pontificis, rei gestæ serie, ac Patrum Traditione explicatur. 140
- CAP. XX.** Quæstio ELIPANDI de Christo adoptivo Dei filio, Romani Pontificis & Ecclesiarum consensione finitur: particula *Filioque* per eadem fere tempora Symbolo addita. 141
- CAP. XXI.** Tricassina II. Synodus sub JOANNE VIII. professio obedientiæ Romano Pontifici facta secundum canones ab HINC-MARO Rhemenſi: Episcopi conjunctâ autoritate cum Papâ judicant: ex consensione robur. 143
- CAP. XXII.** Objecta solvuntur: Turonensis II. Concilii canon: statuta NICOLAI Papæ: canones Pontigonensis Synodi: quæ PETRI privilegio facta habeantur: S. LEONIS insignis locus. 144
- CAP. XXIII.** Aggredimur demonstrare viros bonos sanctosque post Romanorum Pontificum decreta etiam de fide, suspensæ animo mansisse, quoad universalis consensus accederet: S. VICTORIS Papæ decretum de Paschate proponitur: S. STEPHANI de rebaptizatione paucis repetitur. 147
- CAP. XXIV.** PELAGII I. piis & Orthodoxis suspecta fides propter approbatam Synodum V. non ut Doctor privatus, sed ut Papa suspectus: expostâ fide, non allegatâ infallibilitate se purgat. 148
- CAP. XXV.** BONIFACII III. seu IV. eâdem causâ S. COLUMBANO Presbitero suspectus. 150
- CAP. XXVI.** Romani Pontifices professi se Apostolico officio fungentes esse errori obnoxios, in autoritate universalis Ecclesiæ acquiescunt: locus INNOCENTII III. 152
- CAP. XXVII.** JOANNIS XXII. fidei professio, omnia quæ in Apostolico officio gessit, etiam circa fidem, iterum examinari posse demonstrat. 153
- CAP. XXVIII.** Eiusdem JOANNIS XXII. de animarum statu speciatim publico diplomate declarata fides, à BENEDICTO XII. successore ad examen revocatur. 154
- CAP. XXIX.** GREGORII XI. ac PII IV. professio. 155
- CAP. XXX.** Ecclesiæ Catholicæ autoritas mul-

- tis casibus Ecclesiæ Romanæ laborantis
 auctoritatem supplet : primum exemplum :
 sæculi X. invasores. 156
- CAP. XXXI. Alia exempla : turbæ sub SER-
 GIO III. ordinationum FORMOSI Papæ
 gratiâ : AUXILII Presbiteri locus : aliæ
 turbæ sub JOANNE XII. turbæ graviores,
 atque incertior status, in diuturno schis-
 mate inter URBANUM VI. & CLEMENTEM
 VII. 158
- CAP. XXXII. Ex his ostenditur, etsi quis
 Romanus Pontifex falsâ definiat, Catho-
 licam tamen Ecclesiam Sedemque Aposto-
 licam manere suo pondere constitutam. 160
- CAP. XXXIII. Lapsus Romanorum Pontifi-
 cum nihil Ecclesiæ, nihil fidei, nihil Sedi
 Apostolicæ nocuerunt : LIBERIUS ordine
 temporum primus recensetur. 162
- CAP. XXXIV. Adversariorum effugia præclu-
 duntur : nostra argumenta firmanur. 163
- CAP. XXXV. S. ZOZIMUS CÆLESTII Pela-
 giani confessionem apertè hæreticam pro-
 bat : ejus epistola ad Africanos Episcopos :
 S. AUGUSTINI loci. 165
- CAP. XXXVI. HORMISDÆ atque HONORII
 gesta uno verbo repetuntur : JOANNES VII.
 Trullanam Synodum, quæ Romana Eccle-
 sia erroris accusatur, suo judicio subdi-
 tam, relinquere intactam. 167
- CAP. XXXVII. STEPHANI II. GREGORII II.
 SERGII III. GREGORII VII. ejusque occa-
 sione BONIFACII VIII. decreta & gesta re-
 feruntur : decretalis *unam Sanctam*. 169
- CAP. XXXVIII. PASCHALIS II. gesta Latera-
 nenſis Synodi : GUIDONIS Viennensis, mox
 CALLIXTI II. decreta in Synodo Viennensi
 à Sede Apostolicâ comprobata : hujus de-
 creti verba ad Papam : *Nos à vestrà obedi-
 tiâ repellitis*. 171
- CAP. XXXIX. ALEXANDRI III. in exponendâ
 Scripturâ manifestus error omnium sen-
 tentiâ reprobatus : caput, *cum esses, de tes-
 tamentis* : item INNOCENTII III. falsâ Scrip-
 turæ expositio, cap. *Per venerabilem, qui
 filii sint legitimi*. 172
- CAP. XL. Eiusdem ALEXANDRI III. decre-
 tum, quo anteriorum Pontificum, de ma-
 trimonio per verba, *de presenti*, statuta
 solvuntur : INNOCENTII III. de revelandâ
 confessione rescriptum ad Cistercienses :
 idem INNOCENTII III. CÆLESTINI III.
 erroneam decretalem solvit. 174
- CAP. XLI. Franciscana controversia : primo
 loco ponitur decretalis *exiit* NICOLAI III.
 probatur hanc veram esse definitionem
 doctrinalem ac dogmaticam. 176
- CAP. XLII. Decretalem *exiit* confirmant
 CLEMENS V. Clementinâ *exiit*, & JOAN-
 NES XXII. Extravagante *quia quorundam* :
 mox idem JOANNES ejusdem decretalis
 auctoritatem infringere aggreditur. 177
- CAP. XLIII. JOANNIS XXII. Extravagans *ad
 conditorem canonum* : ea, decretalis *exiit*,
 dogma rejecit. 178
- CAP. XLIV. JOANNIS XXII. Extravagans *cum
 inter non nullos* : eâ, decretalis *exiit* doctri-
 nam, de Christi & Apostolorum pauper-
 tate, hæreseos damnat : à Romanis Pon-
 tificibus erronea definiri posse demonstrat :
 Franciscani appellantes in materiâ fidei à
 Papâ ad Concilium, ejus rei gratiâ nul-
 lam censuram ferunt. 179
- CAP. XLV. BELLARMINI ac RAINALDI sus-
 fugia. 181
- CAP. XLVI. Quæstio de visione beatificâ
 ante universalem resurrectionem : in eâ
 JOANNES XXII. falsâ prædicat & suadere
 nititur : Gallis obſistentibus, Ecclesiæ Ca-
 tholicæ consensio cedit. 182

LIBER DECIMUS.

Quo probatur convenire cum Declaratione
 Gallicanâ hæc, *Quod Romana Sedes fidei-
 que nunquam defectura sit* ; & , quod prima
 Sedes non judicetur à quoquam. 185

CAP. I. Fides PETRI quid sit : verba PETRI,
tu es Christus, & CHRISTI, *tu es Petrus*,
 &c. PETRI fides Ecclesiæ fundamentum,
 ad locum Matt. xvj. 16. & seq. *ibid.*

CAP. II. Ipse PETRUS & PETRI successores,
 propter injunctum officium prædicandæ
 & asserendæ fidei, Ecclesiæ fundamentum :
 huic officio meritò adjunctæ claves. 186

CAP. III. Locus, *Rogavi pro te*, & , *confirma
 fratres tuos*, Luc. xxij. 32. aliud præcep-
 tum, aliud promissum : præceptum, *con-
 firma fratres*, quid sit ? 188

CAP. IV. Promissio in illâ precatone, *ut non
 deficiat fides tua* : fides PETRI quid sit ?
 Numquam defectura, neque in ipso PETRO,
 neque in Catholicâ Ecclesiâ, neque in Sede
 Apostolicâ, seu peculiari PETRI Ecclesiâ. 189

CAP. V. PETRUS ejusque successores cuidam
 peculiari Ecclesiæ ac Sedi præſidere de-
 bent : PETRI fides in PETRI Sede, & in
 successorum serie non deficit. 190

CAP. VI. Traditio Patrum de fide & Ecclesiâ

- Romanâ, deque Sede Apostolicâ nunquàm defecturâ : Romanorum Pontificum de suâ Sedis dignitate tuenda Traditio. 191
- CAP. VII. Libellus à S. HORMISDA ad Ecclesias Orientales missus, ab eisdem Ecclesiis subsignatus mittitur eidem Papæ: tum S. AGAPETO, NICOLAO I. atque ADRIANO II. prædicata in eo libello Romana fides nunquàm defectura. 194
- CAP. VIII. Concilium Lateranense sub S. MARTINO Papâ: S. ASATHONIS ad Synodum VI. epistola: item BENEDICTI XII. de visione beatificâ decretalis. 196
- CAP. IX. S. GELASII Papæ epistola ad ANASTASIUM Imperatorem nobis objicitur. 198
- CAP. X. LEONIS IX. & GREGORII VII. loci objiciuntur nobis. 200
- CAP. XI. INNOCENTII III. ab Anonymo auctore locus objicitur, sed truncus & mutilus. 201
- CAP. XII. Petri Cardinalis de ALLIACO de Sede Apostolicâ nunquàm defecturâ, deque Pontifice interim fallibili & deviabili sententia. 203
- CAP. XIII. Joannis GERSONIS eâdem de re sententia: confutantur qui putant variasse GERSONEM: DIONYSII CARTHUSIANI loci repetuntur. 204
- CAP. XIV. Dubium resolvitur: Ecclesiæ Sedisque Romanæ firmitas ab Ecclesiæ Catholicæ firmitate: Ecclesiæ Romanæ Traditio universalis Traditionis pars ac specimen. 205
- CAP. XV. Ex Sedis Apostolicæ immobili firmitate concludi causas fidei ad eam Sedem referendas; non autem propterea infallibili judicio finiendas: formulæ interrogandi Romani Pontificis: de ejus judicio piam præsumptionem, non tamen continuò certam fidem fuisse; cujus rei exempla proferuntur. 207
- CAP. XVI. De S. THOMA & S. BONAVENTURA Facultatis Parisiensis Doctoribus quid GERSON senserit: utriusque, ac præsertim Angelici Doctoris sententia explicatur. 211
- CAP. XVII. Testimonium ex Cleri Gallicani cœtu anno 1626. petiit: alia argumenta ex Janseniano negotio de prompta solvuntur: Conventus anni 1653. Bullæque solennis acceptatio. 214
- CAP. XVIII. Tres aliæ secutæ Cleri Gallicani Congregationes probant necessariam Episcoporum consensionem, atque hanc pro Ecclesiastico judicio esse habendam. 217
- CAP. XIX. Duo exempla ab antiquitate deprompta, quibus Gallicanarum Congregationum gesta firmantur: S. SIRICII de JOVINIANO judicium: Capuana Synodus, & ejusdem SIRICII responsio ad Macedonas. 219
- CAP. XX. Dictum illud, *Prima sedes non judicatur à quoquam*, cujus virtutis sit? Ancum Declaratione Gallicanâ consentiat? Duplex ejus sensus; alter de personâ Papæ, alter de sententiâ ab eo dictâ: de particularibus Synodis intelligendum: Sinuessana Synodus: Romana Concilia sub SYMMACHO Papâ. 222
- CAP. XXI. Persona Pontificis quatenus ab Œcumenicis Conciliis judicari non possit: PHOTII gesta NICOLAUM Papam excommunicantis: Concilii VIII. canon XIII. 224
- CAP. XXII. De sententiis Romanorum Pontificum non retractandis: eâ de re relativi canones, eorumque vis: GELASII Papæ loci. 225
- CAP. XXIII. Appellationes à Papâ ad Concilium: non esse de iis in Gallicanâ Declaratione quæsitum: quo sensu improbari possint: Pëtrus de MARCA appellationes eas à vetere disciplinâ alienas non satis cautè dixit: varii appellationis effectus; instaurata cognitio: prolata sententiæ suspensa executio: tutela & præsidium in Ecclesiæ Catholicæ autoritate adversus Papalenti etiam sententiam, in certis quidem causis, res est antiquissima. 227
- CAP. XXIV. S. GELASIUS non eo sensu appellationes à Papâ vetuit quo sunt postea in Ecclesiâ frequentatæ. 228
- CAP. XXV. Antè schismatis magni temporis appellationes à Papâ ad Concilium, exactæ pecuniæ gratiâ, frequentatæ ab Anglis, adversus BONIFACIUM VIII. à Gallis, adversus JOANNEM XXII. à Franciscanis, nullo Pontificio decreto condemnatæ. 229
- CAP. XXVI. Appellationes à Papâ ad Concilium primus omnium condemnavit Pëtrus de LUNA in schismate obduratus: ejus eâ de re decretum in Concilio Constantienti revocatum. 231
- CAP. XXVII. MARTINI V. Bulla de non appellando à Papâ ad Concilium, quam perperam objecta. 232
- CAP. XXVIII. Bulla, *execrabilis*, PII II. in Conventu Mantuano: quâ occasione lata: nostri intellexerunt de privatis tantum ne-

- goriis, fundamento ex Bullæ verbis petito: nec recepta est in Galliâ & ab eâ quoque appellatum: appellationes postea frequentatæ. 235
- CAP. XXIX. Bulla, *suspecti regiminis*, JULII II. in eâ clausulæ extra omnem ordinem: non publicata apud nos, nedum recepta: appellationes postea frequentatæ, non tantum à nostris, sed etiam ab aliis. 237
- CAP. XXX. Bullæ PII II. & JULII II. occasione litium ac dissidiorum temporalium editæ: qui appellationes respuunt, quàm incommoda remedia adhibeant: Andreæ DUVALII locus *ibid.*
- CAP. XXXI. Variæ de Conciliis generalibus novissimæ auctoris Anonymi vitiligationes: quæstionem ab eo pessimè constitutam: an Concilia inter res incertas numeranda? Quæstiones generales à particularibus, ad Constantienis Synodi mentem, jam inde ab initio distinctæ. 239
- CAP. XXXII. Recapitulatio eorum quæ ad Caput IV. Declarationis Gallicanæ dicta sunt, atque imprimis eorum quæ Libro VII. & VIII. 242
- CAP. XXXIII. Recapitulatio eorum quæ sunt in Libro IX. 244
- CAP. XXXIV. Recapitulatio eorum quæ hoc postremo Libro dicta sunt, de Romanæ Sedis ac fidei firmitate, ac de illis verbis: *Tu es Petrus.* 246
- CAP. XXXV. Recapitulatio eorum quæ hoc postremo Libro dicta sunt circa illud: *Regavi pro te.* 248
- CAP. XXXVI. An quemquam hominem infallibilem esse sit congruum aut Ecclesiæ necessarium? An nulla sit Papæ nisi infallibilis auctoritas? An Papæ errante nullum remedium? 250
- CAP. XXXVII. An contraria sententia dignum aliquid Ecclesiasticâ gravitate dicat? 252
- LIBER UNDECIMUS.
- De Pontificiæ potestatis usu per canones moderando ad Caput tertium Gallicanæ Declarationis. 255
- CAP. I. Refertur Caput III. Gallicanæ Declarationis. *ibid.*
- CAP. II. Exponitur tertium caput Gallicanæ Declarationis: hujus duæ partes: id probandum suscipitur, Ecclesiasticam disciplinam, sive universam, sive particulares spectet Ecclesias, à Romano Pontifice regi, adhibitis regulis, sive universim, sive particulatim receptis. 256
- CAP. III. Ecclesia Romana iisdem canonibus regit Ecclesias, quibus ipsa regitur: probatur ex Romanis Pontificibus. 257
- CAP. IV. Idem probatur ex gestis sub BONIFACIO II. & ex Concilio Romano sub JOANNE IX. de translationibus. 259
- CAP. V. Aliud exemplum: Concilium Romanum sub JOANNE XII. 261
- CAP. VI. Nova & inaudita GRATIANI interpretatio XXV. Quæst. I. P. S. *Si ergo.* 262
- CAP. VII. Concilium Moscomense: RODULPHI GLABRI locus: Concilium Ansanum: de eo Anonymi responsiones: de exemptionibus obiter: PETRI VENERABILIS & S. BERNARDI loci: an Monachis Cluniasensibus profuerit, quòd Romanum Pontificem peculiarem Episcopum habere vellent. *ibid.*
- CAP. VIII. Concilium Lemovicense II. GREGORIUS VII. concors Romanorum Pontificum & Episcoporum professio de regendo & obediendo secundum canones. 266
- CAP. IX. Libertas in jure antiquo & communi: Pragmatica-Sanctio S. LUDOVICI: an ab Anonymo idoneis probationibus falsi arguatur? 267
- CAP. X. Edictum CAROLI VI. decretum Florentinum: nulla sunt quæ contra canones: Romanus Pontifex contra canones agere nolle præsumitur, ne ipse adversetur sibi: locus insignis Concilii Basileensis. 270
- CAP. XI. De decretalibus epistolis, deque consuetudine recepta & canonum origine. 272
- CAP. XII. Jura, canones, consuetudines particularium Ecclesiarum retinenda; in iisque pars libertatis Ecclesiastica; cæterarum gentium eam in rem cum Gallis concors sententia. 274
- CAP. XIII. Jura novella necessaria: ad vetera collimandum: Patrum Gallicanorum eâ de re in Concilio Tridentino sensus: ipsum Tridentinum Concilium eodem animo fuit. 276
- CAP. XIV. Ecclesia Gallicana antiquam & sanctam, sub AURELIO & AUGUSTINO Africanam Ecclesiam sequitur: CHRISTIANI LUPI allucinationes: summa doctrinæ de libertatibus. 277
- CAP. XV. Libertates quo sensu privilegia dicantur? Nempe ut jura antiqua Liberta-

- tum radix: an Petrus DE MARCA audien-
dus, qui Conciliorum superiorem potesta-
tem à libertatibus separat. 279
- CAP. XVI. Hæc doctrina non obest dispen-
sationibus Apostolicæ Sedis: Concilii Ba-
sileensis locus: GERSONIS doctrina à S.
BERNARDO ducta. 282
- CAP. XVII. Dispensationes *sine causâ*: canon
Lugdunensis, in earum gratiam à Petro
DE MARCA citatus, an id efficiat? 284
- CAP. XVIII. De dispensationibus *sine causâ*
sententia Cardinalium sub PAULO III. Con-
cilii Tridentini decreta memoranda. 285
- CAP. XIX. Natura ipsa dispensationis ex S.
SYMMACHO & S. GELASIO Romanis Pon-
tificibus: hinc dispensationes *sine causâ*
evertuntur. 286
- CAP. XX. An autor Anonymus Tractatus *de*
Libertatibus, ad tertiam propositionem
Declarationis Gallicanæ, rectum aliquid
aut ad rem dixerit. 287
- CAP. XXI. Autor Anonymus Libro I. nihil
agit: à scopo quæstionis aberrare se docet.
290
- CAP. XXII. Anonymi Liber II. primum mul-
ta agit extra rem, tum in eundem sensum
nobiscum congruit. 293
- CAP. XXIII. De reliquis Libris à III. usque
ad XII. & ultimum uno verbo transfigitur:
ostenditur quòd in toto opere vix tertia
pars ad confutandam Declarationem spec-
tet. 294
- CAP. XXIV. An autor Anonymus Gallicanas
Libertates odiosas meritò esse dixerit. 295

C O R O L L A R I U M.

Quòd doctrinâ nostrâ Primatus Romanus non
obscuratur, sed illustratur & confirmatur.

297

- I. Regimen Ecclesiasticum in duobus posi-
tum, docendâ fide, administrandâ discipli-
nâ: MENNÆ Patriarchæ dictum in Con-
stantinopolitanâ Synodo, hæc duo à nobis
illustrari. *ibid.*
- II. De fide: in quot absurda adversarii se in-
duant: è re Ecclesiasticâ esse ea refecari:
ac primum in antiquis. 298
- III. De posterioris ætatis monumentis quæ
Constantiensẽ Synodum antecesserunt:
adversarii quot absurda congesserint. 301
- IV. In Constantiensĩ Synodo nihil novum,
sed antiqua in rei judicatæ auctoritatem ne-
cessariâ causâ transisse: id qui negent in
quot absurda cogantur. 303

- V. Constantienses canones postremis quoque
Romanis Pontificibus intactos, quàm ab-
surdum à privatis configi: quàm item ab-
surdum ea, quæ Tridentina Synodus ac
nostra etiam ætas, tuta esse censuerit, re-
pentè damnari, & de Papæ auctoritate
postulari plura, quàm ipse DUVALLIUS alii-
que Romanæ Sedis studiosissimi poposce-
rint. 305
- VI. De Pontificum lapsibus agnitis vel præ-
visis, deque Conciliorum congregando-
rum causâ quàm vana & absurda dicta
sint. 306
- VII. Quàm grave sit Ecclesiæ Catholicæ cau-
sam in tot absurdis collocari, cum præfer-
tim ea invidiosissima sint. 308
- VIII. Hæc absurda & invidiosa etiam esse ina-
nia, neque prohiberi posse quin ad Eccle-
siæ consensum necessariò recurratur: ex
cathedrâ pronuntiari quid sit? 309
- IX. De regendâ disciplinâ discrepantes in
speciem sententias summâ ipsâ convenire:
DUVALLIUS loci: item locus Anonymi, qui
de Gallicanis Libertatibus scripsit. 311
- X. Sedis Apostolicæ majestas & potestas. 313
- XI. Quàm fœdam Ecclesiastici regiminis Pon-
tificiæque potestatis ideam adversarii, ac
præsertim autor Anonymus proferant,
quàmque hæreticis faveant, dum Papatui
favere velle videntur. 315
- XII. Quàm falsò asserant Gallicanâ Declara-
tione contentam doctrinam dissidiorum
occasione proditam aut innovaram: Cleri
Facultatibusque Parisiensis antiqua monu-
menta replicantur: nova etiam produntur:
quædam Gallis malevolentissimè ab Ano-
nymo objecta refelluntur: votum Autoris
eiusdemque erga Ecclesiam Catholicam
Sedemque Apostolicam devotus animus.
317

A P P E N D I X.

PRÆFATIO AUTORIS. *Pagina;*
APPENDIX ad Defensionem Declarationis Cle-
ri Gallicani de Ecclesiasticâ potestate, in
quâ probatur Declarationem Gallicanam
ab omni censurâ esse liberam, & eam Ro-
mani Pontificis auctoritati nihil nocere. 1

L I B E R P R I M U S.

Id probatur ex professione fidei, & Docto-
rum Catholicorum nobiscum sentientium
auctoritate. *ibid.*

CAP. I. Cujus sit generis ea quæstio quàm

- tractamus? Nullum hîc patere locum ad nos vel hæreseos, vel erroris in fide in-
cusandos: professio fidei à Pio IV. edita
ex Concilii Tridentini mente, ut vera &
sufficiens regula proponitur: articuli Pa-
risienses anni 1542. adversus LUTHERUM
huic præluxerunt, ejusdemque sunt spiri-
tus. *ibid.*
- CAP. II. De PII IV. professione diligentius
queritur: in Synodo Tridentinâ consultò
omissa quæ inter Catholicos controversa
essent: PALAVICINUS Cardinalis testis ad-
ducitur: de Florentinâ formulâ, quòd
ROMANUS PONTIFEX REGAT UNIVER-
SALEM ECCLESIAM, Tridenti in medium
allatâ, atque omisâ, ne nostra sententia
vel sub dubio lasa videretur: Claudii SANC-
TESII, & CAROLI Cardinalis LOTHARIN-
GIÆ epistolæ: PII IV. responsum egre-
gium: Ea tantum in Concilio Tridentino
definienda, in quæ omnes Catholici con-
spirarent. 5
- CAP. III. Circa Florentinam formulam solen-
nis distinctio: quòd Romanus Pontifex re-
gat universalem Ecclesiam DISTRIBUTIVE,
non COLLECTIVE: de eâ distinctiōne AN-
DREÆ DUALLII locus: ea distinctio non
merè Scholastica, sed à Concilio Constan-
tienti MARTINO V. expressè approbante,
deprompta. 8
- CAP. IV. Ex antè dictis probatur Cleri Gal-
licani Declarationem jam in tuto esse,
nondum licet prolatis probationibus:
LEONIS X. in Concilio Lateranensi & ad-
versus LUTHERUM acta, nihil ad rem fa-
cere, Tridenti acta, & PII IV. professio
probant. 11
- CAP. V. Parisiense Doctorum veneranda
autoritas: horum antesignani PETRUS DE
ALLIACO Cameracensis Cardinalis, &
JOANNES DE GERSONE Parisiensis Ecclesiæ
& Universitatis Cancellarius, viri omni
doctrinæ ac pietatis laude cumulati: hujus
rei multi testes: de JOANNE GERSONE
Professoris Lovaniensis castiganda audacia.
13
- CAP. VI. An, ut quibusdam videtur, quæ-
stio de Superioritate à quæstione de Infal-
libilitate, secundum ALLIACENSEM, &
GERSONEM, separari possit? Refertur ca-
put, Si Papa, aliique ex decreto Gratiani
loci & glossæ celebres, quæ Parisiensibus
præluxerunt: hinc pro certo assumptum,
Papam etiam ut Papam, esse fallibilem. 16
- CAP. VII. Quo sensu explicarent illud; Ro-
gavi pro te, ut non deficiat fides tua, Luc.
xxij. 32. Eâ de re glossa notabilis, quæ
maximè utebantur: S. THOMÆ, S. BO-
NAVENTURÆ & NICOLAI LYRANI loci.
PETRI DE ALLIACO locus insignis: GER-
SONIS sententiæ. 18
- CAP. VIII. Scholam Parisiensem in ALLIAC-
CENSIS & GERSONIS sententiâ perstitisse,
toti Orbi notum: eam sententiam egregii
viri ubique docuerunt: cur Parisiense
doctrina dicta sit? 21
- CAP. IX. DIONYSIUS CARTHUSIANUS addu-
citur: ejus exemplum probat, eos qui per
eam ætatem Pontificiæ autoritati vel ma-
ximè favebant, summâ ipsâ in Parisien-
si sententiam convenisse: Ecclesiæ soli
eamque repræsentanti Concilio generali ab
eo Doctore tributa infallibilitas: locus,
ROGAVI PRO TE, &c. Luc. XXII. 32.
cum eâ doctrinâ facili conciliatus. 24
- CAP. X. Idem DIONYSIUS CARTHUSIANUS
exponit quâ autoritate in aliis præter fi-
dem causis, Romanus Pontifex à Concilio
judicari possit. 26
- CAP. XI. De Lovaniensi Facultate: eam cum
Parisiensi & Colonienfi circa Constantien-
sem Basileensemque doctrinam consensisse:
NICOLAI DUBOIS Professoris Lovaniensis
vana argumenta. 27
- CAP. XII. ADRIANUS FLORENTIUS, mox
ADRIANUS Papa VI. Facultatis Lovaniensis
ornamentum, Parisiense sententiam se-
quitur: quorundam Lovaniensium cavil-
lationes. 29
- CAP. XIII. An sit verisimile Parisiense doc-
trinam post ADRIANUM VI. à Lovanien-
sibus condemnatam? Lovaniense erga
Adrianum reverentia singularis. 32
- CAP. XIV. JACOBI LATOMI, Doctoris Lo-
vaniensis, sententiæ. 33
- CAP. XV. JOANNIS DRIEDONIS Lovaniensis
sententiæ, de fide Petri nusquam defectu-
râ. 36
- CAP. XVI. Articuli Lovaniensis Facultatis
anni 1544. ex præcedente doctrinâ expli-
cantur, & cum Parisiensibus anni 1542.
conferuntur: Cathedra Petri nunquam
defectura. 41
- CAP. XVII. JOANNIS DRIEDONIS sententiæ
de superioritate Papæ cum Parisiense
sententiâ congruit: horum reverentia in
summum Pontificem: locus MAJORIS. 44
- CAP. XVIII. Alii DRIEDONIS loci excutun-
tur. Iterum de Cathedræ Petri autoritate,
ex eodem scriptore. 46

LIBER SECUNDUS.

Quòd DECLARATIO GALLICANA ab omni censurâ sit immunis probatur ex Autoribus Parisiensium sententiâ adversantibus. 49

CAP. I. JOANNES A TURRECREMATA Pontificiâ potestatis sub EUGENIO IV. defensor præcipuus, in fidei quæstionibus Concilii auctoritatem Papæ auctoritati anteponebat: communis erat tum illa sententia: Bulla, *Deus novit*, sub EUGENII nomine edita. *ibid.*

CAP. II. Alii TURRECREMATÆ loci de Concilii potiori auctoritate in materiâ fidei, quòdque Summus Pontifex erronea solenniter definire possit. De Pontificiâ infallibilitate ludibria & cavillationes. 52

CAP. III. ANTONII DE ROSELLIS ejusdem ævi Canonistæ EUGENIANARUM partium sententia. 54

CAP. IV. Sanctus ANTONINUS Archiepiscopus Florentinus, an bona fide relatus ab Anonymo autore, qui de libertatibus Gallicanis scripsit? 55

CAP. V. THOMAS A VIO, Cardinalis CAJETANUS Pontificiam infallibilitatem asserit, nullâ in adversarios censurâ notâ: primus omnium docuit erroneam esse sententiam quæ superioritatem Concilio assignet, cui repugnat TURRECREMATA & CAJETANI tempore DOMINICUS JACOBATIUS Cardinalis. 58

CAP. VI. Idem JACOBATIUS Cardinalis Pontificiâ superioritatis assertor, in infallibilitatis quæstione quid sentiat. 60

CAP. VII. De fide PETRI nunquam defecturâ, ejusdem Cardinalis loci. 61

CAP. VIII. BELLARMINI judicium: ab illo Concilii Lateranensis auctoritas trepidè profertur de sententiâ superioritatem Synodis vindicante; ejusdem censuræ titubantes. 62

CAP. IX. BELLARMINI circa Pontificiam infallibilitatem censura æque anceps: vis notarum ex MELCHIORE CANO. 64

CAP. X. SUAREZ Parisiensium de superioritate sententiam relinquit integram: ipse suam de infallibilitate censuram infringit, falsaque ex LEONE X. adversus LUTHERUM refert. 65

CAP. XI. ANDRÆAS DUVALLIUS Parisiensium de superioritate Conciliorum sententiam, & Parisiensis Facultatis esse agnoscit, & ab omni hæresis, erroris atque etiam jemeritatis notâ absolvit, Pontificiam in-

fallibilitatem non esse de fide, non modò asserit, sed etiam optimis argumentis probat. 68

CAP. XII. DOMINICUS A SANCTA TRINITATE, Carmelita discalceatus, libro Romæ recens excuso, docet Pontificiam infallibilitatem aut superioritatem nullo Ecclesiæ decreto clarè definitam: quid illud sit, cum privati Doctores aliquid de fide esse dicunt, quoad se, non quoad nos? 70

CAP. XIII. Recentiorum Lovaniensium aliorumque sententia, ipso progressu immo destior & apertè nimia. 71

CAP. XIV. Quanta sit Scholasticorum auctoritas, ex MELCHIORE CANO constituitur, atque hinc efficitur ab omni nos erroris notâ esse liberos. 74

CAP. XV. Aliæ notæ: quæ ad fidem pertinent paucis diluuntur: sapiens hæresim, malè sonans, periculosum in fide quid sit: schismaticum à D. STRIGONIENSI inustum, sed ne hujus quidem nominis significatione perspectâ. 78

LIBER TERTIUS.

Quòd DECLARATIO GALLICANA ab omni censurâ immunis sit ex ipso statu quæstionis demonstratur. 81

CAP. I. Adversarii falsa imputant Parisiensibus, ac pessimè constituunt statum quæstionis: Anonymus autor tractatus DE LIBERTATIBUS ECCLESIAE GALLICANA: Papæ suprema potestas & Monarchia Ecclesiastica à GERSONE, & aliis Parisiensibus agnita: Constantiensis Concilii loci à CAJETANO & aliis objecti: an recursus ad Concilium in extraordinariis casibus supremam Papæ impediatur in ordinariis casibus potestatem? *ibid.*

CAP. II. Falsò imputari Parisiensibus, quòd saltem in fidei causis, recursus ad Concilium semper sit necessarius. 86

CAP. III. Quòd si unus vel alter Romanus Pontifex in decreto fidei aberraret, nihil fidei Romanæ, nihil Romanæ Cathedræ Sedique Apostolicæ noceretur. 87

CAP. IV. Adversarii quæstionem de superioritate Papæ ad vana redigunt; casus hæresis evertit eorum generales regulas. CAJETANI argutia recitantur. 88

CAP. V. SUARIS labores æquè irriti circa depositionem Papæ in hæresim lapsi. 90

CAP. VI. CAJETANI ac SUARIS absurda effugia, non nisi aliis absurdioribus evitari

- posse: ALBERTI PIGHII sententia, quòd Papa, nec ut privatus, fieri possit hæreticus: alii quoque casus, quibus Papa Concilio habetur inferior. 92
- CAP. VII. Papam etiam certum, non modò hæreticum, sed & absque hæresi, schismaticum fieri posse DUVALLIUS docet ex TURRECREMATA & CAJETANO Cardinalibus, eumque Ecclesiæ autoritate statim deiciendum. 93
- CAP. VIII. De Concilii autoritate, quâ Papa teneatur in fidei causis: DUVALII locus. 94
- CAP. IX. Propter quæ scelera in Pontificem animadverti possit; Canonistas ferè omnes, non iisdem licèt verbis, in eamdem rerum summam convenire. 95
- CAP. X. De infallibilitate, positæ quæ necessariò conceduntur, nullam superesse veram difficultatem: unum ALBERTUM PIGHIUM consentanea dixisse, sed nova, & inaudita, & ferè ab omnibus spreta, in quæ tamen adversarij necessariò deducuntur, si sua cohærenter tueri velint. 97
- CAP. XI. Ex his consequi Romanos Pontifices in hac quæstione non se commoturos, cujus rei multa sunt argumenta: primum, ex Declarationibus Sacræ Facultatis anno 1663. toto Regno promulgatis, ipsis Pontificibus nihil conquerentibus. 103
- CAP. XII. EXPOSITIO DOCTRINÆ CATHOLICÆ Illustrissimi ac Reverendissimi Domini MELDENIS Episcopi in medium adducitur: duo INNOCENTII XI. Brevia ad eam approbandam: his consentiens PERRONII Cardinalis locus. 105
- CAP. XIII. Explosâ hæreseos, erroris, ac schismatis notâ, aliæ notæ excutuntur: articulos Gallicanos neque esse temerarios, neque scandalosos, neque piarum aurium offensivos: vera pietas cuni veritate & Traditione conjuncta: Censuræ vagæ & inconditæ: sancti Ambrosii locus: Prima Pars concluditur. 108
- EUSEBII Romani Presbiteri ac Martyris acta referuntur. 112

FINIS INDICIS.

ERRATA APPENDICIS.

- P**Ag. 28. l. 16. *firmitas*, leg. *firmatas*.
 32. l. 31. *Latonus*, leg. *Latomus*.
 35. l. 2. *pepensis* leg. *perpensis*.
 54. l. 7. *desinent*, leg. *desinant*.
 57. l. 14. *si*, leg. *sit*.
 59. not. l. 7. *sit*, leg. *fit*.
 68. not. l. *penult.* ut certa, leg. & certa.
 82. l. 11. *confessus*, leg. *confessus*. *Ibid.* not. l. 7. *Virgili*, leg. *Vigili*.
 92. l. 16. *sudere*, leg. *subdere*.

ERRATA

TOMI II.

- P** 10. 7. *lin. 5. consensione, leg. consensione.*
- p. 8. *l. 38. alsis, leg. aliis.*
- p. 17. *l. 9. exaenm, leg. examen.*
- p. 23. *l. 41. Eutychis & leg. Eutychetis.*
- p. 30. *l. 11. præsumptioni, leg. præsumptionis. Ibid. l. 33. prædicatas, leg. prædictas.*
- p. 33. *not. l. 6. Pontificii, leg. Pontificiis.*
- p. 41. *not. l. 8. Martyres. Eum leg. Martyres, eum.*
- p. 44. *l. 6. intenta, leg. intentata.*
- p. 66. *l. 2. indiscusam, leg. indiscussam.*
- p. 68. *not. l. ultim. Rex Galliæ & leg. & Rex Galliæ.*
- p. 71. *l. 7. PROPOSITIONIS, leg. DECLARATIONIS.*
- p. 103. *l. 1. habet, leg. habebat.*
- p. 104. *l. ult. adversatur, leg. adversantur.*
- p. 121. *not. l. 2. adès, leg. adedò. Ibid. l. 14. lle, leg. ille.*
- p. 127. *l. 3. Exclesiæ, leg. Ecclesiæ. Ib. l. 8. est, leg. esse.*
- p. 131. *not. l. 1. diem, leg. idem.*
- p. 139. *l. 9. ac si, leg. ac sic.*
- p. 140. *l. 36. adfuturum, leg. adfuturumque.*
- p. 141. *l. 21. complectabatur, leg. complectebatur.*
- p. 144. *l. 7. Romanæ, leg. Romani.*
- p. 150. *l. 21. constit, leg. constitit.*
- p. 160. *l. 38. vocatione, leg. vacatione.*
- p. 171. *l. 24. centum Archiepiscopis, leg. centum Episcopis.*
- p. 175. *l. 1. solveret, leg. solverat.*
- p. 197. *l. 23. Hæ, leg. Hæc.*
- p. 199. *l. 1. Sedès, leg. Sedis.*
- p. 215. *l. 28. reliquendam, leg. relinquendam.*
- p. 219. *l. 19. sic, dele.*
- p. 231. *l. 27. Papa Concilium, leg. Papa ad Concilium.*
- p. 258. *not. l. 5. contutit, leg. contulit.*
- p. 279. *l. 1. dictates, leg. dictatas.*
- p. 280. *l. 9. uperiùs, leg. superiùs.*
- p. 284. *l. 36. hanestâ, leg. honestâ.*
- p. 288. *l. 9. cavellationibus, leg. cavillationibus.*
- p. 307. *l. 37. Papæ, leg. Papâ.*
- p. 309. *l. 6. quantumbibèt, leg. quantumlibèt. Ibid. l. 26. egerit, leg. egerit.*
- p. 310. *l. 5. Is enim, qui dixerit, leg. Is enim est, qui dixerit.*
- p. 311. *l. 3. DUALL s leg. DUALLII. Ib. l. 5. Apostolicæ, leg. Apostolica.*
- p. 312. *l. 30. sublitate, leg. subtilitate;*

FINIS.

